


Ebe-No-Pfuase Ishobo  
Onogbo



New Testament in Ivbie North-Okpela-Arhe (NI:atg:Ivbie  
North-Okpela-Arhe)

**Ebe-No-Pfuase Ishobo Onogbo**  
**New Testament in Ivbie North-Okpela-Arhe (NI:atg:Ivbie North-Okpela-Arhe)**

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

**The New Testament**

in Ivbie North-Okpela-Arhe

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2019-08-09

---

PDF generated using Haiola and XeLaTeX on 21 Feb 2024 from source files dated 29 Jan 2022

03be06b0-68fd-500b-b9a9-6bca4b63979a

## Contents

iMatiu . . . . .	1
iMaki . . . . .	41
iLuku . . . . .	67
iJoni . . . . .	108
Ikanya . . . . .	139
iRoma . . . . .	177
1 iKoritia . . . . .	195
2 iKoritia . . . . .	212
iGalesha . . . . .	223
Efisha . . . . .	229
iFilipia . . . . .	236
iKolosha . . . . .	241
1 iTeſalonia . . . . .	245
2 iTeſalonia . . . . .	249
1 iTimoti . . . . .	251
2 iTimoti . . . . .	256
iTato . . . . .	260
iFilemo . . . . .	263
Iburu . . . . .	264
iJemhisi . . . . .	278
1 iPita . . . . .	283
2 iPita . . . . .	288
1 iJoni . . . . .	291
2 iJoni . . . . .	296
3 iJoni . . . . .	297
iJudu . . . . .	298
Irokhase . . . . .	300

## Usomhi Onete oyi iJesu iKirisiti ni iMatiu O keke

*Unuekpe oyi iJesu iKirisiti  
(iLuk 3.23-38)*

<sup>1</sup> Ona o khi akeke shi eke abi unuekpe oyi iJesu iKirisiti Omi iDefidi ni o khi Omi Aburaamu o li ze.

<sup>2</sup> Aburaamu o bia Aziki, Aziki o bia iGiekopu, iGiekopu o bia iJuda ali inyoghuo oli nya.

<sup>3</sup> iJuda o bia iPerezi ali iZera, okpotso ni o bia we, a lu iTama.

iPerezi o bia Ezironi. Ezironi o bia iRamu.

<sup>4</sup> iRamu o bia Aminadabu. Aminadabu o bia iNashoni, iNashoni o bia iSalimoni.

<sup>5</sup> iSalimoni o bia iBoazi, okpotso ni o bia iBoazi, a lu iRe-abu.

iBoazi o bia Obedi ni a lu inyoli iRutu. Obedi o bia iJese.

<sup>6</sup> iJese o bia iDefidi ni o khi oghie.

iDefidi o bia iSolomoni ni inyoli o kpe khi ughue Uraya.

<sup>7</sup> iSolomoni o bia iReobuamu. iReobuamu o bia Abija.

Abija o bia Asa.

<sup>8</sup> Asa o bia iJeoshafati. iJeoshafati o bia iJeoram, iJeoram o bia Uzaya.

<sup>9</sup> Uzaya o bia iJotamu. iJotamu o bia Aazi.

Aazi o bia Ezekaya.

<sup>10</sup> Ezekaya o bia iManase, iManase o bia Amoni. Amoni o bia iJosaya.

<sup>11</sup> iJosaya o bia iJekonaya ali inyoghuo oli nya egheghe ni a ro muno

egbo iZireni ighumha je iBabilo.\*

<sup>12</sup> Abi e ke ro rote iBabilo jele, iJekonaya o bia iShaliti.

iShaliti o bia iZerubabeli.

<sup>13</sup> iZerubabeli o bia Abiudu.

Abiudu o bia Eliakimu.

Eliakimu o bia Azori.

<sup>14</sup> Azori o bia iZadoki.

iZadoki o bia Akimu.

Akimu o bia Eliudu.

<sup>15</sup> Eliudu o bia Eliaza.

Eliaza o bia iMataani.

iMataani o bia iGiekopu.

<sup>16</sup> iGiekopu o bia iJosefu,

ni o rue iMeli inyi iJesu shi

ni a lu iKirisiti.

<sup>17</sup> Rote egheghe Aburaamu bhale egheghe iDefidi, e khi agbhotu igbene. Ke rote egheghe iDefidi bhale egheghe ni a ro muno egbo iZireni ighumha je iBabilo, e khi agbhotu igbene. Ke rote egheghe iBabilo bhale egheghe ni a ro bia iJesu iKirisiti, e gbo li khi agbhotu igbene gh.

*Abi a li bia iJesu iKirisiti  
(iLuk 2.1-7)*

<sup>18</sup> Abi a li bia iJesu iKirisiti na. Neni iMeli inyoli o ngeli na iJosefu ni oo gue oli. A bhale ya e khi iMeli oo me om o ni o rote obo oyi Ayemhe-no-pfuase bhale.† <sup>19</sup> Itobo khi iJosefu ughuoli, o khi ogbo ni o gue angeli, oo sali shi udu khi loli ya kuegbe-a ri imeli shi eke, ini loli khi yeghe oia ukpeloe agbo.

<sup>20</sup> Abi o lii sa ona shi udu, ajeni o bhale deba li alo elena, oo li, "iJosefu omi iDefidi, khi ke ze ni ulishi o mu e abi u li ya rue iMeli shi ughue, irari khi om o ni oo me, obo oyi Ayemhe-no-pfuase o te bhale. <sup>21</sup> O ya bia om o omose, eva ni u ya lu oni om o khi iJesu, irari khi o ya mie egbo eyoli olamhe pfuese."‡

<sup>22</sup> Eri a me enana ni a ro bhe ya e khi ingmemhi ni Eshinegba o rote unu oyi omekeguele ngme, ni e bhale ya tse. Ni oo,

<sup>23</sup> "Ghe khe! Omeshi ni oa le deba omose ghue o ya ke me om o, o bia om o omose, eva oyoli a ya ke lu iManueni."§ Abi ona o ngme khi, "Eshinegba o nu awa la."

\* **1:11** Li ze 2 Ighie 24.14-15; 2 Okhe 36.10; iJere 27.20 † **1:18** Li ze iLuk 1.27 ‡ **1:21** Li ze iLuk 1.31 § **1:23** Li ze Aza 7.14; 8.8,10

<sup>24</sup> Abi iJosefu o ro guale, o riele emini Onomhue o mhesa na li o riele, o rue iMeli ughue abi Eshinegba o gueye oli. <sup>25</sup> Eri-tse khi iJosefu o a tigbe le deba iMeli, ramhi ni o ro bia oni omoo omose. IJosefu o lu eva oyi oni omoo, iJesu.\*

## 2

### *Epfese ni e rote obini ovo o te e ngale bhale*

<sup>1</sup> Eoli ni a lu iBetilemu obini eke iJudia a bia iJesu shi, eghenge ni oghie ni a lu Erodu o ro khi oghie. Emose elesingme eghuo e rote obini ovo o te e ngale bhale eke iJerusalemu. <sup>2</sup> Ee mhila, ee lie, "Obo a bia oni omoo ni o ya khi oghie oyi egbo iJu shi? Irari khi anye she me ukpetata oyoli obini ovo o te e ngale, loli o ze khi anye bhale ni anye ya ga li."

<sup>3</sup> Abi oni oghie Erodu o ro suo ona, egbe ea ke sheshe loli ali egbo kpa ni e la iJerusalemu. <sup>4</sup> O luno ighie eyi ekpodalougamhi nya ali esese Ishi eyi iMosisi kugbe. O mhila we, oo we, "Obo e khi a ya bia iKirisiti Omiepfuese shi?" <sup>5</sup> E gueye oli, "Eoli iBetilemu na eke iJudia lo." "Irari khi igho emekeguele e keke shi eke khi:

<sup>6</sup> "iBetilemu na eke iJudia,  
yeye u ga khi oni o mu eloe ne nya  
elemhi eoli eniemhi  
ni e la eke iJudia.  
Aye oghie o te ya lasela,  
ni o ya ri egbo iZireni  
khasa ode."\*

<sup>7</sup> Igho oghie Erodu o lu eni emose egho ochi, o mhila we, "Eghenge onoghuo a ro me oni ukpetata?" <sup>8</sup> Igho o ghie we je iBetilemu, oo we, "A ke le, a kuegbe-a ya nono oli. A kha da me oli ne, a nyene egbe bhale ya gueye mhe ni mhi li ya ga li."

<sup>9</sup> Abi e ro suo abi Erodu o ro ngme se, e te agho fie lasela. Igho e gbo me oni ukpetata ni e kpe me obini ovo o te e ngale. O re we khasa ode ya ramhi ni o ro migha ukhomhi oni owa ni oni omoo o la. <sup>10</sup> Egbe e mema mu we abi e ro me oni ukpetata. <sup>11</sup> Igho e lo elemhi oni owa. Abi e ro me oni omoo ali inyoli iMeli, e wugha e ga li. E khueghie eku ni e tsua-a, e rue igolu ali afu ituale

ali oili ituale ni ee pfi ni e ghale somhi oli opfa. <sup>12</sup> Igho Eshinegba o tse agua ye we alo elena e khi gbo nyene egbe ukhokho deba oni oghie. Itobo igho e rote ode olese ya je apfe.

### *A rue iJesu na je eke ijipiti*

<sup>13</sup> Abi eni emose e ro je se, agheni oyi Onomhue o gueye iJosefu alo elena, oo li, "Erodu oo nono oni omoo ona ni lue gbe oli-a. Rue oli ali inyoli na je eke ijipiti. La agho ramhi eghenge ni mhi ro ya gueye u rote agho vu." <sup>14</sup> Obili o bi, iJosefu o rue oni omoo ali inyoli na je eke ijipiti. <sup>15</sup> Oobo o la ramhi ni oghie Erodu o ro ghu-a. Eri Eshinegba o riele ona ni a ro bhale ya e khi emini emekeguele o ngme khi o bhale ya tse. Ni oo, "Eke ijipiti mhi te lu omi mhe."†

### *Erodu o shi ushi a gbolo eniye enikeke-a*

<sup>16</sup> Abi Erodu o ro me khi eni emose ni e rote obini ovo o te e ngale bhale egho khi e di lue, Elemhi ee bi o egbegbo. O shi ushi a gbolo eniye emose enikeke ni e la eoli iBetilemu ali eoli ni e la gasa oli-a nya. Eniye rote ikpe eva tiemhi eke, abi eni epfese e gueye oni oghie eghenge ni e ro me oni ukpetata.

<sup>17</sup> Abi a li me oli ena, o ri ungmehi ni emekeguele iJeremaya o ngme bhale ya tse.

<sup>18</sup> "A suo okokokhue  
eke iRama,‡  
ni o khi oyi evie,  
ali evie oya.  
iReche oo vie imi oli,  
Aa yese oli,  
o a ze yese, irari  
khi imi oli e ghulo-a."

### *IJosefu ali apfoli e rote eke ijipiti jele apfe*

<sup>19</sup> Erodu o ro ghu-a se, agheni oyi Eshinegba o bhale deba iJosefu alo elena obini eke ijipiti. <sup>20</sup> Oo, "iJosefu, vule, rue omie ali ughue, a ke je eke iZireni irari khi eni ee nono ni wewe e gbe oni omoo-a, e she ghuloa."

<sup>21</sup> Igho iJosefu o vule, o rue oni omoo ali inyoli, o nyene egbe je eke iZireni. <sup>22</sup> Eri-tse khi abi iJosefu o ro suo khi Achelusi o ke shito ukpekhomhi oyi itali shi eke iJudia, ulishi o mu oli o a gbudu je oobo, o ri ochogho

\* 1:25 Li ze iLuk 2.21 \* 2:6 Li ze iMika 5.2 † 2:15 Li ze Osia 11.1 ‡ 2:18 Li ze iJere 31.15

ya je obini eke iGalili abi aḡeni o she kpe tse agua ye oḡi. <sup>23</sup> O ri iNazareti mele apfe oyoli-a. Irarigho, ungmehi ni emekeḡuele e ngme, o bhale ya tse. Ni oḡ. “A ya ke lu oḡi oḡi iNazareti.”<sup>§</sup>

### 3

*Iḡoni Oni oḡo batazi eḡbo oḡo tse abo*  
(iMak 1.1-8; iLuk 3.1-18; iḡon 1.19-28)

<sup>1</sup> Ikpe ni e bu e doḡe, iḡoni Oni oḡo batazi eḡbo oḡo lasele shi elemhi oḡagbe ifufu na eke iJudia, oḡo tse abo. <sup>2</sup> Oḡo lie, “A roḡe olamhe eye e mu pfi irari khi Eghiele oyi Eshineḡba o she ti bhale.”\* <sup>3</sup> Ingme oyi iḡoni ona, Azaya omekeḡuele oḡo ngme abi o roḡo lie,

“Oḡbo oḡhuo oḡo la elemhi  
oḡagbe ifufu e tseḡe, oḡo lie,  
‘Be ode-a na Onomhue roḡe,  
be oḡi sheshe.’”†

<sup>4</sup> Itsua ni iḡoni o roḡo so, iriria akphere a ro do we. O ri oḡbene ekuḡe elamhi mu oku. Initso ali oribo e khi eminale eyoli.‡

<sup>5</sup> IJerusalemu ali eke iJudia ali edeli ni e mama oke iḡodani nya eḡbo e roḡe e bhale ni e suo ungmehi oyoli. <sup>6</sup> O la elemhi oke iḡodani batazi eḡbo, ee zono olamhe eyewe lasele.

<sup>7</sup> Abi iḡoni o roḡo me khi eḡbo otu iFarisi ali iSadusi ni e bu e bhale deba li o batazi wewe, oḡo we, “Eḡe enye ali imi enye! Oḡhuo o tse agua ye e, a na, khi anasemhe oḡo bhale ni Eshineḡba o ya ghie ghi e?§ <sup>8</sup> A ke ngeli ingeli eni e ya roḡhasḡe khi a she mu pfi. <sup>9</sup> A khi ke sa khi a ya na pfue anasemhe ini a da lie, ‘Aburaamu o khi itita anye.’ Itobo khi Eshineḡba o doḡe ya roḡe eche ena wolo eniye lasele na Aburaamu.\* <sup>10</sup> A she to uze so udi oara. Oara ni o da mo umomhi onete ne, a ya khi oḡi pfilo erali.†

<sup>11</sup> “Ame mhi roḡo o batazi e memena, irari khi a she mu pfi. Oḡboese ni oḡo bhale ikpukhokho oyemhe, o fu doḡe mhe. Mhi a fe fute oni o tsua ekuḡe oyoli eke. Loḡi o ya ri Ayemhe-no-pfuase ali erali batazi e. <sup>12</sup> O mu ukpokpo ni a to akhuli ni o ze eafia so mhue obo oyoli, ni o roḡo ya ke ghiaghie we,

o pfi e fue ado-a, ashini a la kpishi we. Oo ti we gbili shi ashini a ri eminale e shi, eni e fue we egho, o ya ri erali ni ea ya pfua ghue tose we-a.”

*Abi iJesu o li batazi*  
(iMak 1.9-11; iLuk 3.21-22)

<sup>13</sup> IJesu o ya roḡe eke iGalili bhale oke iḡodani ni iḡoni o batazi lue. <sup>14</sup> Iḡoni, oḡo nono ni loḡi khu iJesu oni ibatizi, oḡo iJesu, “Yeḡe u kha batazi mhe, se u ke gbo li bhale deba mhe mhi batazi e?”

<sup>15</sup> IJesu o soḡi o, oḡo li, “Iiye. Kie ze ni awa lina rieḡe oḡi eghḡe ona, ni awa me asha ri oḡhuemhe oyi Eshineḡba gbe akanya pfo.” Iḡoni o lama shi oḡi o.

<sup>16</sup> A batazi iJesu se, khi o lese na roḡe elemhi oke ngale esḡe egele, o me khi idane o khueghie a. Igho o me khi Ayemhe oyi Eshineḡba o li abi anekhukhu tiemhile bhale ya ma li egbe. <sup>17</sup> A suo khi uruli o roḡe idane ngme, oḡo li, “Omimhe ni mhi nono ingme oyoli na, ni o ri egbe e mu mhe.”‡

### 4

*Imufe oyi iJesu*  
(iMak 1.12-13; iLuk 4.1-13)

<sup>1</sup> Ayemhe o rue iJesu je oḡagbe ifufu ni Okphaghie o me asha mu oḡi fe.\* <sup>2</sup> Abi iJesu o roḡo pfi azumhi oḡbele eḡbhueva se, okiamhi oo gbe oḡi. <sup>3</sup> Igho Okphaghie o bhale deba li, oḡo li, “Ini o khia khi Omi Eshineḡba u khi, nu eni eche ena ngme ni e mele eminale-a ne ni u le.”

<sup>4</sup> IJesu oḡo li, “Ebe-no-pfuase o ngme ghokhi:

“‘Oa khi eminale tse,  
o ri agbo a na oḡbo,  
ama ungmehi ni  
o roḡe Eshineḡba unu lasele kpa.’”†

<sup>5</sup> Igho Okphaghie o rue iJesu je iJerusalemu, eoli no pfuase. O rue oḡi ya nga apfiḡpfiemhi ashini o yagha ne shi Owa Oyi Eshineḡba ya migha. <sup>6</sup> Oḡo iJesu, “Ini o khi Omi Eshineḡba u khi, roḡe ukhomhi ana ji ya tiemhi ekeḡhe.” Irari khi Ebe-no-pfuase o ngme oḡi khi:

§ 2:23 Li ze iMak 1.24; iLuk 2.39; iḡon 1.45 \* 3:2 Li ze iMat 4.17; iMak 1.15 † 3:3 Li ze Aza 40.3 ‡ 3:4 Li ze 2 Ighie 1.8 § 3:7 Li ze iMat 12.34; 23.33 \* 3:9 Li ze iḡon 8.33 † 3:10 Li ze iMat 7.19 ‡ 3:17 Li ze Igbae 22.2; Iwolo 2.7; Aza 42.1; iMat 12.18; 17.5; iMak 1.11; iLuk 9.35 \* 4:1 Li ze Iburu 2.18; 4.15 † 4:4 Li ze iDeut 8.3

“Eshinẹgba ọ ya  
ri unu na igeni eyọli  
e ri ẹloe shi ẹ egbe  
e kpe abọ muẹ,  
Ini u khi khi owẹ  
shi ẹche.”

<sup>7</sup> Ijesu ọọ li, “A gbo li keke ọ shi Ebe-no-pfuase khi, ‘Khi mu Eshinẹgba Onomhuẹ oye fe bino.’”

<sup>8</sup> Igho Okphaghie ọ rue ijesu nga ukhomhi ute ni o lolo yagha, ọ ga ri eghiele ni e la agbo ona nya ali isomhotse oyewe khasẹ oli. <sup>9</sup> Oọ li, “Ena nya mhi ya ro ne ini u lese nyese ukhomhi ga mhe.”

<sup>10</sup> Ijesu ọọ li, “Vu mhe alo-a, Okphaghie! Ebe-no-pfuase do liẹ,  
“Nyese ukhomhi na  
Eshinẹgba Onomhuẹ oye,  
lọlghuo kpe wa ke ga.’”\*

<sup>11</sup> Igho Okphaghie ọ ze ijesu obo, igeni e bhale ya kpaghie oli obo.

*Ijesu ọ rote iGalili gba ikanya eyoli eke le  
(iMak 1.14-15; iLuk 4.14-15)*

<sup>12</sup> Abi ijesu ọ ro suo khi a mu ijoni shi owa ighumha, ọ nyene egbe je edeli iGalili.†

<sup>13</sup> Oa migha iNazareti, ọ je iKapanomu, edeli ni o la ukiekie oke iGalili ni o la eke iZebulo ali iNafutali.‡ <sup>14</sup> Eri a me ena ni a ro bhale ya ẹ khi ungmehi ni Azaya omekeguele ọ ngme, o bhale ya tse, ni ọ la lie,

<sup>15</sup> “Ee eke iZebulo  
ali eke iNafutali,  
ni a la ini a da oke ijodani lase,  
iGalili, ni egbo  
ijetaS e ngeli, ni o la ode ni o je oke  
oniemhi.

<sup>16</sup> Egbo ni e la alo ebili  
e ya me akpa oniemhi.

Oni akpa ọọ ngale na  
egbo ni o li abine khi  
eghuli o ti mama we.”\*

<sup>17</sup> Rote agho vu ijesu ọ rote tse abo kia guele, “Ogboogbo ọ mu pfi, irari khi Eghiele oyi Eshinẹgba o she ramhi.”†

*Ijesu ọ lu egbifele aane e deba lue  
(iMak 1.16-20; iLuk 5.1-11)*

<sup>18</sup> Abi ijesu ọ li kia epfepfe oke oniemhi iGalili, igho ọ me iPita ali Aduru, ogbo ali inyoghuo ni e khi egbifele khi e ri aga a gbe ifele oni oke-no-khishi. <sup>19</sup> Ijesu ọọ we, “A bhale deba mhe khi mhi ya sese ẹ abi a ke lie ke lu egbo bhale, ocho ni a ro ọ gbe ifele.”

<sup>20</sup> Aghoagho e ze aga eyewe obo, e deba li.  
<sup>21</sup> O ke le, ọ me ogbo ali inyoghuo, iJemhisi ali ijoni imi iZebedi khi e nu itawe la elemhi oko oke ni e lo, e ri ele aga oyewe ẹ ri ele. Ijesu ọ lu we e bhale. <sup>22</sup> Aghoagho e lase oko-oke le, e pfi itawe shi agho, e deba li vu.

*Ijesu ọ ri eni ee ghua ze  
(iLuk 6.17-19)*

<sup>23</sup> Ijesu ọ kia asha kpa eke iGalili ọ la owa ugamhi eyewe sese we usomhi onete oyi iloghie, ali ọ ri egbo ni e mhue ighuamhi ododa ze. <sup>24</sup> Igho a li suo eko oli ushishi iSiria ogho nya, ya ramhi khi egbo e tsua eni mhue ighuamhi ali anasemhe ododa, ghe eni e mhue ayemhe okphaghie ali ughuamhi ni ọọ mu ogbo pfi gbe ali eni e guogho-a bhale deba ijesu. Ọ ga rewe ze nya. <sup>25</sup> Igho ebubu egbo e rote iGalili ali eoli iDikapolisi ali iJerusalemu, eke iJudia ali egbo ni e la ukiekie obinokpole oyi oke ijodani, e deba li.

## 5

*Osesẹ ni ijesu ọ la esọ ute sese*

<sup>1</sup> Abi ijesu ọ ro me oni olele egbo, ọ ti nga esọ ute denẹ, ọ shito. Eniye odukhokho eyoli e bhale ya shito gase oli. <sup>2</sup> Oọ sese we, ọọ lie,

<sup>3</sup> “Ikhivose o khi oyi egbo  
ni e lese khi  
Eshinẹgba ọ mhue emhikpa,  
we we e mholi obo shi  
Eghiele oyi Eshinẹgba.

<sup>4</sup> Ikhivose o khi na egbo  
ni ee vie,\*

Eshinẹgba ọ ya yese we.

<sup>5</sup> Ikhivose o khi oyi egbo ni  
e ti egbewe tiemhile,†

Eshinẹgba ọ ya ri  
agbo ona nya na we.

‡ 4:6 Li ze Iwolo 91.11,12 § 4:7 Li ze iDeut 6.16 \* 4:10 Li ze iDeut 6.13 † 4:12 Li ze iMat 14.3; iMak 6.17; iLuk 3.19-20 ‡ 4:13 Li ze ijon 2.12 § 4:15 Egbo ijeta khi egbo ni e la eke agbo ona nya ni ea khi egbo iZireni. \* 4:16 Li ze Aza 9.1-2 † 4:17 Li ze iMat 3.2 \* 5:4 Li ze Aza 61.2 † 5:5 Li ze Iwolo 37.11

6 Ikhivose o khi oyi egbo ni okiamhi ali okiame igue-ngeli oo gbe,‡

Eshinegba o ya ri emini e nono na we.

7 Ikhivose o khi oyi egbo ni e mholi ilelemhi na egboese,

Eshinegba o ya mholi ilelemhi na we.

8 Ikhivose o khi oyi egbo ni e mholi udu no pfuase,§ e ya me Eshinegba.

9 Ikhivose o khi oyi egbo ni ee dua ini opfomhe o la o, Eshinegba o ya lu we imioli.

10 Ikhivose o khi oyi egbo ni a mu okhohi vule shi o irari khi e da riyele emini Eshinegba o nono,\*

wewe e mhohi oboshi eghiele oyi Eshinegba.

11 “Ikhivose o khi ne, ini egbo e mu okhohi vule shi e o, ee kie iwali egbhohi ododa me irari khi u mie mhe suo.† 12 Ze ni u ke ghele, egbe ee mue, irari khi eleli oye ni o la iloghie oo gbodi gba. Ina e li mu okhohi vule shi emekeguele o ni e kpe bhale khe.‡

*Ugbheli ali akpa oyi agbo a khi*  
(iMak 1.16-20; iLuk 5.1-11)

13 “Eri a li abi ugbheli shi agbo o. Ini ugbheli o wasa oviolo oyoli-a, aa ke tigbe mhohi abi a li ya roli gbo mele ugbheli-a. Aa ke roli ya li emhikhoghwo dose a ku oli kua ni a ri awe lighi oli eke.

14 “Eri a li abi akpa shi agbo o. Owa ni a to shi ukhomhi ute oa ya sheli.§ 15 Aa me ogbo ni o ya ri akpa ru se, o khukhu oli shi atalabi. Eri o ya ri ochoghwo rue oli nga asha na keghe, ni o ke me eke ni egbo ni e la oni owa e ke me eke.\* 16 Ligho ze ni akpa oye o ke ge khasa egbo, ni e ro me ikanya enete eye ni e me asha kuoghi Eshinegba ni o la iloghie.†

*Osesa abi ishi eyi iMosisi o ngme*

17 “A khi dabi khi eri mhi bhale ya shishi Ishi eyi iMosisi eke-a, a khi a dabi khi eri

mhi bhale ya shishi emini emekeguele e sese-a. Iiye! Eri mhi bhale ya re we tse. 18 Ze mhe gueye khi eke ali ukhuli e kha da kie la o ne, ukpamhi ingme okhoghwo oa ya wa Ishi eyi iMosisi-a, ini emini e keke we shi eke shi nya ea li bhale ya tse.‡ 19 Itobo igho, onini o da gbe ushi ni o ga she ne a nya, ni o gbolo e sese egbo e li ligho ne, loli o ga ya she ne nya Eghiele oyi Eshinegba, onini o da riyele we ni o gbolo e sese egbo eni ishi eyi Eshinegba ne, o ya khi onofune Eghiele oyi Eshinegba. 20 Mhi gueye e khi ini igue-ngeli oye o da dose igue-ngeli oyi esese Ishi eyi iMosisi ali egbo iFarisi ne, aa ya lo Eghiele oyi Eshinegba.

*Osesa oyi ingme elemhi ibibi*  
(iLuk 12.57-59)

21 “A suo khi egege ni o dose khi a gueye eni egbhali, ee, ‘Khi gbe ugbeli, onini o da ligho ne, a ya ri oli gue ezo.’§ 22 Ama memena mhi gueye e khi oni o da mhue ofu deba inyoghwo oli ne, a ya roli gue ezo. Oni o da lie inyoghwo oli, ‘Yeye ogbo afue ona!’ A ya rue oli bhale deba enighie. Oni o da lu inyoghwo oli, ‘Yeye oyege ona!’ O ya la okhena erali na ilimhi iriere.

23 “Ini u mhue isomhopfa ni u wa nono ni u ro ghi Eshinegba ukhomhi atete, ni u ro da sato khi inyoghwo e o mhue ofu ne shi emini u riyele oli ne, 24 ze oni isomhopfa ogho oboshi odalo atete, u je apfe ni yeye ali oni inyoghwo e ni a ro riyele, u tigbe bhale ya ri isomhopfa oye na Eshinegba.

25 “Ini obe e o rue e le ikotu, nyanya lema li abi a li la ode e le egho neni a ramhi agho. Ini oa khi igho, o ya rue e na oso-ezo, oni oso-ezo o rue e na ogbanelemhi, o rue e ya khukhu shi owa ighumha. 26 Abi o li mhi li gue oli e ye e khi, waa ya rote agho lasese ini u waa li ze oko na fie pfo nya.

*Osesa ingme okia*

27 “A suo egege ni o dose khi a lie, ‘Khi kia okia.’\* 28 Ama memena mhi gueye e khi onini o da ri oghumhe itsebo bino okpotso ne, o she kia okia deba oni okpotso elemhi usamhi udu oyoli. 29 Irarigho, ini o khia khi

‡ 5:6 Li ze Aza 55.1-2 § 5:8 Li ze Iwolo 24.3-4 \* 5:10 Li ze 1 iPit 3.14 † 5:11 Li ze 1 iPit 4.14 ‡ 5:12 Li ze 2 Okhe 36.16; Ika 7.52 § 5:14 Li ze iJon 8.12; 9.5 \* 5:15 Li ze iMak 4.21; iLuk 8.16; 11.33 † 5:16 Li ze 1 iPit 2.12 ‡ 5:18 Li ze iLuk 16.17 § 5:21 Li ze Okiali 20.13; iDeut 5.17 \* 5:27 Li ze Okiali 20.14; iDeut 5.18



eloe na obita oye o ya ze ni u lo owa ere, vuonyo li pfa, irari khi o ti ne ini egbe ea gba ne ya lo iloghie, dose khi yeye nya u lo ilimhi iriere.† 30 Ini o khia khi obita oye o ya ze ni u pfido ya lo owa ere, khi oli pfa. O tine ni u ze obo oghuo ya lo iloghie dose khi yeye nya u lo ilimhi iriere.‡

### *Osese ipfa ughue-a*

(iMat 19.9; iMak 10.11-12; iLuk 16.18)

31 “A li ngme oli shi Ishi eyi iMosisi khi, ‘Omose o kha khu ughue oli, o nya ebe ipfa ughue-a na li.’§ 32 Ama memena mhi gue e ye e khi, oni o da khu ughue oli ni o khia khi o a khi eri o kia okia ne, o she yese oni okpotso mele okiokia-a. Omose ni o rue oni okpotso ogho, eri o li kia okia.\*

### *Osese ironga*

33 “A gbo li suo khi a gueye egbo ena elele, ‘A khi da ironga ni a ro nga, ama emini u romhi Onomhue ro nga, khi da o, ligho roli tse.† 34 Emini mhi ke gue e ye e mena khi, khi ga romhi isheli kpa. Khi romhi idane irari khi ooboo ukpekhomhi oyi Eshinegba o la.‡ 35 Khi gbo li romhi ekekhe, irari khi loli khi akphawe-nga oyi Eshinegba. Wexhi iJerusalemu, irari khi loli o khi eoli oyi Oghie no fune.§ 36 Khi ga ri ukhomhi oye romhi ishe, irari khi waa ya dobe ri etsui oghuo kpe bishi a we khi eri u dobe roli ya pfause-a. 37 Ungmemhi oye o lese migha shi ii, okekhi iye, emini o da dose igho ne, oboo oyi Okphaghiye o te bhale.

### *Khi ri onobe fali ota onobe*

(iLuk 6.29-30)

38 “A suo khi a kpe ngme oli, khi, ‘A ri ukpeloe fata ukpeloe, ali ekoli o fata ekoli.’\* 39 Ama mena, mhi gueye e, a khi riyele ogbo to o ini o riyele e onobe. Ini ogbo, o lase e eso obita nyene ona ogobo na li gbo lase. 40 Ini ogbo oo nono ni loli lue ezoo, ni loli ro mie e awulu oye, bie gbo gueghie oni u so kpoke ma o nali. 41 Ini ogbo o ri itoto lie u tsua itsua na lue imali oghuo, tsua we

imali eva. 42 Ini ogbo o mhila e emhi, rona li. Ngmomhi na oni o ye ongmomhi deba e.

### *Mholi inono na ebe e* (iLuk 6.27-28,32-36)

43 “A she suo khi a lie, ‘Nono ingme oyi onuzi-ava oye, u ke biselemhi obe e.’† 44 Ama mhi gueye e. Nono ingme oyi obe e, u gbo so iromhi na eni mu okholi vule shi e o. 45 U kha lina, eri u wa ngeli abi ite na iloghie. Irari khi loli o ri ovo oyoli e to na egbo okholo ali egbo enete. Igho o gbo lie ruese ame na egbo okholo abi o lie ruese oli na egbo enete. 46 Se u ke li ya me asha mhue eleli oboo oyi Eshinegba ini u lese nono egbo ni e nono ingme oye? Egbegbi emionoga e lili e ligho. 47 Ini o khia khi inyoghuo e tse u lese e tse, ighe ikhioda ni o la yeye ali eni ea miesuo o? Eni ea miesuo e lili e ligho. 48 Itobo ona, ze ni u gba pfo abi Ite na iloghie o li gba pfo.”‡

## 6

### *Osese isomhopfa*

1 “Gue kia ini u khi riyele igue-ngeli abamemhe ukpeloe egbo. Ini u wa a ligho, wa a ya mhue eleli oboo oyi Eshinegba Ita ni o la iloghie.\*

2 “Ini u ri isomhopfa na egbo ni ea mhue, khi roli pfi akala ke kiakia, abi eni ea miesuo ee li elemhi owa ugamhi ali ifuapfe. Eri e ligho ni egbo e ba kueghie we. Abi o li mhi li gue e ye e, khi, e she mie eleli eyewe se. 3 Ama rona oni o la omunu, khi ze ni ogboese o lese. 4 Egheghe agho o khi emhi osheli, ni Ite ni o la iloghie ni oo me emini u riyele elemhi osheli, o ri eleli ne.

### *Osese abi a lie so iromhi*

(iLuk 11.2-4)

5 “Yeye o ye ini u ya so iromhi khi ya riyele oli abi eri ugamhi ku alo ni ee migha epfe ode ali elemhi owa ugamhi ini egbo e ba ke me we. Abi o li mhi lie gue oli e ye e khi e she mhue eleli oyewe gba se.† 6 Ama ini u ya so iromhi, lo elemhi owa oye, u khukhu ode, u so iromhi ghi Ita e ni o la

† 5:29 Li ze iMat 18.9; iMak 9.47 ‡ 5:30 Li ze iMat 18.8; iMak 9.43 § 5:31 Li ze iDeut 24.1-4; iMat 19.7; iMak 10.4 \* 5:32 Li ze iMat 19.9; iMak 10.11-12; iLuk 16.18; 1 iKori 7.10-11 † 5:33 Li ze iLev 19.12; iNoba 30.2; iDeut 23.21 ‡ 5:34 Li ze iJem 5.12; Aza 66.1; iMat 23.22 § 5:35 Li ze Aza 66.1; Iwolo 48.2 \* 5:38 Li ze Okiali 21.24; iLev 24.20; iDeut 19.21 † 5:43 Li ze iLev 19.18 ‡ 5:48 Li ze iLev 19.2; iDeut 18.13 \* 6:1 Li ze iMat 23.5 † 6:5 Li ze iLuk 18.10-14

osheli, Itẹ ni ọ la osheli ni ọọ mẹ emini a li osheli, ọ ya ri eleli gba nẹ. <sup>7</sup> Ini u ya sọ iromhi, khi ke riẹlẹ ungmehi oghuo ngme itingmingmẹ, abi eni ẹa miesuọ ẹẹ li. Eri ẹẹ dabi khi ingmemhi ni e bu dọsẹ Ẹshinẹgba oyẹwẹ ọ rọ suọ wẹ. <sup>8</sup> Khi li abi wẹwẹ. Itobọ khi Itẹ ọ shẹ kpẹ lẹsẹ emini u wa nono neni u mhila li.

<sup>9</sup> “U kha sọ iromhi, ke liẹ:

“Ita anye ni ọ la iloghie,  
anye ri ufumhi na

eva oyẹ no pfuasẹ,

<sup>10</sup> zẹ ni Omhẹsẹ oyẹ o bhale.

Zẹ ni a riẹlẹ oghuẹmhe oyẹ  
ekẹ agbọ abi a liẹ riẹlẹ ọli  
obini iloghie.

<sup>11</sup> Ri eminale ona  
ogbe-namo na anye.

<sup>12</sup> Gbe olamhẹ kua na anye,  
abi anye liẹ gbe kua  
na ẹgbọ ni e lamhẹ shi anye ọ.

<sup>13</sup> ‘Khi zẹ ni anye  
de pfilo imufẹ,  
mie anye pfuese obọ oyi ọkphaghie.’

<sup>14</sup> U kha gbekua na eni e lamhẹ shi ẹ ọ, Itẹ na iloghie ọ ya li gbekua nẹ. <sup>15</sup> Ama ini u wa a gbekua na eni e lamhẹ shi ẹ ọ, Itẹ na iloghie ọa ya li gbekua nẹ.‡

### *Abi a liẹ pfi azumhi*

<sup>16</sup> “U kha pfi azumhi, khi wushe alo-a shi ukhomhi abi eni ẹa miesuọ ẹẹ li. Eri ẹẹ nyenẹ alo zẹ shi ukhomhi ini ẹgbọ e ba lẹsẹ khi ẹẹ pfi azumhi. Abi o li mhi li gue ẹ yẹ ẹ, e she mhue eleli oyẹwẹ se. <sup>17</sup> Ama u kha pfi azumhi, ri oili shishi ukhomhi rọ dala egbe-a, u pfiono itsu-a shi ukhomhi, <sup>18</sup> ini ẹgbọ e khi lẹsẹ khi azumhi wa pfi. Ama ọni Itẹ ni ọọ mẹ osheli nya ọ ya ri eleli nẹ gbodojo.

### *Ẹpfue ena obini iloghie* (iLuk 12.33-34)

<sup>19</sup> “Khi ti ẹpfue ma leghe na egbe ẹ shi elemhi agbọ ona, ni ifu e la le emhi, ni emhi e la mu oghuoghuo-a, ali ni ighiatọ e la doḅẹ ẹ do. § <sup>20</sup> Ochoghọ ti ẹpfue ma iloghie ni ifu ẹa doḅẹ la le emhi, ali ni emhi ẹa la mu oghuoghuo-a wẹkhi ighiatọ e doḅẹ la do.

<sup>21</sup> Irari khi asha ni ẹpfue oyẹ o la aghọ udu oyẹ ọọ la.

### *Ákpá oyi idiegbe* (iLuk 11.34-36)

<sup>22</sup> “Ikpamhi alo e khi ákpá ni idiegbe o mhue. Ini ukpẹloẹ oyẹ o dala, egbe eyẹ nya o khi ákpá. <sup>23</sup> Ama ini alo eyẹ ẹa ti, idiegbe eyẹ nya e khi alo ebili. Ini a ke bhale ya ẹ khi ákpá ni o la idiegbe oyẹ o khi obili, sẹ oni obili o ke bẹshi liẹ gba ramhi shi idiegbe oyẹ!

### *Ẹshinẹgba ali ẹpfue* (iLuk 16.13; 12.22-31)

<sup>24</sup> “Ọgbọkoghuo ọa doḅẹ ya ga ega ava. Eri ọ ya nono ingme oyi oghuo, elemhi ọnọkpọlẹ ẹẹ bi ọli. Ọ ya ke suọ esọ na oghuo, ọ ri ukpẹloẹ gbe ọnọkpọlẹ. Ọgbọ ọa ya doḅẹ ga Ẹshinẹgba ali ukpaghọlọ utoghuo.

<sup>25</sup> “Onana o zẹ ni mhi rọ gueyẹ u khi ke sa usamhi emini a le ali emini a da, wẹkhi usamhi egbe ẹ emini u ya sọ. Agbọ oyẹ ọa fu dọsẹ eminale? Abi khi eri idiegbe oyẹ ọa fu dọsẹ ode? <sup>26</sup> A bino ipfeli ni e la idane, ẹa rọ kọ wẹkhi eri ẹẹ khiẹsẹ tima shi aka. Ama eri Itẹ na iloghie ọ kie ri ẹloẹ ẹ khu wẹ. Aa mu ẹloẹ dọsẹ wẹ? <sup>27</sup> Ọngẹẹ ọnoghuo ọ doḅẹ ya ri isamhi ali ayele khi iwakati oghuo kpe ma agbọ oyọli?

<sup>28</sup> “Elo o zẹ ni a rọ ọ sa usamhi ode ni a rọ ọ ku egbe? A bino idodo ni e la ifui ebuli, khi ẹa ya gbe akanya wẹkhi eri ẹ fia ide zu egbewẹ. <sup>29</sup> Ama mhi gueyẹ ẹ khi ashini Oghie iSolomoni ọ mhue ufumhi ramhi, ọa khuẹ akhuẹ ramhi udodo okhoghuo ena.\*

<sup>30</sup> Ini Ẹshinẹgba ọ lina ri ide ku ebuli tşẹ, ni o kha la ọ amo, akọ o to-a, sẹ ọa kẹ liẹ li ri ode ku ẹ? Ẹẹ ẹgbọ ni irudunga oyẹẹ o shẹ. <sup>31</sup> Itobọ ighọ khi ke ye le obini u ya mẹ eminale le ali obini u te ya mẹ da, ali obini u te ya mẹ ide ku egbe. <sup>32</sup> Emhi enana eni ẹa miesuọ e na khu, ama Itẹ na iloghie ọ lẹsẹ khi a kha mhọli emhi eghoghọ kpa.

<sup>33</sup> Ochoghọ kpẹ zẹ ni Ẹshinẹgba ọ mhẹsẹ shi agbọ oyẹ ne, ni u ri eni omhẹsẹ gbe akanya, khi ọ ya ri emhi enekpọlẹ nya ma ọ nẹ.

<sup>34</sup> Irarighọ, khi ke zẹ ni ayele akọ o nase udu amo, akọ o ya sa usamhi egbọli. Ogbẹlẹ ọgbọgbọ o mhue anasẹmhe oyọli.”

‡ 6:15 Li zẹ iMak 11.25-26 § 6:19 Li zẹ iJem 5.2-3 \* 6:29 Li zẹ 1 Ighie 10.4-7; 2 Okhẹ 9.3-6

## 7

*Igue egbo ezo*  
(iLuk 6.37-38,41-42)

<sup>1</sup> “A khi gue egbo ezo, ini Eshinegba o khi gue e ezo. <sup>2</sup> Irari khi abi u li gue egboese ezo, igho Eshinegba o li ya gue ezo oye. Emini u ro mhese na ogboese a li ro ya mhese ne.\*

<sup>3</sup> “Elo o ze ni u ro me uku ni o la inyoghuo e eloe ni u waa ro me ufolo oara ni o pfida e eloe? <sup>4</sup> Se u ke lie gueye inyoghuo e, ‘Ze ni mhi rue e uku eloe le,’ ni yeye oye wa a ro me ufolo oara ni o pfida e eloe? <sup>5</sup> Yeye o ri ugamhi ku alo, kpe rue ufolo oara ni o pfida e eloe-a ne neni u tigbe ya meke rue oni o la oyi inyoghuo e o-a.

<sup>6</sup> “Khi ri emhi ipfuase na ewa. Khi pfi emini o mu eloe abi igolu ghi igulu. Eri e ya wu we eke-a, e so alo okholi ghue e.

*Mhila, u nono, u kpheli*  
(iLuk 11.9-13)

<sup>7</sup> “Mhila khi a ya ro ne. Nono khi u ya me rue, kpheli obode khi a ya khueghie-a ne. <sup>8</sup> Irari khi oni o mhila, loli a ro o na. Ogboni o nono loli o me e rue. Oni o kpheli obode, loli a khueghie-a a na.

<sup>9</sup> “Ongege onoghuo o bia ni omioli o ya mhila li ibuledi ni o ya rue echeli na li? <sup>10</sup> O kha mhila e afele, enye u ya rue na li? <sup>11</sup> Ini ee ni a khi egbo ebe a lese abi a li ri eminete e na imi e, se Ita ni o la iloghie o ke beshi li ya ri eminete na egbo ni e mhila li? <sup>12</sup> Irarigho, abi u nono ni ogbo li riele deba e, yeye li ligho riele deba li. Irari khi emini Ushi oyi iMosisi ali emekeguele e sese nya na.†

*Ode unuekpe na pfi ali ona gbada*  
(iLuk 13.24)

<sup>13</sup> “Ro te ode unuekpe na pfi lo. Irari khi ode unuekpe na gbada ali ode agbala na gbada o khi ode ni o je owa ere, ebubu egbo e rote o. <sup>14</sup> Ode ni o je iloghie eri oo riele, ode unuekpe ni a te e je o, oo pfi, ama ikuku egbo e rote o.

*Oara ali ikpamhi eyoli*  
(iLuk 6.43-44)

<sup>15</sup> “A be eke ma emekeguele egbholi. Eri e ri eku osumha ku egbe, ama elemhi udu

oyewe, idumhi ni e nyano ogbo le e khi. <sup>16</sup> Angeli oyewe o re we e khase emini e khi. Okphekphe o a ya mo udumhi olomu, we khi eri oo mo udumhi okhua eni. <sup>17</sup> Oara onete oo mo udumhi onete. Oara ni o a ti oo mo udumhi ni o a ti. <sup>18</sup> Oara onete o a ya mo udumhi ni o a ti, wekhi eri oara ni o a ti o dobe ya mo udumhi onete. <sup>19</sup> Oara kpa ni o a da mo udumhi onete ne, eri a ya khi oli pfi, a tose oli a.‡ <sup>20</sup> Itobo igho emini emekeguele egbholi ee riele, u te e lese we.§

*Mhi aa lese oni u khi*  
(iLuk 13.25-27)

<sup>21</sup> “Oa khi ogbokpa ni oo lu mhe, ‘Onomhue, Onomhue’ o ya lo eghiele oyi Eshinegba, ama egbo ni e riele ogueme oyi Itamhe ni o la iloghie. <sup>22</sup> Ini ele iguezo o ramhi, ebubu egbo e ya lie mhe, ‘Onomhue, Onomhue, anye ee she ri eva oye me eke guele, anye ri eva oye khu egbo iyemhe ebe egbe-a, anye gbo gbe ikanya onyaloa ododa?’ <sup>23</sup> Egheghe agho mhi ya gueye we gboo, ‘Mhi aa lese e. A vu mhe ana le pia, ee egbo okholo ena.’\*

*Egbo ava ni e to owa*  
(iLuk 6.47-49)

<sup>24</sup> “Ogbokpa ni o da suo ungmehi oyemhe ni o da roli gbe akanya ne, eri o li abi ogbo olesingme ni o to owa nga ukhomhi eche. <sup>25</sup> Ini amee o rie rue, ni ochikpho o ro tu, khi akpekpeli o rie li gbe oni owa ogho, o a o ya de, irari khi ukhomhi eche a to li nga. <sup>26</sup> Ama ogbo ni o da suo ungmehi oyemhe ni o da roli gbe akanya ne eri o li abi oyeghe ni o to owa nga ekhashe. <sup>27</sup> Amee o kha rue, ni ochikpho o ro tu, ni akpekpeli o ro li gbe oni owa ogho, oni owa o de kua, o de udemhi osanabe.”

<sup>28</sup> Abi iJesu o ro ngme se, osese oyoli o ri abo sha eni e legba. <sup>29</sup> Irari khi eri o sese egbo abi ogbo ni o lese emini oo sese.†

## 8

*Omose ashomha*  
(iMak 1.40-45; iLuk 5.12-16)

<sup>1</sup> Abi iJesu o rote ukhomhi ute tiemhile, ebubu egbo e bhale deba li. <sup>2</sup> Igho omose

\* 7:2 Li ze iMak 4.24 † 7:12 Li ze iLuk 6.31 ‡ 7:19 Li ze iMat 3.10; iLuk 3.9 § 7:20 Li ze iMat 12.33 \* 7:23 Li ze iWolo 6.8 † 7:29 Li ze iMak 1.22; iLuk 4.32

ashomha oghuo o bhale ya wugha iJesu odalo, o o li, “Onomhue, ini o ghole e, u dobe ya re mhe ze.”<sup>3</sup> IJesu o nise obo-a ti oli, o o li. “O ghole mhe, khi oni o ze.” Aghoaghoni omose o ze.<sup>4</sup> IJesu o o li, “Khi gueye ogbokhoghuo, ama ka ri egbe e khase ekpodalo-ugamhi eyi Eshinegba, ni u ri ele iluasobo ni iMosisi o o a ke ri ele ini a ri oni efafe mu pfuase.”\*

*Irudunga ni okholi-okhue o rokhase  
(iLuk 7.1-10)*

<sup>5</sup> Abi iJesu o ro lo iKapanomu le, okholi-okhue ni o mheshe na ekholi-okhue egbhueshe oyi iRomu oghuo o bhale ya lema li ikpaghiobo. <sup>6</sup> O o li, “Onomhue, oni o o ga mhe o ga yeshi apfe e ghu-a egbegbo. Eri o guogh o a.”

<sup>7</sup> IJesu o o li, “Mhi ya bhale ya roli ze.”

<sup>8</sup> Oni okholi-okhue o o li, “Onomhue, iye, lese ngme oni ungmehi tse, khi oni o o ga mhe o ya ze. Irari khi mhia fu te ni u wa bhale apfe oyemhe. <sup>9</sup> Mhemhe oyemhe, mhi li mholi ekholi-okhue eni e fu dose mhe, mhi li mhue elese ni mhia mheshe na. Mhi kha gueye ona o ke le, o o le, mhi elese o bhale, o bhale. Mhi khe oni o o ga mhe o li ona, o li oli.”

<sup>10</sup> Abi iJesu o ro suo emini oni omose o ngme, abo e sha li. O o eni e deba li, “Abi o li mhi li gue oli e ye e ena khi mhia me irudunga onabi onana ghue eke iZireni.

<sup>11</sup> Mhi gueye e khi ebubu egbo e ya rote obini ov o te e ngale ali obini ov o te e lo eko, bhale ya nu Aburaamu ali Aziki ali iGiekopu shito ukue na eghiele na iloghie†.

<sup>12</sup> Ama egbo ni e kha la iloghie, a ya pfi we je eke alo ebili ni e la ke vie, ee le ak o ak o.”‡

<sup>13</sup> IJesu o o oni okholi-okhue ogho, “Ke je khi o ya ligho ne abi u li mholi irudunga egho.” Igho oni o o ga li o ze oni eghoghe ni iJesu o la ngme oli igho tee.

*IJesu o ri ebubu egbo ze  
(iMak 1.29-34; iLuk 4.38-41)*

<sup>14</sup> Abi iJesu o ro bhale apfe oyi iPita, o me khi o o iPita ni okpotso o yeshi khi o o ghu ughuamhi iba. <sup>15</sup> IJesu o ri obo ti oli, eni iba e lase oli egbe le. O vule o fe li oli epfese.

<sup>16</sup> Abi ogbomhi o ro mu eke, ebubu egbo e wolo eni e mholi ayemhe ebe ododa bhale ghi iJesu. Igho iJesu o ri ungmehi unu khu we eni ayemhe ebe egho egbe ku a. O gbo ri eni ee ghua nya ze. <sup>17</sup> Eri a me enana ni ungmehi ni Azaya omekeguele o ngme o bhale ya tse; Ni o o,

“Lolighuo o mie awa umha-ze,  
o tsua ighuamhi eyawa ya kua.”§

*Emini ideba-iJesu-kia o ya mie ogbo o rue  
(iLuk 9.57-62)*

<sup>18</sup> IJesu o me olele egbo ni e le gas o li, o o e ze ni we we e da je ukiekie obini o kpole oyi oke oniemhi iGalili. <sup>19</sup> Osese Ishi eyi iMosisi oghuo o bhale deba li o o li, “Osese, mhi ya debe ke je obiobini wa je kpa.”

<sup>20</sup> IJesu o soli o, o o li. “Inyak o e mholi ese, ipfeli e mholi eko, ama Omi Ogbo o a mholi ashini o de ukhomhi e gbe.”

<sup>21</sup> Omose olese ni o khi om o odukhokho oyoli, o lu oli, o o li, “Osese, ze mhe kpe je apfe ya ri itamhe ni o ghu-a to ne.”

<sup>22</sup> IJesu o soli o, o o li “Ke deba mhe, ze ni eni e ghu-a e ri eni e ghu-a to.”

*IJesu o pfomhise akpekpeli ukhomhi oke  
oniemhi*

*(iMak 4.35-41; iLuk 8.22-25)*

<sup>23</sup> IJesu o lo elemhi oko-oke oniemhi, eniye odukhokho eyoli e li lo deba li.

<sup>24</sup> Utoghuo-kpe, akpekpeli oniemhi o o li oni ukhomhi oke oniemhi. Ukuku emhi o kpole dene ni oni oko-oke oniemhi o a ro ku lue. Ama iJesu o o lese-a <sup>25</sup> Eniye odukhokho eyoli e ya guise oli le, e oli, “Onomhue, tsumhi anye! Awa ya pfua!”

<sup>26</sup> O o we, “Elo o ze ni a ro lina na ulishi, Eri irudunga oye o na beshi she?” Igho o vule nu oni akpekpeli ngme, oni oke o de ma.

<sup>27</sup> Abo e sha egbo nya ni e la agho, e mhila, “Ogbo nabise onana o khi, egbegbi ozughu oyi oke oniemhi ali akpekpeli e ga suo eso o na li.”

*IJesu o ri emose ava eni e mholi ayemhe  
ebe ze*

*(iMak 5.1-20; iLuk 8.26-39)*

<sup>28</sup> Abi iJesu o ro da je ukiekie obini o kpole oyi oke oniemhi iGalili obini iGadara,

\* **8:4** Li ze iLev 14.1-32 † **8:11** Li ze iLuk 13.29 ‡ **8:12** Li ze iMat 22.13; 25.30; iLuk 13.28 § **8:17** Li ze Aza 53.4

emose ava ni e rote atalimhi lasese e bhale deba li. Eni emose ava ena e mholi ayemhe ebe ni e yese we ngme ni o rewe nono ingme. Egbọ ẹa ke gbudu rote oni ode dose. <sup>29</sup> Eni ayemhe ebe egho ni e la eni emose egbe, e tseşe utoghuokpe, e ọli, “Elo e ku anye ali yeye gbe, yeye Omi Eshinegba? Eri u bhale ya nase anye neni oni eghẹghẹ o ramhi?”

<sup>30</sup> Igulu ni e bu e la epfe agho le eminale.

<sup>31</sup> Igho eni ayemhe ebe egho e lema iJesu, e ọli, “Ini u khu anye ya fiẹ, khu anye ya lo eni igulu egho egbe.”

<sup>32</sup> Igho iJesu oo, “A ke vu!” Igho e lasese ya lo eni igulu egbe. Eni igulu nya e na ya tiemhi eseso oni ute, ya lo oni oke, e ghuloa.

<sup>33</sup> Emose ni e ri eni igulu u kia, e na kua, e je ifui apfe ya guele emini a me ali emini eni emose ni e mholi ayemhe ebe e me. <sup>34</sup> Igho egbo ni e la oni ọli nya e fiẹ lasese deba iJesu. Abi e ro me ọli, e lema li o kpekpe o lase wewe eke le.

## 9

### *Ijesu o ri omose ni o guoghọ-a ze* (iMak 2.1-12; iLuk 5.17-26)

<sup>1</sup> Ijesu o lo oko-oke oniemhi, o da oni oke iGalili mu egbe pfi je ukiekie obini o kpole, o bhale apfe oyoli obini iKapanomu. <sup>2</sup> Emose egho e tsua omose ni o guoghọ-a shi iya bhale. Abi iJesu o ro me irudunga oyewe, oo oni omose ni o guoghọ-a, “Ri obo shi udu, omimhe, a she ri olamhe topfa e.”

<sup>3</sup> Igho esese Ishi eyi iMosisi eghuo e nu egbe we ngme, e lie, “Oni omose ona o pfi unu-a!”

<sup>4</sup> Ijesu o lese usamhi ni e sa, o mhila we, “Elo o ze ni a ro sa isamhi ebe udu?”

<sup>5</sup> Onoghuo o kele mhe ya ngme oni omose ne? Ni mhi lie, ‘A she gbe olamhe kua ne,’ Ali ‘Vule ke kia?’ <sup>6</sup> Ama, ni a ro lese khi Omi Ogbọ o mhue afu elemhi eke agbo ni o ro gbe olamhe kua na ogbọ.” Igho, oo oni omose ni o guoghọ-a, “Vule, rue iya oye u ke je apfe.”

<sup>7</sup> Igho oni omose o vule oo je apfe. <sup>8</sup> Abi eni ebubu egbo e ro me ona, abo e sha we. E kuẹghie Eshinegba ni o ri afu onana na egbo.

### *Ijesu o lu iMatiu o deba lue* (iMak 2.13-17; iLuk 5.27-32)

<sup>9</sup> Abi iJesu o rote agho je odalo, o me khi omionoga oghuo ni a lu iMatiu, o shito okholo ni a la miono oga. Oo li, “Deba mhe.” Igho o vule deba li.

<sup>10</sup> Abi iJesu o ro la owa oyi iMatiu le eminale, emionoga eni e bu elese ali ena olamhe e bhale ya ku ma we o, e ga nu ọli ali eniye odukhokho eyoli le eminale.

<sup>11</sup> Abi egbo iFarisi eghuo e ro me ona, e mhila eniye odukhokho eyoli, ee, “Elo o ze ni osese oye e o ro nu emionoga ali ena olamhe e le eminale?”\*

<sup>12</sup> Ijesu o suo ona, oo we, “Oni o toto oa mhue emini o ri obo e li, ama oni o to oo ye apfe obo. <sup>13</sup> A ka wena emini a ri ona ngme, ikhi, ‘Oa khi iluasobo e ghole mhe, ama isomhelemhi’ Oa khi egbo eni e pfuase ne mhi bhale ya lu e mu pfi, ama egbo ena olamhe.”†

### *Omhila oyi ingme azumhi* (iMak 2.18-22; iLuk 5.33-39)

<sup>14</sup> Eniye odukhokho eyi iJoni Oni oo batazi egbo, e bhale deba iJesu, e mhila li, “Elo o fe ze khi anye ali egbo iFarisi, khi anye e pfi azumhi ni eniye odukhokho eye ẹa ro pfi?”

<sup>15</sup> Ijesu oo we, “Emole omose ni oo rue omueshi onogbo e famhi ya mhue iyese udu-a ini oni oo rue omueshi o kie la we iteva? Eghẹghẹ oo bhale ni a ro ya rue oni omose ni oo rue omueshi onogbo iteva oyewe vu, eghẹghẹ agho e ro tigbe ya ke pfi azumhi.

<sup>16</sup> “Ogbọ ọa ya gbela ode onogbo toma onodiọ, ini a me ghọ, onodiọ ogho o ya nyanọ-a toma onogbo, o fia ese ni o ke fu ne shi o. <sup>17</sup> U ke neta khi eri ogbọ o ya ku onyo onogbo kulo akpaba ekuẹ ẹlamhi onodiọ,‡ ini a me ghọ, eri oni akpaba o ya ve-a, oni onyo o ku kua, oni akpaba onyo o li opfu-a. Onyo onogbo a ku e shi akpaba onogbo, eghẹghẹ agho, oni onyo ali oni akpaba onyo e ga migha.”

### *Omọ omueshi ni o ghu-a ali okpotso ni ọa ze* (iMak 5.21-43; iLuk 8.40-56)

<sup>18</sup> Abi oni ungmehi o kie la iJesu unu, okhemhwe iju oghuo o bhale ya wugha li

\* 9:11 Li ze iLuk 15.1-2 † 9:13 Li ze iMat 12.7; Osia 6.6 ‡ 9:17 Akpaba oyi ekuẹ ẹlamhi egbo iju e ku onyo o shi.

odalo, oṣo li, “Kpeṣe bhale ya ri obo ti omimhe ni o lese ghu-a, ni o guale.”<sup>19</sup> Igho ijesu o vule deba li vu, eniye odukhokho eyoli e li deba li.

<sup>20</sup> Igho okpotso oghuo ni oṣa e she ku oṣi egbe ramhi ikpe igbeva o roṣe ukhokho ti mama ijesu, o ri obo ti oṣi esode. <sup>21</sup> Itobo khi o she ngme oṣi shi udu khi, “Mhi kha da lese ri obo ti ijesu ode tse ne, mhi ya ze.”

<sup>22</sup> Igho ijesu o mu egbe nyene, o me oṣi, oṣo li, “Kpotso khi ke ze ni ulishi o muṣe irudunga ni u muṣe o she re ze.” Aghoagho oṣi okpotso o ze.

<sup>23</sup> Abi ijesu o ro ramhi owa oyi oṣi okhemue, o bhale ya e khi egbo e la agho. Ee vie oṣi omueshi ni o ghu-a egho. Agho oo li nyoghoo. <sup>24</sup> O gueye ogbokpa o lase agho le, khi oṣi omueshi oṣa ghu ne khi eri o lese-a. Eni egbo e suo ungmehi ni o ngme, ee gia li. <sup>25</sup> Eni egbo e fie je olase se, ijesu o lo elemhi oni owa, o mu oṣi omueshi obo, oṣi omueshi o vule. <sup>26</sup> Okeke oni ingme ona o gbhiaku asha kpa oni edeli.

### *Ijesu o khueghie ezalo ava alo-a*

<sup>27</sup> Ijesu o ke roṣe agho vu je odalo, ezalo ava e deba li. Ee tseṣe lema li, e lie oṣi, “Mhue isomhemhi na anye, omi iDefidi.”

<sup>28</sup> Abi ijesu o ro lo elemhi oni owa, eni ezalo ava e bhale deba li. O mhila we, “A miesuo khi mhi ya doṣe re e ze?”

E ke oṣi, “Gueguegue.”

<sup>29</sup> Igho ijesu o ri obo ti we alo, oṣo we, “Alo eye e e khueghie-a abi a muṣe irudunga.”

<sup>30</sup> Ikpamhi alo eyewe e khueghie-a. Ijesu o tse agua ye we e khi gueye ogbokhoghuo emini a me. <sup>31</sup> Ama asha ni e ramhi kpa, eri e gueye egbo, e gue ingme oyi ijesu ye egbo asha kpa.

### *Ijesu o ri ungmehi ze*

<sup>32</sup> Eni emose e vu, a tsua omose oghuo ni o muṣe ayemhe ebe bhale, ni oṣa li ngme unu. <sup>33</sup> Ijesu o khu oṣi oni ayemhe ebe ogho egbe ya lase, oṣi omose o ngme. Abo e sha ogbokpa e lie, “Anye oṣa kpe me ingme onana ghue eke iZireni.”

<sup>34</sup> Ama egbo iFarisi e lie khi oghie oyi iyemhe ebe o ri ekpabo na li. Loli o ze ni o ro doṣe e khu egbo ayemhe ebe egbe-a. §

### *Egbikanya eyi Eshinegba ea bu*

<sup>35</sup> Ijesu o kia la eoli khi eoli sese ungmehi oyi Eshinegba elemhi owa ugamhi eyewe, o tse abo usomhi onete oyi Eghiele oyi Eshinegba. O ri egbo ni e muṣe ighuamhi khi ighuamhi i ze.\* <sup>36</sup> Abi o ro me eni ebubu egbo, elemhi we e lala li irari khi udu oyewe oṣa sheshe itobo khi ea mholi oṣi oṣo kpaghie we obo, abi isumha ni oṣa muṣe orewekia. † <sup>37</sup> O gueye eniye odukhokho eyoli, “Oni ikhiese oo gbedi gba, ama khi eni e khiese we, ea bu.” <sup>38</sup> “A so iromhi, ni Eshinegba oṣi o muṣe ikhiese, ni o ghie eni e ya khiese oni ikhiese fie lasele.” ‡

## 10

### *Ijesu o ghie ighiusomhi na keṣe ogbava eyoli fie*

(iMak 3.13-19; iLuk 6.12-16)

<sup>1</sup> Ijesu o lu eniye odukhokho ogbava eyoli kugbe. O ri afu na we, e ke ya khu iyemhe ebe ododa egbo egbe-a, e gbo ri egbo ni e muṣe ighuamhi ododa ke ze.

<sup>2</sup> Eva eyi eni ighiusomhi na keṣe ogbava na. Oṣi odode khi ISamo ni a gbolo o lu iPita, ali inyoghuo oṣi, Aduru. Ijemhisi ali inyoghuo oṣi ni a lu iṣoni ni e khi imi iZebedi.

<sup>3</sup> IFilipu ali iBatolomiu. ITomosi ali iMatiu ni e khi emionoga. Ijemhisi omi Afeusi ali iTadiusi. <sup>4</sup> ISamo ni ingme o gho mu egbe ali iJudasi Isikaroti ni o ri ijesu de.

### *Usomhi ni a ghie eni etuogbava*

(iMak 6.7-13; iLuk 9.1-6)

<sup>5</sup> Ijesu o ghie eniye odukhokho ogbava ena fie, o tse agua ye we, oṣo we, “A khi je eoli oyi egbo iṣeta wekhi eoli na eke iSameria.

<sup>6</sup> Ochogho a le deba egbo iZireni ni e li abi isumha ni e waa. <sup>7</sup> Abi a lie ke le, a ke tse abo usomhi ona-yewe, a lie we, ‘Eghiele oyi Eshinegba o she ti bhale.’ <sup>8</sup> A ri egbo ni e muṣe ighuamhi ze, a ri eni e muṣe efafe ze, a guise eni e ghu-a le, eni e muṣe ayemhe ebe, a khu we ewe egbe lasele. Afue a ri eni ekpabo ena na e, a re we kpaghie egbo obo

§ 9:34 Li ze iMat 10.25; 12.24; iMak 3.22; iLuk 11.15 \* 9:35 Li ze iMat 4.23; iMak 1.39; iLuk 4.44 † 9:36 Li ze iNqba 27.17; 1 Ighie 22.17; 2 Okhe 18.16; Ezik 34.5; iMak 6.34 ‡ 9:38 Li ze iLuk 10.2

afue, a khi mie ifata shi o. <sup>9</sup> Abi a lie le ena, a khi tsua ukpaghọ okhọghuo shi omọ-emhi. <sup>10</sup> A khi tsua ekuẹ pfi sọ, wẹkhi itsua na rọ sọ elese, wẹkhi ekuẹ ni a sọ, wẹkhi ukpokpo na rọ a to okpọ, irari khi asha ni ogbo o la gbe agho o te e le.\*

<sup>11</sup> “Eoli oni a da bhale kpa, a kushi ayi ogbo no da kpe abo mie e, ramhi eghẹghẹ ni a ya rọte agho vu. <sup>12</sup> Neni a ya sọ ukhomhi owa okhọghuo, a kpe lie, ‘Opfomhe o la oni owa ona.’ <sup>13</sup> Ini egho ne la oni owa e kpe abo mie e, opfomhe oyẹe o ka nu wẹ la, ama, ini ẹa mie e, opfomhe oyẹe o gbo nyene deba e. <sup>14</sup> Ini a bhale eoli, khi egho ne la oni eoli ẹa da kpe abo mie e ne, a kpe abo o-a na wẹ ini a te o fiẹ lase.† <sup>15</sup> Ogbele iguezo, mhi gueye e khi Eshinegba o ya mholi isomhelemhi na egho iSodomu ali iGomora dose oni eoli ogho.‡ <sup>16</sup> A sato khi eri mhi ghie e fiẹ lase abi isumha ne la ifuabo idumhi. Irarigho, a ze ni a lese ingme abi enye, ama a mhuẹ ikuegbe-a abi anekhukhu.\*

*Okholi ni a ya mu vule shi e o*  
(iMak 13.9-13; iLuk 21.12-17)

<sup>17</sup> “A mu egbe e tsuke, irari khi egho e ya mu e bhale ikotu, odalo egbhali ni ee sọ ezọ. E gbe e itali elemhi owa ugamhi eyewe. <sup>18</sup> E ya ri itobo eva oyemhe muno e bhale deba igovuno ali enighie, ni a gue usomhi onete oyemhe ye we. A gbo pfi otsele oyemhe ye egho iJu ali egho iJeta. <sup>19</sup> A khi yele abi a ya ngme ali abi a ya sọ we, ini e muno e bhale agbala ezọ. Irari khi emini a ya ngme o ya bhale unu oye e eghẹghẹ ni a nono oli shi. <sup>20</sup> Irari khi ingmemhi ni a ya ngme, ẹa ya khi eye e. Ayemhe-no-pfuase oyi Eshinegba ni o khi ita e, o ya ri ungmehi ni a ke ngme shi e unu.†

<sup>21</sup> “Eghẹghẹ na ngme ena, egho e ya ri inyoghuo we bhale ni a gbe-a, ita eniye e wolọ imi we bhale na gbolo-a, igho eniye e li ya rue itawe bhale na gbe-a.‡ <sup>22</sup> Egho kpa e ya ke biselemhi e shi irari oyemhe. Ama ogbo ni o da mu irudunga oyoli mhuẹ ramhi ukpese ne, lolu a ya mie pfuese.§

\* **10:10** Li ze 1 iKori 9.14; 1 iTimo 5.18 † **10:14** Li ze Ika 13.51 ‡ **10:15** Li ze iMat 11.24; Igbae 19.24-28 § **10:15** Li ze iLuk 10.4-12 \* **10:16** Li ze iLuk 10.3 † **10:20** Li ze iMak 13.9-11; iLuk 12.11-12; 21.12-15 ‡ **10:21** Li ze iMak 13.12; iLuk 21.16 § **10:22** Li ze iMat 24.9,13; iMak 13.13; iLuk 21.17 \* **10:24** Li ze iLuk 6.40; iJon 13.16; 15.20 † **10:25** Li ze iMat 9.34; 12.24; iMak 3.22; iLuk 11.15 ‡ **10:26** Li ze iMak 4.22; iLuk 8.17 § **10:33** Li ze 2 iTimo 2.12

<sup>23</sup> Ini a la asheghuo mu okholi vule shi e o, a na je eoli olese. Mhi ze e lese khi, aa ya gbe akanya ona pfo ne eke iZireni neni Omi Ogbo o nyene egbe e bhale.

<sup>24</sup> “Omọ odukhokho ọa lese dose ọga oyoli, wẹkhi eri oni ọọ ga ogbo o ya fu dose ọga oyoli.\* <sup>25</sup> Omọ odukhokho o dobe ya li abi ọga oyoli, oni ọọ ga ogbo o ya dobe li abi ọga oyoli. Ini a lu ọdapfe iBezebo, see a ke beshi e lu eni e la oni omhuẹ-apfe oyoli.†

*Oni a ya ke na ulishi oyoli*  
(iLuk 12.2-7)

<sup>26</sup> “Itobo igho a khi ze ni ulishi o mu e irari khi aa me emini a gba khukhu ni ọa ya khueghie a, wẹkhi eri a me emini o sheli ni ọa ya lasele.‡ <sup>27</sup> Emini mhi gueye e eliyose a ngme oli lasele ini ogbe o gbe-a. Ungmemhi ni a bena gueye e, a la ukhomhi owa ngme oli lasele ni egho e suo gboo. <sup>28</sup> A khi na ulishi egho ni o khia khi idiegbe e lese dobe ya gbe-a, ni ẹa dobe ya pfuse ogbo ayemhe-a. Ama a na ulishi oyi Eshinegba no kha gbe-a se o gbo mhuẹ ekpabo ro ya pfuse ayemhe-a elemhi ilimhi iriere. <sup>29</sup> U lese khi ukpaghuo a ri ipfeli otuava de? Ama aa me ongewe ni o ya ghu-a ni Eshinegba ọa ya lese. <sup>30</sup> Eshinegba o she leli egbegbi itsu ni e la e ukhomhi nya. <sup>31</sup> Itobo igho, a khi ze ni ulishi o mu e, irari khi a mu eloe dose ipfeli ni e bububu.

*Eni e migha na iJesu ali eni e kie oli*  
(iLuk 12.8-9)

<sup>32</sup> “Ogbo ni o da gue ungmehi oyemhe ye egho ne, mhi ya li gue ingme oyoli ye Itamhe ni o la iloghie. <sup>33</sup> Ama onini o da la ukpeloe egho kie mhe, mhi ya li kie oli ukpeloe oyi Itamhe na obini iloghie.§

*IJesu ọa ri opfomhe bhale ama okemhi*  
(iLuk 12.51-53; 14.26-27)

<sup>34</sup> “A khi sa khi opfomhe mhi ro bhale eke agbo. Mhi aa ro opfomhe bhale, ama ogbhoro. <sup>35</sup> Eri mhi bhale ya to okhue na “ ‘Omose ali itali, okpotso ali inyoli,

osamọ ali inyọdọli.

<sup>36</sup> Unuekpe oyi ogbo,  
ebe ọli e la.\*

<sup>37</sup> “Ogbo ni ọ da nono ingme oyi ita okekhi inyọ dọse ingme oyemhe ne, ọa ya dobe khi ọmọ odukhokho oyemhe. Ogbo ni ọ da nono ingme oyi omi ọli dọse mhe ne, ọa ya dobe khi ọmọ odukhokho oyemhe.

<sup>38</sup> Ogbo ni ọa da kpha apfida oyọli tsua ni ọ ke deba ete-awe oyemhe ne, ọa ya dobe khi ọmọ odukhokho oyemhe.† <sup>39</sup> Oni ọ da mu agbo oyọli mhue gagaga ne, o mema ya de ọli obọ-a, ama oni rue agbo oyọli obọ-a shi eke itobo oyemhe ne, ọ ya me eleli agbo oyọli.‡

### Eleli (iMak 9.41)

<sup>40</sup> “Ogbo ni ọ da kpe abo mie e ne, mhemhe ọ kpe abo mie. Oni ọ da kpe abo mie mhe, oni ọ ghie mhe ọ kpe abo mie.§

<sup>41</sup> Ogbo ni ọ da kpe abo mie omekeguele oyi Eshinegba ne, ọ ya mhue isomhopfa onayi omekeguele. Oni ọ da kpe abo mie ogbo ni ọ pfuase ne irari khi ọ da khi ogbo ni ọ pfuase, ọ ya mhue eleli oyi ogbo ni ọ pfuase. <sup>42</sup> Ini ogbokhoghuo ọ die amẹ ni e pfomhe na egbo eni ẹa mu ẹloe ena da ne, irari khi e da khi eniye odukhokho eyemhe, mhi gue ọ ye e gueguegue khi eleli oyọli ọa ya de ọli obọ a.”

## 11

### Ijesu ali iJoni Oni ọọ batazi egbo (iLuk 7.18-35)

<sup>1</sup> Abi ijesu ọ rọ gueye eniye odukhokho ogbava eyọli emini e ya riẹ se, ọ je ẹoli ni e la eke iGalili ya sese, ọ gbolo tse abo oni usomhi onete.

<sup>2</sup> Abi iJoni Oni ọọ batazi egbo ọ rọ la owa ighumha suo ikanya ni iKirisiti ọọ gbe, ọ ghie eniye odukhokho eyọli ghi ọli, <sup>3</sup> E le ya lina mhila li. “Yeye u khi oni iJoni ọ ngme khi ọ ya bhale, abi anye ri ẹloe shi eke ke khe ogbo ọlese?”

<sup>4</sup> Ijesu ọ sọ we ọ, ọọ we, “A nyene egbe ya gueye iJoni emini a suo ni a me. <sup>5</sup> Ezalo ẹe khueghie alo-a, eni e guoghọ awe-a, e

vule ẹe kia, a ri eni e mhue ighuamhi ekuẹ idiegbe ododa ze, eleso ẹe suo eso, egbo ni e ghu-a, a guise we le. A gbolo e tse abo usomhi onete ye egbo eni ẹa mhue.\* <sup>6</sup> Ikhivose o khi na ogbo ni ọa mhọli akhokhomhe shi ingme oyemhe!”

<sup>7</sup> Eniye odukhokho eyi iJoni ee vu se, ijesu ọọ ngme ingme oyi iJoni khasẹ eni e legba. Ọ mhila we, ọọ. “Abi a rọ fiẹ je odagbe ifufu ni a rọ ya bino iJoni, ogbo nabise a dabi khi a ya me? Ebuli ifulo ni akpekpeli ọ pfi e nga pfi e tiemhi a dabi khi a ya me?”

<sup>8</sup> Ini ọa khi igho sho, elo a dabi khi a ya me abi a rọ fe fiẹ lase? Omose ni ọ sọ itsua eni e somhi otse a sa khi a ya me? Iiye o! Egbo eni ẹe sọ itsua eni e somhotse, apfe oyi oghie ẹe la. <sup>9</sup> Elo a fe fiẹ lase khi a ya me sho? Omekeguele? Gueguegue, ama mhi gueye e, oni ọ gbo fu dọse omekeguele a me. <sup>10</sup> IJoni ọ khi oni ogbo ni Ebe-no-pfuase o ngme ingme oyọli, ni Eshinegba ọ la lie, “‘Mhi ya kpe ghie aghiusomhi oyemhe ralo ne,

ni ọ ya khueghie ode-a ne.’†

<sup>11</sup> Abi o li mhi li gue ọli ye e khi, iJoni ọ fu dọse ogbokpa ni ọ la agbo ona ghue, ama, ogbo ni ọ ga kpoke nya obini Eghiele oyi Eshinegba, ọ fu dọse ọli. <sup>12</sup> Rote eghẹghẹ oyi iJoni Oni ọọ batazi egbo ya ramhi ogbe na amo, Eshinegba ọ te e ri ikakabo mhọli omhesẹ oyọli shi agbo oyi egbo, ama ikakabo egbo e ke rọ ọ lo ọ. <sup>13</sup> Irari khi emekeguele nya ali Ishi eyi iMosisi, e me guele shi eke ramhi eghẹghẹ oyi iJoni.‡ <sup>14</sup> Ini a ya lama shi ọ, iJoni ọ khi oni Elaja ni e khi ọ ya nyene egbe bhale.§ <sup>15</sup> A mhọli eso, a suo emini mhia gueye e, ni a rọli gbe akanya.

<sup>16</sup> “Elo mhi ri agbhotu ona ya khokho? Eri e li abi ikuku eniye ni e shito epfepfe oki ni e lu egbe we,

<sup>17</sup> “‘Anye pfi ofele na e,  
aa lama gbe ishimhi,  
anye to uwolo  
ni a rọ viẹ olimhi shi e ọ,  
ama aa lama viẹ.’

<sup>18</sup> Abi iJoni ọ rọ bhale, eri ọọ pfi azumhi, ọa lama da onyo, irarigho egbo e lie khi,

\* 10:36 Li zẹ iMika 7.6 † 10:38 Li zẹ iMat 16.24; iMak 8.34; iLuk 9.23 ‡ 10:39 Li zẹ iMat 16.25; iMak 8.35; iLuk 9.24; 17.33; iJon 12.25 § 10:40 Li zẹ iMak 9.37; iLuk 9.48; 10.16; iJon 13.20 \* 11:5 Li zẹ Aza 35.5-6; 61.1 † 11:10 Li zẹ iMala 3.1 ‡ 11:13 Li zẹ iLuk 16.16 § 11:14 Li zẹ iMala 4.5; iMat 17.10-13; iMak 9.11-13



'Ayemhe Okphaghię oo nase ọli.' <sup>19</sup> Ama Omi Ogbọ ọ ke bhale, ọọ le ọọ da, egbo kpa e ke lie khi, 'Ogbọ unu-emhi ali ọdonyo ọ khi, ni ọ nu emionoga ali ena olamhe ę mu omole.' Emini Eshinegba ọọ rięle, o ri ilęsingme oyọli ę khase."

*Emini ęoli ni ęa lama mu pfi ęę me*  
(iLuk 10.13-15)

<sup>20</sup> Igho iJesu ọ li ze emuebe na egbo ni e la ęoli ni ọ la gbe ikanya ọnyaloa ebubu eyọli, itobo khi ęa mu pfi, ọọ li. <sup>21</sup> "Epfua o khi ne, iKorazi! Epfua o khi ne, iBetisaida! Irari khi ini ikanya ọnyaloa ni a gbe ifui ęoli eyę ę khi a li gbe we iTai ali iSidoni lo, e kha she vie osoli na egbewę shi olamhe eyewę, e te olamhe eyewę mu pfi agboagbo.\* <sup>22</sup> Ama mhi gueye ę khi, o ya somhi iTai ali iSidoni egbe dose ę, ogbele isọ-ęzọ <sup>23</sup> Yeye iKapannu, eri a nono ni a ya yase ę nga idane ramhi irarogbe? Iiye o! Eri a ya pfi ę tiemhi ọọke ilimhi irierie. Irari khi ini ọnyaloa ni a gbe khase ę khi a gbe we eke iSodomu lo, o kha la ọ ramhi amo.† <sup>24</sup> Ama mhi gueye ę khi o ya somhi iSodomu egbe dose ę, ogbele isọ-ęzọ."‡

*Bhale deba mhe ni u mhọli iyemhe*  
(iLuk 10.21-22)

<sup>25</sup> Eghęghę agho iJesu ọ lie, "Ita, Onomhue, ni ọ mhue eke ali ukhuli, mhi tse uwegbe khi emini u ro sheli na eguebe, ali eni e fialo-a, khi u rewe khase egbo ni ęa mu ęloe. <sup>26</sup> Igho, Ita, ina o li ghole ę shi.

<sup>27</sup> "Itamhe ọ she ri emhikpa nga mhe obọ. Ogbokhoghuo ọa la ọ, ni ọ lese oni Omọ, se ni Ita. Ogbokhoghuo ọa la ọ ni ọ lese Ita se ni oni Omọ, ali eni oni Omọ ọ lama ri oni Ita khase.§

<sup>28</sup> "A bhale deba mhe, ęę nya ni a tsua itsua ni ęę khose ę, mhi ya ri iyemhe na ę. <sup>29</sup> A ri egbe mie emini mhię a ke rięle, a rote obọ oyemhe wena, itobo khi mhii pfomhe gba, ali khi udu oyemhe o mhọli iriegbe-tiemhile, ni a mhue iyemhe.\* <sup>30</sup> Irari khi emini mhia lie a rięle oni o ze ę rięle yęghęle lo, ali khi eri itsua eyemhe ee fue."

\* **11:21** Li ze Aza 23.1-18; Ezik 26.1-28.26; iJọę 3.4-8; Emọ 1.9-10; iZaka 9.2-4 † **11:23** Li ze Aza 14.13-15; Igbae 19.24-28 ‡ **11:24** Li ze iMat 10.15; iLuk 10.12 § **11:27** Li ze iJon 3.35; 1.18; 10.15 \* **11:29** Li ze iJere 6.16 \* **12:1** Li ze iDeut 23.25 † **12:4** Li ze iLev 24.9 ‡ **12:4** Li ze 1 iSam 21.1-6 § **12:5** Li ze iNoba 28.9-10 \* **12:7** Li ze iMat 9.13; Osia 6.6 † **12:11** Li ze iLuk 14.5

## 12

*IJesu ọ khi Onomhue oyi ęle iyemhe*  
(iMak 2.23-28; iLuk 6.1-5)

<sup>1</sup> Eghęghę ni a ngme ena, iJesu ọ rote ifui ishemi iakpa dose ęle iyemhe. Okiamhi oo gbe eniye odukhokho eyọli. Igho e li be eni iakpa, e le we.\* <sup>2</sup> Abi egbo iFarisi e ro me ona, ę ọli, "Ghe khe! Eniye odukhokho eyę ęę rięle emini Ishi eyi iMosisi ọa lama shi a rięle ęle iyemhe."

<sup>3</sup> O so we ọ, ọọ, "Aa she kpe ze emini iDefidi ọ rięle abi okiamhi o ro gbe ọli ali apfoli? <sup>4</sup> Eri ọ lo elemhi owa oyi Eshinegba, lolli ali apfoli, e ya rue ibuledi oni o pfuase le, ni ushi ọa lama shi e le. Oni ibuledi ona, ekpodalo-ugamhi eyi Eshinegba tse, e lese le ọli.† <sup>5</sup> Abi khi aa rote ebe ushi iMosisi ze ọli khi ekpodalo-ugamhi eyi Eshinegba ni e la Owa Oyi Eshinegba, ee gbe ushi-a ogbele iyemhe, ama ogbo ọa ro mu ota so we?§ <sup>6</sup> Ama mhi gueye ę khi ogbo ni ọ fu dose Owa Oyi Eshinegba ọ la ana. <sup>7</sup> Ini a lese emini a ri oni ungmehi ona ngme shi Ebe-no-pfuase lo, ni ọọ, 'Ilelemhi o ghole mhe, ọa khi iluasobo,' aa kha ke pfa ęzọ mu eni ęa lue.\* <sup>8</sup> Irari khi mhemhe Omi Ogbọ mhi khi Onomhue oyi ogbele iyemhe."

*IJesu ọ ri omose ni obọ oyọli o cheghęle-a ze*  
(iMak 3.1-6; iLuk 6.6-11)

<sup>9</sup> Abi iJesu ọ rote agho vu, ọ lo elemhi owa ugamhi oyewę. <sup>10</sup> Igho omose oghuo ni ọ cheghęle obọ oghuo-a, ọ la akaghọ. Egbo eghuo e la agho ni e nono ni wewę e mu ingme shi iJesu egbe, igho e mhila li. E ọli, "O fe ti ni a ri ogbo ze ęle iyemhe?"

<sup>11</sup> IJesu ọọ we, "Ini ongeę ọ fe mhọli osumha, ni ọ ro de pfilo atekę ęle iyemhe, wa a ya fe mu ọli ọ lasele?† <sup>12</sup> Ogbọ ọ mu ęloe dose osumha! Irarigho, Ishi eyi iMosisi o lama shi ọ, ogbo ọ rięle onete ogbele iyemhe."

<sup>13</sup> Igho ọọ oni omose ni ọ cheghęle obọ oghuo a egho, "Nise obọ oye-a." Igho ọ nise ọli-a. Oni obọ o na ya to abi onokpole <sup>14</sup> Igho

eni egbo iFarisi e fię ya ye ugbamhi abi e li ya gbe iJesu-a.

*Oni oọ ga ni Eshinegba o zę*

15 Abi iJesu o ke rọ lęşę ugbamhi ni e gba, o rọte agho vu je oboese, ebubu egbo e deba li. O ri eni e mholi umha-ze nya ze. 16 O tse agua ye we e khi gueye egbo oni loli khi. 17 Eri a ri ona ri ungmehi ni Azaya omekeguele o ngme bhale ya tse, ni o la lie,

18 “Oni oọ ga oyemhe ni mhi ze na,

oni mhi nono ingme oyoli,  
ni o ri egbe e mu mhe,

mhi ya ri Ayemhe oyemhe shi oli egbe,

o ya ri igue-sọ-ęzọ oyemhe  
khasę ishishi nya.

19 Oa ya nu egbo wola

wękhi eri o ya tseşę

ni ogbo suo ifui apfe.

20 O ya kuegbe-a

nu eni ęa mhue ekpabo ngeli,

abi a li kuegbe-a mu oakpa  
ni akpekpeli o pfigbe vule.

O ya le elemhi

eni eę nono ikpaghiobo,

abi ogbhali o la lie la apfe  
ni amę o gbe erali

ni o la umutse pfuse-a,

ya ramhi ni o rọ

ri igue-sọ-ęzọ leghie.

21 Itobo igho egbo iJeta nya

e rọ regbenga eva oyoli.”‡

*IJesu ali iBezebo*

*(iMak 3.20-30; iLuk 11.14-23)*

22 Igho egbo eghuo e rue omose oghuo ni o mholi ayemhe obe bhale ghi iJesu. O zalo o gbo khi ungmehi. IJesu o ri oni omose ze. Oo ngme, o gbolo e me eke. 23 Igho abo e sha eni egbo nya, e mhila, e lie, “Abi khi iJesu ona o khi Oni Omiepfuese omi iDefidi ni e khi o ya bhale?”

24 Abi egbo iFarisi e rọ suo ona, e ke, “Ekpabo eyi iBezebo ni o khi oghie oyi iyemhe ebe nya, o rọ khu egbo iyemhe ebe egbe lasela.”§

25 IJesu o she lęşę usamhi oyewe, oọ we, “Eghiele ni o da kemhi shi iku-iku ni o nu egbewe e kholi ne, eri o ya pfua. Igho khi eoli ali unuekpę ni e kemhi egbe nu egbewe e kholi, ęa dobe ya migha. 26 Ini Okphaghie oọ khu Okphaghie lase, o she kemhi egboli. Seę eghiele oyoli o ke li dobe ya migha? 27 Ini mhi ri ekpabo eyi iBezebo eę khu egbo ayemhe ebe egbe a, ekpabo eyi oghuo egbo eye e e rọ khu we kua? Emini eni eę deba e eę rięle o rokhasę khi aa rọte ode. 28 Ama ini o khia khi Ayemhe oyi Eshinegba mhi rọ o khu ayemhe ebe kua, loli o rokhasę khi Eshinegba o she e mhese shi e egbe.

29 “Oghuo o fe lęşę ya vule, o doşę lo apfe oyi omose akama ya tsua li itsua vu. Oa khi eri o kpe ya ge oli shi eke? O tigbe dobe tsua li itsua owa?

30 “Oni o da nu mhe la ne, eri o biselemhi mhe, ali khi oni o da nu mhe ti e gbili ne, eri o miatse ku a.\* 31 Irarigho, mhi gueye e khi, a ya ri olamhe ali ungmehi ipfiunu-a nya topfa ogbo, ama aa ya tigbe ri ungmehi ipfiunu-a ni a ngme deba Ayemhe-no-pfuase topfa ogbo. 32 A ya dobe rọ topfa onini o da pfi unu-a deba Omi Ogbo, ama aa ya rọ topfa oni o da pfi unu-a deba Ayemhe-no-pfuase, elemhi agbo ni a la memena, ghe agbo ni o ke e bhale.†

*Udumhi oora a te e lęşę oora*  
*(iLuk 6.43-45)*

33 “Ri eloe khu oora, o ya mo umomhi onete, ini u waa ri eloe khu oora, o mo umomhi ni o ti. Irari khi umomhi oyi oora a te e lęşę emini oni oora o khi.‡ 34 Seę eę egbo ebe ni a kholo abi enye afue, a lie ngme ungmehi onete unu? Usamhi ni e vo ogbo udu o roli eę ngme ungmehi rọte unu lasela.§ 35 Udu onete ogbo onete o te e ngme ungmehi onete lasela. Igho ungmehi obe o li rọte udu oyi ogbo e lasele. 36 Ama a lęşę khi ogbogbo o ya zonọ abi o li ngme ungmehi afue unu lasela ogbele iso-ęzọ. 37 Irari khi ungmehi unu oye a rọ ya pfa ezo ne, ungmehi unu oye a gbo rọ ya pfa ezo mu e.”

‡ 12:21 Li ze Aza 42.1-4 § 12:24 Li ze iMat 9.34; 10.25 \* 12:30 Li ze iMak 9.40 † 12:32 Li ze iLuk 12.10

‡ 12:33 Li ze iMat 7.20; iLuk 6.44 § 12:34 Li ze iMat 3.7; 23.33; 15.18; iLuk 3.7; 6.45

*Irokhase oyi ijona**(iMak 8.11-12; iLuk 11.29-32)*

<sup>38</sup> Igho egbo iFarisi ali esese Ishi eyi iMosisi eghuo ee iJesu, "Osese, ri olele onyaloa oghuo khase anye."\*

<sup>39</sup> O so we o, oo, "Ee egbo okholo ni aa ri igesikia ga Eshinegba." Aa mhila mhe olele onyaloa? Ogbokhoghuo o ya ri olele okhoghuo khase e, se se ni onabi a rokhase oyi ijona omekeguele.† <sup>40</sup> Irari khi abi ijona o li la elemhi oyi afele ogbele ese ele oguota ali ele iyose, igho Omi Ogb o li ya li la elemhi eke ogbele ese, ele oguota ali ele iyose.‡ <sup>41</sup> Egbo iNineve e ya mu ez o vule shi e egbo agbhotu ona o ogbele iguezo, irari khi e mu nyene abi ijona o ro tse abo ungmehi oyi Eshinegba ye we. Ama memena, oni o ga fu dose ijona o la akana, ama aa lama mu pfi. S

*Abi ayemhe obe o lie kia**(iLuk 11.24-26)*

<sup>42</sup> Oghie-okpotso oyi eke iSheba o ya mu ez o vule shi e egbo agbhotu ona o ogbele iguezo, o pfa ez o mu we. Itobo khi oo rote obini odonue bhale ya ri es o kpe osese ilisingme oyi iSolomoni. Ama memena oni o fu dose iSolomoni o la akana, ama aa lama pfi es o shi o li o.\*

<sup>43</sup> "Ini ayemhe ebe o rote ogbo egbe lasese, eri o kpe je eke okhaka ya dudu kia nono ashini o je ya yemhe-a. Ama ini o me, <sup>44</sup> o gueye egbo li, 'Mhi ya nyene egbe ukhoko je owa ni mhi kpe te vu.' Ini o nyene egbe bhale agho ni o ro ya e khi agho o gboo, khi asha kpa oo pfas e nguene. <sup>45</sup> Eghenge agho, o fie je olase ya rue ayemhe ebe ishilia elese ni e kholo dose o li bhale ya lo agho, e la agho. Eghenge agho, ikpukhoko oyi oni ogbo ogho o ke ya kholo dose abi o kpe li. Igho o ya li e egbe ee egbo okholo ena."

*Inyo Jesu ali inyoghuo iJesu**(iMak 3.31-35; iLuk 8.19-21)*

<sup>46</sup> IJesu o kie gho nu eni ebubu egbo o ngme, inyoli ali inyoghuo o li e bhale. E migha olase, e nono ni wewe e nu o li ngme. <sup>47</sup> Ogboghuo agho, oo li, "Inye ali inyoghuo

e, e migha olase, ee nono ni wewe e nu e ngme."

<sup>48</sup> IJesu o soli o, oo, "Eghuo e khi inyemhe ali inyoghuo-mhe?" <sup>49</sup> O nise ob o ghue eniye odukhoko eyoli, oo, "Enana e khi inyemhe ali inyoghuo-mhe. <sup>50</sup> Onini o da ri ungmehi oyi Itamhe na iloghie gbe akanya, loli o khi inyoghuo-mhe oni omose ali oni okpotso ali inyemhe."

**13***Okhe irokhoko oyi oghiale ni o ko ikpamhi**(iMak 4.1-9; iLuk 8.4-8)*

<sup>1</sup> Ele ni a ngme ena, iJesu o fie owa ya lase, o shito epfe oke oniemhi. <sup>2</sup> Ebubu egbo e le gase o li ramhi ni o ro vu ya lo oko-oke oniemhi shito, eni egbo nya e migha egele oni oke oniemhi.\* <sup>3</sup> O ri okhe irokhoko gue emhi ebubu u ye we, oo we, "A ghe i! Oghiale oghuo o je ishemhi ya ku ikpamhi emhi. <sup>4</sup> Abi o li i ku eni ikpamhi emhi egho, eghuo o e de kua epfe ode. Ipfeli e bhale ya sano we le. <sup>5</sup> Eghuo o, e de nga ukhomhi okpegbhe, ni o me hue eke ni e bu. E nyanya ze. Ama itobo khi oni eke o me hue elamhi ni e pfi imhili lo, <sup>6</sup> ovo o gbolo we-a. E khakha-a, irari khi ea me asha pfi imhili lo eke egbegbo. <sup>7</sup> Ikpamhi eghuo o, e de kulo ashini igba e la. Eni igba e ze, e tono we gbolo-a. <sup>8</sup> Ama ikpamhi eghuo, e de shi egbegbi eke, e fu, e nyese ekhe. Eghuo e ri imomhi asha egbhueshe lasese, elese e ri asha egbhueshe lasese, enekpole, asha uye ali igbe. Eghenge agho e ke ya bu dose emini a kpe ro ko. <sup>9</sup> A ze es o, a suo emini mhia gueye e, ni a roli gbe akanya."

*Emini oni okhe irokhoko o migha shi**(iMak 4.10-12; iLuk 8.9-10)*

<sup>10</sup> Eniye odukhoko eyoli e bhale deba li, e mhila li, "Elo o ze ni u ro ri okhe irokhoko o se se eni egbo?"

<sup>11</sup> IJesu oo we, a she mholi ilese oyi osheli abi Eshinegba o she mholi omhese shi e egbe, ama a roli sheli we. <sup>12</sup> Onini o da kpe mholi, a ya ro ma o na li, o mholi gbeku o. Ama oni o me hue, a ya mie o li oni o

\* **12:38** Li ze iMat 16.1; iMak 8.11; iLuk 11.16 † **12:39** Li ze ijona 1.17--2.10; iMat 16.4; iMak 8.12 ‡ **12:40** Li ze ijona 1.17 § **12:41** Li ze ijona 3.5 \* **12:42** Li ze 1 Ighie 10.1-10; 2 Okhe 9.1-12 \* **13:2** Li ze iLuk 5.1-3 † **13:12** Li ze iMat 25.29; iMak 4.25; iLuk 8.18; 19.26

kpe mhue.† 13 Emini o ze ni mhi ro ri okhe  
irokhokho nu we ngme khi.

Ini e rie bino,  
ea ya me eke,  
ini e rie ri eso shi eke,  
oa ya lo we eso.

14 Loli o ze khi ungmehi  
ni omekeguele Azaya  
o ngme o tse shi we egbe  
ni o la lie.

“A ya ri eso shi eke khue,  
ama oa ya tigbe lo e eso,  
a feli ofeli khue,  
aa me emhikhoghwo.”

15 Udu oyewe o bi obili-a.  
Itobo khi eri  
eso eyewe e zuse,  
e gbo guese alo.

Ini oa khi igho,  
e kha ri alo eyewe  
ke me eke,  
eso eyewe e kha suo,  
udu oyewe o kha  
mholi ilisingme,

ee kha mu pfi  
bhale deba mhe,  
mhi rewe ze.”

“Eni egbo e ya ri eso  
shi eke khue,  
ama oa ya tigbe lo we eso,  
e feli ofeli khue,  
ama ea me emhikhoghwo.”‡

16 Ama oyewe oa khi igho. A me afa gba.  
A ri alo eye e me eke, a ri eso eye e suo.

17 Abi o li mhi li gue oli ye e khi, emekeguele  
ebubu ali egbo eyi Eshinegba ebubu, e li dua  
ini wewe e me emini a me ali ini wewe e suo  
emini a suo, ama ea dobe. §

*Emini okhe irokhokho oyi oghiale o ngme  
(iMak 4.13-20; iLuk 8.11-15)*

18 Ijesu oo. “A ri eso shi eke, ni e suo  
emini oni okhe irokhokho o ngme. 19 Ogbo  
ni suo ungmehi omhese ni Eshinegba o  
mholi shi agbo oyi egbo, ni oa lo oli eso ne,  
loli o li abi ikpamhi emini e de kua epfe  
ode. Eri okphaghie o bhale ya sano li wewe  
udu kua. 20 Eni e ze nga ukhomhi okpegbhe,  
eri e li abi ogbo ni o kha suo ungmehi, o

ga ri oghere mie oli. 21 Ama oa tiemhi oli  
udu, itobo igho, oa migha tese. Irarigho, ini  
omunu o bhale ali ni a ro mu okholi vule shi  
oli o shi itobo oni ungmehi, o de ode a  
aghoghwo. 22 Ikpamhi ni e ze shi ifu igba,  
wewe e li abi ogbo ni o kha suo ungmehi  
oyi Eshinegba, inase-udu shi ingme agbo ali  
oghumehe oyi epfue, e tono oni ungmehi  
abi igba, oa dobe mo umomhi.\* 23 Ikpamhi  
ni e ze shi egbegbi eke, e li abi ogbo ni o  
kha suo ungmehi oyi Eshinegba o lo oli  
eso. O mo umomhi. Eghuo e kha mo imomhi  
egbhueshe, elese mo egbhuese, eghuo o uye  
ali igbe.”

*Okhe irokhokho oyi ebuli ofaghue ali ado*

24 Ijesu o gbo ze okhe irokhokho olese  
khasa we, oo we, “Eri omhese oyi Eghiele  
oyi Eshinegba o li abi omose oghuo ni o ko  
ado enete shi ishemhi oyoli.” 25 Eliyose, khi  
egbokpa e ya lese-a, obe oli o bhale ya ko  
ebuli ofaghue sollo shi oli o, o vu. 26 Eni ado e  
ze khi e fu khi e ri itsagha lasele, eni ebuli  
ofaghue e li ze lasele.

27 “Igho eni ee ga eyi oni omose e bhale ya  
guye oli, ee oli, ‘Oga egbegbi ado ni u ko shi  
ishemhi oye, ebuli ofaghue e nu we ze lasele  
kia sollo shi we?’

28 “Obe mhe o riele ona.

“Eni ee ga e mhila li, ‘Wa a nono ni anye  
vuolo eni ebuli o kua?’ 29 Oo we, Iiye! Irari  
khi ini a vuolo eni ebuli-a, a ya do obo  
vuolo eni ado ma eni ebuli. 30 A ze ni e ga fu  
kugbe ya ramhi eghenge ikhiese. Eghenge  
aghwo, mhi ya guye eni ee khiese, e kpe  
vuolo eni ebuli-a, e ge we ikhuli, e tose we-  
a, e tigbe khiese eni egbegbi ado shi aka na  
mhe.”

*Okhe irokhokho oyi ukpamhi oara  
imositadi*

*(iMak 4.30-32; iLuk 13.18-19)*

31 Ijesu o ze okhe irokhokho olese khasa  
we. Oo we, “Eri omhese ni Eshinegba o  
mholi shi agbo oyi egbo o li abi ukpamhi  
oara ni a lu imositadi ni omose oghuo o ro  
ya ko ishemhi oyoli. 32 Ukpamhi oli, o khi  
oghuo ikpamhi era ni e she ne nya, ama  
ini o fu vule, loli o ke fu dose emini a ko shi

‡ 13:15 Li ze Aza 6.9-10 § 13:17 Li ze iLuk 10.23-24; iJon 8.56; Iburu 11.13; 1 iPit 1.10-12 \* 13:22 Li ze iMat 19.23; 1 iTimo 6.9-10,17

oni ishemhi nya. O mele ọara oni ofunẹ a. Ipfeli e bhale ya ku eko shi iguabọ eyọli.”

*Okhe irọkhọkhọ oyi ifuma  
(iLuk 13.20-21)*

<sup>33</sup> Ijesu ọ gbo zẹ okhe irọkhọkhọ olese khasẹ wẹ, ọọ wẹ, “Eri omhẹsẹ ni Ẹshinẹgba ọ mhọli shi agbọ oyi ẹgbọ o li abi ifuma ni ọkpotoso ọ rọ ma ifulawa ni o bu wushe, ni o rọli fuma shi ọ.”†

<sup>34</sup> Okhe irọkhọkhọ iJesu ọ rọ gue ingme ena yẹwẹ. Ọa tigbe gue ingme okhọghuo yẹwẹ ni ọa khi okhe irọkhọkhọ. <sup>35</sup> Eri ona o ya tse shi ungmehi ni ọmekẹguele ọ ngme. Ni ọọ,

“Okhe irọkhọkhọ  
mhi rọ ya nu wẹ ngme.

Mhi ya gue ingme  
ni a rọte igbaekele  
oyi agbọ rọ sheli yẹ wẹ.”‡

<sup>36</sup> Abi iJesu ọ rọ zẹ eni ebubu ẹgbọ obo, ni ọ rọ ya lo elemhi owa, eniyẹ odukhokho eyọli e bhale deba li. Ẹẹ ọli, “Gueyẹ anye emini okhe irọkhọkhọ oyi ebuli ọfaghue oghọ o ngme.”

<sup>37</sup> Ijesu ọọ, “Ọgbọ ni ọ ri eni egbegbi ikpamhi emhi ẹkọmhi kọ, ọ khi Omi Ọgbọ. <sup>38</sup> Oni ishemhi o khi oni agbọ ona, eni ikpamhi ado enete eghọ e khi ẹgbọ ni e ya ri egbewẹ na Eghiele oyi Ẹshinẹgba. Eni ebuli ọfaghue e khi ẹgbọ eyi Ọkphaghie. <sup>39</sup> Ọkphaghie ọ khi Ọbe ni ọ ri eni ebuli kọ ifu ishemhi. Oni ẹghẹghẹ ikhiẹsẹ o khi ikpukhokho agbọ, eni eni ẹẹ ga eghọ e khi igeni eyi Ẹshinẹgba.

<sup>40</sup> “Ẹzẹzẹ abi a li ti eni ebuli gbili tose-a eghọ, ighọ ikpukhokho agbọ o ya li. <sup>41</sup> Omi Ọgbọ ọ ya ghie igeni eyọli ya wolọ ẹgbọ ni e yese ẹgbọ pfidọ ali eni e li ọkhọlọ elemhi eghiele oyọli lasele. <sup>42</sup> A ya pfi wẹ kulo elemhi avuere, aghọ ẹgbọ e la ya ke vie ẹ le akọ akọ. <sup>43</sup> Ẹghẹghẹ aghọ ẹgbọ eyi Ẹshinẹgba e ya ke gẹ abi ovọ elemhi agbọ onogbọ oyi Ẹshinẹgba. A mhọli esọ, a suọ emini mhia gueyẹ ẹ ni a rọli gbe akanya.”

*Okhe irọkhọkhọ oyi ẹpfue ni a rọ sheli*

<sup>44</sup> “Eri omhẹsẹ ni Ẹshinẹgba ọ mhọli shi agbọ oyi ẹgbọ o li abi ẹpfue ni a rọ sheli ifui ishemhi, ni ọmọsẹ ọ tọnọ ekẹ mẹ rue, ni ọ

nyanya gbo roli sheli. Egbe e mu ọli, ọ ya ri emini ọ mhọli nya de, ọ ya de oni ishemhi oghọ.

<sup>45</sup> “Eri omhẹsẹ ni Ẹshinẹgba ọ mhọli shi agbọ oyi ẹgbọ o li abi ọmọsẹ ni ọ nònò ugbhẹ-ema. <sup>46</sup> Ini ọ mẹ oni o lo mu ẹloe, ọ je apfe ya ri emini ọ mhọli nya de, ọ de ọli.

*Okhe irọkhọkhọ oyi aga*

<sup>47</sup> “Eri omhẹsẹ ni Ẹshinẹgba mhọli shi agbọ oyi ẹgbọ o gbo li abi aga ni egbifele e pfi lo okẹ oniẹmhi ni o khishi, e muno ifele ọdoda. <sup>48</sup> Abi oni aga o rọ vọ, e ti ọli ngale egele. Ighọ, e shito e sanọ ifele eni e khi egbegbewẹ ọ kulo ughughu, e tsua eni ẹa ti kua. <sup>49</sup> Ighọ o ya li ogbele ni o kpe ukhokho. Igeni eyi Ẹshinẹgba e ya sanọ ẹgbọ ọkhọlọ ifuabọ ẹgbọ eni e pfuase lasele. <sup>50</sup> E pfi ẹgbọ ọkhọlọ eghọ kulo owa ere, ni e la ke vie, ẹẹ le akọ akọ.

<sup>51</sup> “Eni ingmemhi ena nya e she lo ẹ esọ?” E ọli, “Ii.” <sup>52</sup> Ọọ wẹ, “Irarighọ, eri ọsese ushi nya ni ọ mele ọmọ odukhokho-a, ni ọ da mie Eghiele oyi Ẹshinẹgba shi udu, ọ li abi ọgbọ ni ọ mhọli owa, ni ọ rọte elemhi owa ni ọ ri itsua shi ẹ rue ẹpfue onogbọ ali onodio lasele.”

*Edeli eyi iJesu e kie ọli  
(iMak 6.1-6; iLuk 4.16-30)*

<sup>53</sup> Abi iJesu ọ rọ zẹ eni okhe irọkhọkhọ ena se, Ọ lase aghọ le. <sup>54</sup> Ọ nyene egbe je ẹoli oyọli. Ọ la owa ugamhi sese, ẹgbọ ni e suọ ọli, abọ e sha wẹ. E mhila, e lie, “Obo ọ te mhue ilẹsingme enana, obo ọ te mẹ ikanya ọshabọ ena a gbe?” <sup>55</sup> “Ọa she khi omi ikapita na? Ọa khi iMeli ọ khi inyọli, iJemhisi ali iJosefu ali iSamọ ali iJudasi ẹa she khi inyoghuo ọli? <sup>56</sup> Ena ẹa khi inyoghuo ọli eni ikpotso ni e ga nu awa la ana ena? Mhie, Obo ọ te mẹ enana nya?” <sup>57</sup> Irarighọ, ọ ri elemhi bi wẹ. §

Ighọ iJesu ọọ wẹ, “Aa mẹ ashini aa la mu ekpe na ọmekẹguele, se ni apfe oyọli ali unuekpe oyọli tse aa la mu ekpe na li.”

<sup>58</sup> Itobọ khi ẹa mhue irudunga, ọa la aghọ gbe ikanya ọnyaloa ni e bu.

† 13:33 Li zẹ iLuk 13.20-21; iGal 5.9; Igbae 18.6    ‡ 13:35 Li zẹ Iwolo 78.2    § 13:57 Li zẹ iJon 4.44

## 14

### *Eghuli oyi iJoni Oni oḡ batazi* (iMak 6.14-29; iLuk 9.7-9)

<sup>1</sup> Eghēghē agho, Erōdu oghie ekē iGalili o suḡ eko iJesu. <sup>2</sup> O gueye eni e ga li, oḡ, “iJoni Oni oḡ batazi na, ni o nyene egbe bhale agbo. Loli o zē ni o rō ligho mhōli afu rō o gbe ikanya onyaloa enana.”

<sup>3</sup> Irari khi Erōdu o ke kpē ghie ya mu iJoni. Oḡ, a ri iweghē gē ḡli, a mu ḡli pfilo owa ighumha shi itobō ingme oyi Erōdiasi ughuē iFilipu inyoghūo ḡni Erōdu. <sup>4</sup> Eri iJoni o ke gueye Erōdu khi ushi oyi egbo iJu ḡa lama shi o ni o rō rue ughuē inyoghūo ḡli iFilipu shi.\*† <sup>5</sup> Oni eghēghē Erōdu o nono ni loli gbe iJoni-a shi oni ingme, ama ulishi oyi egbo iJu oo mu ḡli irari khi o leḡe khi egbo kpa e leḡe khi omekeḡuele iJoni o khi.

<sup>6</sup> Ama, eḡe ni Erōdu o gheḡe shi ogbeḡe ni a rō bia li, omi Erōdiasi o gbe ishimhi khaḡe wē ni o ri egbe mu ḡni Erōdu dōḡe. <sup>7</sup> O ri ḡni Erōdu romhi ishe, o neta oḡoḡe gueye ḡni oḡmueshi khi loli ya ri emiemini o mhila luē na li. <sup>8</sup> Igho inyoli o ya seḡe ḡni oḡmueshi, o ka gueye itali o khi iJoni ukhomhi shi ukpēko na luē.

<sup>9</sup> Abi o rō ngme ḡli ghō, egbe pfo ḡni oghie-a. Ama irari ishe ni o romhi ali apfōli ni e nu ḡli shito, oḡ a ri emini o mhila na li. <sup>10</sup> Igho o ghie ya khi iJoni ukhomhi o elemhi owa ighumha. <sup>11</sup> A khi oni ukhomhi shi ukpēko a ri ḡli na ḡni oḡmueshi, ḡni oḡmueshi o tsua li ghi inyoli. <sup>12</sup> Eniye odukhokho eyi iJoni e bhale ya tsua ekuli oyoli rō ya tō. E vu ya gueye iJesu.

### *IJesu o ri eminale na egbo agbeḡe ishe le* (iMak 6.30-44; iLuk 9.10-17; iJōn 6.1-14)

<sup>13</sup> Abi iJesu o rō suḡ emini a mē, o fiē agho lase. O lo oḡo-oke oniēmhi je asha ni o da-ya ya shito. Abi eni egbo e rō suḡ ona e ri awē kia le deba li. <sup>14</sup> Abi iJesu o rōte oni oḡo-oke oniēmhi fiē lase, ni o rō mē eni ebubu egbo egho, elemhi wē e ala li, eni ēa ze, o rē wē ze.

<sup>15</sup> Ogbōmhi o mu ekē, eniye odukhokho e bhale, eḡe ḡli, “Waa ke zē egbo ena ke je, irari khi oola o nuata shi apfē, ni e je ifu eoli ya dē emhi le.”

<sup>16</sup> IJesu oḡ wē, “Oa ti ni e ligho vu tḡe, a nono eminale na wē le.”

<sup>17</sup> Eḡe iJesu, “Ibulēdi ishe ali ifeḡe ava e khi emini awa leḡe mhue shi ana.”

<sup>18</sup> IJesu oḡ wē, “A rue wē bhale ghi mhe ghue.” <sup>19</sup> Oḡ, oḡbōḡbō o shito ukhomhi ebuli. O rue eni ifeḡe ava ali ibulēdi ishe egho, o tsua wē idane o ri ikphēmhi na Eshineḡba. O kholo eni ibulēdi-a, o rē wē na eniye odukhokho eyoli. Eni eniye odukhokho eyoli e kemhi wē na wē. <sup>20</sup> Oḡbōḡbō o le, o khue, e kpole. Igho eniye odukhokho eyoli e sanḡ eni e kpole vō ighughu igbeva tsululu. <sup>21</sup> Emōḡe agbeḡe ishe (5,0000) e le eni eminale, ini aa leli ikpotso ali eniye ma o.

### *IJesu o la ukhomhi oḡe kia* (iMak 6.45-52; iJōn 6.15-21)

<sup>22</sup> Aghoagho iJesu o gueye eniye odukhokho eyoli e lo oḡo-oke da je ukiēkiē oḡe obini o kpole, o gueye eni ebubu egbo, oḡbōḡbō o ke je. <sup>23</sup> O veḡe eni egbo kua se, o je ukhomhi ute ya sō iromhi. Ogbōmhi o mu ekē, iJesu lolighuo o kie la oobō. <sup>24</sup> Eghēghē ni a ngme ena, oni oḡo-oke o she rōte ekē lo oni oḡe kia nuata. Igho akpekpeli oniēmhi oo zughuse oni oḡe, ni o tsua oni oḡo-oke ya nga ya tiemhi.

<sup>25</sup> Eḡe uzogbe neni ogbe o gbe-a, iJesu bhale deba wē, o la oni ukhomhi oḡe e kia. <sup>26</sup> Abi eni eniye odukhokho e rō mē ḡli khi o la ukhomhi oni oḡe e kia, e yila. E tḡeḡe, e lie, “Ayemhe olimi lo!”

<sup>27</sup> IJesu o nyanya nu wē ngme, oḡ, “A mhōli udu, mhemhe lo, a khi ke na ulishi.”

<sup>28</sup> iPita oḡ, “Onomhue ini yeye lo igesikia, wē mhe mhi bhale debē oni ukhomhi oḡe.” <sup>29</sup> IJesu oḡ li, “Bhale.” Igho iPita o fiē oni oḡo-oke lasele, oḡe kia ukhomhi oḡe, oḡe le deba iJesu. <sup>30</sup> Ama abi o ke rō mē abi oni ukpokpomhi akpekpeli o li pfiolo, ulishi o mu ḡli, oḡe tiemhi elemhi oni oḡe. O tḡeḡe, oḡ, “Onomhue tsumhi mhe!”

<sup>31</sup> Igho iJesu o nise obō-a o mu ḡli. Oḡ li, “Elo o zē ni irudunga oye o rō na she. Elo o zē ni u rō mhue akhokhomhe?”

<sup>32</sup> Igho e ga ya lo elemhi oni oḡo-oke, oni akpekpeli o pfomhe. <sup>33</sup> Igho eniye

\* 14:4 Li zē iLev 18.16; 20.21 † 14:4 Li zē iLuk 3.19-20

odukhokho eyoli e nyese ukhomhi na li ee oli, “Igesikia lo khi, Omi Eshinegba u khi.”

*Ijesu o la iGenesarēti ri oni oo ghua ze (iMak 6.53-56)*

<sup>34</sup> Abi e ke ro da oni oke ni o khishi, e bhale eke iGenesarēti. <sup>35</sup> Abi egbo ni e la oni eke e ro lese khi ijesu lo, e ghie ghi egbo ni e la eoli i kia gasē oni eoli nya. Egbo e tsua egbo eyewe nya ni ee ghua ghi oli. <sup>36</sup> E lema li o kpekpe o lese ze ni eni e ghua e ri obo ti eso awulu ni o so. Egbo nya ni e ri obo ti oli, e ze.

## 15

*Osese ipfuase na ekeleghi (iMak 7.1-13)*

<sup>1</sup> Igho egbo iFarisi ali esese Ishi eyi iMosisi eghuo e te iJerusalemu bhale ya mhila ijesu, ee, <sup>2</sup> “Elo o ze khi eniye odukhokho eye ea ya ri osese ni ititawa e ro shi eke gbe akanya? Ea ya kpe abo-a neni e le eminale!”

<sup>3</sup> Ijesu oo we, “Elo o ze ni a ro ri itobo ushi oyee gbe ushi oyi Eshinegba-a? <sup>4</sup> Irari khi Eshinegba oo lie, ‘Ogbo o ke ri ekpe na itali ali inyoli,’ ali khi, ‘Onini o da ku itse na itali okekhi inyoli ne, a gbe oli-a.’” <sup>5</sup> Ama abi ee a ke ngme khi, ini ogbo o mholi ikpagho ni o kha ro na itali okekhi inyoli, ni o ke ro lie khi eni ikpagho egho khi loli mu udu pfi, khi Eshinegba loli ke ri eni ikpagho ya na. <sup>6</sup> Khi o gue kia ini o ke rie ri ikpagho na itali ali inyoli. Ina a li ri eloe e gbe ushi oyi Eshinegba ni a ba me asha ke deba osese oye e. <sup>7</sup> Ee e ri ugamhi ku alo! Azaya Omekeguele o kpe lina ngme oli shi e egbe ni o re,

<sup>8</sup> “Eni egbo ena, unu e ro mu ekpe e na mhe, ama udu oyewe o nuata shi mhe o.

<sup>9</sup> Afue e mema ga mhe, irari khi osese oyi egbo ee sese egbo, abine khi ishi eyemhe lo.”†

*Emini e ri ogbo oo khi oni o pfuase (iMak 7.14-23)*

<sup>10</sup> Ijesu o lu egbo ni e legba, oo we, “A ri eso shi mhe eke, ni a mhue ilasingme. <sup>11</sup> Oa khi emini ogbo o rote unu le tiemhi elemhi

e roli e khi oni o pfuase, ama emini e te oli unu ya fie e ri ogbo khi oni o pfuase.”

<sup>12</sup> Igho eniye odukhokho eyoli e bhale deba li e mhila li, ee oli, “U li lese khi ingmemhi ni u ngme amo khi, o ri elemhi e bi egbo iFarisi?”

<sup>13</sup> Ijesu oo we, “Oara ni Itamhe na iloghie o da ro ko ne, a ya vu oli eke-a.” <sup>14</sup> A khi ze ni ingme oyewe o nase e udu. Ezalo ni eri ezalo e kia e khi. Ini ozalo o mu ozalo onabi loli obo o kia, eri wewe ava e ga de ya pfilo ateke.‡

<sup>15</sup> IPita oo ijesu, “Gueye anye abi oni okhe irokhokho ena e ngme.”

<sup>16</sup> Ijesu oo we “Aa kie lese emini mhia ngme?” <sup>17</sup> A lese khi emini o da te unu ya tiemhi elemhi khi eri a ne oli e kua? <sup>18</sup> Ama emini o da te unu lasele ne, elemhi udu o te lasele. Ena e khi emini e dobe ri ogbo o khi oni o pfuase. § <sup>19</sup> Irari khi elemhi udu isamhi ebe e te e lasele. Usamhi abi a lie gbe ugbeli, ali abi a lie kia okia, abi lie do ighiat o ni a ro na eta ali iku itsebo ali iyese ogbo-a, ali ni a ro o pfi otsele egbhue.\*

<sup>20</sup> Emhi enana e ri ogbo o khi oni o pfuase. Ama ini ogbo o le eminale ni o ro kpe abo, o a ri ogbo khi oni o pfuase.

*Irudunga oyi okpotso ongi iKena (iMak 7.24-30)*

<sup>21</sup> Ijesu o te agho vu, o bhale eke iTai ali iSidoni. <sup>22</sup> Okpotso ongi iKena ni o la ukiekie eke ogho o bhale deba ijesu o lema li, oo li, “Onomhue Omi iDefidi kpekpe mholi ilelemhi na mhe. Omimhe ni omueshi o mhue ayemhe okphaghiye. Oo ze mu oli gba memena.”

<sup>23</sup> Ama ijesu o so oli o. Eniye odukhokho eyi ijesu, e ijesu o khu oni okpotso khi oo kpe okeke deba ewe.

<sup>24</sup> Ijesu oo we, “Isumha eyi iZireni ni e waa, a ghie mhe ghi tse.”

<sup>25</sup> Oni okpotso o suo ona, o bhale ya de wugha odalo oyi ijesu, oo li, “Onomhue kpekpe kpaghiye mhe obo.”

<sup>26</sup> Ijesu oo li, “Oa ti ni a rue eminale oyi eniye pfi ghi ewa.”

<sup>27</sup> Oni okpotso oo, “Igho lo gueguegue, Onomhue. Ama ewa ee le eminale ni o rote

\* 15:4 Li ze Okiali 20.12; 21.17; iLev 20.9; iDeut 5.16 † 15:9 Li ze Aza 29.13 ‡ 15:14 Li ze iLuk 6.39 § 15:18 Li ze iMat 12.34 \* 15:19 Li ze iGal 5.19-21; 1 iKori 6.9-10; iRom 14.14

ukhomhi itebu oyi ọni ọ mhọli wẹ de kua eke.”

<sup>28</sup> Ijesu ọọ ọni ọkpotoso, “Egbegbo u mhue irudunga, a ya ri emini u nono ne.” Aghoaghọ omi ọli ọ ze.

<sup>29</sup> Ijesu ọ te agho vu, ọ rote okẹ oniemihi iGalili le. Ọ nga ukhomhi ute ya shito.

<sup>30</sup> Ebubu egbo e bhale deba li agho, e tsua egbo ni e guoghọ awe-a, ali eni e ze alo ali eni e le esọ, ali eni e ki shi, ali ingmenu ali ebubu egbo ni e mhue ighuamhi ododa bhale ya shi ufuẹge oyi ijesu. Ọ ri wewe nya ze. <sup>31</sup> Abọ e sha egbo abi e ro me khi ingmenu ee ngme, egbo ni e guoghọ a, e vule kia, eni e ze alo e me eke, igho, ee kuẹghie Eshinegba oyi iZireni.

### *Ijesu ọ ri eminale na egbo agbele ene le (iMak 8.1-10)*

<sup>32</sup> Ijesu ọ lu eniye odukhokho eyoli e ro da oni okẹ oniemihi ni o khi shi je egele ukiẹkie obini o kpole se, e sato khi wewe ẹa yelee tsua ibuledi. <sup>6</sup> Ijesu ọọ wẹ a mhue egbe ẹ shi angeli oyi egbo iFarisi ali iSadusi ni o li abi afuma oyi oyese.‡

<sup>33</sup> Eniye odukhokho eyoli e mhila li, “Obo a te ya me eminale ni ebubu egbo ena e ya le ifu oyemhi ni awa la ena?”

<sup>34</sup> Ijesu ọ mhila wẹ, “Ibuledi ingme a mhọli shi agho?”

Ẹ ọli “Iruli ishilua ali ikuku ifele.”

<sup>35</sup> Igho ijesu ọọ eni egbo e shito ekekhe. <sup>36</sup> Igho ọ rue eni ibuledi egho ali eni ifele ọ kphemhi na Eshinegba shi ọ. Ọ khi wẹ a, ọ rewe na eniye odukhokho eyoli e kemhi wẹ na eni egbo. <sup>37</sup> Ogbokpa ọ le, ọ khue. Eniye odukhokho eyoli e sanọ eni e le kpole shi ighughu ishilua e vo tsuulu. <sup>38</sup> Emose agbele ene 4,000 e le eni eminale. Ini ogbo ọa leli ikpotso ali eniye ma ọ. <sup>39</sup> Ijesu ọ vese eni ebubu egbo kua se, ọ lo oko-okẹ oniemihi je ukiẹkie eke iMagidalen.

## 16

### *E mhila ijesu ọ ri oḣe khase ewe (iMak 8.11-13; iLuk 12.54-56)*

<sup>1</sup> Egbo iFarisi ali iSadusi eghuo e bhale deba ijesu e ya mu ọli fe. E mhila li ọ ri

oḣe ni o te iloghie bhale khase wẹ.\* <sup>2</sup> Ijesu ọọ wẹ, “Ini ogbomhi ọọ mu eke, a guele khi, ‘Ogbe-namo o ma ti irari khi idane o yile-a.’ <sup>3</sup> Eḣe uzogbe, a guele khi, ‘Ame o ya rue amo irari khi idane ọọ yile, o gbo bishi-a.’ A gue bino irarogbe guele abi ogbe o ya li, ama aa doḣe ẹ guele emini eghẹghẹ ni a la memena o ngme. <sup>4</sup> Eḣe egbo ebe na agbhotu ona ni aa ri igesikia ga Eshinegba! A mhila mhe oḣe? Aa ya ri okhoghuo khase ẹ, se ni onayi iJona omekeguele.”†

Igho ijesu ọ pfi wẹ shi agho vu.

### *Oyese oyi egbo iFarisi ali iSadusi (iMak 8.14-21)*

<sup>5</sup> Abi eniye odukhokho eyoli e ro da oni okẹ oniemihi ni o khi shi je egele ukiẹkie obini o kpole se, e sato khi wewe ẹa yelee tsua ibuledi. <sup>6</sup> Ijesu ọọ wẹ a mhue egbe ẹ shi angeli oyi egbo iFarisi ali iSadusi ni o li abi afuma oyi oyese.‡

<sup>7</sup> Eni eniye odukhokho e nu egbewe ngme ọli khi itobo khi wewe ẹa tsua ibuledi bhale ijesu ọ ro ngme ona.

<sup>8</sup> Ijesu ọ suọ emini e ngme, ọọ wẹ, “Eni ẹa mhọli irudunga ena, elo o ze ni a ro gue ẹzo eminale? <sup>9</sup> Aa kie lese ingme? Aa sato abi mhi ro kemhi ibuledi ishe na egbo agbele ishe, ighughu ingme a sanọ eni e le kpole vo?§ <sup>10</sup> Ali ibuledi ishilua ni mhi ro na egbo agbele ene le, ighughu ingme a sanọ eni e le kpole vo?\* <sup>11</sup> Elo o ze khi aa kie lese khi ọa khi ingme ibuledi mhi nu ẹ gue? Ama, mhi ẹ a mu egbe ẹ shi oyese oyi egbo iFarisi ali iSadusi ni o li abi ifuma.” <sup>12</sup> Lolọ eniye odukhokho eyoli e ro tigbe lese khi, ọa khi ingme ifuma ni a ro nye ibuledi ọ nu wẹ ngme ẹ shi, ama ingme oseḣe egbholi oyi egbo iFarisi ali iSadusi ọọ ngme.

### *IPita ọ guele ọni ijesu ọ khi (iMak 8.27-30; iLuk 9.18-21)*

<sup>13</sup> Abi ijesu ọ ro bhale eke iSizeria iFilipi, ọ mhila eniye odukhokho eyoli, ọọ wẹ, “Oghuo egbo e famhi ẹ lie khi Omi Ogbọ ọ khi?”

<sup>14</sup> Eḣe ijesu, “Eri egbo eghuo ẹ khi iJoni Oni ọọ batazi egbo u khi, eghuo ẹ lu ẹ, Elaja,

\* 16:1 Li ze iMat 12.38; iLuk 11.16 † 16:4 Li ze iMat 12.39; iLuk 11.29 ‡ 16:6 Li ze iLuk 12.1 § 16:9 Li ze iMat 14.17-21 \* 16:10 Li ze iMat 15.34-38 † 16:14 Li ze iMat 14.1-2; iMak 6.14-15; iLuk 9.7-8



eghuo o e khi, iJeremaya u khi, eghuo e khi, ooghuo emekeguele u khi.”†

15 IJesu oo we, “Ee oye e, oghuo e khi mhi khi?”

16 ISamo iPita o ro oli, “Yeye u khi oni iKirisiti Omi Eshinegba ni o la o.”‡

17 IJesu oo li, “Oni a khi vose na u khi, iSamo omi ijona. Oa khi ogho o ri igesikia ona khasa e, obo oyi Itamhe na iloghie o te bhale. 18 Mhi gueye, yeye iPita, (ni u khi eche). Oni ungmehi ni u ngme ena mhi ya ma Igbaa oyemhe ni e mie mhe suo nga, ekpabo oyi eghuli oa dobe ya mu oli o le. 19 Mhi ya rue okpe oyi eghiele oyi Eshinegba ne, emiemini u waa da lama shi elemhi agbo ona ne, Eshinegba oa ya li lama shi o obini iloghie, emini u da lama shi elemhi agbo ona ne, o ya lama shi o obini iloghie.”§

20 IJesu o gueye eniye odukhokho eyoli e khi gueye egho khi loli khi oni iKirisiti.

*Ijesu o gue ingme eghuli oyoli le shi eke*  
(iMak 8.31--9.1; iLuk 9.22-27)

21 Rote eghage agho vu iJesu o te gueye eniye odukhokho eyoli, oo, lie, “Mhi mema ya je eke iJerusalemu ni mhi la ya me osoli ebubu abo eyi eni egbhali ali ighie eyi ekpodalo-ugamhi ali esese Ishi eyi iMosisi. A mema ya gbe mhe-a, ama ele nuzi-ese a ya guise mhe le bhale agbo.”

22 Igho iPita o lu oli fie je olase o lie oli o khi ke gbo ngme ghoo, “Eshinegba o bighi oli ku a, ogho oa ya tse shi e egbe!”

23 IJesu o mu egbe pfi oo iPita, “Vu mhe ana, okphaghie! Ozuode u khi shi mhe o, irari khi waa ya sa isamhi ni e rote obo oyi Eshinegba bhale, ama usamhi oyi agbo.”

24 Igho iJesu o gueye eniye odukhokho eyoli, oo we, “Ini ogho o da nono ni loli deba mhe ne o mema ya kie egboli o tsua apfida oyoli oo deba mhe.\* 25 Irari khi ogho ni o da dua ni loli tsumhi ayemhe oyoli ne, agbo onabi oyi Eshinegba o ya de oli obo-a, ama ogho ni o da ri itobo oyemhe rue ayemhe oyoli pfi-a ne, o ya tsumhi oli.† 26 Ighe eleli ni ogho o ya me ini o le ugu agbo ona nya, ni ayemhe oyoli o ro de oli obo-a? Abi khi

elo ogho o dobe ro ya fali ota ro to ayemhe oyoli. 27 Irari khi Omi Ogho o ya bhale elemhi ufumhi oyi Eshinegba loli ali igeni eyoli, eghage agho o ya ri eleli na ogho ogho abi o li gbe.‡ 28 Mhi gueye e khi egho eghuo e la ana memena ni ea ya ghu ne, ni e ro ya me khi Omi Ogho oo bhale abi oghie.”

## 17

*Imamachi oyi iJesu*  
(iMak 9.2-13; iLuk 9.28-36)

1 Ogbela-esesa o dose se, iJesu o rue iPita ali iJemhisi ali ijoni ikhi inyoghuo iJemhisi, weweghuo kpe e ya nga ukhomhi ute ni o yagha. 2 O la agho mu mela-a ukpelo we. Alo eyoli e ge abi ovo, itsua ni o so e ge abi akpa. 3 O li dena, ghe ke, e me khi iMosisi ali Elaja khi e nu iJesu e ngme.

4 Igho iPita oo iJesu, “Onomhue, o ma gue ti khi anye la ana! Ini o ghole e, mhi ya to okhola ese, oghuo o o khi o ye, olese o o khi oyi iMosisi, onokpola o khi oyi Elaja.”

5 Abi o kie li ngme, igho otughunu ni o ge nyanyanya o bhale ya khukhu we-a. E suo khi uruli o rote oni otughunu lie, “Omimhe ni mhi nono ingme oyoli na, ni o ri egbe e mu mhe. A suo emini o gueye e.”\*†

6 Abi eni eniye odukhokho e ro suo ona, e de yeshi ta alo rughu, ulishi oo mu we. 7 Igho iJesu o bhale ya ri obo ti we, oo we, “A vule, a khi ke ze ni ulishi o mu e.” 8 Abi e ke ro yase alo eke, ea ke me oghokhoghuo agho se ni iJesu lolighuo kpe.

9 Abi e ro tiemhi oni ute le, iJesu o tse agua ye we, oo. “A khi gueye oghokhoghuo emini a me, ini aa li rote eghuli guise Omi Ogho le.”

10 Eni eniye odukhokho eyoli e mhila li, ee, “Elo o ze khi esese Ishi eyi iMosisi e lie khi Elaja o mema kpe ya bhale?”‡

11 IJesu oo we, “Elaja o mema kpe ya te ode bhale ya mu egbe emhikpa shi eke.

12 Ama mhi gue e ye e khi Elaja o she bhale ama egho ea lama khi loli o khi, e li oli abi o ghole we. Igho e ya li na Omi Ogho osoli.”§

13 Igho eniye odukhokho eyoli e tigbe lese

‡ 16:16 Li ze iJon 6.68-69 § 16:19 Li ze iMat 18.18; iJon 20.23 \* 16:24 Li ze iMat 10.38; iLuk 14.27 † 16:25 Li ze iMat 10.39; iLuk 17.33; iJon 12.25 ‡ 16:27 Li ze iMat 25.31; iWolo 62.12; iRom 2.6 \* 17:5 Li ze Igbae 22.2; iDeut 18.15; iWolo 2.7; Aza 42.1; iMat 3.17; 12.18; iMak 1.11; iLuk 3.22 † 17:5 Li ze 2 iPit 1.17-18 ‡ 17:10 Li ze iMala 4.5 § 17:12 Li ze iMat 11.14

khi ingme oyi iJoni Oni oḡ batazi eḡbḡ oḡ ngme.

*Ijesu o ri omḡ ze*

*(iMak 9.14-29; iLuk 9.37-43a)*

<sup>14</sup> Abi e rḡ nyenḡ egbe bhale deba eni ebubu eḡbḡ, omḡse oḡhuo o bhale ya wugha odalo oyi iJesu. <sup>15</sup> Oḡ, “Onomhue, kpekpe le elemhi omi mhe ni o mhue ughuamhi ni o mu oḡbḡ pfi gbe. O ma nase ḡli gba. Isheghuo o mu ḡli e pfilo erali, isheghuo o de pfilo oke. <sup>16</sup> Eri mhi rue ḡli ghi eniye odukhokho eye, ea doḡe rḡli ze.”

<sup>17</sup> Ijesu oḡ, “Ashi mhi beḡshi ri abḡ mu udu na e ya ramhi, ee eḡbḡ ni ea mhue irudunga ali iwali eḡbḡ, eḡ ingme mhi ke beḡshi ri abḡ mu udu na e ya ramhi? A rue oni omḡ ghi mhe ana.” <sup>18</sup> Ighḡ iJesu o mheḡe na oni ayemhe okphaghiye oḡhḡ, o te ḡli egbe fie ya lase, oni omḡ o ze aghḡaghḡ.

<sup>19</sup> Ighḡ eniye odukhokho e bhale deba iJesu abi o rḡ kpe lolighuo le, e mhila li, ee ḡli. “Eḡ o fe ze khi anye ea doḡe khu oni ayemhe okphaghiye ya lase?”

<sup>20</sup> Ijesu oḡ we, “Itobḡ khi irudunga oye e oo she lo. Mhi gueye e khi ini a mhue irudunga ni o she abi ukpamhi ḡara imḡsitadi, a ya doḡe gueye ute ona, ee ḡli, ‘Vu ana lasele je oobḡ.’ O lighḡ ne abi u ngme. Aa me emini ḡa ya ze e ke li.” <sup>21</sup> [Ama ode ni a te doḡe khu ayemhe obe onana fie lase khi, ode iromhi isḡḡo ali azumhi ipfipfi.]\*

*Ijesu o gbo gue ingme eghuli oyḡli le shi eke*

*(iMak 9.30-32; iLuk 9.43b-45)*

<sup>22</sup> Abi eniye odukhokho eyḡli e rḡ bhale iGalili, iJesu oḡ we, “Egheḡhe o she ramhi ni a rḡ ya ri Omi Oḡbḡ na eḡbḡ de. <sup>23</sup> E ya gbe ḡli-a, ama elenuzi-ese a ya guise ḡli le bhale agbḡ.” Oni ungmehi o ri egbe pḡ we-a.

*E mhila iJesu oga oyi Owa ugamhi*

<sup>24</sup> Abi iJesu ali eniye odukhokho eyḡli e rḡ nyenḡ egbe jele iKapanḡmu, emionoga na Owa oyi Eshineḡba e bhale deba iPita, e mhila li, “Oseḡe oyeḡe o li fe ze oga oyi Owa oyi Eshineḡba?”†

<sup>25</sup> IPita oḡ we, “Ee.”

Abi iPita o rḡ lo elemhi owa le ya mhila iJesu, iJesu o kpe ngme. Oḡ, “ISamḡ, eghuo u fe sa khi enighie ena agbḡ ona e famhie mie oga? Emḡ-eke abi epfese?”

<sup>26</sup> IPita oḡ, “Epfese.”

Ijesu o li, “O ti shḡ! Oghḡ o rokhasḡ khi omḡ eke ḡa khi oni oḡ ze oga.” <sup>27</sup> “Ama ini awa khi lue na we, je oke ya pfi ugba oye pfilo. Afeḡe ni u tode ya mu, khueghie ḡli unu-a, u ya me ḡli ukpaghḡ unu rue. Rue ḡli ni u rḡli ya ze oni oga oyemhe ali oyeḡe.”

## 18

*Oghuo o funḡ shi Eghiele oyi Eshineḡba*

*(iMak 9.33-37; iLuk 9.46-48)*

<sup>1</sup> Egheḡhe aghḡ, eni eniye odukhokho e bhale deba iJesu, e mhila li, “Oghuo o fe funḡ shi Eghiele oyi Eshineḡba?”\* <sup>2</sup> Ighḡ iJesu o lu ukuku omḡ bhale migha we odalo. <sup>3</sup> Oḡ we, “Abi o li mhi li gue ḡli e ye e, khi, ini aa li mu pfi ni a li abi ikuku eniye, aa ya lo Eghiele oyi Eshineḡba.† <sup>4</sup> Oḡbḡ ni o ga funḡ shi Eghiele oyi Eshineḡba khi, oni o ri egḡli tiemhile abi ukuku omḡ ḡnana.

<sup>5</sup> “Onini o da ri irari eva oyemhe mie omḡ ḡnana ne, mhemhe o mie. <sup>6</sup> Ama ini oḡbḡkhḡghuo o yeḡe enana ni e mie mhe suḡ pfiḡ, ini a bie mu iko zu oḡbḡ oḡhḡghḡ uruli tsua pfilo elemhi oke oniḡmhi, o ti ne.

<sup>7</sup> “O maa khḡlo mu eḡbḡ ni e yeḡe eḡbḡ o lamhe. Oḡbḡ ḡa doḡe ya na pfue imufe oyi olamhe. Ama o ma khḡlo eḡbḡ ni e ze khi a me eni imufe eghḡghḡ egbe. <sup>8</sup> Ini obḡ oye, okekhi owe oye, o ze ni u lamhe, khi ḡli pfi-a. Irari khi o ti ne ini oḡbḡ o khi okhomhi ya lo agbḡ na agbḡagbḡ, ni abḡ ali awe e gba pfo nali ya lo owa ere.‡ <sup>9</sup> Ini o khia khi eloe oye o ze e lamhe, vuḡnyḡ li pfi-a. O ti ne u ri ukpeloe oghuo ya lo iloghie, ni alo e rḡ gba ne, pfi e ya lo ilimhi iriere.§

*Okhe irokhḡkhḡ oyi osumha ni o wa*

*(iLuk 15.3-7)*

<sup>10</sup> “A khi ze ni a ri eloe gbe eni ea mu eloe enana, irari khi eri igeni eyewe na iloghie e migha odalo oyi Itamhe egheḡheḡka. <sup>11</sup> [Eri mhemhe Omi Oḡbḡ mhi bhale ya tsumhi eni e wa-a.]

\* 17:21 Li ze iMat 21.21; iMak 11.23; 1 iKori 13.2 † 17:24 Li ze Okiali 30.13; 38.26 \* 18:1 Li ze iLuk 22.24 † 18:3 Li ze iMak 10.15; iLuk 18.17; 1 iPit 2.2 ‡ 18:8 Li ze iMat 5.30 § 18:9 Li ze iMat 5.29

12 “Se a sa shi o? Ini ogho o mhuē isumha egbhueshe ni oghuo o, o ro wa-a. Oa khi eri o ya ze oghuo oa la egbhueshe egho obo, o ya nono oghuo ni o wa a egho? 13 Ini o me oli, mhi gue e ye e khi egbe e ya mu oli shi oghuo ogho dose oghuo oa la egbhueshe enekpole ni ea waa. 14 Igho Ita e na iloghie oa li nono eni ea mu eloe enana ni e wa-a.

### *Inyoghuo e ni o pfido ne*

15 “Ini inyoghuo e o lue ne, le deba li ka gueye oli emini o li. Ama ze ni o khi ye ye ali lolighuo kpe. Ini o ri esọ shi e eke, u she gbo sheshe oli shi ode.\* 16 Ama ini oa ri esọ shi e eke, lu ogho oghuo abi ava elese, egheghe agho ni e khi otsele abi Ebe-no-pfuase o ngme.† 17 Ini oa ri esọ shi e o, le ya gue eni ingme nya ye ena igbaa oyi eni e mie iJesu iKirisiti suo. Ini oa gbo da ri esọ shi igbaa oyi eni e mie iJesu iKirisiti suo o ne, a ti kia nali. A rue oli shi ogho ni oa miesuo ali omionoga ogho okholo.

18 “Abi o li mhi li gue oli e ye e khi emiemini aa da lama shi oni agbo ona ne, aa ya li lama shi o na e obini iloghie. Ali khi emiemini a da lama shi agbo ona ne, a ya lama shi o na e obini iloghie.‡

19 “Mhi gbo gueye e khi ini ee otuava a da lama shi emhikhoghuo agbo ona ni a ro so iromhi shi o ne, Itamhe ni o la iloghie o ya riele oli na e. 20 Irari khi asha ni egho ava o khi aase e da lona kugbe irari eva oyemhe ne, mhi nu we la agho.”

### *Okhe irokhokho oni oa ya gbe kua na ogho*

21 IPita o bhale deba iJesu, o mhila li, “Iti-ingme inyoghuo-mhe o fe ya lue na mhe ramhi ni mhi ro ya gbe kua nali? Iti ishilua?”

22 IJesu oo li, “Iiye, oa khi iti ishilua tse, ama iti egbhueshe ali igbe asha ishilua.§\*

23 “Irari khi eri Eghiele oyi Eshinegba o li abi oghie oghuo ni oo eni ee ga eyoli e bhale ya rokhase lue abi e li gbe akanya. 24 Abi o ro gho bino na we abi e li gbe na li, a rue omose oghuo ni o lo oli ekpa idududu bhale. 25 Abi oni omose oa ro dobe fali eni ikpagho, oni oghie oo e mu oli ali ughue oli ali imi oli ya de ni o ro fali eni ota.

26 “Oni oo ga ogho o de ya wugha odalo oyi oni oghie, oo li, ‘Kpekepe, rabomudu na mhe, mhi ya fali e eni ikpagho nya.’ 27 Igho oni oghie o ya mhuē isomhelemhi na li, o gbe eni ota kua na li, o ze oli vu.

28 “Ama abi oni oo ga o ro fie lase, o me oni oo ga nabi loli ni o lo oli ikuku ikpagho. Igho, o khi awulu shi oli uruli, oo li, ‘Fali mhe ota ni u lo mhe!’

29 “Onuzava oyoli ogho, o de ya wugha, oo lema li, oo li, ‘Kpekepe rabomudu na mhe, mhi ya fali e.’

30 “Ama oa lama na li. Oo a mu oli ya shi owa ighumha ya ramhi ni o ro ya fali eni ota. 31 Abi eni ee ga enekpole e ro me emini o li, elemhi ee bi we. E le ya gue eni ingme nya ye oni oghie ogho.

32 “Igho oni oghie o ghie ya lu oni oo ga ogho, oo li, ‘Ye ye oni oo ga ona okholo ona, mhemhe mhi gbe ikpokpomhi ikpagho ni u lo mhe kua ne irari khi u lema mhe, 33 waa khi oni o kha li mhuē isomhelemhi na onuzi-ava oye abi mhi mhuē isomhelemhi ne?’ 34 Igho elemhi e bi oni oghie, o mu oli ya shi owa ighumha ni a nali osue ya ramhi ni o ro ya fali eni ota ni o lo nya.

35 “Ina Itamhe na iloghie o li ya li e ini aa rote ekelemhi udu gbekua na inyoghuo e.”

## 19

### *Ipfa-ughue-a (iMak 10.1-12)*

1 Abi iJesu o ro ngme se, o te eke iGalili vu je eke iJudia ukiekie oke iJodani, 2 Ebubu egho e ve deba li. O rewe la agho ze.

3 Egho iFarisi eghuo e bhale ya mu oli fe ni e ba me asha mu ingme ma li obo. E mhila li, “Ushi oyawa o fe lama shi o omose o ri itobo emhikhoghuo khu ughue oli?”

4 IJesu o mhila we, “Aa ze abi Ebe-no-pfuase o ngme khi eri Eshinegba ni o ma egho te igbaekele, o ma egho omose ali okpotso?\* 5 Eshinegba o gbolo e, ‘Itobo ona omose o ya ze itali ali inyoli obo, o to ma ughue-oli o, wewe ava e mele ogho oghuo-a.’ 6 Egheghe agho ea ke khi ava ama oghuo.

\* 18:15 Li ze iLuk 17.3 † 18:16 Li ze iDeut 19.15 ‡ 18:18 Li ze iMat 16.19; iJon 20.23 § 18:22 Li ze Igbae 4.24

\* 18:22 Li ze iLuk 17.3-4 \* 19:4 Li ze Igbae 1.27; 5.2 † 19:6 Li ze Igbae 2.24

Itobọ ona, emini Eshinẹgba ọ she to ma, ọgbọ khi vase ọli-a.”†

7 Eni ẹgbọ iFarisi e mhila iJesu, “Elo o zẹ khi Ushi oyi iMosisi o lama ọgbọ ọ nya ebe ipfa-ughue-a mhọli ughue ọli obọ, ọ khu ọli?”‡

8 Ijesu ọọ wẹ, “Itobọ khi aa gbe udu o zẹ ni Ushi oyi iMosisi o rọ lama li na ẹ, ama ọa kpe te igbaekele lighọ. 9 Mhi gueye ẹ khi ọnini ọ khu ughue ọli ni ọa rọ khi itobọ okia, ni ọ rọ ya rue ọkpotso ọlese ne, o she kia okia.”§

10 Eniye odukhokho eyi iJesu ẹẹ, ini o khia khi ina o bie khi iteva ọmose ali ughue ọli, o bie ti ne ọgbọ khi rue ọkpotso shi.

11 Ijesu ọọ wẹ, “Ọa khi ọgbokpa oni osese ona o gọ lu, se ni eni Eshinẹgba ọ ri oni afu na e khi rue ọkpotso. 12 Irari khi emhi ebubu ẹẹ zẹ khi ebubu ẹgbọ ẹa ya rue ọkpotso, eghuo, itobọ khi ighọ Eshinẹgba ọ ma wẹ, eghuo, itobọ khi ẹgbọ e rẹ wẹ khi ighọ, elese e ri egbewe mele ọwali-a ni e mẹ asha ga Eshinẹgba egbegbọ. Ọgbọ ni ọ dobe ya ri egbe mie oni osese, ọ ri egbe mie.”

*Ijesu ọ lema na eniye enikeke  
(iMak 10.13-16; iLuk 18.15-17)*

13 Egheghe aghọ, ẹgbọ eghuo e wolo eniye enikeke bhale ghi iJesu ini ọ ri obọ nga wẹ ukhomhi, ni ọ sọ iromhi na wẹ. Ama eniye odukhokho eyọli ee khu wẹ, e ti je ukhokho.

14 Ijesu ọọ wẹ “A zẹ ni ikuku eniye e bhale deba mhe, a khi ke khu wẹ irari khi wewe enana e mhọli agbọ oyi Eshinẹgba.”

15 Ọ ri obọ nga wẹ ukhomhi se, ọ rọte aghọ vu.

*Ọzeo ni lolo pfue  
(iMak 10.17-31; iLuk 18.18-30)*

16 Ọzeo ọghuo ọ bhale ya mhila iJesu, ọọ, “Ọsese ọnete, elo mhi fe ya li ni mhi rọ ya mhọli agbọ onabi oyi Eshinẹgba?”

17 Ijesu ọọ li, “Elo o zẹ ni u rọ ọ lu mhe ọnete? Eshinẹgba luẹghuo kpe ọ lese ti. Ini u wa nono ni u mhọli agbọ onabi oyọli, ri ishi eyọli gbe akanya.”

18 Ọ mhila iJesu, “Ishi eneghuo ọ?”\*

Ijesu ọọ li, “Khi gbe ugbeli, khi kia okia, khi do ughiatọ, khi pfi ọtsele ẹgbhue mu ọgbọ. 19 Mu ekpe na ite ali inye, gbo zẹ ni, u nono ingme oyi ọnuzava ọye abi u li nono egbe ẹ.”†

20 Oni ọzeo ọọ iJesu, “Te ekẹ vu mhi te ri eni u ga ngme ena nya a gbe akanya, onoghuo o ke kpọ mhe le?”

21 Ijesu ọọ li, “Ini u wa nono ni u gba pfo, le ya ri itsua ni u mhọli nya de u kemhi eni ikpaghọ na ẹgbọ ni ẹa mhọli, ni u mhọli ẹpfue shi obini iloghie. U tigbe bhale ke ya deba mhe kia.”

22 Abi oni ọzeo ọ rọ suo ona, egbe e pfọ li-a itobọ khi ọọ pfue gba.

23 Ijesu ọọ eniye odukhokho eyọli, “Mhi gue ọli ẹ ye ẹ khi, o ma munu ni ẹgbọ ni e pfue e zẹ ni Eshinẹgba ọ mhesẹ na wẹ. 24 Mhi gbo gueye ẹ khi, ni ọgbọ ni ọ pfue ọ rọ lo eghiele oyi Eshinẹgba, o ya munu dose, ni ọgbọ ke dua ni lọli ri akphere rọte ese asuge ya fie.”

25 Abi eniye odukhokho eyi iJesu e rọ suo ona, abọ e sha wẹ, e mhila li, “Ọghuo ọ ke dobe ya lo Eghiele oyi Eshinẹgba shọ?”

26 Ijesu ọ bino wẹ, ọọ, “Ini a ri oyi ọgbọ ngme, ona o ya munu, ama obọ oyi Eshinẹgba, emhikpa o zẹ ọli ẹ riele.”

27 IPita ọ mhila iJesu, ọọ li, “Anye ni anye zẹ emhikpa obọ bhale deba ẹ ena, elo anye ya me ọ rue?”

28 Ijesu ọọ wẹ, “Abi o li mhi li gue ọli ẹ ye ẹ khi ini Omi Ọgbọ ọ da shito ukpekhomhi ufumhi oyọli egheghe agbọ Onogbọ, ẹẹ ogbava ni a deba mhe a ya nu mhe shito ikpekhomhi igbeva, a mhesẹ ẹ na edeli igbeva eyi iZireni.‡ 29 Ọgbokpa ni ọ da zẹ owa oyọli obọ, okekhi inyoghuo ọli, ni ọ zẹ itali ali inyọli obọ ali inyoghuo ọli ali imiọli ali ẹpfue eyọli obọ shi itobọ oyemhe ne, ọ ya mhue ẹpfue eghogho asha egbhueshe, ọ gbo mhue agbọ onabi oyi Eshinẹgba. 30 Ama ẹgbọ eghuo ni e ralo e ya kpukhokho eni e kpe ukhokho, e ya ralo.”§

‡ 19:7 Li zẹ iDeut 24.1-4; iMat 5.31 § 19:9 Li zẹ iMat 5.32; 1 iKori 7.10,11 \* 19:18 Li zẹ Okiali 20.13-16; iDeut 5.17-20 † 19:19 Li zẹ Okiali 20.12; iDeut 5.16; iLev 19.18 ‡ 19:28 Li zẹ iMat 25.31; iLuk 22.30 § 19:30 Li zẹ iMat 20.16; iLuk 13.30

## 20

### *Okhẹ iròkhòkò oyi egbikanya na elemhi ogba ipfonu*

<sup>1</sup> “Eri Eghiele oyi Eshinẹgba o li abi omose ogghuo ni o fiẹ lase ya wolọ ẹgbọ ẹluzogbe je ogba ipfonu oyọli ya gbe akanya. <sup>2</sup> O lama khi lọli ya fali ogbọgbọ ingme ni a mie ogbele. O rewe je ogba ẹera ipfonu oyọli ya gbe akanya.

<sup>3</sup> “Elemhi agogo itili ẹluzogbe, o fiẹ lasele, o me khi emose eghuo e migha elemhi oki ni ẹa mhue oni ẹẹ gbe. <sup>4</sup> Oo we, ‘A je ogba ẹera ipfonu oyemhe ya gbe akanya khi mhi ya fali ẹ emini o ti.’ <sup>5</sup> Igho e vu.

“Elemhi agogo igbeva ẹle oghuota ali agogo ese ẹle ogbomhi, o gbo ligho ya wolọ emose elese. <sup>6</sup> Agogo ishe o she ramhi, o gbo bhale ya ẹ emose elese ni ẹa li gbe okhogghuo. O mhila we, o we, ‘Elo o ze ni a ro migha ana amo kpa pfuse ẹghẹghẹ-a, ni aa ro gbe okhogghuo?’

<sup>7</sup> “E ọli, ‘Irari khi ogbokhogghuo ọa lu anye shi akanya lo.’

“Oo we, ‘A je ogba ipfonu oyemhe ya gbe akanya.’

<sup>8</sup> “Ogbomhi o ke mu eke, oni o mhue ogba oggho, o lu oni o ri ẹgbọ ẹ gbe akanya na li, oo, ‘Lu eni e gbe akanya ni u fali ogbọgbọ ota. O kpe rote ẹgbọ ni e kpe ukhokho bhale fali ota ya ramhi eni e kpe bhale.’\*  
<sup>9</sup> “O fali ẹgbọ ni e te agogo ishe ẹlgbomhi gba akanya le ukpaghuo. <sup>10</sup> Abi eni e te odode gba akanya le e ro bhale ya mie ifata, e dabi khi ikpagho eyewe e ya bu dose eni e kpe ukhokho bhale oni akanya. Ama a ga fali we abizize. <sup>11</sup> E mie ifata se, ee wolọ oni o mhue ishemhi. <sup>12</sup> E ọli, ‘Emose ena ni a kpukhokho mie, iwakati ogghuo e lese gbe akanya, ama rote ẹle uzogbe fiefie anye te ri ukhomhi shi ovo ya ramhi ogbomhi. Ama u ya fali anye abizize!’

<sup>13</sup> “Omhuẹ-ishiemi o ro otuoghuo elemhi we, ‘Omue, mhi aa liele. Oa khi ukpaghuo-ghuo a lama na mhe shi akanya ogbele? <sup>14</sup> A mo ikpagho eye ẹ ni a ke je apfe. Onoghuo o de ẹ shi o ini mhi fali omose ni mhi kpukhokho mie abi mhi fali ẹ. <sup>15</sup> Abi

khi mhia dobe ya li ikpagho eyemhe abi o ghole mhe? Eri a ke kpe ofuma irari khi mhi da khi ogbo ni o somhopfa?’

<sup>16</sup> “Ama ẹgbọ eghuo ni e ralo e ya kpukhokho eni e kpe ukhokho e ya ralo.”†

### *Ijesu o gbo gue ingme eghuli oyọli le shi eke*

(iMak 10.32-34; iLuk 18.31-34)

<sup>17</sup> Abi ijesu o ro o nga iJerusalemu, o lu eniye odukhokho eyoli je asheghuo ya gueye, oo we. <sup>18</sup> “IJerusalemu ni awa je ena, a ya la oobo ri Omi Ogbọ na ighie eyi ekpodalo-ugamhi ali esese Ishi eyi iMosisi de, agho e la ya pfa ezọ igbe-a mu oli. <sup>19</sup> E tigbe rue oli na ẹgbọ ijeta, e roli li egia, e gbe oli ite, e ta li ma apfida, ama ẹlenuzi-ese, a guise oli le bhale agbo.”

### *Emini ughue iZebedi oo ijesu o riẹle na lue*

(iMak 10.35-45)

<sup>20</sup> Igho ughue iZebedi o rue imi oli ava bhale deba ijesu, o wugha li odalo, oo li o kpekpe o somhi lue opfa.

<sup>21</sup> Ijesu o mhila li, “Elo wa nono.”

Oo li, “Lama na mhe khi imimhe aava ena, khi ogghuo o kha shito ẹ obo ita, onokpole o shito ẹ ogobo eghiele oye.”

<sup>22</sup> Ijesu oo we, “Aa lese emini a mhila. A ya dobe da uko osoli ni mhi ya da?”

E ọli, “Anye ya dobe.”

<sup>23</sup> Ijesu oo, “A rote uko ni mhi te da ya da, ama, ọa khi mhemhe mhi ya ze oni o ya shito mhe obo ita ali ogobo. Eni Ita o riẹle we shi na e mholi we.”

<sup>24</sup> Abi eniye odukhokho ogbe enekpole e ro suo, e pfaa na ogbo ali inyoghuo egho.

<sup>25</sup> Igho ijesu o lu we tigbili, oo we, “A lese khi ighie eyi ẹgbọ ijeta eri ẹẹ jili ẹgbọ eyewe. Eni e kpeda e ri omhesẹ ri itoto ẹ sha we ma. <sup>26</sup> Ama, ọa khi igho iteva oye ẹ. Oni o da nono ni loli fu ne, o khi oni oo ga enekpole.‡

<sup>27</sup> Ini ongee oo nono ni loli khi onodode, o mele oni oo ga oyi enekpole a. § <sup>28</sup> Ezeze abi Omi Ogbọ, ọa li bhale ni a ke ga li, ama o bhale ni o ro ga ẹgbọ ali ni o gbo ri agbo oyoli mie ebubu pfuese.”

\* 20:8 Li ze iLev 19.13; iDeut 24.15 † 20:16 Li ze iMat 19.30; iMak 10.31; iLuk 13.30 ‡ 20:26 Li ze iLuk 22.25-26 § 20:27 Li ze iMat 23.11; iMak 9.35; iLuk 22.26

*Ijesu o ri ezalo aava ze**(iMak 10.46-52; iLuk 18.35-43)*

<sup>29</sup> Ijesu ali eniye odukhokho eyoli e rote iJeriko vu, ebubu egbo e ve deba li. <sup>30</sup> Emose ezalo aava e shito epfe-ode. Abi e suo khi ijesu o rote agho dose. E tseşe, e lie. “Onomhue, Omi iDefidi, le elemhi anye.”

<sup>31</sup> Oni ebubu egbo e dese we, e khukhu unu, ama e kiele tseşe leghe, e lie, “Onomhue, Omi iDefidi kpekpe le elemhi anye.”

<sup>32</sup> Igho ijesu o migha, o lu we, oo we, “Elo a nono ni mhi rişle na e?”

<sup>33</sup> Eş oli. “Onomhue, kpekpe anye e nono ni u khueghie anye alo-a.”

<sup>34</sup> Ijesu o mhue ilelemhi na we, o ri obo ti we alo, eni alo e khueghie-a, e deba li.

**21***Egbo e ri ufumhi na ijesu abi o ror lo elemhi iJerusalemu**(iMak 11.1-11; iLuk 19.28-40; iJon 12.12-19)*

<sup>1</sup> Abi ijesu ali eniye odukhokho eyoli e li ti i mama iJerusalemu, e bhale ikuku eoli na lui iBetifagi ni o la Ute eera Olivu. Ijesu o la agho ghie eniye odukhokho eyoli aava je eoli ni o la odalo. <sup>2</sup> Oo we, “A je eoli ni a fe odalo oyeş ena, khi a ya me akphere ali omioli. A taghie we-a, a mu we ghi mhe ana. <sup>3</sup> Ini ogbokhoghuo o mhila e emhikhoghuo, a gueye oli khi Onomhue o ya rewe rişle emhi, o gbo ya nyene we bhale lena.”

<sup>4</sup> Eri a me enana ni a ro bhale ya e khi ungmehi ni emekeguele e ngme, ni e bhale ya tse. Ni oo

<sup>5</sup> “A gueye edeli iZayo,\*

‘A bino khi oghie oye e oo bhale deba e. O mholi ikuegbe-a, o nga ozele akphere, ikhi Omi akphere.’”

<sup>6</sup> Igho eniye odukhokho eyi ijesu e ye abi o ghie we. <sup>7</sup> Igho e rue oni akphere ali omi oli bhale, e banode eyewe egbe nga li egbe, ijesu o nga li shito. <sup>8</sup> Ebubu egbo e gueghie itsua eyewe naghie-a shi ode, eghuo e kholo eyamhi naghie-a shi ode. <sup>9</sup> Eni egbo ni e

ralo ali eni e kpe ukhokho e tseşe, e kueghie oli, e lie,

“Tsumhi anye, Tsumhi anye, Omi iDefidi!”  
“Ikhivose khi oni o ri eva oyi Onomhue bhale.”

Ikuęghie khi oyi Eşhinegba.

“Tsumhi anye.”†

<sup>10</sup> Abi ijesu o ro lo elemhi iJerusalemu, oni edeli nya o wushe-a, egbo e mhila, e lie, “Oghuo oni omose onana o fe khi?”

<sup>11</sup> Eni egbo ni e nu oli kia e gueye we, eş “Ona khi ijesu oni omekeguele onge iNazareti na eke iGalili, ni a shobo na awa khi oo bhale, ikhi oni awa migha khe.”‡

*Ijesu o lo elemhi Owa Oyi Eşhinegba**(iMak 11.15-19; iLuk 19.45-48; iJon 2.13-22)*

<sup>12</sup> Ijesu o lo elemhi Owa Oyi Eşhinegba. O khu egbo ni e la elemhi oli e du oki kua. O ghino we abo itebu ni e la ngmomhi ikpagho kua, ali ibechi oyi eni e ri inekhukhu u e de. <sup>13</sup> Oo we “A she keke oli shi Ebe-no-pfuase, ‘Owa oyemhe, owa ni a la lema o khi,’ ama a she roli mele owa oyi ighiat-a.”§

<sup>14</sup> Ezalo ali eni e guogho awe-a e bhale deba li obini Owa Oyi Eşhinegba, O rewe ze nya. <sup>15</sup> Abi ighie eyi ekpodalo-ugamhi ali esese Ishi eyi iMosisi e ro me khi ijesu oo gbe ikanya onyaloa ododa, elemhi Owa oyi Eşhinegba, ali khi eniye e la akagho tseşe leghe kueghie oli, e lie, “Ikuęghie o khi oyi Omi iDefidi,” elemhi e bi we.

<sup>16</sup> Igho e mhila ijesu, e oli “Wa a suo abi eniye eş ngme e?”

Ijesu oo, “Mhi suo.” O mhila we, “Aa kpe suo abi Ebe-no-pfuase o ngme ni o.

“U she ri eniye ali emofe

kueghie ikueghie ni o gba pfo’ ”\*

<sup>17</sup> Ijesu o te agho vu je iBetani. O gbhe agho ni ogbe o gbe.

*Ijesu o ku itse na okhua-eni**(iMak 11.12-14,20-24)*

<sup>18</sup> Eş uzogbe abi o ke ro nyene egbe ukhokho je iJerusalemu, okiamhi o gbe oli.

<sup>19</sup> Igho o me okhua-eni epfe ode, o le ya bino oli, ama oa me udumhi okhoghuo ukhomhi

\* 21:5 Li ze iZaka 9.9 † 21:9 Li ze Iwolo 118.25,26 ‡ 21:11 Li ze iJon 6.14; 7.40; Ika 3.22; iMak 6.15; iLuk 13.33

§ 21:13 Li ze Aza 56.7; iJere 7.11 \* 21:16 Li ze Iwolo 8.2

ọ, se ni ebebe. Igho ọọ oni ọara ogho “Wa gbo ya mo udumhi ghue!” Aghoaghọ oni ọara o ku ebe-a.

<sup>20</sup> Abi eni eniye odukhokho eyoli e ro me ọli, abo e sha we. E mhila li, ee. “Se o li kia khi oni okhua o ro gho nyanya ku ebe-a?”

<sup>21</sup> Ijesu ọọ we, “Mhi gueye e khi, ini a mhue irudunga ni aa ro mhue akhokhomhe, a ya dobe li emini mhi li oni okhua ona. Oa khi onana tse, a ya lie oni ute ona, ‘Vu ya de pfilo okẹ oniemi,’ oni ute o suọ na e.† <sup>22</sup> Irari khi ini a mhue irudunga, emiemini a so iromhi mhila a ya mhọli ọli.”

*A mhila ijesu obini o te mhọli afu*  
(iMak 11.27-33; iLuk 20.1-8)

<sup>23</sup> Ijesu o lo elemhi apfe oyi Owa oyi Eshinegba le, ighie eyi ekpodalo-ugamhi ali eni egbhali e mhila li, “Afu eyi oghuo u ro gbe ikanya enana? Oghuo o ri afu ne?”

<sup>24</sup> Ijesu ọọ we, “Mhemhe mhi ya li mhila e ogbo oghuo, ini a da gbaghie ọlia ne, mhi ya gueye e oni o ri afu ona na mhe. <sup>25</sup> Mhie i, ibatazi ni iJoni ọọ batazi na egbo, oghuo o ri afu na li o ke batazi egbo? Egbo e ri ọli na li abi khi Eshinegba lo?”

E nu egbewe khako, e lie, “Ini awa e khi ‘Obọ oyi Eshinegba o te bhale,’ o ya mhila awa, ‘Elo o ze ni aa ro mie ọli suọ?’ <sup>26</sup> Ama ini awa e khi, ‘Obọ oyi ogbo o te bhale,’ ulishi apfowa ọọ mu awa, irari khi ogbokpa o lese khi omekeguele iJoni o khi.”

<sup>27</sup> Itobo igho e ke ijesu “Anye aa lese.” Ijesu ọọ we “Mhemhe mhi aa li ya gueye e obini mhi te me afu.”

*Okhe irokhokho oyi eniye aava*

<sup>28</sup> “Se a me ona shi? Omose oghuo o mhue eniye emose aava. O bhale deba oni ogbhali, ọọ li, ‘Omọ ke le ogba ipfonu amo ni u ya gbe akanya.’

<sup>29</sup> “Oo itali, ‘Mhi a ya ye.’ Ama o li denẹ, o mu udu pfi, ọọ le oni ogba ipfonu.

<sup>30</sup> “Oni itawe o gbo le deba onikeke, o gbo ngme ọli abi o kpe ngme oni ogbhali. Oni ikeke ogho o lama khi lolu ya ye, ama ọa tigbe ye.

<sup>31</sup> “Onoghuo eniye aava ena o riele emini itawe o nono?”

Efe ijesu, “Oni ogbhali.”

Ijesu ọọ we, “Abi o li mhi li gue ọli e ye e khi emionoga ali idegbe e she pfi e shi ana kpe lo Eghiele oyi Eshinegba. <sup>32</sup> Irari khi abi iJoni Oni ọọ batazi egbo ọọ bhale ya sese e ode ni a ya rote, ni aa lama mie ọli suọ. Ama emionoga ali idegbe e mie ọli suọ, e mu pfi. Abi a tseku ri eloe oyee me, aa kie mu udu pfi ni a miesuọ.‡

*Okhe irokhokho oyi eni a mie shi ogba ipfonu*

(iMak 12.1-12; iLuk 20.9-19)

<sup>33</sup> “A suọ okhe irokhokho olese. Omhue-apfe oghuo o ya lao ni o gua ogba ipfonu shi ukhokho apfe oyoli. O khi ogba gase ọli, o riele ashini a la nye onyo shi o, O gbo to owa ni o yagha ni a la khe-ekhe shi o. O roli na egbo e ke ri eloe khu ọli, o vu ọli oboese. § <sup>34</sup> Abi eghẹghẹ ikhise o ro ramhi, o ghie eni ee ga eyoli ghi eni egbo, e ka mie we eni e khi eyelue ghi lue.

<sup>35</sup> “Eni egbo ni o ro shi oni ogba ogho, e mu eni eni ee ga eyoli, e gbe oghuo, e gbe oghuo-a, e tononokpo eche. <sup>36</sup> Igho oni omose o gbo ghie eni ee ga elese ghi we ni e ke bu dose eni o kpe ghie. Igho eni e la oni ogba e li we abi e kpe li egho. <sup>37</sup> Ikpukhokho o, o ghie omi ọli ghi we. Oo, ‘E ya mu ekpe na li.’

<sup>38</sup> “Ama abi eni e la oni ogba e ro me khi oni omi ọli ọọ bhale, e lu egbewe ochi, ee egbe, ‘Awa gbe oni omi ọli-a, ni awa le ugu oyoli.’ <sup>39</sup> Igho e mu ọli e rue ọli je olase oni ogba, e gbe ọli-a.

<sup>40</sup> “Irarigho, ini oni o mhue oni ogba ipfonu ogho o fe bhale, se ee a sa khi o ya li eni egbo egho?”

<sup>41</sup> Efe ijesu, “Eri o ya gbolo eni egbo okholo egho-a, o ri oni ogba na egbo elese, eni e ya ke ri eni e khi eyoli ghi ọli.”

<sup>42</sup> Ijesu ọọ we, “Efe a kpe ze ọli abi a li keke ọli shi Ebe-no-pfuase khi:

“‘Eche ni itsona e kie pfi,  
lolu o ke ya mele egbegbi eche  
ni o ke mu eloe ne nya-a.

Onomhue o ligho riele ona,

oo ti anye eloe gba’ ”\*

<sup>43</sup> “Irarigho, igho a li ya mie e Eghiele oyi Eshinegba obo, a rue ọli na egbo ni e riele

† 21:21 Li ze iMat 17.20; 1 iKori 13.2

‡ 21:32 Li ze iLuk 3.12; 7.29-30

§ 21:33 Li ze Aza 5.1-2

\* 21:42 Li ze

Iwolo 118.22-23

emini Eshinegba ọọ a ke rieḗ. <sup>44</sup> Ọgbọ ni ọ da ya de nga oni ẹchẹ ne, ọ ya guoghọ-a, ama ọgbọ ni oni ẹchẹ o da de nga egbe ne ọ ya mheli-a abi ifufu.”

<sup>45</sup> Abi ighie eyi ekpodalo-ugamhi ali ẹgbọ iFarisi e rọ suọ oni okhẹ irọkhọkhọ ona, e leṣẹ khi wẹwẹ iJesu ọ nu ngme. <sup>46</sup> E nono oḗ ni wẹwẹ e tẹ mu ọli ya khukhu, ama ulishi o mu wẹ irari khi ẹgbọ e leṣẹ khi ọmekẹguele iJesu ọ khi.

## 22

*Okhẹ irọkhọkhọ oyi ukue ni á lá rue ọmueshi*

*(iLuk 14.15-24)*

<sup>1</sup> IJesu ọ gbo ri okhẹ irọkhọkhọ ona nu wẹ ngme, ọọ, <sup>2</sup> Eri Eghiele oyi Eshinegba o li abi oghie ọghuo ni ọ gbhẹ ukue na omiọli ni ọọ rue ọmueshi. <sup>3</sup> Ọ ghie eni ẹẹ ga eyọli e ka gueye ẹgbọ ni ọ gbhẹ oni ukue na e bhale, ama ẹa lama ye.

<sup>4</sup> “Ighọ ọ gbo ghie eni ẹẹ ga elese, ọọ wẹ, ‘A ka gueye eni a lu shi oni ukue khi mhi she nye ekhe shi eke. Mhi she gbolo ena-a, ena ni e mhue ila, shi elamhako eyemhẹ, a she mu egbe emhikpa shi eke. A bhale oni ukue ikhueṣe ọmueshi.’

<sup>5</sup> “Ama eni ẹgbọ ẹa pfi esọ shi, e vu asha. Ọghuo ọ vu ishemhi, ọlese ọ vu oki. <sup>6</sup> Eghuo ọ ni a lu shi oni ukue e mu eni eni ẹẹ ga eghọ, e gbe wẹ, e gbolo wẹ-a. <sup>7</sup> Ighọ elemhi e bi ọni oghie, ọ ghie ekhọli-okhue eyọli, e ka gbolo eni ẹgbọ ni e gbolo eni ẹẹ ga eyọli-a, e toṣe wẹ apfe-a.

<sup>8</sup> “Ighọ ọni oghie ọ luno eni eni ẹẹ ga eyọli, ọọ wẹ, ‘A she mu egbe ukue oyemhẹ shi eke se, ama ẹgbọ ni mhi lu shi ọ, ẹa khi eni a kha lu shi ọ. <sup>9</sup> Mena, a ke je ifu ẹoli ikpe ni ebubu ẹgbọ e legba, ọgbọkpa ni a da mẹ ne, a lu ọli bhale oni ukue.’ <sup>10</sup> Ighọ eni eni ẹẹ ga e lo ifu ẹoli e luno ẹgbọ ni e mẹ kpa tigbili, ghe ẹgbọ enete ali ikhiakhiamhi ẹgbọ. Oni ashini a gbhẹ oni ukue shi o vọ ẹgbọ.

<sup>11</sup> “Ama abi ọni oghie ọ rọ bhale ya bino eni ẹgbọ, ọ mẹ khi ọmọṣe ọghuo ọ la aghọ ni ọa sọ itsua ukue ni a rọ khueṣe ọmueshi ye ughue. <sup>12</sup> Ọni oghie ọ mhila li, ‘Ọmue sẹ u li lo ana le ni u wa rọ sọ itsua oyi ukue ni a rọ khueṣe ọmueshi,’ Ọni ọmọṣe ọa doḗ sọli ọ.

<sup>13</sup> “Ighọ ọni oghie ọ gueye eni eni ẹẹ ga eghọ, ‘A mu ọli gẹ abọ ali awe, a tsua li pfi je olase alo ebili ni a la vie, ni a la le akọ akọ.’\*

<sup>14</sup> “Ọgbọkpa a lu ama ikuku wẹ ni e mie oni ulumhi, a ze.”

*A mhila iJesu ini a ke ze oga na iSiza*

*(iMak 12.13-17; iLuk 20.20-26)*

<sup>15</sup> Ighọ ẹgbọ iFarisi e fiẹ ya gba abi e li ya ri omhila mẹ asha mu iJesu. <sup>16</sup> E ghie eniye odukhokho eyewẹ ali eniye odukhokho eyi Erodu deba iJesu, ẹ ọli, “Ọṣeṣe, anye leṣẹ khi ọgbọ igesikia u khi, u gbolo ẹ seṣe igesikia oyi ọghuemhẹ oyi Eshinegba. Wa a ya na ulishi oyi ọgbọkhoghuo, itobọ khi ẹgbolie ọa la ọnini ọgbọ ọ khi. <sup>17</sup> Gueye anye, se ọ fe li udu oye? Abi ushi oyawa o ngme, o fe ti ni awa ze oga na oghie iSiza abi khi ọa ti?”

<sup>18</sup> IJesu ọ leṣẹ ugbamhi obe ni e gba, ọọ wẹ, “Eẹ eri ugamhi ku alo, elo o ze ni a rọ nono ni a di mhe mu? <sup>19</sup> A rue ukpaghuo ni a rọ ze oga khaṣe mhe ghue!” Ighọ e rue ukpaghuo bhale ghi ọli. <sup>20</sup> Ọ mhila wẹ “Alo eyi ọghuo na? Eva oyi ọghuo na?”

<sup>21</sup> E ọli “Eyi iSiza.”

Ighọ iJesu ọọ wẹ, “Irarighọ, a ri oni o khi oyi iSiza na iSiza a ri oyi Eshinegba na Eshinegba.”

<sup>22</sup> Abi e rọ suọ ona, abọ e sha wẹ, e ze ọli obọ, e vu.

*Ingme ughue iruerue ali irote eghuli guale*

*(iMak 12.18-27; iLuk 20.27-40)*

<sup>23</sup> Oni ogbeḗ eleghọ, ẹgbọ iSadusi ni ẹ khi iteghuli guale ọa la ọ, e bhale deba iJesu ya mhila li ogbo.† <sup>24</sup> E ọli “Ọṣeṣe, iMosisi ọ gueye anye khi, ini ọmọṣe ọ ghu-a ni ọa rọ bia eniye, inyoghuo ọli ọ rue ọni ọsamhi olimhi ni ọ bia eniye na li na inyoghuo ọli ni ọ ghu-a ọghọ.‡ <sup>25</sup> Mena inyoghuo etuoshilua e ke nu anye la ana. Ọni ọgbhali ọ rue ọkpotoso ọ ghua, abi ọa rọ bia eniye, ọ ze ọni ọkpotoso obọ na inyoghuo. <sup>26</sup> Ighọ eghuli o li gbe inyoghuo ọli ọnuzava ali ọnuzase ya ramhi ọnuzi-oshilua ẹa ga bia ọmọ ọkhoghuo na ọni ọkpotoso. <sup>27</sup> Ikpukhokho ọ ọni ọkpotoso ọ ghu a. <sup>28</sup> Mena, ogbeḗ iteghuli guale, ughue ọghuo ọ fe ya khi elemhi ewẹ nya,

\* 22:13 Li ze iMat 8.12; 25.30; iLuk 13.28 † 22:23 Li ze iKa 23.8 ‡ 22:24 Li ze iDeut 25.5



aborokhia khi wẹwẹ oshilua e ga rue ọli shi?"

<sup>29</sup> Ijesu ọọ wẹ, "Eri a da ode! Itobọ khi aa leşẹ ungmehi oyi Eshinegba ali itoto eyọli lo. <sup>30</sup> Irari khi ini egbo e rote eghuli guale, ẹa ke ya rue ikpotso, wẹ khi ikpotso e ke ya ke ngeli na emose, eri e ke ya li abi igeni na iloghie. <sup>31</sup> Ama oyi ingme iteghuli-guale oyi egbo ni e ghu-a ne, eri aa suọ abi Eshinegba o ngme ẹ. <sup>32</sup> O khi, 'Mhemhe mhi khi Eshinegba oyi Aburaamu ali Eshinegba oyi Aziki, ali Eshinegba oyi iGiekopu.' Eshinegba oyi egbo ni e la agbo o khi, ọa khi Eshinegba oyi egbo ni e ghua."§

<sup>33</sup> Abi eni ebubu egbo e ro suọ ona, abo e sha wẹ shi osese ni o sese.

### *Ushi ni o ga fune nya*

*(iMak 12.28-34; iLuk 10.25-28)*

<sup>34</sup> Abi egbo iFarisi e ro suọ khi iJesu o pfi egbo iSadusi okpe unu, e le gba. <sup>35</sup> Oghuo o elemhi wẹ ni o khi osese ushi o roshaka ni loli dobe ri ushi mu iJesu. O mhila li ogbo.

<sup>36</sup> Oo li, "Osese, Ushi onoghwo o ga fune nya elemhi Ishi eyi iMosisi?" <sup>37</sup> Ijesu ọọ li, "Ri udu oye nya ali ayemhe oye nya ali usamhi udu oye nya nono ingme oyi Onomhue Eshinegba oye.\* <sup>38</sup> Onana o khi ushi onodode ali oni o ga fu ne nya. <sup>39</sup> Eri onuzi-eva o gbo li abi loli, ni ọọ li, 'Nono ingme oyi ogbo olese abi u li nono ingme egbe ẹ.† <sup>40</sup> Ishi eva ena elemhi Ishi eyi iMosisi ali emekeguele nya, e te ze."‡

### *Omi oghuo Omiepfuese o khi*

*(iMak 12.35-37; iLuk 20.41-44)*

<sup>41</sup> Abi egbo iFarisi e kie li la agho egho, iJesu o mhila wẹ. <sup>42</sup> "Se a khokho shi Omiepfuese o? Omi oghuo o fe khi?"

Ẹ ọli "Omi iDefidi."

<sup>43</sup> Ijesu ọọ wẹ, "Elo o ke ze khi iDefidi o rote elemhi ayemhe lu ọli, 'Onomhue'? Irari khi iDefidi o lie,

<sup>44</sup> "Onomhue gueye Onomhue oyemhe.

Shito mhe ukiekie obita ramhi

ni mhi ro ya ri ebe ẹ

shi ẹ ufu ekowe.'§

<sup>45</sup> "Ini iDefidi o lu ọli 'Onomhue,' see oni Omiepfuese o ke gbolọ ẹ khi omiomi iDefidi?" <sup>46</sup> Ongewe ọa dobe gbaghie oni ogbo-a. Rote elegho vu ogbo okhoghwo ọa ke gbo gbudu mhila li ogbo okhoghwo.

## 23

### *A mhue egbhe shi esese Ishi eyi iMosisi ali iFarisi egbe*

*(iMak 12.38-39; iLuk 11.43,46; 20.45-46)*

<sup>1</sup> Igho iJesu o nu egbo ni e ri esọ shi ọli eke ali eniye odukhokho eyoli i ngme. <sup>2</sup> Oo wẹ, "Esese Ishi eyi iMosisi ali egbo iFarisi a ri afu na ni e ke guele abi Ushi oyi iMosisi o ngme. <sup>3</sup> Irarigho, a mema ya suọ esọ na wẹ, a li abi e gueye ẹ a ke li, ama a khi khonya wẹ ngeli ingeli enabi eyewe. Irari khi wewe ẹa ri emini ẹe sese egbo gbe akanya. <sup>4</sup> Eri ẹ ge itsua ni e kọ na egbo tsua. Ama wewe oyewe ẹa lama ri umiesobo da wẹ o kpaghie wẹ tsua eni itsua.

<sup>5</sup> "Emhikpa e ri abamemhe ẹ riele. E ri ogbene ni a fia otsuotsuo shi mu alukpo ali abo. E pfi emini a rote ebe-no-pfuase keke emhi shi lo eni otsuotsuo. E gbo fia emhi na yayagha na dolodolo shi esọ iwulu ni ẹe so.\* <sup>6</sup> Ashini o mhue ekpe ukue ali ikpekhomhi ni e fune ọọ ghole wẹ ini e bhale owa ugamhi. <sup>7</sup> E ma nono ni a ke tse wẹ otse ekpe atuoki, ali ni a gbo ke lu wẹ, 'Osese.'

<sup>8</sup> "Ama ẹe oye ẹ a khi lama ni egbo e lu ẹ 'Osese,' irari khi Oga oghuo o ga mholi ẹ nya, a gbo khi inyoghwo. <sup>9</sup> A khi lu ogbokhoghwo agbo ona 'Ita,' irari khi Ita oghuo kpe a mhue, iloghie o la. <sup>10</sup> Wẹ khi a ze ni ogbo o lu ẹ 'Osese,' irari khi Osese oghuo kpe a mhue ni o khi iKirisiti. <sup>11</sup> Oni o ga fune elemhi ẹ, o mema mele oni ọọ ga oye ẹ a.† <sup>12</sup> Onini o da ya ti egboli nga ne, a ya ti ọli tiemhile. Ama onini o da ti egboli tiemhile ne, a ya ti ọli nga.‡

<sup>13</sup> "O ma kholo ẹ egbe, ẹe esese Ishi eyi iMosisi ali egbo iFarisi erugamhi-ku-alo, ni e pfi okpe ode iloghie zuse egbo shi olase. Ẹe oye ẹ na, aa lama lo elemhi o wekhi eri a ze ni eni ẹ nono ni wewe e lo, ni e me asha le. <sup>14</sup> [O ma kholo ẹ egbe, ẹe esese Ishi

§ 22:32 Li ze Okiali 3.6 \* 22:37 Li ze iDeut 6.5 † 22:39 Li ze iLev 19.18 ‡ 22:40 Li ze iLuk 10.25-28 § 22:44

Li ze Iwolo 110.1; Ika 2.34-35; Iburu 1.13; 10.13 \* 23:5 Li ze iMat 6.1; iNba 15.38; iDeut 6.8 † 23:11 Li ze iMat 20.26-27; iMak 9.35; 10.43-44; iLuk 22.26 ‡ 23:12 Li ze iLuk 14.11; 18.14

eyi iMosisi ali ẹgbọ iFarisi! Ẹẹ eri-ugamhi ku alo! Eri a li esamhi olimhi le, ni a ri abamemhẹ a sọ iromhi ni o nuata. Itobọ ighọ a ya na ẹ osoli egbegbọ.]

15 “O ma khọlọ ẹ egbe, ẹẹ esesẹ Ishi eyi iMosisi ali ẹgbọ iFarisi erugamhi-ku-alo! A ga roshẹka kia eke ali ukhomhi okẹ ye obini odonuẹ ya nono ọgbọ mu pfi lama shi osesẹ oyeẹ. O kha da tse na ẹ se, osoli ni oni ọgbọ ọghọ ọ ke ya me ilimhi irierie, o ke fu dose oni ẹẹ a ya me agbhagbhamhi eva.

16 “O ma khọlọ ẹ egbe irari khi ezalo a khi ni a sesẹ ẹgbọ. Ẹẹ ni a sesẹ khi, ‘Ini ọgbọ ọ romhi Owa Oyi Ẹshinegba ọa mhue abi o ngme, ama ini ọ romhi igolu ni o la ukhomhi oni Owa Oyi Ẹshinegba, oni ishe o ya mu ọli.’ 17 Ẹẹ eyeghe, ezalo, onoghuo o fe fune? Igolu abi Owa oyi Ẹshinegba ni o ri oni igolu ro khi oni o pfuase? 18 A gbolo ẹ sesẹ ẹgbọ khi ini ọgbọ ọ romhi atete khi ọa mhue abi o ngme, ama ọ khada romhi emini a ro luase oni atete, oni ishe o ya mu ọli. 19 Ẹẹ ezalo, onoghuo o fe fune? Emini a ro luase obo ni o la ukhomhi oni atete abi oni atete ni o ri oni iluasobo khi oni o pfuase? 20 Itobọ ighọ, ini ọgbọ ọ da romhi atete ne, oni atete ali emini o la ukhomhi ọli nya ọ romhi eghọ. 21 Ini ọgbọ ọ romhi Owa Oyi Ẹshinegba, oni Owa Oyi Ẹshinegba ali Ẹshinegba ni ọ la ọ ọ romhi eghọ. 22 Ini ọgbọ ọ romhi iloghie, ukpekhomhi oyi Ẹshinegba ali oni ọ shito ọ ọ romhi eghọ. §

23 “O ma a khọlọ ẹ egbe, ẹẹ esesẹ Ishi eyi iMosisi ali ẹgbọ iFarisi. Ẹẹ erugamhi-ku-alo. Aa ze aze-oghuo-igbe oyi ebe akhokho ali okphasa, ama a ri eloe ẹ gbe emini e mu eloe shi elemhi ishi, nabi, umha gbe azeba ali isomhelemhi ali igbe akanya te ode igesikia. Enana khi egbegbi emini a kha riẹle, aa kha pfi enana shi eke ni aa riẹle we.\* 24 Ẹẹ ezalo ni a ri ẹgbọ ọ kia, a pfiolo akia onyo-a, ama a to akphere lue.

25 “O ma a khọlọ ẹ egbe, ẹẹ esesẹ Ishi eyi iMosisi ali ẹgbọ iFarisi, erugamhi-ku-alo. A kpe ukhokho iko ali itasa-a, ama emini a ri emhi itoegbe ali ufa mie e vo elemhi we. 26 Ẹgbọ iFarisi ezalo! A kpe ke kpe elemhi

uko ali utasa-a ne, egheghe agho ikhokho we e li pfuase.

27 “O ma a khọlọ ẹ egbe, esesẹ Ishi eyi iMosisi ali ẹgbọ iFarisi, erugamhi-ku-alo. Eri a li abi uji ni a ri etseli opfopfo gbolo-a, ni o te odato ọli ti eloe, ama elemhi we, e vo igua ẹgbọ ni e ghu-a ni e ke-a.† 28 Ighọ a lili ẹ li, eri a rote odato idiegbe ga li abi egbegbi ẹgbọ, ama okhọlọ ali irugamhi ku alo, o vo ẹ elemhi.

*Ijesu ọ gue anasemhẹ oyewe le shi eke (iLuk 11.47-51)*

29 “O ma a khọlọ ẹ egbe ẹẹ esesẹ Ishi eyi iMosisi ali ẹgbọ iFarisi, erugamhi-ku-alo! A ga to iji na emekeguele a riẹle iji eyi eni e gue ngeli somhotse. 30 A gbolo ọ liẹ, ‘Ini anye la agbọ egheghe oyi itita anye lo, anye a kha nu we mholi obo shi emekeguele igbolo-a.’ 31 Eri a ri ona pfi otsele mu egbe ẹ khi a lama shi ọ khi imimi eni e gbolo emekeguele-a, a khi. 32 A ke je odalo, ni a pfuse gbe ikanya ni ititae e gbaekele gbe.

33 “Ẹẹ enye ali imi enye, se a dabi khi a li ya na pfue ilimhi irierie ni ọọ bhale?‡ 34 Itobọ ighọ mhi ya gueye ẹ khi mhi ya ghie emekeguele ghi ẹ ali ẹgbọ ni e fialo-a ali esesẹ ni e bu, a ya gbolo eghuo ọ-a, a tanọ we ma apfida, elese a gbe we ite elemhi owa ugamhi eye ẹ, a khu we te eoli oghuo ya je olese. 35 Itobọ ighọ a ya ri ọlia eyi ẹgbọ eni e pfuase nya ni a gbolo-a shi eke agbọ ona mu ota sọ ẹ, rote idiegbe oyi Ebeli ni ọa mhue abi ọ li vu, ya ramhi idiegbe oyi iZakaraya omi iBerekaya ni a gbe-a shi agadamhi eva atete ali Owa Oyi Ẹshinegba. § 36 Abi o li mhi li gue ọli ẹ ye ẹ khi, osoli ni a ya me shi ugbeli ni a gbe idiegbe oyi ẹgbọ eghọ, ẹgbọ na agbhotu ona oni osoli o ya de rughu.”

*Inono ni ijesu ọ mhue na iJerusalemu (iLuk 13.34-35)*

37 Ijesu ọ ro liẹ, “Eekhue-oo! IJerusalemu, iJerusalemu! A gbolo emekeguele-a, a tono eni Ẹshinegba ọ ghie ghi ẹ eche gbolo-a. Iti-ingmi-ingme mhi she roshẹka ni mhi kolo ẹgbọ eye ẹ kugbe, abi okhokho ọ liẹ kolo imioli shi ifui ipfua, ama aa lama na mhe.

§ 23:22 Li ze Aza 66.1; iMat 5.34 \* 23:23 Li ze iLev 27.30 † 23:27 Li ze Ika 23.3 ‡ 23:33 Li ze iMat 3.7; 12.34; iLuk 3.7 § 23:35 Li ze Igbae 4.8; Iburu 11.4; iZaka 1.1; 2 Okhe 24.21 \* 23:38 Li ze iJere 22.5

38 Ghe i! Eshinegba o ya te Owa oyi Eshinegba oye e vu, o mele afue a.\* 39 Mhi gueye e khi rote memena vu, khi aa ke gbolo ya me mhe ya ramhi ni egheghe ni a ro ya ke lie, 'Oghele o khi ni oni o ri eva oyi Onomhue bhale.' †

## 24

### *Olele oyi ikpukhokho agbo* (iMak 13.1-2; iLuk 21.5-6)

1 Abi iJesu o rote oni Owa oyi Eshinegba fie lasese, eniye odukhokho eyoli e roli khasa egbe oyi oni owa. 2 IJesu o ro we, "A ga me emhi enana nya, ama mhi gue a ye e khi aa me echeli ni a ro nga egbe egbe ro to oni owa ona ni aa ya che kua."

### *Ozughu ali imu-okholi vule* (iMak 13.3-13; iLuk 21.7-19)

3 Abi iJesu o li shito ukhomhi Ute era Olivu, eniye odukhokho eyoli e bhale ya ye oli ochi, ee oli. "Gueye anye egheghe ni eni ingme enana e ro bhale ya tse, ali emini a ya ke me ni anye ro ya lese khi a she ramhi ukpesa agbo."

4 IJesu o so we o, oo. "A ke tokpe eke ini ogbokhoghuo o khi di e. 5 Irari khi ebubu egbo e ya ri eva oyemhe bhale, ee lie 'Mhemhe mhi khi oni iKirisiti,' ee di ebubu egbo. 6 A ya suo eko okholi ali okeke okholi. Ama a khi ze ni ulishi o mu e. A mema ya me emhi eghogho, ama ukpesa agbo o kie ramhi ne. 7 Ushishi e ya mu okholi vule shi ushishi o, egbo e mu egbe iku iku nu egbe e kholi. Ukpokpomhi okiamhi o ya ke pfi, eke e ya ke dekulue asha khi asha. 8 Eri enana nya e ya li abi khi oku o lese to okpotso ni o ya bia.

9 "Egheghe agho a ya mu e na we ni e nase e, a gbolo e-a. Egbo na agbo nya e ya ke biselemhi e, itobo khi a khi egbo eyemhe.\* 10 Egheghe agho ebubu egbo e ya de irudunga lasese, e ri egbe e de, ee biselemhi egbe. 11 Egheghe agho ebubu emekeguele eyi egbholi e ya lasese, ee di ebubu egbo. 12 Irari khi okholo o ya gba eke dose, imhue-inono na egbe o ke lolo e la o. 13 Ama ogbo ni o da migha irudunga oyoli

gbagbagba ramhi ukpesa, o ya khi oni a mie pfuese.† 14 A ya she ri oni usomhi onete oyi oni Eghiele oyi Eshinegba onana, tse abo gasa agbo kpa, ni o khi otsele na ishishi nya, egheghe agho ukpesa agbo o tigbe ramhi.

### *Ighuighue* (iMak 13.14-23; iLuk 21.20-24)

15 "Irarigho, a kha da me emhi obe ni o vese egbo o kua khi ighuighue ni oo vese egbo kua, ni oo pfi ebemulishi, khi o da ya migha ashini o pfuse ne, ezeze abi omekeguele iDanie o gue oli le ne, oni oo ze ebe o lese emini o ze.‡ 16 Egheghe agho, egbo ni e la eke iJudia e na ya nga ukhomhi ite. 17 Ogbo ni o la ukhomhi owa o khi tiemhile ya rue emhikhoghuo elemhi owa. 18 Ogbo ni o la ishemhi o khi jele apfe ya rue awulu oyoli apfe.§ 19 O ma kholo ikpotso ni e me egbe ali eni e ri emofe shi egbe. 20 A lema Eshinegba o khi ze ni ele unamhi oye e o khi egheghe orue wekhi ogbele iyemhe. 21 Irari khi osoli oniemhi o ya lasese o. Osoli ni ogbo aa kpe me ghue rote igbaekele agbo ya ramhi ogbe ni amo, wekhi eri a ke gbolo ya me oghogho ghue.\* 22 Ini aa rote eni ogbele eni a ngme ena khi-a, ogbokhoghuo o ya pfue o. Ama itobo oyi egbo ni Eshinegba o ze, o ya khi eni ogbele-a. 23 Egheghe agho, ini ogbokhoghuo oo u, 'Bino, ghe oni iKirisiti!' Okekha khi eri o li, 'Ghe oli oobo khe,' khi mie oli suo. 24 Irari khi iromhi emiefuese ali emekeguele eyi egbholi e ya lasese, ee ri olele eniemhi e khasa, ali ee gbe ikanya onyaloa ro ke di egbegbi eni Eshinegba o ze, ini o ya ze li lo. 25 A ghe i, eri mhi gue onana ye e shi eke neni oni egheghe o ya ramhi.

26 "Igho, ini ogbokhoghuo o gueye e, 'Ghe oli oobo, obini odagbe ifufu,' a khi je oobo. Okekha khi eri oo, 'Ghe oli ana, elemhi owa aza,' a khi mie oli suo. 27 Irari khi eri inyenegbe bhale oyi Omi Ogbo o ya li abi akphala o lie nyamhise alo nyaa, o rote udi ukhuli ge ya je udi ukhuli, rote obini ovo o te e ngale ya je obini o te e lo eko.† 28 Itobo khi ashini elamhako o ke-a shi agho ighuli ee legba.‡

† 23:39 Li ze iwolo 118.26 \* 24:9 Li ze iMat 10.22 † 24:13 Li ze iMat 10.22 ‡ 24:15 Li ze iDan 9.27; 11.31; 12.11 § 24:18 Li ze iLuk 17.31 \* 24:21 Li ze iDan 12.1; Iro 7.14 † 24:27 Li ze iLuk 17.23-24 ‡ 24:28 Li ze iLuk 17.37

*Inyenegbe bhale oyi Omi Ogbo*  
(iMak 13.24-27; iLuk 21.25-28)

<sup>29</sup> “Egheghe osoli ogho o kha da lese dose tee,

“ ‘Ovo o ya bishi alo-a,  
uki o a ke ge

ikpetata e deno ukhuli kule,

ekpabo ena ukhuli ee nighise.’ §

<sup>30</sup> “Egheghe agho, o lele irokhase oyi Omi Ogbo o ya lasese shi ukhomhi idane. Egb o ni e la agbo ona nya, e ya ke vie oya abi Omi Ogbo o li rote irarogbe e tiemhile elemhi ekpabo ali ukpokpomhi ufumhi.\* <sup>31</sup> Egheghe agho akala onofune o ya de. Omi Ogbo o ghie igeni eyoli je iguabo enenene na eke agbo nya, e ka ti egbo eyoli ni o ze gbili. †

*Owena ni a te oora okhua-eni wena*  
(iMak 13.28-31; iLuk 21.29-33)

<sup>32</sup> “A ze ni oara okhua o sese e ingme. Ini iguabo eyoli e da tsotsogho ne, ni o ro ta ebe, a lese khi okase o she ramhi. <sup>33</sup> Igho ini a da me emini mhi gue e ye ena ne, a lese khi oni egheghe o she ti ramhi ana. <sup>34</sup> Abi o li mhi li gue e ye e khi agbhotu ona o ya dose ne, ni emhi ena nya e ro bhale ya tse. <sup>35</sup> Eke ali ukhuli e ya dose, ama ingmemhi eyemhe, ea ya de kua.

*Ogbo o a lese oni ogbele wekhi oni egheghe*  
(iMak 13.32-37; iLuk 17.26-30,34-36)

<sup>36</sup> “Ogbokhoghuo o a lese oni ogbele wekhi oni egheghe. Egbegbi igeni na iloghie ea lese wekhi Omi Ogbo o lese, se ni Ita lolighuo tse.

<sup>37</sup> Abi o ke li egheghe oyi iNoa, igbo ibhale oyi Omi Ogbo o ya li. ‡ <sup>38</sup> Neni a me ogbele oyi ochikpho oniemi, eri egbo e le, e da, eghuo e wolo ikpotso, a ri ikpotso ye ughue, ya ramhi ogbele ni iNoa o ro mu oko-ok e oniemi nga, <sup>39</sup> Ama ea kie lese emini a ya me ramhi ni ochikpho o ro bhale ya tsua we kua nya. Igho ibhale oyi Omi Ogbo o ya li. § <sup>40</sup> Emose aava e ya la ishemhi ke gbe akanya, a rue oghuo vu, a ze oni o kpo ob o. <sup>41</sup> Ikpotso aava e ya la iko ke mhele emhi, a rue oghuo vu, a ze oni o kpo ob o.

<sup>42</sup> “A ri ukpelo shi eke irari khi aa lese ele ni Onomhue oye e o ya bhale. <sup>43</sup> A lese khi

ini omhue-apfe o lese egheghe ni ighiato e ro ya do oli lo, eri o ya shito ni ogbe o gbe-a. Oa ya ze ni ighiato e gbe oli ode-a lo owa le. <sup>44</sup> Itobo igbo, a mema ya mu egbe shi eke, irari khi egheghe ni aa sa shi, Omi Ogbo o ro ya bhale.

*Oni o gue ee ga ali oni o a gue ee ga*  
(iLuk 12.41-48)

<sup>45</sup> “Oghuo o fe khi oni oo ga ni ri egbe e nga ni o lese ingme. Ni oga oyoli o ze kpeda na eni ee ga eyoli, o ri eloe khu omhwapfe oyoli, ni o ke ri emhi na we le shi egheghe? <sup>46</sup> Ogho o khi na oni oo ga ogho ini oga oyoli o jele ya e khi oo riele emini o mhesa na li. <sup>47</sup> Abi o li mhi li gue e ye e khi oga oyoli o ya ri emini o mholi nya nga li ob o. <sup>48</sup> Ama ini o khi oni oo ga ni o a ya suo eso lo, eri o ya ke gueye egboli, ‘Oga oyemhe o ya la oob o tesa,’ <sup>49</sup> Oo gbe eni ee ga ni e kpo le, o le, o deba edonyo a da onyo kia kia. <sup>50</sup> Oga oyi oni oo ga ogho o ya jele apfe ogbele ali egheghe ni oni oo ga ogho o sa shi. <sup>51</sup> Oni oga oyoli ogho o ya nase oli agboagbo, o roli je asha ni a ri erugamhi-ku-alo shi. Agho o la ke vie o le ak o ak o.”\*

## 25

*Okhe irokhokho imueshi ogbe ni ea me omose ghue*

<sup>1</sup> “Egheghe ni a ngme ena, eri Eghiele oyi Eshinegba o ya li abi imueshi etuogbe ni ea me omose ghue, ni e ya rue ikpa eyewe, ni e vu ya a lu omose oni oo rue omueshi onogbo ode.\* <sup>2</sup> Imueshi oshe elemhi we e khi eyeghe, oshe eni e kpo le e khi elesingme. <sup>3</sup> Eyeghe ni e la o, e wolo ikpa eyewe ama ea sato tsua oili olese shi emhi. <sup>4</sup> Elesingme ni e la o, e wolo ikpa, gbo die oili olese shi emhi. <sup>5</sup> Abi oni omose ni oo rue omueshi egho o a ro kele e bhale, eni imueshi nya e ri ukhomhi bo, olese o dowe rue.

<sup>6</sup> “Abi itsotsogbie ro mu eke, uruli o de leghe, oo, ‘A ghe khe! Oni oo rue omueshi o she e bhale o! A vule ni a ya lu oli ode!’

<sup>7</sup> “Igho eni imueshi e ti vule, e ti ikpa eyewe ngale. <sup>8</sup> Ama ikpa eyi eyeghe ni e

§ 24:29 Li ze Iro 8.12; Aza 13.10; Ezik 32.7; iJofe 2.10-11,31; 3.15; iZef 1.15; Aza 13.10; 34.4; Iro 6.12-13 \* 24:30 Li ze iDan 7.13; iZaka 12.10-14; Iro 1.7 † 24:31 Li ze 1 iKori 15.52; 1 iTesa 4.16; Aza 27.13; iZaka 9.14 ‡ 24:37 Li ze Igbae 6.5-8 § 24:39 Li ze Igbae 7.6-24 \* 24:51 Li ze iLuk 12.39-46; 1 iTesa 5.2; Iro 3.3; 16.15; 2 iPit 3.10 \* 25:1 Li ze iLuk 12.35

la ọ, e ẹa ke doḅe lala. E lẹ deba eni e khi eḷesingme, ẹẹ wẹ, 'A kpekpe a te oili oyẹẹ diẹ na anye irari khi ikpa eyanye e she ẹ pfua.'

<sup>9</sup> "Igho imueshi eḷesingme egho, ẹẹ wẹ, 'Iiye e! Oni anye mhue ena ọa ya lo anye ni o gbolo lo ẹ ọ. A lẹ deba eni e ri oili ẹ de ya de.'

<sup>10</sup> "Igho eni imueshi eyeghe oshe egho, e le deba eni e ro de ya a de. Abi e ro vu ya de oni oili, oni ọọ rue omueshi o lole. Eni imueshi oshe ni e mu egbe oili olese egho e deba li lo elemhi owa ukue. A khukhu ode.

<sup>11</sup> "O ke li deṅe, enekpole e bhale, ẹ ya kpheli ode, e lie, 'Oga! Oga! Khueghie ode-a na anye.'

<sup>12</sup> "Ama oni ọọ rue omueshi ogho, ọọ wẹ, 'Abi o li mhi li gue ẹ ye ẹ, mhi aa leṣe ẹ.'†

<sup>13</sup> "Irarigho, a ri eloe shi eke, itobo khi aa leṣe oni ogbele wẹ khi oni eghẹghe.

### *Okhe irokhokho oyi eni ẹẹ ga etuase (iLuk 19.11-27)*

<sup>14</sup> "Egheghe agho, eri Eghiele oyi Eshinegba o ya li abi omose oghuo ni ọọ vu asha, ni o lu eni ẹẹ ga eyoli, o ri epfue eyoli nga wẹ obo. <sup>15</sup> O kemhi ikpagho na ogbogbo abi e li mhue afu ramhi. O ri ikpeshe na oghuo, o ri ikpeva na olese. O ri ukpaghuo na onokpole. O vu eoli. <sup>16</sup> Oni oga o leṣe vu se, oni o mie ikpeshe egho, o nyanya ya ri ikpeshe eyoli du oki, o me eleli ikpeshe elese nga o. <sup>17</sup> Igho oni o mhue ikpeva egho, o li ri eyoli du oki, o li me eleli ikpeva elese nga o. <sup>18</sup> Ama oni a ri ukpaghuo na egho, o vu ya to oni ukpagho eke so.

<sup>19</sup> "O teṣe, oni oga oyewe o jele. O lu wẹ ogbogbo o bhale ya guele abi o li gbe. <sup>20</sup> Oni ọọ ga ni o mhue ikpeshe egho, o bhale deba oga oyoli, ọọ, 'Oga, ikpeshe u ro na mhe, ama mhi she roli du oki, mhi me ikpeshe eleli.'

<sup>21</sup> "Oni Oga oyoli ọọ li, 'Mu akanya, yeye oni ọọ ga onete ni o mhue igesikia! U she ri igesikia khashe shi ukuku emini mhi ro ngeḅ obo, mhi ya ri emini e bu ngeḅ obo. Bhale ni awa ga la oghẹle!'

<sup>22</sup> "Igho oni a ri ikpeva na egho, ọọ li, 'Oga, ikpeva u ro na mhe, mhi she me eleli ikpeva.'

<sup>23</sup> "Oni oga oyoli ọọ li, 'Mu akanya, yeye oni ọọ ga onete ni o mhue igesikia! U she ri igesikia khashe shi ukuku emini mhi ro ngeḅ obo. Mhi ya ri emini e bu ngeḅ obo. Bhale ni awa ga la oghẹle!'

<sup>24</sup> "Igho oni o mie ukpaghuo egho o bhale, ọọ li, 'Oga, mhi leṣe khi uwali ogbo u khi; khi ashini u waa gua shi wa je ya khiṣe, ali khi ashini u waa ri ukpamhi ko, u je ya tima. <sup>25</sup> Itobo ighe eri ulishi oye oo mu mhe, loli o ze ni mhi ro ya to ikpagho eye eke so. Ghe ikpagho eye emhikhoghuo ẹa li wẹ.'

<sup>26</sup> "Oni oga oyoli, o sọli o, ọọ li, 'Yeye ogbo okholo owaza ona. U leṣe khi eri mhia khiṣe emini mhi aa roko, mhi gbo rote asha ni mhi aa pfi ukpamhi shi ẹ khiṣe. <sup>27</sup> Abi o ro khi ighe, wa a ke ri ikpagho eyemhe shi ilu ikpagho, mhi kha jele, mhi kha bhale ya ẹ khi e gbe nga o.

<sup>28</sup> "A mie oli oni ukpagho, a ri oli na oni o mhue ikpeshe. <sup>29</sup> Irari khi ogbo ni o mhue, a ya ro ma o na li, o mhue gbeku o, ama oni ọa mhue kpa, ukuku ni o kpe mhue a ya mie oli lue.‡ <sup>30</sup> Ama oni ukhiakhiamhi oni ọọ ga onana, a mu oli pfi lase ya pfia alo ebili, agho o la ke viẹ ọọ le ako ako.'§

### *Iguezọ ni o kpukhokho*

<sup>31</sup> "Ini Omi Ogbo o bhale abi Oghie Onomhue, ni igeni eyoli nya e ro nu oli bhe, o ya shito eghiele oyoli.\* <sup>32</sup> Egbọ ni e la agbo nya a ya tigbili odalo oyoli. Egheghe agho o khi we-a asha eva, abi orisumha-kia o lie vase isumha ali elamhi-a. <sup>33</sup> O ya wolọ egbo ni e pfuse je ukiẹkiẹ obita. Enekpole e la obogobo.

<sup>34</sup> "Igho oni oghie o ya gueye egbo ni e la li obo obita, ọọ wẹ, 'A bhale ni a ke li agbo elemhi iloghie ni Itamhe o riẹle na ẹ rote eghẹghe ni agbo o te gba eke le. Eẹ ni Eshinegba o khi vose na. <sup>35</sup> Irari khi abi okiamhi o ro gbe mhe, a ri emhi na mhe le, okiamhe o gbe mhe, a diẹ amẹ na mhe da. Abi mhi ro khi opfese, a mie mhe shi owa oyeye. <sup>36</sup> Abi mhi ro la irumheba a ri itsua na mhe so. Mhi ghua, a ri eloe khu mhe. Mhi la owa ighumha, a bhale ya bino mhe.'

† 25:12 Li ze iLuk 13.25 ‡ 25:29 Li ze iMat 13.12; iMak 4.25; iLuk 8.18 § 25:30 Li ze iMat 8.12; 22.13; iLuk 13.28

\* 25:31 Li ze iMat 16.27; 19.28

<sup>37</sup> “Igho eni egbo ni e pfluase egho e ya mhila mhe, e mhe, ‘Onomhue, eghoghe onoghwo anye ro me khi okiamhi oo gbe e ni anye ro ri eminale ne le, ni okiam e ro gbe e ni anye ro ro ne da? <sup>38</sup> Eghoghe onoghwo u ro khi ofese ni anye ro mie lo owa le. Eghoghe onoghwo u ro ban-a ni anye ro ri itsua ne so? <sup>39</sup> Eghoghe onoghwo u ro ghua ni u ro la owa ighumha ni anye ro bhale ya bino e?”

<sup>40</sup> “Oni oghie o ya so we o, o we, ‘Abi o li mhi li gue e ye e egho khi, emiemini u da rie le na egbo ni e khi Inyoghwo-mhe ni e miesuo ni ea mu eloe ena ne, mhemhe u rie le o li na.’

<sup>41</sup> “Eghoghe agho oni oghie o ya gueye egbo ni e la li ukiekie obo ogobo, ‘A vu mhe ana le, ee ni a pfi unu na, a ke je owa ere ni Eshinegba o rie le na okphaghi e ali igeni eyoli.

<sup>42</sup> Irari khi abi okiamhi o re gbe mhe, aa ri emhi na mhe le. Abi okiam e o re gbe mhe, aa bo ame na mhe da. <sup>43</sup> Abi mhi ro khi ofese, aa lama ni mhi lo e apfe le. Abi mhi ro la irumheba, aa bo ide na mhe so. Mhi ghua, aa ri eloe khu mhe. Mhi la owa ighumha aa bhale ya bino mhe.’

<sup>44</sup> “Eghoghe agho e ya lie mhe, ‘Onomhue, obo anye la me khi okiamhi o gbe e, ni u ro khi ofese, ni u ro la irumheba, ni u ro o ghua, ni u ro la owa ighumha ni anye aa ro kpaghi e obo?”

<sup>45</sup> “Oni oghie o ya so we o, o we, ‘Abi o li mhi li gue e ye e egho khi, emiemini wa a da rie le na egbo ena ni ea mu eloe ni e mie mhe suo ne, mhemhe wa a rie le o li na.’

<sup>46</sup> “Eghoghe agho, e vu ya lo osoli na agbo agbo, ama eni e gue ngeli, e je agbo na agbo agbo.”†

## 26

### *Ugbamhi ni a gba khe iJesu*

(iMak 14.1-2; iLuk 22.1-2; iJon 11.45-53)

<sup>1</sup> Abi iJesu o li sese emhi ena se, oo eniye odukhokho eyoli, <sup>2</sup> “A lese khi akopfua khi ukpe iPasova. A ya mu Omi Ogb, a gbe o li a shi apfida.”\*

<sup>3</sup> Eghoghe agho, ighie eyi ekpodalo-ugamhi ali eni egbhali e ya lona agbala oyi

iKefasi ni o khi Oga oyi ekpodalo ugamhi nya. <sup>4</sup> E la agho gba ugbamhi abi e li ya bena mu iJesu ya gbe-a. <sup>5</sup> E gueye egbe khi, o ya khi eghoghe oyi oni imu, ini egbo khi ri itobo igho tsua onyaghu lasele.

### *A la iBetani ku oili shi iJesu egbe* (iMak 14.3-9; iJon 12.1-8)

<sup>6</sup> IJesu o bhale iBetani, ikhi owa oyi omose oghwo ni a lu iSam o ni efafe e kpe mu.

<sup>7</sup> Abi iJesu o li la agho le eminale, okpotso oghwo o tsua ituale ni o lolo ghale shi ukoko alabasita ni a ri eche rie le bhale. O ya ku o li shi iJesu ukhomhi.†

<sup>8</sup> Abi eniye odukhokho eyi iJesu e ro me ona, e lie, “Elo o ze ni a ro na pfueche oni ituale kua shi afue?” Elemhi e bi we.

<sup>9</sup> “A kha ri ituale ona de ghale lo, a kemhi eni ikpagho na eni ea mhu e.”

<sup>10</sup> IJesu o lese emini e ngme, o mhila we, o we, “Elo o ze ni a ro nyama oni okpotso ona? Emini o somhi otse o rie le na mhe.

<sup>11</sup> Eghoghe kpa eni ea mhu e ro a la e ifuabo. Ama aa ya ke me mhe eghoghe kpa.‡ <sup>12</sup> Emini o ze ni okpotso ona o ro ku ituale ona shi mhe egbe khi, ni o ro mu mhe egbe khe iroto oyemhe. <sup>13</sup> Mhi gueye e khi ashishini a da la tse abo usomhi onete ona eke agbo ona ne, a ya ngme emini oni okpotso ona o rie le ro sato o li egbe.”

### *IJudasi o lama khi lo li ya ri iJesu de* (iMak 14.10-11; iLuk 22.3-6)

<sup>14</sup> Igho oghwo eniye odukhokho ogbava eyi iJesu ni a lu iJudasi na Isikaroti, o fie deba ighie eyi ekpodalo-ugamhi. <sup>15</sup> O mhila we, “Ingme a ya ro na mhe ini mhi ri ode khas e ni a te ya mu o li?” Igho e leli ikpaghuo-ghuo uye ali igbe na li. § <sup>16</sup> Rote agho vu, eri iJudasi o ke ri ukpelo e shi eke nono ode ni o te ya ri iJesu na we.

### *Eminale oghomhi oyi Onomhue*

(iMak 14.12-21; iLuk 22.7-13,21-23; iJon 13.21-30)

<sup>17</sup> Ogbele onodode oyi oni ukpe na ibuledi ni aa ri ifuma wushe o ramhi, eniye odukhokho eyi iJesu e bhale deba li, e mhila li, e o li, “Obo wa nono ni anye mu egbe shi ni u la le eminale iPasova?”

† 25:46 Li ze iDan 12.2; iJon 5.29 \* 26:2 Li ze Okiali 12.1-27 † 26:7 Li ze iLuk 7.37-38 ‡ 26:11 Li ze iDeut 15.11 § 26:15 Li ze iZaka 11.12

18 Oo wẹ “A lẹ deba ọmọse ọghuo ni ọ la elemhi oni ẹoli, a ka gueyẹ ọli khi, ‘Ọsẹsẹ ọ khi ẹghẹghẹ oyemhẹ o she ti ramhi, owa oyẹ, mhẹmhẹ ali eniyẹ odukhokho eyemhẹ anye la le eminale iPasova.’ ” 19 Igho eni eniyẹ odukhokho eyi iJesu e riẹlẹ abi ọ li ghie wẹ. E ya mu egbe oni eminale shi agho. 20 Abi ogbomhi o ro mu eke, iJesu ali eniyẹ odukhokho ogbava eyoli ee shito shi eminale. 21 Abi e ro le oni eminale, iJesu oo wẹ, “Oghuo elemhi ẹ ọ ya remhẹ de.”

22 Igho egbe e pfo wẹ a. Oghuo oghuo ọ mhila li “Onomhuae she khi ọa khi mhẹmhẹ wẹ khi o khi?”

23 IJesu oo wẹ, “Oghuo ẹ ni ọ nu mhẹ ẹ so obọ utasa, ọ ya rẹ mhẹ de.\* 24 Omi ogbọ ọ ya ghu-a abi a keke nali. Ama o ma kholo ọmose ni ọ ri Omi Ogbọ ya de egbe. O kha bie ti ne ini ogbọ aa bie bia li.”

25 IJudasi ni ọ ya roli de oo li, “Ọsẹsẹ, she khi ọa khi mhẹmhẹ wẹkhi o khi?” IJesu oo li, “Ii, yeyẹ lo.”

### *Eminale ogbomhi oyi Onomhuae*

(iMak 14.22-26; iLuk 22.14-20; 1 iKori 11.23-25)

26 Abi e li le egho, iJesu ọ rue ibuledi, ọ kphemhi, ọ khi ọli a, ọ roli na eniyẹ odukhokho eyoli, oo wẹ, “A mo, a le khi idiegbe oyemhẹ na.”

27 Igho ọ gbo li rue uko, ọ kphemhi, ọ roli na wẹ, ọ wẹ, “Eẹ nya a rote ọ da. 28 Olia eyemhẹ ni a ku ro luase obo na egbokpa a na, ni o gbe olamhẹ kua na wẹ. Olia ena Eshinegba ọ ro nu egbọ eyoli mhuae ishobo.† 29 Mhi gueyẹ ẹ khi mhi a ke gbo rote oni ukpamhi ọara upfonu onana ya da rote memena vu. Seẹ ni ele ni mhi ke ya nu ẹ da li ode onogbo Iloghie oyi Itamhẹ.”

30 Abi e ro to uwolo se, e vu ya je ute ẹera Olivu.

### *IJesu ọ guele shi eke khi iPita ọ ya kie lue*

(iMak 14.27-31; iLuk 22.31-34; iJon 13.36-38)

31 Abi e li lẹ egho, iJesu oo wẹ, “Amiose ena, eẹ nya a ya mhuae akhokhomhẹ shi mhẹ egbe, a na tsua mhẹ pfi, irari khi ebe o ngme ọli khi.

“ Mhi ya ri emhi li

orisumhakia,  
eni isumha  
e ya gbhiaku-a.‡

32 “Ama ini mhi rote eghuli guale, mhi ya ralo na ẹ iGalili.”§

33 IPita oo li, “Ini egbọ nya e tseku mhuae akhokhomhẹ shi ẹ egbe, mhẹmhẹ mhi aa ya mhuae.”

34 IJesu oo li, “Abi o li mhi li gue ọli ẹ yẹ, khi amiose ena, neni okpa ọ gbieghe, itese u ya lie khi waa lese mhẹ.”

35 IPita oo li, “Mhi aa ya ngme ghọ ini o tseku khia khi oni mhi ya nu ẹ ghu-a lo, mhi aa ya lie khi mhi aa lese.”

Eniyẹ odukhokho enekpole nya e li ngme ghọ.

### *IJesu ọ la iGetisemani lema*

(iMak 14.32-42; iLuk 22.39-46)

36 Igho iJesu ọ lu eniyẹ odukhokho eyoli, e je ashini a lu iGetisemani, oo wẹ, “A shito ana khi mhi ya je oobo ya so iromhi.” 37 O rue iPita ali imi iZebedi aava ma egbe. O vie osoli, egbe ẹa ke sheshe ọli. 38 Oo wẹ, “Udu oyemhẹ o vo osoli ramhi khi mhi ya ghua. A shito ana, a nu mhẹ ke tokpe.”

39 O ti lẹ de, ọ de yeshi to alo mu eke ọ so iromhi. Oo, “Ita, ini o ya tse lo, ze ni u mie mhẹ uko osoli ona. Ama ọa khi abi o li ghole mhẹ, ama abi o li ghole ẹ.”

40 O nyene egbe bhale deba eni eniyẹ odukhokho, ọ me khi eẹ lese. Oo wẹ, “Aa dobe nu mhẹ tokpe ukuku eghẹghẹ tse?”

41 “A ke tokpe, a so iromhi ini a khi de pfilo imufe. Ayemhẹ o mu egbe, ama o lose idiegbe.”

42 O gbo vu utonuzi-eva, ọ ya lema, oo, “Itamhẹ, ini o khia khi ọa ze li ni uko osoli ona o dose, seẹ khi mhi da li, ze ni oghumhẹ oyẹ o tse.”

43 O gbo nyene egbe ukhokho bhale, ọ me khi e lese ẹa ke dobe khueghie alo-a.

44 Igho ọ ze wẹ obọ shi agho. O gbo ya lema utonuzi-ese, o gbo ngme abi ọ kpe ngme.

45 Igho ọ nyene egbe ukhokho bhale deba eni eniyẹ odukhokho, oo wẹ, “Eri a kiele ẹ lese-a, a kiele ẹ yemhẹ-a? Abino khi eghẹghẹ o she ramhi khi a she ri Omi Ogbọ na egbọ

\* 26:23 Li ze iwolo 41.9 † 26:28 Li ze Okiali 24.8; ijere 31.31-34 ‡ 26:31 Li ze iZaka 13.7 § 26:32 Li ze iMat 28.16

olamhe de. <sup>46</sup> A vule ni awa vu! Oni o remhe e de o o bhale!”

### *A mu iJesu*

(iMak 14.43-50; iLuk 22.47-53; iJon 18.3-12)

<sup>47</sup> IJesu o kie ligho ngme, iJudasi ni o khi oghuo eni eniye odukhokho ogbava, o bhale. Ebubu egbo ni e tsua epia ali itakobi e nu oli bhale, eni ighie eyi ekpodalo-ugamhi ali eni egbhali e ghie. <sup>48</sup> Oni o roli de o she ri o lele na eni egbo, o o we, “Oni mhi da ya pfipfi egbe ne, loli lo, a mu oli.” <sup>49</sup> Oni iJudasi o le deba iJesu, o o li, “Opfomhe o ka nu e la Osese,” o pfipfi oli egbe.

<sup>50</sup> IJesu o o li, “Omue, nyanya ri ele emini u bhale shi.”

Igho eni emose e fie lasele, e mu oli. <sup>51</sup> Ghe i, abi a ro me na, oghuo eni e nu iJesu kia, o ji itakobi emhi lasele. O khi oni o o ga oyi Oga ekpodalo ugamhi es-a.

<sup>52</sup> IJesu o o li, “Rue itakobi oye shi irari khi oni o ji itakobi, o ya li ghu eghuli itakobi. <sup>53</sup> Eri u dabi khi mhi aa do be ya mhila Itamhe ikpaghiobo, agho agho o ri igeni ni e dose agbhagbhamhi igbeva ghi mhe. <sup>54</sup> Ama, se Ebe-no-pfuase o ke li bhale ya tse, ni o o khi a mema lina me oli?”

<sup>55</sup> Igho iJesu o o eni ebubu egbo egho, “Eri mhi ri egbo e pfi ozughu ni a ro tsua igbho ro ali itakobi bhale ya mu mhe? Ele kpa mhi ro shito Owa oyi Eshinegba e sese, ama aa mu mhe.\* <sup>56</sup> Ama eri a me ena nya ni a bhale ya e khi emini emekeguele e ngme shi ebe o bhale ya tse.” Igho eniye odukhokho nya e ze oli obo, e na kua.

*Igba enighie ni a lu iSaediri e ri iJesu gue ez o*

(iMak 14.53-65; iLuk 22.54-55,63-71; iJon 18.13-14,19-24)

<sup>57</sup> Eni e mu iJesu e rue oli je apfe oyi iKefasi ni o khi Oga oyi ekpodalo ugamhi, ashini eni e sese ishi ali eni egbhali e legbe. <sup>58</sup> Ama iPita o tapfia a deba we. O deba we lo ramhi atukpapfe oyi Oga oyi ekpodalo ugamhi. O lo se, o nu eni e e khe ekhe shito, ni o me abi oni ingme o ke li ya kia.

<sup>59</sup> Ighie eyi ekpodalo-ugamhi ali eni iSaediri nya, e nono otsela egbhali ni e ya

mu mhali iJesu obo ni e ba me asha gbe oli-a. <sup>60</sup> Ama ea me okhoghuo, abi ebubu egbo e tseku fie lasele ya pfi otsela egbhali.

Ikpukhokho o, emose aava e fie lasele. <sup>61</sup> E li “Omose ona o o, ‘Mhi ya do be guogho Owa Oyi Eshinegba-a, mhi gbo ri ele oli to ogbele ese.’”†

<sup>62</sup> Oga oyi ekpodalo ugamhi o vule, o o iJesu, “Waa bie mhue emini u ya ngme shi ez o ni a gue e shi e egbe ena?” <sup>63</sup> Ama iJesu tsaghie-a.

Igho Oga oyi ekpodalo ugamhi o gbo vule migha, o o iJesu, “Mhi ri eva oyi Eshinegba ni o la o re romhi ishe, gueye anye, ini yeye u khi Omiepfuese Omi Eshinegba.”

<sup>64</sup> IJesu o o li, “Igho o khi abi u ngme. Ama mhi gueye ee nya khi, rote memena vu, a ya me khi Omi Ogb o shito obita oyi Eshinegba ni o fune nya, o la elemhi otughunu te irarogbe e bhale.”‡

<sup>65</sup> Igho, Oga oyi ekpodalo ugamhi o nyano awulu a shi egboli uruli. O o, “O she pfi unu-a! Otsela olese awa ke gbolo e nono? E e a she suo oni ungmehi ipfiunu-a ni o ngme. <sup>66</sup> Se a sa shi o?”

E oli “O she lue, o mema ya ghua.”§

<sup>67</sup> Igho e tono ete ku iJesu alo, e ri ekpa gbe oli. Eghuo, e lase oli es o.\* <sup>68</sup> E lie oli “Me eke na anye ghue yeye Omiepfuese. Gueye anye ghue oni o ri emhi gbe e.”

### *IPita o kie iJesu*

(iMak 14.66-72; iLuk 22.56-62; iJon 18.15-18,25-27)

<sup>69</sup> IPita o shito olase, omueshi oghuo oyi Oga oyi ekpodalo ugamhi o bhale deba li, o o li, “Yeye, u li nu iJesu onge iGalili kia.”

<sup>70</sup> IPita o tia li ukpeloe we nya, o o li, “Mhi aa fe lese emini a ngme.”

<sup>71</sup> O ke rote agho fie je unu ode unuekpe ni a rote e lo oni apfe le, okpotso oni o o ga olese o gbo me oli, o gueye emose ni e la agho, o o “Omose ona o nu iJesu na iNazareti kia.”

<sup>72</sup> Igho iPita o gbo tia li. Utona, o romhise ma o, o o, “Mhi romhi ishe, khi mhi aa lese oni omose ogho!”

<sup>73</sup> O ke li den e, emose ni e migha agho e bhale deba iPita, e oli, “Igesikia lo khi

\* 26:55 Li ze iLuk 19.47; 21.37 † 26:61 Li ze iJon 2.19 ‡ 26:64 Li ze iDan 7.13 § 26:66 Li ze iLev 24.16

\* 26:67 Li ze Aza 50.6



oṭuoghuo elemhi wẹ u khi. Ungmemhi oye o she ngmasẹ le.”

<sup>74</sup> Igho o li se egboli isheli, oo romhi isheli. O lie, “Mhi aa ga lese oni omose!”

Utoghuokpe okpa o gbieghe. <sup>75</sup> Igho iPita o sato ungmehi ni iJesu o gueye o ni o re o, “Neni okpa o ya gbieghe, itese u ya lie khi waa lese mhe.” O fie je olase ya vie oya.

## 27

### *A mu iJesu ghi iPaleti*

*(iMak 15.1; iLuk 23.1-2; iJon 18.28-32)*

<sup>1</sup> Ogbe o gbe-a ogbeakolo, ighie eyi ekpodalo-ugamhi nya ali egbhali e mhesẹ abi e li ya gbe iJesu-a. <sup>2</sup> E ge o, e rue o ni vu ghi iPaleti ni o khi igovunọ.

### *Ijudasi o gbe egboli-a*

*(Ika 1.18-19)*

<sup>3</sup> Abi iJudasi ni o roli de, o ro suọ khi a pfa ezọ mu o ni khi a ya gbe o ni-a, o ri egbe pfo li-a, o nyene egbe rue ikpaghuo uye ali igbe egho ghi ighie eyi ekpodalo-ugamhi ali eni egbhali. <sup>4</sup> Oo we, “Mhi she lamhe, irari khi mhi she ri ogbo ni o mhọli olamhe okhoghuo de,” E o, “Egbo oyi anye onoghuo o ke la ogho? Yeye u lese.”

<sup>5</sup> Igho iJudasi o ku eni ikpaghọ kua eke elemhi Owa oyi Eshinegba, o vu ya soli egboli-a.

<sup>6</sup> Igho ighie eyi ekpodalo-ugamhi e sanọ eni ikpaghọ eke, e o, “Ikpaghọ o lia na, awa aa ya ku we ma ikpaghọ ugamhi.” <sup>7</sup> E gba ugbamhi nga eni ikpaghọ se, e rewe ya de eke onayi oni oo ma ekhe, ni a ri ilimhi epfese ke to agho. <sup>8</sup> Loli o ze ni a ro lu o ni Eke O lia ramhi ogbe na amo.\* <sup>9</sup> Igho ungmehi ni omekeguele ni a lu iJeremaya o ngme, o li bhale ya tse. Ni oo, “E rue ikpaghuo uye ali igbe ni e khi ikpaghọ ni egbo iZireni e lama fali shi o ni egbe. <sup>10</sup> E rue eni ikpaghọ ya de eke eme onayi eni ee ma ekhe, abi Eshinegba o mhesẹ na mhe mhi ngme.”†

### *iPaleti o mhila iJesu ogbo*

*(iMak 15.2-5; iLuk 23.3-5; iJon 18.33-38)*

<sup>11</sup> IJesu o migha odalo oyi igovunọ iRomu, oni igovunọ o mhila li, “Yeye u khi oghie oyi egbo iJu?” IJesu oo li, “Ii, Igho o khi abi u ngme.”

<sup>12</sup> Ama o mhọli emini o so shi ingme ni ighie eyi ekpodalo-ugamhi ali egbhali e ngme shi o ni egbe. <sup>13</sup> Igho iPaleti o mhila li, oo. “Wa a suọ emini a ngme shi e egbe?”

<sup>14</sup> Ama iJesu o lama so o ni abikhoghuo, o ga lolo ri abo sha oni igovunọ.

### *A pfa ezọ igbe-a mu iJesu*

*(iMak 15.6-15; iLuk 23.13-25; iJon 18.39-19.16)*

<sup>15</sup> Ini a da li ukpe iPasova, eri igovunọ oo rue ogbo oghuo ni a mu shi owa ighumha obo-a na egbo iJu. Ikhi oni e ze, a rue igha le na wewe. <sup>16</sup> Eghẹghe agho, a me omose ni a mema lese shi ukhiakhiamhi ogbo, ni aa khena, ni a mu shi owa ighumha, ni a lu iBarabasi. <sup>17</sup> Igho abi eni egbo e ro le gba, iPaleti o mhila we, “Onoghuo elemhi egbo aava ena a nono ni mhi wolọ abo-a na e? IBarabasi abi iJesu ni a lu Omiepfuese?”

<sup>18</sup> Irari khi o she lese khi itobo khi ighie eyi egbo iJu ee biselemhi iJesu e ro mu o ni ghi lue.

<sup>19</sup> Abi iPaleti o li shito ukpekhomhi ezọ oyoli, ughue o ni o ghie usomhi ghi o ni, oo. “Khi mhue emini u li omose ni o mhue emini o ni egho. Irari khi mhii me osoli elemhi elena ooyose shi ingme oyoli.”

<sup>20</sup> Ama ighie eyi ekpodalo-ugamhi ali eni egbhali, e tanọ shi eni ebubu egbo elemhi, e lie iPaleti o rue iBarabasi obo-a, ama a gbe iJesu-a.

<sup>21</sup> Igho igovunọ o mhila we, “Elemhi aava ena, onoghuo o, a nono ni mhi rue obo-a?” We we nya ee.

“iBarabasi!”

<sup>22</sup> O mhila we, “Se mhi ya li iJesu ni a lu Omiepfuese ona sho?”

We we nya ee, “A ka ta li ma apfida!”

<sup>23</sup> Ama iPaleti o mhila we, “Elo o ze, onobe onoghuo o rieje?”

Ama e kie tsesẹ leghe “A ta li ma apfida!”

<sup>24</sup> Abi iPaleti o ro me khi loli ea mhọli emini loli ke ya li o, khi onyaghu o tigbe te o lasele, o die ame, o kpe abo-a ukpeloe we nya, oo we “Mhi aa mhue obo shi eghuli oyi omose ona o! Obọ oye o la o!”‡

<sup>25</sup> Eni egbo nya e li, “O lia eyoli e la ukhomhi oyanye ali oyi eniye eyanye.”

\* 27:8 Li ze Ika 1.18-19 † 27:10 Li ze iZaka 11.12-13; iJere 19.1-13; 32.6-9 ‡ 27:24 Li ze iDeut 21.6-9

<sup>26</sup> Igho ọọ rue iBarabasi obọ-a na wẹ. Ọọ a gbe iJesu itali, ọ rue ọli na ekhọli-okhue eyi iRomu e ka ta li ma apfida.

*Eni ekhọli-okhue e ri iJesu li egia*  
(iMak 15.16-20; iJon 19.2-3)

<sup>27</sup> Igho ekhọli-okhue eyi iPaleti e rue iJesu lo elemhi agbala oyọli, ọ rue eni ekhọli-okhue nya le gase ọli. <sup>28</sup> Igho e gueghie ọli itsua ni ọ sọ, e ri itsua oyile sọ li. <sup>29</sup> E ri igba do arula rughu ọli. E ri ukpokpo mhọli ọli obọ ita, e wugha li odalo, e ri ọli li egia. E lie ọli, “Eshinegba ọ zẹ ni u tọ agbọ yeye oghie iju.” <sup>30</sup> E to ete ku ọli, e mie ọli oni ukpokpo gbe ọli ukhomhi. <sup>31</sup> E ri ọli li egia se, e gueghie ọli itsua eyile ni e rọ sọ li egho, e tigbe ri itsua eyọli sọ li. E rue ọli je obini a la ya gbọli-a.

*A ta iJesu ma apfida gbe-a*  
(iMak 15.21-32; iLuk 23.26-43; iJon 19.17-27)

<sup>32</sup> Abi e li le egho, wewe ali omose ni a lu iSamọ ongi iZireni e ya lona, e ri itoto mu ọli ọ tsua apfida oyi iJesu. <sup>33</sup> E bhale asha ni a lu iGogota. Abi iGogota o ngme khi “Asha ugua ukhomhi ogbo.” <sup>34</sup> Agho e la ri onyo ni a ri emhi oyala shi na iJesu da, ama ọ to unu ọ bino, ọa lama da li. <sup>35</sup> E ta li ma apfida se, e pfi onolo rọ kemhi itsua ni ọ sọ mhọli egbe abọ. Onana o ri emini omekeguele ọ ngme bhale ya tse, ni ọọ. “E kemhi iwulu eyemhe, e pfi onolo shi ide eyemhe.”\* <sup>36</sup> E ri ele se, e shito, e khe ọli ekhe. <sup>37</sup> E keke emini a gue shi ọli egbe shi upepe ọara rọ kphase kpeda nali. Emini a keke shi ọ khi, Ọna khi iJesu, Oghie egbo iju. <sup>38</sup> Igho e gbe ighiatọ aava ma li egbe. Oghuo ọ la ukiękię obita, onokpọle ọ la li ukiękię ogobo. <sup>39</sup> Egbo ni ee dose, e pfi itsue ododa manya iJesu.† <sup>40</sup> E lie “Yeye ni u ya guoghọ Owa Oyi Eshinegba-a, ogbele nuzi-ese u gbo tọli pfo. Tsumhi egbe e! Rote ukhomhi apfida ona tiemhile sho, ini Omi Eshinegba u khi.”

<sup>41</sup> Ina ighie eyi ekpodalo-ugamhi, ali esese Ishi eyi iMosisi ali egbhali e gbo li tsue ọli. <sup>42</sup> E lie, “Ọ tsumhi egboese,” “Ama ọa dobe tsumhi egboli! Ọa khi loli khi oghie oyi iZireni? Ini ọ da te ukhomhi apfida

onana tiemhile ne, anye ya mie ọli suo. <sup>43</sup> Eri ọ ri egbe da Eshinegba o gbo lie khi, ‘Omi Eshinegba mhi khi.’ Awa ke bino ini Eshinegba ọ ya tsumhi ọli mena.”‡ <sup>44</sup> Igho khi ighiatọ ni a ta ma apfida e li tsue ọli.

*Eghuli oyi iJesu*  
(iMak 15.33-41; iLuk 23.44-49; iJon 19.28-30)

<sup>45</sup> Oguota o mu eke obili o tode bi asha kpa elemhi iwakati ese. <sup>46</sup> Agogo ese o de te, iJesu ọ vie lasese leghe ọọ “Eloi, Eloi, Lama Sabachi tani?” Abi ona o ngme khi “Eshinegba oyemhe, Eshinegba oyemhe, elo ọ zẹ ni u rọ pfi mhe eso a?”§

<sup>47</sup> Egbo eghuo ni e la agho e suo ona, e lie li, “Elaja ọọ lu.”

<sup>48</sup> Aghoagho, oghuo ọ, ọ na ya rue isoso, ọ sọ li onyo ni o khe-a, ọ geno li shi ukpokpo nise a ji iJesu unu ni ọ da.\* <sup>49</sup> Ama enekpọle e ọli, “Migha, zẹ ọli obọ ni awa me ini Elaja ọ ya bhale ya tsumhi ọli.”

<sup>50</sup> Igho iJesu ọ gbo vie leghe, ọ ghu-a.

<sup>51</sup> Eghẹghẹ agho tee, ode ugbakpi, ni a rọ ta pfa ode-a ni o la elemhi Owa Oyi Eshinegba o te odode rote idane kieşe-a ya tiemhi eke. Eke agbo o nighise, eche e veno-a.† <sup>52</sup> Iji e khueghie-a, ebubu egbo ni e pfuase ni eghuloa e gualle bhale agbo. <sup>53</sup> E fięno iji lasese. Abi iJesu ọ rọ rote eghuli gualle se, e je elemhi ọli no pfuase, e ri egbe kphase ebubu egbo.

<sup>54</sup> Abi ekhọli-okhue ni a zẹ e ke khe iJesu ekhe e rọ me abi eke o li nighise ali emhi elese ni e me nya, ulishi oo mu wẹ, e lie li, “Egbegbo lo khi Omi Eshinegba omose ọna ọ khi.”

<sup>55</sup> Ikpotoso ebubu e la agho ni e ta pfi-a fe. Eri e deba iJesu rote iGalili bhale ni wewe e ri ukpeloe khu ọli. <sup>56</sup> Eghuo ọ khi, iMeli ongi iMagidaleni, iMeli inyi iJemhisi ali iJosefu, ali inyi iJemhisi ali iJon.

*Abi a ri iJesu tọ*  
(iMak 15.42-47; iLuk 23.50-56; iJon 19.38-42)

<sup>57</sup> Abi ogbomhi o rọ mu eke, omose ni ọ pfue ongi Arimatia ni a lu iJosefu ni ọ li khi oghuo eniye odukhokho eyi iJesu, <sup>58</sup> ọ le

§ 27:34 Li zẹ Iwolo 69.21 \* 27:35 Li zẹ Iwolo 22.18 † 27:39 Li zẹ Iwolo 22.7; 109.25 ‡ 27:43 Li zẹ Iwolo 22.8

§ 27:46 Li zẹ Iwolo 22.1 \* 27:48 Li zẹ Iwolo 69.21 † 27:51 Li zẹ Okiali 26.31-33

deba iPaleti ya mhila li olimhi oyi iJesu, o roli na luę ya to. iPaleti o ri unu bhale e ka rue oli na iJosefu. <sup>59</sup> Igho iJosefu o rue oli, o ri ode onogbo no pfuase khuli oli. <sup>60</sup> O ri oli to uji onogbo oyoli ni a lese to shi elemhi eche. O gheghele eche oniemhi khukhu oni uji unu, o vu je apfe. <sup>61</sup> Igho iMeli ongi iMagidaleri ali iMeli onokpole e shito so alo ghue oni uji.

### *Ekhekhe ni e la oni uji*

<sup>62</sup> Ogbeakolo, ni o khi ele Iyemhea oyi egbo iju, ighie eyi ekpodalo-ugamhi ali egbo iFarisi e bhale deba iPaleti, e oli, <sup>63</sup> “Oga, anye sa ya to khi abi oni oloegbhue ogho o ro la agbo o lie khi, ‘Mhi ya guale ele-ese.’” <sup>64</sup> Mena ri unu bhale a ke ya khe agho ekhe ramhi ele nuzi-ese, ini eniye odukhokho eyoli e khi bena ya tsua olimhi oyoli, ni e ke gueye egbo khi a she te eghuli guise oli le. Egbholi oni o ya kpukhokho ona, loli o ke ya kholo dose oni odode.”

<sup>65</sup> iPaleti oo we, “A rue ekhe-khe, a ze ni e khe ekhe agho. A lolo khukhu oli abi o ti e eloe shi.”

<sup>66</sup> Igho e ya khukhu oni uji egbegbo, e zuse oli, e ze ekhe-khe shi agho.

## 28

### *Irote eghuli guale oyi iJesu*

(iMak 16.1-10; iLuk 24.1-12; iJon 20.1-10)

<sup>1</sup> Ogbe o ya gbe khi ele Iyemhea o dose ni o khi ele ni odode elemhi efo uka, iMeli ongi iMagidaleri ali iMeli onokpole e le ya bino oni uji.

<sup>2</sup> Utoghuokpe eke o nighise, irari khi agheni oyi Onomhue o rote idane tiemhile. O gheghele oni eche ni o khukhu oni unu uji ode-a. O shito nga o. <sup>3</sup> O li abi erali akphala. Itsua ni o so e pfuase pepere abi otughunu opfopfo. <sup>4</sup> Ulishi o mu eni e la agho khe ekhe, ee guo, ubi o rue we pfi gbe.

<sup>5</sup> Oni agheni oo eni ikpotso, “A khi ze ni ulishi o mu e irari khi mhi lese khi iJesu ni a gbe-a shi apfida a nono. <sup>6</sup> Oa la akana, o she te eghuli guale abi o kie kpe ngme. A bhale ya bino ashini a ri oli yeshi. <sup>7</sup> A nyanya ke le memena, a ka gueye eniye odukhokho

eyoli khi. ‘A she te eghuli guise oli le, khi mena, oo kia khe e, o je elemhi iGalili. Oobo a ya me oli.’ Ghe i, a khi yele-a abi mhi gueye e.”

<sup>8</sup> Igho eni ikpotso e nyanya rote oni uji vu, ulishi o mu we ama oghelę o vo we elemhi, e na ya gueye eniye odukhokho eyoli. <sup>9</sup> Utoghuokpe iJesu o bhale deba we, oo. “Opfomhe o ka nu e la.” E bhale deba li, e mu oli awe, e nyese ukhomhi ga li. <sup>10</sup> IJesu oo we, “A khi ze ni ulishi o mu e, ama a ka gueye Inyoghuo-mhe e ke je iGalili. Agho e te ya me mhe.”

### *Emini ekhe-khe e guele*

<sup>11</sup> Abi eni ikpotso e ro vu se, eni ekholi-okhue ni e khe oni uji ekhe, e vu ya gueye ighie eyi ekpodalo-ugamhi emini a ga me nya. <sup>12</sup> Igho ighie eyi ekpodalo-ugamhi e le deba eni egbhali e lona ye ugbamhi abi e ke ya li. E gba, e ri ikpokpomhi ikpagho na eni ekholi-okhue egho. <sup>13</sup> Ee we. “A lie khi, ‘Eniye odukhokho eyoli e bhale ya tsua li vu abi obili o ro bi ni anye ro lese.’” <sup>14</sup> Ini igovunoo o suo ona, anye ya pfa e shi eke, a khi ze ni emhikhoghuo o nase e udu.” <sup>15</sup> Igho eni ekholi-okhue e mie we eni ikpagho e li abi e sese we. Eri ingme emini e riele o gbhiaku asha kpa ifuaboo egbo iju. Ramhi ogbe-namo, eri a kiele e ze oni okhe ona.

### *Usomhi ni o fune ni iJesu o ghie*

(iMak 16.14-18; iLuk 24.36-49; iJon 20.19-23; Ika 1.6-8)

<sup>16</sup> Igho eniye odukhokho ogbaghuo eyoli e je iGalili deba iJesu ukhomhi ute ni o sese we.\* <sup>17</sup> Abi e ro me oli, e nyese egbe ga li, ama eghuo o e kiele khokho oli. <sup>18</sup> Igho iJesu o kia ti mama we, oo. “A she rue afu nya na agbo ona ali iloghie na mhe.” <sup>19</sup> Irarigho, a fie lase je asha kha asha, a ke ya ri egbo mele eniye odukhokho eyemhe-a, a ri eva oyi Ita, ali oyi Omoo ali oyi Ayemhe-no-pfuase batazi.† <sup>20</sup> A sese we, e ke ri emhi nya ni mhi mheshe na e gbe akanya. A ghe i, mhi nu e la ramhi ukpese agbo.”

‡ 27:63 Li ze iMat 16.21; 17.23; 20.19; iMak 8.31; 9.31; 10.33-34; iLuk 9.22; 18.31-33 \* 28:16 Li ze iMat 26.32; iMak 14.28; 1 iKori 15.5; iJon 21.1-23 † 28:18 Li ze iMat 11.27; iLuk 10.22; iFili 2.9; Efi 1.20-22 ‡ 28:19 Li ze Ika 1.8

## Usomhi Onete oyi iJesu iKirisiti ni IMaki O keke

*Itsabọ oyi iJoni Oni oọ batazi egbo  
(iMat 3.1-12; iLuk 3.1-18; iJon 1.19-28)*

<sup>1</sup> Ona o khi igbaekele oyi usomhi onete oyi iJesu iKirisiti Omi Eshinegba. <sup>2</sup> A keke ọli shi Ebe-no-pfuase ni omekeguele oyọli ni a lu Azaya o keke. Ni Eshinegba o la lie,

“Mhi ya ghie aghiusomhi  
oyemhe ralo ne.

Oni o ya be ode  
shi eke khe.”\*

<sup>3</sup> “Ogbọ o la odagbe  
e pfi okokokhue. Oo lie,

‘A riẹle ode  
shi eke khe Onomhue,  
ni ọọ bhale.

Riẹle oni ode sheshe  
ni o rọte.’ †

<sup>4</sup> Igho iJoni o li bhale, oọ batazi egbo obini odagbe ifufu, oọ tse abo, oọ lie, “A mu pfi lase olamhe eye e le bhale deba Eshinegba ini a ri olamhe topfa e.” <sup>5</sup> Igho egbo e rọte eke iJudia ali eoli iJerusalemu le deba iJoni. Ee zono olamhe eyewe ye ọli. O la oke iJodani batazi egbo. <sup>6</sup> Ode ni a ri iriria eyi alakumi do, iJoni o ro fia itsua so. O ri ekuẹ riẹle ogbene mu oku. Initso ali oribo e khi eminale eyoli. ‡ <sup>7</sup> Abo ni o tse gueye agbo khi: “Omose ni o ke ya bhale elelese ode ukhokho oyemhe, o fu dose mhe, o mholi ekpabo dose mhe. Mhi aa fu ramhi oni oọ taghie uli ni o la ekuẹ ni o so-a. <sup>8</sup> Amẹ mhi ro batazi e memena, ama Ayemhe-no-pfuase o ke ro ya batazi e.”

*Ibatazi ali imufe oyi iJesu  
(iMat 3.13-4.11; iLuk 3.21-22; 4.1-13)*

<sup>9</sup> Oa te agho tese ne, ni iJesu o ro rọte iNazareti ni o la eke iGalili bhale ni iJoni o la oke iJodani batazi ọli. <sup>10</sup> Abi iJesu o ro lese rọte elemhi oke ji egbe ngale te, o me khi idane o khueghie. Ayemhe oyi Eshinegba o

li abi anekhukhu rọte idane tiemhile ya ma li egbe. <sup>11</sup> A suo khi uruli o rọte idane ngme tiemhile, oo, “Omimhe ni mhi nono ingme oyoli u khi. U ma ri egbe e mu mhe gba.” §

<sup>12</sup> Utoghuokpe, Ayemhe oyi Eshinegba o rue iJesu je odagbe. <sup>13</sup> Ogbele egbhueva o la oobọ. Okphaghie, ni o khi oghie ayemhe ebe, o mu ọli fe. IJesu o nu elamhako la oobọ, ama igeni eyi Eshinegba e ri ukpeloe e khu ọli.

*Eniye odukhokho eni odode ni iJesu o ze  
(iMat 4.12-22; iLuk 4.14-15; 5.1-11)*

<sup>14</sup> Abi a ro mu iJoni shi owa ighumha se, iJesu o je iGalili ya tse abo usomhi onete oyi Eshinegba. <sup>15</sup> Oo lie, “Oni eghẹghẹ o she bhale, Eghiele oyi Eshinegba o she ti mama awa. A mu pfi lase olamhe eye e le, ni a mie oni usomhi onete suo.”\*

<sup>16</sup> Abi iJesu o rọte epfepfe oke oniemi oni o khi shi, na lui iGalili kia le, o me iSamọ ali inyoghuo ọli Aduru. Egbifele e khi. E pfi aga lo elemhi oni oke, ee gbe ifele. <sup>17</sup> IJesu oo we, “A deba mhe, mhi ya sese e abi a ke lie ke ti egbo gbili.” <sup>18</sup> Aghoaghọ e ku iga eyewe shi eke, e deba li.

<sup>19</sup> O ke te agho je odalo denẹ, o gbo me inyoghuo etuava, iJemhisi ali iJoni imi iZebedi e la elemhi oko-oke oniemi, e zu iga eyewe. <sup>20</sup> Abi iJesu o ro lese me we, o lu we e deba lue, aghoaghọ e pfi itawe ali egbo ni e nu we ye shi elemhi oko-oke oniemi, e deba li vu.

*IJesu o khu omose ayemhe ebe egbe-a  
(iLuk 4.31-37)*

<sup>21</sup> IJesu ali eniye odukhokho eyoli e bhale eoli iKapanomu. Ogbele iyemhea ni o ke deba li, iJesu o dose lo elemhi owa ugamhi, o la agho sese. <sup>22</sup> O ri abo sha egbo ni e ri eso kpe abi o li sese, itobo khi eri o sese egbo abi ogbo ni o lese emini oo sese, osese oyoli o kioda shi oyi eni e sese Ishi eyi iMosisi. †

<sup>23</sup> Utoghuo kpe omose ni ayemhe ebe o la egbe, o lo elemhi oni owa ugamhi le. O tses gbaa! Oo, <sup>24</sup> “Elo wa nono anye egbe, iJesu na iNazareti? Eri u bhale ya pfuse anye-a? Mhi ga lese oni u khi. Oni O pfuase oyi Eshinegba u khi.”

\* 1:2 Li ze iMala 3.1 † 1:3 Li ze Aza 40.3 ‡ 1:6 Li ze 2 Ighie 1.8 § 1:11 Li ze Igbae 22.2; Iwolo 2.7; Aza 42.1; iMat 3.17; 12.18; iMak 9.7; iLuk 3.22 \* 1:15 Li ze iMat 3.2 † 1:22 Li ze iMat 7.28-29

<sup>25</sup> Ijesu ọ dese oni ayemhe obe, ọọ li, “Guese unu pia, te ọli egbe lase le.” <sup>26</sup> Oni ayemhe obe o nighise oni omose, o mu ọli pfi gbe. Ọ pfi okokokhue, o rote oni omose egbe ya lase.

<sup>27</sup> O ga ri abo sha egbo nya. E mhila egbe we, “Onoghwo na? Osese onogbo ni o mholi ekpabo! Eri o ga nu ayemhe ebe e ngme, e ga suo eso na li.” <sup>28</sup> Aghoaghwo ingme oyi ijesu o gbe eke-a asha kpa eke iGalili.

*Ijesu o ri ebubu egbo ze*  
(iMat 8.14-17; iLuk 4.38-41)

<sup>29</sup> Ijesu ali eniye odukhokho eyoli, ghe iJemhisi ali ijoni, e ga rote owa ugamhi fie lasele, e ya je apfe oyi iSamọ ali Aduru <sup>30</sup> Ogo iSamọ oni okpotso, o yeshi ghua ughuamhi iba. Ijesu o lese ramhi agho, a gue ingme oyoli ye ijesu. <sup>31</sup> Igho o lo deba li, o mu ọli obo, o mu ọli ukpho vule. Igho eni iba e lase ọli egbe le. Ọ fele we epfese.

<sup>32</sup> Elogbomhi elegho khi ovo ọọ tiemhi eko, egbo e tsua eni ea ze, ali eni iyemhe okphaghiye e yeshe ngme bhale ghi ijesu. <sup>33</sup> Egbo nya ni e la oni eoli e le gba odalo oni owa. <sup>34</sup> Ijesu o ri eni e ghua, ighuamhi khi ighuamhi, ze. Ọ khu ayemhe ebe ebubu egbo egbe a, ama ọa ze ni eni ayemhe ebe egho e ngme emhikhoghwo unu lasele, itobo khi e lese oni o khi.

*Ijesu o la iGalili tse abo usomhi onete*  
(iLuk 4.42-44)

<sup>35</sup> Ogbie-fiefie ogbeakolo khi obili ọa pfo ogbe ne, ijesu o fie lase je ashini o da-ya, o ya so iromhi. <sup>36</sup> ISamọ ali apfoli ni e kpole, e vu ya nono ọli. <sup>37</sup> Abi e ro me ọli, ee ọli, “Egbo kpa ee nono e.”

<sup>38</sup> Ijesu ọọ we, “Awa mema ya je eoli oboese, ikhi apfe eni e timama akana, ni mhi li la oobo tse abo, irari khi ona o ze ni mhi ro bhale.” <sup>39</sup> Igho o kia gase eke iGalili nya tse abo. Ọ la owa ugamhi eyewe tse abo. Ọ khu egbo ayemhe ebe egbe ku-a.‡

*Ijesu o ri oni efafe e mu ze*  
(iMat 8.1-4; iLuk 5.12-16)

<sup>40</sup> Omose ni efafe e mu o bhale deba ijesu. Ọ wugha li odalo, ọọ lema li, ọọ, “Ini o ghole e, u dobe ya remhe ze, u remhe khi oni o pfuase.”

<sup>41</sup> Igho elemhi ọli, ee ala ijesu, o nise obo-a ti oni omose, ọọ li, “O ghole mhe, khi oni o pfuase.” <sup>42</sup> Aghoaghwo eni efafe e lase ọli egbe le, o ze, o khi oni o pfuase.

<sup>43</sup> Ijesu o gueye ọli, o ke vu. Ọ lolo tse agua ye ọli, <sup>44</sup> ọọ li, “Khi gue ingme ona ye ogbokhoghuo, ama le ya ri egbe e khashe ekpodalo-ugamhi eyi Eshinegba, ni e te okpe ne, ni u luase obo ni iMosisi ọọ a ke luase, ini a ri ogbo lina ze. Ishegho, ni o khi otsela na we khi u she ze.”§

<sup>45</sup> Eri oni omose o ri ochoghwo ngme ọli kiakiala gboo, o miatse oni ingme onete ku asha kpa. Itobo ona, ijesu ọa ke dobe lo eoli okhoghuo le gboo. Eri o ke la odagbe obini o da-ya. Abi o rie khi igho, eri egbo nya e kie rote asha kpa e bhale deba li.

## 2

*Ijesu o ri omose ni o guoghwo-a ze*  
(iMat 9.1-8; iLuk 5.17-26)

<sup>1</sup> Ikuku ogbele e dose, ijesu o gbo lo elemhi iKapanomu, eni egbo e suo khi o she bhale apfe. <sup>2</sup> Ebubu egbo e le gba ramhi ni ogbo a ke me ashikhoghwo ni o kpole, ya ramhi olase unu-ode. Ijesu o tse abo oni usomhi ye we. <sup>3</sup> Igho emose aane e tsua omose ni o guoghwo-a adigege shi iya bhale ghi ijesu. <sup>4</sup> Abi eni emose ea ro me asha tsua li lole ashini ijesu o la, itobo egbo ni e ghwo bu dose, e nga ukhomhi oni owa rote ashini ijesu o la gbese ekpha-a. Abi e ro gbese oia se, e ri ili ri oni omose tiemhile, abi o kie li yeshi iya. <sup>5</sup> Abi ijesu o ro me irudunga oyewe, ọọ oni omose ni o guoghwo-a, “Omimhe, a she ri olamhe topfa e.”

<sup>6</sup> Ama eni e sese Ishi eyi iMosisi ni e shito akaghwo, e sa o udu oyewe, e lie, <sup>7</sup> “Elo o ze ni oni ogbo ona o ro ngme ungmehi onana unu. Eri o pfi unu-a! A li me oni o dobe ya gbe olamhe kua na ogbo? Ọa khi Eshinegba lueghwo?”

<sup>8</sup> Aghoaghwo ijesu o she lese elemhi ayemhe oyoli emini e sa shi elemhi udu oyewe, ọọ we, “Elo o ze ni a ro sa usamhi onana. <sup>9</sup> Onoghwo o kele ne, ni a ro lie oni omose ni o guoghwo-a, ‘A ri olamhe topfa e,’ abi khi ‘Vule, rue iya oye ni u ke kia?’ <sup>10</sup> Mhi ya ro li khashe e khi Omi Ogbo o mholi

ekpabo elemhi agbo ona ni o ro gbe olamhe kua na ogbo.” Igho o gueye oni omose ni o guoghō-a egho, <sup>11</sup> “Mhie ye u vule, u rue iya oye, u ke je apfe.”

<sup>12</sup> Oni omose o vule, o rue iya oyoli, o la akpewe nya kia vu. O ri abo sha egbo kpa. Ee kueghie Eshinegba, e lie, “Anye ea kpe me onana ghue oo!”

### *Ijesu o lu iLevi*

*(iMat 9.9-13; iLuk 5.27-32)*

<sup>13</sup> Ijesu o gbo je epfe oke oniemi ni o khishi. Ebubu egbo e bhale deba li, o sese we. <sup>14</sup> Abi o kia le, o me omionoga iLiva omi Afeusi khi o shito okhola eyi eni e mie oga. Ijesu oo li, “Deba mhe.” Igho o vule deba li.

<sup>15</sup> Abi ijesu o la ayi iLevi le eminale elogbomhi, emionoga ni e bu ali egbo ena olamhe e li nu oli ali eniye odukhokho eyoli le emhi, irari khi egbo ni e bu e deba li.

<sup>16</sup> Abi egbo eni ee sese ishi na lui iFarisi e ro me khi ijesu o nu egbushia ali emionoga e le eminale, e mhila eniye odukhokho eyoli, “Elo o ze ni o ro nu emionoga ali egbushia e le eminale?”

<sup>17</sup> Ijesu o suo onana, oo we, “Egbo ni e ze ea mhu e emini e ri obo e li. Oni oo to, o ye apfe obo. Oa khi eni e pfuase ne mhi bhale ya lu, ama egbushia.”

### *Omhila ingme azumhi*

*(iMat 9.14-17; iLuk 5.33-39)*

<sup>18</sup> Eghēghe oghuo eniye odukhokho eyi iJoni Oni oo batazi egbo ali egbo iFarisi ee pfi azumhi. Egbo eghuo e bhale ya mhila ijesu, e oli, “Elo o ze ni eniye odukhokho eyi iJoni ali enayi egbo iFarisi e ro pfi azumhi ni eye ea ro pfi?”

<sup>19</sup> Ijesu o so we o, oo we, “Se epfese eyi omose ni o rue omueshi onogbo e lie ke pfi azumhi ini oni omose o kie nu we shito? Ee me asha pfi azumhi ini o kie nu we shito.”

<sup>20</sup> Ama eghēghe o ya bhale ni a ro rue oni odo oni omueshi vu. Eghēghe agho, e ro tigbe ya ke pfi azumhi.

<sup>21</sup> “Ogbo a ya khi ode onogbo gbela ma ode onodio. Ini u ligho, eri oni ode onogbo o ya nyanoni ode onodio-a. O ke nyanoni a dose abi o kpe li. <sup>22</sup> Ali khi ogbo o ya ku onyo onogbo shi akpaba onodio. [Ikhi

akpaba ni egbo iju e ku onyo shi.] Ini u ligho, eri oni onyo o ya vese oni akpaba-a. Oni onyo ali oni akpaba e ga li opfu-a. Akpaba onogbo a ku onyo onogbo e lo.”

### *Onomhue oyi ogbele iyemhea*

*(iMat 12.1-8; iLuk 6.1-5)*

<sup>23</sup> Ogbeleghuo ele iyemhea oyi egbo iju, ijesu o rote ifui ishemhi iakpa kia dose. Eniye odukhokho eyoli e li nu oli kia. Igho e li be eni iakpa.\* <sup>24</sup> Igho iFarisi e mhila ijesu, “Elo o ze khi eniye odukhokho eye ee riele emini a ghue ele iyemhea?”

<sup>25</sup> Ijesu o so we o, oo, “Aa kpe me oli ze Ebe-no-pfuase emini Oghie iDefidi o riele abi okiamhi o ro gbe oli ali eni e nu oli kia? <sup>26</sup> Eghēghe ni Abiata o ro khi Okpeda na ekpodalo-ugamhi eyi Eshinegba, ni Oghie iDefidi o ro lo Owa oyi Eshinegba ya rue ibuledi ni a ro ga Eshinegba le, o kholo na eni e nu oli kia le. Ibuledi ona ighie eyi ekpodalo-ugamhi tse, ushi o lama e ke le we.”†‡

<sup>27</sup> Igho oo we, “Eri a ma ogbele iyemhea na ogbo, aa ma ogbo na ogbele iyemhea. <sup>28</sup> Itobo igho, Omi Ogbo o khi Onomhue, li shi oyi ogbele iyemhea.”

## 3

### *Omose ni o ghu obo oghuo-a*

*(iMat 12.9-14; iLuk 6.6-11)*

<sup>1</sup> Elelese khi ijesu o gbo je owa ugamhi, omose ni obo oyoli oghuo o ghua, o la akagho. <sup>2</sup> Egbo eghuo e nono ashini e te ya me asha gue ingme shi ijesu egbe. E ri ukpeloe shi oli egbe ini o ya ri ogbo ze ele iyemhea. <sup>3</sup> Ijesu oo oni omose ni o ghu obo-a, “Vule migha odalo oyi egbo kpa.”

<sup>4</sup> Ijesu o mhila we, “Onoghuo o gbe akanya elemhi ushi oyawa ne ele iyemhea? Ni a ro riele onete abi ni a ro riele onobe? Ni a ro tsumhi agbo oyi ogbo abi ni a ro pfuse oia?” Ama e tsaghie a.

<sup>5</sup> Igho ijesu o ri elemhi ibibi bino we gasē, udu oyoli o yese-a shi udu obe ni e mhuē. Oo, “Nomose nise obo-a.” O nise oli-a. Igho obo oyoli o gbo li abi o kpe te eke li <sup>6</sup> Igho egbo iFarisi e fie deba eniye odukhokho eyi

\* 2:23 Li ze iDeut 23.25 † 2:26 Li ze iLev 24.9 ‡ 2:26 Li ze 1 iSam 21.1-6

Eròdu, e ya gba ugbamhi abi e li ya gbe iJesu-a.

### *Ebubu ẹgbọ e deba iJesu*

<sup>7</sup> Ighọ iJesu ali eniye odukhokho eyọli e lase wẹ iteva le ya je okẹ na iGalili. Ebubu ẹgbọ e rọte iGalili deba iJesu. <sup>8</sup> Abi e rọ suọ emini ọ riẹlẹ, ebubu ẹgbọ e bhale deba li, rọte ekẹ iJudia ali iJerusalemu, ali Idumia ali ekẹ ni o kpe obọ na iJodani ali epfepfe iTire ali iSidoni. <sup>9</sup> Itobọ khi eni ẹgbọ e bu dọsẹ, iJesu ọ gueye eniye odukhokho eyọli e nono okọ-okẹ oni ikeke ni lọli lo ọ ini ẹgbọ e khi sha mu luẹ. <sup>10</sup> Itobọ khi ọ she kpẹ ri ebubu ẹgbọ ze, ẹgbọ eni ẹa ze, e mise egbe ini e mẹ asha ramhi ọli egbe ri obọ ti ọli.\* <sup>11</sup> Eghẹghẹ kpa ni ẹgbọ ni ayemhẹ ebe e yese ẹ ngme e rọ da mẹ iJesu ne, e de ya yeshi ekẹ odalo oyọli. Eẹ tsesẹ, eẹ liẹ, “Omi Eshinegba u khi.”

<sup>12</sup> Ama, ọ tse agua ye eni ayemhẹ ebe eghọ e khi gue oni lọli khi le.

### *Ijesu ọ zẹ ighiusomhi na ke ogbava* (iMat 10.1-4; iLuk 6.12-16)

<sup>13</sup> Ijesu ọ nga ukhomhi ute, ọ lu emọse ni e ghọle ọli. E bhale deba li. <sup>14</sup> Ọ ya zẹ ẹgbọ ogbava kẹ, ọ lu wẹ ighiusomhi na kẹ. Ọ zẹ wẹ ni e nu luẹ ke kia, ali ni luẹ mẹ wẹ ke ghie usomhi fiẹ ke tse abọ usomhi onete, <sup>15</sup> ali ni e gbo mhue ekpabọ ni e rọ ke khu ẹgbọ ayemhẹ ebe egbe kua. <sup>16</sup> Ena e khi otuogbava ni ọ zẹ. ISamọ, oni iJesu ọ lu iPita. <sup>17</sup> IJemhisi ali inyoghuo-ọli iJoni imi iZebedi (eni iJesu ọ ri akiseva iBonajisi na. Ni o migha shi Imi Akphala), <sup>18</sup> Ali Aduru, iFilipu, iBatolomiu, iTomosi, iJemhisi omi Afeusi, ali iTadiusi, iSamọ [oni ije-odalo oyi edeli iJu oo ghọ mu egbe.]

<sup>19</sup> Ali iJudasi Isikaroti oni ọ ri iJesu de.

### *Ijesu ali iBezebo*

(iMat 12.22-32; iLuk 11.14-23; 12.10)

<sup>20</sup> Ijesu ọ nyene egbe je apfe. Ighọ ebubu ẹgbọ e gbo tigbili ramhi khi iJesu ali eniye odukhokho eyọli ẹa mẹ asha, wẹ khi eminale e ya le. <sup>21</sup> Abi apfe ọ e rọ suọ ona, E nono khi wewe e ya mu ọli je apfe. Irari khi eri e liẹ, “Ujili o she ẹ kpha li.”

<sup>22</sup> Eni eẹ sese ishi ni e rọte iJerusalemu tiemhie, e liẹ, “Ayemhẹ iBezebo ni ọ khi Okphaghie o la li egbe yese ọli ẹ ngme! Lọli ọ khi oghie oyi iyemhẹ ebe ni ọ ri ekpabọ na li ni ọ rọ ke khu ẹgbọ iyemhẹ ebe egbe kua.”†

<sup>23</sup> Ighọ iJesu ọ lu wẹ, ọ ri okhẹ irokhokho nu wẹ ngme, Oọ wẹ, “Se okphaghie ọ liẹ ke khu okphaghie? <sup>24</sup> Ini ushishi e kemhi egbe wẹ shi ikui-iku ni e rọ nu egbe wẹ ẹ khọli, eri oni ushishi oọ de. <sup>25</sup> Ini omhue-apfe o kemhi shi ikui-iku ni e rọ nu egbewe ẹ khọli, eri oni omhue-apfe o ya de. <sup>26</sup> Ini okphaghie ọ mu okhọli vule shi egbọli ọ, ọa ya to, eri ọ ya de, ukpesẹ oyọli o she ramhi.

<sup>27</sup> “Ogbọ okhoghuo ọa la ọ ni ọ dobe ya lo owa oyi omose-akama ya ti ọli itsua ekẹ-a ini ọa kpẹ mu oni omose-akama ge shi ekẹ. Eghẹghẹ aghọ, ọ tigbe dobe ti ọli itsua ekẹ-a.

<sup>28</sup> “Egbegbi ingme mhi gueye ẹ, khi, aa mẹ olamhẹ ni ogbọ ọ lamhẹ ali ungmehi ipfiunu-a ni ogbọ ya ngme, ni aa dobe rọ ya gbekua na li. <sup>29</sup> Ama onini ọ da ngme ungmehi ipfiunu-a deba Ayemhẹ-nọ-pfuase ne, aa ya rọ topfa li, irari khi olamhẹ ona agbọagbọ ọ pfi obọ lo.”‡

<sup>30</sup> Itobọ khi ẹ ọli khi, “O mhọli ayemhẹ ebe,” ọ rọ ngme ona.

### *Inyo iJesu ali inyoghuo ọli eni emose* (iMat 12.46-50; iLuk 8.19-21)

<sup>31</sup> Ighọ inyo iJesu ali inyoghuo ọli ee bhale. E migha oolase. E ghie ogbọ ọ ka lu iJesu ghi ewẹ. <sup>32</sup> Ebubu ẹgbọ e shito gasẹ ọli. E bhale ya gueye ọli khi inyọli ali inyoghuo ọli e la oolase, khi eẹ nono ni wewe e mẹ ọli.

<sup>33</sup> Ọ mhila wẹ, “Eghuo e khi inyemhẹ ali Inyoghuo-mhẹ?”

<sup>34</sup> Ighọ ọ bino eni e shito gasẹ ọli, oọ, “Enana e khi inyemhẹ ali Inyoghuo-mhẹ!

<sup>35</sup> Onini ọ da riẹlẹ emini e ghọle Eshinegba, ọ khi Inyoghuo-mhẹ onomose ali onokpotso ali inyemhẹ.”

## 4

### *Okhẹ irokhokho oyi oni ọ kọ ikpamhi emhi* (iMat 13.1-9; iLuk 8.4-8)

<sup>1</sup> Ijesu ọ ke gbo la epfe okẹ ni o khi shi na iGalili sese. Egbọ ni e le gasẹ ọli e bu dọsẹ ramhi ni ọ rọ ya lo elemhi okọ-okẹ shito.

\* 3:10 Li zẹ iMak 4.1; iLuk 5.1-3 † 3:22 Li zẹ iMat 9.34; 10.25 ‡ 3:29 Li zẹ iLuk 12.10 \* 4:1 Li zẹ iLuk 5.1-3

Oni oko-okę o la elemhi oni okę. Eni egbo e ke migha egele eseso oni okę.\* 2 Emhi ebubu o ri okhe irokhokho o sese we. Oo we. 3 "A ghe i! Oghiale o ya la o. O fię ya ko iakpa. 4 Abi o li kia miatse eni iakpa, ikpamhi eghuo o e de kua ode, igho ipfeli e bhale ya sano we le. 5 Eghuo o, e de kushi eke ni o khi okpegbhe, ni eke ęa lolo la. Igho e nyanya ze, e fu, ama oni eke ęa limhi. 6 Ama abi ovo o ro to, o tose we a, e khakha, itobo khi ęa me eke ni o limhi pfi imhili lo. 7 Ikpamhi emhi elese e de kulo ifui igba. Igho igba e ze lasele tonon eni iakpa abi e ro fu vule. Itobo igho, ęa ke dobe ni e fu nyanokhe lasele. 8 Ama ikpamhi eghuo, e de shi eke onete. Eni ikpamhemhi e ze, e fu, e nyanokhe lasele. Eghuo o, e mhue ikpamhi uye ali igbe, eghuo o, e mhue ikpamhi egbhuesę, elese e mhue egbhueshe."

9 Igho iJesu, oo, "Oni o mholi eso, o suo."

*Emini o ze ni a ro ze oni okhe irokhokho (iMat 13.10-17; iLuk 8.9-10)*

10 Abi iJesu lolighuo o ro shito, eniye odukhokho ogbava eyoli ali egboese ni e li suo abi o ro ngme, e bhale deba li, o gueye we emini o ri oni okhe irokhokho ngme. 11 Oo we, "A she ri osheli oyi Eghiele oyi Eshinegba na ę. Ama okhe irokhokho a ro gue ungmehi nya ye egboese. 12 Ni a bhale ya ę khi,

"E kha rię nya alo-a shi eke ęa tigbe ya me emhikhoghuo, ali e kha rię ku eso a shi eke, ęa ya lo we eso. Irari khi ini ęa khi igho, e dobe me eke, e suo eso, e mu pfi deba Eshinegba, o ro topfa we."†

*IJesu o guele emini oni okhe irokhokho o ngme*

*(iMat 13.18-23; iLuk 8.11-15)*

13 IJesu o mhila we, oo we, "Aa lese emini a ri okhe irokhokho ona ngme? Se a li tigbe ya lese emini a ri okhe irokhokho okhoghuo ngme sho? 14 Eni iakpa ni oni oghiale o miatse ę ku, e migha shi ungmehi oyi Eshinegba. 15 Eri ikpamhi iakpa ni e de shi ode e li abi egbo eghuo ni e kha da lese

suo oni ungmehi ne, Okphaghie o bhale ya rue we luę udu le. 16 Ikpamhi emhi ni e de shi eke ni o li echeche, e li abi egbo ni e kha da lese suo oni ungmehi ne, e ri udu oghelę mie oli. 17 Ama, ęa ya tiemhi we eke elemhi. ęa dobe migha tese, itobo khi ęa pfi imhili lo eke. Itobo igho, ini omunu o bhale ali ni a ro mu okholi vule shi we o rote oni ungmehi ni e suo, e kele de ode-a. 18 Ikpamhi emhi ni e de pfilo ifui igba eri e li abi egbo ni e kha suo oni ungmehi, 19 isamhi ingme agbo ona, ali oghuemhe epfue, ali oghuemhe khi oghuemhe e lu guese oni ungmehi-a, ęę tonon oli igba, itobo igho ęa mo imomhi. 20 Ama ikpamhi emhi ni e de shi eke onete, e li abi egbo ni e suo ungmehi, e mie oli suo, e mo imomhi enete. Eghuo e mhue ikpamhi uye ali igbe, eghuo e mhue egbhuesę. Eghuo, e mhue egbhueshe."

*Ákpá ni a ro nga ukhomhi asha (iLuk 8.16-18)*

21 IJesu o gbolo ę we "Ogbokhoghuo o o ya ri ákpá ru lasele, o ya rue atalabi guese oli mu eke, wekhi eri o ke ya rue oli ya sheli ufui ukpho?‡ 22 Emiemini a ro sheli, o ya lasele gbo alo gbugbugbu. Aa me emhi osheli ni aa ya khueghie a. § 23 Oni o mholi eso, o ri eso shi eke ni o suo."

24 O gbolo ę we, "Emiemini u da suo kpa, sa o bie! Emiemini u da ro shi ushi ro gue egboese ęzo, Eshinegba o li ya roli gue ę ęzo. Oye o gbo ya ze ne. 25 Oni o kpe mholi ne, a ya gbo ro ma o na li, ama oni ęa mholi a ya mie oli ukuku o ni o gbo mholi."\*

*Okhe irokhokho oyi ikpamhi emhi ni o o ze*

26 IJesu o gbolo ę, "Abi Eghiele oyi Eshinegba o li na. Eri o li abi ini omose o miatse ikpamhi iakpa kia ku shi eke. 27 Obili o kha bi, o ya lese a, ogbe o kha gbe o gualę, ama eni ikpamhi emhi ęę ze lasele, ęę fu vule. Ama ęa ya lese abi o li kia. 28 Eke lolighuo o lese abi o li ri emhi ekomhi ęę bie. Oni odode, o kha ze ukhuli, o ke fu vule, o nyanokhe ifele, o ya ri umomhi lasele. 29 Eni iakpa e kha da bie ne, oni o gua we o rue

† 4:12 Li ze Aza 6.9,10 ‡ 4:21 Li ze iMat 5.15; iLuk 11.33  
13.12; 25.29; iLuk 19.26 † 4:29 Li ze iJęę 3.13

§ 4:22 Li ze iMat 10.26; iLuk 12.2 \* 4:25 Li ze iMat



agaga ya gbe wẹ, itobọ khi egheghe ikhiesẹ o ramhi.”†

*Okhe irokhokho oyi ukpamhi oora imositadi*

*(iMat 13.31-32,34; iLuk 13.18-19)*

<sup>30</sup> Ijesu o gbolo e wẹ, “Elo awa mema ri Eghiele oyi Eshinẹgba ya khokho? Okhe irokhokho onoghuo awa mema ya ze roli lo egbo esọ egbo o? <sup>31</sup> Eri o li abi ukpamhi oara imositadi ni ukpamhi oli o she ne nya agbo ona, ni ogbo o ro ko eke. <sup>32</sup> Ini a roli ko, o ze, o fu vule, o mele unyanọ ni o fune a shi ishemhi, ni o mhọli iguabo eniemhi, ni ipfeli e bhale ya ku eko shi.”

<sup>33</sup> Okhe irokhokho enana ijesu o ro nu wẹ ngme oni ungmehi, ramhi ashini o lo wẹ esọ ramhi. <sup>34</sup> Aa me ungmehi ni o nu wẹ ngme, ni o ri okhe irokhokho nu wẹ ngme. Ama ini o de te oli ali eniye odukhokho eyoli, o ro ri emini o nu wẹ ngme nya a lo wẹ esọ.

*Ijesu o pfomhise akpekpeli*

*(iMat 8.23-27; iLuk 8.22-25)*

<sup>35</sup> Ele ogbomhi elegho, ijesu o eniye odukhokho eyoli, “Awa da je ukiekie oke obini o kpole.” <sup>36</sup> Igho e ze egbo ni e legba obọ shi agho, eni eniye odukhokho e ya lo elemhi oko-oke oni ikeke ni ijesu o she lo shito. E gua li vu. Oko-oke elese e li deba wẹ vu.

<sup>37</sup> Utoghuokpe, akpekpeli oniemi oo li, oo zughuse oni oke, ni ame e fiase kulo elemhi oni oko-oke, ramhi ni o ro vo ame. Ukuku o kpole ni o ro kule. <sup>38</sup> Ijesu o la ukhokho oni oko-oke oniemi, o lese-a ri ukhomhi nga akpesukhomhi. Igho eniye odukhokho eyoli e guise oli le. E oli, “Osese, wa bie ga lie ini awa ghọ ghua?”

<sup>39</sup> Igho ijesu o ti vule, o dese oni akpekpeli, o o li, “Li tsuke.” Igho oni akpekpeli o pfomhe te. Asha kpa o pfomhe tsuke.

<sup>40</sup> Igho ijesu o eniye odukhokho eyoli, “Elo o ze ni a ro ligho o na ulishi. Eri aa kie mhọli irudunga?”

<sup>41</sup> Ulishi oo mu wẹ, e mhila egbe wẹ, “Oghuo ona o khi? Ghe akpekpeli ali izughuse oke e ga suo esọ a na li.”

## 5

*Ijesu o ri omose ni ayemhe ebe o la egbe ze (iMat 8.28-34; iLuk 8.26-39)*

<sup>1</sup> Ijesu ali eniye odukhokho eyoli e da oke iGalili je ukiekie eke iGerasenesi. <sup>2</sup> Abi ijesu o lese rote elemhi oko-oke lasele, omose ni o mhọli ayemhe ebe, o rote atalimhi ni o la agho bhale deba ijesu. <sup>3</sup> Ifui atalimhi oni omose o o la. Ogbokhoghuo o ke dobe ri iweghe ge oli. <sup>4</sup> Egheghe kpa, a ro ri iweghe ge oli abo ali awe, ama eri o kphuru wẹ a, o taghie wẹ a, o shashe wẹ a. Ogbokhoghuo o ke dobe mu oli. <sup>5</sup> Nobi-nogbe o ro la ifui atalimhi ali ikhomhi ite dudu gase. O o pfi okokokhue. O ri eche fianọ egbeoli.

<sup>6</sup> Abi o lese ta pfia me ijesu te, o na bhale ya wugha li odalo. <sup>7</sup> O tsesẹ leghe, o o, “Ijesu Omi Eshinẹgba ni o Yagha Ne Nyaa, elo wa nono mhe egbe? Mhi ri Eshinẹgba lema e khi na mhe osoli!” <sup>8</sup> Itobọ emini o ro ngme na khi, ijesu o she kpe gueye oli, “Yeye ayemhe obe, lase oni omose ona egbe le.”

<sup>9</sup> Igho ijesu o mhila li, “Se a lui eva oye?” O o, “Eva oyemhe o khi Olele egbo, itobọ khi anye bu gba.” <sup>10</sup> O gbo lema ijesu o kpekepe, o khi khu ewe oni eke ya lase.

<sup>11</sup> Igulu ni e bububu e la epfe ute ni o la agho le eminale. <sup>12</sup> Eni ayemhe e lema ijesu, “Khu anye ya lo igulu egbo, ze ni anye ya lo wẹ egbe.” <sup>13</sup> Ijesu o ri egheghe na wẹ, e ka lo eni igulu egbe. Igho e rote oni omose egbe lasele e ya lo eni igulu egbe. Eni igulu ni e ramhi agbele eva, e rote egele na ya kulo oni oke, e ghuloa nya.

<sup>14</sup> Eni e ri ukpeloe e khu eni igulu e na je ifui apfe ali eoli nya ni e la oni eke ya guele emini a me. Igho egbo e bhale ya bino emini a me. <sup>15</sup> Abi eni egbo e ro bhale deba ijesu, e me oni omose ni ayemhe ebe ni e bu e kpe la egbe, khi o shito agho, o ri itsua so, egbhali eyoli e she gba na li. Ulishi oo mu wẹ. <sup>16</sup> Eni e me emini a me e gueye egbo emini oni omose ni ayemhe obe e la egbe o me egbe ali emini e li eni igulu. <sup>17</sup> Igho, e gueye ijesu o lase wewe eke le.

<sup>18</sup> Abi ijesu o lo elemhi oko-oke oniemi khi o ke vu, oni omose ni ayemhe ebe e kpe la egbe, o lema ijesu o ze ni loli deba li vu. <sup>19</sup> Ama ijesu o lama na li. O ri ochoghọ lie oli, “Ke je apfe ni u ya gueye egbo ena

unuekpẹ oye emini Onomhue ọ rieḷe nẹ, ali abi ọ li ḷe elemhi ẹ.”<sup>20</sup> Igho oni omose ọ lui ifui ẹoli igbe ododa ena eke iDikapolisi. Ọ kia gueye ẹgbọ abi iJesu ọ li rieḷe na luẹ. Ọ ri abọ sha ẹgbọ nya.

*Omueshi ni ọ ghu-a ali ọkpotoso ni ọlia ee ku egbe*

*(iMat 9.18-26; iLuk 8.40-56)*

<sup>21</sup> Abi iJesu ọ rọ gbo nyene egbe da je ukiẹkiẹ okẹ obini o kpole, ẹgbọ e le gasẹ ọli. <sup>22</sup> Omose ọghuo ni a lu iJarosi, ni ọ khi ọtuoghwo eni ẹ mhesẹ shi owa ugamhi, ọ bhale akaghọ. Abi ọọ mẹ iJesu te, ọ de ya wugha li odalo. <sup>23</sup> Ọ mema lolo lema li, ọọ li, “Omimhe ọni omueshi ọ ma ghua gba memena, kpekpe bhale ya ri obọ ti ọ li egbe ni ọ ze, ini ọ khi ghua.” <sup>24</sup> Igho iJesu ọ deba li vu.

Igho ebubu ẹgbọ e deba li e ve mu ọli. <sup>25</sup> Ọkpotoso ọghuo ọ la agho ni ọ she ku ọlia ishito egbe ramhi ikpe igbeva. <sup>26</sup> Ọ she mẹ osoli obọ oyi ebubu ẹgbọ abi ọ rọ kia dua oni ughuamhi. Ọ she ri ẹpfue eyọli nya dua ọ, ama ọa pfo, oo ga kholo ọli egbe. <sup>27</sup> Abi ọ rọ suọ ingme oyi iJesu, igho ọ te ifuabọ oyi ẹgbọ ri obọ ti ọli awulu ni ọ so. <sup>28</sup> Ọ rọ li shi udu khi, “Ini mhi da mẹ asha ri obọ ti ọli awulu ne, mhi ya ze.”

<sup>29</sup> Abi ọ ri obọ ti ọli awulu te, eni ọlia ni e ku ọli egbe, e khakha utoghwo kpe. Aghoaghọ ọ lese khi emini o yesẹ luẹ ẹ ngme, khi o pfo.

<sup>30</sup> Aghoaghọ, iJesu ọ lese khi itoto o she rọte luẹ egbe ya lase. Igho ọ migha, ọ mu egbe pfi iteva ẹgbọ ni e sha mu ọ. Ọ mhila wẹ, ọọ. “Ọghuo ọ ri obọ ti mhe awulu?”

<sup>31</sup> Eniye odukhokho eyọli ẹẹ ọli, u ga mẹ abi ẹgbọ e lie ve mu ẹ, u kiele ẹ mhila, “Ọghuo ọ ri obọ ti mhe?”

<sup>32</sup> Ama, iJesu ọ kie bino gasẹ ini ọ mẹ oni ọ ri obọ ti ọ. <sup>33</sup> Abi oni ọkpotoso ọ rọ mẹ abi o ke li ọli egbe, ọ bhale odalo oyi iJesu ya wugha, ulishi o mema mu ọli, ọ gue igesikia le abi o ga li kia nya. <sup>34</sup> IJesu ọọ oni ọkpotoso, “Omi mhe, irudunga oye o she mie ẹ pfuese. Ri opfomhe ke je, anasemhe oye o she pfo.”

<sup>35</sup> Abi iJesu ọ kie li ngme, emose eghuo, e rọte owa oyi iJarosi bhale. Ẹẹ iJarosi, “Omie ọ she ghua, khi ke yesẹ Osese ngme.”

\* 6:4 Li zẹ iJon 4.44

<sup>36</sup> IJesu ọa fe ri esọ shi emini e ngme, ọọ oni omose “Khi zẹ ni ulishi o mu ẹ, ama lese mhọli irudunga.”

<sup>37</sup> Ọa zẹ ni ọgbokhoghuo ọ deba li se ni iPita, ali iJemhisi ali iJon inyoghwo iJemhisi. <sup>38</sup> Abi e rọ bhale owa oyi iJarosi, iJesu ọ mẹ abi ẹgbọ e li i kpe okeke, ni e li i vie gbii. <sup>39</sup> Igho, ọ lo elemhi oni owa, ọọ, “Elo o pfi onyaghu onana? Elo o re ẹ vie? Oni omọ ọa ghu, eri ọ lese a.”

<sup>40</sup> Ama eni ẹgbọ e gia li. Abi ọ rọ khu wẹ fie se, ọ rue ita ali inyo oni omueshi ali eniye odukhokho otuase egho mhue obọ je ashini oni omọ ọ yeshi.

<sup>41</sup> IJesu ọ mu ọli obọ, ọọ oni omueshi, “Talita kumi.” Emini a ri ona ngme khi, “Onomueshi, mhiye ye u vule.”

<sup>42</sup> Utoghwo kpe, oni omueshi ọ vule, ọ kia gasẹ. [Omọ ikpe igbeva ọ khi.] Abi a rọ mẹ ona, o ri abọ sha wẹ. <sup>43</sup> Ama iJesu ọ lolo tse agua ye wẹ e khi gueye ọgbokhoghuo. Ọọ wẹ, “A ri emhi na li le.”

## 6

*A ri ukpeloe gbe iJesu obini iNazareti*  
*(iMat 13.53-58; iLuk 4.16-30)*

<sup>1</sup> IJesu ọ rọte agho vu je ẹoli oyọli, eniye odukhokho eyọli e deba li. <sup>2</sup> Ogbelẹ iyemhea oyi ẹgbọ iJu o ramhi, ọọ sese el-emhi owa ugamhi. O ri abọ sha ebubu ẹgbọ eni e ri esọ shi ọli ọ.

E mhila egbe, “Obo oni omose ọna ọ rọte mẹ eni emhi enana? Ilesingme nabi onoghwo na ni a rọ na li, ni ọ gbo rọ gbe ikanya onyaloa? <sup>3</sup> Ọna ọa she khi ikapita, omi iMeli, ni ọ gbo khi inyoghwo iJemhisi ali iJosisi ali iJudasi ali iSamọ? Ena ẹa khi inyoghwo ọli eni imueshi, ni e ga li nu awa la akana enana?” O ri elemhi bi wẹ.

<sup>4</sup> Ama iJesu ọọ, “Ashakpa a la mu ekpe na omekeguele, se ni apfe oyọli ali unuekpẹ oyọli aa la mu ekpe na li.”\*

<sup>5</sup> Ọa dobe la akaghọ gbe akanya onyaloa okhoghuo, se ni ikuku ẹgbọ ni ẹa ze ni ọ rọ ze abi ọ rọ ri obọ ti wẹ. <sup>6</sup> Umha-mhọli irudunga oyewe o ri abọ sha iJesu.

Igho iJesu ọ kia rọte ẹoli je ẹoli sese eni ẹgbọ.

*Ijesu o ghie eniye odukhokho otuogbava fie*

*(iMat 10.5-15; iLuk 9.1-6)*

<sup>7</sup> O lu eniye odukhokho etuogbava eyoli tigbili, o ghie we ava-ava fie, o ri ekpabo na we ni e ro mhuẹ itoto ro khu ayemhe ebe.

<sup>8</sup> O gueye we, “Ini a le, a lese rue orokpo mhuẹ obo, a khi tsua eminale, wekhi akpaba ni a pfi e so, wekhi ukpago. <sup>9</sup> A so ekuẹ, ama a khi tsua awulu olese ma oni a ro so. <sup>10</sup> O gbolo e we, a kha da lo apfe okhoghuo le ni e ro da mie e, a la akagho ramhi ni a ro ya rote oni eoli vu. <sup>11</sup> Ini o khia khi a bhale eoli okhoghuo khi eni egbo ea mie e, ni ea ro gbo ri eso shi emini a ngme, a rote agho vu. A kpe abo o-a na we, a rote agho vu. Eri ona o ya khi otsele shi we egbe.”†

<sup>12</sup> Igho e fie ya tse abo gase, e lie egbo e rote olamhe oyewe mu pfi. <sup>13</sup> E khu ebubu egbo ayemhe ebe egbe-a, e ri oili to eni ee ghua ebubu egbe, e rewe ze.S

*Eghuli oyi iJoni Oni oo batazi*

*(iMat 14.1-12; iLuk 9.7-9)*

<sup>14</sup> Eghẹghẹ ana, oghie Erodu o li suo eko eni ingme ena nya, itobo khi eva oyi iJesu o she gase asha kpa. Egbo eghuo e lie khi iJoni Oni oo batazi lo ni o nyene egbe bhale agbo, loli o ze ni o ro ligho mholi ekpabo ro gbe ikanya onyaloa.

<sup>15</sup> Egbo eghuo e lie khi, “Elaja Omekeguele o khi.” Elese e khi, “Omekeguele nabi emekeguele ena elele o khi.”\*

<sup>16</sup> Ama abi Erodu o ro suo ona, o ke, “IJoni, ni mhi khi ukhomhi o, a rote eghuli guise le!”

<sup>17</sup> Itobo khi Erodu oo ke mhesa a mu iJoni ge pfilo owa ighuma. Ini egbe e ba mu Erodiasi. Eri Erodu o mie iFilipu inyoghuo oli Erodiasi. <sup>18</sup> Eghẹghẹ kpa IJoni o ro gueye Erodu khi, o a ti ni o rue ughue inyoghuo oli shi.†

<sup>19</sup> Itobo ona, oni Erodiasi oo biselemhi iJoni, oo nono ode ni o te ya gbe oli-a, ama o a dobe. <sup>20</sup> A gbo bhale ya e khi Erodu oo na ulishi iJoni itobo khi o lese khi iJoni khi ogbo onete ali ogbo o ni o pfuase o khi. O ri irarigho ri ukpeloe e khu oli. O ma nono ni

loli ri eso ke shi ungmehi oyi iJoni, ini o ri rie khia khi ingmemhi eyoli e ma yese oli udu-a eghẹghẹ kpa ni o ro suo li.

<sup>21</sup> Ikpukhokho o, Erodiasi o me ashini ni o te ya mu ota so iJoni. Igho eghuo ni o ikhi ogbele ni Erodu o ro mholi ukue ni o ro yelege ogbele ni a ro bia li le. O ya luno idenomo eyoli ali egbo eni mu eloe ali egbo igometi ali eni ee gbe ikanya igometi ni e la eke iJudia shi oni ukue. <sup>22</sup> Abi omo omueshi omi Erodiasi o ro fie lasele gbe ishimhi, o mema ti Erodu ali egbo eni e bhale ya bino oli eloe.

Igho oni oghie oo oni omueshi, “Mhila mhe emiemini o ga ghole e, mhi ya roli ne.” <sup>23</sup> O romhi isheli khasa oni omueshi, “Emiemini u mhila, mhi ya roli ne, o kha rie khi agbekhi-eva eghiele oyemhe.”

<sup>24</sup> Igho oni omueshi o fie ya mhila inyoli, “Elo mhi ya mhila?”

Inyoli oo li, “Ukhomhi oyi iJoni Oni oo batazi egbo wa mhila.”

<sup>25</sup> Aghogho oni omueshi o nyanya na ya lo deba oghie, o mhila li, “Ukhomhi oyi iJoni Oni oo batazi egbo mhia nono ni u khi shi ukpeko na mhe memena.”

<sup>26</sup> Udu o tode yese oghie a. Ama itobo ekha ni o tse ukpeloe oyi epfese ni o lu shi oni ukue, o a ke dobe ti da oni ekha. <sup>27</sup> Aghogho o ghie eni ee gbolo egbo-a e ka pfa iJoni ukhomhi o bhale. Eni emose e je owa ighuma ya khi iJoni ukhomhi o. <sup>28</sup> E rue oli shi ukpeko bhe. Igho oghie o kpha li na oni omueshi. Oni omueshi o kpha li na inyoli. <sup>29</sup> Abi eniye odukhokho eyi iJoni e ro suo ona, e bhale ya tsua etuli oyoli ya ro to.

*Ijesu o ri eminale na egbo agbele ishe le*

*(iMat 14.13-21; iLuk 9.10-17; iJon 6.1-14)*

<sup>30</sup> Eni ighiusomhi na kee e jele, e le gase oli, e gueye oli emini e riele ali emini e sese nya. <sup>31</sup> Igho, itobo ebubu egbo, ni ee bhale ni ee vu, iJesu ali eniye odukhokho eyoli ea me asha le eminale. Ijesu oo we, “A bhale ni awa je ashini awa-eghuo tse awa ya la, ni a yemhe-a ukuku o.”

<sup>32</sup> Igho weweghuo tse ee lo oko-oke oniemhi ya je ashini o da-ya. <sup>33</sup> Ama ebubu

† 6:11 Li ze Ika 13.51 ‡ 6:11 Li ze iLuk 10.4-11 § 6:13 Li ze iJem 5.14 \* 6:15 Li ze iMat 16.14; iMak 8.28; iLuk 9.19 † 6:18 Li ze iLuk 3.19-20

egbo ni e me we abi e ro vu, e lese khi we we lo. Igho eni egbo e rote eoli nya ri awe na ya ralo ashini iJesu ali eniye odukhokho eyoli e je. <sup>34</sup> Abi iJesu o ro ramhi agho, o me abi eni egbo e bu, elemhi we e lala li. Itobo khi eri e li abi isumha ni ea mholi oni o re we e kia. Igho o li sese we emhi ebubu.‡

<sup>35</sup> Eghoghe ana, ogbe o she vu. Igho eniye odukhokho eyi iJesu e bhale deba li, e ke oli, "Aborokhia khi oola o nuata shi apfe ena, ni eghoghe o ro she vu dose ena, <sup>36</sup> waa ke gueye eni egbo ena e kia je ifui apfe ya nono emhi de le."

<sup>37</sup> Ama, iJesu o o we, "A ri emhi na we le."

E mhila li, "Ifata eyi ogbele elele eyi ogbo e ya lo ni a ro de ibuledi ghi we le?"

<sup>38</sup> Igho iJesu o mhila we, "Iruli ibuledi ingme a mholi shi agho? A ka bino ghue."

Abi e ro bino se, e oli, "Iruli we ishe ali ifele aava."

<sup>39</sup> Igho iJesu o o we e ri ele eni egbo shito ikui-iku, ukhomhi ebuli. <sup>40</sup> E shito ikui-iku, egbo egbhueshi-she ali egbhue-eveva ali ogbogbe. <sup>41</sup> Igho iJesu o o rue eni ibuledi ishe ali ifele aava egho, o bino idane, o tse Eshinegba uwegbe. O gbe eni ibuledi khia, o ro na eniye odukhokho eyoli e ke kemhi na egbo. O gbo kemhi eni ifele aava na we nya. <sup>42</sup> Ogbokpa o le, o khue. <sup>43</sup> Iku we ni eniye odukhokho eyoli e sano eke, e vo ighughu igbeva. <sup>44</sup> Emose agbele ishe, e le eni eminale.

*IJesu o kia ukhomhi oke  
(iMat 14.22-23; iJon 6.15-21)*

<sup>45</sup> Aghogho o ri om odukhokho eyoli lo oko-ok e oniemi, e ka ralo iBetisaida ya migha khe lue ukiekie obinokpole. Igho o gueye oni ukpokpomhi ebubu egbo e ke je apfe. <sup>46</sup> Abi o ro tse we okhila se nya, o nga ukhomhi ute ya so iromhi.

<sup>47</sup> Ogbomhi o mu eke, oni oko-ok e oniemi o kia ramhi iteva oni oke, o ke kpe iJesu lolighuo tse le shi eke. <sup>48</sup> O me khi akpekpeli o nase eniye odukhokho eyoli. O ramhi itsotso ogbie, iteteva elemhi agogo ese ali agogo esesa, o o kia ukhomhi oni oke le deba we. O she kia ya dose we. <sup>49</sup> Ama abi e me iJesu khi o o kia ukhomhi ame, e dabi

khi ayemhe olimhi lo, e tse leghe. <sup>50</sup> Itobo khi eri we we nya e yila abi e ro me oli.

Aghogho o nu we ngme, o we, "A mholi udu! Mhemhe lo! A khi ke na ulishi."

<sup>51</sup> O lo elemhi oko-ok e oniemi deba we, oni akpekpeli o pfomhe. O ri abo sha eni eniye odukhokho, <sup>52</sup> itobo khi ea kie do be lese udi ingme eminale ni o kpe ro na egbo agbele ishe le; a toto we udu.

*IJesu o la iGenesareti ri egbo ze  
(iMat 14.34-36)*

<sup>53</sup> Abi e ro da oni oke se, e lasele shi iGenesareti, e mu oni oko-ok e oniemi zu agho. <sup>54</sup> Abi e lese rote oko-ok e oniemi tiemie, egbo e she lese khi iJesu lo. <sup>55</sup> Igho eni egbo e nyanya kia gas e oni eke nya, ashishini e da suo khi o da la ne, e tsua eni e ghua shi iya bhale agho. <sup>56</sup> Obiobini iJesu o da je ne, o ke khi eoli ni e gbedi, o ke khi enikeke o, ghe ifui ishemhi o, eri ee tsua eni e ghua bhale agbagbajighana atuoki. E lema iJesu o lese ze ni eni e ghua e ri obo ti o eso awulu ni o ro so tse. Eni e da ri obo ti oli nya e ze.

## 7

*Ose e oyi ipfuase ni o te ekelemhi lasele  
(iMat 15.1-9)*

<sup>1</sup> IFarisi ali esese Ishi eyi iMosisi eghuo ni e rote iJerusalemu bhale, e le gas e iJesu. <sup>2</sup> E me khi eniye odukhokho eyoli eghuo e ri abo ni ea pfuase ni aa kpe-a a le eminale. [Emini a ri ona ngme khi ea kpe abo-a abi egbo iFarisi e e a ke li.]

<sup>3</sup> Irari khi iFarisi ali egbo iJu eni e kpole nya ea ya le eminale ini ea li kpe abo-a. Abi ititawe e sese we na, ni e ro gbe akanya.

<sup>4</sup> Ini e rote oki jele khi ea li kpe egbe a, ea ya le eminale. E gbo mholi ighuighue ebubu elese ni e gbolo e ghue, Ighuighue abi a lie kpe iko, ekhe, itasa ali igege-a.

<sup>5</sup> Irarigho, eni iFarisi ali esese Ishi eyi iMosisi e mhila iJesu, "Elo o ze khi eniye odukhokho eye ea ri ishi ni itita awa e ro shi eke gbe akanya, ni e ro ri abo eni ea pfuase e le eminale?"

<sup>6</sup> IJesu o o we, "Igesikia Azaya o ngme abi o ro ngme ungmehi oyi Eshinegba ni o go lu e e ni a di egbe e. Oni a keke shi eke khi,

‡ 6:34 Li ze iNqba 27.17; 1 Ighie 22.17; 2 Okhe 18.16; Ezik 34.5; iMat 9.36

“Ungmemhi unu  
 ẹgbọ ena e rọ ri ekpe ẹ na mhe,  
 ama udu oyewe  
 o nuata shi mhe ọ.

<sup>7</sup> Ugamhi afue ẹ ga mhe,  
 ushi eni ẹgbọ e rọ shi eke,  
 ẹẹ sese ẹgbọ.\*

<sup>8</sup> A she pfi ishi eyi Eshinegba shi eke, a ri osese eyi ẹgbọ ẹ gbe akanya.” <sup>9</sup> Ọ gbolo ẹ we, “A ga lese ode ni a te ri ishi eyi Eshinegba shi ukhokho obọ, ini a ba me asha ri osese eye ẹ gbe akanya. <sup>10</sup> Itobọ khi iMosisi ọọ lie, ‘Mu ekpe na ite ali inye.’ Ọ gbolo ẹ, ‘Onini ọ da ku ite ni itali okekhi inyoli ne, a gbe ọlia.’† <sup>11-12</sup> Ama ẹ a sese ẹgbọ khi ini ọgbọ ọ gueye itali okekhi inyoli, khi emini loli kha kpe rọ kpaghie itali ali inyoli obọ khi Ikobani o ke khi, khi ọa mhuẹ abi o ngme. Khi ushi ọa mu ọli ini ọa ke ririe ri emhikhoghuo na itali ali inyo li. (Emini a rọ somhi Eshinegba opfa se, áá lui Ikobani). <sup>13</sup> Eri a ri osese ona a shishi ungmehi oyi Eshinegba eke a. A gbo mhọli emhi elese eghoghọ ebubu ni a gbolo ẹ riye.”

*Emini e ri ọgbọ khi oni ọa pfuase  
 (iMat 15.10-20)*

<sup>14</sup> Ijesu ọ gbo lu eni ebubu ẹgbọ gbili, ọọ we, “A ku esọ a shi mhe ọ, ni ona o lo ẹ esọ. <sup>15</sup> Emhikhoghuo ọa la ọ ni ọgbọ le, ni o ri ọgbọ khi ọna umha pfuase. Se ni emini o rọte ọgbọ ekelemhi lasese, o ri ọgbọ ọ khi oni ọa pfuase odalo oyi Eshinegba.” <sup>16</sup> [Oni ọ mhọli esọ, ọ rọ suọ.]

<sup>17</sup> Abi ijesu ọ rọ pfi eni ebubu ẹgbọ shi aghọ ni ọ rọ ya lo owa se, eniye odukhokho eyoli e bhale deba li, e mhila li emini oni ungmehi o ngme. <sup>18</sup> Ọ mhila we, “Aa kie lese udi emini mhia ngme? Ọa kie lo ẹ esọ khi emhikhoghuo ni o rọte odato lo ọgbọ elemhi khi ọa ya ri ọli khi oni ọa pfuase odalo oyi Eshinegba? <sup>19</sup> Irari khi oni emhi ọa ya je ọli udu, ama eke elemhi ọọ tiemhi, o gbo rọte idiegbe ya fie lase.” Eri ijesu ọ ri ona guele khi eminale ni a le nya, khi e ti.

<sup>20</sup> Ijesu ọ gbo lie. “Emini o rọte ọgbọ ekelemhi udu lasese, o ri ọgbọ ọ khi ọna umha-pfuase. <sup>21</sup> Itobọ khi rọte ekelemhi udu oyi ọgbọ, isamhi ebe e rọte ẹ lasese,

enabi, itsebo, ighiato, ọgbọ ugbeli, okia, <sup>22</sup> emhi ituegbe, ọbe imumu, ikpamhika, efiala, ubogbo, iyese-egbe eva a, umhamhọli ekpe, iditse. <sup>23</sup> Ekelemhi udu eni ingeli ena nya e rọte ẹ lasese ni e ri ọgbọ ọ khi ọna umha-pfuase odalo oyi Eshinegba.”

*Imiesuọ oyi ọkpotsọ ọghuo  
 (iMat 15.21-28)*

<sup>24</sup> Ighọ ijesu ọ rọte aghọ vu, ọ je ukiekie eke iTai. Ọ lo owa oghuo, ọa nono ni ọgbokhoghuo ọ lese khi loli la akaghọ. Ama ọa dobe ri egbe ọli sheli. <sup>25</sup> Abi ọkpotsọ ọghuo ni ayemhe ebe o la omi ọli oni omueshi egbe, ọ rọ suọ eko ijesu, ọ nyanya bhale ya de wugha li odalo. <sup>26</sup> Ongi ijeta oni ọkpotsọ ọ khi, a bia li shi eke iFonisha ni o la iSiria. Ọ lema ijesu ọ khu oni ayemhe ebe omi ọli egbe a.

<sup>27</sup> Ijesu ọọ li, “Ze ni eniye e kpe le eminale ne, ọa ti ni eminale ni a kha rọ na eniye le, ni a pfi ọli ghi ewa.”

<sup>28</sup> Oni ọkpotsọ ọọ, “Gueguegue Onomhue! Ama ewa e kiele la ifui itebu ẹ sanọ eminale ni eniye kesese le.”

<sup>29</sup> Ijesu ọọ ọli, “Itobọ oni ungmehi ni u rọ sọ mhe ọ ena, ke je, u ya bhale ya ẹ khi oni ayemhe ebe, o she rọte omi ẹ egbe ya lase.”

<sup>30</sup> Ighọ, ọli je apfe, ọ ya ẹ khi omi ọli o yeshi ukpho khi oni ayemhe ebe o she rọte ọli egbe vu.

*Ijesu ọ ri ungmehi ni ọ gbo lesọ ze*

<sup>31</sup> Ighọ ijesu ọ rọte ukiekie obini iTai vu, ọ rọte iSidoni ya tiemhi oke iGalili, ọ je eke iDikapolisi <sup>32</sup> Oobọ ẹgbọ eghuo e la tsua omose oghuo ni ọ khi ọlesọ, ni ọ gbo khi ungmehi, bhale ghi ijesu. E lema li ọ kpekpe ọ lese ri obọ nga li egbe.

<sup>33</sup> Ighọ ijesu ọ rue lolighuo fie iteva oyi eni ebubu ẹgbọ, ọ ri imiesabọ shi oni omose esọ, ọ to ete, ọ ri obọ ti oni omose elemhi. <sup>34</sup> Ighọ ijesu ọ bino idane, ọ tu ekperumhe-a, ọọ oni omose “Efata!” Emini a ri ona ngme khi, “Khueghie-a!” <sup>35</sup> Utoghuo kpe esọ eyi oni omose e khueghie a, elemhi oyoli o taghie-a, ọ ngme lasese gboo.

<sup>36</sup> Ighọ ijesu ọ tse agua ye we e khi gueye ọgbokhoghuo. Ama abi ọ dobe tse agua ye

\* 7:7 Li ze Aza 29.13 † 7:10 Li ze Okiali 20.12; iDeut 5.16; Okiali 21.17; iLev 20.9

wẹ kpa, igho e doḅe ngme oni ingme. <sup>37</sup> O ri abo sha eḅo eni e suo nya. E lie, “O ma gue rieḅe emhikpa,” e gbo lie, “O ri eni e le eso o suo eso, o khueghie ingmenu unu a, eḅe ngme.”

## 8

*Ijesu o ri eminale na eḅo agbeḅe asha ene le*  
(iMat 15.32-39)

<sup>1</sup> Oa roḅe agho teḅe ni ebubu eḅo elese e ro legba. Abi eni eḅo eḅa ro me emhi le, ijesu o lu eniye odukhokho eyoli, oḅo we, <sup>2</sup> “Elemhi eḅo ena eḅe ala mhe, o she gba eḅe ese ni e te nu mhe la ana ni eḅa te me emhikhoghho le. <sup>3</sup> Ini mhi e ri okiamhi ke je apfe mena, ubi o ya rue we shi ode, itobo khi eghuo o, e roḅe odonue bhale.”

<sup>4</sup> Eniye odukhokho eyoli e mhila li, “Obo u sa khi a te ya me eminale ni e bu ifu odagbe ona, ni e ya khuese eḅo ena nya?”

<sup>5</sup> Ijesu o mhila we, “Ibuledi ingme a mholi?”

E oḅo “Ishilua.”

<sup>6</sup> O gueye eni ebubu eḅo e shito eke. Igho o rue eni ibuledi ishilua egho, o kphemhi na Eshinegba, o khi we-a, o rue we na eniye odukhokho eyoli e ke kemhi we na eni eḅo. Igho eniye odukhokho eyoli e li kemhi na we. <sup>7</sup> E gbo mholi ikuku imi ifele shi agho. O gbo kphemhi na Eshinegba shi o. O rewe na eniye odukhokho eyoli e gbo li kemhi we. <sup>8</sup> Eni eḅo e le, e khue. E le se, eni eniye odukhokho e sanḅo iku we ni e le kpole vo ighughu ishilua. <sup>9</sup> Eḅo agbeḅe asha ene e khi. Ijesu oo eni eḅo e ke je. <sup>10</sup> Loli ali eniye odukhokho eyoli e lo oko-oke oniemhi e je ukiekie obini iDalamanuta.

*Eḅo iFarisi e mhila irokhase*  
(iMat 12.38-42; 16.1-4)

<sup>11</sup> Eḅo iFarisi e bhale, e mhila ijesu ogbo ni e ro mu oḅo fe. Ee oḅo o ri irokhase ni o roḅe iloghie bhale khase ewe ni wewe e lese khi Eshinegba o ghie oḅo.\* <sup>12</sup> Ijesu o tu ekperumhe-a, oḅo, “Elo o ze ni ee eḅo a ro mhila irokhase onyaloa? Abi o li mhi li gue oḅo e ye e khi, aa ya me irokhase onyaloa okhoghho.”† <sup>13</sup> Igho o pfi we shi agho vu,

\* **8:11** Li ze iMat 12.38; iLuk 11.16 † **8:12** Li ze iMat 12.39; iLuk 11.29 ‡ **8:15** Li ze iLuk 12.1 § **8:18** Li ze ijere 5.21; Ezik 12.2; iMak 4.12 \* **8:28** Li ze iMak 6.14-15; iLuk 9.7-8

o nyene eḅe ukhokho gbo ya lo oko-oke oniemhi, o da je ukiekie obinuzeva.

*Oyese oyi iFarisi ali Eroḅu ni o li abi ifuma*  
(iMat 16.5-12)

<sup>14</sup> Eniye odukhokho eyoli eḅa sato tsua ibuleḅi ni e bu, se ni uruli oghuo ni e mhuḅe shi oni oko-oke oniemhi. <sup>15</sup> Ijesu o tse agua ye we, oḅo we, “A mhuḅe eḅhe shi ifuma eyi iFarisi ali Eroḅu.”‡

<sup>16</sup> Eniye odukhokho eyoli e nu eḅewe ngme, e lie, “Itobo khi awa a mhuḅe ibuleḅi o ro ngme ona.” <sup>17</sup> Ijesu o lese emini e ngme. O mhila we, “Elo o ze ni a ro gue ezḅo khi aa mholi ibuleḅi? Eri aa ya me eke abi khi eri oḅa kie lo e eso? Eri udu oyeḅe o na khukhu?” <sup>18</sup> A mholi alo, aa rewe a me eke? A gbo mhuḅe eso aa rewe e suo? Aa sato?§ <sup>19</sup> Abi mhi ro kholo ibuleḅi ishe-a na eḅo agbeḅe asha ishe, ighughu ingme a sanḅo iku we eke vo?” Ee oḅo, “Igbeva!” <sup>20</sup> “Abi mhi ro gbo kemhi ibuleḅi ishilua na eḅo agbeḅe asha ene, ighughu ingme a sanḅo iku we vo?”

E oḅo “Ishilua.”

<sup>21</sup> Oo, “Eri emini mhia ngme oḅa kie lo e eso?”

*Ijesu o la obini iBetisaida khueghie ozalo alo a*

<sup>22</sup> E bhale iBetisaida. Eḅo eghuo e tsua omose ozalo bhale ghi ijesu, E oḅo o kpekpe o ri oḅo ti oḅo. <sup>23</sup> Igho ijesu o mu oni omose ozalo oḅo-oḅo ya fie ifui oni apfe. O to ete shi oḅo ro shishi oḅo alo-a. Ijesu o mhila li ini o me emhikhoghho.

<sup>24</sup> Oni omose o bino idane, oo “Mhia me eḅo khi e li abi eḅe a kia gasḅe.” <sup>25</sup> Igho ijesu o gbo ri abo shi oni omose alo. Alo eyoli e tigbe khueghie-a, o me eke gboo. <sup>26</sup> Ijesu oo ke je, o oḅo, “Khi gbo je elemhi ifui eoli.”

*IPita o guele oni ijesu o khi*  
(iMat 16.13-20; iLuk 9.18-21)

<sup>27</sup> Igho ijesu ali eniye odukhokho eyoli e vu je ikuku eoli ni e la gasḅe iSizeria iFilipi. Abi e li le, o mhila we, “Oghuo eḅo e famhi e lie khi mhi khi?”

<sup>28</sup> E oḅo, “Eri eghuo e khi iJoni ni oo batazi eḅo u khi; eghuo e khi Elaja u khi; elese e khi otuoghho emekeguele na eḅe u khi.”\*

29 O ke mhila wẹ, “Ama, oghuo ẹẹ oyẹẹ a liẹ khi mhi khi?”†

iPita o sọ li o, oọ li, “Yeyẹ u khi iKirisiti ni o khi Omiepfuese?”

30 iJesu o tse agua yẹ wẹ e khi gueyẹ ogbokhoghuo oni lolli khi.

*Ijesu o guele shi eke khi lolli ya ghua  
(iMat 16.21-28; iLuk 9.22-27)*

31 Igho o sese eniye odukhokho eyoli khi Omi Ogbọ o mema ya me osoli egbegbo. Eni egbhali, ali ighie eyi ekpodalo-ugamhi ali eni e sese ishi, e ya kie oli. A ya gbe lolli-a, ama ele onuzi-ese, o gbo ya guale. 32 O ngme ona lasela gboo. Igho iPita o lu oli ochi, oọ li o khi ke ngme ungmehi onana ghue.

33 Ama abi iJesu o ro nyene alo ukhokho bino eniye odukhokho eyoli, o dese iPita. Oọ li, “Vu mhe odalo le yeye Okphaghiye. Wa mholi ingme Eshinegba shi udu, ama emhi agbo.”

34 Igho o lu eni ebubu egbo ali eniye odukhokho eyoli, oọ wẹ, “Ini ogbokhoghuo oọ nono ni lolli bhale deba mhe, o mema ya kie egboli, o rue apfida oyoli, oọ deba mhe.‡ 35 Itobo khi onini o da dua ni lolli tsumhi agbo oyoli ne, o ya de oli obọ a, ama oni o da ri irari oyemhe ali irari oyi usomhi onete oyi Eshinegba rue agbo oyoli pfia, o ya tsumhi oli.§ 36 Eleli onoghuo ogbọ o ya me ini o mholi agbo nya khi ayemhe oyoli o li opfu-a? 37 Elo ogbọ o ya ro ooghie ayemhe oyoli? 38 Ini omama oyemhe ali omama oyi ingme oyemhe o da mu ogbokhoghuo elemhi agbo ichimhi ali agbo okholo ona ne, omama oyi onogbo o ya li mu Omi Ogbọ elegho ini o bhale elemhi ufumhi oyi Itali ali oyi igeni ni e pfuase.”

## 9

1 O gbolo e wẹ, “Mhi gue igesikia ye e khi, egbo eghuo e migha ana, ni ea ya ghu ne, ni e ro me khi Eghiele oyi Eshinegba o bhale, elemhi ekpabo.”

*Imamachi oyi iJesu  
(iMat 17.1-13; iLuk 9.28-36)*

2 Abi ele-ese e ro dose, iJesu o rue iPita, ali iJemhisi ali iJonni, ya nga ute oniemhi ni o yagha, asha ni weweghuo kpe e la. Igho e me khi iJesu o mu melaa. 3 Itsua ni o ro so, e pfuase-a, e ge pepèpè. E tode pfuase dose utsakolo, e dose abi ogbokhoghuo o a tigbe dobe ya li pfe wẹ-a pfuase ramhi agbo ona. 4 Igho eni eniye odukhokho aase eyoli e me khi Elaja ali iMosisi e lasela nu iJesu gheta.

5 iPita oọ iJesu, “Osese, o gue ti khi awa la akana. Zobẹ ni anye to ikholo ese shi ana. Oghuo o o kha khi oye, oghuo o khi oyi iMosisi, onokpole o khi oyi Elaja.” 6 Oa ke lese emini o ke ya ngme, itobo khi eri lolli ali enekpole e yila dose.

7 Igho otughunu o lasela ya guese wẹ-a, Eshinegba o rote elemhi oni otughunu ngme, oọ, “Omimhe ni Omose na, ni mhi nono ingme oyoli egbegbo. A ke suo eso na li.”\*†

8 Utoghuokpe khi e ke pfi alo bino, ea ke me ogbokhoghuo se ni iJesu lolighuo.

9 Abi e li rote oni ukhomhi ute e tiemhi le, iJesu o gueye wẹ e khi gueye ogbokhoghuo emini e me ini Omi Ogbọ o a li rote eghuli guale. 10 E ri oni ungmehi gbe akanya, ama e nu egbewe gheta emini irote eghuli guale o ngme.

11 Igho e mhila iJesu, “Elo o ze ni eni e sese e ro lie khi Elaja o kpe ya bhale?”‡

12 iJesu oọ, “Egbegbo lo khi Elaja o kpe ya bhale, o ya bhale ya mu egbe emhi nya shi eke. Elo o mema ze ni Ebe-no-pfuase o roo khi Omi Ogbọ o mema me osue egbegbo, a gbo kie oli?” 13 Ama a ghe i, Elaja o she bhale, e ri ele emini o ghole wẹ deba li ezeze abi a li keke ingme oyoli shi Ebe-no-pfuase.

*Iroze oyi ozeo no mhuẹ ayemhe obe  
(iMat 17.14-21; iLuk 9.37-43)*

14 Abi e ke ro ya kugbe eniye odukhokho ni e kpole o, e me khi ebubu egbo o le gase wẹ, esese Ishi eyi iMosisi e nu wẹ la akagho khako. 15 Abi eni egbo e lese me iJesu te, abo e sha wẹ egbegbo. E na ya tse oli.

16 O mhila wẹ, “Elo o khi ni a nu wẹ khako o shi?”

† 8:29 Li ze iJon 6.68-69 ‡ 8:34 Li ze iMat 10.38; iLuk 14.27 § 8:35 Li ze iMat 10.39; iLuk 17.33; iJon 12.25 \* 9:7 Li ze iMat 3.17; iMak 1.11; iLuk 3.22 † 9:7 Li ze 2 iPit 1.17-18 ‡ 9:11 Li ze iMala 4.5; iMat 11.14

17 Omose oghuo o rote elemhi eni ebubu egbo ya rue unu, odo, "Osesese, omimhe oni omose mhi ro bhale ghi e, ayemhe obe o nase oli, ni o ke ze oli e ngme. 18 Ini oni ughuamhi o da tsua rughu oli ne, eri o pfi oli e gbe, oo chi ofulu unu, oo le akọ unu, o zese a. Mhi gueye eniye odukhokho eye e khu oli oni ayemhe egbe-a, ama ea dobe."

19 Ijesu oo, "Ee egbo ni ea mholi irudunga ena, ele-ingme mhi ke mholi ro nu e ya la akana, ele-ingme mhi beshi ya la onana ramhi, Mu oni omọ ghi mhe!"

20 Igho e mu oni omọ bhale. Abi oni ayemhe o ro me ijesu tee, o de rughu oni omọ, o pfi oni omọ gbe, oo kpi abo ali awe-a, oo wu oli eke, oo chi ofulu unu.

21 Ijesu o mhila ita oni omọ, "Aele o te lina?"

Oo, "Abi o te khi omọ." 22 "O she lina mu oli pfi lo elemhi erali ali elemhi oke itingmingme abi o kha gbe oli-a. Ini u mholi emini u dobe ya rie, kpekpe le elemhi anye ni u kpaghie anye obo."

23 Ijesu odo, "Eri u we ini mhi dobe? Emhikpa oo tse na oni o da mholi irudunga."

24 Aghoagho ita oni omọ o nyanya lie, "Mhi miesuo ukuku, kpaghie mhe obo ni mhi gbo miesuo shi o egbegbo."

25 Abi ijesu o ro me khi eni ebubu egbo e na bhale ashini oni ingme o de shi, o tsesese ku oni ayemhe obe. "Yeye ayemhe ungmene ali ilesa, rote oli egbe ya lasese, khi gbo nyene egbe bhale o ghue."

26 Oni ayemhe o tsesese, ri itoto nighise oni omọ, o rote oli egbe ya fie. Oni omọ o ke li abi oni ghua. Egbo e lie, "O she ghua."

27 Ama, ijesu o mu oni omọ obo vule migha. O migha.

28 Abi ijesu o ro lo elemhi owa se, eniye odukhokho eyoli e bena mhila li, "Elo o ze ni anye aa ro dobe khu oli oni ayemhe egbe-a?"

29 Ijesu o so we o, oo we, "Iromhi isoso ali azumhi tse o dobe a khu onana."

*Ijesu o gbo ngme ingme eghuli oyoli*  
(iMat 17.22-23; iLuk 9.43-45)

30 Ijesu ali eniye odukhokho eyoli e rote agho vu, e rote iGalili dose, o nono ni ogbokhoghuo o lese ashini we we e la, 31 Itobo khi o sesese eniye odukhokho eyoli, oo ye, "A ya ri Omi Ogbo na egbo de. E gbe oli-a. Ele nuzi-ese o gbo guale." 32 Ama emini o ngme o lo we esa, ulishi o mu we abi e li ya mhila li emini o roli ngme.

*Oni o fu ne nya*

(iMat 18.1-5; iLuk 9.46-48)

33 E bhale eoli iKapanomu. Abi o ro la elemhi owa, o mhila we, "Elo a khako shi amo abi a ro la ode?"

34 Ama e tsaghie-a, itobo khi oni o kpeda nya elemhi we e la ode khako shi. S

35 Ijesu o shito, o lu eniye odukhokho ogbava eyoli, odo we, "Ini ogbokhoghuo oo nono ni loli khi oni odode, o kpe ya ri egboli khi oni o kpukhokho nya, ali oni o ga egbo nya."\*

36 O mu ukuku omọ vule migha we iteva. O mu oli shi abo, odo we, 37 "Onini o ri itobo oyemhe mie otuoghuo ikuku eniye enana ne, mhemhe o mie. Onini o da mie mhe ne, oni o ghie mhe o mie, o khi mhemhe."†

*Oni o da khi obe awa ne oyi awa o khi*

(iLuk 9.49-50)

38 Ijoni odo, "Osesese, anye me omose oghuo ni o ri eva oye khu ayemhe ebe kua. Ama anye gueye oli o khi gbo ligo, itobo khi o khi oghuo elemhi awa."

39 Ijesu o we, "A khi ke khu oli o, itobo khi oni o ri eva oyemhe gbe akanya onyaloa, o tigbe e vule ke ngme onobe oyemhe.

40 Itobo khi oni o khi obe awa, oyawa o khi."‡ 41 Abi o li mhi li gue oli e ye e khi, onini o da die uko amena e da irari eva oyemhe ne, ali irari khi onayi iKirisiti a khi, o ya me eleli o. S

*A mu egbe e shi emini e yese ogbo o lamhe*

(iMat 18.6-9; iLuk 17.1-2)

42 "Ini ogbokhoghuo o yese ikuku eniye enana ni e mie mhe suo lamhe, o bie tine ni a ge eche iko oniemhi shi ogbo oghogho uruli tsua pfilo elemhi oke oniemhi. 43 Ini obo oye o re ya lamhe, khi oli pfia. O ti e egbe ne ini u waa mholi obo ya lo iloghie na

§ 9:34 Li ze iLuk 22.24 \* 9:35 Li ze iMat 20.26-27; 23.11; iMak 10.43-44; iLuk 22.26 † 9:37 Li ze iMat 10.40; iLuk 10.16; iJon 13.20 ‡ 9:40 Li ze iMat 12.30; iLuk 11.23 § 9:41 Li ze iMat 10.42



agboagbo, ni u ro tsua abo eve-eva eye ya lo ilimhi irierie, ashini erali ea tigbe e pfo-a ghue.\* 44 [Akagho ikpatsọ ni e le we ni ea tigbe e ghu e la, ali ashini erali ni e tose we-a, ea tigbe e pfo ghue.] 45 Ini owe oye o re ya lamhe, khi oli pfa, o ti e egbe ne ini u waa mholi awe ro lo iloghie na agboagbo ni u ro mholi awe eve-eva, ni u ro ya lo ilimhi irierie. 46 Akagho ikpatsọ ni e le we ni ea tigbe e ghu e la, ali ashini erali ni e tose we-a, ea tigbe e pfo ghue. 47 Ini ukpeloe oye o re e lamhe, vuonyo li pfa, o ti e egbe ne ini u ri ukpeloe oghuo lo Eghiele oyi Eshinegba, ocho ni u ro ya mholi ikpamhi alo eva, a pfi e ya lo ilimhi irierie.† 48 Akagho,

“Ikpatsọ ni e le we  
ni ea tigbe e ghu e la,  
ali ashini erali ni e tose we-a,  
ea tigbe e pfo ghue.‡

49 “Erali a ro nye ogbogbo-a, a roli khi oni o pfuase abi a li ri ugbheli e ri iluasobo khi pfuase.

50 “Ugbheli o ma ti, ama ini oviolo oyoli o kala, se o ke li ze gbolo ro ya mele ugbheli-a?

“A ze ni a mholi ugbheli shi agbo oye e. A nu egbe ke ngeli angeli opfomhe.”§

## 10

*Ijesu o ngme shi ingme ipfughue-a*  
(iMat 19.1-12; iLuk 16.18)

1 Ijesu o rote agho vu je eke iJudia, ini a da iJodani. Igho egbo ni e bu e gbo ve ngale deba li, o sese we abi o kpe li.

2 Egbo iFarisi eghuo e bhale ya mu oli fe, e mhila li, “Ushi oyawa o lama, omose o khu ughue oyoli?”

3 Oo, “Elo iMosisi o gueye e a ke li?”

4 E ke, “Eri iMosisi o lama omose o keke ebe ni a ro pfa ughue-a mholi ughue oli obo, o khu oli.”\*

5 Ijesu oo we, “Itobo khi udu oye o gbe, iMosisi o ro ligho keke oni ushi na e. 6 ‘Ama omose ali okpotso, Eshinegba o rote igbaekele agbo ma we.’† 7 ‘Onana o ze ni omose o ro o pfi itali ali inyoli shi eke, o ya toma ughue

oli o. 8 Wewe aava e mele idiegbe oghuo a.’ Eghenge agho ea ke khi etuava, ama oghuo.‡ 9 Irarigho, emini Eshinegba o da toma ne, ogbokhoghuo o khi vase we a.”

10 Abi e ro gbo la elemhi owa, eniye odukhokho eyi iJesu e mhila li ogbo ona. 11 Ijesu oo we, “Onini o da khu ughue oli ni o ya rue okpotso olese ne, eri o kia okia shi oni ughue oli o. 12 Ini oni okpotso o lase ayi odoli le khi o ya ngeli na omose olese, eri o kia okia.”§

*Ijesu ali eniye enikeke*  
(iMat 19.13-15; iLuk 18.15-17)

13 Egbo eghuo e mu eniye bhale deba iJesu ni o ri obo ti we, ama eniye odukhokho eyoli ee khu we.

14 Abi iJesu o ro me gho, o ri elemhi bi oli. Oo we, “A ze ni ikuku eniye e bhale deba mhe. A khi ke khu we, itobo khi enabi wewe e li mholi obo shi Eghiele oyi Eshinegba. 15 Ze mhe gue igesikia ye e khi oni o da rue Eghiele oyi Eshinegba abi eniye enikeke ne, o a tigbe ya lo iloghie.”\* 16 O muno eniye shi egbe, o ri obo nga we ukhomhi, o so iromhi na we.

*Ozele-omose ni o lolo pfo*  
(iMat 19.16-30; iLuk 18.18-30)

17 Abi iJesu o ke rue okiali eke khi o vu, omose oghuo o na bhale ya wugha li odalo, oo li, “Osese nete! Elo mhi ya rieler ni mhi ro ya mhue agbo na agboagbo?”

18 Ijesu o li, “Elo e ze ni u ro o lu mhe onoti. Ogbokhoghuo o lao ni o ti, se ni Eshinegba. 19 Ni mhi ro so e ogbo ni u mhila mhe, u lese ushi ni Eshinegba o ro shi eke. Ni o le, ‘A khi gbe ugbeli, a khi kia okia, a khi do ughiat, a khi pfi otsele egbholi mu ogbo, a khi li ogbo le, mu ekpe na ita e ali inye e.’”†

20 Oni ozeo oo, “Osese, abi a te bia mhe mhi te ri ena nya a gbe akanya.”

21 Ijesu o ri eloe inono bino oli, oo li, “Emhi oghuo tse o kpe e le ni waa rieler ne. Je ya ri emini u mholi nya de ni u kemhi we na eni ea mholi emhi, eghenge agho ni u

\* 9:43 Li ze iMat 5.30 † 9:47 Li ze iMat 5.29 ‡ 9:48 Li ze Aza 66.24 § 9:50 Li ze iMat 5.13; iLuk 14.34-35

\* 10:4 Li ze iDeut 24.1-4; iMat 5.31 † 10:6 Li ze Igbae 1.27; 5.2 ‡ 10:8 Li ze Igbae 2.24 § 10:12 Li ze iMat 5.32; 1 iKori 7.10-11 \* 10:15 Li ze iMat 18.3 † 10:19 Li ze Okiali 20.12-16; iDeut 5.16-20

mhọli ẹpfue shi obini iloghie, u tigbe bhale ya deba mhe ke kia.”

<sup>22</sup> Abi oni omose o ro suo ona, alo eyoli e yese a, o ri iyeseudu-a ya vu, itobo khi o mhọli ẹpfue eniemhi.

<sup>23</sup> Ijesu o bino gasẹ kpa, oo eniye odukhokho eyoli, “O ma mu ogbo ni o pfue unu ni o ro lo Eghiele oyi Eshinegba.”

<sup>24</sup> Inggemhi eyoli e ri abo sha eniye odukhokho eyoli. Ama ijesu o gbolo e, “Eniye eyemhe, o ma mu eni e ri egbe da ẹpfue oyewe unu ni e ro lo Eghiele oyi Eshinegba. <sup>25</sup> Ni ogbo ni o pfue o ro lo Eghiele oyi Eshinegba, o ya munu dose, ni ogbo ke dua ni loli ri alakumi rote ese asuge ya fie.”

<sup>26</sup> Ona o ke ri abo sha eniye odukhokho eyoli ne, e ro mhila egbe, “Oghuo o dobe ya lo o sho?”

<sup>27</sup> Ijesu o pfi ukpeloe bino we, od, “Ona o zẹ ogbo ya li ama emhikpa o zẹ Eshinegba a li.”

<sup>28</sup> IPita od ijesu, “Emhinya anye tsua kua bhale deba e.”

<sup>29</sup> Ijesu od we, egbegbi-ingme mhi gue e ye e khi onini o da pfi apfe oli shi eke, ali inyoghuo oli eni emose ali eni ikpotso, ali ita ali inyo, ni o pfi eniye ali ishemhi, ghe owolo shi eke irari oyemhe ali usomhi onete oyi Eshinegba, <sup>30</sup> a ya somhi oli opfa. Elemhi agbo ona, a ya khivose na li asha egbhueshe, ikhivose owa ali ikhivose inyoghuo, ali inyo ali eniye ali ishemhi, ali anasemhe. O ya mhue agbo na agboagbo, elemhi agbo ni o ke e bhale. <sup>31</sup> Ama egbo eghuo ni e ralo, e ya kpe ukhokho. Eni e kpe ukhokho amo, e ya khi eni odode.‡

*Ijesu o gbo ngme ingme eghuli oyoli utonuzi-ese*

*(iMat 20.17-19; iLuk 18.31-34)*

<sup>32</sup> Abi ijesu o ro tsua we le iJerusalemu, ni o ro ralo na we, eni ingme e pfuse ghagha a shi eniye odukhokho eyi ijesu udu. Ulishi o mu egbo ni e deba we. Igho ijesu o gbo li rue eniye odukhokho ogbava eyoli ye ochi, o gueye we emini loli ya me ini wewe e ramhi iJerusalemu. <sup>33</sup> Oo, “IJerusalemu awa je ena, a ya la oobo rue Omi ogbo na ighie

eyi ekpodalo-ugamhi ali eni e sese ishi de, a ri oli na we mu. E pfa ezọ igbe-a mu oli, e ghi oli abo ghi egbo iJeta. <sup>34</sup> E ya roli ke li egia, e tono ete ku oli, e gbe oli ite, e tigbe gbe oli-a. Ama ele nuzi-ese, o ya rote eghuli guale.”

*Emini iJemhisi ali iJoni e mhila ijesu o riye na ewe*

*(iMat 20.20-28)*

<sup>35</sup> Igho iJemhisi ali iJoni imi iZebedi e bhale deba ijesu, e oli, “Osesẹ, anye e nono ni u riye emini anye ya mhile ena na anye.”

<sup>36</sup> Ijesu oo we, “Elo a nono ni mhi riye na e?”

<sup>37</sup> E ke, anye e nono, ini u da shito ukpekhomhi oye obini Eghiele oniemhi oye ne, ni u ze ni otuoghuo anye o kha shito e ukiekie obita, onokpole o shito e obogobo.

<sup>38</sup> Ijesu oo we, “Aa lese emini aa mhila. Uko ni mhi rote da, a dobe ya rote o da, abi khi eri a dobe ya mie ibatizi onabi mhi mie?”§

<sup>39</sup> E ke, “Anye ya dobe.” Ijesu oo we, “A dobe ri uko ni mhi ro da ya da, a gbo dobe mie ibatizi onabi mhi mie, <sup>40</sup> ama mhia mhọli afu ni a ro ri ogbo o shito mama mhe ukiekie obita ali obogobo ukpekhomhi oghie obini iloghie. Eshinegba o ri asha eghoghọ ya na egbo ni o re we shi agho khe.”

<sup>41</sup> Abi eniye odukhokho etuogbe enekpole e ro suo inggemhi ena, e nu iJemhisi ali iJoni i wola shi o. <sup>42</sup> Igho ijesu o lu we tiggibili, oo we, “A lese khi eni e lu egbewe ighie eyi egbo eni ea ya ga Eshinegba, khi eri e li we abi o ghole we, igho eni e kpeda omhesẹ e li e mhese na we.

<sup>43</sup> Ama, a khi li abi wewe. Ama onini o nono ni loli khi oniemhi elemhi e, o khi oni o ga ee nya. \* <sup>44</sup> Onini o nono ni loli khi onodode, oo mema kpe ri egboli khi oghumha oyi egbo kpa.† <sup>45</sup> Itobo khi Omi Ogbo o bhale ni a ke ga li, ama eri o bhale ya ga ali ni o gbo ri agbo oyoli bhale ni a ro luase obo na ebubu egbo.”

*Ijesu o ri iBatimeusi otase-alo-a ze*

*(iMat 20.29-34; iLuk 18.35-43)*

‡ 10:31 Li ze iMat 20.16; iLuk 13.30 § 10:38 Li ze iLuk 12.50 \* 10:43 Li ze iLuk 22.25-26 † 10:44 Li ze iMat 23.11; iMak 9.35; iLuk 22.26

<sup>46</sup> Igho e bhale iJeriko. Abi iJesu ali eniye odukhokho eyoli ali ebubu egbò ni e deba li, e rọ rọte oni eoli vu, omose oghuo ni o tase alo-a na lui iBatimeusi (omi iTimeusi a ri iBatimeusi ngme) o shito epfe ode mhila omhila. <sup>47</sup> Abi o rọ suọ khi iJesu ona iN-azarẹti lo, o tse leghe, o li, “Ijesu omi iDefidi, kpekepe, le elemhi mhe.”

<sup>48</sup> Ebubu egbò e tse ku o li, e e o li o ze ni a suọ esọ. Ama eena o mema lolo pfi okokohue lu o li ne, “Omi iDefidi le elemhi mhe!”

<sup>49</sup> Ijesu o migha, o, “A lu o li na mhe.” Igho e lu oni otasalo-a, e o li, “Ke ghele, vule, khi o lu e.” <sup>50</sup> O rue awulu no o so pfi a, o ti vule pia bhale deba iJesu.

<sup>51</sup> Ijesu o mhila li, “Elo wa nono ni mhi rie le ne?”

Oni omose ni o tase alo-a, o, “Ose, mhia nono ni mhi gbo ke me eke.”

<sup>52</sup> Ijesu o, “Ke le, khi irudunga oye o she re ze.” Agho ghọ, o me eke, o deba iJesu rọte ode vu.

## 11

*Egbò e ri ufumhi na iJesu abi o rọ lo iJerusalemu*

*(iMat 21.1-11; iLuk 19.28-40; iJon 12.12-19)*

<sup>1</sup> Abi e rọ ti ramhi iJerusalemu ni e rọ bhale iBetifagi ali iBetani Udi Ute Olivu, iJesu o ghie etuava elemhi eniye odukhokho eyoli, <sup>2</sup> O o we, “A je eoli ni o la odalo oobọ egho. A kha lese lo oni eoli le, a ya me omi akphere ni a muzu, ni ogbokhoghuo o nga shito ghue. A taghie o li bhale ana. <sup>3</sup> Ini ogbokhoghuo o mhila e, ‘Elo o ze ni a rọ taghie o li? A gueye o li khi, Onomhue o nono ni loli ri o li rie le emhi, ali khi o gbo ro li bhale ya shi eke lena.’ ”

<sup>4</sup> Igho ee bhale ya e oni ozele akphere ni a muzu shi ifui apfe epfe ode. Abi e li taghie o li-a, <sup>5</sup> egbò eghuo ni e migha akaghọ e mhila we, “Elo a la akaghọ a rie le ni a rọ taghie oni omi akphere ogho-a?” <sup>6</sup> E so we o abi iJesu o e li so we o. Igho eni egbò e ze we vu. <sup>7</sup> Abi e rọ mu oni ozele akphere bhale ghi iJesu se, e banọ ide egbe-a pfino nga oni ozele akphere ukhokho. Igho, iJesu

o nga li shito. <sup>8</sup> Ebubu egbò elese e li ba ide rọ ku ode, eghuo, e nyanọ eyamhi ku ode. <sup>9</sup> Egbò ni e ralo ali eni e deba li e gbe ukua, e tse, e li,

“Okuekhoogo! Oolo!”

Eshinegba o ka khivose  
na oni o ri eva oyi  
Onomhue bhale!\*

<sup>10</sup> “Eshinegba o ka khivose  
shi Eghiele oyi oghie iDefidi  
ita awa ni o o bhale.”

“Ikuoghi o khi oyi Eshinegba!”

<sup>11</sup> Abi iJesu o rọ ramhi iJerusalemu, o dose ya lo elemhi Owa oyi Eshinegba. O bino emhi nya gase, ama aborokhia khi obili o she bi dose, loli ali eniye odukhokho ogbava eyoli e je iBetani.

*Ijesu o pfi unu na oora okhua-eni*  
*(iMat 21.18-19)*

<sup>12</sup> Ogbeakolo abi e li rọte eoli iBetani fi, okiamhi oo gbe iJesu. <sup>13</sup> Igho o tapfia me oara okhua-eni ni o gue ta ebe. O le ya bino ini o she mo udumhi. Abi o rọ ramhi agho o me emhikhoghuo o, se ni ebe, itobo khi o ramhi eghẹghẹ ni okhua-eni e rọ mo ne. <sup>14</sup> Igho o oni okhua-eni, “Ogbokhoghuo o ke gbo rọte e ukhomhi ya pfa udumhi ghue.”

Eniye odukhokho eyoli e suọ khi o ngme na.

*Ijesu o je Owa oyi Eshinegba*  
*(iMat 21.12-17; iLuk 19.45-48; iJon 2.13-22)*

<sup>15</sup> Abi e ke rọ ramhi iJerusalemu, iJesu o lo Owa oyi Eshinegba, o vese eni e la akaghọ du oki kua. O kpha okphe oyi eni e pfa ikpagho ali eni e ri inekhukhu de kua.

<sup>16</sup> Oa ze ni ogbokhoghuo o tsua itsua-oki rọte elemhi apfe oni Owa oyi Eshinegba dose.

<sup>17</sup> Abi o ke rọ se egbò, o rọ li, “A she kpe ke o li shi Ebe-no-pfuase khi,

“‘Owa iromhi oyi ishishi nya,  
a ya ke lu Owa oyemhe,’

Ama ee, a she ro li mele owa ighiatọ a.”†

<sup>18</sup> Abi ighie eyi ekpodalo-ugamhi ali eni e sese ishi e rọ suọ ona, ee dua ode ni e te me asha ya gbe iJesu a. Ama ulishi oyi iJesu o mu we, itobo khi eri ose oye o li ri abo sha egbò kpa.

\* 11:9 Li ze Iwolo 118.25-26 † 11:17 Li ze Aza 56.7; iJere 7.11

<sup>19</sup> Ogbomhi o mu eke, iJesu ali eniye odukhokho eyoli e rote oni eoli ya fie.

*Ilesingme ni a rote okhua-eni ni o ku ebe a rue*  
(iMat 21.20-22)

<sup>20</sup> Eluzogbe oogbeakolo khi e rote oni ode dose, e me khi oni oara okhua-eni o khakha ya ramhi imhili. <sup>21</sup> IPita o sato, oo iJesu, "Osese, bino khe! Oara okhua-eni ni u pfi unu na o she khakha-a."

<sup>22</sup> IJesu o so li o, oo, "Mholi irudunga na Eshinegba." <sup>23</sup> "Egbegbi-ingme mhi gue e ye e khi onini o gueye oni ute ona, 'Ro te akana lasele ya je elemhi oke oniemi,' ni o ro da mholi akhokhomhe shi udu shi emini o ngme ne, ni o ro mholi miesuo khi emini loli ngme o ya bhale ya tse, oo ya ligho na li.† <sup>24</sup> Irarigho, emiemini u so iromhi mhila, miesuo khi u she mholi oli, oye o ke khi. <sup>25</sup> U kha da migha a lema, ni u ro ri ingme oyi ogbo shi elemhi, nyanya ro topfa li. Ini ite ni o la iloghie o ri olamhe eye li topfa e." <sup>26</sup> "Ama ini u waa da ro topfa ogboese ne, ite na iloghie o ya li ri olamhe eye topfa e."§

*A mhila iJesu oni o ri afu na li*  
(iMat 21.23-27; iLuk 20.1-8)

<sup>27</sup> Igho ee gbo lo iJerusalemu le. Abi iJesu o li kia elemhi apfe Owa oyi Eshinegba gase, ighie eyi ekpodalo-ugamhi ali eni e sese ishi ali egbhali e bhale deba li. <sup>28</sup> E mhila li, "Oghuo o ri afu ne ni u ro ri ele eni emhi enana nya, oghuo o ri unu ne u ke ri ele ena."

<sup>29</sup> IJesu o so we o, Oo, "Mhi ya mhila e ogbo oghuo. A so mhe o, ni mhi tigbe gueye e oni o ri afu na mhe mhi ke ri ele emhi ena. <sup>30</sup> Oghuo o fe ri itoto na iJoni o ke batazi egbo abi egbo?"

<sup>31</sup> Igho, e ya ye egbe ochi, e nu egbe we ngme oli khi, "Awa khe 'Rote iloghie' lo, o ya mhila awa, 'Elo o ze ni aa ro mie oli suo?' <sup>32</sup> Ama ini awa ke, 'Obọ oyi egbo.' " Ulishi oyi egbo o mu we, itobo khi ogbokpa o lese khi omekeguele iJoni o khi.

<sup>33</sup> Igho ee iJesu, "Anye ea lese." Igho iJesu oo we, "Mhi aa ya li gueye e oni o ri afu na mhe mhi ro ke ri ele eni emhi ena."

## 12

*Okhe irokhokho oyi eni e ngmomhi shi ogba era ipfonu*  
(iMat 21.33-46; iLuk 20.9-19)

<sup>1</sup> Igho iJesu o ke ri okhe irokhokho sese we. Oo, "Omose oghuo o ke ya gua ogba era ipfonu. O ma ugbe gase oni ogba. O to ese shi o, ni a mino ameg ikpamhi eni era kulo. O gbo to owa ni o yagha ni a la khe-ekhe shi o. Igho o ya ri oni ogba nga eghiale eghuo obọ e nu loli ri ukpeloe ke khu. O vu asha obini odonue.\* <sup>2</sup> Eghoghe ikhiese o ramhi, oni omose o ghie oghumha oyoli ghi eni o ri ogba nga obọ, o le ya mie we idumhi emhi ni a ko shi oni ogba bhale ghi lue. <sup>3</sup> Ama e mu oli, e gbe oli, e khu oli. O pfinu abo efue ya je. <sup>4</sup> O gbo ghie oghumha oyoli olese ghi we, E pfi emhi shi oli ukhomhi, e yeghe oli-a <sup>5</sup> O gbo ghie olese, e gbe onana-a. O ghie elese ni e bu, e gbe eghuo itali, e gbolo eghuo-a.

<sup>6</sup> "O kpoli oghuo le ni o ghie ne, ikhi omi oli ni o lolo nono ingme oyoli. Loli o kpukhokho ghie. O sa, oo, 'E ya mu ekpe na omi mhe.'

<sup>7</sup> "Ama eni e la oni ogba, ee egbewe. 'Ona o ya le ugu oni ogba ona, a bhale ni awa gbe oli-a. Eghoghe agho ni oni ugu o mele oyawa-a.' <sup>8</sup> Igho e mu oli, e gbe oli-a, e pfi oli rote oni ogba ya lase.

<sup>9</sup> "Se oni o mholi oni ogba ona o fe ya li? Eri o bhale ya gbolo eni egbo ni o ri oni ogba nga obọ-a, o rue oni ogba na egboese. <sup>10</sup> Aa she ze oli Ebe-no-pfuase khi.

" 'Eche ni itsona e kie pfi, loli o ke ya mele egbegbi eche ni o ke mu eloe ne nya-a.

<sup>11</sup> Onomhue o ligho ri ele ona, oo ti anye eloe gba' "†

<sup>12</sup> Igho egbhali eyi egbo iJu, e nono ode ni e te ya mu iJesu, itobo khi e lese khi we we o ri oni okhe irokhokho ona nu ngme. Ama e na ulishi oyi ebubu egbo ni e la agho, e ze oli obọ, e vu.

*Ingme izẹ oga na iSiza*  
(iMat 22.15-22; iLuk 20.20-26)

<sup>13</sup> Igho e tigbe ya nyene egbe ya ghie iFarisi eghuo ali eniye odukhokho eyi

† 11:23 Li ze iMat 17.20; 1 iKori 13.2 § 11:26 Li ze iMat 6.14-15 \* 12:1 Li ze Aza 5.1-2 † 12:11 Li ze Iwolo 118.22-23

Erọdu ghi iJesu, ni e me asha rọte emini o ya ngme ri ingme de ọli. <sup>14</sup> Igho e bhale deba iJesu, e e ọli, “Ose se, anye lese khi u ma ngme igesikia, khi emiemini egbo e e ngme ali emiemini ogbo o khi o ya mu e eloe, ama ode oyi Eshinegba wa se se ni o te ode igesikia. Mhie i, o famhi ti abi khi o ti elemhi ushi, ni a ro ze oga na oghie iSiza? <sup>15</sup> Anye ke ze, abi anye khi ze?”

Ama iJesu o she me ikpamhika oyewe. Oo we, “Elo o ze ni a ro nono ni a di mhe mu? A rue ukpamhi anini bhale ghue ni mhi bino.” <sup>16</sup> E rue oghuo bhale ghi ọli, oo we, “Alo ali eva eyi oghuo na ni a mu shi o ena?” E e ọli, “Eyi iSiza lo.”

<sup>17</sup> IJesu oo we, “A ri emini o khi oyi iSiza na iSiza, a ri emini o khi oyi Eshinegba na Eshinegba.”

Igho ingme oyi iJesu o sha we abo.

### *Ingme iteghuli-guale*

*(iMat 22.23-33; iLuk 20.27-40)*

<sup>18</sup> Igho egbo ena otu na lui iSadusi ni e se se khi ite-eghuli-guale o ya la ikpukhokho agbo, e bhale deba iJesu ya mhila li ogbo.† <sup>19</sup> E e ọli, “Ose se, iMosisi o ke ke ọli shi ebe ushi na awa khi, ‘Ini omose o ghu-a pfi ughue ọli shi agbo, ni o ro bia om o na li, inyoghuo oni omose o mema rue oni osamhi-olimhi ughue ni o bia eniye na oni okpotso na inyoghuo ọli ni o ghu-a ogho.’” <sup>20</sup> Eghẹghẹ oghuo o ya la o, a me emose oshilua ni e khi inyoghuo. Oni ogbhali o rue okpotso. Oni omose ya ghua, o bia om o na oni okpotso. <sup>21</sup> Inyoghuo ọli ni oo deba li o ke rue oni okpotso, o gbo ghua, o bia om o. Igho o gbo li inyoghuo ọli onuzase. <sup>22</sup> Igho o gbo li khi eni inyoghuo oni omose ni e kpole nya. Eni inyoghuo oshilua nya e ga rue oni okpotso ughue ni e bia om o okhoghuo na li. Ikpukhokho o, oni okpotso o li ghua. <sup>23</sup> Ini ogbele iguale o ramhi, ni eni e ghu-a nya e ro guale, oghuo o famhi ya khi ughue oni okpotso? Aborokhia khi we we oshilua nya e ga rue ọli ughue egho.”

<sup>24</sup> IJesu o so we o, Oo, “Wa a me khi eri a da ode khi aa lese emhikhoghuo elemhi Ebe-no-pfuase, wekhi eri a lese

emhikhoghuo elemhi ekpabo oyi Eshinegba. <sup>25</sup> Ini eni e ghu-a e guale, e a ke ke rue ughue wekhi eri a ke re we ke ye ughue. Eri e ke li abi igeni ena iloghie. <sup>26</sup> Ama ingme iguale oyi eni e ghua, aa she ke ze ọli ebe ni iMosisi o ke ke ni o ngme ingme ebuli ni oo to shi? Abi Eshinegba o gueye iMosisi khi, ‘Mhemhe mhi khi Eshinegba oyi Aburaamu ali Eshinegba oyi Aziki, ali Eshinegba oyi iGiekopu.’\* <sup>27</sup> Eshinegba oyi eni e la agbo o khi, o a khi oyi eni e ghua. Eri a ga da ode pfo nya.” Emini a ri ona ngme khi, egbo eni ghu-a eghuo e kie mhọli agbo.

### *Ushi ni o fune nya*

*(iMat 22.34-40; iLuk 10.25-28)*

<sup>28</sup> Otuoghuo eni e se se ishi, o la agho suo abi e ro khako, o me khi iJesu o ga gue so egbo iSadusi ogbo ni e mhila li, o mhila li, “Elemhi ishi nya, onoghuo o ga fune nya?”

<sup>29</sup> IJesu o so li o, oo, “Oni o mu eloe ne nya na, ‘Ku es o-a yeye iZireni, Onomhue Eshinegba oyawa, lolighuo kpe o khi Onomhue. <sup>30</sup> Nono ingme oyi Eshinegba Onomhue oye, ri udu oye nya ali agbo oye nya, ghe isamhi ali ekpabo eye nya nono ingme oyi Eshinegba.’† <sup>31</sup> Onuzi-eva ni o gbo lolo mu eloe khi, ‘Nono ingme oyi onuzava oye abi u li nono ingme egbe e.’ Ushi olese okhoghuo o a ke la o ni o gbo mu eloe dose ena.”‡

<sup>32</sup> Oni omose oo, “U ga gue ngme, Ose se. Igesikia u ngme ni u we khi Eshinegba oghuo o khi, ali khi olese o a ke la o, se ni lolighuo.”

<sup>33</sup> Ali khi awa ri udu oyi awa nya, ali isamhi eyi awa ali ekpabo eyi awa nono ingme oyi Eshinegba. Ali awa nono ingme oyi onuzava oyawa abi awa li nono ingme egbe awa. Ni awa ro ri ishi eva ena gbe akanya, o ghole Eshinegba dose ni awa ya ri iluasobo ali isomhopfa ododa bhale ghi ọli.”\*

<sup>34</sup> Abi iJesu o ro me ile singme ni o ro so lue o, iJesu oo li, “Wa a ga nuata shi Eghiele oyi Eshinegba.”

Rote agho vu ogbo okhoghuo o a ke gbolo mhila li ogbo okhoghuo.†

### *Omi oni Omiefuse o khi*

*(iMat 22.41-46; iLuk 20.41-44)*

‡ 12:18 Li ze Ika 23.8 § 12:19 Li ze iDeut 25.5 \* 12:26 Li ze Okiali 3.6 † 12:30 Li ze iDeut 6.4-5 ‡ 12:31 Li ze iLev 19.18 § 12:32 Li ze iDeut 4.35 \* 12:33 Li ze Osia 6.6 † 12:34 Li ze iLuk 10.25-28

<sup>35</sup> Abi iJesu o rọ la elemhi apfe ni o la Owa oyi Eshinegba sese egbo, o mhila we ogbo. Oo, Elo o ze ni esese Ishi eyi iMosisi e ro lie khi omi iDefidi Omiepfuese o khi? <sup>36</sup> Abi Ayemhe-no-pfuase o ro kpha iDefidi so, o ro rote unu oyoli lie.

“Eshinegba oo, Onomhue oyemhe.

Shito mama mhe

ramhi egheghe

ni mhi ro ya ri ebe e

shi e ufui ekoawe.’”<sup>‡</sup>

<sup>37</sup> Ini iDefidi o rote unu oyi lolighuo lu oli Onomhue, se oni Onomhue oyoli o ke gbo lie khi omi oli?

Ebubu egbo e ku eso a shi eke shi emini o ngme, ni o ri egbe mu we.

*Ijesu o tse agua ye eniye odukhokho eyoli shi esese Ishi eyi iMosisi egbe*

*(iMat 23.1-36; iLuk 20.45-47)*

<sup>38</sup> Ijesu o sese we, Oo we, “A mu egbe e shi esese Ishi eyi iMosisi egbe. Itsua na dolodolo e ma ghole we e iso ke kia ifui oki, ni egbo e ke tse we otse ekpe. <sup>39</sup> E ma nono ni wewe e shito ukpekhomhi ni o mu eloe elemhi owa ugamhi oyi awa ali ashini o mu eloe elemhi ilegba, ni a la le, ni a la da. <sup>40</sup> Itoto e ro li esamhi-olimhi e le. Iromhi ni e nue, eyi abamemhe, e so. Eshinegba, o ya na we osoli oniemhi to o.”

*Irona ni osamhi-olimhi o ro na Eshinegba*

*(iLuk 21.1-4)*

<sup>41</sup> Abi iJesu o ro shito ti mama oni akpati ni a pfi ukpagholo irona a lo elemhi Owa oyi Eshinegba, oo bino egbo abi e li pfi ikpaghlo lo o. Egbo ni e pfue ebubu e pfi ikpokpomhi ikpaghlo lo. <sup>42</sup> Igho osamhi-olimhi ni o mhue emhikhoghuo, o li ya pfi anini eva lo.

<sup>43</sup> Igho iJesu o lu eniye odukhokho eyoli, Oo we, “Igesikia mhi gue e ye e, khi oni osamhi-olimhi ni o mholi emhikhoghuo ona, loli o ri irona ni o fune nya bhale dose egbo enekpole nya <sup>44</sup> Itobo khi eri eni e pfue e rote epfue ni e mhue mu epfie ro riele irona. Ama oni osamhi-olimhi ona, rote elemhi umhame oyoli, o kie rue emini o mholi nya ni o kha ro ke le, riele irona.”

## 13

*Ijesu o guele emini a ya ke me ikpukhokho agbo*

*(iMat 24.1-2; iLuk 21.5-6)*

<sup>1</sup> Abi iJesu o rote elemhi Owa oyi Eshinegba fie lasete tee, omoo odukhokho oyoli oghuo, oo li, “Bino ghue, Osese! Ghe abi ukpokpomhi owa ona ali echete ni a ro ma li e li somhi otse khe!”

<sup>2</sup> Ijesu o so li o, oo, “Wa me ukpokpomhi owa ona. Egheghe o ya bhale ni echete okhoghuo o ke ro ya migha ukhomhi okhoghuo. Wewe nya e ya de kua.”

*Ozughu ali Imu-okholi vule*

*(iMat 24.3-14; iLuk 21.7-19)*

<sup>3</sup> Abi iJesu o li shito ukhomhi Ute eera Olivu, ni o so alo ghue oni Owa oyi Eshinegba, iPita ali ijemhisi ali ijoni ali Aduru e bena bhale ya mhila li, <sup>4</sup> E oli, “Gueye anye, egheghe ni a ro ya ke me eni ingme enana. Elo a ya ke me ni a ro ya lese khi oni egheghe ni eni emhi ena e ro ya tse khi o she ramhi?” <sup>5</sup> Igho iJesu oo we, “A kuegbe-a ke tokpe, ini ogbokhoghuo o khi di e. <sup>6</sup> Ebubu egbo e ya ri eva oyemhe bhale deba e, e lie khi, ‘Mhemhe mhi khi loli,’ ee di ebubu egbo. <sup>7</sup> Ini a suo khi a kholi, o ke khi eri a suo eko ingme okholi obini odonue, a khi ze ni o nighise e udu. Emhi eghogho e mema bhale ya tse, ama ukpese agbo o kie ramhi. <sup>8</sup> Ishishi ali ishishi e ya mu okholi vule shi egbe o, eghiele ali eghiele e ya li mu okholi vule shi egbe we o. Eke o ya la asha kpa ke nighise, ee kulu. Okiamhi oniemhi oo pfi. Igbaekele osoli na abi oo li okpotso ni oku o lese bele e to egbe.

<sup>9</sup> “A ri ukpeloe shi eke lolo ke tokpe. A ya mu e je owa ni a la gue ezoo. A la elemhi Owa ugamhi gbe e. A ya ri itobo oyemhe mu e bhale odalo oyi enighie ali eni e mhesete ni a ro gue usomhi onete oyi Eshinegba ye we. <sup>10</sup> Ama neni ukpese agbo o ya ramhi, a mema she ya tse abo oni usomhi onete oyi Eshinegba ye egbo na ishishi nya. <sup>11</sup> Ini a da mu e bhale khi a re e gue ezoo, khi ze ni udu o nase e shi emini u ya ngme. Ama lese ngme emiemini Eshinegba o ya ro ne oni egheghe

<sup>‡</sup> 12:36 Li ze Iwolo 110.1 \* 13:11 Li ze iMat 10.17-20; iLuk 12.11-12

aghọ, itobọ khi ọa khi yeyẹ wa ngme, ama Ayemhẹ-nọ-pfuase.\*

<sup>12</sup> “Egbọ e ya ri inyoghuo wẹ bhale na gbolo-a, ita e li ri imi wẹ li bhale ni a li gbolo-a. Eghẹghẹ aghọ, eniyẹ e ya ke sọ alo okhọli ghue eni e bia wẹ ọ, e gbolo wẹ-a. <sup>13</sup> Egbọ nya e ya ri itobọ oyemhẹ ke biselemhi ẹ, ama ọni ọ ri egbe mie ya ramhi ukpẹsẹ, a ya mie pfuese.†

*Emhi obe ni ọọ vesẹ egbo kua  
(iMat 24.15-28; iLuk 21.20-24)*

<sup>14</sup> “Ama, a kha da mẹ emini ẹ pfi oyese, ashini aa kha mẹ ọli, ikhi oni ọ vesẹ egbo kua, eghẹghẹ aghọ ọni ọ zẹ ebe ọ lesẹ abi a ri emini ọ zẹ ngme. Eni e la ekẹ iJudia e na nga ikhomhi ite.‡ <sup>15</sup> Ọni ọ la ukhomhi owa ne ọ khi tiemhile elemhi owa ya rue emhikhoghuo. <sup>16</sup> Ọni ọ la ifui ishemhi ọ khi na bhale apfẹ ya rue awulu oyọli.§ <sup>17</sup> O ma ze mu ikpotso ni ẹ mẹ ali eni e mholi eniyẹ ni ẹ nye ẹnyesi shi egbe eghẹghẹ aghọ. <sup>18</sup> Lema Eshinegba ọ khi bie zẹ ni o de shi eghẹghẹ ni ulili oniēmhi o la gbe egbo elemhi ukpe. <sup>19</sup> Itobọ khi onana o ya khi osoli ni o khọlọ ne nya rọte eghẹghẹ ni Eshinegba ọ te ma agbo. Ogbọ a ke gbo ya mẹ osoli uza onana ghue ekẹ agbo.\* <sup>20</sup> Ini Eshinegba ọa li rọte ogbele osoli ni a ngme ena khi-a, ogbokhoghuo ọa ya dobe ji ukhomhi ọ le. Ama irari oyi egbo eyọli ni ọ zẹ ọda kẹ, ọ rọ rọte eni ogbele osoli ena khi-a. <sup>21</sup> Eghẹghẹ aghọ ini ogbokhoghuo ọ gueye, ‘Ghekhe, ghe Omiepfuese!’ Okekha khi eri ọ ye, ‘Ghe ọli oobọ khe!’ Khi mie ọli suọ. <sup>22</sup> Itobọ khi iromhi emiepfuese ali emekẹguele e ya lasese. E ya ke riẹle ọlele ali ikanya ọnyaloo ọdoda rọ ke di egbo. Ni o khia khi ini ọa gue kia, e ga li ya di egbegbi eni Eshinegba ọ zẹ ọda kẹ. <sup>23</sup> Irarigho, a ga lolo kuegbe-a ke tọ ẹloekẹ. Mhi she gue emhi nya ye ẹ shi ekẹ se neni oni eghẹghẹ o ya ramhi.

*Inyenegbe bhale oyi Omi Ogbo  
(iMat 24.29-31; iLuk 21.25-28)*

<sup>24</sup> “Ini eghẹghẹ osoli ona o ga dose se nya, “Ovọ o ya bishi alo-a, uki ọa ke dobe ge,†

<sup>25</sup> Ikpetata e deno ukhuli kule, ukhuli ali ekpabo ni e la irarogbe ẹ mhese e ya ke nighise.‡

<sup>26</sup> “Eghẹghẹ aghọ, egbo nya e ya mẹ khi Omi Ogbo ọ kia elemhi otughunu ẹ bhale, elemhi ekpabo ali ufumhi ni ọ ge nyanyanya.§ <sup>27</sup> Eghẹghẹ aghọ, ọ ya ghie igeni eyọli e te asha kpa, ikhi ukpese agbo nya, ti egbo eyọli ni ọ zẹ ọda kẹ gbili.

*Osese oyi oni ọora okhua-eni  
(iMat 24.32-35; iLuk 21.29-33)*

<sup>28</sup> “Bino abi okhua-eni o li ẹ te. O kha da kpese ukhuli, ni o rọ ke ta ebe ne, lesẹ khi okase o kele ya le. <sup>29</sup> A kha da gbo li ligho mẹ khi eni emhi ena khi a da mẹ wẹ ne, lesẹ khi eghẹghẹ o she ramhi. <sup>30</sup> Abi o li mhi li gue ọli ẹ ye ẹ khi, egbo eghuo ni e la agbo memena ẹa ya ghu ne, ni eni emhi ena nya e rọ bhale ya tse. <sup>31</sup> Ekẹ ali ukhuli e ya dose, ama ingmemhi eyemhẹ ẹa ya tigbe dose ghue.

*Ogbokhoghuo ọa lesẹ oni ogbele wẹ oni eghẹghẹ  
(iMat 24.36-44)*

<sup>32</sup> “Ogbokhoghuo ọa lesẹ oni ogbele wẹkhi oni eghẹghẹ. Ghe egbegbi igeni ena iloghie ali mhemhẹ Omi ọli, se ni Itamhẹ lolighuo.\* <sup>33</sup> A ri ukpeloe shi ekẹ ke tokpe, itobọ khi waa lesẹ eghẹghẹ ni ọ la ya bhale. <sup>34</sup> Eri ona o li abi omose ni ọ vu asha obini odonue, ni ọ ri ighumha eyọli shi apfẹ e ri ukpeloe khu shi na lue. Ọ gueye ogbogbo akanya ni ọ ya gbe. Ọ gueye ọni ọ khe ekhe ọ ke khe ekhe apfẹ.†

<sup>35</sup> “Irarigho, ke khe ekhe, itobọ khi waa lesẹ eghẹghẹ ni ọga ọ rọ ya jele. Ini elogbomhi lo o, okekhi itsotso ogbie lo o, okekhi eghẹghẹ obili-atso lo o, abi khi ogbie-fiefie lo. <sup>36</sup> Ini ọ bhale guo, khi zẹ ni ọ bhale ya ẹ khi u wa lesẹ a. <sup>37</sup> Abi mhi li gue ọli ye ẹ ena mhi li gbo gueye ogbokpa. ‘A ke khe ekhe!’ ”

† 13:13 Li zẹ iMat 10.22 ‡ 13:14 Li zẹ iDan 9.27; 11.31; 12.11 § 13:16 Li zẹ iLuk 17.31 \* 13:19 Li zẹ iDan 12.1; Iro 7.14 † 13:24 Li zẹ Aza 13.10; Ezik 32.7; iJoẹ 2.10,31; 3.15; Iro 6.12 ‡ 13:25 Li zẹ Aza 34.4; iJoẹ 2.10; Iro 6.13 § 13:26 Li zẹ iDan 7.13; Iro 1.7 \* 13:32 Li zẹ iMat 24.36 † 13:34 Li zẹ iLuk 12.36-38

## 14

*Ugbamhi ni a gba khe iJesu*  
(iMat 26.1-5; iLuk 22.1-2; iJon 11.45-53)

<sup>1</sup> O ke kpe ogbele e va le ni a ro ya li ukpe iPasova ali ukpe ni a la le ibuledi ni aa ri ifuma shi nye, ighie eyi ekpodalo-ugamhi ali esese Ishi eyi iMosisi, ee nono ode ni e te ya bena mu iJesu gbe-a.\* <sup>2</sup> E egbe, "Awa khi rieje oli ini a li imu, onyaghu o ya ya lasese shi o."

*A la iBetani ku oili shi iJesu egbe*  
(iMat 26.6-13; iJon 12.1-8)

<sup>3</sup> Abi iJesu o ro la eoli iBetani, owa oyi iSamon ni efafe e kpe mu shito le eminale, okpotso oghuo o rue ukoko ituale ni o lolo ghale, ni o pfie lasese. O gbe oni ukoko a, o ku oni ituale shi iJesu ukhomhi.† <sup>4</sup> Egbogheghuo ni e la agho, e ri elemhi ibibi lie egbe, "Elo o ze ni a ro na pfueche oni ituale kua shi afue?" <sup>5</sup> A kha ri oli de ramhi ifata ukpe ali emhi, a kemhi eni ikpagho na eni eamhue. E shi oni okpotso unu egbegbo.

<sup>6</sup> Ama iJesu o wu, "A ze oli obo. Elo a yese oli e ngme shi? Egbegbi emini o ti ni o somhi otse o rieje na mhe. <sup>7</sup> Eghoghegho kpa eni eamhue e ro nu e la ana, eghoghegho ni o ghole e kpa a kpaghie wu obo. Ama aa ya me mhe eghoghegho kpa.‡ <sup>8</sup> Emini o dobe ya rieje o rieje egho. Eri o ku ituale ku mhe egbe shi eke khe eghoghegho iroto oyemhe. <sup>9</sup> Igesikia mhi gue e ye e khi, ashashini a da la tse abo usomhi onete eke agbo ona nya ne, a ya yele emini okpotso ona o rieje le."

*IJudasi o lama khi loli ya ri iJesu de*  
(iMat 26.14-16; iLuk 22.3-6)

<sup>10</sup> Eghoghegho agho iJudasi Isikaroti, ni o khi otuoghuo eniye odukhokho ogbava, o le deba ighie eyi ekpodalo-ugamhi, ni o ya ri iJesu na wu de. <sup>11</sup> Onana ni o gueye wu, o ga ghole wu. E shobo khi wewe e ya ri ikpagho na li. Igho iJudasi o li nono eghoghegho ni o ti ni o ro ya me asha ri iJesu na wu.

*IJesu o nu eniye odukhokho eyoli le Eminale iPasova*  
(iMat 26.17-25; iLuk 22.7-14,21-23; iJon 13.21-30)

<sup>12</sup> Ogbele ni odode ni a li oni ukpe ni a la le ibuledi ni aa ri ifuma shi nye o ramhi, ni o khi ogbele ni a ro gbe ozele Osumha oyi oni iPasova-a, eniye odukhokho eyi iJesu e mhila li "Ashi o ghole e ni anye mu egbe shi eke ne, ni u la le eminale iPasova?"

<sup>13</sup> Igho, o ghie eniye odukhokho etuava eyoli, o wu, "A lo ifuapfe, omose ni o tsua ubene amu, o ya lona e ode. A deba li je apfe. <sup>14</sup> A gueye oni o mholi apfe ni o ya lo, khi, 'Oseso oo, anye mhile u ri anye khaso elemhi owa ni loli ali eniye odukhokho eyelue wewe e la ya le eminale iPasova?' <sup>15</sup> O ya re e khaso agbala ni emhi nya e gba shi ukhomhi owa atonga, a muno egbe shi akagho na awa."

<sup>16</sup> Eni eniye odukhokho e vu, e lo ifui apfe, e ya me eni emhi tee abi iJesu o gue oli ye wu. Igho e mu egbe oni eminale iPasova.

<sup>17</sup> Ogbomhi o mu eke, iJesu ali eni eniye odukhokho ogbava e bhale. <sup>18</sup> Abi e li shito gaso itebu le eminale, iJesu o wu, "Egbegbi-ingme mhi gue e ye e khi otuoghuo elemhi e o ya re mhe de. Oni o nu mhe le emhi memena."§

<sup>19</sup> Udu o yese wu-a, otuoghuo-oghoo oo mhila li, "She khi o khi mhemhe o khi?"

<sup>20</sup> O so wu o, o wu, "Otuoghuo elemhi ee ogbava o ya khi, oni o ga ri ibuledi nu mhe e somhi elemhi utasa memena. <sup>21</sup> Eri Omi Ogbogbo o ya ghu-a abi a li keke oli shi eke na li. Eri-tse khi, o maa kholo oni o ya roli de egbe! O kha ga ti ne, ini ogbo o a bie bia li lo!"

*Eminale oyi Onomhue*  
(iMat 26.26-30; iLuk 22.14-20; 1 iKori 11.23-25)

<sup>22</sup> Abi e li le eminale egho, iJesu o rue ibuledi, o kphemhi, o khi oli a, o ro na eniye odukhokho eyoli, o wu, "A mo le; Idiegebe oyemhe na."

<sup>23</sup> Igho o gbo so onyo shi uko, o kphemhi, o roli na wu, wewe nya e ga te o da.

<sup>24</sup> IJesu o wu, "Olia eyemhe na ni e migha shi ishiobogbo onogbo, ni a ku kua na ebubu egbo.\* <sup>25</sup> Mhi gue igesikia ye e khi mhi aa ke gbo ya rote onyo upfonu ona da, se ni obini Eghiele oyi Eshinegba, ni mhi la da

\* 14:1 Li ze Okiali 12.1-27 † 14:3 Li ze iLuk 7.37-38 ‡ 14:7 Li ze iDeut 15.11 § 14:18 Li ze iWolo 41.9 \* 14:24 Li ze Okiali 24.8; iJere 31.31-34



onyo onogbo.”<sup>26</sup> Abi e ro to uwolo se, e fie lasele, e je Ute Epera olivu.

*Ijesu o guele shi eke khi iPita o ya kie luẹ (iMat 26.31-35; iLuk 22.31-34; iJon 13.36-38)*

<sup>27</sup> Ijesu o o we, “Ee nya, a ya na kua, a ze mhemhe-ghuo obo, irari khi a she keke oli shi Ebe-no-pfuase khi.

“ ‘Mhi ya ri emhi li orisumhafia, isumha e ya ve kua.’†

<sup>28</sup> “Ama ini a guise mhe le se, mhi ya ralo khe e iGalili.”‡

<sup>29</sup> IPita o o li, “Ini egbo nya e ririe kie e, mhi aa ya kie e.”

<sup>30</sup> Ijesu o o iPita, “Mhi gueye khi, neni okpa o o gbieghe iteva amiose, u ya kie mhe itese.”<sup>31</sup> IPita o kie gema o gue gagaga, o lie, “Ini o ri rie khia khi oni mhi la nu e ghu-a lo, mhi aa ya tigbe kie-e.” Enekpole nya e li ngme gho.

*Ijesu o la iGetisemani so iromhi (iMat 26.36-46; iLuk 22.39-46)*

<sup>32</sup> E je ashini a lu iGetisemani, ijesu o o eniye odukhokho eyoli, “A shito ana ni mhi ya so iromhi bhale.”<sup>33</sup> O rue iPita ali iJoni ali iJemhisi ma egbe vu. Iyesudu-a ali anasemhe e bhale na li.<sup>34</sup> O we, “Oya ni o la mhe udu memena o gba a. O ga nono ni luẹ gbe mhe. A migha akana khe mhe, a ke tokpe.”

<sup>35</sup> O ti je odalo denẹ, o de ya yeshi eke, o o so iromhi ini o ya ze riẹle ni oni egheghe ona o dose luẹ.<sup>36</sup> O o, “Itamhe, Itamhe, emhikpa o ze e riẹle. Rue mhe oni uko osoli ona odalo le. Eri-tse khi, o a khi abi o ghole mhe, se e ni abi o li ghole e.”

<sup>37</sup> Abi o nyene egbe bhale, o me khi eni eniye odukhokho e lese-a. O o iPita, “ISamo, eri u lese-a? Aa dobe nu mhe tokpe ukuku egheghe tse? <sup>38</sup> Ri ukpeloe shi eke gboo ke so iromhi ini u khi de ini u mholi imufe. Ayemhe oye o mu egbe ni o ro riẹle, eri-tse khi, idiegbe oye o a dobe.”

<sup>39</sup> Igho o gbo vu ya so iromhi enabi o kpe so.<sup>40</sup> Abi o ro nyene egbe bhale, o gbo bhale ya e we khi e lese-a, irari khi olese o la we alo, ea lese abi e ke ya ngme oli.

<sup>41</sup> Abi o ro nyene egbe bhale utonuzese, o o we, “Olese a kie la, ni a yemhe-a? Olese ogho o she bu e! Oni egheghe o she ramhi. A bino khe khi, a ri Omi Ogbọ na ena olamhe de.<sup>42</sup> A vule ni awa vu! Oni o remhe de o o bhale ena!”

*A mu ijesu*

*(iMat 26.47-56; iLuk 22.47-53; iJon 18.3-12)*

<sup>43</sup> Abi o li ngme, iJudasi, ni o khi otuoghuo elemhi eni eniye odukhokho ogbava o bhale. Egbo ni e tsua itsua okholi ali itakobi ali ikpokpo, ni ighie eyi ekpodalo-ugamhi, ali esese Ishi eyi iMosisi ali egbhali e ghie, e nu oli bhale.

<sup>44</sup> Oni o roli de o she kpe gueye eni e nu oli kia, o o we, “Oni mhi da pfipfi ekphamhi ne, loli o khi oni a nono. A mu oli, a khe oli ekhe rue vu.”<sup>45</sup> Abi e ro lese lole, iJudasi o le deba ijesu, o o, “Osese.” O pfipfi oli ekphamhi.<sup>46</sup> Eni emose e mu ijesu.<sup>47</sup> Igho otuoghuo eni e migha epfe-aghọ o ji itakobi oyoli emhi lasele, o be oghumha oyi Oga oyi ekpodalo ugamhi esọ-a.

<sup>48</sup> Ijesu o o we, “Okholi mhi tsua, ni a ro lina tsua itsua okholi ali itakobi ali ikpokpo bhale ya mu mhe? <sup>49</sup> Ogbele kpa mhi ro nu e la, mhi la Owa oyi Eshinegba e sese. Aa mu mhe. Eri a me emhi ena ni emini a keke shi Ebe-no-pfuase o bhale ya tse.”§<sup>50</sup> Igho eniye odukhokho eyoli nya ni e deba li e ve kua, o kpe lolighuo le.

<sup>51</sup> Ozeo oghuo ni o so awulu ona yeyeye, o o deba ijesu. Abi e ro to obo so li, khi wewe e ya mu oli,<sup>52</sup> o nyanọ awulu-a mhuẹ we abo, o ri irumheba na vu.

*Otu iSaediri e ri ijesu gue ezo*

*(iMat 26.57-68; iLuk 22.54-55,63-71; iJon 18.13-14,19-24)*

<sup>53</sup> E mu ijesu bhale owa oyi Oga oyi ekpodalo ugamhi, ighie eyi ekpodalo-ugamhi nya, ali egbhali ali ekekebe ali esese Ishi eyi iMosisi nya e le gba.<sup>54</sup> IPita o tapfia deba li ukhu-khokho, ya ramhi elemhi apfe oyi Oga oyi ekpodalo ugamhi. O nu eni e khe ekhe shito khase erali.

<sup>55</sup> Eni ighie eyi ekpodalo-ugamhi ali oni igbaa oyi iSaediri nya, e nono emhi ushi ni e

† 14:27 Li ze iZaka 13.7 ‡ 14:28 Li ze iMat 28.16 § 14:49 Li ze iLuk 19.47; 21.37

ya mu mhòli iJesu obò, ni e ba mē asha gbe òli-a. Èa mē emhikhoghuo. <sup>56</sup> Ebubu ẹgbò e pfi ọtsẹlẹ eyi ẹgbhòli mu òli, eni ọtsẹlẹ nya, ẹa de shi oghuo.

<sup>57</sup> Ikpukhokho, ẹgbò eghuo e vule pfi ọtsẹlẹ ẹgbhòli ona mu iJesu. Èẹ, <sup>58</sup> “Anye suọ khi ọọ liẹ khi, ‘Mhi ya guoghò Owa oyi Ẹshinẹgba onana ni ẹgbò e ri abọ ma-a, ẹlẹ-ese mhi tọ olese ni ẹgbò ẹa ri abọ ma.’ ”\* <sup>59</sup> Abi e riẹ kie ngme ona, ọtsẹlẹ eyẹwẹ ẹa kie de shi oghuo.

<sup>60</sup> Ighò Ọga oyi ekpodalo ugamhi ọ vule migha odalo oyẹwẹ nya, ọ mhila iJesu. “Waa bie ya sọ wẹ ọ? Ezo elọ na ni ẹgbò ena ẹẹ gue shi ẹ egbe?” <sup>61</sup> Ama iJesu ọ tsaghie a, ọa sọ wẹ ọ. Ọga oyi ekpodalo ugamhi, ọ gbo mhila li, “Yeyẹ u khi Ọmiepfuese, Omi Ẹshinẹgba ọna Kuẹghie?”

<sup>62</sup> IJesu ọọ li, “Lọli mhi khi. Èẹ nya a ya mē khi Omi Ọgbò ọ shitọ obita oyi Ẹshinẹgba ni ọ funẹ, ali khi ọ la otughunu rọte irarogbe ẹ tiemhie.”†

<sup>63</sup> Ọga oyi ekpodalo ugamhi ọ nyanọ itsua shi ẹgbòli uruli abi ọ li yila. Ọọ, “Awa ke gbo nono ọtsẹlẹ olese. <sup>64</sup> Èẹ nya a she suọ abi ọ pfi unu-a deba Ẹshinẹgba. Sẹ a sọ shi ọ?”

Wẹwẹ nya e pfa ẹzọ mu ọli khi ọni a gbe-a ọ khi.‡ <sup>65</sup> Ẹgbò eghuo ọ, e tonon etẹ ku ọli. E ri emhi gẹnọ ọli alo. E pfi ọli emhi, ẹ ọli, “Mẹ eke guele, gueyẹ anye ọni ọ pfi ẹ emhi?” Eni ẹ khẹ ekhẹ e mu ọli, e lase ọli esọ.

*IPita ọ khi loli ẹa lẹsẹ iJesu*

*(iMat 26.69-75; iLuk 22.56-62; iJón 18.15-18,25-27)*

<sup>66</sup> Abi iPita ọ kie shitọ elemhi apfẹ eghò, ọmueshi oghuo ni ọ khi ọni ọọ ga oyi Ọga oyi ekpodalo ugamhi ọ bhale. <sup>67</sup> Ọ mē iPita abi ọ rọkhasẹ erali, ọ tọli ọkpẹ tsuke.

Ọọ li, “Yeyẹ u li nu iJesu na iNazaretì i kia.”

<sup>68</sup> Ama iPita ọ tia. Ọọ, “Mhi a lẹsẹ emini wa ngme.” Ọ lase aghò le je odẹ ni a tẹ ẹ lo elemhi apfẹ. [Ighò ọkpa ọ gbieghẹ.]

<sup>69</sup> Abi ọni ọmueshi ni ọ ga ọgbò ọghò ọ rọ gbo mē iPita aghò, ọ gbo riẹlẹ eni ingmemhi ngme khase eni e migha epfẹ aghò. Ọọ, “Ọtuoghuo elemhi wẹ, ọni ọmọsẹ ọna ọ khi.” <sup>70</sup> IPita ọ gbo tia.

Oo li dẹnẹ, eni e migha epfẹ aghò e ke iPita, “Igesikia lọ khi ọtuoghuo elemhi wẹ u khi, irari khi ọnge iGalili u khi.”

<sup>71</sup> Ighò ọ li sẹ ẹgbòli isheli, ọ romhi eni isheli. Ọ liẹ, “Mhi aa ga lẹsẹ ọmọsẹ ọna ni a ngme ena.”

<sup>72</sup> Utoghukpe, ọkpa ọ gbieghẹ utonuzi-eva. IPita ọ sato emini iJesu ọ gueyẹ ọli khi, “Neni ọkpa ọ ya gbieghẹ utonuzi-eva, u ya kie mhe itesẹ.” Ighò ọ gbe akhe eviẹ a.

## 15

*A rue iJesu bhale odalo oyi iPaleti*

*(iMat 27.1-2,11-14; iLuk 23.1-5; iJón 18.28-38)*

<sup>1</sup> Ẹluzogbe fiefie, ighie eyi ekpodalo-ugamhi, ali ẹgbhali ali esesẹ Ishi eyi iMosisi ali igbaa eyi iSaediri nya, e ye ugbamhi. E gẹ iJesu rue vu ghi iPaleti.

<sup>2</sup> Ọni iPaleti ọ mhila iJesu ogbò, ọọ li, “Oghie oyi ẹgbò iJu u khi?”

IJesu ọọ, “Eee! Ighò lọ abi u ngme ọli.”

<sup>3</sup> Eni ighie eyi ekpodalo-ugamhi eyi Ẹshinẹgba e ga gue ẹzọ emhi ebubu shi iJesu egbe. <sup>4</sup> Ighò iPaleti ọ gbo mhila li ogbò, ọọ, “Wa ya pfunu, u suọ iwali ẹzọ ni e gue ẹ shi ẹ egbe?”

<sup>5</sup> Ama iJesu ọa sọ li ọ. O ri abọ sha iPaleti.

*A pfa ẹzọ mu iJesu a ka gbe ọli a*

*(iMat 27.15-26; iLuk 23.13-25; iJón 18.39-19.16)*

<sup>6</sup> Abi áá li ini o lina ramhi ẹghẹghẹ ukpe iPasova, eri iPaleti ọ rue ọgbò oghuo owa ighumha lasele na wẹ abi o ghòle wẹ shi. <sup>7</sup> Ẹghẹghẹ aghò ọmọsẹ oghuo ni a lu iBarabasi ọ la owa ighumha, ni ọ khi oghuo ẹgbò ni a mu. Eri a mu ọli shi ugbeli ni ọ gbe ẹghẹghẹ ni a rọ mē onyaghu. <sup>8</sup> Abi eni ẹgbò e rọ bhale gbii ya mhila iPaleti ọ riẹlẹ emini ọ kie kpẹ riẹlẹ na wẹ, <sup>9</sup> iPaleti ọ mhila wẹ, ọọ, “A nono ni mhi rue oghie iJu abọ a na ẹ?” <sup>10</sup> Ọ ga lẹsẹ gboo khi itobọ ibiselemhi, ighie eyi ekpodalo-ugamhi e rọ mu iJesu ghi lue. <sup>11</sup> Ama ighie eyi ekpodalo-ugamhi e sesẹ ẹgbò e gueyẹ iPaleti ọ ri ochoghò wolọ iBarabasi obọ a na ewẹ.

<sup>12</sup> iPaleti ọ mhila wẹ, ọọ, “Elọ mhi kẹ li ọni a lu oghie iJu shọ?”

\* 14:58 Li zẹ iJón 2.19 † 14:62 Li zẹ iDan 7.13 ‡ 14:64 Li zẹ iLẹv 24.16

13 E tsesẹ leghe, “A ta li ma ọara apfida.”

14 IPaleti ọ mhila wẹ, ọ́, “Elọ o zẹ, umhaguetia onoghuo ọ riẹlẹ?” Ama eena e tsesẹ ne, “A ta li ma ọara apfida!”

15 Ni ọ rọ riẹlẹ emini oo ghọle eni ẹgbọ, ọ wolọ iBarabasi abọ-a na wẹ. Ọ́ e gbe iJesu itẹ, ọ rue ọli na wẹ e ka ta li ma ọara apfida.

*Ekhọli-okhue e ri iJesu li egia*  
(iMat 27.27-31; iJón 19.2-3)

16 Eni ekhọli-okhue e rue iJesu lo elemhi apfẹ agbala oyi igovunọ. E lu ekhọli-okhue apfẹwẹ eni e kpọle. 17 E ri awulu ichẹ ni o khi ẹgholi ibulu, sọ li, e ri igba do arula rughu ọli ukhomhi. 18 E liẹ ọli, “A da abọ na oghie ọyi ẹgbọ iJu!” 19 E pfinu ọli ukpokpo ukhomhi iti ingmi-ingmẹ, e tono etẹ ku ọli. E de ya wugha li odalo, e nyẹsẹ ukhomhi na li. 20 Abi e rọ lighọ ri iJesu li egia se nya, e gueghie ọli oni awulu ichẹ ni o khi ẹgholi ibulu ogho, e nyenẹ egbe ri itsua eyọli sọ li. Igho e rue ọli vu ya tama ọara apfida.

*A ta iJesu ma apfida*

(iMat 27.32-44; iLuk 23.26-43; iJón 19.17-27)

21 Abi e rọ lẹ, e ya ẹ ọmọsẹ ọghuo ni a lu iSamọ ni ọ rọte ode oyọli dọsẹ, ni ọ rọte asha jele. Igho eni ekhọli-okhue e ri itoto mu ọli ọ tsua ọara apfida oyi iJesu. ISamọ ọngi iZireni ọ khi, ọ gbo khi ita Alẹzada ali iRufọsi.\* 22 E rue iJesu bhale ashini a lu iGogota. [Ugua ukhomhi olimhi a ri iGogota ngme] 23 A ri onyo ni a ku ikhumhi na lui Imari shi na li ọ rọ da, ama ọa lama da li. 24 E ta li ma ọara apfida. E kemhi itsua ni ọ sọ mhọli egbe abọ. E ti ebe rọ kemhi eni ide eyọli, ni e lẹsẹ oni o ya tẹ ọgbogbo.†

25 Eghẹghẹ agogo itili ẹluzogbe a rọ ta li ma ọara apfida. 26 Emini e kekẹ rọ kphase oni ọara apfida kpeda na li khi. Oghie Oyi Ẹgbọ iJu. 27 E li gbo ta ighiatọ etuava ma ọara apfida mama li, ọtuoghuo ọ la li obọ-ita, ọnọkpọle ọ la li obogobọ. 28 Ona o ri emini a kekẹ shi Ebe-no-pfuasẹ bhale ya tse, ni ọ́, “A leli ọli ma ighiatọ.”‡ 29 Ẹgbọ eni e te epfẹ agho dọsẹ, e pfi itsue manya iJesu, ee nighise ukhomhi, e liẹ, “Ebanẹkẹ! Yẹyẹ ni u

ya guoghọ Owa oyi Ẹshinẹgba-a, u gbo riẹlẹ ọ tọ ogbẹlẹ esẹ.§ 30 Rọ te ọara apfida tiemhie shọ ya mie egbe ẹ pfuese.”

31 Igho ighie eyi ekpodalo-ugamhi, ali esesẹ Ishi eyi iMosisi e li ri iJesu li egia, e liẹ egbe wẹ. “Ọ mie ẹgboese pfuese, ama ọa dọbẹ mie egbọli pfuese. 32 A zẹ ni ọni Ọmiepfuese ọna, ikhi oghie iZireni, ni ọ rọte ọara apfida tiemhie ni awa mẹ, ni awa mie ọli suọ.” Eni a li ta ma ọara apfida mama li, e ga li nu wẹ tsue ọli.

*Eghuli oyi iJesu*

(iMat 27.45-56; iLuk 23.44-49; iJón 19.28-30)

33 Agogo igbẹva ọguota, obili o bi oni eke a nya. Elemhi iwakati esẹ oni obili o la ogbe ramhi. 34 Agogo esẹ o ramhi, iJesu ọ tsesẹ leghe, ọ ri unu ẹoli oyewẹ liẹ, “Eloi, Eloi, Lama Sabachi tani?” Emini a ri ona ngme khi, “Ẹshinẹgba oyemhẹ, Ẹshinẹgba oyemhẹ, elọ o zẹ ni u rọ tsua mhẹ pfia.”\*

35 Abi ẹgbọ eghuo ni e migha epfẹ agho e rọ suọ khi ọ ngme na, e ke, “Ri esọ shi eke khi ọ lui Elaja.”

36 Ọmọsẹ ọghuo elemhi eni ẹgbọ ọ na ya rue isoso sọ li onyo ni okhẹ a, ọ gẹ ọli shi ukpokpo rọli kpẹ iJesu unu ọ rọ da. Ọni ọmọsẹ ọ ke. “A zẹ ọli obọ, ni awa mẹ ini Elaja ọ ya bhale ya rue ọli ukhomhi ọara apfida tiemhie.”†

37 IJesu ọ tsesẹ leghe, ọ ghua.

38 Ukpokpomhi ode ugbakpi ni a rọ pfa ode-a shi elemhi Owa Oyi Ẹshinẹgba, o rọte idane kiẹsẹ-a asha eva ya to eke.‡ 39 Abi ọkhọli-okhue ọniemhi ni ọ migha odalo oni ọara apfida ọ rọ suọ abi iJesu ọ tsesẹ leghe, ni ọ rọ mẹ abi ọ li ghua, ọ́, “Egbegbo lọ khi, Omi Ẹshinẹgba ọmọsẹ ọna ọ khi.”

40 Ikpotoso eghuo e ta pfia bino, iMeli ọnge iMagidaleni, ali iMeli inyi iJemhisi ọni ọ kpọkẹ, ni ọ gbo khi inyi iJosisi ali iSalomẹ. 41 Ikpotoso ena e mema deba iJesu ni e ri ukpẹloe khu ọli obini iGalili. Ikpotoso elese ni e deba iJesu bhale iJerusalemu e li ga migha agho.§

\* 15:21 Li zẹ iRom 16.13 † 15:24 Li zẹ Iwolo 22.18 ‡ 15:28 Li zẹ Aza 53.12 § 15:29 Li zẹ Iwolo 22.7; 109.25; iMak 14.58; iJón 2.19 \* 15:34 Li zẹ Iwolo 22.1 † 15:36 Li zẹ Iwolo 69.21 ‡ 15:38 Li zẹ Okiali 26.31-33 § 15:41 Li zẹ iLuk 8.2-3

*Iroto oyi iJesu*  
(iMat 27.57-61; iLuk 23.50-56; iJon 19.38-42)

<sup>42</sup> Ogbomhi o she mu eke elegeho ni o khi ele ni a ro mu egbe kehe ele iyemhea oyi egbo iJu. <sup>43</sup> IJosefu onge Arimatia, ni o khi oghuo eni e mhese, ni o khi ogbo ni o li mu eloe. Eri o bie kpe ri eloe shi eke kehe Eghiele oyi Eshinegba. O gbe udu le ya gueye iPaleti o rue olimhi oyi iJesu na lue ya to. <sup>44</sup> O ga sha iPaleti abo khi iJesu o she gbhe gho kehe ghua. O lui oni okholi-okhue oniemhi ogho mhila ini iJesu o she gbhe ghua. <sup>45</sup> Abi iPaleti o ro rote unu oyi oni okholi-okhue oniemhi ogho suo khi igho o khi egbegbo, o tsua olimhi oyi iJesu na iJosefu. <sup>46</sup> Igho iJosefu o de ide, o rue oni olimhi tiemhile oara, o khuli oli, o ri oli to uji ni a to shi eche. O gheghele eche oniemhi guese oni uji. <sup>47</sup> IMeli onge iMagidalen, ali iMeli inyo iJosisi e me ashini a ri oli to.

## 16

*Irote eghuli guale oyi iJesu*  
(iMat 28.1-8; iLuk 24.1-12; iJon 20.1-10)

<sup>1</sup> Abi ele iyemhea o ro dose se, iMeli onge iMagidalen, ali iSalome, ali iMeli inyi iJemhisi, e de afu ituale ni epe pfiemhue obo ni wewe e ya khakha li shi idiegbe olimhi oyi iJesu. <sup>2</sup> Ogbie-fiefie ni o khi uka, khi ovo o lese ngale, e je atalimhi ni a roli to. <sup>3</sup> Igho e mhila egbe we, "Oghuo o ya gheghele eche unu oni atalimhi-a na awa?"

<sup>4</sup> Ama abi e ke ro yase alo eke bino, e me khi a she gheghele oni eche ni o gho gbedi unu oni atalimhi-a a. <sup>5</sup> Abi e ro lo oni uji, e me ozo ni o so itsua epfopfo na dogo, khi o shito epfe obita. O sha we abo.

<sup>6</sup> Oo we, "Abo e khi sha e." "Ijesu onge iNazareti oni a ta ma oara apfida a nono? O she te eghuli guale. Oa la akana. Ghe ashini a roli to. <sup>7</sup> Ama a ke vu, a ka gueye eniye odukhokho eyoli ali iPita khi, 'O she ralo iGalili e kehe e. A ya bhale ya e oli shi agho abi o kie kpe gueye e.' "\*"

<sup>8</sup> Eni ikpotso e lasese, e na ya je apfe. Abo e sha we, ulishi oo mu we, ea nu ogbokhoghuo ngme irari khi ulishi o mu we.

[Ebe eni odode eghuo eni a rote keke oni Usomhi Onete ona, ea mholi odada 9-20 oyi ukhomhi 16 ona.]

*Ijesu o ri egboli khashe iMeli ongi iMagidalen*

(iMat 28.9-10; iJon 20.11-18)

<sup>9</sup> Abi iJesu o ro rote eghuli guale ele uka se, o ri egbe oli kpe khashe iMeli onge iMagidalen, oni iJesu o khu ayemhe ebe ishilia rote egbe ya fie. <sup>10</sup> O vu ya gueye apfe iJesu ni ee vie. <sup>11</sup> Abi e ro suo khi iJesu o she guale khi o la agbo ali khi iMeli ongi iMagidalen o me oli, ea mie shi oli o.

*Ijesu o ri egboli khashe eniye odukhokho aava*

(iLuk 24.13-35)

<sup>12</sup> Abi a ro me ona se, iJesu o rote ode ododa ri egboli khashe ewe aava abi e li lo elemhi oni eoli. <sup>13</sup> E nyene egbe jele, e gbo gueye eniye odukhokho ni e kpo, ama, ea gbo li mie shi we o.

*Ijesu o ri egboli khashe eni eniye odukhokho ogbaghuo*

(iMat 28.16-20; iLuk 24.36-49; iJon 20.19-23; Ika 1.6-8)

<sup>14</sup> Ikpukhokho, iJesu o ri egboli khashe eni eniye odukhokho ogbaghuo abi e ro le eminale. O dese we shi umha-mholi irudunga oyewe, ali umha-nono ni e mie shi emini eni e me lue e ngme abi o ro guale se.

<sup>15</sup> Oo we, "A lo elemhi eke agbo nya, a ke gue usomhi onete oyemhe ye ogbokpa.†"

<sup>16</sup> Onini o da mie e suo, ni a da batazi ne, o ya mholi imiepfuese, ama oni oa da miesuo, a she pfa ezo mu oli. <sup>17</sup> Olee ona o ya ke deba eni e miesuo, e ya ri eva oyemhe khu ayemhe ebe kua, e ya ngme emue onogbo unu. <sup>18</sup> E ya ri abo eyewe mu enye eke, ini e rie rue ikhumhi ni oo gbe ogbo da, oa ya li we abikhoghuo. E kha ri abo nga eni e ghua egbe, e ya toto."

*A rue iJesu nga obini iloghie*

(iLuk 24.50-53; Ika 1.9-11)

<sup>19</sup> Abi iJesu Onomhue o ro nu we ngme se, a rue oli nga idane iloghie. O shito ukiekie obita oyi Eshinegba.‡ <sup>20</sup> Igho eniye odukhokho eyi iJesu e li fie ya tse abo

\* 16:7 Li ze iMat 26.32; iMak 14.28 † 16:15 Li ze Ika 1.8 ‡ 16:19 Li ze Ika 1.9-11

oni usomhi onete gase asha kpa. Igho  
Onomhuẹ ọ re wẹ gbe ikanya, ọ ri ikanya  
onyaloa ni e gbe ri ungmehi oyọli tse.

## Usomhi Onete oyi iJesu iKirisiti ni iLuku O keke

### *Irokhase*

<sup>1</sup> Ebubu egbo e she roshaka keke emini e bhale ya tse nya eghẹghẹ oyi anye. <sup>2</sup> Ezeze abi egbo eni e gue ungmehi oyi Eshinegba le, ni e rote igbaekele ri eloe me we abi e li de, igho e li gue we ye anye, ni anye ro ligho keke we. <sup>3</sup> Aborokhia khi eni ingme ena, khi rote igbaekele mhi te towe okpe, loli o ro ti mhe eloe, ni mhi kuegbe-a keke abi e li de ghi e, yeye iTiofilosi ni a ri ekpe e na, <sup>4</sup> Ishegho ni u ro ya lese egbegbi ingme ni e la emini a sese e.

### *A guele shi eke khi, a ya bia iJoni*

<sup>5</sup> Okpodalo-ugamhi oyi Eshinegba oghuo ni a lu iZakaraya o ya la o eghẹghẹ oyi oghie ni a lu Erodu ni o mhuẹ eke iJudia. Oni iZakaraya o khi otuoghuo igbhogbho ekpodalo-ugamhi eyi Eshinegba ni Abija o li la. A lu ughue oli Enizabeti ni o khi omiomi Eroni.\* <sup>6</sup> Oni omose ona ali ughue oli, e khi egbo ni e pfuase shi odalo oyi Eshinegba, ni e ri ishi eyi Eshinegba a gbe akanya. <sup>7</sup> E a bia omọ itobo khi Enizabeti aga o khi. Wewe ava-ava e she womhe.

<sup>8</sup> Eleghuo, khi ugamhi o te iku egbo ekpodalo-ugamhi eyi Eshinegba ni iZakaraya o la, <sup>9</sup> obo o mu iZakaraya khi loli o ya lo Owa oyi Eshinegba ya tose ituale afu era ukhomhi atete. Igho eni igbhogbho ekpodalo-ugamhi eyi Eshinegba e kie kpe e li. <sup>10</sup> Abi eghẹghẹ ni a ro o tose eni ituale o ro ramhi, eni egbo ni e bhale shi oni ugamhi, e legba atukpapfe, e so iromhi.

<sup>11</sup> Igho agheni oyi Eshinegba o bhale ya migha ukiekie obo ita oni adido ni a la tose ituale. <sup>12</sup> Abi iZakaraya o ro me oni agheni, o yila, ulishi oo mu oli. <sup>13</sup> Ama oni agheni oo li, “Khi ze ni ulishi o muẹ, Eshinegba o she suo iromhi ni u so. Ughue Enizabeti, o ya bia omọ ne. IJoni khi eva ni u ya lu

oli. <sup>14</sup> Oni omọ, o ya ri oghẹle ali iregbemu ghi e. Ebubu egbo e ya ghele shi ubiamhi oyoli. <sup>15</sup> Irari khi o ya fu shi odalo oyi Eshinegba. O khi tigbe da onyo ni o toto ghue. Rote ele ni a te ya bia li, o te ya mhuẹ Ayemhe-no-pfuase. <sup>16</sup> Egbo iZireni ebubu o ya mu pfi bhale deba Eshinegba Onomhuẹ oyewe.† <sup>17</sup> Onomhuẹ o ya ghie oli ralo, o mhuẹ ekpabo ali ayemhe enabi eyi Elaja. O ya mu udu oyi eni e khi ita pfi ni e ke nono ingme oyi imi we. Egbo eni ea kpe e suo eso na Eshinegba, ee suo eso na Eshinegba abi egbegbi egbo ee li. O gbo mu egbo egbe shi eke khe Eshinegba.”‡

<sup>18</sup> IZakaraya o ro mhila oni agheni, “See o li ya khuese mhe khi igesikia u ngme? Irari khi mhemhe ali ughuemhe anye she womhe.”

<sup>19</sup> Oni agheni oo li, eva oyemhe khi iGebuleni. Mhemhe mhia migha odalo oyi Eshinegba. Loli o ghie mhe mhi ka nu e ngme, mhi gue oni usomhi onete ona ye. §

<sup>20</sup> Ama ungmehi u ke ya melea ramhi eghẹghẹ ni oni ungmehi ona o ro bhale ya tse, itobo khi u waa mie emini mhi gweye suo ni o bhale ya tse shi eghẹghẹ oyoli.

<sup>21</sup> Eghẹghẹ ni a ngme ena, egbo e kie migha olase khe iZakaraya. Abo e sha we, irari khi o she ke tese oni elemhi Owa oyi Eshinegba dose. <sup>22</sup> Abi o ke ro lasela o a ke ngme unu. Eni egbo e te odode lese khi imeke o me oni elemhi Owa oyi Eshinegba irari khi obo o ke ro nu we ngme.

<sup>23</sup> Abi oghẹle ni iZakaraya o ro ya ga oni ugamhi e ro gba, o je apfe. <sup>24</sup> Igho, ughuoli Enizabeti oo me. O la ufui owa iki ishe, o a ke lasela ni egbo e me. <sup>25</sup> Oni okpotso oo, “Eshinegba o she riele onana na mhe. O mhuẹ isomhelemhi na mhe, O rue mhe omama egbe le ukpeloe oyi egbo.”

### *Agheni o guele abi a lie bia iJesu*

<sup>26</sup> Uki onuzi-esesa o gba ni Enizabeti o te e me, Eshinegba o ghie agheni ni a lu iGebuleni bhale eoli iNazareti ni o la eke iGalili.

<sup>27</sup> Oni agheni o bhale deba omueshi ni o a lese omose ne ni a lu iMeli ni omose ni a lu iJosefu oo gue. Unuekpe oyi iDefidi iJosefu o khi.\*

\* 1:5 Li ze 1 Okhe 24.10 † 1:16 Li ze iNoba 6.3 ‡ 1:17 Li ze iMala 4.5 § 1:19 Li ze iDan 8.16; 9.21; iMat 18.10

\* 1:27 Li ze iMat 1.18

28 Oni aḡeni ọ bhale deba iMeli. Ọ tse ọli, ọọ li, “Moo mueshi! Eshineḡba ọ she khivose ne! Eshineḡba ọ nuẹ la!”

29 Oni otse ona o ri abo sha iMeli irari khi ọa lese emini otse onana o ngme. Egbe ẹa ke sheshe ọli. 30 Ama oni aḡeni ọọ li, “Khi ke ze ni ulishi o mue, irari khi Eshineḡba ọ she mholi isomhelemhi ne.” 31 U ya ke me, u bia omọ omose, iJesu wa lu eva oyoli.† 32 Ogbọ oniemi ọ ya khi, Omi Eshineḡba nọ Yagha ne Nya a ya ke lu ọli. Eshineḡba ọ ya rue ukpekhomhi eghiele oyi itali iDefidi na li. 33 Ọ ya mhue omhese shi omhue-apfe oyi iGiekopu agboagbo. Eghiele oyoli ọa ya mhue ukpese.‡

34 iMeli ọ mhila oni aḡeni, ọọ, “Se ingme ni u ngme ena e li bhale ya tse? Irari khi mhi aa lese omose ghue.” 35 Oni aḡeni ọọ li, “Ayemhe-nọ-pfuase ọ ya bhale debe, eghẹghẹ agho ekpabo eyi Eshineḡba nọ Yagha ne Nya e ya tsua rughue, omọ ni u ya bia, oni ọ pfuase Omi Eshineḡba a ya ke lu ọli. 36 Enizabeti inyoghuae ni a kpe ẹ lu aga, ọ she lie me umemhi, iki esesa o la memena, abi ọ tseku khia khi ọ she womhe egho, ọ ya bia omọ. 37 Irari khi aa me emini Eshineḡba ọa dobe ẹ riele.”§

38 iMeli ọọ li, “Eshineḡba ọ mhue mhe. O ka a tse na mhe abi u li ngme ọli.” Igho oni aḡeni ọ li vu.

### *iMeli ọ ya feli Enizabeti*

39 Eghẹghẹ ana iMeli ọ nyanya muno egbe, ọ je ẹoli ni e la epfepfe ute ena eke ijudia. 40 Ọ ramhi apfe oyi iZakaraya, ọ tse Enizabeti. 41 Abi Enizabeti ọ ro suo otse oyi iMeli, omọ ni ọ la li elemhi ọ mu egbe nyene. Ayemhe-nọ-pfuase o bhale deba li. 42 Enizabeti ọ khueghie unu a leghe, ọọ li, “Oni a khivose na u khi elemhi ikpotso. Oni a khivose na omọ ni u ya bia ọ khi. 43 Oghuo mhi khi, ni inyo Onomhue oyemhe ọ ko ya feli? 44 Abi mhi ro lese suo otse oye, omọ ni ọ la mhe elemhi ọ ri oghẹle mu egbe nyene. 45 Ikhivose o khi na ogbọ ni ọ mie ungemhi ni Eshineḡba ọ ngme khi ọ ya roli tse.”

### *Uwolo ikuẹghie ni iMeli ọ to*

46 iMeli ọọ, “Mhi ri ayemhe oyemhe kuẹghie Eshineḡba.

47 Mhi rote elemhi ayemhe oyemhe kuẹghie Eshineḡba Omiepfuese oyemhe.

48 Irari khi ọ yele mhe ni mhia mu ẹloe le. Rote ana vu, ẹgbọ kpa, e ya ke e lu mhe, Oni a khi vose na.\*

49 Ipfuase o khi eva oyi Eshineḡba nọ fune, Irari khi ọ riele eminiemi na mhe.

50 Ọ mhue isomhelemhi na ẹgbọ nya ni ẹ na ulishi oyoli rote agbhotu ya je agbhotu.

51 Ọ ri abo eyoli gbe ikanya onyaloa, ọ vese ẹgbọ ni e mhue itiegbenga elemhi isamhi udu eyewe kua.

52 Ọ ti ighie tiemhile eke,† ama ọ yase ẹgbọ ni e ti egbewe tiemhie nga idane.

53 Ọ ri eminete na ẹgbọ ni okiamhi ọọ gbe le.

Ama eni e pfue, ọ ku we epfue abo-a.

54 Ọ she ri ishiobọ ni ọ shi na itawa tse.

Ọ bhale ya kpaghie ẹgbọ iZireni eni ẹ ga li obọ.

55 Abi ọ li shi ishobo na agboagbo na Aburaamu ali imimi ọli,‡ ni ọ gbo li nu

ititawa ngme ọli agboagbo.”§

56 iMeli ọ nu Enizabeti la iki ese neni ọ je apfe.

### *Abi a li bia iJoni Oni ọọ batazi ẹgbọ*

57 Eghẹghẹ o ramhi ni Enizabeti ọ ro ya bia, ọ ya bia omọ omose. 58 Idogbapfe ali ẹgbọ eyoli e suo abi Eshineḡba ọọ somhi elemhi ọli. E nu ọli ghele. 59 Ogbẹle-elele o ramhi ni a ro ya shẹle oni omọ a, ee nono ni e lu ọli iZakaraya ni o khi eva oyi ita li.\*

60 Inyoli ọọ we, “Iiye! Eva oyoli khi iJoni.”

† 1:31 Li ze iMat 1.21 ‡ 1:33 Li ze 2 iSam 7.12,13,16; Aza 9.7 § 1:37 Li ze Igbae 18.14 \* 1:48 Li ze 1 iSam 1.11

† 1:52 Li ze iJobu 5.11; 12.19 ‡ 1:55 Li ze Igbae 17.7 § 1:55 Li ze 1 iSam 2.1-10 \* 1:59 Li ze iLev 12.3

61 Eni ẹgbọ ẹ ọli, “Ogbokhoghuo ọa la unuekpẹ oye ni ọ kpẹ le eva onana ghue.”

62 Igho e ri abo nu ita oni omọ ngme ro mhila li abi a ya ke lu oni omọ. 63 Oo we, e rue emini a keke emhi ẹ shi ali ugba na lue. O keke khi, “Eva oyoli khi iJoni.” O ri abo sha we nya. 64 Utoghuokpe, unu oyoli o khueghie-a, oo ngme, oo kueghie Eshinegba. 65 Ulishi oo mu idogbapfe egho nya. Oni ungmehi ẹgbọ nya e ke ngme asha kpa eke iJudia. 66 O ri abo sha ogbokpa ni ọ suọ oni ungmehi. Ee mhila, “Omọ nabi se ọna ọ ya khi?” Irari khi obo oyi Eshinegba o nu ọli la.

### *Uwolo ikueghie ni iZakaraya o to*

67 Ayemhe-no-pfuase ọ tiemhile shi iZakaraya ita oni omọ ọ. Oo ngme ungmehi aguele, oo lie,

68 “Ikuẹghie o khi na Eshinegba Onomhue oyi iZireni, itobo khi ọ she bhale ya pfa ẹgbọ iZireni eyoli shi eke.

69 O rote unuekpẹ oyi iDefidi, omọ oyoli, mu adenomọ Omiepfuese vule na anye.

70 Abi ọ li rote unu emekeguele ni e pfuase eyoli ena elele shobo,

71 khi lolu ya tsumhi awa obo oyi ebe awa ali eni ẹ biselemhi awa.

72 Ali khi lolu ya somhelemhi itita awa, ni sato ishobo oyoli ni ọ shi na we,

73 ikhi isheli ni ọ romhi shi emini ọ gueye ita awa Aburaamu,

74 khi lolu ya rue awa obo oyi ebe awa le,

ini awa khi ri ulishi ga lue

75 elemhi ipfuase ali ingeli enete, agboagbo kpa.

76 Yeye omimhe,

a ya lue omekeguele oyi Eshinegba no Yagha ne Nya;†

irari khi u ya ralo ya be ode-a khe Onomhue.

77 Ni u ro gueye ẹgbọ eyoli khi rote igbe-olamhe-kua na we, e te ya mholi imiepfuese.

78 Irari khi Eshinegba oyawa oo mholi ilelemhi,

o ya ze ni ovo imiepfuese oyoli

o te idane ngale shi awa ọ.

79 Ali ni o rote idane ge nga eni e la alo ebili egbe

ali eni e la okhena eghuli.‡

Ni ọ ri awa te ode opfomeh.”

80 Igho oni omọ ọ lii fu, ọ lese ingme. O la ifui odagbe ifufu ramhi eghẹghẹ ni ọ ro lasele tse abo ungmehi oyi Eshinegba ye ẹgbọ iZireni.

## 2

### *Ubiamhi oyi iJesu (iMat 1.18-25)*

1 Eghẹghẹ agho, Oghie Ogositosi iSiza ọ shi ushi a ka leli ẹgbọ ni e la ishishi ni igometi iRomu e mheshe shi nya. 2 Ona o ya khi ileli ẹgbọ oni odode ni a kpẹ me eghẹghẹ ni iKuirinusi ọ ro khi igovunọ shi eke iSiria.

3 Ogbogbo ọ je apfe oyoli ya keke eva shi eke.

4 IJosefu ọ te ẹoli iNazareti ona eke iGalili li je iBetilemu ona eke iJudia apfe oyi itali ni a bia oghie ni a lu iDefidi shi, oni iJosefu ọ khi unuekpẹ oyi iDefidi. 5 O rue iMeli ni oo gue ughue mhue obo je oobo li ya keke eva shi eke. Oni iMeli ọ she me. 6 Abi e ro la oobo, oku oo to iMeli. 7 O bia omọ omose ni ọ khi omodioli. O ri ide genọ li yeshi ukpeko ni a ri eminale ẹ shi na elamhako le. Ogba ni a so elamhako shi ọ bia li shi, itobo khi ea me asha kushi ashini ẹgbọ e ku a shi.

### *Igeni e gueye erisumha-kia khi a bia iJesu*

8 Eni e ri elamhako ẹ kia eghuo, e la oni ukiekie oni ẹoli ri ẹloe e khu elamhako eyewe eliyose. 9 Igho agheni oyi Eshinegba ọ bhale deba we agho, ufumhi oyi Eshinegba o ge nyanyanya gashe we, ulishi o mu we egbegbo. 10 Oni agheni oo we, “A khi ze ni ulishi o mu ẹ, irari khi usomhi onete ni o ri oghelẹ oniemi ya ghi ogbokpa mhi ro bhale ghi ẹ. 11 Irari khi ogbe ni amo ena, a she bia omiepfuese shi ẹoli oyi iDefidi na ẹ. IKirisiti Onomhue lo. 12 Emini o ya

† 1:76 Li ze iMala 3.1 ‡ 1:79 Li ze Aza 9.2



rokhase ẹ khi, a ya me khi a ri ide gẹno omofẹ shi ukpeko ni a ri eminale ẹ shi na elamhako le.”<sup>13</sup> Udemhija, igeni ebubu e lasese, e bhale ya ku ma oni ageni, ee to uwolo kuẹghie Ẹshinegba. E lie,<sup>14</sup> “Ufumhi o khi oyi Ẹshinegba ni o la obini o yagha ne. Opfomhe o la eke agbo na ni o mhue isomhelemhi na.”<sup>15</sup> Abi eni igeni e ro pfi eni e ri isumha ẹ kia shi agho nga idane se, e gueye egbewe, “Awa je eke iBetilemu ya ri eloe me onana ni Ẹshinegba o bhale ya gueye awa.”

<sup>16</sup> Igho e nyanya rote agho vu ya je oobo. E bhale ya ẹ iJosefu ali iMeli ali oni omọ khi a roli yeshi ukpeko ni a ri eminale ẹ shi na elamhako le. <sup>17</sup> Abi eni e ri elamhako ẹ kia e ro me oli se, ee gueye egbo kpa emini oni ageni o gueye we idiegbe oyi oni omọ. <sup>18</sup> Egbo nya ni e suo emini eni e ri elamhako ẹ kia egho e ngme, o ri abo sha we. <sup>19</sup> Ama iMeli o ri ingme enana nya shi udu, o sa o, o to eloe eke. <sup>20</sup> Eni e ri elamhako ẹ kia ee je apfe, e to uwolo kuẹghie Ẹshinegba irari ungmehi ni e suo ni e gbo ri eloe me, abi a li gue oli yewe te, igho e li ri eloe me oli.

### *A lu Ijesu eva*

<sup>21</sup> Ele eleli o ramhi ni a ro ya shele oli a, a lu oli eva ijesu, ni o khi eva ni ageni oyi Ẹshinegba o lu oli neni a me umemhi oyoli.\*

### *A ri Ijesu lo Owa ugamhi*

<sup>22</sup> Abi eghẹghe ipofuase oyi iJosefu ali iMeli o ro ramhi abi Ushi oyi iMosisi o ngme, iJosefu ali iMeli e rue oni omọ bhale iJerusalemu deba Ẹshinegba. <sup>23</sup> Abi o li la ushi oyi Ẹshinegba khi, “Omọ odode ni o khueghie okpotso elemhi a, o khada khi omose ne, a ri oni omọ ke nga Ẹshinegba obo.† <sup>24</sup> A rue ipfeli inekhukhu aava ro rieḷe iluasobo na li abi Ishi eyi iMosisi o ngme.‡ <sup>25</sup> Omose oghuo o la o ni a lu iSamọ ni o la eke iJerusalemu, Ayemhe-no-pfuase o la li egbe. O khi ogbo ni o gue ngeli ni o migha khe Omiepfuese ni o ya mie egbo iZireni pfuese. <sup>26</sup> Ayemhe-no-pfuase o she kpe gueye oli khi o ya ghu-a neni o ro ya me iKirisiti ni Ẹshinegba o shobo khi lolu ya ro bhale. <sup>27</sup> Ayemhe-no-pfuase o kpha li so, o

rue oli lo elemhi apfe na owa oyi Ẹshinegba abi ita ijesu ali inyoli e ro rue ijesu bhale ni a ro rieḷe na li abi Ishi eyi iMosisi o ngme.

<sup>28</sup> ISamọ o mu oni omọ shi abo, o kuẹghie Ẹshinegba, oo,

<sup>29</sup> “Ita ni o fune,

abi u li shobo na mhe,  
ze ni u roli tse na mhe  
ni mhi ghu shi opfomhe.

<sup>30</sup> Irari khi alo eyemhe,  
e she me Omiepfuese  
ni u ghie bhale.

<sup>31</sup> Ni u she ro ghi agbo nya.

<sup>32</sup> Akpa ni o ri

oghuemhe oyi Ẹshinegba  
a khase egbo iJeta na alo ebili,§  
ni o ri ufumhi ẹ na  
iZireni egbo eye.”

<sup>33</sup> Abo e sha ita ali inyọ oni omọ abi e ro suo khi a ngme eni ingmemhi ena shi oni omọ egbe. <sup>34</sup> ISamọ o so iromhi na we, oo iMeli, “Eri ibhale oyi omọ onana o ya ri ebubu egbo de, o ri ebubu vule eke iZireni, o gbo khi irokhase ni egbo e ya ke ngme emini ẹa ti shi egbe. <sup>35</sup> Ni a ro bhale ya ẹ khi osheli oyi isamhi eyi ebubu egbo e khueghie-a, yeye oye u ya me oya abi oni a so ogbhoru udu.”

<sup>36</sup> Okpotso oghuo ni o khi omekeguele ni a lu Ana, omi iFanueli na unuekpe oyi Asha, o li la akaghọ. Ikpe ishilua o nu odoli la ughue ni oni odoli o ro ghua. <sup>37</sup> Oni okpotso ona o gbo ye ughue ramhi ni o ro gbe ikpe egbhue ali ene. Oa gbo tigbe rote Owa oyi Ẹshinegba vu. Oo pfi azumhi ele oguota ali ele iyose. <sup>38</sup> Abi o ro lole deba iJosefu ali iMeli oni eghẹghe, o kuẹghie Ẹshinegba, O gue ingme oyi oni omọ ye egbo kpa ni e la agho ni e migha khe ipfasheke oyi iJerusalemu.

<sup>39</sup> Abi iJosefu ali iMeli e ro rieḷe abi Ishi eyi iMosisi o ngme se, ee je apfe oyewe obini iNazareti na eke iGalili.\* <sup>40</sup> Oni omọ oo fu, o mhue ekpabo, o mholi ileasingme khi ileasingme, ekpabo oyi Ẹshinegba o la li egbe.

### *Ijesu o bhale Owa ugamhi abi ozele*

\* **2:21** Li ze iLev 12.3; iLuk 1.31 † **2:23** Li ze Okiali 13.2,12 ‡ **2:24** Li ze iLev 12.6-8 § **2:32** Li ze Aza 42.6; 49.6; 52.10 \* **2:39** Li ze iMat 2.23 † **2:41** Li ze Okiali 12.1-27; iDeut 16.1-8

41 Ukpe kpa ita iJesu ali inyoli e ro je iJerusalemu ya li ukpe iPasova.† 42 Abi iJesu o ke ro gbe ikpe igbeva, e ye shi ukpe iPasova oyewe abi e kie kpe e li. 43 Oni ukpe o pfo li se, itali ali inyoli ee je apfe, ama iJesu o kie la iJerusalemu, itali ali inyoli ea lese khi o kie la ukhokho. 44 E dabi khi o nu wewe kia. E she kia eghuo gbada ea me o li, e nono o li ifuabo apfewe ali emole we ni e ga kia. 45 Abi e ro me khi wewe ea me o li, e nyene egbe ukhokho je iJerusalemu ya nono o li. 46 Ele nuzi-ese, e tigbe me o li khi o la owa ugamhi nu esese Ishi eyi iMosisi shito, o ku eso-a a shi emini e sese, o mhila we omhila. 47 Ilesingme oyoli ali abi o li i gbaghie ogbo-a, o ri abo sha ogbokpa ni o suo li. 48 Abi itali ali inyoli e ro me o li, abo e sha we. Inyoli oo li, "Omoo elo o ze ni u ro li anye na? Ode o she nu ni anye te e nono e."

49 IJesu o mhila li, "Elo o ze ni a ro nono mhe? Aa lese khi mhi mema ya la owa oyi itamhe?" 50 Ama oa ye we abi o li so we o. 51 Igho o li deba we je iNazareti, o ri ungmehi oyi itali ali inyoli gbe akanya. Ama inyoli o genogme ena nya shi udu. 52 Igho iJesu oo womhelo elemhi eghali ali idiegbe, egbo ali Eshinegba e nono ingme oyoli.‡

### 3

*Itsabo oyi iJoni Oni oo batazi egbo  
(iMat 3.1-12; iMak 1.1-8; iJon 1.19-28)*

1 Abi o ro gbe ikpe igbeshe ni oghie iSiza ni a lu iTiberusi o ro khi oghie, oni eghenge iPotiusi iPaleti o ro li khi igovuno shi eke iGalili ali eke iJudia. Eghenge agho Erodu o ro o mheshe shi eke iGalili. Inyoghuo o li, ikhi iFilipu o mheshe e shi eke Iturea ali eke iTirakonitisi. Oghie iLisiansi, o mheshe shi eke Abilini. 2 Eghenge ni Anasi ali iKefasi e ro khi eni e kpeda nya na ekpodalo-ugamhi eyi Eshinegba, Oni eghenge ungmehi oyi Eshinegba o ro bhale deba iJoni omi iZakaraya, elemhi ifu odagbe ifufu. 3 O ro tse abo eke iJodani nya kiakia. O lie, "A mu nyene rote olamhe eye lasele ni a batazi

ni a ro gbe olamhe eye e kua na e. 4 Abi a li keke o li shi ebe Azaya omekeguele, ni o re, "A ya suo khi ogbo o la ifu odagbe ifufu e tse."

Oo lie,  
riele ode shi eke  
khe Onomhue,  
'Be ode ni o sheshe  
na Onomhue'  
5 A ka tsua eke suli  
igbilimhi eke nya,  
a gbomoo ute ogbogbo tiemhie eke,  
e mele ugbereke-a.  
A ka ri ode na genegene  
mele eni sheshe-a,  
ena fuonyo-fuonyo,  
a ku we gbe leghe.

6 Ogbokpa o ya me  
Imiepfuese oyi Eshinegba.\*

7 Ebubu egbo e fie bhale deba iJoni ni o batazi we, iJoni o re we, "Ee enye ifue, oguo o tse agua ye e a na, khi eghenge ofu oyi Eshinegba oo bhale?† 8 A ke ngeli angeli imu-nyene, a khi ke lie, 'Aburaamu o khi ita anye.' Irari khi abi o li mhi li gue o li e ye e khi, Eshinegba o dobe ya rote eche ena wolo eniye lasele na Aburaamu.‡ 9 A she rue uze shi eke ni a ro ya rote imhili eera te eni eera gbe, oora kpa ni oa da mo udumhi onete ne, eri a ya toli gbe, a tose o lia."§ 10 Eni egbo e mhila iJoni, "Se anye ke li ya kia mena?" 11 IJoni oo we, "Oni o mhue iwulu eva o ka rue oguo o na ogbo ni oa mhue. Oni o mhue eminale o ka kemhi na oni oa mhue." 12 Emionoga eghuo e li bhale deba li ni a batazi we. Ee o li, "Oseshe, se anye li ya kia?"\* 13 Oo we, "A khi ke miono oga dose ingme ni ee a ke miono." 14 Ekholi-okhue eghuo e mhila li, "Se anye li ya kia?" Oo we, "A khi ri itoto rue ikpagho ni ea khi e ye e, a khi ke gbo gue ingme ni ea la ogbo egbe shi o li egbe. A ze ni ifata eye e e bu e."

15 Egbe e mu eni egbo, e ri udu oyewe khokho ini iJoni o khi oni Omiepfuese ni aa ngme. 16 Ama iJoni oo we, "Ame mhi ro batazi e, ama ogbo oo bhale ni o toto dose mhe, eku ni o so shi owe, mhi aa fu te ni

‡ 2:52 Li ze 1 iSam 2.26; Ekpi 3.4 \* 3:6 Li ze Aza 40.3-5 † 3:7 Li ze iMat 12.34; 23.33 ‡ 3:8 Li ze iJon 8.33  
§ 3:9 Li ze iMat 7.19 \* 3:12 Li ze iLuk 7.29

mhia taghię ọli-a. O ya ri Ayemhę-nọ-pfuasę ali erali batazi ę. <sup>17</sup> O mu ukpokpo ni a tọ akhuli ni o zę ephia sọ oyọli mhue obo. Lọli ọ rọ la ashini a la kpishi ado a ke pfię ado-a. Oọ ti egbegbi ado ni e la ọ ọ gbili, ọ sọ wẹ ę shi ikpulu tsua ya shi owa eminale. Ama ọ ya ri erali ni ęa ya a pfu ghue tose efuęwẹ-a.” <sup>18</sup> Ode ebubu iJoni ọ te tse abọ ungmehi oyi Eshinęba yę wẹ, ọọ lię wẹ e mu ingeli eyewẹ pfi.

<sup>19</sup> IJoni ọ gue emhi ebubu yę oghie Erọdu ni ọọ rięlę ni ęa ti, ali ọ gbo gueyę ọli khi ọa gue kia ni ọ rue Erodiasi ni ọ khi ughue iFilipu inyoghwo ọli shi. <sup>20</sup> Itobọ ona, Erọdu ọ rięlę ingmobe ni o rue nga ọ, ọ ya mu iJoni shi owa ighumha.†

### *Ibatizi oyi iJesu*

*(iMat 3.13-17; iMak 1.9-11)*

<sup>21</sup> Abi iJoni ọ rọ batazi eni ęgbọ ọ se, ọ li batazi iJesu. Abi iJesu ọ li sọ iromhi, idane o khueghie-a. <sup>22</sup> Ayemhę-nọ-pfuasę ọ li abi anekhukhu rọte idane tiemhile shi ọli egbe. Uruli o rọte idane ngme, ọọ, “Omimhę u khi. Mhi i nono ingme oyę gba, irari khi u ma ri egbe ę mu mhę.”‡

### *Unuekpę oyi iJesu*

*(iMat 1.1-17)*

<sup>23</sup> Ikpe uye ali igbe iJesu ọ gbe ni ọ rọ gbe ikanya eyọli eke le. O khi omi omose ni a lu iJosefu abi ęgbọ e kie li khokhọ li shi, iJosefu ni ọ khi omi Eli.

<sup>24</sup> Omi iMatati ni ọ khi omi iLevi, ni ọ khi omi iMelki, ni ọ khi omi iJana, omi iJosefu.

<sup>25</sup> Ni ọ khi Omi iMatatiasi, omi Emosi, omi iNaumu, omi Esili, omi iNagai,

<sup>26</sup> Omi iMaati omi iMatatiasi, omi iSemeini, omi iJosechi, omi iJoda,

<sup>27</sup> Omi iJoana, omi iResa, omi iZerubabeli, omi iShaliteli, omi iNeri.

<sup>28</sup> Omi iMelki, omi Adi, omi iKosamu, omi Emadamu, omi Eri,

<sup>29</sup> omi iJoshua, omi Eliaza,

omi iJorimu, omi iMatati, omi iLevi, <sup>30</sup> omi iSamọ, omi iJuda, omi iJosefu, omi iJonamu, omi Eliakimu.

<sup>31</sup> Omi iMelea, omi iMena omi iMatata, omi iNatani, omi iDefidi,

<sup>32</sup> omi iJese, omi Obedi, omi iBoazi, omi iSamọ, omi iNashoni,

<sup>33</sup> omi Aminadabu, omi Adimi, omi Ani, omi Ezironi, omi iPeręzi, omi iJuda,

<sup>34</sup> Omi iGiekọpu, omi Aziki, omi Aburaamu, omi iTera, omi iNaọ.

<sup>35</sup> Omi iSerugu, omi iReu, omi iPęlegi, omi Eba, omi iShęla,

<sup>36</sup> omi iKenani, omi Afazadi, omi iShęmu, omi iNoa, omi iLameki,

<sup>37</sup> Omi iMetusęla, omi Enoki, omi iJaređi, omi iMaalaleli, omi iKena,

<sup>38</sup> omi Enoshi, omi iSeti, omi Adamu, Omi Eshinęba.

## 4

### *Imufe oyi iJesu*

*(iMat 4.1-11; iMak 1.12-13)*

<sup>1</sup> IJesu ọ rọte okę iJodani jele, Ayemhę-nọ-pfuasę ọ voli egbe. Oni Ayemhę ọ rue ọli je odagbe ifufu, <sup>2</sup> Okphaghie ọ la oobo mu ọli fe elemhi ogbele egbhueva. Oa le emhikhoghwo ogbele ingme ni a ngme ena. Ikpukhokho ọ okiamhi oo gbe ọli.

<sup>3</sup> Okphaghie ọọ li, “Ini u lese khi Omi Eshinęba u khi, wẹ oni ęchę ona o mele ibuleđi-a.”

<sup>4</sup> Ama iJesu ọọ li, “A she keke ọli shi Ebe-no-pfuasę khi ọa khi eminale tse o ri agbo a na ogbo.”\*

<sup>5</sup> Igho okphaghie ọ rue ọli nga ashini o yagha egbegbo, ọ ri eghiele na agbo nya khase ọli. <sup>6</sup> Oọ li, “Mhi ya ri itoto ali ępfue

† 3:20 Li zę iMat 14.3-4; iMak 6.17-18 ‡ 3:22 Li zę Igbae 22.2; Iwolo 2.7; Aza 42.1; iMat 3.17; iMak 1.11; iLuk 9.35

\* 4:4 Li zę iDeut 8.3

ni e la agbọ nya nẹ, irari khi a she rẹwẹ na mhe, ọni ọ ghọle mhe mhi ya rue wẹ na. 7 Irarigho, lẹsẹ nyẹsẹ ukhomhi na mhe tse, eyẹ ena nya e ke ya khi.”

8 Ijesu ọ rọ oli, “A she keke ọli shi ebe no pfuese. Ke ga Ọnọmhuẹ Ẹshinẹgba oye, lọlighuo kpe u ya ke ga.”†

9 Ọni ọkphaghie ọ ke rue ọli bhale iJerusalemu, ọ rọli migha ashini o yagha nẹ ukhomhi owa ugamhi oyi Ẹshinẹgba, ọọ li, “Ini Omi Ẹshinẹgba u khi, te akana ji tiemhi.” 10 Irari khi a she keke ọli shi Ebe-no-pfuase khi,

“Ẹshinẹgba ọ ya ghie igeni eyoli,  
e ka kpe abọ rue.”‡

11 E ya ri abọ tsua ẹ idane,

ini u khi khi owe shi eche.”§

12 Ijesu ọ oli, “A she keke ọli shi Ebe-no-pfuase, ‘Khi mu Ọnọmhuẹ Ẹshinẹgba oye fe bino.’” \* 13 Ọni ọkphaghie ọ mu iJesu fe se, o ze ọli obọ ne, ọ ke migha khe eghẹghẹ olese.

*Ijesu ọ rote iGalili gba akanya oyoli eke le (iMat 4.12-17; iMak 1.14-15)*

14 Ijesu ọ nyene egbe bhale iGalili, ekpabọ eyi Ayemhe-no-pfuase e rọli gbe ikanya. A suọ eko ingme oyoli asha khi asha. 15 Ọ la owa ugamhi oyewe sese. Wewe nya e kuẹghie oli.

*Egbo iNazareti e kie iJesu (iMat 13.53-58; iMak 6.1-6)*

16 Ọ je eke iNazareti obini ọ la fu vule, igho ogbele iyemhea, ọ lo owa ugamhi abi ọ kie kpe ẹ li. Igho ọ vule migha a ze ebe.

17 A rue ebe oyi Omekeguele Azaya mholi ọli obọ. Ọ naghie ọli-a, Ọ me ashini a keke ọli shi khi.

18 “Ayemhe oyi Ẹshinẹgba  
ọ la mhe ọ,

irari khi ọ she ze mhe  
ni mhi ke gue usomhi onete  
oyi Ẹshinẹgba ye  
eni ẹa mhue.

Ọ ghie mhe mhi  
guele khi mhi  
ya rue eni a mu  
shi owa ighumha lasele,  
ni mhi khueghie ezalo alo-a,

mhi pfuese eni a na osoli.

19 Ni mhi rọ gue le khi  
isomhelemhi oyi Ẹshinẹgba  
o she ramhi.”†

20 Ọ ze se, o khili oni ebe, ọ rue ọli na ọni ọ ri ẹloe a khu oni ugamhi, Ọ shito, igho ogbokpa ni ọ la oni owa ugamhi ọ wolo alo shi ọli egbe. 21 Igho ọli gueye we, “Amo, emini mhi ze lena o bhale ya tse shi ẹ esọ.” 22 Ogbokpa ọ ngme onete oyoli. Abi e rọ bhale ya ẹ ingmemhi onyaloa ni e rote ọli unu u lasele, e mhila, “Ọna ọa she khi omi iJosefu?” 23 Ijesu ọọ we mhi lẹsẹ khi a ya ri ekpita lie mhe, “Obo, ri egbe ẹ ze. ‘A ya gbo lie mhe la akana gbe ikanya onyaloa ni u gbe obini iKapanomu.’” 24 “Abi o li mhi li gue ọli ẹ ye ẹ khi, aa mu ekpe ẹ na omekeguele ẹoli oyoli.‡

25 Mhi gueye ẹ khi esamhi-olimhi ebubu e la eke iZireni eghẹghẹ oyi Elaja, ni amẹ o rọ mu ikpe ese ali ukhukhui ni ukpokpomhi okiamhi o rọ pfi oni eke nya. § 26 Abi o tseku khi igho, aa ghie Elaja ghi ongewe ọkhoghuo, se ni ọsamhi-olimhi na iZarifati ni ọ la eke iSidoni.\* 27 Ebubu egbo ni efafe e mu e gbo la eke iZireni eghẹghẹ oyi Elasha Omekeguele, ni o rọ khia khi aa me ongewe ọkhoghuo ni a rọ ze, se ni iNamani ongi iSiria.”† 28 Igho elemhi e li bi eni e la elemhi oni owa ugamhi nya abi e rọ suọ ungmehi ona. 29 Igho e vule khu ọli oni ẹoli ya fie. E rue ọli bhale esesọ ute oyi oni ẹoli, ni wewe e ba pfi ọli ya tiemhi. 30 Ama ọ rote we ifuabọ ya lase, ọ vu.

*Ijesu ọ khu omose oghuo ayemhe okphaghie egbe-a (iMak 1.21-28)*

31 Igho iJesu ọ tiemhi ẹoli iKapanomu ni o la iGalili ẹle iyemhea, ọ sese eni egbo. 32 Emini ọ sese we e ri abọ sha we, irari khi ekpabọ e la ungmehi oyoli.‡ 33 Omose oghuo ọ la oni elemhi owa ugamhi ni ọ mhue ayemhe okphaghie. Ọ tsesẹ leghe. 34 “Ghi ẹ! Elo wa nono anye egbe, iJesu na iNazareti? Eri u bhale ya pfuse anye-a? Mhi lẹsẹ ọni u khi, yeye u khi ọni ọ pfuase oyi Ẹshinẹgba.”

† 4:8 Li ze iDeut 6.13 ‡ 4:10 Li ze Iwolo 91.11 § 4:11 Li ze Iwolo 91.12 \* 4:12 Li ze iDeut 6.16 † 4:19 Li ze Aza 61.1-2 ‡ 4:24 Li ze iJon 4.44 § 4:25 Li ze 1 Ighie 17.1 \* 4:26 Li ze 1 Ighie 17.8-16 † 4:27 Li ze 2 Ighie 5.1-14 ‡ 4:32 Li ze iMat 7.28-29

<sup>35</sup> Igho iJesu o tseṣe ku oḷi, “Khukhu unu, roṭe oḷi egbe lasele.” Igho oni ayemhe okphaghie o mu oni omose pfi eke kpọ ukpelo e oyi eni egbo nya, o lase oḷi egbe le, ama oḷa kuale oḷi utse.

<sup>36</sup> Oni ingme o ri abo sha eni egbo, e mhila egbe, “Obo áá me osese onana? Itobo khi afu ali ekpabo o roṭo mhesa na iyemhe okphaghie, eni iyemhe e suo eso na li, e na ya lase!” <sup>37</sup> Igho eva oyoli o gbhiaku ashakpa.

*Ijesu o ri ebubu egbo ze*  
(iMat 8.14-17; iMak 1.29-34)

<sup>38</sup> Ijesu o te oni owa ugamhi fie, o je owa oyi iSamọ, o bhale ya e khi iba ne fune ee to ogo iSamọ oni okpotso. E gueye ijesu o kpaghie oni okpotso obo. <sup>39</sup> Igho ijesu o nyese egbe ti mama li, o khu eni iba, igho eni iba e lase oḷi egbe le. Aghoaghọ oni okpotso o vule, oo feli we epfese. <sup>40</sup> Abi ogbomhi o ke ro mu eke, a tsua ebubu egbo ni e mholi ighuamhi ododa bhale ghi ijesu, o ri obo nga we ukhomhi, o rewe ze nya. <sup>41</sup> Iyemhe ebe e gbo li roṭe ebubu egbo egbe ya lase, eni iyemhe e tseṣe, e lie, “Omi Eshinegba u khi oo!” Ama ijesu o dese we, oḷa ze ni e ngme, irari khi e lese oḷi khi Omiepfuese o khi.

*Ijesu o tse abo elemhi owa ugamhi*  
(iMak 1.35-39)

<sup>42</sup> Ogbe o gbe-a, ijesu o te oni eoli je ashini o da-ya, eni egbo ee nono oḷi. Abi e ro me oḷi, eḷa ke ze oḷi vu. <sup>43</sup> Ama o gueye we, “Mhi mema ya gue ungmehi onete oyi Eghiele oyi Eshinegba ye eoli eni e kpole, itobo khi emini o ze ni Eshinegba o ro ghie mhe bhale na.” <sup>44</sup> Igho o kiele tse abo kia eni owa ugamhi ni e la eke iJudia gase.

## 5

*Ijesu o lu eniye odukhokho eni odode*  
(iMat 4.18-22; iMak 1.16-20)

<sup>1</sup> Ogbeleghuo khi ijesu o nu egbo migha ukiokie oko ni o khishi na iGenesareti, eni egbo e le gase oḷi ri eso o shi ungmehi oyi Eshinegba\* <sup>2</sup> O me oko-okoko eva epepepe oni oko, ni egbo eni e gbe ifele e ze obo shi agho. Eni egbo ee yeghe iga ni e roṭo gbe ifele-a. <sup>3</sup> Ijesu o lo elemhi oghuo ni o khi oyi iSamọ,

oo iSamọ o gua li ti lase oni egele oni oko dene. Igho o shito oni oko-okoko oniemhi, oo sese we. <sup>4</sup> Abi o ro sese we se, oo iSamọ, “Pfi aga lo ashini o limhi ni o mu ifele.” <sup>5</sup> ISamọ oo li, “Oga, a-ooyose anye te e roshaka ini anye mu ifele, anye a mu emhikhoghuo. Ama itobo khi u ngme gho, mhi ya pfi aga lo.”† <sup>6</sup> Abi e ro pfi aga lo oni oko, e mu ifele ni e bububu, ni o ri aga eyewe kphuru-a.‡ <sup>7</sup> Igho e ri obo lu apfewe ni e ga ro gbe ifele, ee e bhale ya kpaghie wewe obo. E muno eni ifele kulo oko-okoko eni e kpole. Eni oko-okoko e vo ifele ya ramhi unu, ni eni ifele e ro khose eni oko-okoko ramhi ni e ro tiemhi udi oko. <sup>8</sup> Abi iSamọ iPita o ro me ona, o de ya yeshi awe eyi ijesu, oo li, “Kpekepe ke vu ni u ze mhe obo, irari khi ona olamhe mhi khi.” <sup>9</sup> Abo e sha li ali egbo ni e nu oḷi la agho, itobo ifele ebubu ni e mu. <sup>10</sup> Igho abo e li sha iJemhisi ali iJonni imi iZebedi, ni e khi enuzava eyi iPita. Igho ijesu oo iSamọ, “Khi ke na ulishi. Roṭe amo vu, egbo u ke e ke muno.” <sup>11</sup> Igho e tialo oko-okoko oniemhi eyewe ngale egele.

*Ijesu o ri omose ni efafe e mu toto*  
(iMat 8.1-4; iMak 1.40-45)

<sup>12</sup> Abi ijesu o ro la eoli oghuo, omose oghuo ni efafe e mu o bhale deba li. Abi oni omose o ro me ijesu, o de ya yeshi oḷi odalo, o lema li, oo li, “Onomhue, ini o ghole e, u dobe ya remhe ze.” <sup>13</sup> Ijesu o nise obo-a ro ti oni omose, oo li, “O ghole mhe, khi oni o ze.” Aghoaghọ eni efafe e lase oḷi egbe le. <sup>14</sup> Igho ijesu o tse agua ye oḷi, oo li, “Khi gueye ogbokhoghuo, eri-tse ka ri egbe e khase okpodalo-ugamhi ni u ri ele iluasobo ikhue-pfuase ni iMosisi o mhesa na e, eghenge agho ni o khi otsele na we.”§ <sup>15</sup> Igho ingme oyoli oo gbhiaku shi o. Ebubu egbo e bhale deba li ni e ro me asha suo ungmehi oyoli ali ni o gbo rewe ze elemhi iwali ighuamhi ododa. <sup>16</sup> Ama eri ijesu oo bi egbe-a je ashini o da-ya, o ya so iromhi.

*Ijesu o ro omose ni o ghu abo ali awe-a toto*  
(iMat 9.1-8; iMak 2.1-12)

<sup>17</sup> Eleghuo abi ijesu o li sese, egbo iFarisi ali eni ee sese Ishi eyi iMosisi ni e te eoli

\* 5:1 Li ze iMat 13.1-2; iMak 3.9-10; 4.1 † 5:5 Li ze iJon 21.3 ‡ 5:6 Li ze iJon 21.6 § 5:14 Li ze iLev 14.1-32

iGalili ali eke iJudia ali iJerusalemu bhale, e shito agho. Igho Eshinegba o li ri ekpabo na li ro ri eni ee ghua toto. <sup>18</sup> Egbọ ni e tsua omose oghuo ni o ghu abo ali awe a bhale, e nono abi e li ya roli lo oni owa bhale odalo oyi iJesu. <sup>19</sup> Abi e ke ro me khi we we e a me asha, itobo khi egbọ e bu dose, e nga ukhomhi oni owa, e ri ili ge oli abi o yeshi iya egho, e rote ekpha roli tiemhile shi iteva egbọ, e ro li shi odalo oyi iJesu. <sup>20</sup> Abi iJesu o ro me abi irudunga oyewe oo fu, oo oni omose, "Omue, a she gbe olamhe eye kua ne." <sup>21</sup> Eni egbọ iFarisi ee sa udu oyewe, e lie, "Oghuo oni ogbọ ona o khi ni oo pfi unua, oghuo o dobe e gbe olamhe kua, see ni Eshinegba lolighuo?" <sup>22</sup> IJesu o lese emini e sa, o mhila we, "Elo o ze ni a ro sa isamhi enana a shi udu oyewe. <sup>23</sup> Onoghuo o ya kele ogbọ ngme ne? 'A she gbe olamhe kua ne,' ali, 'Vule ke kia,' <sup>24</sup> Emini o ze ni a ro me na khi ni a ro lese lo khi Omi Ogbọ o mhili afu shi elemhi agbo ni a ro gbe olamhe kua." Oo oni omose ni o ghu abo ali awe-a egho, "Mhie u vule, rue iya oye, ni u ke je apfe." <sup>25</sup> Utoghuo kpe o vule migha odalo oyewe, o rue iya ni o ro yeshi mhue obo, o je apfe, oo kueghie Eshinegba. <sup>26</sup> Abo e sha eni egbọ nya, ee kueghie Eshinegba. Abo e sha we, ulishi o mu we, ee lie, "Awa me oshabo amo."

*IJesu o lu iLiva o deba lue*  
(iMat 9.9-13; iMak 2.13-17)

<sup>27</sup> Onana o dose se, o fie lase, o me omionoga ni a lu iLiva khi o shito elemhi okhoro oyoli ni o la mie oga, iJesu oo li, "Deba mhe." <sup>28</sup> Igho iLiva o vule, o ze emini oo rie le obo, o deba li.

<sup>29</sup> Igho iLiva o nye ekhe, o lu ukpokpomhi ukue na iJesu shi apfe oyoli. Emionoga ebubu ali egbọ elese ni e bu e li bhale shi oni ukue, e nu we le emhi. <sup>30</sup> Ama egbọ iFarisi ali eni e sese ishi ee wolo khashe eniye odukhokho eyi iJesu, ee lie, "Elo o ze ni o ro nu emionoga ali ena olamhe ee le eminale?"\*

<sup>31</sup> IJesu o so we o, oo we, "Oni oo to, oo ye apfe obo. <sup>32</sup> Mhi aa bhale ni mhi ro ya lu egbọ ni e pfuase ne, ama ena olamhe mhi bhale ya lu, ni e ro mhue imiepfuese."

*A mhila iJesu ogbọ ingme azumhi*  
(iMat 9.14-17; iMak 2.18-22)

<sup>33</sup> Egbọ eghuo e mhila iJesu, "Elo o ze khi eniye odukhokho eyi iJoni ali eniye odukhokho eyi iFarisi e pfi azumhi, ni eye e ro le ni e ro da?" <sup>34</sup> IJesu o so we o, "A lie me ghọ khi a ri epfese ni e nu odo omueshi onogbo shito o pfi azumhi, ini oni odo omueshi o nu we la agho? <sup>35</sup> Ama khi eghẹghẹ oo bhale ni a ro ya rue odo omueshi iteva oyewe le, eghẹghẹ agho, e ya pfi azumhi."

<sup>36</sup> O ze okhe irokhokho onana khashe we, oo, "Ogbokhoghuo oa ya khi ode onogbo ya gbela ma ode onodio, ini o ligho, eri o mema ya khi oni ode onogbo-a shi afue. Ini a gbela ode onogbo ma onodio, ea ya li abeghuo. <sup>37</sup> Wekhi eri ogbọ o ya ku onyo onogbo shi akpaba oyi ekuẹ-ẹlamhi onodio, ini ogbọ o li ghọ, eri oni akpaba o ya nyan-a, oni onyo o ku kua, oni akpaba o li opfu-a. [Akpaba ekuẹ ẹlamhi egbọ iJu e ku onyo o shi.] <sup>38</sup> Onyo onogbo a ku e shi akpaba onogbo. <sup>39</sup> Aa me ogbọ ni o ya da onyo onodio se, ni o tigbe ya mhila onyo onogbo, irari khi o ya lie khi onodio o ti ne."

## 6

*Ingme ogbele iyemhea oyi egbọ iJu*  
(iMat 12.1-8; iMak 2.23-28)

<sup>1</sup> Ogbele iyemhea, iJesu ali eniye odukhokho eyoli e rote ifu ishemhi iakpa dose, e be eni iakpa mhue abo, e kphali ikpamhi we le.\* <sup>2</sup> Egbọ iFarisi eghuo, e mhila we, "Elo o ze ni a ro gbe ushi ona ogbele iyemhea-a?" <sup>3</sup> IJesu o so we o, oo we, "Aa kpe ze emini iDefidi o rie le abi okiamhi o ro gbe oli ali apfoli? <sup>4</sup> Abi o li lo Owa oyi Eshinegba ya rue ibuledi ni a ro o ga Eshinegba le, ni o gbo ro na apfoli le. Eri a ghue oni ibuledi ogho, se ni ekpodalougamhi eyi Eshinegba tse ee le oli."†‡ <sup>5</sup> Loli iJesu o ro oo we, "Onomhue oyi ogbele iyemhea Omi Ogbọ o khi."

*Omose ni o ghu obo-a*  
(iMat 12.9-14; iMak 3.1-6)

<sup>6</sup> Igho elelese ni o khi ogbele iyemhea, iJesu o la elemhi owa ugamhi sese egbọ.

\* 5:30 Li ze iLuk 15.1-2 \* 6:1 Li ze iDeut 23.25 † 6:4 Li ze iLev 24.9 ‡ 6:4 Li ze 1 iSam 21.1-6

Omose oghuo o la agho ni obo ita oyoli o ghua. <sup>7</sup> Eni egbo iFarisi ali esese Ishi eyi iMosisi e nono emini wewe e ro ya mu umha-guekia shi iJesu obo. Igho e li to oli okpe ini o ya ri ogbo ze ogbele iyemhea oyi egbo iJu. <sup>8</sup> IJesu o lese isamhi eyewe oo oni omose ni o ghu obo oghuo-a egho, "Vule migha ana, ni ogbokpa o lolo ke me." Igho oni omose o vule migha we iteva. <sup>9</sup> IJesu oo, "Mhie i, onoghuo ushi oyi awa o lama shi ogbo o riele ogbele iyemhea? Ni a ro riele onete abi ni a ro riele onobe, ni a ro tsumhi agbo oyi ogbo, abi ni a ro pfuse oli-a?"

<sup>10</sup> O bino we gasa nya, oo oni omose o nise obo-a. O ligho. Oni obo o nise a. <sup>11</sup> Ama elemhi e bi we egbegbo, e gba ugbamhi abi e ya li iJesu.

*IJesu o ze ighiosomhi na kee ogbava  
(iMat 10.1-4; iMak 3.13-19)*

<sup>12</sup> Ogbeleghuo, iJesu o nga ute ya so iromhi. O la agho eliyose elegho nya oo so iromhi lema Eshinegba <sup>13</sup> Abi ogbe o ro gbe-a, o luno eniye odukhokho eyoli, o ze ogbava elemhi we, o lu we ighiosomhi na kee <sup>14</sup> ISamo, ni o lu iPita ali inyoghuo Aduru, iJemhisi, iJoni, iFilipu ali iBatolomiu. <sup>15</sup> IMatiu ali iTomosi, iJemhisi omi Afeusi, ali iSamo, ni e lu iZiloti. <sup>16</sup> IJudasi omi iJemhisi, ali iJudasi Isikaroti ni o ri iJesu de.

*IJesu o sese, o gbo ri egbo ze  
(iMat 4.23-25)*

<sup>17</sup> Abi iJesu ali eniye odukhokho eyoli e ro rote oni ute tiemhile, o migha ugbereke, eniye odukhokho eyoli ebubu e la agho. Ebubu egbo e la agho ni e rote ukiekie eke iJudia nya ali eoli iJerusalemu ali eoli iSidoni ali eoli iTai ni e ngeli epfefefe oke oniemhi bhale. <sup>18</sup> Eri e bhale ya suo ingmemhi eyoli ali ni o gbo re we ze elemhi ighuamhi ododa. Eni ayemhe ebe e nase e li bhale, o rewe ze. <sup>19</sup> Eni egbo nya e roshaka ri obo ti oli, irari khi itoto e te oli egbe lasele, o re we nya ze.

*Oghela ali oya  
(iMat 5.1-12)*

<sup>20</sup> IJesu o bino eniye odukhokho eyoli, oo we,

"Ikhivose o khi na ee ni aa pfue,  
irari khi ee a mholi  
Eghiele oyi Eshinegba.

<sup>21</sup> Ikhivose o khi na eni okiamhi o gbe memena  
irari khi a ya me le khue.

Ikhivose o khi na ee ni a vie memena,  
irari khi a ya gia.

<sup>22</sup> Ikhivose o khi na e, ini egbo e biselemhi e, ni e ro kie e, ni e ro tsue e, ni e ro kie e khi egbo ebe a khi,  
itobo oyi Omi Ogbo.S

<sup>23</sup> "A ke ghele ini a da me gho. A gbe ishimhi irari khi a ri eleli ni o fune shi iloghie e khe e. Irari khi igho eni e bia we e li nase emekeguele eyi Eshinegba eghenge eyewe.\*

<sup>24</sup> "Ama, o ma kholo e egbe,  
ikhi ee ni a mhu e pfue memena,  
irari khi a she mie  
eleli oye e se.

<sup>25</sup> O ma kholo e egbe,  
ikhi ee ni a she le khue memena,  
irari khi okiamhi o ya gbe e.

O ma kholo e egbe,  
ikhi, ee ni a gia memena,  
irari khi a ya vie e vie oya.

<sup>26</sup> O ma kholo e egbe,  
ikhi ee ni egbo ee ngme onete oye e,  
irari khi igho eni e bia we  
e li ngme onete oyi  
emekeguele eyi egbholi.

*Awa mholi inono na obe awa  
(iMat 5.38-48; 7.12a)*

<sup>27</sup> "Mhi gueye e, ee ni a suo mhe, a nono ingme oyi obe ee. A ke riele onete na egbo ni ee biselemhi e. <sup>28</sup> A ke so iromhi na egbo ni ee tsue e, a so iromhi ke na egbo ni ea gue e ngeli deba e. <sup>29</sup> Ini ogbo o lase ukiekie eso oghuo, nyene oni o kpole gbo na li lase. Ini ogbo o ri itoto mhie awulu, gbo ze ni o rue oni u so kpoke ma o. <sup>30</sup> Ke ri emini ogbokpa o mhila e na li, ini ogbo o rue e emhi, ze oli obo na li, khi gbo mhila li lue. <sup>31</sup> Ngeli ke deba ogbo abi u lie nono ni a li ngeli deba e.†

32 “Ini o khia khi ẹgbọ ni e nono ingme oyẹ u lẹsẹ a nono ingme oyẹwẹ, ighe ikhivọsẹ ni o la ọ nẹ? Irari khi ena olamhẹ e lili ẹ nono ingme oyi ẹgbọ ni e nono ingme oyẹwẹ to ọ. 33 Ini o khia khi eni e riẹlẹ onete nẹ u lẹsẹ li ẹ riẹlẹ na, ighe ikhivọsẹ ni o ke la ọ nẹ? Egbegbi ena olamhẹ e lili ẹ lighọ. 34 Ini o khia khi eni e ngmomhi ẹ nẹ u lẹsẹ li ngmomhi ẹ na, ighe ikhivọsẹ ni o la ọ nẹ? Irari khi ena olamhẹ e li ngmomhi ẹ na egbewẹ. 35 Ama zẹ ni u nono ingme obe ẹ, ke riẹlẹ onete na wẹ. Ke ngmomhi na wẹ, khi ngmomhi na wẹ ni u ke ri ẹloe shi ekẹ khi e ya fali ẹ ota to ọ. Eghẹghẹ aghọ ikhivọsẹ oyẹ o ya gbẹdi, u khi omi Ẹshinẹgba nọ Yagha nẹ Nya. Irari khi lọli ọọ somhi elemhi eni ẹa lẹsẹ obode ali ena ọkhọlọ. 36 Khi ọna ilẹlemhi, ẹzẹzẹ abi Ita ẹ ọ li khi ọna ilẹlemhi.

*Igue ẹgbọsẹ ẹzọ*  
(iMat 7.1-5)

37 “Khi gue ọgbọ ẹzọ ini a khi li gue yeyẹ ẹzọ, khi ri unu pfuẹchẹ ọgbọ-a, ini a khi li ri unu pfuẹchẹ-a. Gbekua na ọnuzava oyẹ, ni Ẹshinẹgba ọ li gbe kua nẹ. 38 Rọna khi a ya rọ nẹ. Ukiẹkiẹ onete, oni a lolo mimi, ni a jighise ni o tsua kua, a ya rọ somhiẹ opfa. Irari khi ukiẹkiẹ ni u rọ mhẹsẹ na ẹgbọ, Ẹshinẹgba ọ li rọ ya mhẹsẹ nẹ.”

39 Ọ gbo zẹ okhẹ irọkhọkhọ ona khasẹ wẹ, ọọ wẹ, “Ozalo ọ fẹ dobe ya ri ozalo nabi lue ke kia? Eri wẹwẹ aava e ya de pfilo uchoke.† 40 Omọ ni ọ la owẹna ọa ya fu dose ọni ọọ sẹsẹ ọli, Eri-tse ini omọ ni ọọ ye owẹna ọ ye owẹna oyọli se, ọ ya li abi ọni ọ sẹsẹ ọli.‡

41 “Elo o zẹ ni u rọọ mẹ uku ni o la inyoghue ẹloe ni u waa rọ mekẹ mẹ ufolo ọara ni o pfida ẹloe oyẹ? 42 Sẹ u liẹ liẹ inyoghue, ‘Inyoghue zẹ ni mhi rue ẹ uku ẹloe a,’ ni yeyẹ oyẹ waa rọ mẹ ufolo ọara ni o pfi da ẹloe oyẹ? Yeyẹ ọgbọ ọrugamhi ku alo, kpẹ tode rue ufolo ọara ni o la ẹloe oyẹ-a ni u tigbe mekẹ gboo rue uku ni o la inyoghue ẹloe a.

*Ọara ali ikpamhi eyọli*  
(iMat 7.16-20; 12.33-35)

43 “Ọara ni ọa ti ọa dobe ya mọ ukpamhi onete, u ke ya liẹ khi eri ọara onete o ya mọ

ukpamhi ni ọa ti. 44 Ikpamhi ni ọara ọọ mọ, a rọ ọ lẹsẹ ọara ni o khi. Aa rọte ọkphẹkphẹ ẹ pfanọ ọkhua-eni.\* 45 Eri ọgbọ onete ọ rọte emini o ti ni ọ rọshi udu ẹ rue emini e ti lasese, Ama ọgbọ obe, ọ rọte udu obe oyọli rue emhi obe ni ọ rọshi udu ẹ lasese. Irari khi isamhi ebubu ni e la ọgbọ udu, ọ te ẹ ngme ungmomhi lasese.†

*Ọgbọ ọtsegbhẹ ali oyeghẹ*  
(iMat 7.24-27)

46 “Elo o zẹ ni a rọ lu mhẹ, ‘Ọnọmhue, Ọnọmhue,’ ni aa rọ ri emini mhia ngme gbe akanya? 47 Mhi ya rọkhasẹ ẹ abi ọgbọ ni ọ bhale deba mhẹ, ni ọ ri esọ ẹ shi mhẹ ekẹ, ni ọ gbo ri ingmemhi eyemhẹ a gbe ikanya ọ li. 48 Eri ọ li abi ọgbọ ni ọ tọ owa, ọ tọnọ ekẹ-a limhi, ni ọ ri owa gbe ukhomhi ẹchẹ. Abi ukpokpomhi amẹ o rọ rue, ochikpho o ri itoto ghi oni owa abọ, ama ọa dobe nighise ọli, irari khi eri a tọli egbegbọ. 49 Ama ọgbọ ni ọọ suọ ungmomhi oyemhẹ ni ọa rọ li gbe akanya, eri ọ li abi ọgbọ ni ọ tọ owa nga ekhasẹ. Abi amẹ o rọ rue, ochikpho o ri itoto tsua oni owa, oni owa o de, o khi oyese oniemi.”

## 7

*Irudunga oyi ọkhọli-okhue oyi iRomu*  
(iMat 8.5-13)

1 Abi iJesu ọ rọ ngme enana nya shi esọ eyi eni ẹgbọ se, ọ lo elemhi ẹoli iKapanomu. 2 Oobọ a mẹ omọse ni ọọ ga ọkhọli-okhue oniemi, ni ingme oyọli o lolo mu ọga oyọli egbe. Oni omọse ọọ ghu ughuamhi ni o rọli ramhi eghuli. 3 Abi oni ọkhọli-okhue ọnọfunẹ ọ rọ suọ eko iJesu, ọ ghie egbhali eyi ẹgbọ iJu ghi ọli, ọ bhale ya ri oni ọọ ga oyelue ze. 4 Abi e rọ bhale deba iJesu, e lema li egbegbọ, ẹẹ iJesu, “Oni omọse ọna, ọ khi oni u kha kpaghie obọ. 5 Irari khi ọ ma nono ingme oyi ẹgbọ eyi anye gba, ọ gbo tọ owa ugamhi na anye.” 6 Ighọ iJesu ọ deba wẹ vu. Ọ she kia a ramhi owa oyi oni ọkhọli-okhue ni ọ rọ ghie emole ọli e liẹ iJesu, “Khi ke nasẹ egbe ẹ, mhia somhi ramhi ni u wa lo owa oyemhẹ le. 7 Lọli o zẹ ni mhi rọ bino khi mhiaa ti ramhi ni mhi a bhale deba ẹ. Lẹsẹ ngme oni ungmomhi khi oni ọọ ga

‡ 6:39 Li zẹ iMat 15.14 § 6:40 Li zẹ iMat 10.24-25; iJon 13.16; 15.20 \* 6:44 Li zẹ iMat 12.33 † 6:45 Li zẹ iMat 12.34



mhe ọ ya ze. <sup>8</sup> Irari khi mhemhe oyemhe, ọna omheshe mhi li khi, ni ekholi-okhue e li kpoke na. Mhia mheshe na ọna, 'Vu,' ọ vu. Mhi mheshe na ogho, 'Bhale,' ọ bhale. Mhi gueye oghumha oyemhe, 'Riele ọna,' ọ riele ọli."

<sup>9</sup> Abi iJesu ọ rọ suọ oni ungmehi ona, abo e sha li. Ọ nyene alo ukhokho bino ebubu egbo ni e deba li, ọọ we, "Mhi gueye e khi mhia kie kpe me irudunga ni o na fu ghue, mhia kpe me ọli eke iZireni ne."

<sup>10</sup> Igho eni a kpe ghie, e nyene egbe je apfe oyi oni okholi-okhue no fune, e bhale ya e khi oni ọọ ga li ọ she ze.

### *Ijesu ọ rọte eghuli guise omi Ọsamhi-olimhi le*

<sup>11</sup> Oo li dene, iJesu ọ te agho vu, ọ je eoli ni a lu iNei, eniye odukhokho eyoli ali ebubu egbo elese e deba li. <sup>12</sup> Abi ọ li ti ramhi ode unuekpe ni a te e lo oni eoli le, ọ me khi a tsua ogbo ni ọ ghu-a a lasele. Lolithuo kpe inyoli ọ me bia. Oni okpotso ọ gbo khi ọsamhi-olimhi. Ebubu egbo e rọte oni eoli ve deba li. <sup>13</sup> Abi Onomhue ọ rọ me oni okpotso, ọ mhue ilelemhi na li. Elemhi ọ e ala li, ọọ li, "Khi ke vie?" <sup>14</sup> Igho ọ vu ya ri obo ti oni akpati olimhi, egbo ni e tsua li e mu migha, iJesu ọ, "Oni ozeo mhiye ye vule." <sup>15</sup> Igho oni omose ni ọ ghu-a egho ọ vule shito, ọọ ngme. Ijesu ọ mu ọli obo na inyoli. <sup>16</sup> Ulishi o mu eni egbo nya, e kueghie Eshinegba, e lie, "Omekeguele oniemhi ọ she bhale iteva oyi awa. Eshinegba ọ she bhale ya kpaghie egbo eyoli obo." <sup>17</sup> Ingme oyi iJesu o gbhiaku eke iJudia nya ali eoli ni e la gasẹ ọli.

### *Ijoni Oni ọọ batazi ọ ghie usomhi ghi iJesu (iMat 11.2-19)*

<sup>18</sup> Abi eniye odukhokho eyi iJoni e rọ gue eni ingme enana nya ye iJoni, ọ lu aava elemhi we. <sup>19</sup> Ọ ghie we e ka mhila iJesu, "Yeye u khi oni ọ ya bhale abi anye ri eloe shi eke ke khe olese?" <sup>20</sup> Abi e rọ bhale deba iJesu, e ọli, "Ijoni Oni ọọ batazi egbo ọ ghie anye ghi e, anye ka mhila e, 'Yeye u khi oni ọ ya bhale abi anye ri eloe shi eke ke khe ogoese?' " <sup>21</sup> Eghẹghẹ agho te iJesu ọ ri ebubu egbo ni e mhue ighuamhi ali iyemhe okphaghie ze. Ọ khueghie ebubu

ezalo alo-a. <sup>22</sup> Ọ rọ gueye eniye odukhokho eyi iJoni, "A nyene egbe ukhokho ya gueye iJoni emini a me, ni a gbo ri esọ suọ. Ezalo ee me eke, eni e guoghọ awe-a, ee kia, eni efafe e mu e ze, eleso e suọ esọ. Eni e ghua e guale. A kiele e tse abo usomhi onete oyi iloghie ye egbo ni ea mhue.\* <sup>23</sup> Oghẹle o khi ni ogbo ni ọa da de ode-a itobo khi ọa mhue akhokhomhe shi mhe ọ." <sup>24</sup> Abi eniye odukhokho eyi iJoni e rọ vu se, iJesu ọ gue ingme oyi iJoni ye eni egbo, ọọ we, "Abi a rọ fe fie je odagbe ifufu ya bino ọli, ogbo onabi onoghua a dabi khi a ya me? Ogbo oyeghe ni ọ li abi ebuli ifulo ni akpekpeli o kha pfi je ana, o pfi ọli e je oobo a dabi khi a ya me oobo? <sup>25</sup> Ini ọa khi ogbo oghoghọ a dabi khi a ya me oobo, onabi ise a ke nono je oobo sho? Omose ni ọ so itsua ni e somhi otse? Egbo ni e so itsua ni e somhi otse, apfe oyi oghie e la. <sup>26</sup> Ogbo nabise a dabi khi a je oobo ya me? Omekeguele? Abi o li mhi li gue ọli e ye e khi oni ọ dose omekeguele lo. <sup>27</sup> Onana a keke ingme oyoli kpe shi eke, ni ee,

"Ghe khe, mhi ya ghie  
aghiusomhi oyemhe ralo ne,  
ni ọ ya khueghie ode-a  
shi eke khe.†

<sup>28</sup> "Mhi gueye e khi aa me ogbo ni a bia bhale eke agbo ona ni ọ fu dose iJoni, eritse khi oni ọ ga she ne nya shi Eghiele oyi Eshinegba ọ fu dose ọli."

<sup>29</sup> Egbo nya, li shi emionoga, abi e rọ suo ingmemhi eyi iJesu, e mie shi ọ khi ode oyi Eshinegba o gbe akanya, irari khi iJoni ọ she batazi we. <sup>30</sup> Egbo iFarisi ali eni e lese emhi ingme ushi e kie ugbamhi ni Eshinegba ọ gba na we, irari khi ẹa lama ni iJoni ọ batazi we.‡ <sup>31</sup> Agho iJesu ọ re, elo mhi fe ri egbo ena agbhotu ona ya khokho, se e fe ga li ena? <sup>32</sup> Eri e li abi eniye ni e shito oki ni e nu egbe e ngme ni e lie,

"Anye pfi ofele na e,  
ama aa lama gbe ishimhi,  
anye vie evie olimhi khasẹ e,  
ama aa lama nu anye vie.'

<sup>33</sup> Itobo khi abi iJoni Oni ọọ batazi egbo ọ rọ bhale, ọa li le emhi wekhi eri ọ da onyo, eri e khi, 'Ayemhe okphaghie ọ mhue.' <sup>34</sup> Omi

\* 7:22 Li ze Aza 35.5-6; 61.1 † 7:27 Li ze iMala 3.1 ‡ 7:30 Li ze iMat 21.32; iLuk 3.12

ogbo o bhale, oo le, oo da, a ke lie khi, 'Ogbo unu-emhi ali ogbo odonyo o khi, ali khi oni o nu emionoga ali egbo ena olamhe e mu omole o khi.' <sup>35</sup> Eri egbhali oyi Eshinegba o rote obo oyi egbo ni e miesuo ri egboli khase."

*Okpotso ona olamhe o ku ituale ni oo pfi shi iJesu awe*

<sup>36</sup> Ogbo iFarisi ogghuo oo iJesu o bhale ka ko feli lue ni o nu lue le eminale. Igho o je owa oyi oni iFarisi, o shito, o le emhi. <sup>37</sup> Igho okpotso ogghuo, ongi oni eoli ni o la agbo olamhe, o suo khi iJesu o la oni owa oyi ogbo iFarisi oggho. O de akanama ituale ni o ghale. <sup>38</sup> O bhale, o de ya wugha iJesu idi awe. Oo vie ku amevie shi oli awe. O ri itsu ni e la li ukhomhi shishi oli wewe-a, o pfipfi oli awe. O gbo ku ituale ni oo pfi shi oli awe. <sup>39</sup> Abi oni iFarisi ni o lu iJesu bhale apfe oyoli ya mu oli epfese, o ro me onana, o la eke elemhi udu lie, ini omekeguele oyi Eshinegba omose ona o kha khi lo, o kha lese uwali okpotso ni ona o khi ni o ri egbe a ti oli ena, khi ona olamhe o khi. <sup>40</sup> IJesu oo, "ISamo mhi mhue emini mhi ya gue ye."

ISamo oo li, "Gueye mhe, Osese." <sup>41</sup> IJesu oo li, "Omose ogghuo o la ni egbo aava e lo oli ota, ogghuo o, o lo oli ekpa eva ali ukhukhui, oni o kpole o lo oli ipomhi uye ali ishe. <sup>42</sup> Abi ea ke ro dobe fali oli ewe, o gbe eni ota kua na we. Mena gueye mhe oni o ya nono ingme oyi oli ne elemhi wewe ava-ava?" <sup>43</sup> ISamo oo li, khi oni o lo ikpagho eni e bu ne lo. IJesu oo li, "U gue so." <sup>44</sup> IJesu o nyene alo ghue oni okpotso, oo iSamo "Wa me oni okpotso ona, abi mhi ro bhale owa oye wa die ame na mhe ro kpe awe-a, eri oni okpotso onana o ri amevie eyoli kpe mhe awe-a, o ri itsu ni e la li ukhomhi shishi we-a. <sup>45</sup> Waa pfipfi mhe unu egbe, rote egheghe ni mhi te lo ana le, oni okpotso ona o te pfipfi mhe unu awe ramhi memena. <sup>46</sup> Waa ku oili shi mhe ukhomhi, oni okpotso ona, o she ku ituale ni o pfi shi mhe awe. <sup>47</sup> Itobo igho mhi gue e ye e khi a she gbe olamhe eyoli ni e bububu kua na li, irari khi oni o nono emini e bu o khi. Oni a gbe ukuku o kua na, ukuku o nono." <sup>48</sup> O gueye oni

okpotso, "A she gbe olamhe eye kua ne." <sup>49</sup> Egbo ni e nu oli shito e mhila egbewe "Oghuo onana oo dabi khi loli khi ni oo gbe olamhe kua na ogbo."

<sup>50</sup> IJesu o gueye oni okpotso "Irudunga oye o she mie e pfuese, ri opfomhe ke je."

## 8

*Ikpotsu ni e kpaghie iJesu obo*

<sup>1</sup> Ona o dose, iJesu o kia rote eoli je eoli. Oo gue usomhi onete oyi Eghiele oyi Eshinegba le. Eniye odukhokho ogbava eyoli e nu oli kia. <sup>2</sup> Ikpotsu eghuo ni e kpe mhue ayemhe okphaghie ali iwali ighuamhi ni o ro ze, e li la agho: IMeli ongi iMagidaleni ni ayemhe ishilua e rote egbe lasele; <sup>3</sup> IJoana ni o khi ughue iChuzza ni o gbe akanya na oghie Erudu; ISuzana ali ikpotso elese gho, e ga la akagho. Enana e rote eku oye we e kpaghie iJesu ali eniye odukhokho eyi oli obo.\*

*Okhe irokhokho oyi oghiale (iMat 13.1-9; iMak 4.1-9)*

<sup>4</sup> Abi ebubu egbo e ro rote eoli ododa bhale ya lona kugbe, ni e ro le gaso iJesu, iJesu o ze okhe irokhokho khase we, oo we, <sup>5</sup> "Oghiale o ya ri ikpamhi emhi ko. Abi o ro ku eni ikpamhi emhi kia ko, eghuo o e ku shi epfepfe ode. Eghuo o egbo e ri awe muno we. Ipfeli e bhale ya sano we le. <sup>6</sup> Eghuo o e de ku nga eche, abi e ro ze ngale, e khakha. Itobo khi ea me asha lolo pfi imhili lo eke. <sup>7</sup> Ikpamhi eghuo o e de shi ifu igba, eni igba e tono we. <sup>8</sup> Igho eghuo o e ku shi eke onete, e fu, e mo ikpamhi agbhagbhamhi egbhueshe. Abi o ro ngme ona se, oo li, Oni o mholi eso o ro suo."

*Emini o ze ni o ro ze oni okhe irokhokho (iMat 13.10-23; iMak 4.10-20)*

<sup>9</sup> Eniye odukhokho eyoli e mhila li emini a ri oni okhe irokhokho ngme. <sup>10</sup> Oo we, "A she khueghie osheli ni o la Eghiele oyi Eshinegba-a khase e. Ama aa roli khase egbo ni e kpole. Loli o ze ni mhi ro ri okhe irokhokho nu we e ngme.

"Irari khi ini e ririe e fe,

ea ya me eke,

ee suo, oa lo we eso.†

*Emini okhẹ iròkhòkhò oyi òghiale òghò o ngme*

*(iMat 13.18-23; iMak 4.13-20)*

<sup>11</sup> “Emini a ri oni okhẹ iròkhòkhò ngme na. Oni ukpamhi emhi oghò, ungmehi oyi Ẹshinẹgba lọ. <sup>12</sup> Eni e de kua epfepfe ode eghò, e khi ẹgbò ni e kha suò ungmehi oyi Ẹshinẹgba, òkphaghie ò bhale ya sanò wẹ oni ungmehi udu-a, ini e khi miesuò, ni e ba mhue imiepfuese. <sup>13</sup> Eni e zẹ nga òkpegbhe e to ẹoli ẹgbò ni e miesuò, ni e khia khi abi imufe o rọ bhale ẹa ke dobe migha, e de ode-a. <sup>14</sup> Ikpamhi ni e zẹ shi ifu igba, wewe e khi ẹgbò ni e suò oni ungmehi ama ẹa dobe migha shi ò, isamhi eyi emhi agbò ali anasemhe ali epfue ni o la agbò ali òghuemhe ni o la ò, ọa zẹ ni e mhue iwomheloe shi irudunga. <sup>15</sup> Ikpamhi ni e zẹ shi eke onete ni e mọ ikpamhi, wewe e khi egbegbi ẹgbò ali udu onete ni e kha suò oni ungmehi, e mu ọli shi, e kha ri egbe mie o ri emini a rọ kọ ò zẹ lasese.

*Ákpá ni a rọ ru nga ukhomhi emhi*

*(iMak 4.21-25)*

<sup>16</sup> “Aa me ọgbò ni ò ri ákpá ya ru, ni ò ya rue ọli sheli elemhi ukoko, wẹkhi ufu ukpho. Eri ò ri ochoghò ya rue ọli nga asha na keghe ni eni ẹẹ lo le e ke me eke, ẹẹ me oni ákpá.† <sup>17</sup> Irari khi aa me emiemini a rọ sheli ni aa ya rọ lasese gboo, wẹkhi eri a me emini a khukhu shi elemhi, ni aa ya khueghie-a gboo.‡ <sup>18</sup> Itobọ ighò mhue ẹgbhe shi emini u wa suò. Oni ò mhue, a ya rọ ma li ò. Ama oni ọa mhue a ya gbo mie ọli ukuku ọli ni ò sa khi lọli mhue.”\*

*Inyoghuo iJesu ali inyi iJesu*

*(iMat 12.46-50; iMak 3.31-35)*

<sup>19</sup> Ighò inyọli ali inyoghuo ọli e bhale deba li, ama ẹa me asha ramhi ọli egbe, irari ebubu ẹgbò ni e le gasẹ ọli. <sup>20</sup> Ọgbò ò ya gueyẹ iJesu, ọọ li, “Inyẹ ali inyoghue, e migha olase, ẹẹ nono ni wewe e me.” <sup>21</sup> IJesu ọọ wẹ, “Inyemhe ali inyoghuo-mhe wewe e khi ẹgbò ena ni ẹẹ suò ungmehi oyi Ẹshinẹgba, ni e gbo rọli ẹ gbe akanya.”

*IJesu ò mu akpekpeli migha*

*(iMat 8.23-27; iMak 4.35-41)*

<sup>22</sup> Ẹlẹghuo iJesu ọọ eniye odukhokho eyoli, “A bhale ni awa da je ukiẹkiẹ obinokpọle oyi okẹ ni o khishi.” E lo ọkọ-okẹ e lẹ. <sup>23</sup> Abi e li lẹ, iJesu ò lese. Utoghukpe ukpokpomhi akpekpeli o lo oni ọkọ-okẹ le ya ramhi khi oni ọkọ-okẹ o ku ya lue, wewe nya e la okhena. <sup>24</sup> Eniye odukhokho eyoli e bhale ya guise ọli le. Ẹẹ ọli “Ọnọmhue, Ọnọmhue okẹ o ya ku awa lue.” Ọ vule, ò nu oni akpekpeli ali okẹ ni o zughuse ngme. Oni akpekpeli o mu migha. Okẹ ni o zughuse eghò o dema, asha kpa oo tsuke. <sup>25</sup> Ọ mhila eniye odukhokho eyoli, “Ighe irudunga oye?” E ri ulishi ali oshabọ mhila egbewe, “Ọghuo ọnana ò fẹ ga khi ena? Irari khi ọọ mhese na akpekpeli ali okẹ, e suò na li.”

*IJesu ò ri omose nọ mhue ayemhe òkphaghie toto*

*(iMat 8.28-34; iMak 5.1-20)*

<sup>26</sup> E kia ramhi eke iGerasenesi ni o gbe okẹ ni o khishi na iGalili khi-a. <sup>27</sup> Abi IJesu ọọ da tiemhile eke, Omose ọngi oni ẹoli, ni ò mhọli ayemhe òkphaghie ni o she tese ni ọa te ke sọ awulu, wẹkhi eri ò ke la owa ghue, ama atalimhi ò ke la, ò bhale ya ò. <sup>28</sup> Abi ò rọ me iJesu, ò de yeshi ọli awe, ò tsesẹ leghe, ò liẹ, “Elo u remhe ya li, iJesu Omi Ẹshinẹgba ọnofune, kpekpẹ khi nase mhe.” <sup>29</sup> Eri ò ngme ona irari khi iJesu ò she mhese na oni ayemhe òkphaghie oghò o rọte ọli egbe lasese. Iti-ingmi-ingme oni ayemhe o she mu ọli, ni o khia khi ini a rie mu ọli ri iweghe shi ọli abọ ali awe, ò pfanọ eni iweghe-a, oni ayemhe òkphaghie o tsua li je odagbe ifufu. <sup>30</sup> IJesu ò mhila li, “Sẹ a lu eva oye?” Oni ayemhe ọọ li, eva oyemhe khi, “ILigioni,” irari khi ayemhe òkphaghie ebubu e she lo ọli egbe. <sup>31</sup> Eni ayemhe òkphaghie e lema iJesu ò khi khu wewe je ilimhi na ningolo.

<sup>32</sup> Igulu ebubu e la epfe ute le eminale. Ighò eni ayemhe e lema li ò kpekpẹ ò zẹ ni wewe e ya lo eni igulu egbe. Ighò ò zẹ ni e ya lo eni igulu eghò. <sup>33</sup> Eni ayemhe òkphaghie eghò e rọte egbe oyi oni omose lasese, e ya lo elemhi eni igulu eghò. Eni igulu e rọte oni epfe ute na ya kulo okẹ ni o khishi eghò, okẹ o gbe wẹ. <sup>34</sup> Abi eni e ri eni igulu ẹ kia e rọ me emini a me, e na je

ifu apfe ya gueye egbo emini a me. <sup>35</sup> Egbo e le ya bino emini a me. Abi e ro bhale deba ijesu, e bhale ya e khi oni omose ni iyemhe okphaghi e te egbe lase khi o shito ufuege oyi ijesu. O ga pfomhe, o ku egbe-a shito, ulishi o mu we. <sup>36</sup> Egbo ni e me oni ingme e gueye egbo elese abi oni omose o li kia ni o ro ze. <sup>37</sup> Igho eni egbo iGerasenesi e gueye ijesu o lase ewe eke le, irari khi ulishi o mu we. Ijesu o lo oko-okere o vu. <sup>38</sup> Oni omose ni eni iyemhe okphaghi e rote egbe lasele o o ijesu, "Kpekpe ze ni mhi deba e vu." Ama ijesu o o li, o ke vu. <sup>39</sup> Nyene egbe je apfe ni u ya guele emini Eshinagba o ri ele ne. Igho oni omose o vu ya gueye egbo ni e la oni eoli ogho nya, emini ijesu o ri ele na li.

*Omi ijarusi ali okpotso ni o ri obo ti ijesu awulu*  
(iMat 9.18-26; iMak 5.21-43)

<sup>40</sup> Abi ijesu o ro nyene egbe je ukiekie oke ni o kpole, egbo e tse oli o mu awe itobo khi o she tese ni e te migha a khe oli. <sup>41</sup> Igho omose oghuo ni a lu ijarusi ni o khi ogbo oni o mheshe shi owa ugamhi oyi egbo iju, o de ya wugha ijesu awe. O o lema li o kpekpe o bhale apfe oyelu. <sup>42</sup> Irari khi omoo omueshi oghuo kpe ni o me bia ni o lese gbe ikpe igbeva o ya ghua. Abi ijesu o li le, egbo e le gase oli, e ma mu oli ashakpa. <sup>43</sup> Okpotso oghuo o la ifuabo we ni o she ku oia egbe elemhi ikpe igbeva. O she ga pfuse emini o mhu-a nya na idokita, ama aa me oni o dobe dua oli egbe. <sup>44</sup> Igho o rote ifuabo oyi eni egbo lase bena ya ri obo ti esode ni ijesu o so, oia ni e ku oli egbe e pfa tee.

<sup>45</sup> Ijesu o mhila, "Oghuo o ri obo ti mhe?"

Ogbokpa o tia. IPita o o li, "Onomhue, ebubu egbo e le gase ni e ma mu e."

<sup>46</sup> Ama ijesu o li, "Ogbo o ri obo ti mhe, mhi lese khi itoto e she rote mhe egbe ya lase, loli mhi ro lese." <sup>47</sup> Oni okpotso o me khi loli a dobe ya vu ni a ro ya me lue, o ri ulishi fie lasele, o de ya wugha odalo oyi ijesu. Ukpeloe oyi eni ogbokpa, o gueye ijesu emini o ze ni loli ro ri obo ti oli ali abi loli ze utoghuokpe. <sup>48</sup> Igho ijesu o li, "Omimhe ke je khi irudunga oye o she re ze. Ri opfomhe ke je apfe oye."

\* 9:5 Li ze iLuk 10.4-11; Ika 13.51

<sup>49</sup> Ijesu o kie ligho ngme, ogbo o rote owa oyi ijarusi ni o khi oni o mheshe elemhi owa ugamhi bhale. O o li, "Omi e o she ghua-a. Khi ke bie nase osese." <sup>50</sup> Abi ijesu o ro suo ona, o gueye ijarusi, "Khi ze ni ulishi o mu e. Lese miesuo tse khi o ya toto."

<sup>51</sup> Abi o ke ro ramhi apfe oyi ijarusi, o a ze ni ogbokhoghuo o nu lue lo agho, see ni iPita ali iJoni ali iJemhisi ali inyoo oni omoo ali itali.

<sup>52</sup> Ogbokpa e she kie kpe vie evie oyi oni omoo. Ijesu o o we, "A khi ke vie irari khi oni omoo o a ghua, eri o lese a."

<sup>53</sup> Wewe nya ee gia ijesu, irari khi e lese khi oni omoo o she ghua. <sup>54</sup> Ama ijesu o mu oli obo o lu oli leghe, "Omimhe, vule."

<sup>55</sup> Ayemhe oyoli o nyene egbe bhale deba li. O vule migha utoghuokpe. Igho ijesu o o we, "A ri eminale na oni omoo le." <sup>56</sup> Abi e sha ita ali inyoli. Ijesu o gueye we e khi gueye ogbokhoghuo emini a me.

## 9

*Ijesu o ghie eniye odukhokho ogbava fie*  
(iMat 10.5-15; iMak 6.7-13)

<sup>1</sup> Ijesu o lu eniye odukhokho ogbava eyoli kugbe, o ri itoto ali afu na we ni e ro ke khu egbo iyemhe ni ea ti egbe lasele, ali ni e gbo ri egbo ni e mhu eghuamhi ododa toto. <sup>2</sup> O ghie we fie e ke ya tse abo ungmehi oyi Eghiele oyi Eshinagba kiakia ali ni e gbo ke ri egbo ze. <sup>3</sup> O o we, "A khi tsua emhikhoghuo abi a lie le ena, a khi tsua ukpokpo wekhi akpaba wekhi eminale wekhi ikpagho wekhi iku itsua eva ni a so. <sup>4</sup> Owa ni a da lo ne, a la agho ramhi ni a ro ya te oni eoli vu. <sup>5</sup> Ini egbo ea da mie e ne, a kpishi itutu ni e la e awe-a shi oni eke ini a rote oni eoli e vu, ni o khi otsele ni a ya pfi mu we."\* <sup>6</sup> Igho eni eniye odukhokho e vu, rote eoli je eoli. E ri usomhi onete oyi Eshinagba tse abo kiakia. E ri egbo o toto ashakpa.

*Oghie Erodu o o khokho oni ijesu o khi*  
(iMat 14.1-12; iMak 6.14-29)

<sup>7</sup> Igho Erodu ni o khi oghie shi eke iGalili o suo ikanya onyaloa ni ijesu o o gbe. Abi e sha li itobo khi egbo eghuo e lie khi iJoni Oni o o batazi egbo lo ni o rote eghuli guale.

<sup>8</sup> Eghuo ẹ khi Elaja ọ khi ni ọ bhale, eghuo elese e liẹ khi ọghuo ọmekeguele enediọ ọ khi ni ọ nyene egbe bhale agbọ.† <sup>9</sup> Ama, Erodu ọọ, “Mhemhe mhi khi iJoni ukhomhi ọ. Ọghuo ọnana ọ khi ni mhia suọ eko?” Ọọ dua abi ọ li ya me ọli.

*Ijesu ọ ri eminale na egbo agbele ishe (5,000) le*

*(iMat 14.13-21; iMak 6.30-44; iJon 6.1-14)*

<sup>10</sup> Abi eni ighiusomhi na kee e ro jele, e gueye iJesu abi e li kia. Igho ọ rue we vu je epfe ọli na lu iBetisaida, <sup>11</sup> Ama eni ebubu egbo e suọ obini ọ je, e deba li. Ọ mie we, ọ gue ungmehi Eghiele oyi Eshinegba ye we, ọ ri eni e mhue ighuamhi toto.

<sup>12</sup> O te agho li denẹ abi ogbomhi o ke ro mu eke, eniye odukhokho ogbava e bhale deba li, ee ọli. “Gueye eni egbo e vu je ọli ni e ti mama ana ni e ya nono ashini e ya ku shi ali eminale ni e ya le, irari khi ifui ọdagbe ifufu awa la.”

<sup>13</sup> Ọ so we ọ, ọọ we, “A ri eminale na we le.”

E ọli, “Ibuledi eva ali ifele aava e lese la ana, se ni awa vu ya de eminale ghi we.” <sup>14</sup> Irari khi emose agbele asha ishe e la agho.

Ama ọọ eni eniye odukhokho, “A re we shito ikui-iku egbo egbhuva ali igbigbe.”

<sup>15</sup> Eni eniye odukhokho e li gho, ogbokpa ọ shito. <sup>16</sup> Ijesu ọ rue eni ibuledi ishe ali ifele aava egho, ọ bino idane, ọ kphemhi shi eni eminale, ọ kholo we a. Ọ rue we na eniye odukhokho eyoli ni e kemhi we na eni egbo. <sup>17</sup> Igho wewe nya e le, e khue. Eni eniye odukhokho e wolọ eni e le kpole shi ighughu igbeva.

*IPita ọ guele oni ijesu ọ khi*

*(iMat 16.13-19; iMak 8.27-29)*

<sup>18</sup> Eleghuo khi ijesu ọ la ashini o da-ya e so iromhi, eniye odukhokho eyoli e nu ọli la agho, ọ mhila we, “Oghuo egbo e fe e liẹ khi mhi khi?”

<sup>19</sup> E oli, “Egbo eghuo ẹ khi iJoni Oni ọọ batazi egbo u khi, elese e liẹ Elaja, elese ghọ ẹ khi ọmekeguele ọnodiọ u khi ni u nyene egbe bhale agbọ.”‡

<sup>20</sup> Ọ ro mhila we “Oghuo ee e khi mhi khi?”

IPita ọọ li, “Ye ye u khi Omiepfuese ọnayi Eshinegba.”§

*Ijesu ọ gue ingme osoli, ali eghuli, ali iguale oyoli le*

*(iMat 16.20-28; iMak 8.30--9.1)*

<sup>21</sup> Ijesu ọ tse agua ye we e khi gueye ogbokhoghuo. <sup>22</sup> Igho, Ọọ we, “Omi Ogbo ọ mema ya me osue emhi ebubu. Eni egbhali ali ighie eyi ekpodalo-ugamhi ali esese Ishi eyi iMosisi, e kie ọli. E mema ya gbe ọli-a, ama elenuzi-esese, ọ ya guale.”

<sup>23</sup> Igho ọ gueye we nya, “Ini ogbokhoghuo ọ nono ni loli khi omọ odukhokho oyemhe, ọ mema ya kie egboli, ọ rue apfida oyoli ogbele kpa, ọọ deba mhe.\* <sup>24</sup> Itobo khi oni ọ da nono ni loli tsumhi agbo oyoli ne, ọ ya wase ọli-a, ama oni ọ da wase agbo oyi ọli-a ne shi itobo oyemhe, ọ ya tsumhi ọli.†

<sup>25</sup> Ighe eleli ni ogbo ọ ya me ini ọ mhue agbo ona nya ni ọ ro wase ayemhe oyoli-a? <sup>26</sup> Ini ogbo ọ da na omama mhe ali ungmehi oyemhe ne, Mhemhe Omi Ogbo mhi li ya na omama oyi oni ogbo, ini mhi bhale elemhi ufumhi oyemhe, ali ufumhi oyi Ita ali oyi igeni ni e pfuase <sup>27</sup> Mhi gue ọli e ye e abi o li, khi, egbo eghuo e la ana ni ea ya ghu ne, neni e ro ya me oni Eghiele oyi Eshinegba.”

*Ijesu ọ mu imamachi*

*(iMat 17.1-8; iMak 9.2-8)*

<sup>28</sup> Abi ogbele nuzi eleli o ro gba abi ijesu ọ te ngme eni ingme, ọ rue iPita ali iJoni ali iJemhisi nga ute ya lema. <sup>29</sup> Abi ọ li so iromhi egho, alo eyoli e mu nyene, itsua ni ọ so e ge nyanyanya abi akpa. <sup>30</sup> Igho Emose aava, iMosisi ali Elaja, <sup>31</sup> e li lasela e ge nyanyanya, e nu ijesu u ngme, e gheta eghuli ni ijesu ọ ya ghu obini iJerusalemu. <sup>32</sup> Olese o mema re IPita ali apfoli. Abi e ro guale ni lese o ro kala we alo-a, e me ufumhi oyi ijesu ali emose aava ni e nu ọli migha. <sup>33</sup> Abi eni emose aava e li vu, iPita ọọ ijesu, “Oga, oo ga gue ti khi anye la akana. Ze ni anye tonọ okholo ese, oghuo oye, oghuo oyi iMosisi, onokpole oyi Elaja.” Eri ọ li ngme tse, ọa lese emini ọ ngme.

† 9:8 Li ze iMat 16.14; iMak 8.28; iLuk 9.19 ‡ 9:19 Li ze iMat 14.1-2; iMak 6.14-15; iLuk 9.7-8 § 9:20 Li ze iJon 6.68-69 \* 9:23 Li ze iMat 10.38; iLuk 14.27 † 9:24 Li ze iMat 10.39; iLuk 17.33; iJon 12.25

<sup>34</sup> Ọ kie ligho ngme, otughunu o bhale ya khukhu we-a. Ulishi o mu we abi e ro lo elemhi oni otughunu. <sup>35</sup> Igho uruli o rote oni otughunu ngme, oo, “Omimhe na ni mhi ze, a ri esọ shi emini o ngme.” ‡  
<sup>36</sup> Abi oni uruli o ro ngme se, e me khi iJesu lueghuo o ke migha. Eni eniye odukhokho e ri ingme ona shi udu, ẹa gueye ogbokhoghuo emini e me eghẹghẹ agho.

*IJesu o ri ozeo ni ughuamhi o mu ze  
(iMat 17.14-18; iMak 9.14-27)*

<sup>37</sup> Ogbeakolo abi e rote ukhomhi ute tiemhile, ebubu egbọ e bhale deba li. <sup>38</sup> Igho omose oghuo o rote elemhi eni ebubu egbọ tse se leghe, o li “Ose se, kpekpe bino omimhe, loli o khi omọ oghuo kpe ni mhi me bia. <sup>39</sup> Ayemhe obe o tsua mu oli, eri oo mu oli pfi eke, oo kpi awe-a, o roli e chi ofulu unu. Oa ga nono ni loli rue oli obo-a kpa. Eri oo nono ni loli pfuse oli ayemhe-a. <sup>40</sup> Mhi she lema eniye odukhokho eye e khu oli oni ayemhe egbe-a, ẹa do be.”

<sup>41</sup> IJesu oo we, “Ee egbọ ni aa mhue irudunga wekhi ilese. Ele ingme mhi do be ya ri egbe mie umhalese oye e ramhi? Ele ingme mhi ke nu e ya la akana?” Oo oni omose, “Rue omie bhale ana ghi mhe.”

<sup>42</sup> Abi oni omọ o li bhale, oni ayemhe okphaghi e o mu oli pfi eke jighise, oo chi ofulu unu. Igho iJesu o dese oni ayemhe okphaghi e, o ri oni omọ ze. O rue oli na itali. <sup>43</sup> Abọ e sha eni egbọ nya shi ekpabọ oyi Eshinegba ni e fune.

*IJesu o gbo gue ingme eghuli oyoli le shi eke*

*(iMat 17.22-23; iMak 9.30-32)*

Abọ e kie ligho sha eni egbọ shi emini iJesu o ri ele, iJesu o o eniye odukhokho eyoli, <sup>44</sup> “A ri esọ shi eke shi ingme ni mhi ya gueye e ena. A ya ri Omi Ogbọ na egbọ de.” <sup>45</sup> Eri-tse khi eni eniye odukhokho ẹa lese abi oni ungmehi o ngme. Irari khi eri a roli sheli we ini e khi lese emini a roli ngme. Ama ulishi oo mu we shi abi e lie mhila li.

*Oghuo o fune  
(iMat 18.1-5; iMak 9.33-37)*

<sup>46</sup> Ekhako o bhale iteva oyi eniye odukhokho eyoli shi oni o ya fune elemhi we. \* <sup>47</sup> IJesu o lese emini ee sa udu oyewe, o rue ukuku omọ lasele migha we iteva. <sup>48</sup> O o we, “Onini o da ri eva oyemhe mie omọ ona ne, mhemhe o mie. Onini o da mie mhe ne, oni o ghie mhe o mie. Irari khi onini o da ri egboli tiemhie-ekẹ ne elemhi e, loli o khi oni o fune nya.” †

*Oni o da khi obe awa ne oyi awa o khi  
(iMak 9.38-40)*

<sup>49</sup> IJoni o o, “Oga, anye me omose ni o ri eva oye e khu ayemhe okphaghi e lase, anye nono ni anye gueye oli o khi ke ligho irari khi o ya de be abi anye lie de be.” <sup>50</sup> IJesu oo we, “A khi ke ligho, irari khi ogbọ ni o da khi obe awa ne, onayi awa o khi.”

*Egbọ iSameria ẹa lama mie iJesu*

<sup>51</sup> Abi eghẹghẹ o ro ramhi ni a ro ya rue iJesu je iloghie, o mholi oli shi udu khi loli ya je iJerusalemu. <sup>52</sup> O ghie ighiusomhi ralo, ni e lo elemhi eoli nikeke na elemhi iSameria ni e ya mu egbe emhikpa shi eke ke oli. <sup>53</sup> Ama eni egbọ iSameria ẹa lama mie oli irari khi e lese khi iJerusalemu oo je. <sup>54</sup> Abi eniye odukhokho eyoli ikhi iJemhisi ali iJoni e ro me ghọ, e oli, “Onomhue, waa ke ze ni anye lu erali rote idane tiemhie ro to se we a nya?” ‡

<sup>55</sup> IJesu o nyene alo ukhokho, o dese we, oo we, aa lese ayemhe ni a mhue. Oa khi eri omi ogbọ o bhale ya yese egbọ agbo-a, ama eri o bhale ya tsumhi we. <sup>56</sup> Igho iJesu ali eniye odukhokho eyoli e vu je eoli olese.

*Emini ideba-iJesu-kia o ya mie ogbọ o rue  
(iMat 8.19-22)*

<sup>57</sup> Abi e li lese egho, omose oghuo o o iJesu, “Oga mhi ya ke de be je obiobini wa je kpa.”

<sup>58</sup> IJesu o o li, “Inyako e mhue ese, ipfeli e mhue eko, ama Omi Ogbọ o mhue ashini o do ukhomhi e gbe.” <sup>59</sup> IJesu o gueye omose olese, “Deba mhe.” Oni ogbọ o o li, “Oga, kpe ze ni mhi ya ri itamhe to.”

<sup>60</sup> IJesu o o li, “Zobe ni eni e ghu-a e ri eni e ghu-a to. Yeye fie ke ya gue ungmehi Eghiele oyi Eshinegba le.” <sup>61</sup> Olese o o li, “Oga

‡ 9:35 Li ze Aza 42.1; iMat 3.17; 12.18; iMak 1.11; iLuk 3.22 § 9:35 Li ze 2 iPit 1.17-18 \* 9:46 Li ze iLuk 22.24

† 9:48 Li ze iMat 10.40; iLuk 10.16; iJon 13.20 ‡ 9:54 Li ze 2 Ighie 1.9-16 § 9:61 Li ze 1 Ighie 19.20

mhi ya debe, kpe ze ni mhi ya tse apfemhe, okhila.”§

<sup>62</sup> Ijesu oo li, “Ogbo ni o da ri obo nga egba ni oo she e gua ese, ni o da bino ukhokho ne, oa te ni o lo Eghiele oyi Eshinegba.”

## 10

### *Ijesu o ghie egbo egbhuesetuogbava fie*

<sup>1</sup> Ona o dose se, Onomhue o ze egbo egbhuesetuogbava, o mu we ava-ava, o e ralo na lue ni e kia je ikpe ni oo nono ni loli kia ramhi. <sup>2</sup> Oo we, “Ikhiese oniemhi o la o, eritse eni e khiese we ea bu. Itobo igho, a so lema ita oni o mhue okhiese, ni o ghie eni e khiese bhale ishemhi oyoli.\* <sup>3</sup> A ke le! Eri mhia ghie e abine isumha ne la ifuabo idumhi.† <sup>4</sup> A khi tsua ekuu ukpago we khi akpulu we khi ekuu, a khi tse egbo ode.

<sup>5</sup> “Ini a lo owa okhoghuo, a kpe to de lie ‘Opfomhe o ka la oni owa ona.’ <sup>6</sup> Ini ogbo opfomhe o la agho, opfomhe oye e o deba li, ini aa me, opfomhe oye e o nyene egbe deba e. <sup>7</sup> Apfe okhoghuo ni a da lo ne, a la agho le, a la agho da emiemini e da ro ya na e. Irari khi o ti ni ogbakanya o mie ifata. A khi ke kia te owa da je owa.‡

<sup>8</sup> “Ini a da lo eoli le ni e ro da mie e ne, a le emini e roshi eke na e. <sup>9</sup> A ri eni ee ghua ni e la agho ze, a gueye we, ‘Eghiele oyi Eshinegba o she ti mama e.’ <sup>10</sup> Eoli ni a bhale kpa ni ea da mie e, a je ifu apfe ya lie, <sup>11</sup> ‘Itutu oyi eke oye ni e la anye awe, anye she kpishi we shi eke na e, ni e ya pfi otsele mu e. Ama ee oye e, a lese khi Eghiele oyi Eshinegba o she ti mama e.’§\* <sup>12</sup> Mhi gueye e khi ogbele iso-ezo khi o ya somhi iSodomu egbe dose oni eoli ogho.†

### *Eoli ni ea miesuo (iMat 11.20-24)*

<sup>13</sup> “O ma kholo e egbe, ikhi ee egbo iKorazi! O ma kholo e egbe, ee egbo iBetisaida! Irari khi ini ikanya onyaloa ni a la elemhi e gbe khi a la eke iTai ali iSidoni li gbe we lo, e kha mu nyene agbago. E so ide evie, e shito ukhomhi emue.‡ <sup>14</sup> Eri-tse khi

Eshinegba o ya mhue isomhelemhi na egbo iTire ali egbo iSodomu dose e ogbele iguezo. <sup>15</sup> Ee egbo iKapanomu, eri a dabi khi a ya ti e nga idane? Iiye! Eri a ya ti e tiemhi ilimhi irierie.§

<sup>16</sup> “Oo we, oni o da ri eso shi e o ne, mheme o ri eso shi o. Oni o da kie e, mheme o kie. Oni o da kie mhe ne, oni o ghie mhe o kie.”\*

### *Ijele oyi egbo egbhuesetuogbava*

<sup>17</sup> Igho eni egbo egbhuesetuogbava egho e ri oghole jele. Ee oli, “Onomhue, eri egbegbi iyemhe okphaghe e ri irari eva oye nyese ukhomhi na anye.”

<sup>18</sup> Ijesu oo we, “Mhi me khi okphaghe o rote idane de pfile abi erali akphala. <sup>19</sup> A ghe khe! Mhi she ri afu na e, ni a ro lighi enye ali ikpi dose, ali ni a gbo mu itoto ali ekpabo alo ebili nyaa o le. Emhikhoghuo ea ya li e.† <sup>20</sup> A khi ghele khi okphaghe o ri irari eva oyemhe nyese ukhomhi na e, ama a ke ghele khi a keke eva oye e shi iloghie.”

### *Ijesu o ghele (iMat 11.25-27; 13.16-17)*

<sup>21</sup> Eghenge agho, oghole o te elemhi Ayemhe-no-pfuase vo ijesu egbe, oo li, “Mhi tse uwegbe, Ita ni o mhue eke ali ukhuli. Irari khi u she ri emhi ena sheli egbo ni e fia alo-a ali eni e mema wena ebe. Ama u rewe khase ikuku eniye. Igho lo Ita, irari khi abi o li ghole e shi ghole.”

<sup>22</sup> “Itamhe o she ri emhikpa shi mhe obo. Aa me ogbo ni o lese oni omoo o khi, se ni Ita. Aa me ogbo ni o lese oni Ita o khi, se ni omoo. Eni e ghole oni omoo o ri Ita a khase.”‡

<sup>23</sup> Igho o nyene alo ghue eniye odukhokho eyoli, o bena nu we ngme, oo we, “Ikhivose o khi na ikpalo ni e me emini ee a me. <sup>24</sup> Mhi gueye e khi emekeguele ali ighie ebubu e nono ni wewe e me emini ee a me ali ni e suo emini a suo ena, ama ea dobe.”

### *Ekpita oyi ongi iSamarita onete*

<sup>25</sup> Igho osese Ishi eyi iMosisi oghuo o vule ya mu ijesu fe bino. O mhila li, “Elu mhi fe

\* **10:2** Li ze iMat 9.37-38 † **10:3** Li ze iMat 10.16 ‡ **10:7** Li ze 1 iKori 9.14; 1 iTimo 5.18 § **10:11** Li ze Ika 13.51

\* **10:11** Li ze iMat 10.7-14; iMak 6.8-11; iLuk 9.3-5 † **10:12** Li ze Igbae 19.24-28; iMat 11.24; 10.15 ‡ **10:13** Li ze Aza 23.1-18; Ezik 26.1-28.26; iJoa 3.4-8; Emoo 1.9-10; iZaka 9.2-4 § **10:15** Li ze Aza 14.13-15 \* **10:16** Li ze iMat 10.40; iMak 9.37; iLuk 9.48; iJon 13.20 † **10:19** Li ze Iwolo 91.13 ‡ **10:22** Li ze iJon 3.35; 10.15

ya li ni mhi rọ ya mhuẹ agbọ na agbọagbọ?”  
 26 Ijesu ọ li, “Elo a keke shi ebe Ishi eyi iMosisi? Se u lie ze emini a keke shi ọ?”

27 O ijesu, “Rote ekelemhi udu oye nya ali ayemhe oye nya ali ekpabo eye nya ali isamhi eye nya nono ingme oyi Eshinegba. U gbo nono ingme oyi onuzava oyi e abi u nono ingme egbe e.”§

28 Ijesu ọọ li, “U ga gue gbaghie-a. Lina ke ngeli khi u ya mhuẹ agbọ ona agbọagbọ.”\*†

29 Eri oni osese Ishi eyi iMosisi ona o nono ni lolu rokhase khi lolu lese enana nya. O mhila ijesu, “Oghuo o fe khi onuzava oyemhe?”

30 Ijesu o lina so oli o, “Omose oghuo o ke rote eoli iJerusalemu tiemhi eoli iJeriko. Igho o de ya pfilo ighiatọ abo. E gbe oli bano-a, e keshe ukuku ayemhe shi oli o, e mie oli emini o mhuẹ nya. 31 A bhale ya e khi okpodalo-ugamhi oyi Eshinegba o rote oni ode e dose. Abi o ro me oni omose ni ighiatọ e gbe egho, o da je ukiekie ode ni o kpole ya dose vu. 32 Igho oni o la Owa oyi Eshinegba gbe akanya oghuo, eni a lu iLivaiti, o ramhi agho, o me oli, o li rote ukiekie ode ni o kpole ya dose. 33 Omose ongi iSameria oghuo ni o le asha, o ramhi ashini oni omose o la. O me oli, elemhi oli e lala li. 34 O le deba li, o ku oili ali onyo shi oli ikpe ni o kualu utse. O ri ide gono li ewe. O tsua li nga akphere oyoli, o tsua li bhale owa ni a ku e shi, oo gueye we e ri eloe khu oli.‡ 35 Ogbeakolo o ri ifata ogbele eva na oni o mhuẹ oni ashini a ku e shi. O oli, ‘Kpekpe ri eloe khu omose ona. Ingme ni o ke ya gbe nya, ini mhia jele mhi ya fali e we.’

36 “Oghuo o elemhi egbo aase ena u sa khi o khi onuzava oyi oni omose ona ni ighiatọ e gbe?” 37 Oni osese ushi ọọ li, “Oni o mhuẹ ilelemhi na li.”

Igho ijesu ọọ li, “Li ligho ke ngeli.”

### *Ijesu o je apfe oyi iMata ali iMeli*

38 Abi ijesu ali eniye odukhokho eyoli e li le, e bhale eoli oyi okpotso ni a lu iMata. Oni iMata o mie oli shi owa. 39 Oni iMata o mhuẹ inyoghuo okpotso ni a lu iMeli ni o shito kpeshe ijesu ri esọ shi emini o

sesese. § 40 Abi a li ya mu ijesu epfese, o zu iMata alo, o me asha ri esọ shi emini ijesu o sesese. Igho o bhale deba ijesu, ọọ li, “Wa me khi inyoghuo-mhe o zobe ikanya nya na mhemhe-ghuo a gbe? We o bhale ya kpaghie mhe obọ.” 41 Onomhuẹ ọọ li, “iMata, iMata, u ma kphakpha egbe ke nase egbe e shi itobo emhi ebubu. 42 Ama emhi oghuo o mema mu egbe. iMeli o she ze oni o tine ni o lao, ogbo oya ya mie oli lue.”

## 11

### *Ijesu o sesese abi a lie so iromhi (iMat 6.9-13; 7.7-11)*

1 Ogbeleghuo, ijesu o la asheghuo o so iromhi, Abi o ro so se, omọ odukhokho oyoli oghuo, ọọ li, “Onomhuẹ, sesese anye abi a lie so iromhi abi ijoni o li sesese eniye odukhokho eyoli.”

2 Ijesu ọọ we, “U kha so iromhi, ke lie:

“Ita anye ni o la iloghie,  
 anye ri ufumhi  
 na eva oye no pfuase,  
 Ze ni eghiele oye o bhale.  
 Ze ni a riele  
 oghuemhe oye eke agbo  
 abi o li shi obini iloghie.”

3 Ri eminale ona ogbe-namo na anye le.

4 Gbe olamhe kua na anye,  
 abi anye li e gbe kua na  
 egbo ni e lamhe shi anye o.

Khi ze ni anye de pfilo imufe,  
 ama tsumhi anye  
 obọ oyi okphaghie.’ ”

5 Ijesu ọọ we, “Ini o khia khi onge e o mhuẹ omole ni o ro le deba omole oli itsotso ogbie, ni o re oli, ‘Omue kpekpe ngmomhi irui ibuledi ese na mhe, 6 Irari khi omole mhe ni o la asha o bhale ya kushi na mhe, ama mhia mhuẹ emini mhi ya ro felu oli epfese.’

7 “Ini oni omole o, o rote elemhi owa lie oli, ‘Khi ke nase mhe ghue irari khi mhi she pfi okpe ode, mhemhe ali imimhe anye she yeshi, mhia ke ya dobe vule ya rue emhi okhoghuo ne.’ 8 Mhi gueye e khi ini omole oli o tseku ri itobo khi wewe e khi omole vule

§ 10:27 Li ze iLev 19.18; iDeut 6.5 \* 10:28 Li ze iLev 18.5 † 10:28 Li ze iMat 22.35-40; iMak 12.28-34 ‡ 10:34 Li ze 2 Okhe 28.15 § 10:39 Li ze iJon 11.1



ya rue emini ọọ mhila li na li, ama itobọ khi ọ mema kie le ẹ mhila li tse, ọ mema ya vule ya rue emiemini ọ nono na li.

<sup>9</sup> “Mhi gue ẹ ye ẹ: Mhila khi a ya rọ ne, nono khi u ya me, kpheli obọ ode khi a ya khueghie-a ne. <sup>10</sup> Irari khi oni ọ mhila loli a rọ ọ na, oni ọ nono loli ọọ me, oni ọ kpheli obọ ode loli a khueghie-a a na.

<sup>11</sup> “Eẹ ni a khi ita, oghuo elemhi ẹ omiọli ọ ya mhila li afele ni ọ ya rue enye na li, ocho ni ọ kha rọ ri afele na li? <sup>12</sup> O ke khia khi ini ọ mhila li ekeli, ni u ya rue okpi na li? <sup>13</sup> Ini eẹ ni a khi egbo ebe a lese abi a lie ri egbegbi emhi somhi imie opfa, se Ita ẹ ni ọ la iloghie ọa ke li ya ri Ayemhe-no-pfuase na eni e mhila li?”

### *Ijesu ali Okphaghie*

*(iMat 12.22-30; iMak 3.20-27)*

<sup>14</sup> Eẹ oghuo khi iJesu ọ khu ayemhe okphaghie ungmene fiẹ, ọ khu oni ayemhe fiẹ lase, oni ungmene ọọ ngme. Oni ingme o ri abọ sha egbo ni e la agho. <sup>15</sup> Ama egbo eghuo ẹ, “Ekpabọ ebe oyi iBezebọ ni ọ khi oghie oyi iyemhe ebe, ọ rọ a khu iyemhe ebe fiẹ lase.”\*

<sup>16</sup> Eghuo ọ, e mu ọli fe bino, ẹ ọli ọ riele onyaloa ni o ri wewe ya mie shi ọli ọ khi Eshinegba ọ mie shi ọli ọ.†

<sup>17</sup> Ama iJesu ọ she lese usamhi oyewe, ọ, “Eghiele ni o da kemhi egbo o ya de, omhue-apfe ni o da kemhi egbo o ya de. <sup>18</sup> Ini Okphaghie ọ kemhi egbo, se eghiele oyoli o li ya migha? Eri mhi a ngme ona itobọ khi ẹ khi ekpabọ oyi iBezebọ mhi rọ ọ khu iyemhe okphaghie kua. <sup>19</sup> Mena ini mhi ri ekpabọ eyi iBezebọ ọ khu iyemhe okphaghie kua, ekpabọ onoghuo eniye eyi eẹ e rọ a khu we kua? Eniye eyi eẹ e ya gue ẹ ezọ itobọ ungmeme ni a ngme ena. <sup>20</sup> Ama ini o khia khi ekpabọ oyi Eshinegba mhi rọ ẹ khu iyemhe okphaghie kua, ogho o rokhasẹ khi Eghiele oyi Eshinegba o she bhale ẹ iteva.

<sup>21</sup> “Omose ni ọ mhue ekpabọ ọ kha ri itsua okholi gbanọ egbe egbegbo ni ọ rọọ khe owa oyoli ekhe, itsua eyoli e ya mhue akhukhu. <sup>22</sup> Ama omose ni ọ toto dose ọli ọ

kha tsua okholi mu ọli ni ọ rọ ne ọli abọ, eri ọọ miono ọli itsua okhue nya ni ọ regbenga. Ọ tsua ọli epfue ni ọ mhue shi oni owa vu ya kemhi.

<sup>23</sup> “Oni ọa da ku ma mhe ọ ne, obe mhe ọ khi. Ogbo ni ọa da mu ma mhe ọ ti egbo gbili ne, eri ọọ vese egbo kua.‡

### *Abi ayemhe o lie kia*

*(iMat 12.43-45)*

<sup>24</sup> “Ini ayemhe okphaghie ọ rote ogbo egbe ya fiẹ, eri ọ kpe a kia je ifu odagbe ifufu ni amẹ ẹa la ya nono ashini ọ kpe je ya yemhe-a, ama ini ọa me asha, ọ egbelue, ‘Mhi gbo lo a je owa ni mhi kpe te vu.’ <sup>25</sup> Ini ọ bhale ọ ni ọ rọ bhale ya ẹ khi, a ga fuomhi oni owa muene, emhikpa o ga gue la ayoli kuete. <sup>26</sup> Igho, ọ vu ya wolọ iyemhe oshilua elese ni e kholo dose loli, e bhale ya la oni omose egbe, ikpukhokho oyi oni omose o ke kholo dose abi ọ kpe li.”

<sup>27</sup> Abi iJesu ọ li ngme oni ungmeme ni ona, okpotso oghuo ọ rote oni elemhi ebubu egbo tse se leghe ọọ, “Oni a khi vose na okpotso ni ọ bia ẹ, ni ọ kuele, ọ khi.”

<sup>28</sup> Ijesu ọọ li, “Egbo ni e suo ungmeme ni e rọ ọli gbe akanya, wewe e mema mhue ikhivose ne.”

### *Ọlele oyi ijona*

*(iMat 12.38-42)*

<sup>29</sup> Abi eni egbo e ke li bua shi ọ, iJesu ọọ, “Egbo ebe, egbo agbhotu onana e khi. E mhila ọlele onyaloa, ama aa ya me onyaloa okhoghuo, se ni ọlele oyi ijona omekeguele.§

<sup>30</sup> Abi ijona ọ khi ọlele na egbo iNineve, igho Omi ogbo ọ gbo li ya khi ọlele na egbo ena agbhotu ona.\* <sup>31</sup> Oghie-okpotso oyi eke iSheba ọ ya shito ukpekhomhi ezọ ya gue agbhotu ona ezọ, ọ pfa ezọ mu we, irari khi ọ ke rote eke odonue bhale ya ri eso suo ungmeme ni egbhali oyi oghie iSolomoni, ama ogbo ni ọ fu dose iSolomoni ọ la akana.† <sup>32</sup> Egbo iNineve e ya mu ezọ vule shi agbhotu ona ọ, e pfa ezọ mu we irari khi e mu pfi abi ijona ọ rọ ya ri ungmeme ni oyi Eshinegba tse abọ ye we, memena ogbo ni ọ fu dose ijona ọ la akana.‡

\* **11:15** Li ze iMat 9.34; 10.25 † **11:16** Li ze iMat 12.38; 16.1; iMak 8.11 ‡ **11:23** Li ze iMak 9.40 § **11:29** Li ze iMat 16.4; iMak 8.12 \* **11:30** Li ze ijona 3.4 † **11:31** Li ze 1 Ighie 10.1-10; 2 Okhe 9.1-12 ‡ **11:32** Li ze ijona 3.5

*Egbegbi ákpá**(iMat 5.15; 6.22,23)*

<sup>33</sup> “Aa mę ọgbọ ni ọ ya ri ákpá ru ni ọ ya ri ọli sheli, eri ọ ri ochoghọ ya rue ọli nga ashini o yagha, ni a bhale ya ẹ khi ẹgbọ ni ẹẹ lole ẹ mę eke. § <sup>34</sup> Ikpamhalo eyẹ e khi ákpá oyi idiegbe oye. Ini ikpamhalo eyẹ ẹ mę eke ẹgbegbọ, idiegbe oye nya o khili ákpá. Ama ini u tase alo-a, idiegbe oye nya o khili alo ebili. <sup>35</sup> Itobọ ona khi ze ni ákpá oye o khi alo ebili. <sup>36</sup> Ini idiegbe oye e khili ákpá ni obili ọa rọ la ashikhoghuo ọ, eri o ya ke gę nyanyanya abine khi ákpá o nga ọgbọ egbe.”

*Epfua esesa**(iMat 23.1-36; iMak 12.38-40)*

<sup>37</sup> Abi iJesu ọ rọ ngme se, iFarisi ọghuo ọ lu ọli ọ bhale ya nu luẹ le eminale. Ọ lo deba li ya shito shi oni eminale. <sup>38</sup> Ama abọ e sha oni iFarisi abi ọ rọ mę khi iJesu ọa kpe abọ a neni ọ le emhi. <sup>39</sup> Ighọ Onomhue ọọ li, “Wa mę mena khi ẹ ẹgbọ iFarisi khi eri a kpe ukhokho uko ali itasa eyẹ-a, ama elemhi oye ọ vọ emhi ituegbe ali okhọlo. <sup>40</sup> Ẹ ẹgbọ eyẹghẹ! Ọa khi Eshinegba ni ọ riẹle ukhokho ọ ọ gbolo ẹ riẹle elemhi ọ? <sup>41</sup> Ama a rue emini e la elemhi uko ali utasa na ẹgbọ ni ẹa mhue, ẹghẹghẹ aghọ emhikpa e ya pfuase na ẹ.

<sup>42</sup> “O ma a khọlo ẹ ẹgbọ iFarisi egbe gba, itobọ khi a guẹ ze aze-oghuo-igbe ebe akhokho, ali ebe alagho ali ebe elese ni a rọte ogba ẹ khiesẹ, emini ẹa lolo mu ẹloe. Ama igue-sọ-ẹzọ ali inono onayi Eshinegba, a ri obọ gbe wẹ shi. Ena e khi emini a kha mema ke riẹle, ma eni a riẹle eghọ.\*

<sup>43</sup> “O ma a khọlo ẹ ẹgbọ iFarisi egbe gba, irari khi ukpekhomhi ni o yagha a nono elemhi owa ugamhi ali otse ekpe elemhi oki.

<sup>44</sup> “O ma a khọlo ẹ egbe irari khi eri a li abi uji oyi ẹgbọ ni ọgbọ ọa shi ọlele shi ni ẹgbọ e lighi ẹ dose, ni ẹa lese.”

<sup>45</sup> Osese ushi ọghuo ọ soli ọ, ọọ, “Osese, ini u wa ngme enana, eri u li ri anye ma ọ mę bie.”

<sup>46</sup> IJesu ọ soli ọ, ọọ, “O ma a khọlo ẹ ni a sese Ishi eyi iMosisi egbe, irari khi eri a

sọ itsua ni ẹgbọ ẹa dobe ya tsua na wẹ tsua, ama ẹ ẹa lama ya tsua ugegemo.

<sup>47</sup> “O ma a khọlo ẹ egbe irari khi ẹ ẹa manọ iji na emekeguele ni itita ẹ e gbolo-a. <sup>48</sup> Eri a pfi otsele shi ọ, a gbo mu ma emini itita ẹ riẹle irari khi wewe e gbolo emekeguele eyi Eshinegba a, ẹ ẹa manọ iji na wẹ. <sup>49</sup> Itobọ ona, rọte ilęsingme oyi Eshinegba, ọ rọ liẹ, ‘Mhi ya ghie emekeguele ali ighiusomhi na ke ẹ ghi wẹ, e ya gbolo eghuo ọ-a, e mu okhọli vule shi elese ọ.’ <sup>50</sup> Itobọ ighọ Eshinegba ọ ya mu ota sọ ẹgbọ ena agbhotu ona, shi ọlia eyi emekeguele nya, rọte ẹghẹghẹ ni agbọ ona o te gba eke le. <sup>51</sup> Rọte ọlia eyi Ebeli ya ramhi ọlia eyi iZakaraya ni a gbe-a shi iteva Owa oyi Eshinegba ali atete. Ighọ lo! Mhi gueye ẹ khi a ya na ẹ osue to ọ.†

<sup>52</sup> “O ma khọlo ẹ ẹ ni a lese Ishi eyi iMosisi pfo egbe, irari khi a she rue okpe ni a rọ ẹ khueghie ode ilęsingme sheli. Ẹ ẹ na, aa lama lo, ẹgbọ ni ẹ nono ni wewe e lo, aa ze ni e mę asha dose lo.”

<sup>53</sup> Abi iJesu ọ rọ rọte aghọ vu, ẹgbọ iFarisi ali esese Ishi eyi iMosisi e mu okhọli vule shi ọli ọ ẹgbegbọ. E ri omhila ọdọda a khi ọli ode. <sup>54</sup> Ini e ba mę asha mu ungmehi mhọli ọli obọ.

**12***IJesu ọ tse agua shi iri-ugamhi-kualo*  
*(iMat 10.26-27)*

<sup>1</sup> Eghẹghẹ ana ebubu ẹgbọ agbele agbele e legba, ni o ramhi ni e rọ lighi egbewe, iJesu ọ nu eniye odukhokho eyọli ngme, ọọ wẹ. “A mu egbe ẹ shi iri-ugamhi ku alo oyi ẹgbọ iFarisi ni o li abi ifuma ni a rọ ma ibuledi ẹ nye.”\* <sup>2</sup> Irari khi aa mę emini a rọ sheli ni ọa ya lasele, wẹkhi eri a mę emini a khukhu ni ọa ya khueghie-a. <sup>3</sup> Ungmemhi ni u ngme eliyose a ya suọ ọli ẹle ọguota. Emini u nyese ọgbọ esọ gueye elemhi owa aza, a ya suọ ọli eko ukhomhi owa.†

*Oni a ya na ulishi*  
*(iMat 10.28-31)*

<sup>4</sup> Emole mhe, abi o la mhi li gue ọli ẹ ye ẹ, a khi na ulishi ẹgbọ ni o khia khi idiegbe

§ **11:33** Li ze iMat 5.15; iMak 4.21; iLuk 8.16 \* **11:42** Li ze iLęv 27.30 † **11:51** Li ze Igbae 4.8; 2 Okhe 24.20-21

\* **12:1** Li ze iMat 16.6; iMak 8.15 † **12:3** Li ze iMak 4.22; iLuk 8.17

e leṣe doḅe ya gbe-a, ini e gbe idiegbe-a, ẹa ke mhuẹ emhi olese ni e ke doḅe ya li. <sup>5</sup> Ama mhi ya gueye ẹ oni a ya na ulishi. A na ulishi Ẹshinẹgba ni o mhuẹ itoto ni o kha gbe oḡḡo se, o gbo pfi oḷi lo ilimhi iriẹriẹ. Abi o li mhi li gue oḷi ẹ ye ẹ, a na ulishi oyḷi. <sup>6</sup> Oa khi ikḡḡo eva a ri ipfeli isuṣue oshe ẹ de? Ama abi o riẹ khi igho, Ẹshinẹgba o a yele oḡḡe ọkhoghuo a. <sup>7</sup> Egbegbo lo khi, Ẹshinẹgba o she leli itsu ni e la ẹ ukhomhi nya. Itobo igho a khi ze ni ulishi o mu ẹ, irari khi a mu ẹlo ẹdoṣe ipfeli isuṣue ebubu.

*Eni e migha na iJesu ali eni e kie oḷi  
(iMat 10.32,33; 12.32; 10.19,20)*

<sup>8</sup> Abi o li mhi li gue oḷi ẹ ye ẹ khi, oni o da lama gue ingme oyemhe ye egbo ne, Omi oḡḡo o li ya gue ingme oyḷi ye igeni eyi Ẹshinẹgba. <sup>9</sup> Ama oni o da kie mhe ukpeloe egbo, mhi ya li kie oḷi ukpeloe igeni eyi Ẹshinẹgba. <sup>10</sup> Oḡḡo ni o da ze emuebe na Omi oḡḡo ne, a ya gbekua na li. Ama oḡḡo ni o da pfi unu-a deba Ayemhe-no-pfuase, oḡḡo a ya gbekua na li.†

<sup>11</sup> Ini a rue ẹ bhale owa ugamhi oyi egbo iJu ali egbo eni ẹ mhesẹ ali enighie, a khi ze ni a yele abi a ya ngme, ali abi a li ya pfa egbe ẹ shi eke. <sup>12</sup> Irari khi Ayemhe-no-pfuase o ya sese ẹ abi a ya ngme oni egheghe.‡

*Okhe irokhokho oyi oyeghe*

<sup>13</sup> Oḡḡo oghuo elemhi eni ebubu egbo o lu iJesu, oḡḡo li, “Osesẹ kpekpe gueye inyoghuo-mhe ni o kemhi ugu na mhe.” <sup>14</sup> IJesu o so oḷi o, oḡḡo, “Oghuo o zemhe shi oni o re ẹ a gue ezḡ ali oni oḡḡo kemhi ugu na egbo?” <sup>15</sup> Igho o gueye we nya, “A mu egbe ẹ shi emhi ituegbe, irari khi agbo oyi oḡḡo o a migha nga ukhomhi epfue ni o mhuẹ.”

<sup>16</sup> O ze okhe irokhokho ona khase we, oḡḡo we, “Eke oyi omose ni o pfue oghuo, o lolo ti emhi na li. <sup>17</sup> Oni omose o shitḡ sa, Oo, ‘Se mhi li ya kia egho? Mhi a me asha ke ri emhi ya shi aka oyemhe.’

<sup>18</sup> “Igho oḡḡo, ‘Emini mhi ya riẹle na. Mhi ya guoghḡo aka oyemhe-a, mhi ya to aka onofunẹ olese ni mhi ro so iakpa ali itsua

elese shi. <sup>19</sup> Egheghe agho mhi egbemhe, Omue u ze ukhomhi onete gba e! Irari khi u mhuẹ epfue ni e bububu, ni e ya tsua-ẹ ramhi ikpe ebubu. Ka yemhe-a, ke le, ke da. Wa li agbo abi o ghole ẹ.’ ”

<sup>20</sup> “Ama Ẹshinẹgba oḡḡo li, ‘Ye ye oyeghe! U ya ghu-a amiose; mena oghuo o ke ya mholi eni ugu ni u she ti ma na egbe ẹ?’

<sup>21</sup> “Igho o ya li oḡḡokpa egbe ni o da ti epfue ma na egboḷi, ni o a mhuẹ epfue oyi emini o mu Ẹshinẹgba ẹlo.”

*A khi ke sa usamhi agbo  
(iMat 6.25-34)*

<sup>22</sup> Igho iJesu o gueye eniye odukhokho eyḷi, oḡḡo we, “Irarigho, a khi ze ni usamhi emini a ya le ali usamhi emini a ya da, o nase ẹ, wekhi usamhi idiegbe oye emini u wa so. <sup>23</sup> Agbo oye o mu egbe doṣe eminale, idiegbe oye o gbo mu egbe doṣe ode ni a so ẹ shi o. <sup>24</sup> A bino ipfeli na ukhomhi idane, ẹa ro ko wekhi eri ẹ khiese, ẹa mhuẹ ashini e tsua eminale a shi wekhi eri e mhuẹ aka, ama eri Ẹshinẹgba o ro na we a le. A mu ẹlo ẹdoṣe we! <sup>25</sup> Onge ọnoghuo o ya doḅe ri irari inyama-egbe oyḷi khi ogbeḷe oghuo ma agbo oyḷi? <sup>26</sup> Aborokhia khi u wa ya doḅe riẹle ukuku emhi onana, elo o ze ni u ro a nase egbe ẹ shi emini e kpole?

<sup>27</sup> “Sa o bino abi ebuli idodo e li ẹ fu. Ea ya gbe akanya wekhi eri ẹ do ide. Ama mhi gue a ye ẹ khi egbegbi iSolomoni ni o tseku ligho mhuẹ itsua ni e somhi otse, o a khue akhue nabi ebuli okhoghuo o khue.\* <sup>28</sup> E ẹ ni a mhuẹ ukuku irudunga, ini o khia khi igho Ẹshinẹgba o ri ide ku ebuli egbe, ni e kha laḡ amo, akḡ a tose we-a, se u ke lie sa khi o a ya li ri egbegbi itsua so ẹ?

<sup>29</sup> “Irarigho, a khi ke sa emini a ya le ali emini a ya so; a khi ze ni o nase ẹ udu.

<sup>30</sup> Irari khi egbo ena agbo ona nya, we we e na khu emhi enana, ama Ita ẹ ni o la iloghie o leṣe khi e to ẹ. <sup>31</sup> Ochoghḡo emiemini u wa riẹle nya, ze ni Eghiele oyi Ẹshinẹgba o khi onodode, emhi elese ni u wa nono nya, o ya rewe ma o ne.

*Epfue na obini iloghie  
(iMat 6.19-21)*

† 12:10 Li ze iMat 12.32; iMak 3.29 § 12:12 Li ze iMat 10.19-20; iMak 13.11; iLuk 21.14-15 \* 12:27 Li ze 1 Ighie 10.4-7; 2 Okhe 9.3-6

<sup>32</sup> “A khi zẹ ni ulishi o mu ẹ, ẹẹ ikuku isumha, irari khi ọghuẹmhe oyi Ita ẹ o khi ni ọ rọ ri oni eghiele na ẹ. <sup>33</sup> A ri emhikpa ni a mhue ẹ, a kemhi eni ikpaghọ na eni ẹa mhue. A zẹ ni a mhue ẹkuẹ ukpaghọ ni ọa ya khakha, ali ni a gbo mhue ẹpfue shi iloghie ni ọa ya pfo wẹkhi oghiatọ ọ mẹ asha a ti bhale ọ, wẹkhi ifu e mẹ asha a tọwẹ, <sup>34</sup> Irari khi ashini ẹpfue oyẹ o la, aghọ udu oyẹ ọọ la.

*A mu egbe shi eke khe ibhale oyi Onomhue*

<sup>35</sup> “A mu egbe shi ugamhi, a zẹ ni ikpa eye ẹ e ke ge.† <sup>36</sup> Abi eni ẹ ga ọgbọ e migha khe ijele oyi oni ọ mhue wẹ ni ọ ye ukue ni a rọ a rue ọkpotoso, ini ọọ bhale ni ọ rọ kpheli obọ ode, e nyanya khueghie ode a na li aghoaghọ.‡ <sup>37</sup> O ma ti eni ẹ ga ọgbọ eghọ egbe ini oni ọ mhue wẹ ọ bhale ya ẹ khi e mu egbe migha khe lue. Abi o la mhi gue a ye ẹ khi, ọ ya mu egbe akanya, ọ lu wẹ, ọ nu wẹ shito, ọ ri eminale na wẹ le. <sup>38</sup> Oghẹle o ya khi na eni eni ẹ ga eghọ ini oni ọ mhue wẹ ọ bhale ya ẹ khi e mu egbe shi eke ini o tseku khi itsotso ogbie, o ke khi ini ogbe o ya gbe ọ rọ bhale. <sup>39</sup> A lẹse ona khi ini oni ọ mhue apfe ọ lẹse eghẹghẹ ni oghiatọ ọ rọ ọ bhale ọli owa ya do lo, ọa kha zẹ ni ọ lo ọli owa ya do. <sup>40</sup> Ẹẹ oyẹ ẹ a ke mu egbe, irari khi Omi ọgbọ ọ dobe ya bhale eghẹghẹ ni aa sa shi.”§

*Oni ọ gue ẹ ga ali oni ọa gue ẹ ga (iMat 24.45-51)*

<sup>41</sup> IPita ọ mhila li, ọọ, “Onomhue anye u kpe ekpita ona ye abi ọgbokpa?”

<sup>42</sup> Onomhue ọọ li, “Oghuo ọ fe khi oni ọrẹloekhu, ni ọ mholi ilẹsingme, ni ọọ gbe akanya te ode igesikia, ni ọga oyọli ọ ri apfe nga obọ, ni ọ gueye ọli ọ ri eminale na eni ẹ ga li ke le shi eghẹghẹ? <sup>43</sup> Ikhivose o khi na oni ọ ga ọgbọ ogho, ini ọga oyọli ọ bhale ya ẹ ọli shi igue-riẹle. <sup>44</sup> Mhi gue a ye ẹ khi eri ọ ya ri emini ọ mhue nya nga ọli obọ. <sup>45</sup> Ama ini oni ọọ ga ọgbọ ogho ọ la udu oyọli lie, ‘Oga oyemhe ọ she tẹse ẹ dose,’ ni ọ rọ gbe eni ẹ ga eni ikpotso ali eni emose ni a rọ shi ọli obọ, ọọ le, ọọ da, onyo ọọ gbe ọli. <sup>46</sup> Eri oni ọga oyọli ọ ya bhale ẹle ni ọa sa shi ni ọa ri

eloe shi eke ẹ khe ọli, ikhi eghẹghẹ ni ọa sa shi. Oni ọga oyọli ọ gbe ọli, ọ kuale ọli utse, ọ ghie ọli abọ pfilo deba ẹgbọ umha-sueso.

<sup>47</sup> “Ama oni ọọ ga ọgbọ ogho, ni ọ lẹse ọghuẹmhe oyi ọga oyọli, ni ọa mu egbe ni ọ rọ riẹle ọghuẹmhe oyọli, a ya gbe ọli itali, a nali osoli egbegbo. <sup>48</sup> Ama oni ọ ga ọgbọ ni ọa lẹse ọghuẹmhe oyi ọga oyọli ni ọọ riẹle emini o ye ni a gbe ọli shi, a ya gbe ọli ukuku. Irari khi oni a ri emini e bu na, emini e bu a ya mhila li. Oni a ri emini e lolo bu nga obọ, emini e lolo bu a ya mhila li.

*Ijesu ọa ri opfomhe bhale ama okemhi (iMat 10.34-36)*

<sup>49</sup> “Erali mhi bhale ya pfi shi eke agbo ona. Abi a khe khi e she a lala. <sup>50</sup> Mhi mhue ibatizi ni mhi ya mie shi egbe. Egbe ẹa ke sheshe mhe ne ini mhia li mie ọli se.\* <sup>51</sup> Eri a dabi khi opfomhe mhi rọ bhale eke agbo? Iiye! Okemhi mhi rọ bhale. <sup>52</sup> Rote memena vu, ẹgbọ oshe ni e la omhue-apfe oghuo e ya kemhi egbe. Aase ọ e mu okholi vule shi aava ọ, aava ọ e mu okholi vule shi aase ọ. <sup>53</sup> Ita ali omioli onomose e ya mu okhue vule shi egbe wẹ ọ. Inyo ali omioli onokpotso e mu okhue vule shi egbe wẹ ọ. Inyodo ali osami ọli, e ya mu okhue vule shi egbe wẹ ọ.”†

*Ilese emini eghẹghẹ o ngme (iMat 16.2,3)*

<sup>54</sup> Ijesu ọ gueye eni ẹgbọ nya, ọọ, “Ini a da mẹ khi otughunu o gbe shi obini ovọ o te ẹ tiemhi eko ne, aghoaghọ a lie khi amẹ o ya rue, amẹ o rue esheshigho. <sup>55</sup> Ini akpekpeli o rọte ukiekie ogobo ini a so alo ghue obini ovọ o te ẹ lo eko ẹ li ne, ẹ khi ogbe o ya nye amo, esheshigho o ligho. <sup>56</sup> Ẹẹ erugamhi-ku-alo, a lẹse abi a lie bino abi eke ali ukhui o ngme, a guele abi ogbe o ya li. Elo o zẹ khi aa lẹse abi eghẹghẹ o ngme memena?”

*Ye ye ali obe ẹ a rọ nu egbe riẹle (iMat 5.25-26)*

<sup>57</sup> “Elo o zẹ khi a gueye egbe ẹ emini o te ode ni a ke riẹle ọli? <sup>58</sup> Abi ye ye ali oni ọ lue ezọ a lie ke le ikotu, roshẹka ni a rọ riẹle neni a ramhi ikotu. Ini ọa khi igho, eri ọ ya ti ẹ bhale ufuege oyi osọ-ezọ, oni osọ-ezọ ọ mu ẹ

† 12:35 Li zẹ iMat 25.1-13 ‡ 12:36 Li zẹ iMak 13.34-36

† 12:53 Li zẹ iMika 7.6

§ 12:40 Li zẹ iMat 24.43-44 \* 12:50 Li zẹ iMak 10.38

ghi ọni ọ omhese, ọni ọ mhese egho muẹ ya pfilo owa ighumha. <sup>59</sup> Mhi gueye ẹ khi u wa ya tigbe lase agho le, ini u wa li fali oko ni a ya fiẹ pfo nya.”

## 13

### *Ini ẹẹ aa li mupfi eri a li ya pfua*

<sup>1</sup> Eghẹghẹ agho, ẹgbọ eghuo ni e la agho e gueye iJesu abi oghie iPaleti ọ ku ọlia eyi ẹgbọ iGalili eghuo ni ọ gbolo-a ma ọlia eyi elamhako ni a ro luase obo. <sup>2</sup> IJesu ọọ wẹ, “Eri a dabi khi olamhe eyi eni ẹgbọ iGalili egho e dose olamhe eyi ẹgbọ iGalili ni e kpole, ni o ze khi e gho na wẹ osue? <sup>3</sup> Iye! Aa khi igho, ini ẹẹ aa li mupfi, igho ẹẹ a ya li pfua. <sup>4</sup> Abi khi eri a dabi khi ẹgbọ ogbalale ni owa atonga ni o la eke iSiloamu o de mu gbolo-a egho, khi olamhe eyewe e kholo dose eyi ẹgbọ ni e kpole ni e la iJerusalemu? <sup>5</sup> Iye! Mhi gue ẹ ye ẹ khi ini ẹẹ aa li mu pfi, igho a li ya pfua.”

<sup>6</sup> Agho iJesu ọ la ze okhe irokhokho oyi ọara okhua-eni ni ọa ya mo. Ọọ wẹ, “Omose ọghuo ọ ko okhua-eni shi ogba upfonu. Ọ je ọ ya bino ini loli me udumhi ọ pfa, ama ọa me emhikhoghuo ọ. <sup>7</sup> Ọ gueye omose ni ọ ri eloe a khu oni ogba upfonu, ọọ li, ‘Oonokpe-ese na ni mhi te ẹ kiasẹ oni ọara ona ini mhi me udumhi ọ, mhia me okhoghuo. Ka khi ọli-a, elo o ze ni o ro le eke shi afue?’

<sup>8</sup> “Oni omose ọ lema oni ọ mhue oni ogba ipfonu, ọọ li, ‘Oga kpekpe ze ọli obọ ukpe ona bino ni mhi gua gase udi ọli, ni mhi ku ifatalaza shi ọ bino. <sup>9</sup> O kha mo idumhi ishukpe, o ti, ama ini ọa ke mo, u khi ọli-a.’”

### *IJesu ọ ri okpotso ni ọ guoghọ-a ze ẹle iyemhea.*

<sup>10</sup> Ẹle iyemhea, iJesu ọ la owa ugami u sese ẹgbọ. <sup>11</sup> Okpotso ọghuo ọ la agho ni o khia khi o gbe ikpe igbelele ni ayemhe okphaghie o te mu ọli gonọ-a. Eri ọ ke nyese, ọa ke dobe ẹ vule migha. <sup>12</sup> Abi iJesu ọ ro me ọli, ọ lu ọli lasele, ọọ li, “Kpotso, ughuamhi oye o she pfo.” <sup>13</sup> Ọ ri abọ nga ọli egbe, aghoaghọ oni okpotso ọ vule migha, ọ kueghie Eshinegba. <sup>14</sup> Elemhi e bi oni ọ mhese shi oni owa ugami khi iJesu ọ ri oni okpotso ze ẹle iyemhea. Oni omose ọọ ẹgbọ

ni e le gba, “Ogbele esesa e la ẹfo uka ni awa ro ọ gbe ikanya, a ke bhale eni ogbele esesa egho ni a la ọ re ẹ ke ze, ama a khi ke bhale ẹle iyemhea.”\* <sup>15</sup> Onomhue ọ so li ọ, ọọ, “Eẹ ẹgbọ eri ugami ku alo, ọa khi eri a taghie ichi ali ikphere eye-a shi ashini a genọ wẹ shi, a rue wẹ je okẹ ya da amẹ ẹle iyemhea?” <sup>16</sup> Elo o ke ze ni okpotso ọna ni ọ li khi omiomi Aburaamu ni okphaghie ọ she genọ ikpe igbelele, ni aa ro li ya taghie ọli-a ẹle iyemhea? <sup>17</sup> Abi iJesu ọ ro ngme ona se, omama o mu ẹgbọ ni e mu okhọli vule shi ọli ọ, ama ikanya onyaloa nya ni ọ gbe o ri egbe e mu eni ẹgbọ.

### *Okhe irokhokho oyi ukpamhi ọara iMositadi*

*(iMat 13.31-32; iMak 4.30-32)*

<sup>18</sup> IJesu ọ mhila wẹ, ọọ, “Se Eghiele oyi Eshinegba o fe li? Elo mhi fe ya ri ọli khokho? <sup>19</sup> Eri o li abi ukpamhi ọara iMositadi ni ọgbọ ọ rue ya ko ogba. Oo fu, o mele ukpokpomhi ọara ni ipfeli e ku eko shi iguabo eyoli a.”

### *Okhe irokhokho oyi ifuma*

*(iMat 13.33)*

<sup>20</sup> Ọ gbo ro mhila wẹ, “Elo mhi fe ya ri Eghiele oyi Eshinegba khokho? <sup>21</sup> Eri o li abi ifuma ni okpotso ọ ro ma italabi ifulawa ese wushe ni o fuma shio.”

### *Ode na pfi*

*(iMat 7.13,14,21-23)*

<sup>22</sup> Eghẹghẹ agho, iJesu ọ kiakia ẹoli khi ẹoli, ọ sese ẹgbọ abi ọ li je iJerusalemu. <sup>23</sup> Ogbọ ọghuo ọ mhila li, ọọ, “Onomhue, ikuku ẹgbọ tse Eshinegba ọ ya mie pfuese?”

IJesu ọọ wẹ, <sup>24</sup> “A rosheka ni a rote unu-ode na pfi lo. Mhi gue a ye ẹ khi ebubu ẹgbọ e ya rosheka ni wewe e lo, ama, ẹa ya dobe. <sup>25</sup> Itobọ khi ini oni ọ mhue owa ọ da vule ya pfi okpe ode ne, eri a mema migha olase ke kpheli ode shi afue, a lema, a lie, ‘Oga kpekpe khueghie ode a na anye.’

“Ama ọ so wẹ ọ, ọọ, ‘Mhi aa lese ẹ wexhi eri mhi lese obini a te bhale.’

<sup>26</sup> “Eghẹghẹ agho, a ya lie, ‘Anye nu ẹ le, anye nu ẹ da, u gbo la ifu apfe eyi anye e sese.’

\* 13:14 Li ze Okiali 20.9-10; iDeut 5.13-14

27 “Ama ọ ya gbo liẹ, ‘Mhia lẹsẹ obini a te bhale. Eẹ nya a vu mhẹ ana lasele, eẹ ẹgbọ ọkhọlọ.’† 28 Aghọ ẹgbọ e la ke viẹ, eẹ gbe akọ akọ, ini a mẹ Aburaamu ali Aziki ali iGiekọpu ali emekẹguele obini Eghiele oyi Eshinẹgba ama a khu ẹ ya lase. 29 Eghẹghẹ aghọ ẹgbọ e ya rọte obini ovọ o te ẹ ngale ali obini ovọ o te ẹ lo eko, ali ukiẹkiẹ obita ali ukiẹkiẹ ọgobọ ini a sọ alo ghue obini ovọ o te ẹ lo eko bhale, e ya shitọ shi ukue na Eghiele oyi Eshinẹgba.‡ 30 A bino khi a ya mẹ ẹgbọ eghuo ni e kpẹ kpe ukhokho e ya kpe odalo, ẹgbọ ni e kpẹ kpe odalo e ya ke kpe ukhokho.”§

### *Ingme oyi iJerusalemu o to iJesu egbe (iMat 23.37-39)*

31 Eghẹghẹ aghọ ẹgbọ iFarisi eghuo e bhale deba iJesu, ẹ ọli, “Vu ana lasele irari khi oghie Erọdu ọ nono ni lọli gbe-a.”

32 IJesu ọọ wẹ, “A ka gueyẹ ọni anyako ọghọ, ‘Khi mhi ya khu ayemhẹ ọkphaghie ẹgbọ egbe lasele ali mhi gbo ri ẹgbọ ya ze amo ali akọ, ama akọpfua mhi ya gbe akanya oyemhẹ pfo.’ 33 Abibi o riẹ li, mhi mema ya ti okiali ke je odalo, amo ali akọ ali akọpfua, irari khi ọmekẹguele ọkhọghuo ọa khi ọni ọ mẹ asha a ghu shi ẹoli oboese sẹ ni iJerusalemu.

34 “Eekhue-oo! IJerusalemu, iJerusalemu. Eẹ ni a gbolo emekẹguele-a, ni a gbolo ẹ tono eni a ghie ghi ẹ eche, iti-ingme o ghọle mhẹ ni mhi kono imiẹ kugbe, abi ọkhokho ọ liẹ kono imi ọli shi ifu ipfua, ama ọa ghọle ẹ! 35 A bino khi apfẹ oyẹ ẹ khi ikpukpu igbe e ke khi. Khi ọgbọ ọa ke la ọ, mhi gue a yẹ ẹ khi aa ke ya mẹ mhẹ, sẹ ini oni eghẹghẹ o ramhi ni a ke rọ a liẹ, ‘Eshinẹgba ọ khi vọsẹ na ọni ọ ri eva oyi Ọnọmhuẹ bhale.’ ”\*

## 14

### *IJesu ọ gbo ri ọgbọ ze ẹlẹ iyemhẹa*

1 Ogbẹlẹghuo ẹlẹ iyemhẹa, iJesu ọ je apfẹ oyi ọkhẹmhuẹ iFarisi ọghuo ya le eminale, ẹgbọ e ri ẹloe mema shi ọli egbe ni e mẹ emini ọ ya li. 2 Itobọ khi ọmọsẹ ọghuo ọ la aghọ ni ọ fumhi abọ ali awe. 3 IJesu ọ mhila eni iFarisi ali eni ẹ sẹsẹ Ishi eyi iMosisi, “O

fẹ ti elemhi Ishi eyi iMosisi ni ọgbọ ọ rọ ri ọgbọ ze ẹlẹ iyemhẹa, abi khi ọa ti?” 4 Ama ẹa pfa shi ọli eke. Ighọ ọ pfi obọ rue ọni ọmọsẹ, ọ rọli ze, ọ rue ọli obọ-a, ọli ọ ke je.

5 Ọ mhila wẹ, ọọ wẹ, “Ọngeẹ ọnoghuo ọ ya mhọli ọmọ, o ke khi ẹna ni ọ ya de pfilo ilija ni ọa ya nyanya mu ọli ọ lasele, ini o riẹkhi ẹlẹ iyemhẹa?”\* 6 Ẹa mẹ sọ shi ọli ọ.

### *IJesu ọ sẹsẹ osẹsẹ iregbe-tiemhi eke*

7 IJesu ọ mẹ abi ẹgbọ eni a lu bhale oni ukue, e li ya shitọ ashini o mhue ekpẹ shi oni ukue, ọ zẹ okhẹ irọkhokho khasẹ wẹ, ọọ wẹ, 8 “Ini ọgbọ ọ lu ẹ bhale ukue ni a la rue ọmueshi khi kpẹ tode ya shitọ ashini o mhue ekpẹ, itobọ khi, otse a she li kpẹ lu ọgbọ ni ọ mu ẹloe dose li shi oni ukue. 9 Ini a mẹ ghọ, ọni ọ lu ẹ shi ukue, ọ ya bhale deba ẹ, ọọ, ‘Kpẹkpẹ vule ni ọmọsẹ ọna ọ shitọ.’ Eghẹghẹ aghọ u ri omama ya shitọ ukpẹkhomhi onikeke. 10 Ama ini a lu ẹ shi ukue, kpẹ ya rue ukpẹkhomhi onikeke shitọ na rọ bhale ya ẹ khi ọni ọ lue shi oni ukue ọ bhale deba ẹ, ọọ ‘Ọmue, vule je ukpẹkhomhi ni o yagha.’ Eghẹghẹ aghọ u mhue ekpẹ shi ukpẹloe oyi ọgbokpa ni ọ ga la oni ukue.† 11 Irari khi ọni ọ da ti egbọli nga, a ya ti ọli tiemhi, ama ọni ọ da ti egbọli tiemhi, a ya ti ọli nga.”‡

12 Ighọ iJesu ọ gueyẹ ọni ọ lu ọli shi oni ukue, “Ini u ya nye ekhe feli ẹgbọ, khi lẹsẹ lu emole ẹ, ali inyoghuo ẹ, ali ẹgbọ eye ali eni e pfue tse, irari khi e li dobe ẹ ghie lu ẹ shi ekhe ni e nye ẹlẹlese, ni o li abine khi e she fali ẹ ota to ọ. 13 Ama ini u mhọli ukue, luno ẹgbọ eni ẹa mhọli ali ẹgbọ eni ẹa mhọli awe ẹ kia ali eni e guoghọ awe-a ali ezalo. 14 Eghẹghẹ aghọ u mhọli ikhivose. Itobọ khi ẹa ya dobe fali ẹ oru to ọ. U ya mẹ eleli ogbẹlẹ ite-eghuli-guale oyi ẹgbọ ni e pfuase.”

### *Okhẹ irọkhokho oyi ukue Oniemhi (iMat 22.1-10)*

15 Abi ọmọsẹ ọghuo ni e ga shitọ shi eni ekhe, ọ rọ suọ abi iJesu ọ ngme, ọọ li, “Oghẹlẹ o ya khi na ọgbọ ni ọ ya la ukue na Eghiele oyi Eshinẹgba le emhi.” 16 IJesu ọ sọ

† 13:27 Li zẹ Iwolo 6.8 ‡ 13:29 Li zẹ iMat 8.11-12; 22.13; 25.30 § 13:30 Li zẹ iMat 19.30; 20.16; iMak 10.31

\* 13:35 Li zẹ Iwolo 118.26; ijere 22.5 \* 14:5 Li zẹ iMat 12.11 † 14:10 Li zẹ Ekpi 25.6-7 ‡ 14:11 Li zẹ iMat 23.12; iLuk 18.14

oli o, o o li, “Omose oghuo o mu egbe ni o ro ya mhuẹ ukue oni emhi. O lu ebubu egbo shi oni ukue. <sup>17</sup> Eghẹghẹ oni ukue o ramhi, o ghie oni o o ga li ghi egbo ni o lu shi oni ukue, o o li o ka gueye we, o lie, ‘A bhale khi mhi she mu egbe se.’

<sup>18</sup> “Ama ogbogbo o guele emini o ze khi loli a ya me asha bhale. Oni odode o o li, ‘Mhi lese de eke ishemhi, mhi ya le ya bino oli. Kpekpe khi wola.’

<sup>19</sup> “Olese o o li, ‘Mhi lese de ena agbhagh-hamhi ishe ni a ge toma aava aava kugbe, ni a ro gua ishemhi. Mhi ya le ya rewe gbe akanya bino. Kpekpe khi wola.’

<sup>20</sup> “Igho olese o o, ‘Mhi lese rue okpotso mhi aa ya me asha bhale.’

<sup>21</sup> “Igho oni o o ga ni a ghie egho, o nyene egbe ukhokho ya gueye oga oyoli, abi eni egbo e ngme nya. Igho elemhi e li bi oni odapfe. O o oni o ga li, ‘Nyanya fi je olase, ka kia ode ni e je ifu apfe nya, wolo egbo eni ea mhuẹ. Eni e ghu abo ali awe-a ali ezalo ali eni ea dobe a kia bhale.’

<sup>22</sup> “Igho oni o o ga ogbo o bhale, o o ‘Oga mhi she ye usomhi ni u ghie mhe, ama owa o kie vo egbo ne.’

<sup>23</sup> “Igho oni oga o gueye oni o o ga ogbo ogho, o o, ‘Je ode ali ifu apfe ya lu we lolo ni owa oyemhe o vo. <sup>24</sup> Mhi gueye e khi ogbokhoghuo o la egbo ni mhi ri ebe ghi ni o ya ri unu mu eminale ni mhi nye.’ ”

*Emini o ya gbe e, ni u ro khi omọ odukhokho*

*(iMat 10.37,38)*

<sup>25</sup> Ebubu egbo e deba iJesu le iJerusalemu, iJesu o nyene alo gueye we, o o we, <sup>26</sup> “Ini ogbo okhoghuo o da nono ni loli bhale deba mhe ni o ro da kie itali ali inyoli ali ughue oli ali imioli, ali inyoghue oli, ali agbo oyoli ne, o ya dobe khili omọ odukhokho oyemhe. § <sup>27</sup> Ogbo ni o da tsua apfida oyoli ke deba mhe ne, o ya dobe khi omọ odukhokho oyemhe.\*

<sup>28</sup> “Ongẹe onoghuo o ya to owa atonga ni o ya kpe tode shito ta ingme ni o ya gbe oli, ni o me ini loli ya mhuẹ ikpagho to li pfo? <sup>29</sup> Ini o khi igho, o kha ri oli gbe ni o ke ro dobe to li pfo, eri egbokpa ni e da me

oni owa e ri oni omose ya ke li egia. <sup>30</sup> E lie, ‘Omose ona o o to owa ama o ke dobe to li pfo.’

<sup>31</sup> “Oghie onoghuo o o nono ni loli ri okhue ghie oghie olese ni o kpe tode ya shito sa bino ini loli ya dobe ri egbo agbele igbe 10,000 ya nu oni oghie ogho ni o mhuẹ egbo agbele uye 20,000 kholi? <sup>32</sup> Ini o me khi loli aa ya te oli o, eri o ya nyanya ghie egbo ghi oni oghie abi o li ramhi oli egbe ne, o o li ze ni wewe e ro rieje.

<sup>33</sup> “Igho khi ogbo ni o rue emhikpa ni o mhuẹ obo-a, o ya dobe khi omọ odukhokho oyemhe.

*Ugbheli*

*(iMat 5.13; iMak 9.50)*

<sup>34</sup> “Ugbheli o ma ti gba, ama ini ugbheli o ke mhuẹ iviolọ oyoli, se a ka gbo dobe ya ri oli ke gbo mhuẹ iviolọ oyi ugbheli?

<sup>35</sup> Eghẹghẹ agho aa ke ri oli ya rieje emhi okhoghuo, wekhi eri a ya ku oli shi eke ni o ri eke wogho, ama eri a ke ya ku oli kua.

“Oni o mhuẹ esọ o ro suo.”

## 15

*Okhe irokhokho oyi osumha ni o wa-a*

*(iMat 18.12-14)*

<sup>1</sup> Igho ebubu emionoga ali ena olamhe e bhale ti mama iJesu ni e ro suo ingmemhi ni o ngme. <sup>2</sup> Ama egbo iFarisi ali esese Ishi eyi iMosisi e, “Oni omose ona o kpe abo e mie egbo olamhe, o gbo nu we e le eminale.”\*

<sup>3</sup> Igho iJesu o ze okhe irokhokho khase we, o, <sup>4</sup> “Ini o khia khi onge e o mhuẹ isumha egbhueshe, ni a ro bhale ya e khi oghuo o wa o a, se o ya li? Aa khi eri o ya ze oghuo o la egbhueshe eni e kpole obo shi ifu odagbe ifufu, o vu ya nono oghuo ni o wa egho, ramhi ni o ro ya me oli mu? <sup>5</sup> Ini o me oli, egbe ee mu oli, o mu oli ta ike. <sup>6</sup> Ini o ramhi apfe, o luno emole oli ali idogbapfe eyoli, o o we, ‘A bhale ya nu mhe ghele irari khi osumha oyemhe ni o wa, mhi she me oli mu.’ <sup>7</sup> Mhi gueye e khi ini ogbo olamhe o mu pfi, oghẹe o la iloghie dose ogbo oghuo o la egbhueshe ni e she pfuase ni ea ke nono imupfi.

*Ukpaghọ ni o waa*

8 “Ini o khia khi ọkpotoso ọ mholi ikpẹkhuli igbe, ni ọ rọ wasẹ oghuo ọ-a, sẹ ọ ya li? Ọa khi eri ọ ya ri ákpá ru, ọ fuomhi owa nguẹ, ọ kuegbe-a nono ọli ramhi ni ọ rọ ya mẹ ọli rue? 9 Ini ọ mẹ ọli rue, ọ luno emọle ọli ali idogbapfẹ eyọli, ọọ wẹ, ‘A bhale ya nu mhe ghele irari khi ukpẹkhuli oni o wa mhe-a, mhi she mẹ ọli rue.’ 10 Mhi gueye ẹ khi igho igeni eyi Eshinegba e lie ghele ini ogbo olamhe oghuo ọ mu pfi.”

### *Omo oni o wa-a*

11 Ijesu ọ gbo ze okhe irọkhọkhọ ona khasẹ wẹ, ọọ wẹ, “Omose oghuo ọ ya lao ni ọ mhue eniye emose aava. 12 Onikeke ni ọ lao, ọọ itali, ‘Itamhe, kemhi ugu ni o ya khi oyemhe na mhe.’ Igho oni itali ọ kemhi oni ugu na wẹ. 13 Ọa tẹse ne, oni omo ogho ọ tsua ugu eyọli. Ọ vu je eoli odonue oboese, ọ ya pfuse epfue egho kua. 14 Ọ pfuse epfue egho nya kua se, ukpokpomhi okiamhi o lo oni ushishi ogho nya le. Oyemhe o gbe ọli. 15 Igho ọ le deba omose ni ọ khi omo eke agho. Ọ ri egbọli mele oni ọọ ga oni omose-a. Ọ ghie ọli je ishemhi oyọli ni ọ ri eminale na igulu eyọli ke le. 16 Ọ nono ini lolu mẹ asha ke le eminale ni eni igulu e le kpole. Ama ogbokhoghuo ọa bo eminale na li. 17 Abi egbhali eyọli e rọ tiemhile, ọ mhila egbọli, ‘Ọa khi eri ighumha eyi itamhe nya e mẹ eminale a le, e kesẹ shi, ni mhi rọ la ana ri egbe na okiamhi a gbe ya ghua! 18 Mhi nyene egbe ya je apfẹ deba itamhe, ni mhi ya lie ọli, Ita mhi she lamhe na Eshinegba ali yeye. 19 Mhia ke tẹ oni abi a lu omie, rue mhe abi oghumha oghuo oye.’ 20 Igho ọ vu ya je deba itali. Ama abi ọ li bhale ni ọ kie nuata shi apfẹ egho, itali ọ mẹ ọli, ọ mhue ilelemhi na li. Ọ na ya mu ọli, ọ pfi abo gege ọli uruli, ọ pfi ọli elemhi egbe. 21 Oni omo ọọ itali, ‘Ite, mhi she lamhe shi Eshinegba ali yeye ọ, mhia ke tẹ ni a lu omie, ke riẹle mhe abi eni ẹ ga ẹ otuoghuo.’ 22 Ama itali ọ luno eni ẹ ga li, ọọ, ‘Okuekhoogo! A nyanya a rue egbegbi itsua ni e somhi otse nya bhale so li. A rue ukhui shi ọli obo, ni a ri ekue so li. 23 A mu ẹna ni ọ khobọ bhale ni a gbe ọli-a ni awa mhue ukue ke ghele gbii. 24 Irari khi eri omimhe ọna ọ kpẹ ghu-a ama ọ she guale. Eri ọ kpẹ wa ama a she mẹ ọli rue.’ Igho e lu ukue, e ghele gbii. 25 Eghẹghẹ agho

omiọli onogbhali ni ọ kpẹ la ifui ishemhi ọ rọte ishemhi jele. Abi ọ rọ ti mama apfẹ, ọ suo eko ebola ali ishimhi. 26 Oni omiọli ogho ọ lu oni ọọ ga oyi itali oghuo, ọ mhila li, ọ, ‘Elo a mẹ?’ 27 Oni ọọ ga ọọ li, ‘Inyoghuo ẹ ọ jele, ni ite ọ rọ gbe ẹna ni ọ gbẹdi oghuo-a. Irari khi ọ jele shi itoto ali oghẹle.’ 28 Igho elemhi e bi oni inyoghuo ọli onogbhali ogho, ọa ke lama lo owa le. Igho itali ọ le deba li, ọ lema li ọ lo le. 29 Ama ọọ itali, ‘Bino oonokpe-ingme ni mhi te la ana a gẹ, ni mhia a tigbe da ushi oye okhoghuo ghue, ama agbogbo wa tigbe mu elamhi okhoghuo na mhe ghue, ni emole mhe e li nu mhe ghele. 30 Ama abi omie ọna ni ọ tsua itsua epfue eye ya pfueche kua na idegbe ọ rọ jele, u ya gbe ẹna ni ọ gbẹdi-a na li.’ 31 Itali ọọ li, ‘Omimhe, eghẹghẹ kpa u te nu mhe la akana, emhikpa ni mhi mhue eye e khi. 32 Ama o ti ni awa ghele, irari khi eri inyoghue ọna ọ kpẹ ghua, ama ọ she nyene egbe bhale agbo; eri ọ kpẹ wa ama a she mẹ ọli rue.’ ”

## 16

### *Okhe irọkhọkhọ oyi orloekhu ọna ikpamhika*

1 Ijesu ọ ze okhe irọkhọkhọ khasẹ eniye odukhokho eyọli, ọọ wẹ, “Omose oghuo ni ọ pfue ọ la ọ, ọ mhue orloekhu epfue enayọli. A gueye oni omose khi oni orloekhu ọ pfuse lue epfue-a. 2 Igho ọ lu ọli, ọ mhila li, ‘Elo ona o khi ni mhi a suo idiegbe oye? Rokhasẹ mhe ghue abi u li gbe akanya oye irari khi waa ke gbolo ya khi orloekhu oyemhe.’ 3 Igho oni orloekhu ọ sa ọ, ‘Sẹ mhi li ya kia abi ọga oyemhe ọ rọ ya khu mhe akanya ena? Mhi aa mhue itoto ni mhi rọ dobe ya gua ishemhi. Omama omhila kia-kia ọọ mu mhe. 4 Mhi lesẹ abi mhi ya li ini egbo e zemhe lo apfẹ oyewe le ini a khu mhe akanya.’

5 “Igho ọ lu egbo ni e lo ọga oyọli ota. Ọ mhila onodode, ‘Ingme u lo ọga oyemhe?’

6 “Ọọ li, ‘Igalọ oilu olivu egbhueshe asha elele.’ Oni orloekhu ọọ li, ‘Mo ebe, shito khi wẹ-a, ni u keke igalọ egbhueshe asha ene.’

7 Ọ mhila onuzava, ‘Ingme yeye u lo?’

“Ọọ li, ‘Ikpulu ado agbele.’

“‘Ọọ li, mo ebe shito khi wẹ-a ni u keke egbhueshe asha eleli.’



8 “Oni oga ogho o kuęghie oni oreloekhu ona ikpamhika ogho, irari khi o rieę ingme ikpamhika ni o li abi ileasingme. Irari khi egbọ ena agbọ ona e leşe abi e li ri ikpamhika nu egbe e ngeli doşe abi egbọ ni e khi ena akpá e li. 9 Mhi gue ọli e ye e, a ri epfue ni a mhue mu emole shi agbọ ona ni a ro bhale ya e khi ini e pfo, a ya ze e lo iloghie.

10 “Ogbọ ni a da dobe ri egbe e nga shi ukuku emhi ni a ro nga li obọ ne, o ya ze regbenga shi eminiemhi, ini a roli nga ọli obọ. Oni o da ze ri egbe e da shi ukuku emhi ne, o ya ze ri egbe da shi eminiemhi.

11 Ini u wa ze ni a regbenga shi epfue na agbọ ni a ro shi e obọ, se a li ya ri egbegbi epfue nge obọ? 12 Ini o khia khi u wa ze ri egbe e nga shi epfue oyi oghoese, oghuo o ya ri oye ne?

13 “Aa me oni oo ga ogbọ ni o dobe ya ke ga ega aava utoghuo. Eri o ya nono ingme oyi oghuo, o nono ingme oyi onokpote. Oo suo esọ na oghuo doşe onokpote. Wa dobe ya ke ga Eshinegba u gbolo e ga ukpagho.”\*

### *Oseşe eyi iJesu eghuo*

*(iMat 11.12,13; 5.31,32; iMak 10.11,12)*

14 Abi egbọ iFarisi ni e nono ingme ukpagho doşe e ro suo ona, e do iJesu okonyo.

15 IJesu oo we, “Eri a ngeli ukpeloe agbọ ni a ro ke khasẹ khi eni angeli oyewe o migha shi ipfuase a khi, ama Eshinegba o leşe usamhi udu oye. Emini egbọ e bino khi oo mu eloe gba, eri oo kpare Eshinegba.

16 “Eri a ri Ushi oyi iMosisi ali emini emekeguele e keke gbe akanya ramhi eghẹghẹ oyi iOni Oni oo batazi egbọ. Rote eghẹghẹ agho vu ya ramhi memena, eri a ri ungmehi oyi Eghiele oyi Eshinegba a tse abo, ogbokpa o roshẹka ini loli dobe lo o.† 17 O ya kele ni eke ali ukhuli ni e kelea, ama ukpamhi ungmehi okhoghuo kpele o ya de Ishi eyi iMosisi pfi-a.‡

18 “Omose ni o da khu ughue ọli pfia ni o ya rue okpotso olese ne, o she kia okia. Omose ni o da rue okpotso ni a khu ughue, o she li kia okia.§

### *Omose ni o pfue ali iLazarosi*

19 “Omose oghuo o ya la o ni o mema pfue. Oo so itsua enete ni e somhi otse ni e ghale, o li agbọ nyafunyafu ogbele kpa. 20 Omose oghuo ona umhame ni a lu iLazarosi, o li ya la o. Igboko e ge ọli. A tsua li bhale ode unuekpe oyi oni omose ni o gho pfue ogho eghẹghẹ kpa. 21 Eri oni iLazarosi o shito oni ode unuekpe oyoli ini loli me eminale ni e rote ọli ukhomhi itebu de kua rue le. Eri ewa e gbolo bhale ya lalo ọli eni igboko.

22 “Eghẹghẹ o bhale ni oni iLazarosi o ro ghua. Igeni eyi Eshinegba e bhale ya tsua li je ashini Aburaamu o la. Omose ni o ligho pfue egho, o li ghua, a ri ọli to. 23 Ilimhi iriere ni o la me osue, o yase alo idane, o me Aburaamu khi o nuata shi lue egbe, iLazarosi o shito mama li. 24 Igho o lu leghe, ‘Aburaamu ita! Kpekpe mhue ilelemhi na mhe. Ghie iLazarosi ni o to obọ ame to mhe elemhi, itobo khi mhi la ukpokpomhi osoli elemhi ere memena.’

25 “Ama Aburaamu oo li, ‘Omọ sato khi abi u ro la agbọ, u she mie eminete eye, ama iLazarosi o mie emini ea ti eyoli. Mena egbe e pfomhi ọli shi ana, yeye u la ukpokpomhi osoli. 26 Ini a ri obọ rue ona o shi eke, rote ashini u la bhale ana ugbilimhi eke o pfa awa a. Irarigho, eni ee nono ni wewe e rote ana da je obini u la, ea ya dobe wekhi eni e la obini u la e dobe ya da bhale deba anye oola.’

27 “Oni omose oo ọli, ‘kpekpe mhia lema e, ghie iLazarosi je apfe oyi itamhe, 28 irari khi mhi mhue inyoghuo emose oshe. Zobe ni o ya tse agua ye we ini e khi bhale asha osoli ona.’

29 “Aburaamu o so ọli o, oo li, ‘E mhue Ishi eyi iMosisi ali emekeguele, e ri esọ shi we eke.’

30 “Oni omose oo li, ‘Iye, Aburaamu ita, ini ogbọ o rote eghuli guale ya tse agua ye we, e ya mu nyene.’

31 “Aburaamu oo li, ‘Ini ea ri esọ shi emini Ishi eyi iMosisi ali emekeguele e ngme, ea ya ri esọ shi eke ini ogbọ o tseku rote eghuli guale.’”

\* 16:13 Li ze iMat 6.24 † 16:16 Li ze iMat 11.12-13 ‡ 16:17 Li ze iMat 5.18 § 16:18 Li ze iMat 5.32; 1 iKori 7.10-11

## 17

### *Olamhẹ ali igbekua* (iMat 18.6,7,21,22; iMak 9.42)

<sup>1</sup> Ijesu ọọ eniyẹ odukhokho eyọli, “Emini e ri ọgbọ ọ lamhẹ olamhẹ e mema ya bhale, ama o ma khọlọ ọni ọgbọ ni o rọte obọ oyọli bhale egbe. <sup>2</sup> O ti nẹ ini a mu ẹchẹ iko zu ọgbọ ọghoḡhọ uruli tsua pfilo okẹ oniẹmhi, dọsẹ ni ọ rọ ya zẹ ni ọtuoghwo ikuku eniyẹ enana ke lamhẹ olamhẹ. <sup>3</sup> A mhọli ẹgbhẹ shi emini a riẹlẹ.\*

“Ini inyoghwo ẹ ọ lamhẹ, gue ọli yẹ ọli. Ini ọ mu nyenẹ, gbekua na ọli. <sup>4</sup> Ini ọ lamhẹ nẹ iti ishilua ogbele, ni ọ rọ bhale ya lema ẹ eni iti ishilua egho, ni ọ rẹ, ‘Mhi mu nyenẹ.’ U mema ya gbekua na li.”

### *Irudunga*

<sup>5</sup> Eni ighiusomhi na keẹ ogbava ni ijesu ọ zẹ, ẹẹ, “Onomhūẹ, zese irudunga oyanyea.” <sup>6</sup> Onomhūẹ ọọ wẹ, “Ini u mhūẹ irudunga ni o she abi ukpamhi imositadi, u ya liẹ ọara ọaghiẹ ona, ‘Ọọ eke-a, ni u ya gbọla shi elemhi okẹ oniẹmhi!’ O ya suọ nẹ.

### *Akanya oyi ọni ọ ga ọgbọ*

<sup>7</sup> “Ini ọngẹẹ ọ fẹ mhūẹ ọni ọọ ga li ni ọ gua ishemhi ẹ nali, okekhi isumha ọ ri ẹloe ẹ khu nali. Eri ọ ya liẹ ọli, ‘Nyanya bhale ya le eminale ini ọ rọte ishemhi jele?’ <sup>8</sup> Ọa khi eri ọ ri ochoghọ ya kpẹ liẹ ọli, ‘Ka nye emhi ogbomhi na mhẹ, u kpha li na mhẹ ni mhi le. Mhi kha le se, ni mhi rọ da se, u tigbe ya le oye?’ <sup>9</sup> Ọ ya tẹ ọni ọ ga ọgbọ ọgho ọ mu ikanya irari khi ọ da ye usomhi ni ọ ghie ọli? <sup>10</sup> Igho khi ẹẹ, ini a riẹlẹ abi a ghie ẹ se, a ke liẹ, ‘Eni ẹ ga ọgbọ tẹ anye khi, akanya khi akanya oyi anye, anye ẹ gbe.’ ”

### *Ijesu ọ ri emọse ishọmha ze*

<sup>11</sup> Abi ijesu ọ rọ je iJerusalemu, ọ rọte iteva ẹoli iSameria ali ẹoli iGalili ii dọsẹ. <sup>12</sup> Abi ọ li lo ẹoli oghuo le, emọse ogbe ni efafe e mu e bhale deba li, e ta pfia migha. <sup>13</sup> E tsesẹ leghe, ee liẹ, “Ijesu Onomhūẹ, mhūẹ ilẹlemhi na anye!” <sup>14</sup> Abi ijesu ọ rọ mẹ wẹ, ọọ wẹ, “A ka ri egbe ẹ khase ekpodalougamhi eyi Eshinegba.” Abi e li lẹ egho, eni

efafe e kala wẹ egbe-a, e ze.† <sup>15</sup> Igho ọghuo ọ elemhi wẹ, abi ọ rọ mẹ khi lọli ze, ọ nyenẹ egbe ukhokho bhale, ọ kuẹghie Eshinegba leghe. <sup>16</sup> Ọ bhale ya de yeshi ijesu odalo, ọ tẹ ọli uwegbe. Oni iSameria ọni omọse ọ khi. <sup>17</sup> Igho ijesu ọ mhila wẹ, “Ọa khi ẹgbọ ogbe a rọ ze? Ighe otiale ni e kpole? <sup>18</sup> Aa mẹ ọngẹwẹ ọkhoghwo ni ọ nyenẹ egbe ukhokho bhale ya kuẹghie Eshinegba, sẹ ni ọpfese ọnana?” <sup>19</sup> Ijesu ọ li, “Vule ke je, irudunga oye o she rẹ ze.”

### *Ibhale oyi Eghiele oyi Eshinegba* (iMat 24.23-28,37-41)

<sup>20</sup> IFarisi eghuo e mhila ijesu ẹghẹghẹ ni Eghiele oyi Eshinegba o rọ ya bhale. Ijesu ọọ wẹ, “Eghiele oyi Eshinegba ọa ya bhale ni a ke mẹ alo gbugbugbu. <sup>21</sup> Ọa khi oni a liẹ, ‘Ghe ọli ana.’ Wẹ khi, ‘Ghe ọli agho.’ Irari khi Eghiele oyi Eshinegba ọ la iteva oye ẹ.”

<sup>22</sup> Igho ọ eniyẹ odukhokho eyọli, “Eghẹghẹ ọ bhale ni a ya nono ogbele oghuo oyi omi ọgbọ, ama a ya mẹ ọli. <sup>23</sup> Egbọ e ya ke gueye ẹ, ‘Bino khi ọ la agho.’ Ali khi, ‘Ọ la ana.’ Ama a khi na deba wẹ. <sup>24</sup> Irari khi ẹlẹ ni Omi Ọgbọ ọ ya bhale, eri ọ ya li abi erali akphala ni ọ nyamhise alo rọte ukiẹkiẹ ukhui oghuo ya je ukiẹkiẹ ni ọ kpole. <sup>25</sup> Ama ọ mema kpẹ ya mẹ osue egbegbọ, ẹgbọ agbhotu ena e kie ọli.

<sup>26</sup> “Abi o ke lẹsẹ li ẹghẹghẹ oyi iNoa, igho o ya li ogbele ni Omi Ọgbọ ọ ya bhale.‡ <sup>27</sup> Eri ẹgbọ e le, e da, e rue ikpotso, a ri ikpotso ye ughue ya ramhi ni iNoa ọ rọ lo oko-okẹ oniẹmhi. Igho amẹ ni ofunẹ o rọte idane tiemhile ya pfuse wẹ-a nya.§

<sup>28</sup> “Igho o gbo li ẹghẹghẹ oyi iLoti. Egbọ e le, e da. E dẹ, e rọ dẹ. E kọ, e tọ apfẹ. <sup>29</sup> Ama ẹlẹ ni iLoti ọ lase eke iSodomu le, erali ali ingamhi e rọte idane zẹ kule ya pfuse wẹ-a nya.\* <sup>30</sup> Igho o ya li ẹlẹ ni Omi Ọgbọ ọ ya bhale. <sup>31</sup> Ẹlẹ ni a ngme ena, ọni ọ la ukhomhi owa, ọ khi tiemhile ya wolọ itsua eyọli. Igho o khi ọni ọ la ishemhi, ọ khi nyenẹ egbe je apfẹ shi emhi khoghwo.† <sup>32</sup> A sato ingme oyi ughue iLoti!‡ <sup>33</sup> Ọgbọ ni ọ da nono ni lọli tsumhi agbo oyọli ne, o

\* **17:3** Li zẹ iMat 18.15 † **17:14** Li zẹ iLev 14.1-32 ‡ **17:26** Li zẹ Igbae 6.5-8 § **17:27** Li zẹ Igbae 7.6-24 \* **17:29** Li zẹ Igbae 18.20; 19.25 † **17:31** Li zẹ iMat 24.17-18; iMak 13.15-16 ‡ **17:32** Li zẹ Igbae 19.26 § **17:33** Li zẹ iMat 10.39; 16.25; iMak 8.35; iLuk 9.24; iJon 12.25

ya de ọli obọ-a, ama ọgbọ ni rue agbọ oyọli obọ-a shi eke itobọ oyemhe ne, ọ ya me ọli rue. § <sup>34</sup> Elyose ni a ngme ena, emose aava e ya lese shi ukpho oghuo, a ya rue oghuo ọ vu, o kpe ọtuoghuo ọ le. <sup>35</sup> Ikpotoso aava e ya ke mhele emhi kugbe, a ya rue oghuo ọ vu, o kpe ọtuoghuo ọ le.” <sup>36</sup> [Emose aava e ya la ishemhi, a ya rue ọtuoghuo ọ vu, o kpe ọtuoghuo ọ le.]

<sup>37</sup> Eniye odukhokho eyọli e mhila li, e ọli, “Obo lo Onomhue?” Ijesu ọọ we, “Ashini idiegbe olimhi o la, agho ighuli ee legba.”

## 18

*Okhe irokhokho oyi osamhi-olimhi ali osọ-ẹzo*

<sup>1</sup> Ijesu ọ zẹ okhe irokhokho khasẹ eniye odukhokho eyọli, ni ọ rọ sese we khi o ti ni a ke lema eghẹghẹ kpa, ali e khi zẹ ni o lọse we. <sup>2</sup> Ọọ we, “Elemhi ẹoli oghuo, omose osọ-ẹzo ọ ya la ọ ni ọa li na ulishi Eshinegba wekhi eri ọ mu ekpe na ogbọ. <sup>3</sup> Osamhi-olimhi ọ li la oni ẹoli ni ọ bhale deba oni osọ-ẹzo, ọọ li, ‘Kpekpe pfa ẹzo na mhe shi ingme ni o de mhemhe ali ogbọ.’ <sup>4</sup> O ga tese oni omose ọa kie pfa shi ọli eke. Ama ikpukhokho ọ, oni omose ọọ egbeoli, ‘Ini o riẹ khia khi mhi aa ya na ulishi Eshinegba wekhi eri mhia mu ekpe na ogbọ, <sup>5</sup> ni o rọ khia khi oni ọkpotoso ọna ọ lina bhale ya nase mhe ena, mhi ya pfa ẹzo na li, ini ọ khi ya ri ibhale oyọli ona kie ke nase mhe!’ ”

<sup>6</sup> Onomhue ọọ we, “Aa suọ abi osọ-ẹzo ọna okholo ọna ọ ngme? <sup>7</sup> Eshinegba ọa ya li pfa ẹzo na eniye eyọli ni e vie ẹ lu ọli, ghe ẹle-ogwota, ghe ẹle-iyose? <sup>8</sup> Mhi gueye ẹ khi ọ ya pfa ẹzo na we pia. Abi o li ena, ini Omi Ogbọ ọ nyene egbe bhale, ọ li bhale ya ẹ irudunga eke agbọ?”

*Okhe irokhokho oyi iFarisi ali omionoga*

<sup>9</sup> Ijesu o gbo zẹ okhe irokhokho ona khasẹ egbo eghuo ni e regbenga khi wewe e mholi igue-ngeli dose egboese, ni e ri ẹloe a gbe egboese. <sup>10</sup> “Emose aava e je Owa Oyi Eshinegba ya so iromhi. Oghuo ọ ọ khi iFarisi, onokpole ọ khi omionoga. <sup>11</sup> Oni iFarisi ọ vule, ọ so iromhi, ọ kueghie egboli, ọọ lie, ‘Eshinegba, mhi kphemhi ne khi mhi

aa li abi egboese ni e khi ighiatọ ni ee li ingmobe, ni ee kia okia abi omose omionoga onana. <sup>12</sup> Iteva mhia pfi azumhi elemhi ẹfo uka. Mhi a zẹ aze-oghuo-igbe elemhi emini mhi mhue kpa.’

<sup>13</sup> “Ama oni omionoga ogho, ọ tapfia migha ọa gbudu yase alo feli idane, ama ọ lese gbe abo nga aye, ọ lie, ‘Eshinegba mhue ilelemhi na mhe, mhemhe ogbọ olamhe.’ <sup>14</sup> Mhi gue egbegbi ingme a ye ẹ khi oni omionoga ọna Eshinegba ọ bino khi ọ pfuse dose oni omose ni ọ kpole. Egbe e mu ọli je apfe. Itobọ khi ogbọ ni ọ da ti egboli nga ne, eri a ya ti ọli tiemhi eke, ama oni ọ da ti egboli tiemhi eke, a ya ti ọli nga.”\*

*Ijesu ọ khi vose na ikuku eniye (iMat 19.13-15; iMak 10.13-16)*

<sup>15</sup> Elegehuo, egbo e li mu eniye enikeke bhale ghi ijesu ni ọ ri obọ ti we. Abi eniye odukhokho eyọli e rọ me we, ee e khi bhale ya nase ọli. <sup>16</sup> Ama ijesu ọ lu eni eniye, ọọ we, “A zẹ ni ikuku eniye e bhale deba mhe, a khi ke mu we migha irari khi enabi wewe e mhue Eghiele oyi Eshinegba. <sup>17</sup> Abi o li mhi li gue ọli ye ẹ khi, oni ọa da mie Eghiele oyi Eshinegba abi ukuku omọ ọ li mie ọli ne, ọa ya lo ọli le.”

*Oghie ni ọ pfue*

*(iMat 19.16-30; iMak 10.17-31)*

<sup>18</sup> Okhemhue oghuo ọ mhila ijesu, ọọ, “Osesẹ onete, se mhi ya li ni mhi rọ ya mhue agbọ na agboagbo?” <sup>19</sup> Ijesu ọ mhila li, “Elo o zẹ ni u rọ ọ lu mhe osese onete? Ogbokhoghuo ọa la ọ ni ọ khi onoti, se ni Eshinegba.” <sup>20</sup> U lese abi ishi eyi Eshinegba e ngme, “Khi kia okia, khi gbe ugbeli, khi do ughiatọ, khi pfi otsese egbhue mu ogbọ, mu ekpe na ite ali inye.”†

<sup>21</sup> Ọọ ijesu, “Rote abi mhi te khi omọ mhi te ri ishi ena nya a gbe akanya.”

<sup>22</sup> Abi ijesu ọ rọ suọ ona, ọọ li, “O kpọ ẹ emhi oghuo le, le ya ri emini u mhue nya de, u kemhi eni ikpagho na egbo ni ẹa mholi khi u ya mhue pfue shi iloghie. Ni u tigbe bhale ke deba mhe.”

<sup>23</sup> Abi oni omose ọ rọ suọ ona, egbe e pfo li-a itobọ khi ọ pfue gba. <sup>24</sup> Ijesu ọ me abi egbe e pfo li-a shi ọ, Ọọ, “O ma mu unu

\* 18:14 Li zẹ iMat 23.12; iLuk 14.11 † 18:20 Li zẹ Okiali 20.12-16; iDeut 5.16-20

ni ẹgbọ ni e lolo pfue ni e rọ lo Eghiele oyi Ẹshinẹgba. <sup>25</sup> Ni ọgbọ ni ọ pfue ọ rọ lo Eghiele oyi Ẹshinẹgba, o ya munu dọsẹ, ni ọgbọ ke dua ni lọli ri alakumi rọte esẹ asugẹ ya fiẹ.” <sup>26</sup> Ẹgbọ ni e suọ ona e mhila, “Ọghuo ọ ke ya mhue imiepfuese sho?” <sup>27</sup> Ijesu ọọ wẹ, “Emini ọa zẹ ọgbọ a riẹlẹ lọli ọ zẹ Ẹshinẹgba a riẹlẹ.” <sup>28</sup> IPita ọọ ijesu, “Bino, anye she tsua emhi eyanye nya kua se, anye bhale deba ẹ.” <sup>29</sup> Ijesu ọọ wẹ, “Abi o li mhi li gue ọli ẹ yẹ ẹ khi, aa mẹ ọni ọ ya tsua apfe-ọli, okekhi ughue-ọli pfia, ni ọ tsua inyoghuo ọli, ghe itali ghe inyọli ali imiọli pfia, itobọ Eghiele oyi Ẹshinẹgba, <sup>30</sup> ni ọa ya mhue eleli ni e bu dọsẹ eghoghọ, elemhi agbọ ona ali agbọ oni o ke ẹ bhale.”

*Ijesu ọ gbo gue ingme eghuli oyọli le  
(iMat 20.17-19; iMak 10.32-34)*

<sup>31</sup> Ijesu ọ rue eniyẹ odukhokho ogbava eyọli je asha eghuo, ọ gueye wẹ. “A ri esọ shi eke, awa ya nga obini iJerusalemu. Emini emekeguele e keke shi Omi Ọgbọ egbe nya, e bhale ya tse oobọ. <sup>32</sup> A ya mu ọli, a rue ọli na ẹgbọ iJeta. E ya rọli li egia, ẹẹ tsue ọli, e tono etẹ ku ọli, e gbe ọli itali, e tigbe gbe ọli-a. <sup>33</sup> Eẹ onuzi-esẹ, ọ ya guale.” <sup>34</sup> Eniyẹ odukhokho eyọli ẹa lesẹ udi ingme ena irari khi eri a ri ingme enana sheli wẹ, ali khi ẹa gbo lesẹ emini ọọ ngme.

*Ijesu ọ khueghie ọzalo alo-a  
(iMat 20.29-34; iMak 10.46-52)*

<sup>35</sup> Abi ijesu ọ li ti i mama iJeriko, ọzalo ọghuo ọ shito epfe ode, ọ mhila. <sup>36</sup> Abi ọ rọ suọ okeke ẹgbọ ni e dọsẹ, ọ mhila wẹ emini a mẹ. <sup>37</sup> A gueye ọli khi ijesu na iNazareti ọọ dọsẹ. <sup>38</sup> Ọ lu leghe, ọọ li, “Ijesu Omi iDefidi mhue isomhelemhi na mhe.” <sup>39</sup> Ẹgbọ ni e ralo na li ẹ ọli ọ khukhu unu. Ama ighọ ọ kie li tsesẹ ọọ lie, “Omi iDefidi mhue isomhelemhi na mhe.” <sup>40</sup> Ijesu ọ migha, ọ e lu ọni ọmose ghi lue. Abi ọ rọ ti mama li, ijesu ọ mhila li. <sup>41</sup> “Elọ wa nono ni mhi riẹlẹ ne?” Ọọ ijesu, “Onomhue mhi a nono ni mhi ke mẹ eke.” <sup>42</sup> Ijesu ọọ li, “Alo eye e khueghie-a, irudunga oye o she re ze.” <sup>43</sup> Aghoaghọ alo eyọli e khueghie-a. Ọ deba ijesu kia, ọ kuẹghie Ẹshinẹgba. Abi eni ẹgbọ nya e rọ mẹ ọli e li li kuẹghie Ẹshinẹgba.

\* **19:10** Li zẹ iMat 18.11

## 19

*IZakioshi omionoga*

<sup>1</sup> Ijesu ọ rọte ẹoli iJeriko dọsẹ. <sup>2</sup> Ọmose ọghuo ọ la oni ẹoli ni a lu iZakioshi, lọli ọ khi ọga oyi emionoga. Ọ ga mema mhue epfue egbegbọ. <sup>3</sup> Ọ nono ni lọli mẹ ọni ijesu ọ khi, ama ọa dọbe. Ọa mẹ asha itobọ khi ẹgbọ e bu dọsẹ. Ali khi ọgbọ ni ọa yagha ọ khi ni ọ lolo she. <sup>4</sup> Ighọ ọ na ya ralo ode ni ijesu ọ te ya dọsẹ, ọ ya nga ọara ugbele shito, ini lọli mẹ asha mẹ ọli. <sup>5</sup> Ijesu ọ ramhi aghọ, ọ yase alo idane lu ọli, Ọọ li, “IZakioshi, nyanya tiemhile, mhi mema ya kushi apfe oye amo.” <sup>6</sup> Ighọ ọ nyanya tiemhile. Egbe e mu ọli, ọ ri oghelẹ kpe abọ mie ijesu.

<sup>7</sup> Ẹgbọ nya ni e mẹ ona, e wọlọ, e lie, “Ọ she ya kushi na ọgbọ ọna olamhe.” <sup>8</sup> Ọ ke lesẹ li denẹ tee, iZakioshi ọ ti vule, ọọ, “Onomhue ghe i, mhi ya khi epfue eyemhe shi asha eva, mhi ri asheghuo ọ na ẹgbọ ni ẹa mhue. O kha khia khi mhi li ọgbokhoghuo le ghue, mhi ya fali ọli eni ota agbhagh-hamhi ene.” <sup>9</sup> Ijesu ọọ li, “Amo ena imiepfuese o she bhale apfe ona, itobọ khi omi Aburaamu, ọmose ọna ọ li khi. <sup>10</sup> Irari khi eri Omi Ọgbọ ọ bhale ya nono ẹgbọ ni e waa, ali ni ọ gbo rọ ya mie wẹ pfuese.”\*

*Okhe irọkhokho igue-ri emini a rọ ne kia  
(iMat 25.14-30)*

<sup>11</sup> Abi e kie li suọ ingmemhi ena, ijesu ọ zẹ okhe irọkhokho khase wẹ irari khi ọ she ti i mama iJerusalemu. Eni ẹgbọ e dabi khi utoghuokpe Eghiele oyi Ẹshinẹgba o rọ ya bhale. <sup>12</sup> Ọọ wẹ, “Ọmose ọkhemhue ọghuo ọ ye ushishi odonue ni a rọ ya ri oghie na li, ikpukhokho, ọ gbo jele. <sup>13</sup> Ighọ ọ luno eni ẹẹ ga li ogbe, ọ kemhi ikpagho eyi igolu na wẹ. Ọọ wẹ, ‘A ri ikpagho ena du oki ramhi ni mhi rọ ya jele.’

<sup>14</sup> “Eri tse khi eri apfoli e biselemhi ọli, e ghie usomhi ghi eni e ya gbanọ ọli ukhomhi khi wewe ẹa nono ni ọni ọmose ọna, ni ọ khi oghie oyi wewe.

<sup>15</sup> “A kie ri oghie na li, ọ jele. Ighọ ọ luno eni ẹ ga li eghọ ni ọ ri ikpagho na, ni lọli mhila wẹ abi e ri eni ikpagho kia.

<sup>16</sup> “Oni odode ọ bhale, ọọ li, ‘Ọga, ukpagho igolu oye o she bia igbe lese.’

17 “Oni oga o o li, ‘Mu akanya, oni o o ga onete oyemhe. Itobo khi u khi oni a ri egbe e nga shi ukuku ni a ro shi e obo, mo eoli igbe ke mheshe shi.’

18 “Onuzava o bhale, o o li, ‘Oga ukpago igolu oye o she bia ishe elese.’

19 “Oni oga o o li, ‘Yeye mo eoli ishe ri eoli ke khu.’

20 “Onuzase o bhale, o o, ‘Oga ghe ukpago igolu oye. Eri mhi geno li shi ode ya shi ne.

21 Eri ulishi oye o mu mhe itobo khi ogo ni o ze alo u khi. Ashini u waa roshi u te e rue, ashini u wa ro ko shi u te a khieshe.’

22 “Oni oga oyoli o o li, ‘Mhi ya rote emini yeyeghuo u ngme se unu ingme ikhi yeye oni o ga ogo o be ona. Abi u ro lese khi omose ni o ze alo mhi khi, khi ashini mhia ro shi mhi te a rue, mhi gbo rote ashini mhia roko shi a khieshe. 23 Elo o ze ni u waa ro ri ukpago oyemhe ya shi owa ukpago na mhe ni e la agho ke gbe nga o, ni mhi me oli ali eleli eyoli mie ini mhi nyene egbe jele?’

24 “Igho o gueye eni e migha, ‘A mie oli oni ukpago igolu ona na oni o mhue eleli asha igbe.’

25 “Eni egbo e oli, ‘Oga, o she kpe mhue igbe.’

26 “Oni oga o o we, ‘Abi o li mhi li gue oli e ye e khi, ogo ni o da kpe mhue ne, a ya ro ma li o. Ama oni o kpe mhue a ya gbo mie oli oni o kpe mhue.† 27 Ama ebe mhe egho ni ea nono ni mhi le eghiele shi we ukhomhi, a wolo we lase ana, a gbolo we-a ukpelo mhe.’ ”

### *Ijesu o lo iJerusalemu le*

(iMat 21.1-11; iMak 11.1-11; iJon 12.12-19)

28 Abi ijesu o ro ngme ona se, o ya ralo na we. E nga iJerusalemu. 29 Abi o ro ti mama eoli iBetifagi ali iBetani obini ukhomhi ute ni o khi eera olivu, o ghie eniye odukhokho eyoli aava ralo, o o we, 30 “A je eoli ni o la e odalo. Ini a ramhi agho, a ya me omi akphere ni ogo o nga ghue khi a mu oli zu. A taghie oli-a, a mu oli ghi mhe ana. 31 Ini ogo khoghhuo o mhila e, khi o o, ‘Elo o ze ni a ro taghie o lia?’ A lie oli, ‘Onomhue o mhue

emini o ri oli ya li.’ ” 32 Eni o ghie, e bhale ya e oni akphere tee abi ijesu o li gueye we.

33 Abi e li taghie o lia, eni e mholi oli e mhila we, “Elo o ze ni a ro taghie oni akphere a?”

34 E we, “Onomhue o mhue emini o roli ya li.” 35 E mu oli ghi ijesu. E ri ide ku oli egbe,

e mu ijesu nga o. 36 Abi o li le, egbo e naghie ide ku ode. 37 Abi o ro ti i mama ashini

ute Olivu o te pfi ukhomhi kpoke, eni eniye odukhokho nya ee kueghie Eshinegba leghe

shi ikanya onyaloa ni e me. 38 Ee lie,

“Ikhivose o khi oyi oghie

ni o ri eva oyi Onomhue bhale.”

“Opfomhe o la iloghie,

ufumhi o la obini o yagha ne nya.”‡

39 Igho iFarisi eghuo ni e la ifuabo eni egbo ee ijesu, “Ose se, gueye eniye odukhokho eye e khukhu unu.”

40 O o we, “A ri eso shi eke, ini e khukhu unu, eche e ya ke tse se leghe.”

### *Ijesu o vie na iJerusalemu*

41 Abi o ro ti i mama iJerusalemu ni o ro me oni eoli, o vie na li. 42 O o, “Abi a khe khi u lese emini o ya ri opfomhe ghi e amo ena lo! Eri tse khi a she ri oli sheli na e mena.”

43 Ogbel o o bhale ni ebe e e ro ya gbe oga gase e, e khi e shi iteva, e rote ashakpa gase e shi. 44 E ya kholi e pfuse-a. Ea ya keshe omo wekhi odio le, e shashe e apfe-a. Ea ya keshe ukpolo nga ukpolo, itobo khi aa lese eghenge ni Eshinegba o ro bhale ya tsumhi e.

### *Ijesu o je Owa Oyi Eshinegba*

(iMat 21.12-17; iMak 11.15-19; iJon 2.13-22)

45 Igho o lo Owa Oyi Eshinegba, o khu egbo ni e la agho e du oki fie. 46 O o we, “A she keke oli shi Ebe-no-pfuase khi, ‘Owa oyemhe owa iromhi lo.’ Ama, a she ri oli mele egbha ighiato a!”§

47 Ogbel kpa ijesu o la Owa oyi Eshinegba sese, ama eni ighie eyi ekpodalo-ugamhi ali esese Ishi eyi iMosisi ali eni e ralo na eni egbo, ee nono ni wewe e gbe oli-a.\* 48 Ama ea me ode ni e te ya ri ele oli, itobo khi eni egbo e ri eso shi ose se oyoli, ea nono ni ungmehi oyoli okhoghhuo o de we eso-a.

† 19:26 Li ze iMat 13.12; iMak 4.25; iLuk 8.18    ‡ 19:38 Li ze iWolo 118.26    § 19:46 Li ze Aza 56.7; iJere 7.11

\* 19:47 Li ze iLuk 21.37

## 20

*A mhila iJesu oni o ri afu na li  
(iMat 21.23-27; iMak 11.27-33)*

<sup>1</sup> Eḷeghuo khi iJesu o la Owa Oyi Eshinegba tse abo usomhi onete oyi Eshinegba, ighie eyi ekpodalo-ugamhi ali esese Ishi eyi iMosisi, ali eni egbhali e bhale deba li. <sup>2</sup> E oḷi, “Gueye anye afu oyi oni u ro o gbe ikanya enana. Oghuo o ri eni afu ena ne?”

<sup>3</sup> IJesu oo we, “Mhi ya li mhila e ogbo, a so mhe o! <sup>4</sup> Ibatizi ni iJoni oo batazi egbo, obo oyi Eshinegba o te bhale abi obo oyi ogbo?”

<sup>5</sup> E lu egbe we ochi, e ke, “Awa khe, ‘Obo oyi Eshinegba o te bhale.’ O ya mhila awa, ‘Elo o ze khi aa mie oḷi suo?’ <sup>6</sup> Ini awa ke, ‘Obo oyi egbo.’ Egbo nya e ya tono awa eche irari khi ogbokpa o lese khi omekeguele iJoni o khi.” <sup>7</sup> Igho ee iJesu, “Anye aa lese obini o te bhale.”

<sup>8</sup> IJesu oo we, “Mhia li ya gueye e afu ni mhi ro a gbe ikanya enana.”

*Okhe irokhokho oyi eghiale ena okholo  
(iMat 21.33-46; iMak 12.1-12)*

<sup>9</sup> IJesu o ze okhe irokhokho ona khasa eni egbo, oo we, “Omose oghuo o gua ipfonu shi ogba, o roli ye ongmomhi na eghiale. O vu eoli ni o la tese.\* <sup>10</sup> Egheghe ikhiese o ramhi, o ghie oni oo ga li ghi we e rote oni ogba pfan o idumhi ghi lue. Ama eni eghiale e gbe oni a ghie ogho. O pfino abo efue je. <sup>11</sup> Oni omose o gbo ghie oni oo ga li onuzava ghi we. E gbe oḷi, e yeghe oḷia. O gbo pfino abo efue ya je. <sup>12</sup> Oni omose o gbo ghie onuzase. E kuale oḷi utse, e khu oḷi ya fie.

<sup>13</sup> “Oni o mhue oni ogba ipfonu ogho, oo, ‘Se mhi fe ya li egho? Mhi ya ghie omimhe ni mhi nono ingme oyoli egbegbo, otse, e ya mu ekpe na li.’

<sup>14</sup> “Ama abi eni eghiale e ro me oḷi, ee, ‘Egbegbi omi oḷi na ni o ya le ugu ogba ona, awa gbe oḷi-a ni awa rue oni ugu le.’ <sup>15</sup> Igho e ti oḷi je olase oni ogba ipfonu, e gbe oḷia.

“Se oni o mhue oni ogba ipfonu egho o fe ya li we? <sup>16</sup> Eri o ya bhale ya gbolo eni eghiale egho-a, o tigbe rue oni ogba na eghiale elese.” Abi eni egbo e ro suo oni ingme, e, “Eshinegba o gbe etse kua!”

<sup>17</sup> IJesu o bino we alo ukhomhi, oo we, “Se emini a keke ona o fe ngme, ni oo,† “Eche ni itsona e kie pfa, o tigbe ya mele eche ebe ni o mu eloe ne nya-a?”

<sup>18</sup> “Oni o da ya de nga oni eche ne, o guogho-a, ali oni oni eche o da ya de mu ne, o mheḷi oḷia.”

*Ingme oga izeze  
(iMat 22.15-22; iMak 12.13-17)*

<sup>19</sup> Eni e sese Ishi eyi iMosisi ali ighie eyi ekpodalo-ugamhi e nono ode ni e te ya mu oḷi aghogho, irari khi wewe o ze oni okhe irokhokho tsue. Ama ulishi oyi egbo oo mu we. <sup>20</sup> Igho e li ri eloe shi oḷi egbe egbegbo. E ze egbo ni e rieḷe abi egbo ni ee mie shi iJesu o deba li, e ke de oḷi awe, ini e me ushi mu shi oḷi obo, ni e mu oḷi ghi ena omhese eyi igovuno. <sup>21</sup> Igho eni a ze egho ee mhila li ogbo, “Oseḷe, anye ga lese khi abi ungmomhi oyi Eshinegba o li u lie ngme oḷi, u gbolo a sese emini e te ode, waa ya gbe ogbokhoghuo azeba, ama eri wa sese egbegbi ingme oyi Eshinegba. <sup>22</sup> O fe ti ni anye ze oga na oghie iSiza abi anye khi ze?” <sup>23</sup> IJesu o she lese oshili eyewe. <sup>24</sup> Oo we, “A ri ukpagho elomho khasa mhe. Alo eyi oghuo a fe mu shi o?”

<sup>25</sup> E oḷi, “iSiza.”

IJesu oo we, “A ri emini e khi eyi iSiza na iSiza, a ri emini e khi eyi Eshinegba na Eshinegba.”

<sup>26</sup> Ea doḷe rote emini o ngme igbaa me emhikhoghuo mu shi oḷi obo. Abo e sha we shi abi o li gbaghie oni ogbo-a, e khukhu unu.

*Egbo iSadusi e mhila li ogbo irote-eghuli guale*

*(iMat 22.23-33; iMak 12.18-27)*

<sup>27</sup> Egbo iSadusi eghuo ni ea lama shi o khi a ya me irote eghuli guale, e ri omhila bhale deba iJesu.‡ <sup>28</sup> E oḷi, “Oseḷe, iMosisi o keke shi eke na awa khi ini omose o ghu-a pfi ughue oḷi shi eke agbo ni o ro bia eniye, inyoghuo oni omose o rue oni okpotso ughue ni o bia eniye shi agbo na inyoghuo oḷi ni o ghu-a egho.§ <sup>29</sup> Inyoghuo egbe etuoshilua e ya la o. Oni odode o rue okpotso, o ghua, o a

\* 20:9 Li ze Aza 5.1 † 20:17 Li ze Iwolo 118.22 ‡ 20:27 Li ze Ika 23.8 § 20:28 Li ze iDeut 25.5

bia ọmọ. <sup>30</sup> Onuzava ọ rue ọni ọkpotoso. <sup>31</sup> Igho ọnuzasẹ ọ gbo rue ọli. Igho wẹwẹ nya e rue ọli, e ghulo-a, ẹa bia ọmọ. <sup>32</sup> Ikpukhokho ọ, ọni ọkpotoso ọ li ghua. <sup>33</sup> Mena, ogbẹle ni ẹgbọ e ya te eghuli guale, ughue oghuo ọni ọkpotoso ọ ya khi, aborokhia khi wẹwẹ oshilua e ga rue ọli ughue egho?"

<sup>34</sup> Ijesu ọọ wẹ, "Egbọ ena agbọ ona ẹ rue ikpotso, wẹwẹ e gbo ri ikpotso a ye ughue. <sup>35</sup> Ama ẹgbọ ni a leli shi eni e mhue okemhi shi agbọ ogho ali irote eghuli guale, ẹa ya rue ikpotso, wẹkhi eri a rẹwẹ ya ye ughue. <sup>36</sup> Ẹa kẹ ke ghu, irari khi eri e ke ya li abi igẹni eyi Ẹshinegba. Imi Ẹshinegba e ke ya khi, irari khi e she rọte eghuli guale. <sup>37</sup> Ashini a kẹkẹ ingme oyi ebuli ni oo to shi, iMosisi ọ te rọkhasẹ ẹ gboo khi eni e ghua, ẹ guale, irari khi ọ lu Onomhue, 'Ẹshinegba oyi Aburaamu ali Ẹshinegba oyi Aziki ali Ẹshinegba oyi iGiekọpu.\*' <sup>38</sup> Ẹshinegba oyi ẹgbọ ni e la agbọ ọ khi. Oa khi Ẹshinegba oyi ẹgbọ ni e ghua." <sup>39</sup> Esesẹ Ishi eyi iMosisi eghuo ni e la agho ẹẹ ọli, "Osese, u ga gue ngme!" <sup>40</sup> Ogbokhoghuo ọa ke gbo gbudu mhila li ogbọ olese.

*Omi oghuo oni Omiepfuese ọ khi*  
(iMat 22.41-46; iMak 12.35-37)

<sup>41</sup> Igho ijesu ọ mhila wẹ, "Sẹ ẹẹ a liẹ liẹ khi ọni Omiepfuese khi omi iDefidi ọ khi? <sup>42</sup> Irari khi ọni iDefidi ọ ngme ọli shi ebe Iwolo, ni ọ rẹ,

"Onomhue ọọ Onomhue oyemhe:  
Shito mhe ukiekie obita

<sup>43</sup> ramhi ni mhi ro ya  
ri ebe ẹ shi ẹ ẹkoawẹ  
ni u kpha awẹ ukhomhi.†

<sup>44</sup> Ini iDefidi ọ lu ọli, 'Onomhue.' Sẹ ọ ke gbo liẹ khi omi iDefidi?"

*Ijesu ọọ e mhue ẹgbẹ shi esesẹ Ishi eyi*  
*iMosisi egbe*

(iMat 23.1-36; iMak 12.38-40)

<sup>45</sup> Abi eni ẹgbọ e kie ku esọ-a shi eke egho, ijesu ọọ eniye odukhokho eyoli, <sup>46</sup> "A mhue ẹgbẹ shi esesẹ Ishi eyi iMosisi egbe. O ma ghole wẹ ni e ke sọ itsua na dolodolo ke kia gasẹ, ni ẹgbọ e ba ke tse wẹ otse ekpe atu oki. Eẹ shito ashini o mhue ekpe elemhi owa ugami, e gbolo ẹ shito ashini o yagha

ni o fune ukue. <sup>47</sup> Eẹ lo apfe oyi esamhi-olimhi ya ri itoto miono wẹ emini e mhue. Eẹ sọ iromhi ni e nue eyi abamemhe. A ya na ẹgbọ eghogho osue egbegbo."

## 21

*Isomhopfa oyi osamhi-olimhi*  
(iMak 12.41-44)

<sup>1</sup> Ijesu ọ bino gasẹ, ọ mẹ khi ẹgbọ ni e mhue epfue e pfi ukpaghọ lo akpati ni a pfi ukpaghọ a lo elemhi Owa oyi Ẹshinegba. <sup>2</sup> Igho osamhi-olimhi ni ọa mhue emhi ọ li pfi ikpamhi inini eva lo oni akpati. <sup>3</sup> Ijesu ọọ eniye odukhokho eyoli, "Mhi gueye ẹ khi osamhi-olimhi ọna ọ ga rona dose ẹgbọ eni e kpole nya. <sup>4</sup> Eri ẹgbọ eni e kpole ena e rọte epfue eyewe rona, ama osamhi-olimhi ọna ọ rọte umhamẹ ri ukukuọ ni ọ mhue rona."

*Ijesu ọ guele emini a ya mẹ ikpukhokho*  
*agbo*

(iMat 24.1-2; iMak 13.1-2)

<sup>5</sup> Eniye odukhokho eyoli eghuo e ngme abi a li ri eche ni e somhi otse li atsona shi ugbe oyi oni Owa Oyi Ẹshinegba, li shi itsua isomhopfa ni a ro ma ọ na Ẹshinegba. Ama ijesu ọọ wẹ, <sup>6</sup> "Emini a bino ena ii, eghẹghe ọọ bhale ni o khia khi echeli okhoghuo ọa ke ya nga ọlese egbe, irari khi a ya bighi wẹ kua."

*Ozughu ali Ajilimhe*

(iMat 24.3-14; iMak 13.3-13)

<sup>7</sup> E mhila li, ẹẹ ọli, "Osese, eghẹghe onoghuo a ro ya mẹ ona. Elo a ya mẹ ni o ro ya khasẹ khi oni eghẹghe o she ramhi?"

<sup>8</sup> Ijesu ọọ wẹ, "A mhue ẹgbẹ ini ogbo ọ khi di e. Ebubu ẹgbọ e ya ri eva oyemhe bhale, ẹẹ liẹ, 'Mhemhe mhi khi Omiepfuese,' ali khi, 'Oni eghẹghe o she ti bhale.' A khi deba wẹ.

<sup>9</sup> Ini a suọ eko okhue ali ozughu, a khi zẹ ni egbe e guoghọ ẹ a, irari khi emhi enana e mema bhale ya tse, eri-tse khi ukpese agbo ọa kie ramhi ne oni eghẹghe."

<sup>10</sup> Oọ wẹ, "Ishishi e ya mu okhue vule shi ishishi ọ, eghiele e mu okhue vule shi eghiele ọ. <sup>11</sup> Eke e ya ke de kulue. Okiamhi ali ighuamhi ebe e ya la asha ododa. A ya mẹ ebemulishi ali ukpokpomhi irokhasẹ khi e te idane bhale.

\* 20:37 Li zẹ Okiali 3.6 † 20:43 Li zẹ Iwolo 110.1

12 “Eri-tse khi neni a ya me ena, a ya muno e a nase e, a muno e je owa ugamhi ali owa ighumha. A mu e ghie enighie ali igovuno irari oyemhe. 13 Ona o ya khi egheghe ni a ro ya me asha pfi otsela na mhe. 14 A mholi oli shi udu memena, a khi ze ni udu o nighise e shi emini a ya me so we o. 15 Mhi ya ri ungmehi shi e unu ali egbhali ni o khia khi ebe e ea ya dobe nu e khe ako.\* 16 Ita e, ali inyoghuo e, ali egbo eye e, ali emole e, e ya ri egbhue re e de, e gbolo eghuo elemhi e-a. 17 Egbokpa e ya ri itobo oyemhe kie e. 18 Ama, etsui okhoghuo oyi ongee o ya pfua. 19 Ini a migha egbegbo, a ya tsumhi e.

*Ijesu o guele shi eke khi a ya guoghọ iJerusalemu a*

*(iMat 24.15-21; iMak 13.14-19)*

20 “Ini a me khi ekholi-okhue e pfi gase iJerusalemu, a lese khi ipfueche-a oyoli o shi ti ramhi. 21 Egheghe agho, egbo ni e la eke iJudia, e na nga ikhomhi ite. Egbo ni e la ifu apfe, e na ifu apfe o vu. Eni e la oboese e khi ke gbo nyene egbe bhale ifu apfe. 22 Irari khi egheghe iso-ezo ni a she kpe keke shi eke na ni o bhale ya tse.† 23 Egheghe agho o ma kholo ikpotso ni e me umemhi egbe, ali eni e ri eniye shi egbe. Osue onofune o ya la oni eke. Ofu oyi Eshinegba o ya de rughu eni egbo. 24 Eghuo o e ya ghu eghuli ogbhoro, a muno eghuo ighumha je ishishi ododa. Egbo iJeta e ya guoghọ iJerusalemu-a ya ramhi, ni egheghe oyi egbo iJeta e ro ya dose.

*Ibhale oyi Omi Ogbọ*

*(iMat 24.29-31; iMak 13.24-27)*

25 “A ya ke me irokhasa elemhi ovo ali uki ali ikpetata. Ishishi e ya le oya eke agbo, abo e sha we abi oko oniemhi o li ya ke vuna.‡ 26 Ubi o ya rue egbo, irari ulishi e sa usamhi emini o a bhale eke agbo itobo khi ekpabo ni e la ukhui e ya ke nighise. 27 Egheghe agho, e ya me khi Omi Ogbọ o la elemhi otughunu tsua ekpabo ali ufumhi oniemhi, rote idane e tiemhile.§ 28 Ini a da me na ne, a vule a yase ukhomhi eke irari khi egheghe ipfasheke oye e o she ti bhale.”

\* 21:15 Li ze iLuk 12.11-12 † 21:22 Li ze Osia 9.7 ‡ 21:25 Li ze Aza 13.10; Ezik 32.7; iJoę 2.31; Iro 6.12-13 § 21:27 Li ze iDan 7.13; Iro 1.7 \* 21:37 Li ze iLuk 19.47 \* 22:1 Li ze Okiali 12.1-27

*Owena ni a rote okhua-eni rue*  
*(iMat 24.32-35; iMak 13.28-31)*

29 Ijesu o ze okhe irokhokho ona khase we, oo we, “A ke bino oara okhua ali eera nya. 30 Ini e da ta ebe enegbo ne, a lese khi oruame o shi ti e bhale. 31 Igho o li khi ini a da me emhi enana ne, a lese khi Eghiele oyi Eshinegba o she ti ramhi.

*A mu egbe shi eke*

32 “Abi o li mhi li gue oli e ye e khi, agbhotu ona o ya dose ne neni a me eni emhi ena nya. 33 Eke ali ukhuli e kha bhale ya dose, ingmemhi eyemhe e mema bhale ya tse.

34 “A kuegbe-a ini ukue iditse, ali onyo idada ali usamhi agbo e khi ya rue e egbhali, ini ogbele ibhale oyemhe o khi ya de shi egheghe ni a sa shi. 35 Irari khi oni ibhale ona ogbokpa ni o la agbo o ya bhale na. 36 A ke mu egbe egheghe kpa, a lema ni a toto migha, ni a pfue okhena ni oo bhale, ali ni a ro dobe migha odalo oyi Omi Ogbọ.”

37 Ogbelekpapa ijesu o ro la Owa oyi Eshinegba ii sese. Ini obili oo bi, o fię nga Ute Eera Olivu.\* 38 Eluzogbe kpa, eni egbo nya e bhale Owa Oyi Eshinegba ya ri esọ shi oli eke ni e suo ungmehi oyoli.

## 22

*Ijudasi o lama khi lolia ya ri ijesu de*  
*(iMat 26.1-5,14-16; iMak 14.1-2,10-11; iJon 11.45-53)*

1 Ukpe ni a la le ibuledi ni ogbo ri ifuma ma nye na lu iPasova o ti bhale.\* 2 Ighie eyi ekpodalo-ugamhi eyi Eshinegba ali eni e sese Ishi eyi iMosisi, e nono abi e li ya gbe ijesu a, ama ulishi oyi egbo o mu we.

3 Igho Okphaghię o lo ijudasi ni a gbolo a lu Isikaroti udu, ni o khi oghuo eniye odukhokho ogbava eyi ijesu. 4 Oni ijudasi o fię deba ighie eyi ekpodalo-ugamhi ali eni e khe ekhe Owa Oyi Eshinegba. O nu we ye ochi abi o li ya ri ijesu na we de. 5 Egbe e mu we, e lama khi wewe e ya fali oli ikpagho. 6 O lama shi we o, o nono abi lolia ri ya me asha ri oli na we mu ini ebubu egbo ea la akagho.



*Eminale ni o kpukhokho*

(iMat 26.17-25; iMak 14.12-21; iJon 13.21-30)

<sup>7</sup> Ukpe ni a la le ibuledi ni aa ri ifuma shi nye, ni a ro omi osumha e luase obo, o ramhi. <sup>8</sup> Igho iJesu o ghie iPita ali iJoni ralo, oo we, "A ka mu egbe eminale iPasova oyi awa."

<sup>9</sup> E mhila li, "Obo wa nono ni anye je ya mu egbe?"

<sup>10</sup> IJesu oo we, "Abi a lie ke lo iJerusalemu le te, a ya me omose oghuo ni o tsua ubene ame. A deba li je owa ni oo je. <sup>11</sup> Ini a ramhi agho, a lie oni o mholi oni owa ogho, 'Oseso odo, ighe elemhi owa oye ni epfese e ku e shi, ni mheme ali eniye odukhokho eyemhe anye la ya le eminale iPasova?' <sup>12</sup> O ya ri ukpokpomhi agbala khase e ukhomhi owa atonga ni a lolo rielesomhi otse. A mu egbe oni eminale shi agho."

*Eminale ni o kpe ukhokho ni iJesu o nu eniye odukhokho eyoli le*

<sup>13</sup> Igho e bhale ya e khi abi iJesu o li ngme oli te o khi. Igho e mu egbe oni eminale iPasova shi agho.

*Abi e ro le eminale oyi Onomhue*

(iMat 26.26-30; iMak 14.22-26; 1 iKori 11.23-25)

<sup>14</sup> Oni eghenge o ramhi, iJesu ali ighiu-somhi na kee eyoli e shito shi gase ni e ro ya le eminale. <sup>15</sup> Odo we, "O kie kpe ghole mhe egbegbo ni mhi nu e le eminale iPasova ona neni mhi ya me osoli. <sup>16</sup> Mhi gueye e khi, mhi aa ke gbo ya le eminale ona, se ni awa ke le oni o khi egbegbo obini Eghiele oyi Eshinegba."

<sup>17</sup> O rue oni uko, o kphemhi. Odo we, "A mo uko ona, a kemhi oli da. <sup>18</sup> Mhi gue oli e ye e khi, mhia ke gbo ya da onyo oora upfonu ona, se ni Eghiele oyi Eshinegba o bhale."

<sup>19</sup> Igho o rue ibuledi mhue obo, o kphemhi, o khi oli a, o ro na we, odo, "Idiegbe oyemhe na ni mhi ro na e. A lina ke rieleso oli ro sato mhe egbe."

<sup>20</sup> Igho o gbo rue uko abi o ro le emhi se, oo, "Uko ona o khi ishobo onogbo ni o

rote oia eyemhe bhale, ni a ku shi eke na e.<sup>†</sup> <sup>21</sup> A ghe i, obo oyi oni o ya remhe de o nu mhe shito e le emhi memena.<sup>‡</sup> <sup>22</sup> Abi e khi omi ogbo o li ya kia, igho a li ya me oli, ama epfua o khi ni ogbo ni o ya roli de." <sup>23</sup> Ee mhila egbewe oni o khi ni o ya gbe ikanya enana.

<sup>24</sup> Igho ekhako o gbo li lasese shi iteva oyewe shi oni o fune nya shi elemhi we. § <sup>25</sup> IJesu oo we, "Eri ighie eyi egbo iJeta ee jili we. E kha jili we se, e lie we khi eri wewe e kpaghie we obo.\* <sup>26</sup> Ama a khi li abi wewe, ochogho, oni o nono ni loli fune elemhi e, o ri egboli tiemhie eke nya, oni o ralo o ke ga enekpole.<sup>†</sup> <sup>27</sup> Oghuo o fu ne, oni o shito ukhomhi itebu e le emhi, abi oni oo kphanon eminale ghi eni e shito o le? Oa khi oni o shito le? Ama eri mheme mhi le e iteva abi oni o ga e.<sup>‡</sup> <sup>28</sup> Ee a nu mhe migha abi mhi ro la imufe. <sup>29</sup> Mhi ri eghiele na e, abi itamhe o li ri eghiele na mhe. <sup>30</sup> Ni a ro bhale ya e khi a nu mhe le, a nu mhe da obini iloghie oyemhe. A ya shito ukpekhomhi oghie, a gue unuekpe igbeva eyi iZireni ezos. §

*IJesu o guele shi eke khi iPita o ya kie lue*

(iMat 26.31-35; iMak 14.27-31; iJon 13.36-38)

<sup>31</sup> "ISamo, iSamo, ghe i, Okphaghie o she mhila khi loli e nono ni loli kpishi e-a nya abi a lie kpishi ado. <sup>32</sup> Ama mhi she so iromhi ne, iSamo, ini irudunga oye o khi nighise. Ini u pfue o se, ri udu shi inyoghue e enekpole o."

<sup>33</sup> Ama iPita odo li, "Onomhue, mhi ga mu egbe ni mhi ro deba e ya lo owa ighumha, ali ni mhi nu e ya ghua."

<sup>34</sup> IJesu odo li, "Mhi gue e ye, khi, yeye iPita ona, neni okpa o ya gbieghe amo u ya kie mhe itese khi u waa lese mhe."

*Eghenge ingme o she ramhi*

<sup>35</sup> IJesu o ro mhila we, "Abi mhi ro ghie e fie lase, ni aa ro tsua eku ukpagho wekhi akpaba wekhi eku, emhikhoghue o fe to e?"\*

E oli, "Iiye." <sup>36</sup> Odo we, ama memena, ogbo ni o mhue eku ukpagho o rue oli, oni o

† 22:20 Li ze iJere 31.31-34 ‡ 22:21 Li ze Iwolo 41.9 § 22:24 Li ze iMat 18.1; iMak 9.34; iLuk 9.46 \* 22:25 Li ze iMat 20.25-27; iMak 10.42-44 † 22:26 Li ze iMat 23.11; iMak 9.35 ‡ 22:27 Li ze iJon 13.12-15 § 22:30 Li ze iMat 19.28 \* 22:35 Li ze iMat 10.9-10; iMak 6.8-9; iLuk 9.3; 10.4

mhue akpaba o tsua li, ini u waa kpe mhue oghoro, ka ri awulu oye de, ni u ya de oghuo. <sup>37</sup> Mhi gueye e khi emini a keke shi mhe egbe ni o la Ebe-no-pfuase, ni oo, "A leli oli ma egbo ni e lue," o mema bhale ya tse shi mhe egbe. Irari khi emini a keke shi mhe egbe o she ramhi ni e ro bhale ya dose.† <sup>38</sup> Eniye odukhokho eyoli e oli, "Bino, Onomhue, oghoro eva e la ana." Oo we, "O somhi agho."

*Ijesu o la ute olivu so iromhi*  
(iMat 26.36-46; iMak 14.32-42)

<sup>39</sup> Ijesu o fie lase, e je Ute Eera Olivu, abi o kpe li. Eniye odukhokho eyoli e deba li. <sup>40</sup> E ramhi agho, oo we, "A ke so iromhi ini a khi de pfilo imufe." <sup>41</sup> O tikia na we de, o wugha, o so iromhi, oo, <sup>42</sup> "Ita, ini o ghole e, mie mhe uko osoli imeme onana, ama o a khi abi o ghole mhe, ama abi o li ghole e." <sup>43</sup> Igho agheni o rote idane bhale ya ri ekpabo na li. <sup>44</sup> Rote otomhe, o so iromhi egbegbo ramhi ni opfo ni e rote oli egbe e ku shi eke, e kho tikpo abi o lia. <sup>45</sup> Abi o rote iromhi isoso vule, o nyene egbe bhale deba eniye odukhokho eyoli. O me khi osoli ni e vie o ri olosemhe shi we egbe, e lese. <sup>46</sup> O mhila we. "Elo o ze khi a lese-a? A vule ni a ke so iromhi ini a khi de pfilo imufe."

*A mu ijesu*

(iMat 26.47-56; iMak 14.43-50; iJon 18.3-11)

<sup>47</sup> Abi o kie li ngme egho, egbo e ve lole gbii. Omose ni a lu iJudasi ni o li khi otuoghuo eniye odukhokho ogbava eyi ijesu o rewe kia. O le deba ijesu ni loli ya pfi oli elemhi egbe. <sup>48</sup> Ijesu o mhila li, oo li, "iJudasi, eri u ri otse ri Omi Ogb o de ena?" <sup>49</sup> Eni eniye odukhokho eyi ijesu e me emini a ya me ena, e mhila li, "Onomhue anye ri itakobi ni e la anye abo kholi?" <sup>50</sup> Igho oghuo o, o ri itakobi fia oni oo ga oni o kpeda nya oye ekpodalo-ugamhi eso a. <sup>51</sup> Ijesu oo li, "Taa! Khi ke gbo li igho." O ri ob o ti oni omose oni eso, oni eso o gbela. <sup>52</sup> Ijesu o mhila ighie eyi ekpodalo-ugamhi, ali eni ee khekhe Owa Oyi Eshinegba, ali eni egbhali ni e bhale ya mu oli, "Eri mhia pfi ozughu ni a ro tsua epia ali itakobi ali

ikpokpo bhale e deba mhe? <sup>53</sup> Ele kpa mhi ro la Owa Oyi Eshinegba e sese, ongee o a ri ob o ti mhe, ama eghenge oye na ni ekpabo alo ebili e ro mhesa."‡

*IPita o tia khi loli ea lese ijesu*  
(iMat 26.57-58,69-75; iMak 14.53-54,66-72; iJon 18.12-18,25-27)

<sup>54</sup> Igho e mu oli vu ya je owa oyi Okpodalo-ugamhi oyi Eshinegba ni o kpeda nya. IPita o tapfia a deba we. <sup>55</sup> Abi e ke ro pfi erali shi iteva oyi oni atukpape ni e ro shito, iPita o li bhale ya nu we shito. <sup>56</sup> Abi okpotso oni oo ga oghuo o li me khi iPita o nu we shito, o bino oli tsuke, oo li, "Omose ona o li nu ijesu kia." <sup>57</sup> Ama iPita o tia. Oo li, "Kpotso, Mhia fe ga lese oli." <sup>58</sup> O de, omose olese o ke gbo me iPita, o mhila li, "U li nu ijesu u kia."

IPita o ke, "Mose mhia nu oli kia."

<sup>59</sup> O ke te agho ri emhi abi agogo oghuo dose, omose olese o ge ma o gue, oo, "Mhi lese gboo khi omose ona o nu ijesu u kia, irari khi onge iGalili o li khi!"

<sup>60</sup> Ama iPita o so li o, oo li, "Mose, mhi a lese emini u wa ngme ena." Utoghuo kpe abi o kie li ngme, okpa o gbieghe <sup>61</sup> Onomhue o pfi alo bino iPita chii. IPita o tode sato ungmehi ni ijesu o ngme ni o khi, "Neni okpa o ya gbieghe, u ya tia itese, we khi u waa lese mhe." <sup>62</sup> IPita o fie je olase, o ya vie oya.

*Eni e khe ekhe e ri ijesu li egia*  
(iMat 26.67-68; iMak 14.65)

<sup>63</sup> Eni emose ni e khe ijesu ekhe, e roli li egia, e gbe oli. <sup>64</sup> E gono oli alo, e mhila li, "Bobobo! Oghuo o ri emhi lie?" <sup>65</sup> Igho e ngme iwali ingmemhi emuebe ebubu deba li.

*E mu ijesu bhale igbaa iSahediri*  
(iMat 26.59-66; iMak 14.55-64; iJon 18.19-24)

<sup>66</sup> Ogbe o gbe-a, eni egbhali ali ighie eyi ekpodalo-ugamhi, ali esese Ishi eyi iMosisi e legba. E rue ijesu lasela migha iteva oye we. <sup>67</sup> E lie oli, "Ini yeye u khi oni omiagbopfuese, gueye anye."

Ijesu oo we, "Ini mhi tseku gueye e, aa ya mie shi mhe o. <sup>68</sup> Ini mhi mhila e, aa ya gbaghie a na mhe. <sup>69</sup> Ama rote memena

† 22:37 Li ze Aza 53.12 ‡ 22:53 Li ze iLuk 19.47; 21.37

vu, omi oḡbọ ọ ya shiṭọ obita oyi Ẹshinẹgba obini iloghie.”

<sup>70</sup> Wẹwẹ nya e mhila li, “Omi Ẹshinẹgba u khi?”

Oḡ wẹ, “A gue ngme ni ẹ khi Omi ọ mhi khi.”

<sup>71</sup> Ẹ egbewẹ, “Awa ke gbolo ẹ nono ọtsẹlẹ ọlese, awa-eghuo awa she ri esọ eyawa suọ abi ọ ri unu oyọli ngme.”

## 23

### *A rue iJesu bhale odalo oyi iPaleti*

(iMat 27.1,2,11-14; iMak 15.1-5; iḡon 18.29-38)

<sup>1</sup> Ighọ eni igbaa nya e vule, e pfi ọli ukhomhi ralo ghi iPaleti. <sup>2</sup> Wẹwẹ nya e gue ẹzọ shi ọli egbe, ẹ liẹ, “Anye she mẹ ọmọse ọna khi ọ sẹsẹ ẹgbọ ode ẹgbhọli. Ọḡ ẹgbọ e khi ke zẹ oga na oghie iSiza, ọ gbolo a liẹ khi lọli khi Ọmiepfuese ni ọ gbo khi oghie.”

<sup>3</sup> Ighọ iPaleti ọ mhila li, “Suọ khi yeyẹ u khi oghie oyi ẹgbọ iJu?” iJesu ọḡ li, “Abi o li ghọ.”

<sup>4</sup> Ighọ iPaleti ọ gueyẹ ighie eyi ekpodalo-ugamhi ali eni igbaa, “Mhi a mẹ ushi mu mhuẹ ọmọse ọna obọ.”

<sup>5</sup> Wẹwẹ nya e liẹ, “Eri ọ ri osẹsẹ oyọli pfi ozughu ẹ shi eke ijudia nya. Eke iGalili ọ te gba li eke le ni ọ rọ ramhi ana ena.”

### *A rue iJesu bhale odalo oyi Eroḡu*

<sup>6</sup> Abi iPaleti ọ rọ suọ ona, ọ mhila wẹ ini ọngi iGalili ọ khi. <sup>7</sup> Abi ọ ke rọ suọ khi eke ni Eroḡu ọ mhẹsẹ shi iJesu ọ khi, ọ e rue ọli ghi Eroḡu ni ọ li la iJerusalemu oni ẹghẹghẹ.

<sup>8</sup> Abi Eroḡu ọ rọ mẹ iJesu, egbe e mu ọli, itobọ khi o she tẹsẹ ni ọ te nono ni lọli mẹ ọli, irari khi ọ she kpẹ suọ eko ọli, ọ gbolo nono ni ọ la ukpẹloẹ luẹ gbe ikanya ọnyalọa ẹghuo. <sup>9</sup> Ọ mhila iJesu oḡbọ ebubu ama iJesu ọa pfa shi ọli eke. <sup>10</sup> Eni Ighie eyi ekpodalo-ugamhi eyi Ẹshinẹgba ali esẹsẹ Ishi eyi iMosisi e migha aghọ, e pfi oni o nga ọ shi ọ <sup>11</sup> Ighọ Eroḡu ali ekhọli-okhuẹ eyọli e gia li e gbo rọli li egia. E sọṅọ li itsua ni e somhi otse ni e ghale. E gbo rue ọli nyenẹ egbe ukhokho ghi iPaleti. <sup>12</sup> Ẹlẹghọ, iPaleti ali Eroḡu e rọ somhi irari khi ọbe e kpẹ khi.

### *IPaleti ọ pfa ẹzọ mu iJesu a gbe ọli-a*

(iMat 27.15-26; iMak 15.6-15; iḡon 18.39-19.16)

<sup>13</sup> IPaleti ọ luno ighie eyi ekpodalo-ugamhi ali eni ẹ mhẹsẹ ali eni ẹgbọ nya,

<sup>14</sup> Oḡ wẹ, “A rue ọmọse ọna ghi mhẹ, a liẹ khi ọ pfi ozughu shi ẹgbọ iteva. Ama ukpẹloẹ ẹ mhi la mhila li oḡbọ lẹna, mhi aa mẹ emhi khọghuo ni a rọ gue ẹzọ shi ọli egbe.

<sup>15</sup> Wẹkhi eri Eroḡu ọ pfa ẹzọ mu ọli, irari khi ọ nyenẹ ọli egbe ukhokho ghi awa. A ga mẹ ọli gboo khi ọni ọmọse ọna ọa li ingme okhọghuo nabi a rọ ya liẹ a gbe ọli-a. <sup>16</sup> Irari ghọ mhi ya nase ọli, mhi rue ọli obọ-a.”

<sup>17</sup> [Ini a li ukpe iPasova, iPaleti, ọḡ mema rue oḡbọ oghuo ighumha lasele na wẹ.]

<sup>18</sup> Wẹwẹ nya e ku unu a nyogho, “A rue ọli vu ya gbe-a! A ri ochogho rue iBarabasi obọ-a na anye!” <sup>19</sup> Eri a kie kpẹ mu iBarabasi shi owa ighumha irari onyaghu ni ọ pfi shi oni ẹoli ali khi ọ gbo gbe ugbeli.

<sup>20</sup> IPaleti ọ nono ni luẹ rue iJesu obọ-a, ọ gbo lema wẹ. <sup>21</sup> E kiele tsẹsẹ nyoghoo, “A ta li ma ọḡra apfida gbe-a! A ta li ma ọḡra apfida gbe-a!” <sup>22</sup> Utonuzesẹ, ọ gbo nu wẹ ngme, ọḡ, “Elọ o zẹ, Ingmobe onoghuo ọ riele? Irari khi mhia mẹ emini o zẹ ni a rọ ya gbe ọli-a. Itobọ ighọ, mhi lẹsẹ ya nase ọli, mhi rue ọli obọ-a.”

<sup>23</sup> E kiele tsẹsẹ nyoghoo, a ta iJesu ma ọḡra apfida gbe-a. Atsẹsẹ oyewẹ o rọli tse na wẹ. <sup>24</sup> Ighọ iPaleti ọ lama shi wẹ ọ. <sup>25</sup> Ọ rue iBarabasi ni a mu shi owa khi ọ pfi ozughu shi oni eke, ni o gbo gbe ugbe, obọ-a na wẹ. Ighọ ọ ri iJesu na wẹ, e ka li ọli abi o ghọle wẹ.

<sup>26</sup> Abi e li rue ọli lẹ, e mẹ ọmọse oghuo ni a lu iSamọ ọngi iZireni ni ọ rọte ẹoli odonue lo oni ẹoli le. E ri itoto mu ọli, sheli ọli oni ọḡra apfida oghọ, ọ tsua li nga ike deba iJesu.

<sup>27</sup> Ebubu ẹgbọ e deba iJesu, shi ikpotso ni e viẹ e viẹ oya na li. <sup>28</sup> IJesu ọ nyenẹ alo ghue wẹ, ọḡ wẹ, “Ikpotso iJerusalemu, a khi ke viẹ na mhẹ. A ke viẹ na egbe ẹ ali imi ẹ, <sup>29</sup> Irari khi oni ẹghẹghẹ ọḡ bhale ni a rọ ya ke liẹ, ‘Ikhivose o khi na ikpotso ni ẹa bia

\* 23:30 Li zẹ Osia 10.8; Iro 6.16

eniye, ni ẹa me umemhi ghue, wekhi e ri e mu enyeli shi omọ unu ghue.’<sup>30</sup> E ya lie ute, ‘De mu anye,’ ẹẹ ite enikeke, ‘A de khukhu anye a.’\*<sup>31</sup> Irari ini egbo ẹẹ li na ini egua o vọ ebuli-a zughu, se e ke ẹ li ini o khakha?”

<sup>32</sup> A li muno ighiatọ aava ni a li ya gbe-a toma li egbe. <sup>33</sup> Abi e rọ ramhi ashini a lu, “Ugua ukhomhi olimhi,” agho e gbe ọli ali ighiatọ egho a shi. E ta oghuo ma oora shi ọli ukiẹkiẹ obita, e ta onokpọle shi ukiẹkiẹ obọ ogobo. <sup>34</sup> Ijesu ọli, “Ita, gbekua na we irari khi ẹa lese emini ẹẹ li.”†

E ri amukpagho pfi onolo rọ kemhi itsua eyọli. <sup>35</sup> Eni egbo e migha bino, enighie e dọli okonyo. E lie, “Oo tsumhi egboese, o tsumhi egbo li ini loli o khi Omiepfuese oyi Eshinegba ni a ze.”‡

<sup>36</sup> Eni ekhọli-okhue e li bhale ya rọli li egia. E ri onyo ni o yala nali o mo da. § <sup>37</sup> E ọli, “Ini o khia khi yeye u khi oghie oyi egbo iJu, tsumhi egbe e shọ.” <sup>38</sup> E keke emhi tama kpeda na li ni o ngme khi, “Ona o khi Oghie oyi Egbo iJu.”

<sup>39</sup> Oghiatọ oghuo ni a li tama oara, o tsue iJesu. O lie ọli, “Óá khi yeye we khi Omiepfuese u khi? Tsumhi egbe e, ni u li tsumhi anye.”

<sup>40</sup> Ama oghiatọ onokpọle, o dese ọli, oo li, “Ulishi Eshinegba o ya ya muẹ, aborokhia khi eri ushi oghuo o ga mu awa? <sup>41</sup> Akanya ni awa gbe awa mie ifata to e na. Ama omose ona, o li emhikhoghuo ni o me osue a shi.” <sup>42</sup> Igho o o iJesu, “Sato mhe egbe ini u bhale ukpekhomhi eghiele oye.”

<sup>43</sup> Ijesu oo li, “Mhi gueye khi, ogbe-namo ena, u ya nu mhe la Apfe oyi Eshinegba na iloghie.”

### *Eghuli oyi iJesu*

(iMat 27.45-56; iMak 15.33-41; iJon 19.28-30)

<sup>44</sup> Agogo igbeva ele oguota o lese nu, obili o te bi oni eke nya ya ramhi agogo ese ele ogbomhi. <sup>45</sup> Irari khi ovo o ke to, ode ugbakpi ni a rọ pfa ode a shi elemhi Owa Oyi Eshinegba o te iteva kiесе-a eva ya to eke.\* <sup>46</sup> Ijesu o lu leghe, oo, “Ita, mhi ri ayemhe oyemhe mhọli e obọ.” Abi o rọ na

ngme se, o ghua. <sup>47</sup> Abi oga okhọli-okhue ni o la agho o rọ me emini a me, o kuẹghie Eshinegba, oo li, “Egbegbo lo khi omose ona oni o pfuase o khi!”† <sup>48</sup> Abi egbo ni e le gba agho ni wewe e ri ukpeloe me emini a me, e rọ me emini a me, ee vie osue, e je. <sup>49</sup> Ama egbo nya ni e lese ọli ali ikpotso ni e rọte iGalili deba li, e migha tapfia bino emini a ga me nya.‡

### *Irotọ oyi iJesu*

(iMat 27.57-61; iMak 15.42-47; iJon 19.38-42)

<sup>50</sup> Omose oghuo o la o na lu iJosefu. O khi oghuo emose ni ee mhesẹ. O khi omose onete ni o pfuase. <sup>51</sup> Oa lama shi o a ka gbe iJesu a. Oni ẹoli Arimatia na eke iJudia o khi. O migha khe Eghiele oyi Eshinegba. <sup>52</sup> O le deba oghie iPaleti ya mhila li olimhi oyi iJesu. <sup>53</sup> O rọte oora apfida rue ọli tiemhile, o ri ide enegbo khuli ọli. O ya rọli shi uji ufueche ni a to-a, ni ogbo o ke ri olimhi to ghue. <sup>54</sup> Ogbele ni o mama ele iyemhe oyi egbo iJu lo. Ele iyemhe o she lese ya ramhi. <sup>55</sup> Eni ikpotso ni e rọte iGalili deba iJesu bhale e deba li ya me uji ni o ri iJesu to. Ali abi o li rọli to. <sup>56</sup> Igho e nyene egbe je apfe ya rue ituale ni a ku e shi olimhi egbe. §

Ama e yemhe-a ogbele iyemhe. E ri ona ri ushi ogbele iyemhe gbe akanya.

## 24

### *Ite-eghuli-guale oyi iJesu*

(iMat 28.1-10; iMak 16.1-8; iJon 20.1-10)

<sup>1</sup> Ele ni odode na elemhi efo uka, ogbie fiefie, eni ikpotso e bhale uji ni a ri iJesu to. <sup>2</sup> E me khi eche ni a rọ khukhu oni uji, khi a gheghele ọli ode-a. <sup>3</sup> Ama abi e rọ lo elemhi oni uji, ẹa me idiegbe oyi iJesu. <sup>4</sup> Abọ e sha we, abi e li migha a sa o egho, e me khi emose aava ni e so itsua epfopfo ni e ge nyanyanya e nu we migha. <sup>5</sup> Ulishi oo mu we, e nyese ukhomhi so alo ghue eke. Ama eni emose e mhila we, “Elo o ze ni a rọ nono ogbo ni o la agbo ifuabọ oyi egbo ni e ghua? <sup>6</sup> Oa ke la ana, o she guale. A sato emini o gueye e abi o rọ la iGalili khi: <sup>7</sup> ‘Omi Ogbo o mema ya me osue obọ oyi egbo olamhe,

† 23:34 Li ze Iwolo 22.18 ‡ 23:35 Li ze Iwolo 22.7 § 23:36 Li ze Iwolo 69.21 \* 23:45 Li ze Okiali 26.31-33

† 23:47 Li ze Iwolo 31.5 ‡ 23:49 Li ze iLuk 8.2-3 § 23:56 Li ze Okiali 20.10; iDeut 5.14

e gbe ọli-a shi apfida, ama ẹlẹnuzi-ese ọ ya guale.’ ”\* 8 E tigbe yele eni ingme eyọli le.

9 E rọte atalimhi bhale, e gueye eniye odukhokho ogbaghuo enekpọle ali ẹgbọ elese ni e la agho. 10 IMeli ọngi iMagidaleni ali iJoana ali iMeli inyi iJemhisi ali ikpotso ni e nu wẹ kia e gueye eni ighiusomhi na keẹ. 11 Ama eni eniye odukhokho e dabi khi ingmemhi afue eni ikpotso ee ngme, ẹa pfi esọ shi wẹ ọ. 12 Ama iPita ọ vule, ọ na ya je oni atalimhi, ọ ramhi agho, ọ nyese egbe bino elemhi oni uji, ọ lese me ide ni a ro khuli ọli egho agho, ama ọa me idiegbe oyi iJesu. Igho ọ li je apfe, abo e sha li.

*Okiali na ode Emausi  
(iMak 16.12-13)*

13 Oni ogbele ni e ngme ena, eniye odukhokho aava eyi iJesu e je ọli Emausi ni o khi imali igbaghuo rọte iJerusalemu. 14 E nu egbewe ngme ingme enana ni a me. 15 Abi e li ngme ni e li lee egho, iJesu ọ khu wẹ e, e ga kia lee. 16 E me ọli ama ẹa lese oni ọ khi. 17 IJesu ọ mhila wẹ, “Elo a nu egbe a ngme abi a li kia lee ena?” E mu migha, alo eyewe e khi osoli-osoli. 18 Oghuo elemhi wẹ ni a lu iKilopasi ọ mhila li, “Opfese oshẹbhe u khi shi eke iJerusalemu ni ọa lese emini a me eke ona aenelue?” 19 “Emhi eneghuo a me?” IJesu ọ mhila wẹ. Eni emose e ọli, “Emini e li iJesu ọna iNazareti. Omekeguele omose ọna ọ khi, ọ mhue ekpabo oyi Eshinegba. Egbọ e lese ọli shi emini ọ riele ali ingmemhi ni ọ gbolo o ngme. 20 Ighie eyi ekpodalo-ugamhi eyi Eshinegba ali enighie e rue ọli lasese ni a gbe-a shi ọora apfida. 21 Eri anye dabi khi ọli ọ ya pfa ẹgbọ iZireni shi eke. Amo li ele ese abi a te me ingme ena. 22 Ikpotso eghuo eyi anye e ri abo sha anye. E je uji oyoli amo uzogbe fiefie, 23 Ama ẹa me idiegbe oyoli. E nyene egbe bhale ya gue khi wewe e me igeni ni e gueye wewe khi ọ she guale. 24 Egbọ eghuo elemhi anye e she je obo ya bino e me khi abi e ngme o khi, ama ẹa me iJesu.” 25 IJesu ọọ wẹ, “A khi eyeghe e, ni udu oye ọa nyanya mie emini emekeguele e ngme suo. 26 Aa lese khi ina oni Omiepfuese ọ li ya me osue neni

ọ lo ufumhi oyoli?” 27 Oni iJesu ọ tigbe ri emini a keke shi Ebe-no-pfuase lo wẹ esọ ni e la ebe Ushi oyi iMosisi ali eyi emekeguele nya. 28 Abi e li ti ramhi ukuku ọli ni e je, iJesu ọ riele abine khi ọli ti okiali oyelue ya je odalo. 29 Ama ee ti ọli, ẹe ọli, “Nu anye kushi ana irari khi ogbe o she vu, obili o she gbolo-a bi.” Igho ọ deba wẹ ọ ya kushi na wẹ. 30 Abi e kerọ shito ya ke le eminale, ọ rue oni ibuledi, ọ kphemhi, ọ khi ọli-a, ọ kemhi na wẹ. 31 Eghẹghe ana, alo eyewe e khueghie-a, e tigbe lese khi ọli lo. Eri-tse ọ kele-a, ẹa ke me ọli. 32 E egbewe, “Oo khi eri ọ li abi erali shi awa udu abi ọ ro la ode nu awa ngme ni ọ gbo ro gue abi Ebe-no-pfuase o ngme ye awa?”

33 Aghoaghọ e vule nyene egbe ukhokho je iJerusalemu. E bhale ya e eniye odukhokho ogbaghuo ali ẹgbọ enekpọle ni e ga legba, 34 ni e lie, “Egbegbi ingme lo khi Onomhue ọ she guale, ọ ri egboli gbo khasẹ iSamọ.” 35 Igho eni etuava egho e guele emini a me ode, ali abi e lese iJesu eghẹghe ni ọ ro khi ibuledi-a na wẹ.

*IJesu ọ ri egboli khasẹ eniye odukhokho eyoli*

*(iMat 28.16-20; iMak 16.14-18; iJon 20.19-23; Ika 1.6-8)*

36 Abi e ro kie ghọ ngme oni ungmehi, iJesu ọ migha wẹ iteva ọọ wẹ, “Opfomhe o nu e la.”

37 E yila, ulishi oó mu wẹ, e dabi khi ayemhe olimhi ọ khi. 38 Oo wẹ, “Elo o ze ni udu oye e o ro nighise, ni a ro gbo mhọli akhokhomhe shi udu oye e? 39 A bino abo ali awe eyemhe. Mhemhe lo. A ri obo timhe ni a me khi olimhi ogbo ọa ya mhọli idiegbe ali igua, nabi a me khi mhi mhọli ena.”

40 Abi ọ ro ngme na se, ọ ri abo ali awe eyoli khasẹ wẹ. 41 Abi oghẹle ali oshabo ni o vo wẹ udu ọa kie ze wẹ mie shi ọ ne, iJesu ọ mhila wẹ, “A li mhọli emhikhoghhuo shi akana ni a le ghọ?” 42 E rue afele ni a nye na li, 43 O rue ọli la akpewe roli le.

44 Oo wẹ, “Ena e khi emini mhi gueye e abi mhi ro kie nu e la. Ingme eyemhe nya ni a keke shi Ushi oyi iMosisi ali, ebe eyi

\* 24:7 Li ze iMat 16.21; 17.22-23; 20.18-19; iMak 8.31; 9.31; 10.33-34; iLuk 9.22; 18.31-33

Emekeguele eyi Eshinegba ali Ebe Iwolo, e mema bhale ya tse.”

<sup>45</sup> Igho o khueghie we udu-a ni e me asha lese emini a keke shi Ebe-no-pfuase.

<sup>46</sup> O gueye we, “Emini a keke shi eke na. Omiepfuese o ya me osoli, o rote eghuli guale elenuzi-ese, <sup>47</sup> egheghe agho a ya ri eva oyoli ri imupfi ali irolamhe-topfa tse abo ushishi nya, rote iJerusalemu gba eke le. <sup>48</sup> A ga me eni emhi enana nya. <sup>49</sup> Mhi ya ri emini Itamhe o shobo ghie usomhi ghi e, eri-tse a la elemhi eoli iJerusalemu ramhi ni a ro ya ri itoto rote obini o yagha ghi e ni o ya kpha e so.”†

*Inga idane oyi iJesu*

*(iMak 16.19-20; Ika 1.9-11)*

<sup>50</sup> Abi o ro rue we vu ya fi, ni e ro kia ramhi iBetani, o tsua abo idane, o ku isemhe na we. <sup>51</sup> Abi o li ku isemhe na we, o o ze we obo, a rue oli nga idane.‡ <sup>52</sup> Igho e nyese ukhomhi ga li. E mu egbe pfi ri ukpokpomhi oghel je iJerusalemu. <sup>53</sup> E kiele la owa ugamhi no fune tse, e kuoghi Eshinegba.

† 24:49 Li ze Ika 1.4    ‡ 24:51 Li ze Ika 1.9-11

## Usomhi Onete oyi iJesu iKirisiti ni iJoni O keke

### Ungmemhi Oni o khi agbo

<sup>1</sup> Igbaekele, Ungmemhi O she kpe la o. Oni Ungmemhi o nu Eshinegba la. Oni Ungmemhi O khi Eshinegba. <sup>2</sup> Igbaekele loli ali Eshinegba e te ga la. <sup>3</sup> Obọ oyọli a te ma emhikpa. Aa me emhikhoghuo ni a ma ni aa rote obọ oyọli ma. <sup>4</sup> Loli o mhọli agbo na agboagbo. Oni agbo oyọli, o ri akpa na egbo na agbo.

<sup>5</sup> Oni akpa o ge nga alo ebili, ama alo ebili o dobe pfuse oli a.

<sup>6</sup> Eshinegba o ghie omose oghuo ni a lu iJoni ghi egbo na agbo. \* <sup>7</sup> Loli o bhale ya pfi otsele shi oni ogbo ni o khi oni akpa, ni egbo nya e rote oni otsele miesuo. <sup>8</sup> Oa khi oni iJoni o khi oni akpa; eri o li bhale ya pfi otsele shi oni akpa. <sup>9</sup> Loli o khi oni egbegbi akpa, ni o ya bhale agbo ni o ya ri imeke na egbo nya.

<sup>10</sup> Oni Ungmemhi o la agbo, egbo ea lese oli, abi o ri rie khia khi loli a rote obọ oyọli ma agbo. <sup>11</sup> O bhale deba egbo eyọli, ea lama mie oli. <sup>12</sup> Ama, ebubu ni e da lama mie oli, ni e lese mie eva oyọli suo, wewe o ri afu na e ro mele imi Eshinegba a. <sup>13</sup> Oa khi abi ita ali inyo e lie bia ogbo alo-gbugbugbu a ri ona ngme, ama Eshinegba o khi ita we.

<sup>14</sup> Oni Ungmemhi o mele ogbo-a, o nu awa la agbo ona, awa me ufumhi oyọli, ikhi ufumhi oyi omi Ita otuoghuo kpe ni Ita o mhọli, oni o rote obọ oyi Ita bhale, oni o mhọli isomhelemhi ali igesikia gbeku o.

<sup>15</sup> IJoni o kia tse abo ingme oyọli ye egbo, o o tsele, o o lie, "Ona mhi gueye e khi o ya bhale odukhokho oyemhe, ama o fu dose mhe itobo khi o kpe la agbo neni a bia mhe."

<sup>16</sup> Rote isomhelemhi oyọli ni o gbeku o, awa te mhọli ikhivose ododa. <sup>17</sup> Obọ oyi iMosisi Eshinegba o te ri ushi na awa, ama obọ oyi iJesu iKirisiti isomhelemhi

ali igesikia e te bhale. <sup>18</sup> Ogbokhoghuo o me Eshinegba ghue. Ama, Omi Eshinegba otuoghuo kpe, ni loli ali Eshinegba e khi oghuo, ni loli ali Ita e ga la, loli o ze ni agbo e ro lese Ita.

### IJoni oo khi loli e khi Omiepfuese (iMat 3.1-12; iMak 1.1-8; iLuk 3.1-18)

<sup>19</sup> Egbhali eyi iJu ni e la iJerusalemu e ghie eni ee ralo ugamhi oyi Eshinegba ali eni e nu we gbe ikanya owa-ugamhi, e ka mhila iJoni oni o khi.

<sup>20</sup> IJoni o ro sheli we, o nyanya so we o, o gueye we gboo khi o a khi loli khi oni Omiepfuese.

<sup>21</sup> E mhila li, "Oghuo u ke khi sho? Elaja u khi?"†

IJoni oo, "Iye." E gbo mhila li.

"Omekeguele oyi Eshinegba u khi?"

O o "Iye."

<sup>22</sup> E gbolo e, "Gueye anye oni u khi sho, ni anye me emini anye ya gueye eni e ghie anye, elo ye ye u khi sho?"

<sup>23</sup> IJoni o rote ungmehi ni Azaya omekeguele oyi Eshinegba o ngme so we o, oo, "Mhemhe mhi khi uruli oyi ogbo ni o la odagbe e tsele, ni oo lie, 'A riele udu oye e shi eke ke Onomhue ni o o bhale.' "‡

<sup>24</sup> Egbo ni egbo iFarisi e ghie ghi iJoni, e mhila li, <sup>25</sup> "Abi u a ro khi Omiepfuese, ni u a ro khi Elaja, wekhi oni omekeguele oyi Eshinegba u khi ena, elo o ze ni u ro o batazi egbo sho?"

<sup>26</sup> IJoni o so we o, oo, "Ame mhi ro batazi egbo memena, ama ogbo oghuo o la e iteva memena ni aa lese ne. <sup>27</sup> Loli o ke ya bhale odukhokho oyemhe, ni o khia khi mhia fu ramhi oni o o taghie uli oyi eku e ni o ro so a."

<sup>28</sup> Obini iBetani ni o la ukiekie obini ovo o te e ngale shi oke iJodani, ashini iJoni o la batazi egbo, a la me eni ingme ena nya.

### Omi osumha oyi Eshinegba

<sup>29</sup> Ogbeakolo iJoni o me khi iJesu oo bhale, iJoni o gueye egbo, oo, "Omi Osumha oyi Eshinegba ni o rue olamhe eyi agbo vu na! <sup>30</sup> Ona mhi ngme abi mhi ro lie, 'Omose oghuo o ya bhale ni o fu dose mhe, itobo khi o she kpe la o neni a bia mhe.' <sup>31</sup> Egbegbi

\* 1:6 Li ze iMat 3.1; iMak 1.4; iLuk 3.1-2 † 1:21 Li ze iDeut 18.15,18; iMala 4.5 ‡ 1:23 Li ze Aza 40.3

mhemhe mhia kpe lese oli ghue, ama eri mhi bhale ri ameh e batazi egbo ini mhi me asha ri oli khasa egbo iZireni.”

<sup>32</sup> Igho iJoni o pfi otsele ona khi, “Mhi me khi Ayemhe o li abi anekhukhu rote idane tiemhie ya ma li egbe. <sup>33</sup> Mhia kha kpe lese oli, ama oni o ghie mhe mhi ri ameh ke batazi egbo, oo mhe, ‘Oni u da me khi oni Ayemhe o tiemhie shi o khi o migha li egbe ne, lolu o khi oni o ya ke ri Ayemhe-no-pfuase batazi egbo.’ <sup>34</sup> Igho eni emini a gueye mhe ena e li de shi ukpeloe oyemhe, ni o remhe gueye e khi Omi Eshinegba o khi.”

### *Eniye odukhokho eni odode ni iJesu o ze*

<sup>35</sup> Ogbeakolo iJoni ali eniye odukhokho eyoli etuava e gbo migha akaghoo. <sup>36</sup> Abi iJoni o ro me khi iJesu oo dose, oo, “Bino Omi osumha oyi Eshinegba.”

<sup>37</sup> Abi eniye odukhokho etuava egho e ro suo ona te, e deba iJesu vu. <sup>38</sup> IJesu o pfi alo ukhokho, o me we khi ee deba lue, o mhila we, “Elo a nono.”

Ee oli, “Osese, obo wa la?”

<sup>39</sup> Oo we, “A bhale ya bino.” Igho e deba li, e me obini o la. Agho e ke nu o la elegeho nya rote agogo ene ele oguota vu.

<sup>40</sup> Otuoghoo eniye odukhokho etuava ni e suo emini iJoni o ngme ni e deba iJesu vu o khi Aduru, inyoghoo iSamoo iPita. <sup>41</sup> Igho Aduru o nyanya kpe te odode nono iSamoo inyoghoo oli gueye, oo, “Anye she me Omiepfuese.” (Emini a ri iKirisiti ngme khi, Omiepfuese.) <sup>42</sup> Aduru o rue iSamoo bhale ghi iJesu.

IJesu o bino oli, oo, “Yeye u khi ISamoo omi iJoni, iKefasi a ke e ke lu e. IPita ali iKefasi emhi oghoo a rewe ngme.”

### *IJesu o lu iFilipu ali iNataniye*

<sup>43</sup> Ogbeakolo, iJesu o ke mu egbe khi lolu rote agho vu ya ke je iGalili. O me iFilipu, oo li, “Deba mhe.” <sup>44</sup> Onge iBetisaida ni Aduru ali iPita e khi iFilipu o li khi. <sup>45</sup> IFilipu o ke nono iNatanieli me. Oo li, “Anye she me oni iMosisi o keke ingme oyoli shi ebe ushi, ni emekeguele e gbo keke ingme oyoli shi Ebe-no-pfuase, ikhi iJesu onge iNazareti Omi iJosefu.”

<sup>46</sup> INatanieli oo, “INazareti we, eminete o li rote iNazareti e lase?”

IFilipu oo, “Lese bhale ya bino tse.”

<sup>47</sup> Abi iJesu o ro me iNatanieli khi oo bhale obini lue la, iJesu oo, “Egbegbi onge iZireni na, oni oa ya lo egholi.”

<sup>48</sup> INatanieli o mhila li, “Se u gho lese mhe?” IJesu oo, “Mhi she me abi u ro la udi okhua eni neni iFilipu o lu e.”

<sup>49</sup> INatanieli oo, “Osese, Omi Eshinegba u khi, oghie oyi iZireni!”

<sup>50</sup> IJesu oo, “Itobo khi mhiye khi mhi me e udi okhua eni u ro tigbe miesuo, u ya me emini e dose ona.” <sup>51</sup> O gbo gueye we, “A ya me khi idane o khueghie-a, a me khi igeni eyi Eshinegba e rote idane e tiemhile ya nga shi mhemhe Omi Ogho o.”§

## 2

### *IJesu o ri ameh mele onyoo a*

<sup>1</sup> Ogbele onuzi-ese, a la iKena na eke iGalili ri omueshi ya ngeli. Inyoo iJesu o la agho, <sup>2</sup> A li lu iJesu ali eniye odukhokho eyoli shi oni ilegba ni a la ri omueshi ngeli. <sup>3</sup> Abi onyoo ni a la agho da o ro pfo, inyoo iJesu oo iJesu, “Onyoo e pfo we ro da.”

<sup>4</sup> IJesu oo, “Inyoo, khi ke gueye mhe emini mhi ya li, itobo khi eghenge oyemhe oa ramhi ne.”

<sup>5</sup> Inyoo iJesu o gueye eni e so onyoo, “A ri emini o da gueye e gbe akanya.”

<sup>6</sup> Ikpokpomhi iduboo eche esesa e la epfe agho na die ameh e shi ni egbo iJu e ro kpe egbe a abi ushi oyewe o ngme. Uduboo oghoo oghoo, oo mie italabi ameh ene.

<sup>7</sup> IJesu o gueye eni e so onyoo, “A ka die ameh vo eni iduboo esesa.” Igho e die ameh vo ewe nya te unu tsue. <sup>8</sup> Igho oo, “A die o ghi oni o ri ukpeloe e khu oni ilegba.” Igho e die o ghi o. <sup>9</sup> Oni o ri ukpeloe e khu ilegba o rote eni ameh ni a she ro mele onyoo a da bino, oa kpe lese obini a me we, ama eni e so onyoo e lese obini a me we. Igho oni omose o lu ughue-omueshi je epfe ete, <sup>10</sup> oo li, “Ashini a la ri ele emhi onana kpa, onyoo onete onana a kpe ro lasele na egbo da khue neni a ri onyoo oni o kpo-a lasele, Elo o ze ni a ro ri onyoo ona kpe shi agho?”



<sup>11</sup> Ona o khi akanya ɔnyaloo oni odode ni iJesu ɔ gbe. Eoli iKena na eke iGalili ɔ la riɛɛ ɔ. Onana ɔ ro ri ufumhi oyoli khase, ni eniye odukhokho eyoli e ro mie oli suɔ.

<sup>12</sup> Ona o dose se, iJesu ali inyoli, ghe inyoghuo oli eni emose ali eniye odukhokho eyoli e tiemhi obini iKapanomu. E la oobo ukuku ogbele.\*

### *Ijesu ɔ lo elemhi Owa oyi Eshinegba le*

*(iMat 21.12-13; iMak 11.15-17; iLuk 19.45-46)*

<sup>13</sup> Abi eghẽghẽ ukpe oyi egbɔ iJu ni a lu iPasova o ro ti bhale, iJesu ɔ nga obini iJerusalemu.† <sup>14</sup> Ɔ bhale ya e khi egbɔ e la elemhi apfe oyi Owa oyi Eshinegba ri ena ali isumha ali inekhukhu e de. Eghuo e shito pfa ikpagho na egbɔ. <sup>15</sup> Igho iJesu ɔ rue ili ro lali utali ulumhekie ro khu we ya lase nya, ghe eni ena ali isumha; ɔ miatse we ikpagho kua, ɔ ghi we abo okphe kpha kua. <sup>16</sup> Ɔ eni e ri inekhukhu e de, “A muno we ana-a! Se a li ri owa oyi Ita mhemhe e mele oki a.” <sup>17</sup> Eniye odukhokho eyoli e ya yelee emini a kpe keke shi Ebe-no-pfuase khi, “Ingme owa oye o mu mhe egbe gba.”‡

<sup>18</sup> Igho enighie eyi iJu e mhila iJesu ini ɔ mholi ikanya ɔnyaloo ni ɔ ya gbe ni o ya rokhasẽ ewe khi ɔ mholi afu ni ɔ ro riɛɛ enana nya.

<sup>19</sup> IJesu oo we, “A bighi oni Owa oyi Eshinegba ona nya gbe, mhi ya gbo riɛɛ ɔ to ogbele ese.”§

<sup>20</sup> Enighie eyi iJu e ke mhila, “Owa ni a ri ikpe egbhueva ali esesa to wa lie khi u ri ogbele ese tse ya riɛɛ to?”

<sup>21</sup> Ama egbe oyoli ɔ ri oni Owa oyi Eshinegba ni ɔ ngme khokho. <sup>22</sup> Abi ɔ ro ghu-a ni Eshinegba ɔ ro gbo guise ɔ le, eniye odukhokho eyoli e ro tigbe sa ya to emini ɔ ke ngme. Ona o rewe mie ungmehi oni o la Ebe-no-pfuase, ali ingme oyi iJesu lolo suɔ.

<sup>23</sup> Eghẽghẽ ni iJesu ɔ ro la iJerusalemu, ikhi eghẽghẽ ukpe iPasova, ebubu egbɔ e ro mie oli suɔ itobo khi e me ikanya ɔnyaloo ni ɔ gbe. <sup>24</sup> Ama iJesu ɔ ya regbenga we obo itobo khi ɔ lese emini egbɔ e khi pfo nya. <sup>25</sup> Ɔa khi ogbɔ ɔ ke gbo ya gue ingme oyi

egbo ye oli, itobo khi ɔ she lese emini o la we udu.

## 3

### *Ijesu ali iNikodemosi*

<sup>1</sup> Omose oghuo ɔ la ɔ ni ɔ la otu iFarisi, ɔ khi okhemhue ni ɔ mu eloe shi elemhi iJu, a lu oli iNikodemosi. <sup>2</sup> Oni omose ona ɔ bhale deba iJesu eliyose elegehuo, oo li, “Osese, anye lese khi oni oo sese ni ɔ rote obo oyi Eshinegba bhale u khi. Itobo khi ogbokhoghuo ɔa ya dobe ke gbe ikanya ɔnyaloo enabi u wa gbe ena ini Eshinegba ɔa nu oli la.”

<sup>3</sup> IJesu oo li, “Mhi gue igesikia ye khi, ini aa li riɛɛ ogbɔ bia, ɔa ya me Eghiele oyi Eshinegba.”

<sup>4</sup> INikodemosi oo li, “Se a li gbo riɛɛ ogbɔ ni ɔ womhe se bia? Eri ɔ gbo ya lo inyoli elemhi ni ɔ gbo riɛɛ oli bia?”

<sup>5</sup> IJesu ɔ soli ɔ, oo li, “Mhi gue igesikia ye khi, aa me ogbokhoghuo ni ɔ ya lo Eghiele oyi Eshinegba ini aa bia li elemhi ame ali elemhi Ayemhe. <sup>6</sup> Omose ali okpotso ee bia ogbɔ alo gbugbugbu, ama Ayemhe oyi Eshinegba a ro riɛɛ ogbɔ ɔ bia elemhi ayemhe. <sup>7</sup> Khi ze ni ungmehi ni mhiye khi, ‘A mema riɛɛ e ya bia,’ o ligho ri abo she. <sup>8</sup> Obini o ghole akpekpeli o li e je, eri awa lie suɔ abi o lie li, ama awa aa ya me oli. Igho ingme oyi eni a riɛɛ bia elemhi Ayemhe oyi Eshinegba e li.”

<sup>9</sup> INikodemosi ɔ mhila iJesu, “Se a lie me ghɔ?”

<sup>10</sup> IJesu oo, “Ye ye ukpokpo-ogbo oguebe ni u lie sese egbɔ eke iZireni waa lese ona?”

<sup>11</sup> Abi o li mhi li gue oli e ye khi emini anye lese, anye e ngme. Emimi anye me, anye e gueye agbo. Ama aa nono ni a mie usomhi oyi anye suɔ. <sup>12</sup> Ini waa mie mhe suɔ ini mhi gue ingme ena agbo ona ye, se u lie mie mhe suɔ ini mhi gue ingme iloghie ye?

<sup>13</sup> Ogbokhoghuo ɔa kpe ye iloghie jele ghue, se ni mhemhe Omi Ogbɔ ni mhi rote iloghie tiemhie. <sup>14</sup> Abi iMosisi ɔ ke li ge enye ni a ri igolu lumhi shi ukpokpo, ni ɔ tsua li idane obini odagbe ifufu, igho a mema li tsua Omi

\* 2:12 Li ze iMat 4.13 † 2:13 Li ze Okiali 12.1-27 ‡ 2:17 Li ze Iwolo 69.9 § 2:19 Li ze iMat 26.61; 27.40; iMak 14.58; 15.29 \* 3:14 Li ze iNoba 21.9

Ogbọ idane.\* 15 Eghẹghẹ aghọ, ọnini ọ da mie ọli suọ, ọ ya mhọli agbọ na agbọagbọ.

16 “Irari khi Eshinegba ọ ọ nono ingme oyi agbọ gba, lọli ọ rọ rue Omiọli ọni ọmọse ọtuoghwo kpe na agbọ, eghẹghẹ aghọ ọnini ọ da mie ọli suọ ne, ọa ya pfua, ama ọ ya mhọli agbọ na agbọagbọ. 17 Eshinegba ọa ghie omi ọli bhale agbọ, ni ọ bhale ya pfa ezọ mu egbọ na agbọ, eri ọ ghie ọli, ọ bhale ya mie agbọ pfuese. 18 Aa ya pfa ezọ mu ọni ọ da mie Omi Eshinegba suọ, ama ọni ọa da mie ọli suọ, a she pfa ezọ mu ọli se, itobọ khi ọa mie Omi Eshinegba ọtuoghwo kpe suọ. 19 Abi a liẹ sọ oni ezọ na. Ákpá o bhale agbọ, ama egbọ e nono alo ebili ne, itobọ khi ikanya ebe eẹ gbe. 20 Oni ọ gbe ikanya ebe ọa ya nono ákpá, ọa tigbe e bhale ákpá itobọ khi ikanya eyọli e ya ri udi lasele ini e bhale ákpá. 21 Ama ọni ọ da ri ungmehi oyi Eshinegba ni o khi igesikia a gbe akanya ne, ọ bhale ákpá ashini a te e me eke, ni ikanya eyọli e rokhasẹ khi ode oyi Eshinegba ọ rọte.”

#### *Otsẹle ni iJoni ọ pfi shi ingme oyi iJesu*

22 Eẹ lese iJesu ali eniye odukhokho eyọli e je eke iJudia. Ọ nu wẹ la oobọ ukuku eghẹghẹ, ọọ batazi egbọ. 23 IJoni ọ la Ainoni ni ọa nuẹ shi iSalimu li batazi egbọ, itobọ khi amẹ e lo bu shi aghọ. Egbọ e je aghọ deba li ni ọ batazi wẹ. 24 Eghẹghẹ aghọ aa mu IJoni shi owa ighumha ne.†

25 Eniye odukhokho eyi iJoni eghuo e nu ogbọ iJu oghuo khakọ shi ingme ikpegbe a ona ugamhi. 26 Ighọ e le deba iJoni, eẹ, “Osesẹ, u ke yelege ọmọse oghuo ni u ke batazi, ọni u ngme ingme oyọli epfe okẹ iJodani elegehọ, ọ li e batazi egbọ, lọli egbọ nya e ke na deba memena.”

27 IJoni ọọ wẹ, “Aa me emhikhoghwo ni ogbọ ọ mhọli ni ọa khi Eshinegba ọ rọli na. 28 Eẹ ena a ga suọ abi mhi rọ liẹ khi ọa khi mhemhẹ mhi khi Omiepfuese, khi eri a li ghie mhe ralo na li.‡ 29 Ọmọse ọni ọ rue ọmueshi ọ khi ughue ọmueshi. Eri ọmole ọni ọmọse ọni ọ rue ọmueshi ọ ri esọ shi eke migha ke khe ughue ọmueshi. Ọ kha da suọ khi ọmole ọ da ngme ne, egbe eẹ mu

oli. Ighọ egbe e liẹ mu mhe memena, ighọ oghẹle oyemhẹ o gbo vọ. 30 Ufumhi oyọli o mema ke nga shio, ufumhi oyemhẹ ọ ọ ke tiemhi.

31 “Oni ọ rọte ilimhi tiemhie ọ fu dọse egbọ nya. Oni ọ rọte agbọ ana lasele, ọna agbọ ona ọ khi. Irarighọ, ingmemhi eyi agbọ ana a ke ngme. Ama ọni ọ rọte ilimhi tiemhie ọ fu dọse egbọ nya. 32 Emini ọ me ali emini ọ suọ ilimhi, ọ gue e ye egbọ, ama ogbokhoghwo ọa mie ọli suọ. 33 Oni ọ da mie emini ọ gueye agbọ suọ ne, eri ọ rokhasẹ khi igesikia Eshinegba ọ ngme. 34 Oni Eshinegba ọ ghie, ọọ ngme ungmehi oyi Eshinegba, itobọ khi eri Eshinegba ọ ri Ayemhẹ oyọli na li gbe ku ọ. 35 Eri Eshinegba Ita ọ nono ingme oyi Omiọli ọni ọmọse, irarighọ ọ rọ ri emhikpa nga li obọ.§ 36 Oni ọ da mie Omiọli suọ ne, eri ọọ mhọli agbọ na agbọagbọ, ama ọni ọ da kie ọli ne, ọa ya mhọli agbọ, eri ibiselemhi oyi Eshinegba ọọ deba li agbọagbọ.”

## 4

### *IJesu ọ nu ọkpotoso ọnge iSameria ngme*

1 Egbọ iFarisi e suọ khi ebubu egbọ e deba iJesu, ali khi ọ gbo batazi eniye odukhokho bu dọse iJoni. 2 Ọa khi iJesu ọ ri obọ oyọli mema batazi egbọ, ama eniye odukhokho eyọli e batazi egbọ. 3 Ighọ abi iJesu ọ rọ suọ ingme ni egbọ e ngme, ọ rọte eke iJudia vu, ọ mu egbe pfi je iGalili. 4 Ọ ya rọte ode iSameria dọse abi ọ rọ le iGalili.

5 Ighọ ọ bhale eoli na lu iSicha ni o la eke iSameria, ni ọa nuẹ shi eke ni iGiekọpu ọ rọ na iJosefu omiọli ọni ọmọse.\*

6 Aghọ ilijia oni a lu ilijia oyi iGiekọpu o la. O losẹ iJesu itobọ okiali ni ọ kia ramhi aghọ, ighọ ọ shito epfe oni ilijia. Oguota o lẹse mu eke oni eghẹghẹ.

7 Ọkpotoso ọnge iSameria oghuo ọ bhale ya a amẹ. IJesu ọọ li, “Diẹ amẹ na mhe da.” 8 Eghẹghẹ aghọ eniye odukhokho eyọli e she lo ifuapfe ya de eminale.

9 Oni ọkpotoso ọnge iSameria ọọ iJesu, “Ọnge iJu u khi, mhemhẹ mhi khi ọnge iSameria, se u ke li a liẹ mhi diẹ amẹ ne da?” Emini o ze ni ọ rọ ngme na khi, egbọ

† 3:24 Li ze iMat 14.3; iMak 6.17; iLuk 3.19-20 ‡ 3:28 Li ze iJon 1.20 § 3:35 Li ze iMat 11.27; iLuk 10.22 \* 4:5 Li ze Igbae 33.19; iJosh 24.32 † 4:9 Li ze Ezira 4.1-5; iNee 4.1-2

iJu ali ẹgbọ iSameria ẹa ri egbe ẹ ti emhi egbe.†

10 Ijesu ọ li, “Ini u lẹsẹ isomhopfa ni Ẹshinẹgba ọ rọ na ọgbọ lọ, ni u gbo rọ lẹsẹ emini ọgbọ ni ọọ mhila ẹ amẹ ọ khi lọ, u kha mhila li ọ ri amẹ nẹ da. Ẹghẹghẹ aghọ ni ọ ri amẹ ni e ri agbọ ọ na ọgbọ nẹ da.”

11 Oni ọkpotoso ọ ke mhila iJesu, ọọ, “Oga, waa mhọli emhi ni a rọ ọ a amẹ, oni ilijia o limhi. Obo u ke te ya mẹ eni amẹ ni e ri agbọ ọ na ọgbọ na a mhe da? 12 Eri u kẹ liẹ khi yeye u fu dose iGiekọpu ita anye kpa?” Lọli ọ tọ oni ilijia ona, ni ọ ri ọli na anye, ni lọli ali imiọli ali elamhako eyọli e gbo te ọ da.

13 Ijesu ọ ya sọ li ọ, ọ li, “Onini ọ da da amẹ eyi ilijia ena, okiamẹ o gbo ya gbe ọli.

14 Ama okiamẹ ọa tigbe kẹ ẹ gbe ọnini ọ da da amẹ ni mhi ya rọ na li da. Itobọ khi amẹ eyemhe e ya mele okẹ ni ọa ke ya khakha ghue shi ọli elemhi, ni o ya ke sha kule ri agbọ na agbọagbọ na li.”

15 Oni ọkpotoso ọọ, “Oga Kpekpẹ ri eni amẹ na mhe da ini okiamẹ o khi ke gbo gbe mhe, ini mhi khi ke gbo bhale akana ya a amẹ.”

16 Ijesu ọọ, “Ka lu ọmose ni ọ rue ẹ shi bhale.”

17 Oni ọkpotoso ọọ, “Mhia mhọli ọmose.” Ijesu ọọ li, “Igesikia lọ, ni u wẹ khi u a mhọli ọmose, 18 itobọ khi u she kpe mhọli emose oshe ni u kpe ngeli na. Oni u ga nu la memena, ọa khi lọli ọ rẹ shi.”

19 Oni ọkpotoso ọọ, “Kie! Oga, mhi she mẹ ọli khi ọmekẹguele ọyi Ẹshinẹgba u khi.

20 Ukhomhi ute onana eni e bia anye ẹgbọ iSameria, e kpe la ga ugamhi, ama ẹẹ ẹgbọ iJu, ẹ khi iJerusalemu awa mema la ke ga ugamhi.”

21 Ijesu ọọ li, “Mie mhe suọ khi ẹghẹghẹ ọọ bhale ni u a ke rọ la ukhomhi ute ona, wẹ khi iJerusalemu ya ga Ita. 22 Emini ẹẹ ẹgbọ iSameria aa lẹsẹ, a ga, ama anye lẹsẹ emini anye ẹ ga itobọ khi obọ oyi iJu imiepfuese o te bhale. 23 Ama, ẹghẹghẹ ọọ bhale, oni ẹghẹghẹ o she ramhi ni ẹgbọ eni e ri igesikia ẹ ga Ẹshinẹgba e rọ ya ke ga li abi Ayemhe oyọli o li rọkhasẹ wẹ, e gbo te ode igesikia ga li, itobọ khi ẹgbọ eni e lighọ ọ ga li, ọọ nònō. 24 Ayemhe oyi Ẹshinẹgba ọ khi, eni ẹẹ ga li e mema ya ke ga li abi Ayemhe o rọkhasẹ wẹ, ali rọte ode igesikia.”

25 Oni ọkpotoso ọọ iJesu, “Mhi lẹsẹ khi Omiepfuese (Oni a lu iKirisiti) ọ ọ bhale. Ọ kha bhale, ọ ya khueghie emhikpa gueye anye.”

26 Ijesu ọ sọ oni ọkpotoso ọ, “Lọli mhi khi ni mhi nu ẹ ngme ena.”

27 Abi e kie li ngme, eniye odukhokho eyọli e bhale ya ẹ khi ọ nu ọkpotoso o ngme, o ri abọ sha wẹ. Ọngẹwẹ ọa mhila li, “Elo wa nono?” Wẹkhi e ri e mhila li, “Elo o zẹ nu u rọ nu ọli ẹ ngme?”

28 Ighọ oni ọkpotoso ọ zẹ akhe amẹ oyọli obọ shi aghọ, ọ je ifuapfẹ kia gueye ẹgbọ, ọọ liẹ, 29 “A bhale ka ghe ọmose ọghuo ni ọ gue emini mhi ga rieḷẹ ghue nya yẹ mhe. Omiepfuese ọ fẹ ya khi?” 30 Ẹgbọ e wẹ gbii te ifuapfẹ bhale ashini iJesu ọ la.

31 Ẹghẹghẹ aghọ, eniye odukhokho eyọli e ke lema li, “Ọsẹsẹ, waa ke le eminale.”

32 Ijesu ọọ wẹ, “Mhi mhọli eminale ni mhia le ni aa lẹsẹ.” 33 Eniye odukhokho eyọli e mhila egbe wẹ, “Eri ọgbọkhọghuo ọ kpe ri eminale ghi ọ le?”

34 Ijesu ọọ wẹ, “Eminale oyemhe khi, ni mhi rieḷẹ ọghuemhe oyi oni ọ ghie mhe, ni mhi rọ gbo gbe akanya oyọli pfo. 35 Aa she ngme ọ khi, ‘Iki ene e ke kpọle ni a rọ ke ya khiẹsẹ emhi ẹkọmhi?’ Mhi gue ẹ yẹ ẹ memena, a bino khi emhi ẹkọmhi na ishemhi e she bie ni a khiẹsẹ. 36 Memena a she ẹ fali eni ẹ khiẹsẹ ishemhi ota akanya, ni e ke khiẹsẹ ikhiẹsẹ ni o ri agbọ na agbọagbọ ọ bhale. Ẹghẹghẹ aghọ ni a bhale ya ẹ khi eni e rọ kọ ali eni ẹ khiẹsẹ e ga kugbe ke gheḷẹ. 37 Onana o rọkhasẹ khi emini ẹgbọ ẹ ngme khi igesikia o khi, ikhi ungmehi ni ọọ, ‘Oni ọ rọ kọ, ọ kiọda shi oni ọ khiẹsẹ.’ 38 Eri mhi ghie ẹ a ka khiẹsẹ emini aa rọ kọ. Ẹgbọ elese e ya gbe ikanya ni e toto rẹwẹ kọ, ama ẹẹ a mẹ eleli ikanya eyewẹ.”

### *Ebubu ẹgbọ iSameria e miesuo*

39 Ebubu ẹgbọ iSameria ni e la oni ẹoli e ri itobọ emini oni ọkpotoso ọghọ ọ gueye wẹ mie iJesu suọ, ikhi emini ọ ngme ni ọọ, “A bhale ya ghe oni ọ gue emini mhi ga rieḷẹ ghue nya yemhe.” 40 Abi eni ẹgbọ iSameria e rọ bhale deba iJesu, e lema li ọ kpekpẹ ọ ku shi na ewẹ. Ighọ iJesu ọ ku shi na wẹ ogbeḷẹ e va.

41 Ebubu egbo elese e gbo mie iJesu suo itobọ ingmemhi ni ọ nu wẹ ngme. 42 Eni egbo e ke ọni ọkpotoso, “Anye she miesuo memena. Ọa khi itobọ emini u gueye anye tse anye ro miesuo, ama itobọ khi anye she suo emini ọ ngme, anye gbo lese egbegbo khi ọni omose ọna ọ ga khi ọni Omiepfuese.”

*Ijesu ọ ri omi ọni ọ gbe akanya igometi ni ọ fu ze*

*(iMat 8.5-13; iLuk 7.1-10)*

43 Ijesu ọ la iSameria ramhi ogbele eva. Ọ rote agho vu je iGalili. 44 Ọ she kpe lie khi egbo ẹa la ẹoli oyi omekeguele oyi Eshinegba a mu ekpe na li.† 45 Abi ọ ro lo eke iGalili le, egbo iGalili e mie ọli egbegbo, itobọ khi ukpeloe oyewe iJesu ọ la gbe ikanya onyaloa ni ọ la iJerusalemu gbe abi e ro rieḗ ukpe iPasova.§

46 Igho iJesu ọ gbo nyene egbe je iKena ni o la eke iGalili, ashini ọ ke la ri ame mele onyo a. Omose oghuo ni ọ gbe akanya igometi ọ la akagho, ni omi ọli ọ la iKapanomu ghua.\* 47 Oni omose ọ suo khi iJesu ọ rote eke iJudia ẹ bhale iGalili. Igho ọ bhale ya lema iJesu ọ kpekpe ọ deba lue ya nu loli ri omi lue, ni ọa ze ni ọ la akọ eghuli ze. 48 Ijesu ọọ, “Ini aa li me olele onyaloa ali oshabo, aa ya miesuo.”

49 Oni omose ni ọ gbe akanya igometi, ọọ, “Onomhue, kpekpe bhale neni omimhe ọọ ghua.”

50 Ijesu ọọ li, “Ke je khi omie ọ ya ze, ọa ya ghu.” Oni omose ọ mie emini iJesu ọ gueye ọ suo, ọọ je. 51 Abi ọ ro je, eni ẹẹ ga li, e bhale ya lona li ode, e gueye ọli, “Omie ọ she ze.”

52 Oni omose ọ mhila we, “Egheghe onoghuo oni omọ ọ la ze?” E gueye oli khi, “Agogo oghuo oghuota ode oni omọ ọ la ze.”

53 Oni ita oni omọ ọ sato khi egheghe agho tee iJesu ọ la gueye lue, “Omie ọ ya ze.” Loli ali apfe ọli nya e mie iJesu suo.

54 Onana o khi akanya onyaloa onuzi-eva ni iJesu ọ gbe abi ọ ro rote eke iJudia bhale iGalili.

## 5

*Ijesu ọ ri omose oghuo ni ọọ ghua ze*

1 Abi a ro me ingme ena se, iJesu ọ nga obini iJerusalemu shi ukpe ni egbo iJu e rieḗ. 2 Mena, ode unuekpe ni a lu Isumha o la iJerusalemu. Ateke ni oke o chocho shi o la agho. IBetisaida a ri elemhi Iburu ẹẹ lu oni oke. Ikuku ikholo ishe ni a ghi e la gase oni oke. 3 Ebubu egbo ni ẹa ze, ikhi ezalo, ali eni ẹa dobe ẹ kia ali eni e ghu egbe-a, e yeshi gase oni oke. Eri e migha khe egheghe ni a ro ọ wushe oni oke-a. 4 [Irari khi o mholi egheghe ni agho oyi Eshinegba ọ roo tiemhi elemhi oni oke ya wushe ọli-a. Egheghe agho onini ọ da kpe te odode ya tiemhi oni oke ini oni agho ọ lese wushe ọli-a se, a roli ze, ughuamhi onini o tseku yese ọli ẹ ngme] 5 Omose oghuo ọ la agho ni o she gba ikpe uye-ali-igbelele abi ọ te ẹ ghua. 6 Ijesu ọ bhale ya ẹ oni omose shi agho, ọ lese khi ọ she la agho tse. Ijesu ọ mhila li, ọọ li, “Wa nono ni u ze?”

7 Oni omose ni ọ ghua ọ so li ọ, ọọ, “Oga mhi aa mholi ogbo ni ọ ya kpaghie mhe obo mu mhe tiemhi elemhi oke. A kha da lese wushe oke-a se, ni mhi ro da mu egbe ni mhi tiemhi ne, ogbo olese ọ kpe tiemhi khe mhe.”

8 Igho iJesu ọọ li, “Vule! Rue iya oye mhue obo ni u ke kia.” 9 Igho oni omose ọ ze agho agho, ọ rue iya oyoli, ọọ kia. Eḗgho o khi Ogbelẹ iyemhea oyi egbo iJu.

10 Enighie eyi iJu ẹẹ oni omose ni a ro ze, “Kiee! Amo o khi Ogbelẹ iyemhea oyi egbo iJu. Eri u gbe ushi ni Eshinegba ọ ro na iMosisi-a. Ighuighue lo ni u ro tsua iya oye ele iyemhea.”\*

11 Oni omose ọọ, we, “Omose ni ọ re mhe ze ọọ mhe, ‘Rue iya o ye, u ke kia.’”

12 E mhila li, “Oghuo ọ khi oni ogbo ni ọ gueye u rue ọli eke u ke kia?”

13 Oni omose ni a she ro ze, ọa ke lese ogbo ni ọ ro li ze, itobọ khi iJesu ọ she lo ifuabo egbo oni egheghe.

14 Abi a ro me ena se, iJesu ọ bhale ya ẹ oni omose ni ọ ro ze elemhi Owa oyi Eshinegba. Ijesu ọọ li. “Ghekhe, abi u ro da ze se ena, khi ke gbo lamhe, ini emhi obe olese ni o dose ana o khi ya li ẹ.”

† 4:44 Li ze iMat 13.57; iMak 6.4; iLuk 4.24 § 4:45 Li ze iJon 2.23 \* 4:46 Li ze iJon 2.1-11 \* 5:10 Li ze iNee 13.19; ijere 17.21

<sup>15</sup> Igho oni omose o vu, o ya gueye egbo iJu khi iJesu o re lue ze. <sup>16</sup> Itobo khi iJesu o gbe ikanya enana Ogbele iyemhea oyi egbo iJu, egbo iJu ee jili oli. <sup>17</sup> IJesu o gueye we, oo, "Egheghe kpa Itamhe o ro gbe akanya, igho mhemhe mhi li lie gbe akanya."

<sup>18</sup> Itobo ungmehi onana egbo iJu e ro mema gba li abi e li ya gbe oli-a. Oa khi itobo khi o gbe ushi oyi Ogbele iyemhea oyi egbo iJu tse e ro ye ugbamhi oyoli, ama itobo khi o o khi Eshinegba o khi Ita loli. E lie khi e li o ri onana a lie khi otu loli ali Eshinegba e khi.

### *Eshinegba o ri afu na Omi oli*

<sup>19</sup> IJesu o gueye we, oo, "Abi o li mhi li gue oli e ye e, khi mhemhe Omi Eshinegba mhi aa dobe ya riele emhikhoghuo ootsobo oyemhe, ama emini mhi me khi Eshinegba itamhe oo riele, mhi ya ke riele. <sup>20</sup> Irari khi Ita o nono ingme oyi omioli o ro ri emini o riele nya khase oli. O ya gbo ri emini e fu dose ena khase mhe ni o ya sha e abo. <sup>21</sup> Abi Ita o li guise eni e ghu-a le ni o gbo ri agbo na we, igho mhemhe omi oli mhi li ya ri agbo na oni o ghole mhe. <sup>22</sup> Ita oa ya ri ogbokhoghuo gue ezọ, ama omioli o ri afu na, ni o ro ri egbo gue ezọ. <sup>23</sup> Ni a bhale ya e khi ogbokpa o mu ekpe na oni Omọ abi a li mu ekpe e na Ita. Oni oa da mu ekpe na oni Omọ oa mu ekpe na oni Ita ni o ghie oni Omọ.

<sup>24</sup> "Abi o li mhi li gue oli e ye e khi, oni o da suo ungmehi oyemhe ni o da gbo mie oni o ghie mhe suo, o she mholi agbo na agboagbo. Ogbọ oa ya pfa ezọ mu oli, itobo khi o she rote ode eghuli lasele bhale ode agbo. <sup>25</sup> Abi o li mhi li gue oli e ye e khi egheghe oo bhale, oni egheghe na, ni eni e ghu-a e ro ya suo ungmehi oyi Omi Eshinegba, eni e da suo ungmehi oyoli, e ya la agbo. <sup>26</sup> Abi Ita o li khi oni o ri agbo o na ogbo, igho o ri oni agbo na Omioli, ni o li ke ro na egbo. <sup>27</sup> O she gbo ri afu ni a ro so ezọ na Omi oli, itobo khi loli o khi Omi Ogbọ.

<sup>28</sup> "Emini mhi gueye e, o khi sha e abo, itobo khi egheghe oo bhale ni ilimhi nya ni a she ro to e ya suo uruli oyoli. <sup>29</sup> E kha da suo oni uruli ne, e ya guale, e te

uji fie lase, eni e da riele onete, e ya mholi agbo, ama egbo ebe e ya guale shi epfua.† <sup>30</sup> Emhikhoghuo oa la o ni mhi dobe ya riele ootsobo oyemhe. Abi itamhe o gueye mhe mhi li so ezọ mhi lie so ezọ. Iso-ezo oyemhe oni o migha lo, itobo oa khi abi o ghole mhe mhi lie gbe ikanya, ama emini o ghole Itamhe ni o ghie mhe mhi ro gbe akanya.

### *A pfi otselę shi oni iJesu o khi*

<sup>31</sup> "Mhi aa ya pfi otselę na egbe mhe. Mhi kha pfi otselę na egbe mhe, egbo ea ya rue oni otselę shi egbegbo. <sup>32</sup> Ogbọese o la o ni o pfi otselę na mhe. Mhi lese otselę oyoli ni o pfi e na mhe khi egbegbo lo.

<sup>33</sup> "A she kpe ghie usomhi ghi iJoni, o pfi otselę shi oni o khi igesikia.‡ <sup>34</sup> Ama oa khi eri mhi mu ma otselę oyi ogbo, eri mhi mema gue otselę ni iJoni o pfi na mhe ye e ini a mholi imiepfuese. <sup>35</sup> Eri iJoni o ge abi akpa ni o ro ode e khase e. Ukuku egheghe a lama mie oni akpa ni o ri egbe mu e.

<sup>36</sup> "Mhi mholi otselę ni o fu dose otselę ni iJoni o pfi na mhe. Ika ni Itamhe o ro na mhe mhi gbe pfo ni mhi kiele e gbe, e pfi otselę khi Itamhe o ghie mhe. <sup>37</sup> Itamhe ni o ghie mhe o she pfi otselę shi ingme oyemhe. Aa tigbe kpe suo uruli oyoli wekhi eri a tigbe kpe me abi oli.§ <sup>38</sup> Ungmemhi oyoli oa la elemhi oye e, itobo khi aa mie oni o ghie suo. <sup>39</sup> A roshaka wena Ebe-nopfuese, ni a dabi khi loli o ya ri agbo na agboagbo na e. Oni ebe ona loli o gbo pfi otselę shi ingme oyemhe. <sup>40</sup> Ama aa nono ni a bhale deba mhe, ini a mholi agbo.

<sup>41</sup> "Oa khi ikueghie oyi egbo mhia nono. <sup>42</sup> Ama mhi lese e. Mhi lese khi aa mholi inono oyi Eshinegba shi udu o ye e <sup>43</sup> Eva oyi Itamhe mhi ro bhale, ama aa mie mhe, ogboese o kha ri eva oyoli bhale deba e, a ya mie oli. <sup>44</sup> Emini o ze khi aa miesuo khi, ikueghie ni o rote obo oyi egbo bhale a nono, ocho ni a kha ro ke nono oni o rote obo oyi Eshinegba bhale.

<sup>45</sup> "A khi sa khi mhia ya pfa ezọ mu e odalo oyi Itamhe. Oni o pfa ezọ mu e khi iMosisi ni a regbenga. <sup>46</sup> Ini a mie iMosisi suo lo, a kha mie mhe suo itobo khi o keke ingme oyemhe shi ebe. <sup>47</sup> Ama abi aa ro mie

† 5:29 Li ze iDan 12.2 ‡ 5:33 Li ze iJon 1.19-27; 3.27-30

§ 5:37 Li ze iMat 3.17; iMak 1.11; iLuk 3.22

emini o keke shi ebe suo, see a ke li ya mie emini mhi gueye e suo?”

## 6

*Ijesu o ri eminale na ebubu egbo le*  
(iMat 14.13-21; iMak 6.30-44; iLuk 9.10-17)

<sup>1</sup> Abi a ro me ingme enana se, ijesu o da oke oniemi no khishi na lu iGalili lasele je egele o. (ITiberiasi a gbolo e lu oni oke.)

<sup>2</sup> Igho ebubu egbo e ve deba li gbii, itobo khi e me ikanya onyaloa ni o ri eni e ghua ze. <sup>3</sup> Igho ijesu ali eniye odukhokho eyoli e nga ukhomhi ute ya shito. <sup>4</sup> Eghoghe agho ukpe iPasova oyi iju o she ramhi.

<sup>5</sup> Abi ijesu o yase alo, o me ebubu egbo ni e bhale deba li, igho o mhila iFilipu, oo li. “Obo awa te ya de eminale ni e ya lo egbo ena le?” <sup>6</sup> Eri ijesu o mema mhila li ni o ro mheso oli bino, itobo khi o she kpe lese emini loli ya rieleshi udu.

<sup>7</sup> IFilipu o so ijesu o, oo li. “O kha tseku khi ifata iki elele, ea ya lo ni a ro de eminale ni a me ya kemhi pfiel-pfiel na we tono unu!”

<sup>8</sup> Otuoghwo eniye odukhokho eyoli ni a lu Aduru ni o khi inyoghwo iSamoi iPita, oo li, <sup>9</sup> “Ukuku omoo o la akana ni o tsua irui ibuledi ishe ali ifele aava. Ashi enana e kia ya ramhi, ni aa kemhi na egbo ena nya?”

<sup>10</sup> Ijesu oo li, “A ri eni egbo shito.” Ebuli iyeye e vo agho egbegbo. Eni egbo nya e shito, emose ni e lao tse, e khi egbo agbele asha ishe. <sup>11</sup> Ijesu o rue eni ibuledi, o tse Eshinegba uwegbe shi o, o kia kemhi na we. O gbo ligho rue eni ifele, o tse Eshinegba uwegbe shi o, o kemhi na we. Eni egbo e le, e khue.

<sup>12</sup> Abi e ro le khue se, ijesu o gueye eniye odukhokho eyoli, oo, “A kia sanoo iku we eni e le kpo, a khi ze ni e li opfu-a.” <sup>13</sup> Abi e ke ro sanoo we gbili, ighughu igbeva e vo iku ibuledi ni egbo e le kpo.

<sup>14</sup> Abi eni egbo e ro me ikanya onyaloa ni ijesu o gbe, ee li, “Igesikia lo khi omose ona o khi omekeguele ni e khi o ya bhale agbo.”

<sup>15</sup> Ijesu o lese khi eni egbo e she gba abi e li ya ri itoto roli khi oghie, igho, lolighuo o te we ifuaboo vu ya nga ukhomhi ute.

*Ijesu o kia ukhomhi oke*  
(iMat 14.22-33; iMak 6.45-52)

<sup>16</sup> Abi ogbomhi o ro mu eke elegeho, eniye odukhokho eyoli e tiemi oke ni o khishi.

<sup>17</sup> Agho e te lo oko-oke oniemi ni o tsua we da lase je iKapanomu. Oni eghoghe obili o she bi, ijesu o a nu we la akagho. <sup>18</sup> Igho akpekpeli oniemi o tsua rughu we, oke o wushe kugbe. <sup>19</sup> Abi e ro kia ukhomhi oke ramhi abi imali ese ali ene gho, e me khi ijesu o kia ukhomhi oke e bhale. Ulishi oo mu we. <sup>20</sup> Ijesu oo we, “Mhemhe lo, ulishi o khi ke mu e.” <sup>21</sup> Igho, o ghole we ni e tsua ijesu shi elemhi oko-oke oniemi. Aghogho oni oko-oke oniemi o ramhi egele obini e je.

*Egbo e nono ijesu u gase*

<sup>22</sup> Ogbeakolo eni ebubu egbo ni e kpe la olase egele oke ukiekie obini o kpo ni eniye odukhokho e kpe te vu. E lese khi oko-oke oniemi oghuo tse o kpe la agho, eni egbo e lese khi eniye odukhokho eyoli tse e la oni elemhi oko-oke oniemi, ali khi ijesu o a nu we lo oni oko-oke oniemi abi o rote agho vu. <sup>23</sup> Iko-oke elese e rote obini iTiberiasi bhale epfepfe ashini ijesu o la ri eminale ni ebubu egbo le, ni o la tse Eshinegba uwegbe shi eni eminale. <sup>24</sup> Abi eni egbo e me khi ijesu ali eniye odukhokho eyoli ea la akagho, e dose lo iko-oke, ni e tsua we je iKapanomu, ni e ya nono ijesu gase.

*Ijesu ni o khi Eminale ni o ri agbo o na ogbo*

<sup>25</sup> Abi e ke ro me ijesu ukhomhi egele olase oke ukiekie obini uzewa, ee oli, “Oseso, eghoghe onoghwo u ro ramhi oola?”

<sup>26</sup> Ijesu o so we o, oo we, “Egbegbi-ingme mhi gue e ye e, oa khi itobo khi a me ikanya onyaloa ni mhi gbe a ro nono mhe, ama itobo eminale ni mhi ro na e le khue. <sup>27</sup> A khi ke kueta nono eminale oyi agbo ona ni oo yese-a, ama a ke kueta nono eminale ni oo la o agboagbo ni Omi Ogbo o ro ya na e le. Itobo khi Eshinegba Ita o she ri oboo nga li ukhomhi o mie shi oli o.”

<sup>28</sup> Igho, e ke mhila li, e o li, “Elo anye ya ke li ni anye ro ya ke gbe akanya ni o ghole Eshinegba?”

29 IJesu oḡ wẹ, “Akanya oyi Eshineḡba khi ni a rọ mie ọni o ghie suḡ.”

30 E gbo mhila li, eḡ ọli, “Ikanya ọnyaloa eneghuo u ya riẹḡ khase ni anye me ni anye rọ ya mie e suḡ? Elo u ya riẹḡ? 31 Eni e bia awa e le eminale ni e rọte idane de kule, Abi Ebe-no-pfuase o ngme khi. ‘O ri eminale ni e te idane de kule na wẹ le.’ ”\*

32 IJesu o sọ wẹ o, oḡ. “Egbegbi-ingme mhi gue e ye e, a khi iMosisi o ri eminale te idane tiemhile na e le, ama Itamhe lɔlighuo o rọte idane ri egbegbi eminale tiemhile ni e le. 33 Itobọ khi eminale ni Eshineḡba o rọ na oḡbọ, lɔli khi ọni o rọte iloghie bhale ya ri agbọ na eḡbọ na agbọ.” 34 Eḡ ọli, “Onomhue, kpẹkpẹ rọte ana vu, ke ri oni eminale ona na anye le.”

35 IJesu o sọ wẹ o, oḡ wẹ. “Mhemhe mhi khi eminale ni o ri agbọ o na oḡbọ. Onini o da bhale deba mhe, okiamhi ọa kea gbe ọli ghue, ọni o da mie mhe suḡ okiamẹ ọa tigbe ke ya gbe ọli. 36 Ama mhi gueye e khi a she me mhe, ama aa kie mie mhe suḡ. 37 Eḡbọ ni Itamhe o rọ na mhe nya e ya bhale deba mhe, ọni o da bhale deba mhe ne mhia ya khu ọli vu. 38 Itobọ khi eri mhi rọte iloghie ilimhi tiemhile ni mhi rọ riẹḡ oghuemhe oyi ọni o ghie mhe, a khi ni mhi riẹḡ oghuemhe oyemhe. 39 Oghuemhe oyi Ita ni o ghie mhe khi, ni a bhale ya e khi okhoghuo eni o rọ na mhe ọa wa mhe-a, ali ni mhi rọ guise wẹ le ri agbọ na wẹ, ogbeḡe ni o kpukhokho. 40 Oghuemhe oyi Itamhe khi ni oḡbọkpa ni o da pfi alo bino omiḡli, ni o gbo mie ọli suḡ o ya mhọli agbọ na agbọagbọ. Mhi ya guise ọli le mhi gbo ri agbọ na li ogbeḡe ni o kpukhokho.”

41 Itobọ khi iJesu oḡ wẹ, “Mhemhe mhi khi eminale ni o rọte iloghie ilimhi tiemhile,” eḡbọ iJu e wọḡ shi o. 42 Igho e lie, “Onana ọa she khi iJesu omi iJosefu, ni anye lese itali ali inyoli? Seḡ o ke lie lie khi, ‘Mhemhe khi ibuledi ni o rọte iloghie ilimhi tiemhile.’ ”

43 IJesu o sọ wẹ o, oḡ, “A khi ke wọḡ. 44 Oḡbọkhoghuo ọa la o ni o ya bhale deba mhe ini ọa li khia khi Ita lɔlighuo ni o ghie mhe o ti o bhale, mhi ya guise ọli le gbo ri agbọ na li ogbeḡe ni o kpukhokho.

45 Omekeḡuele oyi Eshineḡba oḡhuo o kpẹ keḡe ọli shi Ebe-no-pfuase khi, ‘Eshineḡba lɔli oḡhuo o ya seḡ eḡbọ eyoli nya.’ Oḡbọkpa ni o da ku esọ-a na Ita, ni o rọte obọ oyoli wena, o ya bhale deba mhe.† 46 Aa me oḡbọ ni o me Eshineḡba Ita ghue, ini ọa li khi ọni o rọte obọ oyoli bhale. Lɔlighuo tse o me ọli. 47 Egbegbi ingme mhi gueye e, ọni o da mie mhe suḡ, o she mhọli agbọ na agbọagbọ 48 Mhemhe mhi khi eminale ni o ri agbọ o na oḡbọ. 49 Eni e bia e, e le eminale ni e rọte idane de kule obini odagbe-ifufu, e kie ghuloo. 50 Ama ọna o khi eminale ni o rọte iloghie tiemhile, ọni o da le ọli, ọa ya ghu. 51 Mhemhe mhi khi eminale ni o ri agbọ o na oḡbọ, ni o rọte iloghie tiemhile. Onini o da le eminale ona, o ya mhọli agbọ na agbọagbọ. Oni eminale ona, idiegbe oyemhe lọ, ni mhi ya rọ shi eḡe na agbọ ni e rọ mhọli agbọ.”

52 Abi iJesu o rọ ngme ona se, eḡbọ iJu e nu egbe wẹ khako ekhako oniemhi, ikhi. “Seḡ omose ọna o li ri idiegbe oyoli na awa ya le?”

53 IJesu oḡ, “Egbegbi ingme mhi gueye e, ini u a li le idiegbe, ni u gbo da ọlia eyi Omi Oḡbọ, wa ya mhọli agbọ. 54 Oni o da le idiegbe oyemhe ni o gbo da ọlia eyemhe, o ya mhọli agbọ na agbọagbọ. O ya mhọli agbọ itobọ khi mhi ya guise ọli le gbo ri agbọ na li ogbeḡe ni o kpukhokho. 55 Idiegbe oyemhe khi egbegbi eminale, ọlia eyemhe e gbo khi egbegbi emini a da. 56 Oni o da le idiegbe oyemhe ni o gbo da ọlia eyemhe, o la elemhi oyemhe, mhemhe mhi li la elemhi oyoli. 57 Abi Ita ni o mhọli agbọ o ghie mhe, mhi li mhọli oni agbọ, Igho ọni o da le idiegbe oyemhe o li ya mhọli agbọ itobọ oyemhe. 58 Onana lɔli khi eminale ni o te iloghie tiemhile, ọa li abi eminale ni e rọte idane de kule ni eni e bia e e kpẹ le, ni e rọ kie ghua. Ama ọni o da le idiegbe oyemhe o ya la agbọ agbọagbọ.”

59 Eni ingmemhi ena iJesu o ngme abi o li la elemhi owa ugamhi ni o la iKapanomu seḡe.

*Ingmemhi eyi iJesu ni e ri agbọ na agbọagbọ o na oḡbọ*

\* 6:31 Li ze Okiali 16.4,15; Iwolo 78.24 † 6:45 Li ze Aza 54.13

<sup>60</sup> Abi e rọ suọ eni ingmemhi ni iJesu ọ ngme, ebubu eniye odukhokho eyi iJesu e ke, “Osese, ena e ma ze dose e. Oghuo ọ dobe ya mie shi ọ?”

<sup>61</sup> Abi iJesu ọ rọ lese khi eniye odukhokho eyoli e wolo, ọọ, “Eri ingmemhi eyemhe e yese e udu-a? <sup>62</sup> See a ke e ngme ini a me Omi Ogbọ khi ọ nga iloghie ya shito obini ọ kpe te tiemhile? <sup>63</sup> Ayemhe oyi Eshinegba ọ ri agbo ee na ogbọ, ama ogbọ ọa dobe ri agbo ee na ogbọ. Ingmemhi ni mhi nu e ngme, obọ oyi Ayemhe e te ee bhale, wewe e ri agbo ee na ogbọ <sup>64</sup> Abi o rie khi igho, eghuo elemhi e, ẹa miesuo.” Itobọ khi iJesu ọ she kpe te eke lese eni ẹa mie ọli suọ ali oni ọ ya ri ọli de. <sup>65</sup> IJesu ọ gbo gueye we, ọọ we, “Ona o ze khi mhi gueye e khi ogbọ lolighuo ọa dobe ya bhale deba mhe see ini Ita ọ ri oni afu na li.”

<sup>66</sup> Rọ te ana vu eniye odukhokho eyoli ebubu e mu egbe pfi ẹa ke lama deba li. <sup>67</sup> IJesu ọ mhila eniye odukhokho etuogbava eyoli, ọọ we, “Eri a nono ni a li vu?”

<sup>68</sup> ISamọ iPita ọ sọ ọli ọ, ọọ li, “Onomhue, oghuo anye ya le deba? Yeyeghuo u mhọli ungmehi ni e ri agbo na agboagbo ọ na ogbọ. <sup>69</sup> Anye miesuo, anye gbo lese khi yeyeghuo u khi Oni ọ pfuase oyi Eshinegba.”‡

<sup>70</sup> IJesu ọ sọ li ọ, ọọ, “Oa khi ee ogbava mhi ze? Ama oghuo elemhi e, okphaghie ọ khi!”

<sup>71</sup> IJudasi ni ọ khi omi iSamọ Isikaroti lolu iJesu ọ la ana ngme ingme oyoli. IJudasi ọ khi oghuo eniye odukhokho Ogbava ni ọ kie te ikpukhokho ri ọli de.

## 7

### *IJesu ali inyoghuo ọli*

<sup>1</sup> Abi a rọ me ona se, iJesu ọ kia gasẹ eke iGalili. Oa lama je eke iJudia itobọ khi eni e mhesẹ eyi egbo iJu e nono abi e li ya gbe ọli a. <sup>2</sup> Oni eghẹghẹ ukpe okhọlo oyi iJu o ti bhale.\* <sup>3</sup> Igho Inyoghuo iJesu, ee ọli, “Wa ke rọte ana lase, ni u ke je obini eke iJudia ni eniye odukhokho eye e me ikanya onyaloa ni u wa gbe? <sup>4</sup> Ogbọ ni ọ nono ni agbo e lese lue ọa ya riele ingme sheli. Abi u rọ gbe ikanya oshabọ ena, ri egbe e khasẹ agbo gbo

ni e lese oni u khi.” <sup>5</sup> Egbegbo inyoghuo ọli ẹa mie ọli suọ.

<sup>6</sup> IJesu ọọ, “Eghẹghẹ oyemhe ọa ramhi ne, Eghẹghẹ ni a me kpa o ti e ẹloe. <sup>7</sup> Egbo na agbo ẹa dobe ya biselemhi e, ama ee biselemhi mhe itobọ khi mhia gueye we khi emini ee riele khi ẹa ti. <sup>8</sup> A ke je obini a la riele ukpe, mhemhe mhia vu ne, itobọ khi eghẹghẹ oyemhe ọa ramhi ne.” <sup>9</sup> Abi iJesu ọ ngme ghọ se, ọa ke te iGalili je ashikhoghuo.

<sup>10</sup> Abi inyoghuo ọli e rọ je obini oni ukpe okhọlo se, ọ li je oobọ, ama ọa ze ni egbo e me lue.

<sup>11</sup> Eni e khi enighie eyi egbo iJu e la agho nono iJesu gasẹ, e mhila, “Ighe oni omose ogho?”

<sup>12</sup> Ebubu egbo e la oni igbaa khe akọ shi ingme oyi iJesu. Eghuo e lie khi iJesu khi ogbọ onete lo, eghuo e khi eri ọ mema di egbo. <sup>13</sup> Ama ogbokhoghuo ọa ngme ingme oyoli lase gboo, itobọ khi e na ulishi enighie eyi egbo iJu.

### *IJesu ọ la olele oyi oni ukpe sese*

<sup>14</sup> Abi a rọ li oni ukpe ramhi ode, iJesu ọ lo elemhi owa oniemi oyi Eshinegba, ọ sese egbo ungmehi oyi Eshinegba. <sup>15</sup> Enighie eyi iJu ni e suọ oni osese, abọ e sha we, e lie, “Obo omose ona ni ọa ye owena okhoghuo ne ọ te mhọli ilese enana?”

<sup>16</sup> IJesu ọ sọ we ọ, ọ li, “Osese ni mhia sese, ẹa khi obọ oyemhe o te bhale, ama obọ oyi oni ọ ghie mhe bhale. <sup>17</sup> Oni o ghole ni ọ riele oghuemhe oyi Eshinegba ọ ya lese khi osese ni mhia sese ini obọ oyi Eshinegba o te bhale, abi khi ungmehi ni o ghole mhe mhia ngme. <sup>18</sup> Oni ọ da ngme ungmehi oyi egbọli, ekpe ọọ nono ni egbo e ke mu na lolu, eri-tse khi oni ọ da gbe akanya ni ọ rọ ti oni ọ ghie ọ nga ne, lolu o khi ogbọ ni ọ ti, ọa ga khi ogbọ egbọli. <sup>19</sup> IMosisi ọa ri ishi na e? Ama onge e, ọa ri eni ishi gbe. Elo o ke ze khi a nono ni a gbe mhi a?”

<sup>20</sup> Eni egbo e sọ ọli ọ, ee ọli, “Ayemhe okphaghie o la e egbe! Oghuo ọ nono ni lolu gbe-a?”

<sup>21</sup> IJesu ọọ, “Mhi riele onyaloa oghuo, o rọ abọ sha e nya. <sup>22</sup> Ama abi o rie khia khi iMosisi ọ ri ushi ishele-a na e (ọa mema khi

‡ 6:69 Li ze iMat 16.16; iMak 8.29; iLuk 9.20 \* 7:2 Li ze iLev 23.34; iDeut 16.13 † 7:22 Li ze Igbae 17.10; iLev 12.3



obọ oyi iMosisi o te bhale, ama rọte obọ oyi eni e bia awa, o rọte bhale), eri a kiele ẹ shele ọmọ a ogbele iyemhea oyi egbo iJu.†  
 23 Ini a shele ọmọ a ogbele iyemhea oyi egbo iJu, ini a khi gbe Ushi oyi iMosisi a, elọ ze khi a wola khi mhi rọ oni ọọ ghua ze ogbele iyemhea?‡ 24 A khi ke bino ogbo alo gue ogbo ezọ, a ke sọ ezọ shi abi o li.”

*Egbo e mhila ini iJesu o khi Oni Omiepfuese?*

25 Eghẹghẹ aghọ egbo eghuo ni e la iJerusalemu e lie, “Ọa khi ọmose ọna enighie eyi iJu ẹẹ dua abi e li ya gbe a? 26 Ghe ọli shọ! Ọa khi lọli ọ la ana ngme gbo ena ni ogbokhoghuo ọa li ọli emhikhoghhuo! Abi khi eri enighie e she lama egbegbo khi lọli ọ khi iKirisiti? 27 Awa aa lese obini ọmose ọna o te bhale. Ama eghẹghẹ ni iKirisiti ọ rọ ya bhale, ogbokhoghuo ọa ya lese obini ọ te ya bhale.”

28 Abi iJesu ọ rọ la elemhi Owa oyi Eshinegba sese, ọ tsesẹ lasese, ọọ, “A lese mhe, a gbo lese udi-apfe ni mhi te lasese, ọa khi mhemheghuo mhi ghie egbemhe bhale akana, ama oni ọ ghie mhe, ọna igesikia lo. Aa lese ọli. 29 Ama mhi lese ọli itobo khi obọ oyọli mhi te bhale, lolighuo ọ ghie mhe bhale.” 30 Itobo ona e nono abi e li ya mu ọli. Ama ogbo khoghhuo ọa khu ọli, ẹa ri obọ ti ọli, itobo khi eghẹghẹ oyọli ọa ramhi ne 31 Ama ebubu egbo e kie mie ọli suọ, e ke, “Ini oni iKirisiti ọ bhale, ọ ya gbe ikanya ọnyaloa ni e dọse eni ọmose ọna ọọ gbe ena?”

*A ghie eni ẹ khe ekhe e ka mu iJesu bhale*

32 Egbo iFarisi e suọ ingme ni egbo e ngme shi iJesu egbe. Eni iFarisi ali ighie eyi ekpodalo-ugamhi e ghie eni e la Owa Oyi Eshinegba ẹ khe ekhe e ka mu ọli bhale. 33 IJesu ọọ li, “Ukuku eghẹghẹ mhi mhọli ya nu ẹ la akana, mhi ya nyene egbe je oyi Ita ni ọ ghie mhe. 34 A ya nono mhe, ama aa ya me mhe, ashini mhi ya la aa dọbe ya ramhi aghọ.”

35 Enighie eyi iJu e nu egbe we ẹ ngme, e lie, “Obo ọmose ọna ọọ le ni ọ rọ lie khi awa aa ke ya me lue? Eri ọ vu ẹ je ifui ẹoli oyi egbo iGiriki, obini egbo eyawa e kia miatsẹku, ni ọ la obọ ke sese egbo iGiriki? 36 Elo iJesu ọ rọ li ngme, abi ọ ree, a ya nono

mhe aa me mhe, ali obini mhi ya la aa dọbe ya ramhi aghọ?”

37 Ogbele ni o kpukhokho oni ukpe, ni khi khi ogbele ni o mu ẹloe ne nya, iJesu ọ vule, ọ rue unu leghe, ọọ li, “Oni okiamẹ ọọ gbe ọ bhale deba mhe ya mọ amẹ da. 38 Ebe-no-pfuase o ngme ghọ khi oni ọ mie mhe suọ khi okẹ ni o mhọli amẹ eni ri agbo a na ogbo o ya rọte agbo oyọli ke tu lasese.”\*  
 39 Ayemhe ni eni mie ọli suọ e ya mie ẹlelese, iJesu ọ ri oni amẹ agbo o na a ngme. Ramhi oni eghẹghẹ, oni Ayemhe ọa bhale ne, itobo khi aa yase iJesu nga ufumhi oniemi ne.

*Eni egbo ẹa ke lama shi egbe o*

40 Abi eni egbo e rọ suọ ingmemhi eyọli, egbo eghuo e ke, “Omekẹguele ọmose ọna ọ khi egbegbo.”

41 Egbo elese e ke, “Lọli ọ khi oni Omiepfuese.” Elese ẹẹ, “Seẹ Omiepfuese ọ li rọte iGalili lasese? 42 Ebe-no-pfuase o guele khi oni Omiepfuese, khi unuekpẹ oyi iDefidi ọ ya te lasese, iBetilemu a ya bia li shi, ẹoli oyi iDefidi.”† 43 Ighọ okemhi o ri itobo iJesu lo we iteva. 44 Egbo eghuo e nono ni ewe e mu ọli, ama ogbokhoghuo ọa ri obọ ti ọli.

*Umha mie iJesu suọ oyi Enighie eyi egbo iJu*

45 Abi eni e la Owa oyi Eshinegba oniemi ẹẹ khe ekhe e rọ je deba iFarisi ali ighie eyi ekpodalo-ugamhi, e mhila we, “Elo e ze khi a mu iJesu bhale ghi anye?”

46 Eni egbo ni ẹ khe ekhe, e sọ we ọ, e li. “Ogbokhoghuo ọa tigbe ngme abi ọmose ọna ọ lie ngme ghue.”

47 IFarisi e mhila we, ẹẹ, “Eri iJesu ọ she li di ẹ?” 48 “Aa tigbe me ogbo iFarisi ali enighie eyi egbo iJu ni e mie ọli suọ? 49 Iiye! Ama eni egbo ebubu ena ẹa lese Ishi eyi iMosisi. Itobo ighọ egbo ni Eshinegba ọ pfi unu na e khi.”

50 INikodemosi ni ọ li khi ọtuoghhuo eni ẹ mhesẹ elemhi egbo iJu ni ọ kpẹ ya me iJesu ẹliyose, ọ mhila eni egbo, ọọ,‡ 51 “Ushi oyawa ọa fe ngme ghọ a khi pfa ezọ umhaguẹli mu ogbo ini aa li suọ ezọ ni ọ ya gue, ali a gbo guanọ emini ọọ riẹle?”

‡ 7:23 Li ze iJon 5.9 § 7:37 Li ze iLev 23.36 \* 7:38 Li ze Ezik 47.1; iZaka 14.8 † 7:42 Li ze 2 iSam 7.12; iMika 5.2 ‡ 7:50 Li ze iJon 3.1-2

<sup>52</sup> E kẹ ọ li, “Ọnge iGalili yeye u li khi? Ka riẹle ebe zẹ egbegbo khi u ya mẹ khi ọmekẹguele ọọ ya rọte iGalili bhale.”

<sup>53</sup> Igho ọgbogbo nya ni ọ la agho, ọ je apfe oyoli.

## 8

### *Ọkpotso ni a gazu okia*

<sup>1</sup> Ijesu ọ je ukhomhi ute oyi ẹra olivu. <sup>2</sup> Eluzogbe fiefie, iJesu ọ gbo bhale elemhi Owa oyi ẹshinegba, ebubu ẹgbo e bhale deba li, ọ shitọ ọ sese we. <sup>3</sup> Esese Ishi eyi iMosisi ali iFarisi e mu ọkpotso ni a gazu okia obọ-obọ bhale ghi iJesu, e rọ ọli migha odalo igbaa. <sup>4</sup> Ẹẹ iJesu, “Osese, eri a ga ọkpotso ọna zu okia. <sup>5</sup> iMosisi ọ she kpe rọ oni ushi shi eke na anye, khi, ọkpotso ni a da ligho gazu okia, a ke tono ọli echẹ gbe-a. Elo u mhue ya ngme shi ona mena?”\* <sup>6</sup> Eri e ri ona kpe igba kẹ iJesu ini ọ ngme ungmehi ni e ya rọ ri ingme de ọ. Igho iJesu ọ nyese egbe, ọ ri umiesobo ọ kẹkẹ emhi shi eke.

<sup>7</sup> Abi e kie li mhila iJesu oni ogbo ona, iJesu ọ vule, ọọ, “Oni ọ lese khi loli ẹa kpe lamhe olamhe ghue ọ kpe to ọli echẹ.” <sup>8</sup> Ọ gbo nyese egbe, ọ kẹkẹ emhi shi eke. <sup>9</sup> Abi e rọ suọ ingme ni iJesu ọ ngme, e gbhiaku-a ọtuoghwo-oghwo rọte eni egbhali. O ke lese kpe iJesu ali oni ọkpotso le shi agho ni ọ kie migha. <sup>10</sup> Ijesu ọ vule, ọọ oni ọkpotso, “Ighe eni ẹgbo ni e pfa ezọ mu ẹ?”

<sup>11</sup> Oni ọkpotso ọọ li, “Mhi aa mẹ ọgbokhoghuo, Onomhue.” Ijesu ọọ li, “Mhemhe mhi aa li pfa ezọ mu ẹ, ama ke le, khi ke gbo lamhe.”

<sup>12</sup> Ijesu ọ gbo nu iFarisi ngme, ọọ we, “Mhemhe mhi khi akpa oyi agbo. Oni ọ da deba mhe ne, ọa ya tigbe kia alo ebili, ọ ya mholi akpa ni o ri ode agbo a khasẹ ogbo.”†

<sup>13</sup> Eni iFarisi ẹẹ ọli, “Egbe ẹ u pfi ọtsẹle na, ẹgbo ẹa ya rue ọtsẹle oye shi igesikia.”‡

<sup>14</sup> Ijesu ọọ, “Iiye, ini mhi tseku pfi ọtsẹle na egbemhe, egbegbi ọtsẹle lo ni mhi pfi na egbemhe, itobo khi mhi lese obini mhi te bhale ali obini mhia je. Ẹẹ, aa lese obini mhi te bhale wekhi obini mhia je. <sup>15</sup> Abi ẹgbo na agbo e li ẹ sọ ezọ ẹẹ a lie sọ ezọ, ama

mhemhe mhi aa pfa ezọ mu ọgbokhoghuo. <sup>16</sup> Ini mhi ya sọ ezọ, egbegbo ezọ mhia sọ, itobo khi ọa khi mhemheghuo mhi la. Ita ni ọ ghie mhe ọ nu mhe la. <sup>17</sup> A kẹkẹ ọli shi ebe ushi oyeẹ khi ọtsẹle oyi ẹgbo aava, o migha shi egbegbi ọtsẹle. § <sup>18</sup> Mhi pfi ọtsẹle na egbe mhe, Ita ni ọ ghie mhe ọ gbo pfi ọtsẹle na mhe.”

<sup>19</sup> Eghẹghe ana eni ẹgbo e mhila li, “Ighe Itẹ?”

Ijesu ọọ we, “Aa lese mhe wekhi Itamhe a lese. Ini a lese mhe lo, a kha li lese Itamhe.”

<sup>20</sup> Elemhi Owa oyi ẹshinegba ọ la ngme eni ingmemhi ena abi ọ kie li sese ẹgbo, epfe ashini a ri ikpati ni a ri ikpagho isomhopfa a shi ọ migha. Ọgbokhoghuo ọa kie mu ọli, itobo khi eghẹghe oyoli ọa ramhi ne.

<sup>21</sup> Ijesu ọ gbolo lie we, “Mhi ya vu, a ya nono mhe, a ya ghu shi olamhe oye ẹ. Aa ya dobe ramhi obini mhia je.”

<sup>22</sup> Ẹgbo iJu ẹẹ, “Ọ khi awa aa dobe ya a ramhi obini loli a je. Eri ọ fe ri ona a lie khi loli ya gbe egbeoli-a?”

<sup>23</sup> Ijesu ọọ, “Ẹgbo ena ọkẹ-ola a khi, mhemhe mhi rọte iloghie tiemhie. Ẹgbo ena agbo ona ẹẹ a khi, mhemhe mhia khi onge agbo ona. <sup>24</sup> Itobo igbo mhi rọ lie khi a ya ghu shi olamhe oye ẹ ini a da miesuo khi mhemhe mhi khi oni mhiẹ khi mhi khi.”

<sup>25</sup> Ẹgbo iJu e mhila li, “Oghuo u khi?”

Ijesu ọọ, Oni mhi kie kpe rọte igbaekele lie khi mhi khi, mhi khi. <sup>26</sup> Mhi mholi ebubu ingme ali ebubu umha-guekia ni mhi kha gue shi ẹ egbe. Oni ọ ghie mhe, ọna igesikia ọ khi, ingmemhi ni ọ gueye mhe, mhi gue ẹ ye agbo.

<sup>27</sup> Ẹa lese khi ingme oyi Ita li iJesu ọ gueye we. <sup>28</sup> Ijesu ọọ, “Ini a da tsua Omi Ọgbo idane shi ukhomhi ọọra apfida a ya lese khi oni mhiẹ khi mhi khi, mhi khi. Oni eghẹghe a ya lese khi ọa khi itoto oyemhe mhi rọ riẹle emini mhia riẹle, ama emini Ita ọ sese mhe, mhia gueye agbo. <sup>29</sup> Oni ọ ghie mhe ọ nu mhe la, ọa pfi mhe shi eke tse, itobo khi oghuemhe oyoli mhia riẹle eghẹghe kpa.”

<sup>30</sup> Ebubu ẹgbo ni e suọ khi iJesu ọ ngme eni ingmemhi ena e mie ọli suọ.

\* **8:5** Li zẹ iLev 20.10; iDeut 22.22-24 † **8:12** Li zẹ iMat 5.14; iJon 9.5 ‡ **8:13** Li zẹ iJon 5.31 § **8:17** Li zẹ iDeut 19.15

### Igesikia o ya rue e o le

<sup>31</sup> Ijesu o gweye egbọ iJu ni e mie ọli suo, ọọ wẹ, “Ini a ri emini mhia sese e gba akanya, egbegbi eniye odukhokho eyemhe a khi. <sup>32</sup> A ya lese igesikia ni o la ingme oyi Eshinegba, oni igesikia o ya rue e o le.”

<sup>33</sup> Eni egbọ iJu ee ọli, “Imi Aburaamu anye khi, anye aa tigbe kpe lo ighumha oyi ogbokhoghuo ghue! Elo u ro li e ngme, ini u wa lie khi anye ya khi eni a rue ighumha lasele?”\*

<sup>34</sup> Ijesu o so we o, ọọ, “Egbegbi-ingme mhi gue e ye e, khi ogbokpa ni o da lamhe olamhe, oghumha oyi olamhe o khi <sup>35</sup> Oghumha o ya la apfe oyi oni o mhọli ọli agboagbo, ama, omi omhue-apfe ọọ la apfe agboagbo. <sup>36</sup> Ini Omi Eshinegba o da rue e ighumha le, egbegbo a rue e ighumha le.

<sup>37</sup> Mhi lese khi imi Aburaamu a khi, ama a nono ode ni a te ya gbe mhe a, itobo khi aa nono ingme ni mhi gweye e. <sup>38</sup> Emini Itamhe o rokhashe mhe mhi gweye e, ama emini Ita e o gweye e, a rihele.”

<sup>39</sup> E o li, “Aburaamu khi Ita anye.” Ijesu o ke, “Ini imi Aburaamu a kha khi egbegbo lo, a kha ke rihele emhi enabi o rihele. <sup>40</sup> Abi o ri rie khia khi egbegbo ingmemhi ni Eshinegba o gweye mhe mhi gweye e, ama a dua abi a li ya gbe mhe a. Aburaamu o rihele emhi eghogho! <sup>41</sup> Abi a li ena, igho ita e o kpe li.” Ee ọli, “Anye a khi eniye ni a bia shi ukhomhi okia, Eshinegba o khi Ita oghuo kpe ni anye mhọli.”

<sup>42</sup> Ijesu ọọ we, “Ini Eshinegba o khi Ita e lo, a kha nono ingme oyemhe, itobo khi obo oyi Eshinegba mhi te bhale, ni mhi ro la akana, o a khi omheshe oyemhe o re mhe bhale, ama loli o ghie mhe bhale. <sup>43</sup> Elo o ze khi ingmemhi ni mhi ngme khi ea lo e eso? Itobo khi aa lama ri egbe mie ingme ni mhi gweye lo. <sup>44</sup> Eniye eyi Okphaghie ni o khi ita e a khi, oghuemhe oyi ita e a nono ni a ke rihele. Rote igbaekele o te khi ogbolo-egbo-a ali oloegbhue. Igesikia o a la li unu. Ingmemhi eyi ọli, egbhọli e khi nya, itobo khi eri ọọ lo egbhọli abi o li. Loli o khi ita egbhọli nya. <sup>45</sup> Ama igesikia mhi gweye e khi, itobo igho aa ro lama mie mhe suo <sup>46</sup> Oghuo elemhi e o dobe ya guele khi mhi

mhọli ipfido? Ini igesikia mhi gweye e, elo e ze khi aa mie mhe suo? <sup>47</sup> Oni o da khi oyi Eshinegba o mema ya ri eso shi ingmemhi eyi Eshinegba, ama ee aa khi eyi Eshinegba loli o ze khi aa lama ro shi ungmehi oyi Eshinegba.”

### Emini ijesu ọọ khi loli khi

<sup>48</sup> Eni egbọ iJu e so ọli o, “Anye a gue ngme ọli mena ni anye ro ye khi onge iSameria u khi, ali khi ayemhe okphaghie o la e egbe?”

<sup>49</sup> Ijesu o ke we, “Mhi aa mhọli ayemhe okphaghie. Ama mhi ri ekpe na Itamhe, ama ee a ri eloe gbe mhe. <sup>50</sup> Aa khi eri mhia nono ni egbọ e ri ufumhi na mhe; ama oni ọọ nono ni a ro ekpe na mhe, loli o khi oni o so ezọ ti eloe. <sup>51</sup> Egbegbi-ingme mhi gue e ye e, oni o da ro shi osese oyemhe ne, o a tigbe ya ghu ghue.”

<sup>52</sup> Egbọ iJu ee ọli, “Eena anye tigbe lese khi ayemhe okphaghie o la e egbe. Aburaamu o she ghua, emekeguele e she ghua, ama wa guele khi oni o da ro shi osese eye o a tigbe ya ghu ghue. <sup>53</sup> Ita awa Aburaamu o she ghua, eri u ke e lie khi u fu dose Aburaamu? Emekeguele e she li ghua. Oghuo u fe sa khi u khi?”

<sup>54</sup> Ijesu ọọ li, “Ini mhi ti egbe mhe nga, oni itinga o khi afue. Itamhe oni ee a lu Eshinegba oye e, loli o khi oni o ti mhe nga. <sup>55</sup> Ee a kpe tigbe lese ọli, ama mhi lese ọli. Ini mhiye khi mhia lese ọli, oloegbhue oni abi ee ena mhi kha khi. Ama mhi lese ọli, mhi gbo ri ungmehi oyoli gbe akanya. <sup>56</sup> Eri o ri egbe mu Aburaamu ita e, abi o ro sa usamhi abi loli ya li me ogbele ibhale oyemhe. Abi o ro me ibhale oyemhe, o ghele.”

<sup>57</sup> Egbọ iJu ee ọli, “Waa gbe ikpe egbhueva ali igbe ne, wexhi eri u me Aburaamu!”

<sup>58</sup> Ijesu o li, “Abi o li mhi li gue ọli ye e, neni a bia Aburaamu, mhi she kpe la!”

<sup>59</sup> Igho e sanọ eche khi wewe ya tono ọli, ama, o ri egbọli sheli, o rote we ifuabo wa, o ya fie Owa oyi Eshinegba lase.

## 9

### Ijesu o khueghie ozalo alo a

<sup>1</sup> Abi ijesu o li kia ode le, o me omose oghuo ni a bia shi ozalo. <sup>2</sup> Eniye odukhokho

\* 8:33 Li ze iMat 3.9; iLuk 3.8

eyi iJesu e mhila li, “Oṣeṣe, oghuo o lamhe ni o ze khi a bia omose onana ozalo? Olamhe oyoli lo, abi eyi eni e bia li?”

<sup>3</sup> IJesu oṣo we, “Oa khi olamhe oyoli, wekhi eni e bia li, ama eri o ze alo ni Eshinḡba o ri ekpabo eyoli khasḡ elemhi agbo oyi oni ozalo. <sup>4</sup> Ogbe o kha da kie laḡ ne, awa mema ya ke gbe ikanya eyi oni o ghie mhe, eḡ iyose oḡ bhale ni ogboḡkhoghuo o a ke ro doḡe ya gbe akanya. <sup>5</sup> Abi mhi li la agbo ena, mhemhe mhi khi oni o ri akpa a na egbo ni e la agbo.”\*

<sup>6</sup> IJesu o ngme ona se, o tono ete shi eke foṣe igbolo ro ma li alo. <sup>7</sup> Oḡ oni omose, “Ke je okḡ ni a lu iSiloamu ni u ya kpe alo a.” Usomhi ni a ghie, a ri iSiloamu ngme. Igho oni omose o li vu ya kpe alo-a. Oḡ jele apfe, oḡ me eke.

<sup>8</sup> Egbo eni e ga la kugbe ali egbo ni e kpe me oli khi oḡ ye omhila, ee. “Onana o a she khi ozalo ni o kpe e shito akana mhila?”

<sup>9</sup> Egbo eghuo ee, “Loli lo,” ama eghuo ee, “Iye o! Oa khi loli, eri ona o li kḡo li.” Ama oni omose oḡ, “Mhemhe o khi gueḡeḡeḡe.”

<sup>10</sup> E mhila li, “Se o li kia ni u ro ke e me eke?”

<sup>11</sup> O we, “Omose oghuo ni a lu iJesu o foṣe igbolo ma mhe alo, o mhe mhi je okḡ iSiloamu ya kpe alo a. Igho mhi le ya kpe alo-a, loli mhi ro o me eke.”

<sup>12</sup> E oli. “Igho oli?” Oḡ we, “Mhi aa lese.”

#### *Egbo iFarisi e de udi iroze oyi oni omose*

<sup>13</sup> E rue oni omose ni o kpe ze alo ghi egbo iFarisi. <sup>14</sup> Ogbeḡe iyemhe a oyi egbo iJu iJesu o ro foṣe igbolo ro khueghie oni omose alo-a. <sup>15</sup> Eni iFarisi e mhila oni omose abi o li kia ni o ro ke e me eke. Oḡ we, “IJesu o ri igbolo ma mhe alo, mhi kpe alo-a, mhi ro o me eke memena.”

<sup>16</sup> Eghuo eni iFarisi ee, “Omose ni o riḡe ona o a roḡe obo oyi Eshinḡba bhale, itobo khi o a ri ushi oyi ogbeḡe iyemhe a oyi egbo iJu gbe akanya.” Egbo iFarisi elese ee, “Se ogbo olamhe o li doḡe ya gbe akanya onyaloa onana?” Ingme ona o pfi umhala shi egbe o na we.

<sup>17</sup> Igho eni egbo iFarisi e mhila oni omose, “Yeḡe ni iJesu o khueghie alo-a, elo u me ya ngme shi ingme oyoli?”

Oḡ we, “Omekeḡuele lo.”

<sup>18</sup> Eni egbo iJu ea kie miesuo khi oni omose o kpe ze alo, ali khi eri a khueghie oli alo-a. O ya ramhi ni e ro ghie ya lu eni e bia oni omose, <sup>19</sup> E mhila we, “Omi e na? Onana e khi ozalo a bia li? Se o ke li kia ni o ro ke e me eke?”

<sup>20</sup> Eni e bia li ee we, “Anye lese khi omi anye lo, anye gbo lese khi ozalo anye bia li. <sup>21</sup> Ama anye aa lese abi o li kia ni o ro ke e me eke, anye aa gbo lese oni o khueghie oli alo-a. A mhila li, o a ke khi omo, o doḡe ya ngme na egboli.” <sup>22</sup> Itobo khi ulishi egbo iJu o mu eni e bia li e ro ngme na. Irari khi eni egbo iJu e she kpe ngme oli shi oghuo, khi ogbo ni o da mie shi o khi iJesu khi iKirisiti, khi eri a khu oli owa ugamhi ya fiḡ. <sup>23</sup> Itobo ona eni e bia li e ro lie, “O fu te ni o ngme e na egboli, a mhila li.”

<sup>24</sup> Utonuzeva, e gbo lu omose ni o kpe ze alo, ee oli, “Romhi Eshinḡba khi u ya gue igesikia ye anye. Itobo khi anye lese khi omose ni o re ze khi ogbo olamhe lo.”

<sup>25</sup> Oḡ we, “Mhi aa lese ini ogbo olamhe lo, ama emhi oghuo ni mhi lese khi, ozalo mhi kpe khi, ama memena mhi she e me eke.”

<sup>26</sup> E mhila li, “Se o fe li e? Se o li khueghie a e alo a?”

<sup>27</sup> Oḡ we, “Mhi kpe gueye e, aa lama shi mhe o, elo o ke ze ni a ro o nono ni a gbo suo oni ungmehi? Eri a li e nono ni a li khi eniye odukhokho eyoli?”

<sup>28</sup> E tsue oli, ee oli, “Omo odukhokho oyi oni omose ona yeḡe u khi, ini itse lo, ama eniye odukhokho eyi iMosisi anye khi. <sup>29</sup> Anye lese khi Eshinḡba o nu iMosisi ngme, ama anye aa lese obini omose ona o te bhale.”

<sup>30</sup> Oni omose oḡ we, “Uza lo e, ni aa ro lese obini o te bhale, ama loli o khueghie mhe alo-a. <sup>31</sup> Awa lese khi Eshinḡba o a ya suo iromhi oyi egbo olamhe, ama iromhi oyi eni e ri ekpe na li oḡ suo, ali eni e riḡe emini oḡ nono e riḡe. <sup>32</sup> Roḡe igbaekeḡe agbo, aa tigbe suo ogbo ni o khueghie ozalo ni o khia khi igbo a bia li alo a ghue. <sup>33</sup> Ini o a khia khi omose ona khi obo oyi Eshinḡba o te bhale lo, o a kha doḡe li emhikhoghuo.”

\* 9:5 Li ze iMat 5.14; iJon 8.12

<sup>34</sup> E ọli, “Elemhi olamhe a bia e shi, ni a la kuele, se u li a nono ni u ke sese anye?” Igho e khu ọli elemhi owa ugamhi ya lase o khi ke gbo bhale o ghue.

### *Itase-alo-a ona ayemhe*

<sup>35</sup> Abi iJesu o ro suo khi a khu oni omose owa ugamhi ya lase, o nono ọli me, o mhila li, o ọli, “U mie Omi Ogbọ suo?”

<sup>36</sup> Oni omose o li, “Oga, gueye mhe oni Omi Ogbọ o khi, ni mhi mie ọli suo!”

<sup>37</sup> IJesu o ọli, “U she me ọli, loli o ga nu e ngme ena.”

<sup>38</sup> Oni omose o li, “Onomhue mhi miesuo.” O wugha o kueghie iJesu.

<sup>39</sup> IJesu ọli, “Eri mhi bhale agbo ona ya gue egbo ezọ, ishegho ni egbo ni e zalo e ke me eke, ni eni e kpe e me eke ni e ze alo.”

<sup>40</sup> Egbo iFarisi eghuo ni e la akaghọ e suo ingme ni o ngme, e mhila li, “Eri u we khi ezalo anye li khi?”

<sup>41</sup> IJesu o ọli, “Ini ezalo a khi lo, aa kha mhọli umha-guekia, ama abi e a ke ro ye khi a me eke na, onana o rohashe khi ena olamhe a khi.”

## 10

### *Okhe oyi orisumhaka*

<sup>1</sup> IJesu o ọli, “Abi o li mhi li gue ọli e ye e, khi, ogbo ni o da rote ode unuekpe lo ogba ni a ri isumha shi, ni o rote oboese nga fiala lo ne oghiato ali oni o li iko o khi.

<sup>2</sup> Ogbọ ni o rote ode unuekpe lo, loli o khi orisumhaka oyi isumha. <sup>3</sup> Eri oni o ọli khe ekhe ode unuekpe o khueghie ode-a na li, eni isumha e suo uruli oyoli ini o lu isumha eyoli eva abi o ri eva na we, o re we kia lase. <sup>4</sup> O kha da re we we nya fie lase ne, eri o ọli ralo na we, eni isumha e deba li, itobọ khi e lese uruli oyoli. <sup>5</sup> E a ya deba ogboese, eri e ri ochoghọ me ọli ya ke na, itobọ khi e lese uruli oyoli.”

<sup>6</sup> Eri iJesu o ze okhe ona ro nu we ngme, ama e a lese emini o ri ọli ngme.

### *IJesu ni o khi orisumhaka onete*

<sup>7</sup> Igho iJesu o gbo le, “Egbegbi-ingme mhi gue e ye e, mhemhe mhi khi ode unuekpe ni isumha e rote e lo, ni e gbo te e dose fie. <sup>8</sup> Egbo ni e kpe bhale khe mhe, ighiato ali

eni e li iko e khi, ama eni isumha e a ri eso shi we o. <sup>9</sup> Mhemhe mhi khi ode unuekpe, onini o da rote mhemhe egbe ne, a ya mie ọli pfuese, o ya fie, o lo le, o me emhi le. <sup>10</sup> Eri oghiato o lese bhale ya do, o gbe-a, o pfuse-a tse, ama mhi she bhale ni a mhọli agbo, ni a mhọli ọli gba pfo.

<sup>11</sup> “Mhemhe mhi khi orisumhaka onete. Eri orisumhaka onete o ri agbo oyoli shi eke ni eni isumha eyoli. <sup>12</sup> Oni a mie shi akanya irisumhaka o a khi loli o mhọli eni isumha, ini o me khi akpogene o bhale, o na tsua isumha kua, oni akpogene o tsua rughu eni isumha, o vese we kua. <sup>13</sup> Oni a mie shi oni akanya irisumhaka o na vu, itobọ khi eni isumha e a khi eyoli, ali khi e a mu ọli egbe.

<sup>14</sup> “Mhemhe mhi khi orisumhaka onete, mhi lese isumha eyemhe, eni isumha e lese. <sup>15</sup> Abi Ita o li lese mhe, igbo mhemhe mhi lese ọli, igbo mhi ro ri agbo oyemhe shi eke na eni isumha.\* <sup>16</sup> Isumha elese e la o ni e a la elemhi ogba oyi isumha ona memena. Mhi mema fie ya wolọ we ma o. E ya suo uruli oyemhe. E ya kugbe khi oghuo, e mhọli orisumhaka oghuo. <sup>17</sup> Ita o nono ingme oyemhe, itobọ khi mhi lama ri agbo oyemhe shi eke, ni a ro bhale ya e khi mhi ya gbo me ọli rue. <sup>18</sup> Aa me ogbokhoghuo ni o ya dobe mie mhe agbo oyemhe. Mhemhe oghuo mhi ro li shi eke. Mhi mhọli afu ni mhi ro o ze ọli obọ, mhi gbo dobe ya rue ọli ini o ghole mhe. Omheshe ona Itamhe o gueye mhe mhi riele.”

<sup>19</sup> Eni ingmemhi enana e gbo pfi umhalama shi egbe o na egbo iJu. <sup>20</sup> Ebubu egbo e lie, “Ayemhe okphaghe o la li egbe, ujili o ọli kpha li. Elo e ze khi a ri eso o shi ọli o?”

<sup>21</sup> Ama egbo elese, e ọli, “Ingmemhi enana e a dobe ya rote unu oyi ogbo ni o mhọli ayemhe okphaghe lasele! Ayemhe okphaghe o dobe ya khueghie ozalo alo a?”

<sup>22</sup> Oni eghẹghẹ o khi eghẹghẹ oruame ni a ro li ukpe ni a ro yelele abi a li ri Owa oyi Eshinegba riele nga Eshinegba obọ. Eghẹghẹ ulili lo. <sup>23</sup> IJesu o la atukpapfe oyi Owa oyi Eshinegba kia, ashini a lu arakpha oyi iSolomoni. <sup>24</sup> Ebubu egbo iJu e le gashe ọli, e mhila li, “Ele u ri anye ya shi alo ebili

\* 10:15 Li ze iMat 11.27; iLuk 10.22

ramhi? Khueghie igesikia ni o la o-a khasẹ anye ini yeye u khi iKirisiti!”

<sup>25</sup> IJesu oọ wẹ, “Mhi she kpẹ gueye ẹ, ama aa lama mie mhe suọ. Ikanya onyaloa ni mhi ri itoto oyi Ita a gbe, wewe e pfi otsẹle na mhe. <sup>26</sup> Ama aa lama miesuọ, itobọ khi aa la elemhi isumha eyemhe. <sup>27</sup> Isumha eyemhe ẹẹ suọ uruli oyemhe, mhi lese wẹ, ẹẹ deba mhe. <sup>28</sup> Mhi ri agbọ na agbọagbọ na wẹ, ẹa tigbe ya pfua. Aa me oni o ya dobe mie mhe ewe obọ. <sup>29</sup> Itamhe ni o ri eni isumha nga mhe obọ, o fu dose ogbokpa. Aa me oni o dobe ya mie Ita ewe obọ. <sup>30</sup> Mhemhe ali Itamhe oghuo anye khi.”

<sup>31</sup> Eni egbo iJu e gbo sanọ eche eke ẹ tono ọli. <sup>32</sup> IJesu oọ wẹ, “Mhi she gbe ikanya ebubu ukpelo oye ẹ, ni o khia khi Itamhe o ri itoto na mhe ni mhi ro gbe wẹ, onoghuo a tono mhe eche ẹ shi o?”

<sup>33</sup> Eni egbo iJu ẹẹ ọli, “Oa khi itobọ ikanya enete e ze ni anye ro a tono ẹ eche, ama, itobọ khi u pfi unu-a! Se yeye ogbo afue-afue u li ẹ ke lie khi Eshinegba u khi?”†

<sup>34</sup> IJesu oọ wẹ, “A she kpẹ keke ọli shi ebe Ishi eyi iMosisi khi Eshinegba oọ lie khi, ishinegba ẹẹ a khi.‡ <sup>35</sup> Anye she kpẹ lese khi emini ebe onopfuase o ngme khi igesikia o khi agbọagbọ, khi egbo ni a she kpẹ gue ingme oyi Eshinegba ye, Eshinegba o lu ishinegba. <sup>36</sup> Ita o she ze mhe oda ke neni o ghie mhe bhale agbo, ini mhi ngme ghọ khi Omi Eshinegba mhi khi, se a ke li a lie khi mhi a pfi unu-a? <sup>37</sup> A khi mie mhe suọ, ini mhi aa ya riẹle emini Itamhe o riẹle. <sup>38</sup> Ama ini mhia riẹle wẹ, ini aa ro tseku mie mhe suọ, a mie ikanya onyaloa ni mhia gbe suọ, ni a ro lese khi Ita o la elemhi oyemhe, mhemhe mhi li la elemhi oyi Ita.”

<sup>39</sup> Igho e ke gbo li dua ni wewe e mu iJesu, ama o pfue wẹ, ọa ze wẹ mu.

<sup>40</sup> IJesu o da oke iJodani je ukiekie ashini iJoni o ke la batazi egbo. Igho o bie ya la akaghọ. § <sup>41</sup> Ebubu egbo e bhale akaghọ deba li. Eẹ, “IJoni ọa gbe ikanya onyaloa okhoghuo, ama ingmemhi ni iJoni o ngme shi ingme eyi iJesu, e bhale ya tse nya.” <sup>42</sup> Ebubu egbo ni e la akaghọ e mie iJesu suọ.

## 11

### *Eghuli oyi iLazarosi*

<sup>1</sup> Omose oghuo ni a lu iLazarosi ni o la eoli iBetani, Oo ghua. IBetani iMelii ali inyoghuo ọli ni okpotso ni a lu iMata e la.\* <sup>2</sup> IMelii ọna o ke ku ituale ni o pfi ku Onomhue awe, ni o gbo ri itsu ni e la li ukhomhi shishi o ewe-a. Loli o khi inyoghuo iLazarosi ni o yeshi i ghua.† <sup>3</sup> Inyoghuo ọli eni ikpotso e ghie usomhi ghi iJesu, ẹ o li, “Onomhue, omole ẹ oo ghua.”

<sup>4</sup> Abi iJesu o ro suọ ona, oọ li, “Ughuamhi ona, ọa ya gbe ọli, ama, eri a me onana ni a me asha khi ufumhi na Eshinegba ali Omi Eshinegba.”

<sup>5</sup> IJesu oọ nono ingme oyi iMata ali iMelii ali iLazarosi. <sup>6</sup> Abi o ro tseku suọ khi iLazarosi o ghua, o kie la ashini o la ramhi ogbele eva. <sup>7</sup> Igho o gueye eniye odukhokho eyoli, oọ wẹ, “A ze ni awa mu egbe pfi je obini eke iJudia.”

<sup>8</sup> Eniye odukhokho eyoli ẹ o li, “Osesẹ, ode o a nuẹ ne ni egbo iJu e ro o nono ni wewe tono ẹ eche. Oobo wa nono ni u gbo nyene egbe je?”

<sup>9</sup> IJesu oọ wẹ, “Oa khi te ele uzogbe ramhi ele ogbomhi awa ro o me eke? Oni oọ kia ini ogbe o la o, ọa ya khi owe, itobọ khi akpa oyi agbo ona o ro o me eke. <sup>10</sup> Ama ini o ri alo ebili ẹ kia, o ya khi owe, itobọ khi ọa mhọli akpa ni o ro o me eke.”

<sup>11</sup> Abi o ke ro ngme onana se, o gueye wẹ, oọ wẹ, “ILazarosi omole awa o she lese, ama mhia le ni mhi ya guise ọli le.”

<sup>12</sup> Eniye odukhokho eyoli ẹ o li, “Abi o ro da lese-a egho, o ya ze.”

<sup>13</sup> Eri IJesu o ro li lie khi iLazarosi o she ghua, ama e dabi khi egbegbi olesẹ o ngme.

<sup>14</sup> Igho iJesu o guele gboo khi iLazarosi o she ghu-a. <sup>15</sup> Ama itobọ oye ẹ, egbe ẹ mu mhe shi o khi mhi aa nu ọli la akaghọ ni o ro ghu-a, ni a ro mie mhe suọ. A ze ni awa le deba li.

<sup>16</sup> ITomosi ni a gbo li ẹ lu iDidimosi, oọ eniye odukhokho enekpole, “A ze ni awa li deba Osesẹ je oobo ni awa nu ọli ghu-a.”

<sup>17</sup> Eghẹghẹ ni iJesu o ke ro ramhi agho, o bhale ya ẹ khi o she ramhi ele ene abi a te

† 10:33 Li ze iLev 24.16 ‡ 10:34 Li ze iWolo 82.6 § 10:40 Li ze iJon 1.28 \* 11:1 Li ze iLuk 10.38-39 † 11:2 Li ze iJon 12.3

ri iLazarosi to. <sup>18</sup> Rote iBetani je iJerusalemu o ramhi imali eva. <sup>19</sup> Igho ebubu egbo iju e she kpe bhale iBetani ya tse iMeli ali iMata e mu opfu shi inyoghwo we ni o ghu-a.

<sup>20</sup> Abi iMata o ro suo khi iJesu o bhale, o fie lase ya lona li ode, ama iMeli o la elemhi owa. <sup>21</sup> IMata o iJesu, "Onomhue, ini u la akana lo, inyoghwo-mhe o kha ghu. <sup>22</sup> Ama mhi lese khi memena khi Eshinegba o ya ri emiemini u wa mhila li ne."

<sup>23</sup> IJesu o li, "Inyoghwo e, o gbo ya guale bhale agbo."

<sup>24</sup> IMata o li, "Mhi lese khi o ya te eghuli guale ogbele iguale ni o khi ogbele ni o kpukhokho."

<sup>25</sup> IJesu o o li, "Mhemhe mhi rote eghuli ya guise eni e ghu-a le, ni mhi ri agbo ya na we, oni o da mie mhe suo o ya mholi agbo, ini o tseku ghu-a. <sup>26</sup> Oni o la agbo ni o da mie mhe suo, o tigbe ya ghu-a. U fe mie ona suo?"

<sup>27</sup> O o li, "I Onomhue! Mhi miesuo khi yeye u khi iKirisiti, Omi Eshinegba ni o ya bhale eke agbo ona."

<sup>28</sup> Abi iMata o ro ngme gho se o le ya ri ofie gueye iMeli, o, "Osese o she bhale, o nono e." <sup>29</sup> Abi iMeli o ro suo ona o ti vule, o nyanya fie lase je ashini iJesu o la. <sup>30</sup> IJesu o kie ramhi oni eoli ni o je ne, ama o kie la ashini o kia ramhi ni iMata o ro lona li ode. <sup>31</sup> Egbo iju ni e la elemhi owa yese o li, e vule deba li je olase abi e ro me khi o ti vule je olase. E dabi khi eri o je obini uji ya vie.

<sup>32</sup> Abi iMeli o ro ramhi ashini iJesu o la ni o me o li, o de ya wugha li odalo, o li, "Onomhue, ini u la akana lo, inyoghwo-mhe o kha ghu!"

<sup>33</sup> Abi iJesu o me khi loli ali egbo iju ni e kphase o li khi ee vie, o ro obo ti iJesu udu, egbe e guoghwo o li a. <sup>34</sup> IJesu o mhila we, o, "Ashi a ro li to?"

E o li, "Onomhue bhale ya ghe o li."

<sup>35</sup> IJesu o vie. <sup>36</sup> Egbo iju ni e la agho, ee, "A ghe abi o li nono ingme oyi o li khe."

<sup>37</sup> Ama eghuo o e lie, "Loli ni o khueghie ozalo alo-a o kha dobe tsumhi iLazarosi ini o khi ghua?"

*IJesu o guise iLazarosi gbo bhale agbo*

<sup>38</sup> O gbo ri obo ti iJesu udu. O kia je obini uji ni o khi irui, ni a gheghele eche zuse unu. <sup>39</sup> IJesu o, "A gheghele oni eche unu oni uji-a."

IMata inyoghwo oni omose ni o ghu-a o, "Onomhue, o she ya ke we! Amo o li ele onuzi-ene abi a te ro li to!"

<sup>40</sup> IJesu o li, "Mhi a kpe gueye khi u ya me ufumhi oyi Eshinegba ini u miesuo?" <sup>41</sup> Igho e gheghele oni eche unu uji lase. IJesu o yase alo idane, o li, "Mhi kphemhi ne Ita, khi u suo mhe. <sup>42</sup> Mhi lese khi u ma suo oyemhe, itobo oyi egbo ena mhi ro o ngme ona ni e miesuo khi yeye u ghie mhe."

<sup>43</sup> Abi o ro ngme ona se, o lu o li leghe, "ILazarosi e! Fie lasele!" <sup>44</sup> Oni omose ni o ghu-a o fie lasele, a ri ide olimhi gono li abo ali awe, ghe eni a ro ku o li alo. IJesu o we, "A taghie o li a ni a ze o li vu."

*Ugbamhi abi a li ya gbe iJesu-a*

*(iMat 26.1-5; iMak 14.1-2; iLuk 22.1-2)*

<sup>45</sup> Ebubu egbo iju ni e bhale ya tse iMeli o mu opfu e me emini iJesu o rie, e mie o li suo. <sup>46</sup> Ama eghuo elemhi we e vu ya gueye egbo iFarisi emini iJesu o rie. <sup>47</sup> Ighie eyi ekpodalo-ugamhi ali iFarisi e ya lu eni e mheso ni a lu iSaediri ya nu we mholi ilegba.

E mhila egbewe, "Elo awa li ena? Aa me ikanya onyaloa ni omose onana o gbe? <sup>48</sup> Ini awa lina ze o li obo, ogbokpa o ya mie o li suo. Egbo iRomu e ya shashe Owa oyi Eshinegba oyawa-a."

<sup>49</sup> Omose oghuo elemhi we ni a lu iKefasi, ni o ralo ugamhi oni ukpe ogho, o li, "Aa lese ingme! <sup>50</sup> A lese khi ogbo otuoghwo o kha ghu-a na egbo kpa, khi o ti dose ni egbo nya e pfua?"

<sup>51</sup> Oa khi ibe eyoli o ro sa ngme oni ungemhi ona, ama ungemhi angme-shieke ni o ya tse ogbe na ako, khi iJesu o ya ghu-a na egbo iju o khi ni o ngme, itobo khi loli o ralo ugamhi oni ukpe. <sup>52</sup> Oa khi oyi iju tse, ama ni o sano egbo eyi Eshinegba ni e kia miatse ku agbo nya gbili re we khili oghuo.

<sup>53</sup> Rote ele gho vu, egbo iju e te gba ugbamhi abi wewe e li ya gbe iJesu a. <sup>54</sup> Itobo igho, iJesu o ke kia lase gboo iteva oyi egbo iju. O ri ochogho vu je eoli ni a lu Efuremu,

ni o ti mama oḍagbe ifufu. Agho loli ali eniye odukhokho eyoli e ke ga la.

<sup>55</sup> Abi eghēghē ukpe iPasova oyi eḡbo iJu o ro ti i bhale, ebubu eḡbo e te eoli oḍoda je iJerusalemu ya ri egbe we khi eni e pfuase, abi ushi oyewe oḡ e ke li neni oni ukpe o ramhi. <sup>56</sup> Ee nono iJesu. Abi e ro la elemhi Owa oyi Eshineḡba, e mhila eḡbewe, e lie, “A li sa khi o ya bhale? Otsē o a ya bhale shi oni ukpe ona.” <sup>57</sup> Ama ighie eyi ekpodalo-ugamhi ali iFarisi e she kpe mhesē na eni eḡbo, oni o da lese obini iJesu o la, oni oḡbo o gule ni wewe e me asha mu oli.

## 12

*IMeli o la obini iBetani ku ituale ku iJesu (iMat 26.6-13; iMak 14.1-9)*

<sup>1</sup> Abi o ro kpo oḡbele esesa oni ukpe iPasova le, iJesu o nyene egbe bhale obini iBetani, obini iLazarosi ni iJesu o rote eghuli guise le o la. <sup>2</sup> E nye akhe na iJesu, iMata o kphano eni eminale ghi we. ILazarosi o li nu we shito shi ilele oyi eni ekhe. <sup>3</sup> Igho iMeli o rue eḡbegbi akanama ituale ni o pfi ni o lolo ghalē. O ku oli shi iJesu awe, o ri itsu ni e la li ukhomhi shishi o awe a. Upfiemhi oyi oni ituale o kphela vo oni elemhi owa nya.\*

<sup>4</sup> IJudasi Isikaroti ni o khi oṣuoghwo eniye odukhokho eyi iJesu, ni o rote ikpukhokho ya ri iJesu de, o me emini iMeli o riēle, oḡ, <sup>5</sup> “Elo o ze ni aa ro ri oni ituale de ni a kemhi eni ikpagho na eni ea mhue? Oni ituale o ghalē ramhi ifata ukpe oyi oḡbo oghuo.” <sup>6</sup> Oa khi itobo khi o mholi udu iamhe na eni ea mhue, o ro ngme ungmehi ona. Ama itobo khi oghiatō o khi, ali khi loli o tsua ikpagho o mhue na we, ni o rote muno epfia.

<sup>7</sup> Ama iJesu oḡ li, “Ze oli obo riēle emini o la li udu, eri o mu mhe egbe e khe iroto oyemhe. <sup>8</sup> Eghēghē kpa eḡbo ni ea mhue e ro nu e a la, ama mhemhe mhia nu e ya la ana eghēghē kpa.”†

<sup>9</sup> Ebubu eḡbo iJu e suo khi iJesu o la iBetani, igho e je oobo. Oa khi itobo iJesu tse e ro je oobo, ama ni e ba me iLazarosi ni iJesu o te eghuli guise le. <sup>10</sup> Igho ighie

eyi ekpodalo-ugamhi ee gba ugbamhi abi e li ya li gbe iLazarosi a, <sup>11</sup> itobo khi ingme oyoli o ze khi ebubu eḡbo iJu e ku ma iJesu o, ni e ro mie oli suo.

*Eḡbo e ri ufumhi na iJesu abi o ro lo elemhi iJerusalemu*

*(iMat 21.1-11; iMak 11.1-11; iLuk 19.28-40)*

<sup>12</sup> Oḡbeakolo ebubu eḡbo ni e bhale shi oni ukpe iPasova e suo khi iJesu oḡ je iJerusalemu. <sup>13</sup> Igho e yanō eyamhi mhue abo fie ya eḡ oli. E kpe okeke gbii, e lie, “Tsumhi anye. Awa kueghie Eshineḡba. Eshineḡba o khivose na oni o ri eva oyi Eshineḡba Onomhue e bhale! Eshineḡba o ka khivose na oghie iZireni!”‡

<sup>14</sup> IJesu o me ozele akphere. O nga li shito abi Ebe-no-pfuase o ngme oli, ni oḡ,

<sup>15</sup> “Eḡbo iJerusalemu, ulishi o khi mu e!

Oghie oye e oḡ bhale ena,

o nga ozele akphere eḡ bhale.”§

<sup>16</sup> Eniye odukhokho eyi iJesu ea kpe rote eke lese obini eni ingme ena e je. Ama abi Eshineḡba o rote eghuli guise iJesu le ni o ri ufumhi na li, e ro tigbe sato khi a kpe keke eni ingme eyoli ena shi Ebe-no-pfuase, ali khi e ke riēle eni ingme ena deba li ghue.

<sup>17</sup> Olele eḡbo ni e nu oli la agho abi o ro rote uji lu iLazarosi lasese, ni o ro rote eghuli guise oli le, e kie kia gueye eḡbo abi a li me oni ingme. <sup>18</sup> Itobo khi ebubu eḡbo e suo khi iJesu o gbe akanya onyaloa ona e ro ve lasese ya me oli. <sup>19</sup> Igho eḡbo iFarisi e nu egbe we ngme oli, e lie, “Awa aa mholi emini awa dobe ya li ona. Aa me khi eḡbo nya e ke e deba li!”

*IJesu o ngme ingme eghuli oyoli shi eke*

<sup>20</sup> Eḡbo iGiriki e li la eni e je iJerusalemu ya ga eghēghē oni ukpe iPasova. <sup>21</sup> E ya mhila iFilipu (ni o khi onge iBetisaida ni o la iGalili) e o li “Oga, anye e nono ni anye me iJesu, ni anye nu oli ngme.”

<sup>22</sup> IFilipu o vu ya gueye Aduru, wewe aava e ya gueye iJesu.

<sup>23</sup> IJesu oḡ, “Oni eghēghē o she ramhi ni a ro ri ufumhi oniemhi oyi Omi Oḡbo ya khasē. <sup>24</sup> Abi o li mhi li gue oli e ye e khi, ini

\* 12:3 Li ze iLuk 7.37-38 † 12:8 Li ze iDeut 15.11 ‡ 12:13 Li ze iWolo 118.25,26 § 12:15 Li ze iZaka 9.9



aa li ri ukpamhi ado kọ eke ni o ghua, eri o kie ya li abi o kie kpe li. Ini a roli kọ eke ni o ro ze, o ghua, o fu, o ri imomhi ni e bu lasese. <sup>25</sup> Onini o da nono ingme agbo oyoli dose ode ne, o ya de oli obọ a, ama oni o da nono ingme agbo oyoli elemhi agbo ona ne, eri o kесе o shi e khe agbo na agboagbo.\* <sup>26</sup> Oni o nono khi loli ya ga mhe, o o mema ya ke deba mhe. Ashini mhi da la kpa, o li la akaghọ. Itamhe o mu ekpe na li.

<sup>27</sup> “Memena udu oyemhe o a ke sheshe. Elo mhi ke ya ngme? ‘Eri mhi ke ya lie, Ita, khi ze ni eghẹghẹ ona o bhale deba mhe?’ Iiye, oni eghẹghẹ ni o ze ni mhi ro bhale agbo na! <sup>28</sup> Ita ri ufumhi ni o la eva oye khase.”

Igho Eshinegba o rote idane ngme lase, o o, “Mhi she kpe ri ufumhi ni o la eva oyemhe khase egbo na agbo, mhi ya gbo ligho riele oli.”

<sup>29</sup> Ebubu egbo ni e migha epfepfe agho e suo khi uruli oyi Eshinegba o ngme. Egbo eghuo ee, “Akphala o de!” Egbo elese ee, “Ageni o nu oli ngme!”

<sup>30</sup> Ama iJesu o o, “Oa khi itobo oyemhe uruli oyi Eshinegba ogho o ro ngme ungmehi ogho, ama itobo oye e lo. <sup>31</sup> Oni eghẹghẹ o she ramhi ni a ro ri agbo e gue ezọ. Memena, a ya khu Okphaghie oni o kpe e mheshe shi agbo ona ukpekhomhi pfa. <sup>32</sup> A kha da yase mhe nga idane oora apfida ne, mhi ya ti ogbokpa bhale deba mhe.” <sup>33</sup> Eri o ngme ona ni o ro rokhase we uwali eghuli ni o ya ghu.

<sup>34</sup> Eni egbo ee oli, “Ushi ni Eshinegba o ro na iMosisi na awa o gue oli ye anye khi agboagbo Omiepfuese o ya la o. See u ke li a lie khi a mema ya yase Omi Ogbọ nga idane? Oghuo o khi oni Omi Ogbọ ona?”†

<sup>35</sup> IJesu o o we, “Akpa o ya la e iteva ukuku eghẹghẹ. A ke kia okiali abi oni akpa o kie la e iteva memena, ini obili o khi ya bi e, itobo khi oni o la alo ebili o a lese obini o o je. <sup>36</sup> A regbenga oni akpa ni o ri akpa na e abi o kie li la e iteva, ni a li khi egbo ni e ri imeke e na egbo.” Abi iJesu o li ngme ona se, o lase we iteva le, je ashini ea ke te e me oli.

### *Umha-miesuo oyi egbo iju*

<sup>37</sup> Abi iJesu o tseku gbe ikanya onyaloa ena ukpeloe oyewe, ea kie lama mie oli suo. <sup>38</sup> Onana o ri emini Azaya ni o khi Omekeguele o kpe ngme shi eke ya tse, ni o o, “Onomhue, oghuo o lama mie usomhi oyanye suo?”

Oghuo Onomhue o mema khueghie ekpabo eyoli-a khase?‡

<sup>39</sup> Onana o ze khi ea dobe miesuo, itobo khi Azaya o gbo ngme oli shi ashese khi, <sup>40</sup> “Eshinegba o she tase we alo a, o gbo zuse we udu ini e khi me eke ali ini udu oyewe e khi lese ingme. Ini e khi ya mu pfi, ni mhi me asha re we ze.”§ <sup>41</sup> Eri Azaya o ngme ona itobo khi o she kpe me ufumhi oyi iJesu, o gbo kpe ngme ingme oyoli.

<sup>42</sup> Abi o tseku khia khi ebubu eni ee ralo eyi egbo iju e mie iJesu suo eghẹghẹ ni a ngme ena, ea ngme oli lasese, itobo khi e na ulishi oyi iFarisi ini e khi khu ewe owa ugamhi ya lase. <sup>43</sup> Irari khi e nono ikuẹghie ni o rote obo oyi egbo bhale dose oni o rote obo oyi Eshinegba bhale.

### *Ungmemhi oyi iJesu a ro ya ri egbo na agbo gue ezọ*

<sup>44</sup> IJesu o tsesẹ leghe guele, o o, “Oni o da mie mhe suo, o a khi mhemhe tse o miesuo, ama oni o ghie mhe o li miesuo. <sup>45</sup> Onini o da me mhe, o she li me oni o ghie mhe. <sup>46</sup> Mhi she bhale agbo ya ri akpa ge na egbo na agbo, ini eni e mie mhe suo okhoghuo o khi la alo ebili. <sup>47</sup> Oni o suo ungmehi oyemhe ni o a da ro shi o, o a khi mhemhe mhi ya pfa ezọ mu oli. O a khi eri mhi bhale ya ri egbo na agbo gue ezọ, ama eri mhi bhale ya mie agbo pfuese. <sup>48</sup> Oni o o pfa ezọ mu oni o da kie mhe ali ungmehi oyemhe, o la agho. Eni ingmemhi ni mhia ngme e ya pfa ezọ mu oli ogbele ni o kpukhokho. <sup>49</sup> Itobo khi o a khi ungmehi ootsobo oyemhe mhia ngme, ama ungmehi ni Ita ni o ghie o mheshe na mhe mhi ngme mhia ngme.” <sup>50</sup> Mhi lese khi oni ushi oyi Eshinegba, o ri agbo na agboagbo o na ogbọ. Irarigho, eri mhi e ngme emini Ita o gueye mhe mhi ngme.

\* **12:25** Li ze iMat 10.39; 16.25; iMak 8.35; iLuk 9.24; 17.33

† **12:34** Li ze Iwolo 110.4; Aza 9.7; Ezik 37.25; iDan 7.14

‡ **12:38** Li ze Aza 53.1 § **12:40** Li ze Aza 6.10

## 13

*Ijesu o kpe eniye odukhokho eyoli awe-a*

<sup>1</sup> Abi o ro kpo eleghuo ukpe iPasova le, ijesu o lese khi oni eghēghē o she ramhi ni o ro ya te agbo lasela je oyi Ita. O ma kie kpe nono ingme oyi egbo eyoli ni e la agbo, o roli khasa we khi eri loli nono ingme oyewe pfo.

<sup>2</sup> Ijesu ali eniye odukhokho eyoli e la ashini e la le eminale ele ogbomhi. Okphaghiye o she roli shi udu oyi iJudasi omi iSamọ Isikaroti o ka ro ijesu de. <sup>3</sup> Ijesu o lese khi Ita o she ro ekpabo nga lue obo, o lese khi obo oyi Eshinegba loli kpe te bhale, ali khi obo oyoli loli gbo nyene egbe ya je. <sup>4</sup> Igho ijesu o rote ashini o shito ti vule, ikhi ashini e la le eminale, o gueghie awulu ni o so kpada, o ri ode ni a ro o muno amegbe-a mu oku. <sup>5</sup> Igho o ku amegbe shi atalabi, o kpe eniye odukhokho eyoli awe-a. O rue ode ni a ro o muno amegbe a ni o ro mu oku shishi we amegbe awe-a.

<sup>6</sup> Abi o ro kpe ramhi iSamọ iPita o, iPita oo, “Kie! Onomhue yeye u kha ke kpe mhe awe a?”

<sup>7</sup> Ijesu oo li, “Wa lese emini mhia riela memena, ama u ya lese okhese.”

<sup>8</sup> ISamọ iPita oo, “Onomhue, atsobo ogho! Wa ya tigbe kpe mhe awe-a.”

Ijesu oo, “Ini mhia kpe e awe-a, wa aa ke khi oyemhe.”

<sup>9</sup> ISamọ iPita oo, “O kha khi igbo, Onomhue, o kha awe tse u ke lese ya kpe mhe-a! Ama kpe mhe abo ali ukhomhi-a ma o.”

<sup>10</sup> Ijesu oo li, “Ogbo ni o da khusa se, o she pfuase, o kha khi oni o ke gbo ya khusa-a, ama awe o ke lese e yeghe-a. Ee nya a she pfuase, se ni otuoghuo elemhi e.” <sup>11</sup> Irari khi ijesu o she kpe lese oni o ya ro oli de, loli o ze ni o ro lie, “Ee nya a she pfuase, se ni otuoghuo elemhi e.”

<sup>12</sup> Abi ijesu o ro kpe we awe a se, o riela awulu ni o kpe gueghie ro so, o ya shito ashini o kpe te vule. Oo mhila we, “A li lese akanya ni mhia gbe na e lena?” <sup>13</sup> “A lu mhe ‘Osesa’ ali ‘Onomhue.’ A ga gue ngme, itobo khi emini mhia khi ghō. <sup>14</sup> Memena ni mhemhe ni mhia khi Onomhue ali Osesa oyee

mhi she kpe e awe-a, ee a li ke kpe egbe e awe-a. <sup>15</sup> Mhi she ri irokhokho khasa e, ni a li ke riela emini mhia riela na e.\* <sup>16</sup> Egbegbi ingme mhia gueye e, khi oni o ga ogbo, o ya fu dose oni oo ga, oni a aghiusomhi o ya fu dose oni o ghie oli usomhi.† <sup>17</sup> Abi a ro lese eni ingme ena egho, a ya khivose na e, ini a ro li gba akanya.

*Ijesu o guele shi eke khi a ya re lue de*  
(iMat 26.20-25; iMak 14.17-21; iLuk 22.21-23)

<sup>18</sup> “Aa khi ee nya mhia nu e ngme. Mhi lese abi ingeli eyi eni mhia ze e li. Ama, emini Ebe-no-pfuase o ngme, o mema bhale ya tse, ikhi oni oo, ‘Ogbo ni o nu mhe e le eminale o ya nyene egbe mu okhōli vule shi mhe o.‡

<sup>19</sup> “Eri mhia gue ona ye e shi eke neni a ligo me oli, ishegho ini a ligo me ghō, a ya miesuo khi ‘Mhemhe mhia khi oni mhia khi.’ <sup>20</sup> Abi o li mhia li gue oli e ye e, khi oni o da kpe abo mie aghiusomhi ni mhia ghie, mhemhe o li mie, oni o da mie mhe, oni o ghie mhe o li mie.”§

<sup>21</sup> Abi ijesu o ro ngme ona se, udu o ke sheshe oli, o guele gbo, oo, “Egbegbi ingme mhia gueye e, khi otuoghuo elemhi e, o ya remhe de.”

<sup>22</sup> Eniye odukhokho eyoli e bino egbe alo gasa, o lolo sha we abo oni ijesu o ngme. <sup>23</sup> Oghuo omọ odukhokho ni ijesu o mema nono ingme oyoli, o shito mama ijesu. <sup>24</sup> ISamọ iPita o ro ikpialo nu oni omọ odukhokho ngme, oo li, “Mhila ijesu, oghuo oni ogbo o fe khi elemhi awa.”

<sup>25</sup> Igho oni omọ odukhokho ni o shito mama ijesu o mhila li, oo, “Onomhue, oghuo oni ogbo o khi elemhi anye?”

<sup>26</sup> Ijesu o so li o, oo, “Oni mhia ya ri ibuledi ona somhi utasa oni awa te e le emhi enana na ne, loli lo.” Igho o so oni ibuledi elemhi utasa, o ro na iJudasi omi iSamọ Isikaroti.

<sup>27</sup> Abi iJudasi o lese mie oni ibuledi se, Okphaghiye o lo oli udu. Ijesu o gueye oli, “Nyanya ya riela emini wa nono ni u riela.”

<sup>28</sup> Ogbo khoghuo abi e ga li shito o le eminale, o la ni o lese emini o ze ni ijesu o ro ngme oli ghō. <sup>29</sup> Aborokhia khi iJudasi o tsua

\* **13:15** Li ze iLuk 22.27 † **13:16** Li ze iMat 10.24; iLuk 6.40; ijon 15.20 ‡ **13:18** Li ze Iwolo 41.9 § **13:20** Li ze iMat 10.40; iMak 9.37; iLuk 9.48; 10.16

ikpagho o mhuẹ na wẹ, eghuo e dabi khi eri ijesu o gueye ọli o ka de emini e ro o li ukpe iPasova. Elese e dabi khi otse eri oo o ka somhi eni ẹa mhuẹ opfa. <sup>30</sup> Abi iJudasi o mie oni ibuledi se. O fiẹ lase aghoaghọ. Eliyose o she ramhi.

### *Ijesu o ri ushi onogbo na wẹ*

<sup>31</sup> Abi iJudasi o ro vu se, ijesu oo, “Eena egbo e ya me ufumhi oyi mhemhe Omi Ogbọ, e ya te idiegbe oyi Omi Ogbọ me ufumhi oyi Eshinegba. <sup>32</sup> Ini egbo e rote idiegbe oyi Omi Ogbọ me ufumhi oyi Eshinegba, eghẹghẹ agho Eshinegba lolighuo o ya nyanya ri ufumhi oyi Omi Ogbọ khase egbo.

<sup>33</sup> “Eniye eyemhe, mhia ke nu e ya la akana tese. A ya nono mhe, aa ke me mhe. Mhi gue ona ye e memena, abi mhi kpe li gueye eni ee mhesẹ eyi egbo iJu, ni mhiẹ, Aa dobe ya ramhi obini mhi-a je.”\*

<sup>34</sup> “Memena mhi ro ushi onogbo na e: A nono ingme oyi egbe e. Abi mhi li nono ingme oye e, a mema li ya nono ingme oyi egbe e.† <sup>35</sup> A kha da mholi inono na egbe e ne, egbo kpa e ya lese khi eniye odukhokho eyemhe a khi.”

### *Ijesu o ngme o shi eke khi iPita o ya kie lue*

(iMat 26.31-35; iMak 14.27-31; iLuk 22.31-34)

<sup>36</sup> ISamo iPita o mhila li, oo, “Onomhuẹ, obo wa le?”

Ijesu oo li, “Waa ya dobe deba mhe je obini mhia je, ama u ya deba mhe okhesẹ.”

<sup>37</sup> IPita o mhila li, oo “Elo e ze ni mhi aa ro dobe ya deba e? Mhi mu egbe ni agbo oyemhe o li opfu-a!”

<sup>38</sup> Ijesu o ke gbo so li o, “U ga mema mu egbe agbo oye o ro lie opfu-a na mhe? Mhi gueye khi, neni okpa o gbieghẹ, u ya lie khi u waa lese mhe ramhi itese!”

## 14

### *Ijesu khi ode ni a te e bhale deba Eshinegba*

<sup>1</sup> Ijesu o gueye eniye odukhokho eyoli, oo wẹ, “Aa khi ze ni udu o yese e-a, a mie Eshinegba suo, a gbo li mie mhe suo.

<sup>2</sup> Elemhi owa ni a la e kpoku shi apfe oyi

Itamhe. Ini ọa khi igho lo, mhi kha gueye e. Mhia ya vu ni mhi ya mu egbe asha shi eke khe e. <sup>3</sup> Mhi kha vu ya mu egbe shi eke khe e se, mhi ya gbo nyene egbe bhale ya wolọ e ma egbe vu, ishegho ashini mhi ya la, ni a li nu mhe la akaghọ. <sup>4</sup> A lese ode ni a te e je ashini mhia je.”

<sup>5</sup> ITomosi oo li, “Onomhuẹ, anye ẹa lese obini u wa je. Seẹ anye li ya lese ode je obini u wa je?”

<sup>6</sup> Ijesu oo li, “Mhemhe mhi khi ode ni a te e je obini oyi Eshinegba. Mhemhe mhi ri igesikia ni o la Eshinegba a khase. Mhemhe mhi ri agbo o na ogbo. Ogbọ khoghuo ọa me asha ya je obini oyi Ita ini ọa li rote obo oyemhe. <sup>7</sup> Eri a kha lese mhe lo, a kha li lese oni Ita. Ro te memena vu, a she lese ọli, a gbo me ọli.”

<sup>8</sup> IFilipu oo, “Onomhuẹ, ri oni Ita khase anye, emini anye lese nono ghọ.”

<sup>9</sup> Ijesu o soli o, o, “IFilipu, mhi she nu e la tese, waa kie lese oni mhi khi? Oni o da me mhe, o she me oni Ita. Seẹ u kiele e lie ‘Ri oni Ita khase anye?’ <sup>10</sup> Filipu, waa miesuo khi mhi la elemhi oyi Ita, ali khi Ita o la elemhi oyemhe? Ingmemhi ni mhi gueye e nya ẹa khi eyemhe. Ita ni o la mhe elemhi o ga gbe ikanya ena nya. <sup>11</sup> A mie emini mhi ngme suo ini mhiẹ khi mhi la elemhi oyi Ita ali khi Ita o li la elemhi oyemhe. Ini aa mie emini mhi ngme suo, a ri itobo ikanya onyaloa ni mhia gbe miesuo. <sup>12</sup> Egbegbi-ingme mhi gue e ye e, oni o da mie mhe suo, o ya gbe ikanya enabi mhia gbe. O ya gbe ikanya eni e fu dose eni abi mhia gbe, itobo khi mhia je oyi Ita. <sup>13</sup> Emini a ro eva oyemhe mhila nya mhi ya riẹle o, eghẹghẹ agho ni omọ ri ufumhi oyi Ita khase egbo. <sup>14</sup> Emini a ro eva oyemhe mhila nya, mhi ya riẹle na e.”

### *Ijesu o shobo khi loli ya ghi Ayemhe-nopfuase bhale agbo*

<sup>15</sup> “A kha nono ingme oyemhe, a ya ri omhesẹ oyemhe gba akanya. <sup>16</sup> Eghẹghẹ agho, mhi ya lema Ita, o ri Okpaghiobo olese na e, ni o ya nu e la agboagbo. <sup>17</sup> Loli o khi Ayemhe ni o ri igesikia ni o la Eshinegba a khase agbo. Egbo na agbo ẹa dobe mie ọli

\* 13:33 Li ze iJon 7.34 † 13:34 Li ze iJon 15.12,17; 1 iJon 3.23; 2 iJon 5

itobọ khi ẹa mẹ ọli wẹkhi eri e lẹsẹ ọli. Ama, ẹẹ ena a lẹsẹ ọli, itobọ khi ọ nu ẹ la, ọ la elemhi oyẹ ẹ.

<sup>18</sup> “Mhia ya zẹ ẹ obọ shi ekẹ abi omi-olimhi, mhi ya gbo nyenẹ egbe bhale deba ẹ. <sup>19</sup> O kha dẹnẹ, ẹgbọ na agbọ ẹa kẹ ẹ mẹ mhe, ama ẹẹ ena, a ya mẹ mhe. Itobọ khi mhi ya gbo la agbọ, a ya li la agbọ. <sup>20</sup> Ini ogbe ni ẹlẹghọ o ramhi, a ya lẹsẹ khi mhi la elemhi oyi Itamhe, khi ẹẹ a la elemhi oyemhe, abi mhi li la elemhi oyẹ ẹ.

<sup>21</sup> “Oni ọ mie ishi eyemhe ni ọ ri ẹwẹ gbe akanya, ọ nono ingme oyemhe. Itamhe ọ ya nono ingme oyi oni ọda nono ingme oyemhe, mhi ya li nono ingme oyi oni ọgbọ, mhi ri egbe mhe khasẹ ọli.”

<sup>22</sup> Ijudasi (ọa khi oni a lu Isikaroti) ọọ, “Onomhue, elọ o zẹ khi u fẹ ya ri egbe ẹ khasẹ anye tse, ni u wa rọ ya ri egbe ẹ khasẹ agbọ kpa?”

<sup>23</sup> IJesu ọ sọ li ọ, ọọ, “Oni ọ da nono ingme oyemhe, ọ ya ri osesẹ oyemhe gbe akanya. Itamhe ọ ya nono ingme oyi ọli, mhemhe ali Itamhe, anye bhale ya nu ọli la. <sup>24</sup> Oni ọa da nono ingme oyemhe, ọa rọ osesẹ oyemhe ya gbe akanya. Eni osesẹ ni mhia sesẹ ẹ, ẹa khi eyẹ mhe, ama obọ oyi Itamhe ni ọ ghie mhe e te bhale.

<sup>25</sup> “Mhi she gue ena yẹ ẹ, abi mhi kie li nu ẹ la. <sup>26</sup> Ama oni, Ayemhe-nọ-pfuasẹ ikhi Okpaghio, ni Ita ọ ya rọ eva oyemhe rọ ghi ẹ, ọ ya sesẹ ẹ emhikpa. Ọ ya gbo rẹ ẹ yelele emhikpa ni mhi gueyẹ ẹ. <sup>27</sup> Mhi zẹ ẹ obọ shi agbọ ona shi opfomhe, mhi ri opfomhe oyemhe na ẹ. Ọa khi oni abi ẹgbọ na agbọ e rọ ọ na ọgbọ mhi rọ na ẹ. A khi zẹ udu yese ẹa, ali a khi zẹ ni ulishi o mu ẹ.

<sup>28</sup> “A suọ abi mhi rọ gueyẹ ẹ khi mhi ya rọte iteva oyẹ vu, khi mhi ya gbo bhale deba ẹ. Ini a nono ingme oyemhe lọ, a kha ke ghele khi mhia je oyi Itamhe, irari khi lọli ọ fu dọsẹ mhe. <sup>29</sup> Mhi she gue ingme ena yẹ ẹ shi ekẹ neni a mẹ wẹ, isheghọ ini a da kie lighọ mẹ wẹ, a mie mhe suọ. <sup>30</sup> Mhia kẹ nu ẹ ngme tesẹ, itobọ khi okphaghiẹ ni ọ kpẹ mhesẹ shi agbọ ona, ọọ bhale. Ọa mholi ekpabọ shi agbọ oyemhe, <sup>31</sup> ama ẹgbọ na agbọ e mema ya lẹsẹ khi mhi ma nono

ingme oyi Ita, ali khi emini Itamhe ọ mhesẹ na mhe mhi riẹle, mhia riẹle tee.

“A bhale ni awa vu ana le.

## 15

### *Ijesu ọ khi egbegbi ọọra upfonu*

<sup>1</sup> “Mhemhe mhi li abi oni upfonu ni ọ mọ umomhi onete, Itamhe ọ riẹle ẹ shi ọ. <sup>2</sup> Lọli ọọ kanọ uguabọ oyemhe ni ọa ya mọ umomhi a. Ọọ riẹle uguabọ oyemhe ni ọọ mọ umomhi, ni o gbo mọ imomhi eni e bu. <sup>3</sup> Ungmemhi ni mhi she nu ẹ ngme o she riẹle ẹ ti ni a rọ dobe mọ imomhi enete. <sup>4</sup> A toma mhe idiegbe, mhemhe mhi ya toma ẹ idiegbe. Uguabọ ọọra okhoghuo ọa dobe ya mọ umomhi ọotsobọ oyọli, o mema ya to ma idiegbe ọọra. U kẹ neta khi eri a dobe ya riẹle eminete ini aa toma mhe egbe.

<sup>5</sup> “Mhemhe mhi khi ọọra upfonu, ẹẹ a li abi iguabọ. Ini u toma mhe egbe ni mhi rọ li toma ẹ egbe, u ya mọ imomhi eni e bu. Ini a rọ obọ rue mhe ọ le, aa dobe ya riẹle emhikhoghuo onete. <sup>6</sup> Ini u waa da toma mhe egbe ne, eri a ya khi ẹ pfia. Eri u ya li abi iguabọ ekhakha ni, a ti ẹ ma ri erali tose-a. <sup>7</sup> Ini u toma mhe egbe, ni ingmemhi eyemhe e rọ la elemhi oyẹ, emiemi ni o ghọle ẹ kpa wa mhila, a ri ọli nẹ. <sup>8</sup> Eminete ni a riẹle o ri ufumhi ghi Itamhe. Ona o rọkhasẹ khi eniyẹ odukhokho eyemhe a khi.

<sup>9</sup> “Abi Ita ọ nono ingme oyemhe, ighọ mhi li nono ingme oyẹ. A la elemhi inono oyemhe. <sup>10</sup> Ini a rọ ishi eyemhe gbe akanya, a ya la inono oyemhe, abi mhi li ri ishi eyi Itamhe gbe akanya ni mhi li la inono oyọli. <sup>11</sup> Eri mhi gue ona yẹ ẹ ni oghele oyemhe o vọ ẹ udu, ni oni oghele oyẹ ẹ o gba pfo. <sup>12</sup> Ushi ni mhi rọ na ẹ khi, a nono ingme oyi egbe ẹ, abi mhi nono ẹ.\* <sup>13</sup> Aa mẹ inono olese ni o fu dọsẹ oni ọgbọ ọ rọ ghu-a na emole ọli. <sup>14</sup> Emole mhe a khi ini a da ri ishi eyemhe gbe akanya. <sup>15</sup> Mhi aa kẹ lu ẹ eni ẹ ga mhe, itobọ khi oni ọ ga ọgbọ ọa lẹsẹ akanya ni ọga oyọli ọ gbe. Ochoghọ, emole mhi ke ẹ lu ẹ, itobọ emini mhi rọte obọ oyi Itamhe wena nya mhi gueyẹ ẹ. <sup>16</sup> Ọa khi ẹẹ a zẹ mhe, mhemhe mhi zẹ ẹ ni mhi ri akanya na ẹ, a ka gbe ikanya enete ni ikanya eyẹ ẹ e migha. Isheghọ Ita ọ ya rọ emini a rọ eva

\* 15:12 Li zẹ ijon 13.34; 15.17; 1 ijon 3.23; 2 ijon 5

oyemhe mhila nya na e. <sup>17</sup> Ushi oyemhe ni mhi shi na e khi, a nono ingme oyi egbe e.

### *Egbo na agbo ee biselemhi eniye odukhokho eyi Ijesu*

<sup>18</sup> “Ini egbo na agbo e biselemhi e, a sato khi igho e kpe li biselemhi mhe. <sup>19</sup> Ini a khi eyi egbo na agbo lo, e kha nono ingme oye e abi enayewe. Abi o ke li memena khi, aa ke khi eyi egbo na agbo itobo khi mhi she rote elemhi agbo ze e, loli o ze khi egbo na agbo e ro biselemhi e. <sup>20</sup> A sato ingme ni mhi gueye e, ‘Oni o o ga ogbo o a fu e dose oga oyoli.’ Ini e kpe mu okholi vule shi me o ghue, e ya mu okholi vule shi e o. Ama ini e ro osese ni mhi sese gbe akanya, e ya ro osese oye e li gbe akanya.† <sup>21</sup> E ya lina ngeli deba e itobo khi enayemhe a khi, ali itobo khi ea lese oni o ghie mhe. <sup>22</sup> Ini mhi aa bhale ya nu we ngme lo, ea kha mholi umha-guekia oyi olamhe. Ama ea ke mholi emini e gue oli ya nga egbe khi o rewe a lamhe olamhe. <sup>23</sup> Oni o da biselemhi mhe, Itamhe o li lie biselemhi. <sup>24</sup> Ini mhi aa la akpewe gbe ikanya ni ogboese o a dobe gbe ghue lo, ea kha mholi umha-guekia oyi olamhe. Ama memena e she me eni ikanya onyaloa, ama e kiele e biselemhi mhe ali Itamhe. <sup>25</sup> Ama ona o ze ni emini a keke shi ebe ushi oyewe o ro bhale ya tse, oni o khi, ‘Afu e biselemhi mhe.’‡

<sup>26</sup> “Ini oni Okpaghiobo o bhale, oni mhi rote obo oyi Itamhe ya ghie ghi e, loli o khi Ayemhe no o ri igesikia ni o la Ita a khase, o ya pfi otsese shi ingme oyemhe. <sup>27</sup> Ee a ya li mema pfi otsese na mhe, itobo khi rote igbaekele a te nu mhe la.

## 16

<sup>1</sup> “Eri mhi gue ona a ye e ini a khi tsua irudunga pfa. <sup>2</sup> Egbo e ya khu e owa ugamhi fie lase, eghenge o ga ya ramhi ni ogbo o kha gbe ongee a, o dabi khi eri loli e ga Eshinegba. <sup>3</sup> E ya riyele eni emhi ena deba e, itobo khi ea lese Ita, wekhi mhemhe. <sup>4</sup> Ama, eri mhi gue ona ye e, ini oni eghenge o ramhi, a ya sato khi mhi kpe tse agua ye e. Itobo khi mhi kie nu e la mhi aa ro kpe gue ingme ena ye e.

### *Akanya ni Ayemhe-no-pfuase oo gbe*

<sup>5</sup> “Memena, mhia le deba oni o ghie mhe, ama ongee o a kie mhila mhe, ‘Obo wa je?’ <sup>6</sup> Itobo khi mhi gue ingme ena ye e, udu oye o she yese-a. <sup>7</sup> Ama igesikia mhi gueye e, ni o ro ti e egbe mhi ro rote e iteva a vu. Itobo khi ini mhi aa vu, oni Okpaghiobo o a ya bhale. Ama ini mhi da vu mhi ya ghie oli ghi e. <sup>8</sup> Ini O da bhale, O ya rewe lese umha-guekia ni o la ingme olamhe, o gbo rewe li lese ipfuase oyi Eshinegba ali iso-ezo oyoli. <sup>9</sup> O ya rewe lese khi umha-guekia ni o la olamhe o khi, umha mie mhe suo. <sup>10</sup> O ya rewe lese khi e ya mholi ipfuase oyi Eshinegba, itobo khi mhi je oyi Ita ni aa ke te tigbe ya me mhe <sup>11</sup> O ya rewe lese emini iso-ezo oyi Eshinegba o khi. Itobo khi a she pfa ezo mu okphaghiye oni o mhesse e shi agbo ona.

<sup>12</sup> “Mhi mholi emini e bububu ni mhi kha gbo gueye e, ama e bu dose ni a dobe ya mie. <sup>13</sup> Ama ini Ayemhe ni o ri igesikia a khase o da bhale, o ya ri igesikia ni o la ingme oyi Eshinegba nya khase e. O a ya ngme ungmehi ootsobo oyoli, ama emini o suo o ya ke ngme. O gbo gueye e ingme ni a ya me. <sup>14</sup> Mhemhe o ya ke ti nga, itobo khi o ya mie mhe ungmehi ni mhi ngme gueye e. <sup>15</sup> Emini Itamhe o mhue nya, eyemhe lo, loli o ze khi mhi kpe gueye e khi emini mhi ro na Ayemhe-no-pfuase, o ya gueye e.

### *Oya oye o ya mele oghela a*

<sup>16</sup> “O kha dena, aa ke me mhe, o kha ke gbo dena a gbo me mhe.”

<sup>17</sup> Eniye odukhokho eghuo ee mhila egbewe, “El o ri ona a ngme, ni o o lie awa khi, o kha dena khi awa aa ke a me lue, ali khi o kha ke gbo dena khi awa gbo lo ya me lue? O gbolo e, ‘Itobo khi mhi ya je obini oyi Ita.’ <sup>18</sup> El o ri ‘O kha dena’ ngme? Awa aa lese ingme ni o ro oli ngme!” E kie lina mhila egbewe.

<sup>19</sup> Ijesu o she lese khi ee nono ni e mhila lue oni ungmehi ona, o mhila we, “Eri a mhila egbe e abi mhi ri oni ungmehi ngme, ni mhi ro lie, ‘O kha dena aa ke ya me mhe ali khi o kha gbo dena a ya me mhe?’

<sup>20</sup> Egbegbi ingme mhi gue e ye e, a ya vie,

† 15:20 Li ze iMat 10.24; iLuk 6.40; ijon 13.16 ‡ 15:25 Li ze Iwolo 35.19; 69.4

a viẹ oya. Ama ẹgbọ na agbọ e ya ke ghele, ẹẹ a mhuẹ iyeseudu-a, oni iyeseudu-a o ya mele oghẹle-a na ẹ. <sup>21</sup> Ini ọkpotoso ọ ya bia, udu o yese ọli a itobọ khi ẹghẹghẹ osue o she bhale, ama ini ọ bia ọni ọmọ se, ọọ ghele, ọ yele osue ni ọ mẹ a. Irari khi ọọ ghele khi loli bia ọmọ shi agbọ. <sup>22</sup> Ighọ o li li ẹ egbe, memena udu o yese ẹ a, ama mhi ya gbo mẹ ẹ. Eghẹghẹ aghọ oghẹle o vọ ẹ udu, oghẹle ni ọgbọ ọa dobe ya mie. <sup>23</sup> Ini oni ogbẹle o ramhi, aa kẹ ẹ mhila mhe emhikhoghuo. Mhi gue igesikia a yẹ ẹ khi Itamhe ọ ya rọ emini a ri eva oyemhe mhila kpa na ẹ. <sup>24</sup> Ga ramhi memena, aa kie ri eva oyemhe mhila emhikhoghuo. A mhila khi a ya mẹ mie, isheghọ ni oghẹle oyẹẹ o gba pfo.

### *Ijesu ọ khọli okhọli agbọ mu ọ le*

<sup>25</sup> “Mhi aa lolo kpe khueghie ingme-a gue ẹ yẹ e. Ama ẹghẹghẹ ọọ bhale ni mhi aa ke rọ lighọ nu ẹ ngme, ama mhi ya gue ingme oyi Ita yẹ ẹ gboo. <sup>26</sup> Ini oni ogbẹle o ramhi, a ya ri eva oyemhe mhila Ita emini o ghọle ẹ. Mhi aa liẹ khi mhemhe mhi ya mhila na ẹ. <sup>27</sup> Ita ọọ nono ingme oyẹẹ, itobọ khi a nono ingme oyemhe, a gbo miesuo khi obọ oyi Eshinegba mhi te bhale. <sup>28</sup> Obọ oyi Ita mhi te bhale ya lo elemhi agbọ, memena mhi gbo te elemhi agbọ ya vu je deba Ita.”

<sup>29</sup> Eniye odukhokho eyọli ẹẹ ọli, “Ena u tigbe ẹ khueghie ingmemhi eyẹ-a gueyẹ anye gboo, waa ke ẹ biẹbiẹ eni ingme-a gueyẹ anye. <sup>30</sup> Eena anye leşẹ khi u leşẹ emhikpa, ọa ke khi ọgbọ ọ ke gbo ya ke mhila ẹ ogbọ. Onana o zẹ khi anye miesuo khi obọ oyi Eshinegba u te bhale.”

<sup>31</sup> Ijesu ọ sọ wẹ ọ, ọ, “A she miesuo memena? <sup>32</sup> Eghẹghẹ ọọ bhale, oni ẹghẹghẹ o she ramhi, ni ẹẹ nya a rọ ya miatse ku, ọgbọgbọ ọ je apfe oyọli. Mhemhe-ghuo tse mhi ke ya la. Ama ọa khi mhemheghuo tse mhi la, itobọ khi Ita ọ nu mhe la. <sup>33</sup> Eri mhi gue ingme ena yẹ ẹ, ni a ri itobọ khi a kugbe mhe ọ mhuẹ opfomhe. Egbọ na agbọ e ya ri osue na ẹ mẹ. Ama a mhọli udu, itobọ khi mhi she mu agbọ ọ le.”

## 17

### *Ijesu ọ sọ iromhi na eniye odukhokho eyọli*

\* **17:12** Li zẹ Iwolo 41.9

<sup>1</sup> Abi iJesu ọ rọ nu eniye odukhokho eyọli ngme se, ọ yase alo bino idane, ọ sọ iromhi, ọọ, “Ita, oni ẹghẹghẹ o she ramhi. Ri ufumhi oyi Omie khasẹ agbọ, ni Omie ọ li ri ufumhi oye khasẹ agbọ. <sup>2</sup> Itobọ khi u she ri ekpabo na li, shi ukhomhi oyi ẹgbọ na agbọ kpa, ni ọ ri agbọ na agbọagbọ na ẹgbọ ni u rọ na li. <sup>3</sup> Agbọ na agbọagbọ khi, ni a rọ leşẹ ẹ, ikhi yeye ni u khi egbegbi Eshinegba oghuo kpe. Ni a gbo rọ leşẹ mhe iJesu iKirisiti, ni u ghie. <sup>4</sup> Mhi she ri ufumhi oye khasẹ ẹgbọ na agbọ, abi mhi rọ ọ gbe akanya ni u rọ na mhe, ni mhi gbe ọli pfo. <sup>5</sup> Ita, gbo ri ufumhi ni mhi kpe mhọli na mhe memena, ikhi ufumhi ni mhi rọte eke mhọli neni a ma agbọ.

<sup>6</sup> “Mhi she ri ẹ khasẹ ẹgbọ ni u te elemhi agbọ rọ na mhe. Egbọ eye e khi ni u rọ na mhe. E she ri ungmehi oye gbe akanya. <sup>7</sup> Memena e she leşẹ khi emhikpa ni u rọ na mhe khi obọ oye e te bhale. <sup>8</sup> Mhi she gueyẹ wẹ usomhi ni u rọ na mhe, wẹwẹ e she mie oni usomhi. E she leşẹ egbegbọ khi obọ oye mhi te bhale, e gbo miesuo khi yeye u ghie mhe.

<sup>9</sup> “Mhi sọ iromhi na wẹ, ọa khi ẹgbọ na agbọ nya mhi sọ iromhi na, ama eni u rọ na mhe irari khi ẹgbọ eye e khi. <sup>10</sup> Emhikpa ni mhi mhọli eye e khi, emini u mhọli eyemhe e li khi. Wẹwẹ e ri ufumhi oyemhe khasẹ ẹgbọ na agbọ. <sup>11</sup> Memena mhia bhale deba ẹ, mhia ke la elemhi agbọ, ama wẹwẹ e kie la elemhi agbọ. Ita ni ọ pfuase, ri itoto ni o la eva oye ni u rọ na mhe, khukhu wẹ, ni e khi oghuo abi mhemhe ali yeye awa khi oghuo. <sup>12</sup> Eghẹghẹ ni mhi rọ nu wẹ la, mhi ri itoto ni o la eva oye ni u rọ na mhe, khukhu wẹ, mhi khe wẹ ekhe. Okhoghuo ọ ọa pfua, se ni oghuo elemhi wẹ ni ọ khi ọni ọ ya pfua, ni emini a kẹkẹ shi Ebe-no-pfuase o bhale ya tse.\*

<sup>13</sup> “Memena mhia bhale deba ẹ, mhia ngme ingmemhi ena, abi mhi kie li la elemhi agbọ, ini eniye odukhokho eyemhe e mhọli oghẹle ni o gba pfo, onabi oyemhe. <sup>14</sup> Mhi she gue usomhi oye yẹ wẹ, ama agbọ ẹ biselemhi wẹ, itobọ khi ẹa ke khi enayi agbọ abi mhia li khi ọnayi agbọ. <sup>15</sup> Mhi aa liẹ u wolọ wẹ elemhi agbọ lasele, ama tsumhi wẹ obọ oyi Ọna okhọlo. <sup>16</sup> Ẹa khi

enayi agbọ abi mhi aa li khi ọna agbọ. <sup>17</sup> Ri igesikia oye rewe pfuase. Irari khi egbegbi ungmehi ungmehi oye o khi. <sup>18</sup> Abi u li ghie mhe je elemhi agbọ, igho mhi li ghie we je elemhi agbọ. <sup>19</sup> Itobo ewe mhi ro ri egbe mhe ne, ini wewe ee li ligho ri egbe we ne egbegbo.

*Ijesu o lema na igbaa oyi eni e mie ijesu iKirisiti suona*

<sup>20</sup> “Oa khi itobo oyi eniye odukhokho eyemhe tse mhi ro so iromhi ona. Mhi li so iromhi na egbo ni e li ya te otsele oyewe mie mhe suo. <sup>21</sup> Mhi so iromhi e ga kugbe khi oghuo. Ita! Mhi so iromhi e la elemhi oyi awa, ezeze abi u li la elemhi oyemhe ni mhemhe mhi li la elemhi oye. Mhi so iromhi e khi oghuo ini agbo e mie we suo khi yeye u ghie mhe. <sup>22</sup> Mhi ri ufumhi ni u ro na mhe na we ini e kugbe khi oghuo abi mhemhe ali yeye awa khi oghuo. <sup>23</sup> Mhemhe mhi la elemhi oyewe, yeye u la elemhi oyemhe, ni e ga kugbe khi oghuo, ishegho ni agbo e lese khi yeye u ghie mhe, ali khi u nono ingme oyewe abi u nono ingme oyemhe.

<sup>24</sup> “Ita, yeye u ri we na mhe. Mhia nono ni e nu mhe la ashini mhi ya la kpa, ishegho ni e me ufumhi ni u ro na mhe itobo khi u nono ingme oyemhe neni a ma agbo.

<sup>25</sup> “Ita ni o pfuase! Agbo ea lese oni u khi, ama mhemhe mhi lese oni u khi, enana e lese khi yeye u ghie mhe. <sup>26</sup> Mhemhe mhi ri oni u khi khasa, igho mhi kie li ya ke riele oli, ishegho inono ni u mholi na mhe, o la we egbe, ni mhemhe mhi li la elemhi oyewe.”

## 18

*Abi a li ri ijesu de*

(iMat 26.47-56; iMak 14.43-50; iLuk 22.47-53)

<sup>1</sup> Abi ijesu o ro so iromhi ona se, loli ali eniye odukhokho eyoli e da uchoke ni a lu iKidironi lase. Ogba ni a ko era na lu olivu shi o la epfe agho, ijesu ali eniye odukhokho eyoli e lo elemhi oni ogba oyi era olivu. <sup>2</sup> Ijudasi oni o ri oli de o lese oni ogba, itobo khi ijesu ali eniye odukhokho

eyoli e kele lona akagho. <sup>3</sup> Igho iJudasi o tsua ekholi-okhue eyi iRomu, ali egbo ni e la Owa oyi Eshinagba e khe ekhe ali ighie eyi ekpodalo-ugamhi eyi iJu ali iFarisi ma egbe. E tsua itsua okholi, ali igbili igolo ali ikpa. E lo ogba oyi era olivu le.

<sup>4</sup> Ijesu o she kpe lese emini loli ya me, o mhila we, oo. “Oghuo a nono?”

<sup>5</sup> Ee oli, “Ijesu onge iNazareti!”

Ijesu oo, “Mhemhe na.”

Ijudasi ni o ri oli de o migha mama we.

<sup>6</sup> Abi Ijesu o ro gueye we khi, “Mhemhe na,” igho e ti je ukhokho, e de ya gbe.

<sup>7</sup> Ijesu o gbo mhila we, oo, “Oghuo e khi a nono we?”

E gbo lie o li, “Ijesu onge iNazareti.”

<sup>8</sup> Ijesu oo, “Mhi she kpe gueye e khi mhemhe na. O kha kha khi mhemheghuo a nono, a ze ni eni e kpole e vu.” <sup>9</sup> Eri ijesu o ngme ona ni emini o kpe ngme o bhale ya tse, ni oo: “Ita! Mhi aa wase okhoghuo elemhi egbo ni u ro na mhe a.”

<sup>10</sup> Igho iSamọ iPita, ni o tsua itakobi shi emhi o ji oli lasele ro be oni o gbe akanya a deba oga oyi ekpodalo ugamhi eso na obita ukhomhi pfi-a. IMakosi a lu oni omose. <sup>11</sup> Ijesu oo iPita, “Rue itakobi ogho shi ashini u kpe te ji oli lasele. Eri u dabi khi mhia ya rote uko osue ni Itamhe o mhesa na mhe ya da?”\*

*A mu ijesu bhale odalo iguezo oyi egbo iJu*

<sup>12</sup> Igho ekholi-okhue eyi iRomu ali eni e kpeda na we ali eni e khe ekhe owa ugamhi ni o fune eyi egbo iJu, e gba ijesu mu, e ge oli abo je ukhokho. <sup>13</sup> E te odode rue oli bhale ayi Anasi, ni o khi ogo iKefasi. IKefasi o khi okpodalo-ugamhi oyi Eshinagba oni o kpeda oyi egbo iJu oni ukpe ogho. <sup>14</sup> IKefasi o ke kpe ye egbo iJu ude, khi ini ogbo otuoghuo o ghu-a na egbo ni e bu, o ti dose ni egbo ni e la eoli nya e pfua.†

*IPita o kie ijesu*

(iMat 26.69-70; iMak 14.66-68; iLuk 22.55-57)

<sup>15</sup> ISamọ iPita ali omọ odukhokho oyi ijesu olese, e deba ijesu. Oni omọ odukhokho ali oni o kpeda nya na ekpodalo-ugamhi eyi Eshinagba e kpe lese

\* **18:11** Li ze iMat 26.39; iMak 14.36; iLuk 22.42 † **18:14** Li ze iJon 11.49-50

egbe. Igho oni omo odukhokho o deba iJesu lo elemhi apfe oyi oni o kpeda nya na ekpodalo-ugamhi eyi Eshinegba. <sup>16</sup> Abi iPita oo migha olase epfe ode unuekpe, oni omo odukhokho ogho o nyene egbe je olase, o ya nu oni omueshi ni o la agho ngme, o rue iPita lo elemhi apfe. <sup>17</sup> Oni omueshi ni o la ode unuekpe o me iPita, o o li, "Oa khi omo odukhokho oyi oni omo ogho u li khi?"

Ipita oo, "Iiye, mhia khi loli."

<sup>18</sup> Ulili o gbe. Eni e khe ekhe ali ighumha e migha gashe erali ingamhi ni e pfi, e kshase erali. iPita o li nu we migha a kshase erali.

*Oga oyi ekpodalo ugamhi o mhila iJesu ogbo*

(iMat 26.59-66; iMak 14.55-64; iLuk 22.66-71)

<sup>19</sup> Oni oga oyi ekpodalo ugamhi eyi Eshinegba o mhila iJesu ogbo osese eyoli ali eniye odukhokho eyoli. <sup>20</sup> IJesu o soli o, o, "Mhi aa tigbe na sheli sese osese elemhi Owa Oyi Eshinegba ali owa ugamhi ni mhi la a sese gboo eghoghe kpa, ikhi ashini egbo iJu e legba. <sup>21</sup> Elo o ze khi aa mhila mhe ogbo? A ka mhila egbo ni e suo osese oyemhe. E lese emini mhi ngme."

<sup>22</sup> Abi iJesu o ngme ona se, oghuo eni e khe ekhe o lase iJesu eso, o li, "Elo o ze ni u ro ligho nu Oga oyi ekpodalo ugamhi a ngme?"

<sup>23</sup> IJesu oo, "Ini u lese khi mhi aa gue ngme, gue emini oa ti ni mhi ngme le, ni egbo e suo. Ama o kha khia khi mhi gue ngme, elo o ze ni u ro lase mhe eso?"

<sup>24</sup> Ana Anasi o la lie e rue oli ghi iKefasi ni o khi Oga oyi ekpodalo ugamhi, abi a kie li ge oli abo je ukhokho. Eghoghe ona, iKefasi ali Anasi e ga khi ekpodalo-ugamhi eyi Eshinegba ni e kpeda.

*IPita o gbo kie iJesu*

(iMat 26.71-75; iMak 14.69-72; iLuk 22.58-62)

<sup>25</sup> IPita o kie migha akagho, oo kshase erali. Egbo elese e mhila li, "Wa she khi oghuo eniye odukhokho eyi omo ogho?" IPita o so we o, oo, "Iiye! Oa khi mhemhe."

<sup>26</sup> Oghuo oni o gbe akanya a deba oni o kpeda nya na ekpodalo-ugamhi eyi

Eshinegba, ni o khi ogbo oyi omo se ni iPita o be eso ukhomhi a, o gbo mhila iPita, "Oa khi yeye mhi she me khi u nu omo se ogho la elemhi ogba?"

<sup>27</sup> IPita o gbo le, "Iiye!" Utoghuokpe, okpa o gbieghe.

*A rue iJesu bhale odalo oyi iPaleti ya gue ezoo*

(iMat 27.1-2,11-14; iMak 15.1-5; iLuk 23.1-5)

<sup>28</sup> Ele uzogbe fiefie, e rue iJesu fie owa oyi iKefasi je apfe oyi igovuno oyi egbo iRomu. Enighie eyi egbo iJu ea lama lo elemhi oni apfe, itobo khi ea nono ni ichimhi umhapfua se ni o mu we, ini ee do be le eminale iPasova. <sup>29</sup> Itobo igho oni igovuno na lu iPaleti o fie je olase deba eni egbo iJu, oo we, "Umha-gueli onoghuo a gue shi omo se ona egbe?"

<sup>30</sup> Ee oli, "Ini oa mhu e umha-gueli lo anye ea kha rue oli bhale ghie."

<sup>31</sup> IPaleti oo we, "A rue oli vu ya gue ezoo egbe-a abi ushi oyee o ngme sho."

Egbo iJu ee oli, "Anye aa mholi afu ni a ro o lie a ka gbe ogboa." <sup>32</sup> Eri a lina me onana ni emini iJesu o kpe ngme ni o bhale ya tse, ikhi ungmehi ni o la guele uwali eghuli ni loli ya ghu.†

<sup>33</sup> IPaleti o nyene egbe je elemhi apfe oyoli, o lu iJesu mhila, oo, "Yeye u khi oghie oyi egbo iJu?"

<sup>34</sup> IJesu oo. "Udu oye ogbo ona ni u mhila mhe o te bhale abi khi ogbo o gue ingme oyemhe ye e?"

<sup>35</sup> IPaleti oo li, "Onge iJu we khi mhi khi? Egbo eye ali ighie eyi ekpodalo-ugamhi e rue e bhale ghi mhe, Elo u li?"

<sup>36</sup> IJesu oo li, "Eghiele oyemhe oa khi onayi agbo ona. Ini igho o khi lo, eni e deba mhe e kha ye okhola na mhe, ini a khi do be mu mhe ghi eni e mhese eyi egbo iJu. Ama memena, eghiele oyemhe oa khi onayi agbo ona."

<sup>37</sup> Igho iPaleti o mhila li, "Oghie u ti e khi?"

IJesu oo, "U gue ga ngme oli ni u ro khi oghie mhi khi. Onana o ze khi a bia mhe bhale elemhi agbo, ni mhi ro ri emini o khi

† 18:32 Li ze iJon 3.14; 12.32,33



igēsikia khase ẹgbọ na agbọ. Oni ọ da khi ọna igēsikia ne, ọọ suọ oyemhe.”

<sup>38</sup> IPaleti ọ mhila li, “Elo o khi igēsikia?”

### *A pfa ẹzo igbea mu iJesu*

(iMat 27.15-31; iMak 15.6-20; iLuk 23.13-25)

Igho iPaleti ọ gbo fiẹ je olase, ọ gueye ẹgbọ iJu, ọọ, “Mhi aa me umha-gueli shi ọli obọ ni o remhe ya pfa ẹzo mu ọli a gbe ọlia

<sup>39</sup> Ama, abi a li ini a da li ukpe iPasova khi, ukpe khi ukpe kpa, eri mhia rue ọgbọ ọghuo ẹgbọ eye ẹ eni a mu shi owa ighumha abọ-a na ẹ. A nono ni mhi wolọ oghie iJu abọ a na ẹ?”

<sup>40</sup> Igho e tsese gbii, ẹẹ ọli, “Iiye! Ri Ochoghọ rue iBarabasi obọ a na anye.” (iBarabasi iko ọ li, oni ọ gbe ọgbọ a ọ khi ni a mu shi owa ighumha.)

## 19

### *A pfa ẹzo igbea mu iJesu*

(iMat 27.15-31; iMak 15.6-20; iLuk 23.13-25)

<sup>1</sup> Igho iPaleti ọọ a gbe iJesu itali egbegbọ.

<sup>2</sup> Eni ekhọli-okhue e nyanọ iguabọ ẹera igba riele arula oghie rughu iJesu ukhomhi, e rue awulu ni o khi ẹgholi ni ọ li abi oyile nabi a rọ ọ sọ oghie sọ ọli. <sup>3</sup> E gbo bhale deba li, e rọ ọli li egia, e liẹ ọli, “A yase obọ eke na oghie ọyi iJu!” E lase ọli alo.

<sup>4</sup> IPaleti ọ ke gbo fiẹ je olase deba ẹgbọ iJu, ọọ, “A ghe ọli e, mhi rue ọli lasese na ẹ ni a rọ leşe khi mhi aa me umha-gueli shi ọli obọ ni o re mhe ya liẹ a ka gbe ọli a.” <sup>5</sup> Abi iJesu ọ rọ fiẹ lasese ni ọ rọ rughu arula igba, ọ gbo sọ awulu ẹgholi oyile ni oghie ọ sọ, iPaleti ọọ, “A ghe oni omose!”

<sup>6</sup> Abi ighie eyi ekpodalo-ugamhi ali eni ẹ khe ekhe Owa oyi Eshinegba e rọ me ọli, e tsese, ẹẹ, “A ta li ma ọọra apfida! A ta li ma ọọra apfida!”

IPaleti ọọ, “Eẹ a rue ọli vu ya ta ma ọọra. Mhi aa me umha-gueli shi ọli obọ.”

<sup>7</sup> Ẹgbọ iJu ẹẹ ọli, “Anye mhue ushi ni o guele a gbe ọlia, itobọ khi ọọ lu egbọli Omi Eshinegba.”

<sup>8</sup> Abi iPaleti ọ rọ suọ ona, ulishi o tigbe mema lolo mu ọli. <sup>9</sup> O nyene egbe je elemhi apfe oyoli, ya mhila iJesu, “Onge obo u khi?”

Ama iJesu ọ tsaghie ọli-a. <sup>10</sup> IPaleti ọọ, “Wa ya mie mhe unu? Wa leşe khi mhi mhọli ekpabọ ni mhi rọ dobe ya pfa ẹ shi eke, ali khi mhi gbo dobe ya liẹ a ka te ma ọọra apfida gbe-a?”

<sup>11</sup> IJesu ọọ ọli, “Wa kha mhọli afu shi mhe idiegbe ini ọa khi Eshinegba o ri ọli ne lo, ama ọgbọ ni ọ mu mhe bhale ghi ẹ, loli ọ mhọli umha-gueli oyi olamhe ni o fu ne.”

<sup>12</sup> Abi iPaleti ọ rọ suọ ona se, ọ nono ode ni ọ te ya wolọ iJesu abọ a, ama eni ẹgbọ iJu e kiele tsese, e liẹ ọli, “Ini u ze ọli obọ, wa khi omole iSiza oghie oniemhi oyi iRomu. Onini ọ da guele khi oghie loli khi, obe iSiza ọ khi.”

<sup>13</sup> Abi iPaleti ọ rọ suọ ingmemhi ena, ọ rue iJesu je olase, iPaleti ọ ya shito ukpho eche ni ọ shito la sọ ẹzo, ni a lu Etefe eche (iGabata a ri elemhi Iburu ẹẹ lu ọli) <sup>14</sup> Eghẹghẹ agho ovọ o leşe ramhi iteteva ukhomhi ẹlegho, ikhi ogbele ni a mu egbe ẹ shi ukpe iPasova. IPaleti ọọ eni ẹgbọ iJu, “Oghie oyee ghọ o!”

<sup>15</sup> Ama e tsese, “A rue ọli ya gbe-a! A rue ọli ya gbe-a! A ta li ma ọọra apfida!”

IPaleti ọ mhila we, ọọ, “A nono ni mhi ta oghie oyee ẹ ma ọọra apfida?” Ighie eyi ekpodalo-ugamhi ẹẹ ọ li, “Anye aa mhọli oghie olese dose oghie iSiza.”

<sup>16</sup> Igho iPaleti ọ ri iJesu na ekhọli-okhue e ka ta li ma ọọra apfida.

### *A ta iJesu ma ọọra apfida*

(iMat 27.32-44; iMak 15.21-32; iLuk 23.26-43)

Rọ te agho vu ekhọli-okhue e te rue iJesu vu. <sup>17</sup> IJesu ọ fiẹ lasese, lolighuo ọ tsua ọọra apfida oyoli, ọ je ashini a lu “Ukhomhi olimhi ni o ku igua-a.” (IGogota a ri elemhi Iburu ẹ lu akaghọ.) <sup>18</sup> Agho e tali ma ọọra apfida shi, e ta ẹgbọ aava ma ẹera mama li. Oghuo epfe obita, onokpole epfe obogobo, iJesu ọ la we iteva. <sup>19</sup> IPaleti ọ keke emhi rọ kphase oni ọọra-apfida. Emini ọ keke shi ọ khi, “iJesu Onge iNazareti, Oghie ọyi Ẹgbọ iJu.” <sup>20</sup> Ebubu eni ẹgbọ iJu e ze oni emhi, itobọ khi ashini a ta iJesu ma ọọra apfida shi ọa nuata shi apfe. Elemhi Iburu, ghe iLatini ali iGiriki a rọ keke oni emini a rọ kphase ọọra apfida ni a ta iJesu ma. <sup>21</sup> Ighie eyi ekpodalo-ugamhi eyi ẹgbọ iJu ẹa lama shi emini iPaleti ọ keke. E ya gueye ọli, ẹẹ

oli, “Anye ẹa nono ni u keke oghie oyi iju shi o, emini u kha keke shi o khi, Oghie oyi ẹgbọ iju omose ona o khi loli khi.”

<sup>22</sup> IPaleti oọ wẹ, “Mhi she keke emini mhi keke.”

<sup>23</sup> Abi eni ekhọli-okhue e ro ta ijesu ma oora apfida se, e wolo ide eyoli kemhi shi asha ene. Ogbogbo o rue asha eghuo o, e gbo rue awulu oyoli ni a do ni aa rote ashikhoghuo gbela toma.

<sup>24</sup> Eni ekhọli-okhue e gweye egbe wẹ, “Awa khi nyanọ li-a, awa ti ebe shi o, ni awa me oni o ya mu, ni o rue oli.” Eri a me onana ni emini a keke shi Ebe-no-pfuase o bhale ya tse, ni oọ, “E kemhi ide eyemhe, e gbo ti ebe shi awulu oyemhe.”

<sup>25</sup> Inyo ijesu, ali inyoghuo inyoli nokpotso, ali iMeli ughue iKilopasi, ali iMeli onge iMagidalen i migha mama oni oora apfida ni a ta ijesu ma. <sup>26</sup> Ijesu o me inyoli ali omọ odukhokho oyoli ni o nono ingme oyoli, khi o migha epfe agho, ijesu oọ, “Inyo! Omi-ẹgho.”

<sup>27</sup> O gweye oni omọ odukhokho, oọ li, “Inye ghọ.” Ro te agho vu oni omọ odukhokho o te rue oni inyo ijesu je apfe ni o te nu o la.

#### *Eghuli ni ijesu o ghua*

(iMat 27.45-56; iMak 15.33-41; iLuk 23.44-49)

<sup>28</sup> Ijesu o lese khi emhikpa e she ze ukhomhi, oọ, “Okiamẹ ọa gbe mhe.” Onana o ri emini a keke shi Ebe-no-pfuase bhale ya tse.\* <sup>29</sup> Ubene ni o vo onyo ni o khe-a o la epfe agho, e so isoso† elemhi oni onyo e ro oni isoso kphase ukpokpo oyi oora ni a lu isopu ni o nue, e nise oli je ijesu unu. <sup>30</sup> Abi ijesu o ro to unu oni onyo, o, “O she pfo.”

O do ukhomhi gbe, o ghua.

<sup>31</sup> Ekhemhue eyi egbo iju e vu ya mhila iPaleti o ze ni wewe e ya pfi emhi shi awe eyi emose ni a ta ma ẹera apfida guoghọ-a. Ali ni wewe e taghie wẹ te eni ẹera apfida tiemhile. Emini o ze ni e ro ligho mhila khi, ẹlegho khi ogbele ni ala mu egbe khe ogbele iyemhea oyi egbo iju. Eri ẹa nono ni e la ikhomhi ẹera apfida ramhi ogbele iyemhea, itobọ khi oni ogbele iyemhea ogbo,

ogbele ipfuase na ke o khi. <sup>32</sup> Eni ekhọli-okhue e vu ya pfi emhi shi ogbo oni odode ni a ta ma oora apfida mama ijesu awe guoghọ a. E gbo ligho ya guoghọ eyi oni o kpo le a. <sup>33</sup> Ama abi e ro ramhi ayi ijesu, e bhale ya e khi o she ghua, itobọ igho ẹa ke pfi emhi shi ijesu awe guoghọ a. <sup>34</sup> Oghuo eni ekhọli-okhue o so ijesu ogbhorọ epfe, utoghuokpe, oia ali amẹ e te oli egbe ku lasele. <sup>35</sup> Ogbọ ni o ri eloe me ona o pfi otsese shi o, otsese ni o pfi o khi igesikia itobọ khi o lese gboo khi igesikia ona o khi. Eri o pfi otsese ona ni a khi eni e miesuo. <sup>36</sup> Onana o ri emini a keke keke shi Ebe-no-pfuase bhale ya tse, ni o guele khi, “Ogbokhoghuo ọa ya khi ugua shi oli idiegbe.”‡ <sup>37</sup> Ebe-no-pfuase o gbo ngme ghọ shi asha olese khi, “E ya ke bino oni e ya to ogbhorọ gbese a.”§

#### *Irotọ oyi ijesu*

(iMat 27.57-61; iMak 15.42-47; iLuk 23.50-56)

<sup>38</sup> Abi a ro me ona se, iJosefu onge Ari-matia, ni o khili otuoghuo eniye odukhokho ni e bena e deba ijesu itobọ khi o na ulishi oyi ekhemhue eyi egbo iju, o le ya mhila iPaleti olimhi oyi ijesu. IPaleti o lama na li o rue olimhi oyi ijesu ya ro to. Igho iJosefu o bhale ya rue oli vu. <sup>39</sup> INikodemosi ni o ke ya me ijesu ele iyose o kphase iJosefu. O tsua ikhumhi ni a ro o to olimhi egbe ini o khi kele kea. Eni ikhumhi e bu ramhi akpulu ikoko oghuo. O gbo tsua ituale ni e pfie mhue.\* <sup>40</sup> Eni emose aava e tsua olimhi oyi ijesu, e ri ide epfopfo genọ oli. Abi e li i genọ oni olimhi, igho e pfi ituale shi oli egbe, ni e ri ikhumhi na ro o shi olimhi egbe ma o, abi egbo iju e lie mu olimhi egbe shi irotọ, abi ushi oyewe o ngme. <sup>41</sup> Ukuku ogba o la ashini a ta ijesu ma oora apfida shi, uji ona ufuegbhe onogbo ni aa ri ogbo to ghue o li la agho. <sup>42</sup> Itobọ khi elegho o khi ogbele ni a ro mu egbe e shi eke khe ogbele iyemhea oyi egbo iju, ali khi oni uji na ufuegbhe o ti mama wẹ, e ri olimhi oyi ijesu yeshi agho.

\* 19:28 Li ze Iwolo 69.21; 22.15 † 19:29 isoso egbo eghuo e lu isoso ukodo. ‡ 19:36 Li ze Okiali 12.46; iNoba 9.12; Iwolo 34.20 § 19:37 Li ze iZaka 12.10 \* 19:39 Li ze ijon 3.1-2

## 20

### *Ijesu o rote eghuli guale*

*(iMat 28.1-8; iMak 16.1-8; iLuk 24.1-12)*

<sup>1</sup> Eḷe uzogbe fiefie eḷe ni oḷo deba ogbeḷe iyemheḷa oyi eḷbo iJu, obili o kie la ogbe. IMeli oḅge iMagidaleni o je uji ashini a ri ijesu yeshi, o bhale ya e khi a she gheghele eche unu oni uji-a. <sup>2</sup> Igho o so awe unamhi na je ayi iSamō iPita ali oḷo odukhokho ogho ni ijesu o nono ingme oyoli, o gueye we, oḷo, “E tsua olimhi oyi Onomhue elemhi uji ufuegbhe a! Anye aa lese obini e tsua li je.”

<sup>3</sup> Igho iPita ali oni oḷo odukhokho ogho e vu ya je oni uji ufuegbhe. <sup>4</sup> Wewe aava ee na, ama oni oḷo odukhokho ogho o na dose iPita, o kpe ramhi oni uji ufuegbhe khe iPita. <sup>5</sup> O nyese egbe bino elemhi oni uji ufuegbhe, ama oḷo elemhi o. O me ide ni a kpe ro khuli idiegbe oyi ijesu. <sup>6</sup> Igho iSamō iPita ni o kpukhokho ramhi agho o dose ya lo elemhi oni uji ufuegbhe. O me eni ide khi e la elemhi uji ufuegbhe. <sup>7</sup> Ode olimhi ni a ro ge ijesu ukhomhi o li la agho. Oni ode o khili shi ashaoda shi ide enekpole o. O kie khili shi agho abi a kie kpe li roli khili olimhi oyi ijesu, oḷa taghie a. <sup>8</sup> Igho oni oḷo odukhokho ogho ni o kpe ramhi oni uji, o li lo elemhi oli, o ri eloe me, o miesuo. <sup>9</sup> Oni eghoghe eḷa kie lese emini a keke shi ebe khi ijesu o ya te eghuli guale. <sup>10</sup> Igho eni eniye odukhokho e nyene egbe je apfe.

### *Ijesu o ri egboli khasē iMeli oḅge iMagidaleri*

*(iMat 28.9-10; iMak 16.9-11)*

<sup>11</sup> IMeli o migha olase oni uji ufuegbhe oḷo vie. Abi o li kie le vie, o nyese egbe bino elemhi oni uji ufuegbhe. <sup>12</sup> O me khi igeni aava ni e so itsua epfopfo e shito elemhi oni uji ufuegbhe ni a ri olimhi oyi ijesu yeshi. Oghuo o shito obini ijesu o kpe ri ukhomhi shi, oni o kpole o shito obini o kpe ri awe shi.

<sup>13</sup> E mhila li, ee oli, “No kpotso, elo u vie e shi?” Oḷo we, “E she tsua Onomhue oyemhe vu, mhi aa lese obini e roli shi.”

<sup>14</sup> Igho o nyene egbe o me khi ijesu o migha agho, ama oḷa lese khi ijesu lo.

<sup>15</sup> Ijesu o mhila li, oḷo li, “No kpotso elo u vie e shi, oghuo wa nono?”

IMeli o dabi khi oni o riele shi oni ogba ni o la agho lo, o, “Oga ini yeḷe u tsua li vu kpekpe gueye mhe obini u roli shi ni mhi je agho ya tsua li.”

<sup>16</sup> Ijesu o li, “Meli.” O so alo ghue oli, o tseḷe leghe ri elemhi oyi eḷbo iJu yemhe oli, oḷo, “Raboni!” Oseḷe a ri ona ngme elemhi Iburu.

<sup>17</sup> Ijesu o gueye oli, “Khi mu mhe mhue, itobo khi mhi aa nyene egbe je oyi Ita ne. Ama ka gueye inyoghuo-mhe khi mhi ya nyene egbe je oyi Itamhe ni o li khi Ita we, ali Eshinegba oyemhe ni o li khi Eshinegba oyewe.”

<sup>18</sup> Igho iMeli oḅge iMagidaleni o vu ya gueye eniye odukhokho khi loli me ijesu Onomhue. O gueye we ingme ni Onomhue o gueye oli.

### *Ijesu o ri egboli khasē eniye odukhokho eyoli*

*(iMat 28.16-20; iMak 16.14-18; iLuk 24.36-49)*

<sup>19</sup> Abi ogbomhi o ro mu eke elegho ni o khi ogbeakolo oyi ele iyemheḷa oyi eḷbo iJu, ni o khi ele ni odode elemhi efo uka, eniye odukhokho eyoli e le gba elemhi owa, e sono okpe ode itobo khi ee na ulishi oyi eḷbo iJu eni ee mhesē. Udemhija, ijesu o bhale ya migha we iteva bia, oḷo, “Opfomhe o ka nu e la.” <sup>20</sup> Abi o ro ngme ona se, o ri abo ali epfe khasē we. Oghelē o vo we elemhi shi abi e li me Onomhue. <sup>21</sup> Ijesu o gbo lie we, “Opfomhe o ka nu e la. Abi Ita o li ghie mhe mhi li lie ghie e.” <sup>22</sup> Igho o yemhe ku we, oḷo, “A mie Ayemhe-no-pfuase, <sup>23</sup> Ogbō ni a da gbe olamhe kua na, a she gbe kua na li, ama ini aa da gbe kua na we ne, aa gbe kua na we.”\*

### *Ijesu o ri egboli khasē iTomosi*

<sup>24</sup> Otu oghuo elemhi eni eniye odukhokho ogbava ni a lu iTomosi ni a gbolo ee lu itsema, oḷa nu we la agho ni ijesu o ro bhale we iteva. <sup>25</sup> Eniye odukhokho eni e kpole e gueye oli, e o li, “Anye me Onomhue!”

ITomosi oḷo, “Ini mhi aa li me emeli ni o la ashini a te ta itse shi oli abo ni mhi ri umiesobo oyemhe ti oli, ni mhi aa ro ri obo

\* 20:23 Li ze iMat 16.19; 18.18

shio oni o la li epfe, mhi aa ya miesuo khi o she guale.”

<sup>26</sup> Abi o ro gbe utui, eniye odukhokho eyoli e gbo lona elemhi owa, iTomosi o nu we la agho, e so okpe ode. Udemhija iJesu o gbo bhale ya migha we iteva bia, oo we, “Opfomhe o ka nu e la.” <sup>27</sup> O gueye iTomosi, oo li, “Ri umiesobo ti ana, bino mhe abo, gbo nise obo ti mhe epfe. Khi ke mholi akhokhomhe, miesuo!”

<sup>28</sup> iTomosi o li, “Onomhue oyemhe, ali Eshinegba oye mhe!”

<sup>29</sup> IJesu oo li, “Itobo khi u me mhe u ro miesuo? Ikhivose o khi na eni ea me mhe ne ni e miesuo.”

### *Emini o ze ni a ro keke ebe ona*

<sup>30</sup> IJesu o la ukpeloe oyi eniye odukhokho eyoli gbe ikanya onyaloa ni e bububu elese ni ogbo oa keke shi ebe ona. <sup>31</sup> Ama eri a keke ena shi ebe ini a miesuo khi iJesu khi iKirisiti, ikhi Omiepfuese Omi Eshinegba, ali, ini a mholi irudunga, a ya mholi agbo itobo eva oyoli.

## 21

### *IJesu o ri egboli khashe eniye odukhokho eyoli etuoshilua*

<sup>1</sup> Abi a ro me ingme ena se, iJesu o gbo ri egbe oli khashe eniye odukhokho eyoli, epfe oke oniemhi ni a lu iGalili. Ina a li me oli. <sup>2</sup> ISamo iPita, ali iTomosi na lu itsema, ali iNatanieli onge iKena na eke iGalili, ghe IJoni ali iJemhisi imi iZebedi, ali eniye odukhokho eyi iJesu aava elese e ga legba asheghuo nya. <sup>3</sup> ISamo iPita oo, “Mhia vu ya mu ifele.”\*

Ee oli, “Anye ya deba e ye.” Igho e lo elemhi oko-oké oniemhi oni ikeke. Ama eliyose eloghó nya, ea mu emhikhoghúo. <sup>4</sup> Ele uzogbe fiefie, iJesu o migha egele oyi oke oniemhi, ama wewe ea lese khi iJesu o nu we ngme. <sup>5</sup> IJesu o mhila we, oo, “Emole mhe, aa kie me afele okhoghúo mu?”

Ee oli, “Anye ea me emhikhoghúo mu.”

<sup>6</sup> Oo we, “Pfi aga oye je epfe obita oyi oko-oké oniemhi khi a ya me ifele mu.” Igho e pfi aga je obini o ngme, ea ke dobe ti oni aga lo elemhi oni oko-oké oniemhi itobo khi o she mu ifele ni e bu.†

<sup>7</sup> Igho oni omoo odukhokho ni iJesu o nono ingme oyoli, o o iPita, “Onomhue lo!” Abi iSamo iPita o suo khi Onomhue lo ni o nu we ngme lena, o nyanya ro itsua so (itobo khi eri o kpe taghie ide eghuo egbe-a), o ji pfilo elemhi amé. <sup>8</sup> Eniye odukhokho eni e kpole e gua oni oko-oké oniemhi bhale eso oke, e e ti oni aga bhale epfe egele. Ekekhe oa ke lolo nue shi we o, emhi nabi ete-awe egbhueshe o ke rote agho khi. <sup>9</sup> Abi e ro ramhi egele, e me ingamhi erali agho, a ri afele to o, ibuledi e li nga o.

<sup>10</sup> IJesu oo we, “A rote ifele ni a mu lena rue bhale.”

<sup>11</sup> iPita o nga egele le, o ya tialo oni aga ni o vo ifele enieniemhi ngale egele, eni ifele e kugbe khi egbhueshilua ali igbesé. Abi eni ifele e rie ligho bu, oni aga oa nyanoo a. <sup>12</sup> IJesu oo we, “A bhale ya le emhi.” Ogbokhoghúo eni eniye odukhokho oa mhila li, “Oghuo u khi?” Itobo khi e lese khi Onomhue lo. <sup>13</sup> Igho iJesu o ya rue oni ibuledi kemhi na we, o gbo kemhi oni afele na we.

<sup>14</sup> Onana o khi utonuzi-esé ni iJesu o ri egboli yaa khashe eniye odukhokho eyoli abi o te rote eghuli guale.

### *IJesu o nu iPita ngme*

<sup>15</sup> Abi e ro le se, iJesu oo iSamo iPita, “Samo omi iJoni! U fe nono ingme oyemhe dose emhi enana nya?”

iPita o so li o, o Ii, “Onomhue, u lese khi mhi nono ingme oye.”

IJesu oo, “Ri eminale na imi isumha eyemhe le.”

<sup>16</sup> Utonuzeva, iJesu oo li, “Samo omi iJoni, u fe nono ingme oyemhe?”

iPita oo Ii, “Gueguegue Onomhue, U lese khi mhi nono ingme oye.”

IJesu oo, “Ri eminale na isumha eyemhe le.”

<sup>17</sup> Utonuzese iJesu oo li, “Samo omi iJoni, u fe nono ingme oyemhe?”

Oni ingme o to iPita egbe, itobo khi iJesu o mhila li itese, “U fe nono ingme oyemhe?” Igho iPita o so li o, o, “Onomhue, u lese emhikpa, u lese khi mhi nono ingme oye.”

IJesu oo li, “Ro eloe khu isumha eyemhe.” <sup>18</sup> IJesu oo, “Igesikia mhi gue ye khi, abi u

\* 21:3 Li ze iLuk 5.5 † 21:6 Li ze iLuk 5.6

rọ khi ozele, eri u ri itsua sọ u fiẹ je obini o ghọle ẹ, ama ini u womhẹ, ọgbọese ọ ke ya ri itsua ke sọ ẹ, ọ mu ẹ obọ je obini ọa ghọle ẹ ni u je.” <sup>19</sup> Eri iJesu ọ ngme ona ni ọ rọkhasẹ abi iPita ọ li ya ghua ni o ya rọ ufumhi ghi Ẹshinegba. Ighọ ọọ iPita, “Ke deba mhẹ.”

<sup>20</sup> IPita ọ nyene egbe, ọ mẹ ọni ọmọ odukhokho ni iJesu ọ nono ingme oyọli, ọni ọ shitọ mama iJesu abi e rọ nu iJesu le eminale ni o kpukhokho khi ọọ deba wẹwẹ. Lọli ọọ ke mhila iJesu ogbọ ni ọọ, “Ọnọmhue, ọghuo ọ ya rẹ de?” <sup>21</sup> Abi iPita ọ rọ mẹ ọli, ọ mhila iJesu, ọọ, “Sẹ ẹgbọ na agbọ e fẹ ya li ọni ọmọse ọna?”

<sup>22</sup> IJesu sọ li ọ, ọ, “Ini mhia nono ni ọ la agbọ ramhi ni mhi rọ ya gbo nyene egbe bhale agbọ, onoghuo o khi oyẹ shi ọ? Ke deba mhẹ.”

<sup>23</sup> Ona o zẹ ni e rọ bẹna ngme ọli iteva oyi eniyẹ odukhokho eyi iJesu, khi ọni ọmọ odukhokho ọna ọa ya ghu ghue. Ama iJesu ọa liẹ khi ọa ya ghu ghue. Eri ọ lẹsẹ liẹ, “Ini mhia nono ni ọ la agbọ ramhi ni mhi rọ ya gbo mu egbe nyene bhale, onoghuo o khi oyẹ shi ọ?”

### *Ungmemhi ni o kpukhokho*

<sup>24</sup> Lọli khi ọmọ odukhokho ni ọ pfi ọtsele shi eni ingmemhi ena, lọli ọ gbo kẹkẹ wẹ shi ebe. Awa gbo lẹsẹ khi emini ọ ngme khi igesikia lọ.

<sup>25</sup> Ikanya ebubu e laọ ni iJesu ọ gbe. Ini ẹẹ a kẹkẹ wẹ nya ukpamhi oghuo-oghuo lọ, mhi sa khi agbọ ona nya ọa kha luẹsẹ ebe ni a kha kẹkẹ wẹ shi.

## Ikanya Eyi Ighiusomhi eyi iKirisiti

### *A rue Ijesu nga idane*

<sup>1</sup> Elemhi ebe oni odode ni mhi kpe keke ghi yeye iTiofilosi,\* mhi keke ikanya ni Ijesu o o gbe ali emini o sese rote igbaekele, <sup>2</sup> ya ramhi ogbele ni a ro rue oli nga idane. Neni a rue oli nga idane, o rote Ayemhe-no-pfuase ri omhese na ighiusomhi na kee ni o ze. <sup>3</sup> Abi o ro ghu-a se, ogbele egbhueva o la elemhi agbo o ri egboli kia khase ighiusomhi eyoli, ni o rokhasa gboo khi akhokhomhe o la o khi o la agbo. E me oli, oo gue ungemhi oyi Eghiele oyi Eshinegba ye we. <sup>4</sup> Eleghuo khi e legba asheghuo, khi o nu we e le eminale, o ri omhese ona na we, oo we, "A khi rote iJerusalemu vu, a migha khe isomhopfa ni mhi gueye e, ikhi isomhopfa ni itamhe o shobo.† <sup>5</sup> Ame iJoni o ro o batazi egbo, ama o ke ya tese neni a ri Ayemhe-no-pfuase ya batazi e."‡

### *A rue Ijesu nga iloghie*

*(iMak 16.19-20; iLuk 24.50-53)*

<sup>6</sup> Abi ighiusomhi e ro nu ijesu legba kugbe, e mhila li, ee oli, "Onomhue, u ya la egheghe ona rue eghiele oyi egbo iZireni nyene gbo na we?"

<sup>7</sup> Oo we: "Aa khi eni e lese oni egheghe ali oni ogbele ni Ita o ri afu eyoli mhese. <sup>8</sup> Ama ini Ayemhe-no-pfuase o bhale e idiegebe, a ya mholi ekpabo, a ya ke pfi otsela na mhe elemhi eke iJerusalemu, ali eke iJudia, ali iSameria ali elemhi eke agbo ona nya."§

<sup>9</sup> Abi o ro ngme eni ingmemhi enana se, a rue oli nga idane abi e kie li ghofeli oli. Otughunu o khukhu oli-a, o rue oli odalo oyewe le.\*

<sup>10</sup> E bino idane chii abi o li vu, utoguokpe emose aava ni e so ide epfopfo e migha we iteva. <sup>11</sup> Ee we, "Egbo iGalili, elo o ze ni a ro migha a felidane chii? Oni ijesu ona ni a rue odalo oyewe vu nga idane, abi

a li rue oli vu, igho o li ya gbo nyene egbe bhale."

### *A ze iMatayasi to eloli iJudasi (iMat 27.3-10)*

<sup>12</sup> Igho, eni ighiusomhi na kee e rote oni ukhomhi Ute Era Olivu ni e migha vu je iJerusalemu, agho o lolo nue shi iJerusalemu, okiali imali oghuo lo, ni Ishi eyi iMosisi o lama shi ogbo ke kia ogbele iyemhea. <sup>13</sup> Abi e ro ramhi iJerusalemu, e nga ukhomhi atonga, e lo elemhi owa ni ee legba. Eni e la akagho khi iPita, iJoni, iJemhisi ali Aduru, iFilipu ali iTomosi, iBatomiu ali iMatu, iJemhisi olese ni o khi omi Afeusi, iSamioni ni o la otu iZiloti ali iJudasi omi iJemhisi.† <sup>14</sup> Wewe nya e lona a kugbe egheghe kpa a so iromhi. Ghe eni ikpotso ali, iMeli inyoo ijesu, ali inyoghoo ijesu.

<sup>15</sup> Ogbele ni a ngme ena, iPita o vule migha iteva oyi igbaa oyi eni e mie ijesu iKirisiti suo. Egbo egbhuesesa e la agho (120) <sup>16</sup> Igho oo, "Inyoghoo, a mema ya ri emini ebe-no-pfuase o ngme tse, ni Ayemhe-no-pfuase o rote unu oyi iDefidi ngme shi eke shi iJudasi egbe, loli oni iJudasi ni o ri ode khase egbo ni e mu ijesu. <sup>17</sup> Otuoghoo elemhi awa o khi ni o nu awa gbe akanya abi aghiusomhi."

<sup>18</sup> IJudasi o wolo ikpagho ni o mie shi ikanya okholo ni o gbe ya de eke. Agho o de tu ukhomhi eke ku ito-a shi. <sup>19</sup> Ogbo kpa ni o la iJerusalemu o suo ona, e ri irarigho ri unu eoli oyewe lu akagho Akedama, ni o migha shi Eke Olia. ‡

<sup>20</sup> iPita oo, "Irari khi, a keke oli shi ebe Iwolo khi,

"A tsua owa oyoli pfa.

A khi me ogbokhoghuo  
ni o gbo la oni owa,'

"A gbo li keke oli:

"Ogboese o rue asha omhese oyoli.'§

<sup>21</sup> "Itobo onana, o ti ni awa ze ogbo oghuo ni o to eloli iJudasi, oni ogbo o mema ya khi ogbo ni o nu awa la o rote egheghe ni ijesu o ro la iteva oyi awa, <sup>22</sup> rote egheghe ni iJoni o ro batazi egbo ya ramhi ogbele ni Eshinegba

\* **1:1** Li ze iLuk 1.1-4 † **1:4** Li ze iLuk 24.49 ‡ **1:5** Li ze iMat 3.11; iMak 1.8; iLuk 3.16; iJon 1.33 § **1:8** Li ze iMat 28.19; iMak 16.15; iLuk 24.47-48 \* **1:9** Li ze iMak 16.19; iLuk 24.50-51 † **1:13** Li ze iMat 10.2-4; iMak 3.16-19; iLuk 6.14-16 ‡ **1:19** Li ze iMat 27.3-8 § **1:20** Li ze Iwolo 69.25; 109.8

o ro rue iJesu lasela elemhi iteva oyi awa nga idane. Ogbọ ni awa ya ze o mema ya nu awa gbe akanya aguele irọte eghuli guale oyi iJesu.”

<sup>23</sup> Igho e khokho emose aava. Omose oghuo ni a lu iJosefu ni a lu iBasabasi, ni a gbolo e lu iJositosi, ali omose olese ni a lu iMatayasi. <sup>24</sup> Igho e lema, e li, “Onomhue, u lese udu oyi ogbokpa, kpekpe rote elemhi egbo etuava ena ze <sup>25</sup> oni o ya rue ikanya aghiusomhi na kee ni iJudas o ze obo je obini o khili oyoli.” <sup>26</sup> Igho e bo shi o, obo o mu iMatayasi, Igho e li ya rue oli ma ighiusomhi na kee ogbaghuo ni iJesu o ze.

## 2

### *Ayemhe-no-pfuase o bhale ogbele iPetikositi*

<sup>1</sup> Abi ogbele ukpe iPetikositi o ro ramhi, igbaa oyi eni e mie iJesu iKirisiti suo nya e lona kugbe asheghuo.\* <sup>2</sup> Utoghuo-kpe, okeke o rote idane tiemhile abi akpekpeli ni o toto, oni okeke o vo elemhi oni owa ni e shito. <sup>3</sup> Igho e me emini e li abi elemhi erali khi e rote ashakhasha a tiemhile shi we o. <sup>4</sup> Igho Ayemhe-no-pfuase o vo wewe nya egbe, ee ngme emue oyi eoli ododa abi oni Ayemhe o li khueghie we unu-a.

<sup>5</sup> Egbo iJu ni e na ulishi Eshinegba ni e rote ushishi ododa na eke agbo jele, e la elemhi iJerusalemu. <sup>6</sup> Abi e ro suo oni okeke ona, ebubu egbo e kpeli bhale. O nya we alo-a abi e ro suo khi eni egbo ni e miesuo khi e ngme emue ododa eyi wewe. <sup>7</sup> Igho abo e sha we egbegbo, e lie egbe. “Eni egbo ena, ni ee ngme emue eyawa ena, o a khi egbo iGalili e she khi? <sup>8</sup> Se awa ke lie suo we khi ee ngme emue ododa eyawa? <sup>9</sup> Eoli ododa awa te lasela, eghuo e rote iPatia bhale, eghuo o, iMedisi ali Elamu, eghuo o, iMesopotemia, eghuo, eke iJudia ali iKapatosha, eghuo, iPotusi ali Esha, <sup>10</sup> eghuo, iFirigia ali iPafia, eghuo, ijipiti ali ukiekie eke iLibiya ni o ti mama eke iSairin, eghuo e rote iRomu bhale, <sup>11</sup> li shi egbo iJu ali egbo ijeta ni e mu pfi bhale irudunga oyi egbo iJu. Eghuo elemhi awa e rote iKireti ali Arebia bhale. Abi o rie khi igbo, awa kie ga suo khi e ngme emue eyawa, ee guele

ikanya eniemhi ni Eshinegba o gbe.” <sup>12</sup> Eni ingme ni a me e sha ogbokpa abo, ea lese udi we, e mhila egbe we. “See onana o ngme?”

<sup>13</sup> Egbo eghuo e rewe e li egia, e lie, “Onyo oo gbe we.”

### *IPita o nu eni ebubu egbo ngme*

<sup>14</sup> Igho iPita o vule migha, loli ali ogbaghuo ni e kpole, o khueghie unu-a leghe, o nu eni ebubu egbo ngme, oo, “Apfemhe iJu, ali ee egbo nya ni a la elemhi iJerusalemu, a ro eso shi mhe eke ni mhi gue ingme ni a me ena ye e. <sup>15</sup> Oa khi onyo oo gbe eni egbo ena abi a dabi. Irari khi ogbe o a dala ne, agogo itili ele uzogbe awa la! <sup>16</sup> Iiye! Emini a me ena o khi emini omekeguele iJoel o guele eghenge ni o dose ni o re:

<sup>17</sup> “Eshinegba oo,

Ogbele ni e kpukhokho,  
mhi ya ri Ayemhe oyemhe  
na egbokpa.

Imi e eni emose ali eni ikpotso  
e ya ke gue usomhi ni mhi ghie we le.  
Izeo eye e, e ya ke mekeguele,  
egbhali eye e, e ya ke la elena.

<sup>18</sup> Shi eni e ga ogbo  
eni emose ali eni ikpotso eyemhe,

Mhi ya ri Ayemhe oyemhe  
na we ogbele ni a ngme ena,  
e ya gue emini mhi rokhasa we le.

<sup>19</sup> Mhi ya ro onyaloa khasa,  
obini irarogbe,

ali khi mhi ya gbo ri  
irokhasa khasa eke agbo.

Mhi ya pfi okholi shi elemhi agbo,  
ni egbo e me oia  
ali erali ali ewoli

<sup>20</sup> Ovoo o ya bi obili a,  
mhi ya ri uki yile-a rarara abi oia,  
neni ogbele ni o fune  
oyi Onomhue o ya bhale  
ni o ro ya gue ogbokpa ezoo.

<sup>21</sup> Ogbokpa ni o da pfi lu  
eva oyi Onomhue ne, a ya tsumhi oli.†

<sup>22</sup> “Ee egbo ni a la eke iZireni, a ro eso shi ungmehi onana. Ee a lese khi iJesu ongi iNazareti, o khi ogbo ni Eshinegba o ri egbe khasa, o gbo ghie oli, itobo khi Eshinegba o ri

\* **2:1** Li ze iLev 23.15-21; iDeut 16.9-11 † **2:21** Li ze iJoa 2.28-32

ekpabọ na li ọ ke gbe ikanya ọnyaloa elemhi iteva o ye ẹ. <sup>23</sup> Abi o rọ tseku khia khi a lẹsẹ ona, a kie zẹ ni ẹgbọ ebe e mu ọli ghi ẹ ni a gbe ọli-a. Ama Ẹshinegba ọ she kpẹ gba onana ọ lẹsẹ ọli.† <sup>24</sup> Ama Ẹshinegba ọ rọte eghuli guise ọli le. Eghuli ọa doḅe ri ekpabọ oyọli mu ọli mama, abi ọkpotoso ni oku ọọ to ọa li doḅe a mu ọmọ ọ khi lasele. § <sup>25</sup> Itobọ khi oghie iDefidi ọọ ngme ingme oyi iKirisiti ni ọ rẹe,

“ Mhi me khi Ọnọmhue  
 ọ migha kpẹsẹ mhe ẹghẹghẹ kpa,  
 ọ la ukiẹkiẹ obita oyẹmhe,  
 udu ọa ya nighise mhe.

<sup>26</sup> Itobọ ona udu oyẹmhe o rọ ọ ghele,  
 mhi ri uruli oyẹmhe ẹ kuẹghie-ẹ,  
 mhi ri egbe deẹ.

<sup>27</sup> Itobọ khi waa ya  
 zẹ mhe obọ shi elemhi uji,  
 wẹkhi eri u ya zẹ ni  
 Ọni ọ pfuase oyẹ ọ ke-a.

<sup>28</sup> U she kpẹ gueye mhe  
 khi mhi ya la agbọ ini  
 u guise mhe te eghuli le.\*

U ya ri oghẹle oniẹmhi na mhe odalo oyẹ.’

<sup>29</sup> “Inyoghuo, mhi mema ya ri igbedu gueye ẹ khi oghie iDefidi ni ọ khi itita awa, ọ she kpẹ ghu-a ni ẹgbọ e rọ tọ, oni uji ni a rọ ọli tọ o kie la akaghọ ramhi ogbe na amo. <sup>30</sup> Awa lẹsẹ khi iDefidi ọ ngme aguele-shi-ekẹ shi iKirisiti egbe, irari khi ọ lẹsẹ khi Ẹshinegba ọ she kpẹ shobọ na lue ni ọ mema rọ ya tse, khi lọli ya ri ọgbọ ọghuo unuekpẹ oyelue shitọ ukpẹkhomhi oghie oyelue.† <sup>31</sup> Eri Ẹshinegba ọ rọli khasẹ iDefidi emini a ya me ogbenako, lọli ọ rọ ngme ọli khi Ẹshinegba ọ ya rọte eghuli guise iKirisiti le. Ọọ khi Ẹshinegba ọa ya zẹ ọli ghua ni idiegbe oyọli o kea shi elemhi uji.

<sup>32</sup> Ẹshinegba guise iJesu le bhale agbọ. Awa nya awa ri ukpẹloe oyawa pfi ọtsele shi ọ khi iJesu ọ she guale. <sup>33</sup> Ẹshinegba ọ she ri ekpẹ oniẹmhi na iJesu, ọ shitọ ukiẹkiẹ obita oyi Ẹshinegba. IJesu ọ she rọte obọ oyi ita mie Ayẹmhe-nọ-pfuase, abi Ẹshinegba o kie kpẹ li shobọ na li. Ọni iJesu ọ she rue oni Ayẹmhe-nọ-pfuase tutu vọ anye egbe, lọli o

khi emini a me, ni a gbolo a suọ memena. <sup>34</sup> Ama lẹsẹ khi iDefidi ọa nga iloghie. Itobọ ighọ, àà khi ingme egbọli iDefidi ọọ ngme abi ọ rọ lie,

“ Ọnọmhue ọ gueye Ọnọmhue oyẹmhe:

Shitọ ukiẹkiẹ obita oyẹmhe,

<sup>35</sup> ramhi ni mhi rọ ya ri ebe ẹ

mele akphawe-nga oyẹ-a’‡

<sup>36</sup> “Itobọ ona, mhia nono ni ẹẹ ẹgbọ iZireni nya a lolo lẹsẹ onana khi, Ẹshinegba ọ zẹ ọni iJesu ọnana ni a gbe-a shi apfida ọ khi Ọnọmhue ali iKirisiti.”

<sup>37</sup> Abi eni ẹgbọ e rọ suọ eni ingmemhi ena se, oo nase we udu. Ighọ ẹ li mhila iPita ali ighiusomhi na keẹ eni e kpọle, ẹẹ we, “Inyoghuo, Seẹ anye li ya kia ni Ẹshinegba ọ rọ ọ gbe olamhe kua na anye?”

<sup>38</sup> IPita ọọ, “Eẹ nya a mupfi ni anye ri eva oyi iJesu iKirisiti batazi ẹ, isheghọ ni Ẹshinegba ọ gbe olamhe kua na ẹ, itobọ khi eni e mie iJesu suọ a ke khi, ni a mie isomhopfa Ayẹmhe-nọ-pfuase. <sup>39</sup> Emini Ẹshinegba ọ shobọ ena, oyẹ ẹ lọ ali oyi imi ẹ, ali oyi ọgbọkpa ni Ẹshinegba ọ ya zẹ obiobini e la.”

<sup>40</sup> IPita ọ ngme ingmemhi ni e bu, ọ tse agua ye we, ọọ we, “A na pfue anasẹmhe ni ẹgbọ ikpamhika ena e ya me.” <sup>41</sup> Ighọ a li batazi eni e mie oni ungmehi suọ. Ẹgbọ agbele ese e khi ni e kuma igbaa oyi eni e mie iJesu iKirisiti suọ ọ ẹleghọ.

### *Ilakugbe oyi ighiusomhi eyi iKirisiti*

<sup>42</sup> Eni ẹgbọ e ri emini ighiusomhi na keẹ e seşẹ we gbe akanya, e ga kugbe, e le eminale kugbe (e le eminale no pfuase kugbe), e sọ iromhi kugbe. <sup>43</sup> Ọgbọkpa ọ mu ekpe ni o fune ẹ na Ẹshinegba irari ọlele ọnyaloa ali ọshabọ ebubu ni eni ighiusomhi na keẹ e gbe. <sup>44</sup> Eni e mie iJesu suọ nya e kudugbe, e kemhi emini e mhọli nya na egbe. § <sup>45</sup> Eni e mhọli ekẹ e ri ekẹ eyewe de, elese eni e mhọli itsua, e re we de, e wolọ ikpaghọ kugbe kemhi ni eni ẹa mhọli. <sup>46</sup> Ogbele kpa e rọ ọ legba elemhi apfe ni i la Owa Oyi Ẹshinegba. E ri oghẹle ali udu ni o pfuase nu egbe la apfe egbe e le eminale. E le eminale no pfuase. <sup>47</sup> Ee kuẹghie Ẹshinegba,

‡ 2:23 Li zẹ iMat 27.35; iMak 15.24; iLuk 23.33; iJon 19.18

† 2:30 Li zẹ Iwolo 132.11; 2 iSam 7.12-13

§ 2:24 Li zẹ iMat 28.5-6; iMak 16.6; iLuk 24.5

\* 2:28

‡ 2:35 Li zẹ Iwolo 110.1

§ 2:44 Li zẹ Ika 4.32-35



igho ẹgbọ e li somhi elemhi wẹ. Ogbẹle kpa Ẹshinẹgba ọ rọ ri ẹgbọ ni a mie e pfuese ma wẹ ọ.

### 3

#### *A ri ochegehẹ-awẹ-a ni ọọ lema ze*

<sup>1</sup> Ogbẹlẹghuo khi iPita ali iJoni ee je Owa Oyi Ẹshinẹgba ẹghẹghẹ agogo esẹ ọguota ni a la sọ iromhi. <sup>2</sup> A tsua ọmọse ni ọ rọte abi a te bia li guoghọ-a bhale ya shi ode unuekpẹ ni a lu Isomhotse oyi Owa Oyi Ẹshinẹgba. Akaghọ a tsua li bhale ya shito ni ọ te me asha mhila ẹgbọ ni ẹ lo oni Owa Oyi Ẹshinẹgba le ikpaghọ. <sup>3</sup> Abi ọ rọ me iPita ali iJoni khi e lo oni Owa Oyi Ẹshinẹgba, ọ mhila wẹ ikpaghọ. <sup>4</sup> Ighọ iPita ọ bino ọli alo tatata, ighọ li khi iJoni. iPita ọọ li, “Bino anye!” <sup>5</sup> Ighọ ọ li bino wẹ, ọ ri udu sa khi loli ya me wẹ emhi obọ mie.

<sup>6</sup> Ama iPita ọọ li, “Mhi aa mhue ukpaghọ ya ne, ama mhi ri emini mhi mhọli ne. Irari eva oyi iJesu iKirisiti onge iNazareti, vule ni u ke kia!” <sup>7</sup> Ighọ iPita ọ mu ọli obọ-ita vule. Udemhija, awẹ ali ili awẹ eyọli e na ya to. <sup>8</sup> Ighọ ọ ti vule migha, ọọ kia gase. Ọ nu wẹ lo elemhi oni Owa Oyi Ẹshinẹgba, ọ kia, ọ jino, ọ kuẹghie Ẹshinẹgba. <sup>9</sup> Abi ẹgbọ ni e la akaghọ nya e rọ me ọli khi ọ kia gase, khi ọ kuẹghie Ẹshinẹgba, <sup>10</sup> e lese oni ọ khi, khi loli ọ kpẹ ẹ shito ode unuekpẹ ni a lu Isomhotse e lema, oni ingme o sha ọgbokpa abọ, ẹa lese abi ọ li kia.

#### *IPita ọ nu eni e migha a fe ngme*

<sup>11</sup> Abi oni ọmọse ọ li mu iPita ali iJoni mhue eghọ, oshabọ o sha eni ebubu ẹgbọ, e kpikpi fie deba wẹ ya lo arakpha ni a lu Arakpha oyi iSolomoni ni o la oni Owa Oyi Ẹshinẹgba. <sup>12</sup> Abi iPita ọ rọ me abi eni ẹgbọ ee li, ọọ wẹ. “Eẹ ẹgbọ iZireni, elo o ze ni onana o rọ lighọ ri abọ sha ẹ ni a rọ lina a bino anye abine khi ekpabọ ali ipfuase eyi anye, anye rọ rọli ze?” <sup>13</sup> Ẹshinẹgba oyi Aburaamu, ali Aziki ali iGiekọpu, ni ọ khi Ẹshinẹgba oyi itita awa, ọ she ri ufumhi oyọli na iJesu, Oni ọọ ga li. Ama eri a rue ọli na ena omhese, a kie ọli odalo oyi iPaleti abi ọ tseku mhọli ọli shi udu khi loli ya rue

ọli obọ-a.\* <sup>14</sup> A kie iJesu oni ọ pfuase ali oni ọ guẹ ẹ ngeli, a ri ochoghọ lie iPaleti ọ rue ọgbọ ni ọ gbe ugbeli abọ-a na ẹ.† <sup>15</sup> Ama a gbe ọgbọ ni ọ ri ọgbọ a je agbọ-a. Ama Ẹshinẹgba ọ gbo guise ọli le abi ọ rọ ghua. Anye aava anye me ọli abi ọ rọ guale, anye rọ pfi ọtsele shi ọ. <sup>16</sup> Itobọ ekpabọ ni e la eva oyi iJesu anye rọ dobe ri ọmose ona ni a lese ni a fele ena ze, oni irudunga oyi oni ọmose loli o ze khi ọ ga ze pfo nya ni a ga me memena.

<sup>17</sup> “Inyoghuo-mhe, mhi lese khi emini ee ali eni e ralo na ẹ a riele iJesu, khi elemhi umhalese a te riele wẹ. <sup>18</sup> Ina Ẹshinẹgba ọ li ri ungmehi oyọli ya tse, oni ọ rọte eke rọte unu oyi emekeguele ngme khi iKirisiti ọ ya me osoli. <sup>19</sup> A zono khasẹ Ẹshinẹgba khi a pfido, ni a mu pfi deba Ẹshinẹgba, ni ọ shishi olamhe eye ẹ a, Ini a lighọ, ẹghẹghẹ iyemhe a ya rọte obọ oyi Onomhue bhale deba ẹ. <sup>20</sup> Ini ọọ ghie oni ọ shobọ bhale agbọ ghi awa kpa, ikhi iJesu, oni Omiepfuese. <sup>21</sup> IJesu ọ mema ya kie la obini iloghie ramhi ẹghẹghẹ ni Ẹshinẹgba ọ rọ ya mu emhikpa pfi gbo mele enegbọ-a, abi Ẹshinẹgba ọ li rọte unu oyi emekeguele eni e pfuase eyọli shobọ na awa ẹghẹghẹ ni o dose. <sup>22</sup> IMosisi ọ ngme ọli, ọọ, ‘Onomhue Ẹshinẹgba oye ọ ya rọte iteva oye mu Omekeguele nabi mhemhe vule na ẹ. A ya mema ri esọ shi ingmemhi ni ọ ya gueye ẹ.‡ <sup>23</sup> Oni ọa da ri esọ shi ọli ọ, Ẹshinẹgba ọ ya khi ọli ẹgbọ eyọli ku-a.’§

<sup>24</sup> “Egbegbọ lo khi emekeguele nya rọte iSamue ya je odalo, e kpẹ ngme emini a ya me ẹghẹghẹ oyawa shi eke. <sup>25</sup> Emini eni emekeguele enana e ngme, ee o go lu, a li mhọli okemhi shi ishobọ ni Ẹshinẹgba ọ shi na itita ẹ, ni ọ la lie Aburaamu, ‘Mhi ya rọte obọ oyi imimi ẹ khi vose na ẹgbọ na agbọ nya.’\* <sup>26</sup> Abi Ẹshinẹgba ọ rọ mu Oni ọọ ga oyọli vule, Ọ te odode ghie ọli ghi ẹ ni ọ khi vose na ẹ abi ọ rọ mu ẹ nyene lase ingmobe eye ẹ le.”

### 4

#### *IPita ali iJoni e migha odalo oyi Enighie shi ezọ*

\* **3:13** Li ze Okiali 3.15 † **3:14** Li ze iMat 27.15-23; iMak 15.6-14; iLuk 23.13-23; iJon 19.12-15 ‡ **3:22** Li ze iDeut 18.15,18 § **3:23** Li ze iDeut 18.19 \* **3:25** Li ze Igbae 22.18

1 Abi iPita ali iJoni e kie nu eni egbo o ngme, eni e e kekhe oni Owa Oyi Eshinegba ali egbo iSadusisi eghuo e bhale deba iPita ali iJoni. 2 Elemhi e bi we itobo khi eni ighiusomhi na ke e eyi iJesu ee sese eni egbo khi iJesu o rote eghuli guale. Eri onana guele khi egbo eni e ghu-a khi e gbo ya rote eva oyi iJesu guale. 3 Igho eni egbo e li mu iPita ali iJoni, irari obili o she bi elegho, e mu we shi owa ighumha ramhi ogbeakolo. 4 Ama ebubu egbo ni e suo ingme ni iPita o ngme e mie iJesu suo. Emose ni e ke miesuo e ya khi egbo agbele ishe.

5 Ogbeakolo, eni e mhesa eyi iJu ali eni egbhali ali esese Ishi eyi iMosisi eyi egbo iJu e legba iJerusalemu. 6 E ya me Oga oyi ekpodalo ugamhi ni a lu Anasi ali iKefasi, ali iJoni ali Alezada ali ena omhue-apfe oyi Oga oyi eni e ralo ugamhi. 7 Igho e mu iPita ali iJoni bhale iteva oyewe migha. E mhila we, "Ekpabo nabise ali eva oyoghuo a ro gbe akanya ona?"

8 Igho iPita ni Ayemhe-no-pfuase o vo egbe o we: "E e ighie eyi egbo ali egbhali, 9 A mhila anye amo akanya onete ni a gbe na oni o guogh-a ona, ali abi a li ro oli toto. 10 Emhi oghuo o la o ni anye ya gweye e ali egbo iZireni nya. Itobo eva oyi iJesu iKirisiti onge iNazarati, omose ona o ro migha iteva oyee ni o ro toto ngmala ena. Lori o khi oni iJesu ni a ta ma apfida, ni Eshinegba o rote eghuli guise le. 11 IJesu khi ogbo ni Ebe-no-pfuase o ngme ni oo,\*

"Eche ni itsona e kie pfia,  
o tigbe mele oni echeli ebe  
ni o mu eloe ne nya-a."

12 Imiepfuese o la la obo oyi ogbolese, irari khi eva olese o la ni Eshinegba o ro na ogbokhoghuo elemhi agbo onana ni awa ya te mholi imiepfuese."

13 Abi eni e mhesa na egbo iJu e ro me igbedu ni iPita ali iJoni e mholi, ni e ro ya lese khi egbo tse ni ea ye owa ebe e khi, abo e sha we, e me-we-me khi e kpe nu iJesu u kia. 14 Ama, abi e ro me omose ni a ro ze khi o nu we migha agho, ea ke mhue abi e ya ngme. 15 E gweye we e vu wewe iteva lase ne, igho e li nu egbewe ye ochi. 16 Ee,

"Se awa ya li eni emose ena?" Egbo kpa ni e la iJerusalemu e she lese ikanya onyaloa ni e gbe, o a ze awa ya tia. 17 Ini ingme ona o khi gbeke-a, awa mema tse agua ye we e khi gbo gbudu ri eva oyi iJesu nu ogbokhoghuo ngme.

18 Igho e lu iPita ali iJoni nyene egbe bhale elemhi oni owa ugamhi, e gweye we e khi me emini o re we gbo gbudu ri eva oyi iJesu nu ogbokhoghuo ngme wekhi iroli sese. 19 Ama iPita ali iJoni e we, "E e a so o ghue, ini o ya ti Eshinegba eloe, ini e e o fe ti ni anye suo eso na, ocho ni anye kha ro suo eso na Eshinegba. 20 Irari khi aa tigbe ya me khi anye ea ya gweye egbo emini anye me ni anye suo." 21 Abi e ro nyamhise we alo se, e zewe obo vu. E me khi ea ze we ya nase itobo khi egbo ni e la agho nya ee kuoghi Eshinegba shi itobo omose ni o a kpe dobe e kia ni e ro ze. 22 Irari khi oni omose ni a ri akanya onyaloa ro ze o dose ikpe egbhueva.

*Olema ni igbaa eni e mie iKirisiti suo e lema shi igbedu*

23 Abi a ro rue iPita ali iJoni abo-a, e le deba apfewe. E gweye we abi ighie eyi ekpodalo-ugamhi ali egbhali e ngme ewe. 24 Abi e ro suo ona, e ku unu a nyogho lema Eshinegba, ee, "Onomhue, ye ye u ma eke ali ukhuli ali oke oniemhi ali emini e la elemhi we nya.† 25 Ye ye u ri Ayemhe-no-pfuase rote unu oyi oghie iDefidi ita anye ni o khi oni oo ga oye lie,

"'Elo o ze ni ishishi egbo  
e ro o nyaghu  
ni egbo e ro o domhi mhe shi afue?"

26 Ni ighie ni e la agbo  
e ro mu egbe shi okholi,  
egbo eni e mhesa e tibili  
ni e ro mu okholi vule  
shi Eshinegba Onomhue o,  
ali iKirisiti ni o she ze.‡

27 Esheshi gho Erudu ali iPotiusi iPaleti e ya nu egbo iJeta ali egbo iZireni lona kugbe elemhi oni eoli ona. E gba kugbe, e gbe iJesu oni oo ga oye-a, oni u ze.§ 28 E riye emini u ri ekpabo ali oguemhe oye gba shi eke khi a ya me. 29 Ama memena, Onomhue, bino abi e lie domhi, ni u ri ekpabo na anye

\* 4:11 Li ze Iwolo 118.22 † 4:24 Li ze Okiali 20.11; iNee 9.6; Iwolo 146.6 ‡ 4:26 Li ze Iwolo 2.1-2 § 4:27 Li ze iMat 27.1-2; iMak 15.1; iLuk 23.1,7-11; iJon 18.28-29

eni ẹẹ ga eye, ni anye gbe udu ke ngme ungmehi oye. <sup>30</sup> Nise obọ-a ri ẹgbọ ke ze, u gbolo ẹ gbe ọlẹlẹ ọnyaloa ali ọshabọ rọte eva oyi iJesu Ọni ọọ ga ni ọ pfuase oye.”

<sup>31</sup> Abi e rọ lema se, elemhi owa ni e la oo jighise, Ayemhe-nọ-pfuase o tiemhie shi wẹ ọ, ọ ri igbedu na wẹ ẹ ngme ungmehi oyi Ẹshinẹgba.

### *Igbaa oyi eni e mie iJesu iKirisiti suo ee kemhi itsua na egbe*

<sup>32</sup> Igbaa oyi eni e mie iJesu iKirisiti suo e mhọli udu ali usamhi oghuo. Ọngewẹ ọa ke liẹ khi eri lọli mhọli emhikhoghuo ọtsobọ oyelue, ama eri e ku emhikpa gbe ke mhọli.\* <sup>33</sup> Eni ighiusomhi na keẹ e ri ekpabọ ọ pfi ọtsele je odalo shi ungmehi irọte-eghuli guale oyi iJesu Ọnomhue. Ẹgbọ nya e mu ekpe ẹ na wẹ. <sup>34-35</sup> Aa me ọngewẹ ni emhikhoghuo o to. Irari khi ẹghẹghẹ kpa, eni e mhọli ekẹ ali apfe e rọ rewe ẹ de, e rue eni ikpaghọ ni e re wẹ de bhale ufuege oyi ighiusomhi na keẹ. E kemhi wẹ na ọgbogbo abi o li to ọli.

<sup>36</sup> Ighọ iJosefu ni ọ khi unuekpe oyi iLiva, ni a bia shi ekẹ iSapurosi. IBanabasi, eni ighiusomhi na keẹ ee lu ọli. Emini a ri eva ona ngme khi Ọrudushi-ẹgbọ ọ. <sup>37</sup> IBanabasi ọ ri ekẹ ni ọ mhọli de, ọ rue eni ikpaghọ ni ọ rọli de bhale ya shi ufuege oyi ighiusomhi na keẹ.

## 5

### *Ananayasi ali iSafira*

<sup>1</sup> Ọmose oghuo ọ la ọ ni a lu Ananayasi ali ughue ọli iSafira, e ku abọ gbe ri ekẹ oyewe de. <sup>2</sup> Ọ te eni ikpaghọ ni ọ ri oni ekẹ de rue sheli na egbọli, ughue ọ lama shi ọli ọ. Ọ tsua ikhukhui eni ikpaghọ ghi ighiusomhi na keẹ.

<sup>3</sup> Ighọ iPita ọọ, “Ananayasi, elo o ze ni u rọ ze ni ọkphaghie ọ lo ẹ udu, ni u rọ lo ẹgbọli khasẹ Ayemhe-nọ-pfuase, ni u rọ rọte eni ikpaghọ ni u ri oni ekẹ de rue shi na egbe ẹ? <sup>4</sup> Óa khi oye oni ekẹ o khi neni u rọli de? Abi u rọ rọli de se, eni ikpaghọ ẹa kie khili eye? Elo o reẹ sa usamhi onana? Ọa khi ọgbọ u lo ẹgbọli khasẹ ama Ẹshinẹgba!”

\* 4:32 Li zẹ Ika 2.44-45

<sup>5</sup> Abi Ananayasi ọ rọ suo ungmehi ona se, ọ de ekẹ, ọ ghua. Ulishi oniemi o ku rughu ẹgbọ kpa ni e suo emini a me. <sup>6</sup> Ighọ izeo e rọte iteva oyewe fie lasele ya ri ide khuli olimhi oyọli, e tsua li fie je olase ya rọ to.

<sup>7</sup> Iwakati ese e lese na dose te, ughue ọli ọ lole, ọa lese emini a me. <sup>8</sup> IPita ọ mhila li, ọọ, “Gueye mhe ghue, ingme ni yeye ali Ananayasi ọdọ a ri oni ekẹ de na?”

Ọọ li, “Ii.” “Ighọ anye ri oni ekẹ de.”

<sup>9</sup> IPita ọọ, “Se ẹẹ ava-ava a li yemhe shi oghuo ni a mhesẹ Ayemhe-nọ-pfuase bino? Emose ni e tsua ọdọ ya to lena e la ode kia bhale. Wewe e gbo li tsue ya to!”

<sup>10</sup> Utoghuokpe ọ de ekẹ, ọ ghua. Eni emose e bhale, e ya ẹ khi ọ she ghua, ighọ e tsua li ya to mama ọdọli. <sup>11</sup> Ulishi oniemi o mu igbaa oyi eni e mie iJesu iKirisiti suo nya ni e suo emini a me.

### *Eni Ighiusomhi na ke e ri eni ee ghua ebubu ze*

<sup>12</sup> Eni ighiusomhi na keẹ e gbe ebubu ọlẹlẹ ọnyaloa ali ọshabọ ọdọda iteva oyi eni ẹgbọ. Igbaa oyi eni e mie iJesu iKirisiti suo e lona Arakpha oyi iSolomoni na elemhi Owa Oyi Ẹshinẹgba elemhi ikudugbe. <sup>13</sup> Ọgbokhoghuo ọa gbudu kugbe wẹ ọ aboriẹkhia khi ẹgbọ nya e ri ekpe na wẹ. <sup>14</sup> Abi o rie khi ighọ, eri ebubu emose ali ikpotso elese e mie Ọnomhue suo, a ku wẹ ma igbaa oyi eni e mie iJesu iKirisiti suo. <sup>15</sup> Irari ikanya ọnyaloa ni ighiusomhi na keẹ e gbe, ẹgbọ e tsua ẹgbọ ni ẹa ze bhale ode ifu apfe rewe yeshi ukpho ali iya, ini akphakpha oyi iPita oo nga wẹ egbe ini ọọ dose. <sup>16</sup> Olele ẹgbọ e rọte ẹoli ni e la gase iJerusalemu bhale. E tsua ẹgbọ ni ẹa ze ali eni e mhọli ayemhe ọkphaghie bhale, ighọ a ri wewe nya ze.

### *A mu okhọli vule shi Ighiusomhi na ke ọ*

<sup>17</sup> Ọga oyi ekpodalo ugamhi ali apfọli ni e ga rọ la otu oghuo ni a lu otu iSadusisi, e kpe ofuma a deba ighiusomhi na keẹ. <sup>18</sup> E muno eni ighiusomhi na keẹ ku lo owa ighumha. <sup>19</sup> Ama eliyose, aḡeni ọ khueghie ode oyi oni owa ighumha-a na wẹ, ọ rue wẹ ya lase. <sup>20</sup> Ọọ wẹ, “A ke vu, a je elemhi ogba

na Owa Oyi Eshinegba ya migha ni a gueye egbọ usomhi onete oyi agbọ onogbọ ona.”

<sup>21</sup> Abi ogbe o rọ gbe-a, eni ighiusomhi na kee e dose lo Owa oyi Eshinegba, ee sese. Abi Oga oyi ekpodalo ugamhi ali apfoli ni e rọ ga la otu oghuo e rọ bhale, e lu ilegba oyi eni egbhali eyi egbọ iZireni (ni a lu iSaediri), igho e lu eni e ri eloe e khu owa ighumha e ka wolọ eni ighiusomhi na kee igha ghi ewe. <sup>22</sup> Ama abi e rọ ramhi agho, e bhale ya e khi eni ighiusomhi na kee ea la oni owa ighumha, igho e nyene egbe je ya gueye eni e ghie we. <sup>23</sup> E li, “Anye bhale ya e khi a so okpe owa ighumha gba-i! Khi ekhekhe e migha unu ode. Ama abi anye rọ khueghie eni ode-a lo elemhi agho, anye ea me ogbokhoghuo elemhi agho.” <sup>24</sup> Abi e rọ suo ona, abo e sha oghie oyi eni e khe ekhe Owa Oyi Eshinegba, ali ighie eyi ekpodalougamhi, itobo khi ea dobe lese udi emini a me ena idiegbe oyi ighiusomhi na kee. Oni ingme o a ze we sa.

<sup>25</sup> Igho omose oghuo o bhale we iteva, o o we, “A bino! Egbọ ni a mu shi owa ighumha e la Owa Oyi Eshinegba a sese egbọ!” <sup>26</sup> Igho eni e khe ekhe e vu ya mu eni ighiusomhi na kee. Ea ri itoto riele oli itobo khi ulishi eni egbọ o mu we ini e ya tonu we eche.

<sup>27</sup> E muno eni ighiusomhi na kee bhale ya migha agbala, oni oghie oyi ekpodalougamhi eyi Eshinegba o mhila we ogbo. <sup>28</sup> “Anye tse agua gueye e aa khi ke ri eva ona sese egbọ. Ama a kiele e sese egbọ, osese oye e o gbhiaku eke iJerusalemu nya. A yese ni egbọ e ya ke dabi khi anye gbe iJesu-a!”\*

<sup>29</sup> IPita ali ighiusomhi na kee eni e kpole e we, “Anye mema ya ri oyi Eshinegba gbe dose oyi egbọ.” <sup>30</sup> Eshinegba oyi itawa o rote eghuli guise iJesu le, oni a soli-a shi oora gbe-a. <sup>31</sup> Eshinegba o she yase oli nga obita ni o pfuase oyoli abi Omi Oghie ali Omiepfuese, ni o o ri eghenge na iZireni gbo mholi imupfi ali igbekua shi olamhe. <sup>32</sup> Anye khi otsele shi eni ingme ena nya, igho li khi Ayemhe-no-pfuase, ni o khi isomhopfa ni Eshinegba o rona eni e suo eso na li. <sup>33</sup> Abi e rọ suo ona, e pfaa, e nono abi e li ya gbolo we-a. <sup>34</sup> Ama iGamalie ni o khi otu iFarisi ni o o sese Ishi eyi iMosisi, ni

o khi oni egbọ e ri ekpe e na, o vule migha elemhi oni igbaa oyi eni egbhali, o a wolọ we fie ne ukuku eghenge. <sup>35</sup> Igho o o we, “Ee emose iZireni a kuegbe-a sa emini a nono khi a ya riele eni emose ena. <sup>36</sup> Eghenge ni o dose, omose oghuo ni a lu iTeudasi o lasele, o o lu egboli emhi, egbọ egbhueshe asha ene e kpikpi deba li. Abi a rọ gbe oli-a, egbọ eyoli e gbhiaku-a, oni okiali oyoli o mele afue-a. <sup>37</sup> Ijudasi ongi iGalili o gbo lasele eghenge ni a rọ leli egbọ, loli ali egbọ eyoli e pfi onyaghu. Abi a rọ gbe oli a egbọ eyoli e gbhiaku-a. <sup>38</sup> Irarigho, mhi ye e ude shi idiegbe oyi egbọ ena, a ze we obo! Ze we obo ni e vu! Ini emini e rọ bhale khi obo oyi ogbo o te bhale, e ya de. <sup>39</sup> Ama ini o khi obo oyi Eshinegba o te bhale, aa ya tigbe dobe mu we gba, ama khi Eshinegba a nu e kholi.”

<sup>40</sup> Oni ungmehi ni o ngme o lo we udu. E lu eni ighiusomhi na kee lasele, e gbe we itali, e gueye we e khi ke ngme ingme oyi iJesu, e ze we obo vu. <sup>41</sup> Eni ighiusomhi na kee e rote agho vu, ee ghele khi wewe e li te o na ri omama a mu shi eva oyi iJesu. <sup>42</sup> Ea tigbe yemhe-a, ogbele kpa e rọ o sese, ni e gbo rọ o tse abo usomhi onete khi iJesu o khi Omiepfuese, elemhi ogba na Owa oyi Eshinegba ali rote owa ya je owa.

## 6

### *Emose oshilua ni a ze*

<sup>1</sup> Eghenge ni a ngme ena khi igbaa oyi eni e mie iJesu iKirisiti suo khi ee ke bu shi o, egbọ iJu eni ee ngme elemhi iGiriki elemhi we, ee wolọ khi egbọ iJu eni ee ngme elemhi Iburu, e ri ukpeloe e gbe esamhi-olimhi eyi wewe ini ee kemhi eminale ogbele kpa. <sup>2</sup> Igho ighiusomhi ogbava e luno igbaa oyi eni e mie iJesu iKirisiti suo nya kugbe, ee we, “Oa ti ni anye pfi akanya itsabo ungmehi oyi Eshinegba shi eke, ni anye so alo ghue eminale ikemhi. <sup>3</sup> A ze emose oshilua elemhi iteva oye e, ni a lese khi e mholi Ayemhe-no-pfuase ali ileingme. Ni awa ri akanya ireloe-khu ingme eminale ali itsua ikemhi na we. <sup>4</sup> Ishegho, ni anye me asha ri eloe shi iromhi isoso ali itsabo usomhi onete.”

\* 5:28 Li ze iMat 27.25

<sup>5</sup> Oni akhokhomhe ona o ga ghole egbo kpa ni e le gba. E ze iSitivini ni o mholi irudunga ali Ayemhe-no-pfuase, ali iFilipu, ali iPamenasi, ali iNikolasi ni o khi ongi Atioki ni a mu pfi je irudunga oyi egbo iJu. <sup>6</sup> E ri egbo ena khase eni ighiusomhi na kee, eni ighiusomhi na kee e ri abo nga we ukhomhi lema na.

<sup>7</sup> Igho ungmehi oyi Eshinegba oo ge shi o. Igbaa oyi eni e mie iJesu iKirisiti suo e bu shi o elemhi iJerusalemu. Ebubu ekpodalo-ugamhi eyi Eshinegba e lama shi oni irudunga.

### *A mu iSitivini*

<sup>8</sup> ISitivini, omose ni Eshinegba o khivose na, o mholi ekpabo oyi Eshinegba ro gbe ikanya onyaloa ali oshabo iteva oyi egbo.

<sup>9</sup> Ama egbo eghuo ni e khi igbhogbho na owa ugamhi oyi eni e kpe khi ighumha, e nu iSitivini i khako. IJu eni egbo ena e khi ni e rote eke iSairini, ali Alezadira bhale ali eni e rote eke iSilisha ali Esha bhale, ni e ke ngeli iJerusalemu. <sup>10</sup> Ama ea dobe nu ileasingme ali Ayemhe ni o ro o ngme khe abo.

<sup>11</sup> Igho e bena tan o shi egbo eghuo elemhi, e lie, "Anye suo abi iSitivini o ro pfi unu-a deba iMosisi ali Eshinegba."

<sup>12</sup> Igho e ngmiashe eni egbo ali eni egbhali ali eni e sese Ishi eyi iMosisi. E mu iSitivini bhale ilegba oyi eni ee mheshe ali eshe-ez o eyi egbo iJu ni a lu iSaediri. <sup>13</sup> E wolo egbo lasela ni e pfi otsela egbhali khi, "Omose ona o tige yemhe-a ingme-ingmemhi ipfiunu-a ni o ngme e deba Owa Oyi Eshinegba no pfuase ali ushi. <sup>14</sup> Irari khi anye suo khi oo li khi iJesu onge iNazareti ona, o ya guogh o Owa oyi Eshinegba oyi egbo iJu-a, o ya gbo mu ighuighue ni iMosisi o ro shi eke na anye pfi."

<sup>15</sup> Egbo ni e la oni ilegba nya ee bino iSitivini, e me khi alo eyoli e ge nyanyanya abi alo eyi ageni.

## 7

### *Ungmemhi ni iSitivini o ngme*

<sup>1</sup> Igho Oga oyi ekpodalo ugamhi o mhila li, oo li, "Igesikia ingme ni a gue shi e egbe ena e khi?"

<sup>2</sup> ISitivini oo li, "Inyoghuo ali ita ni e le gba, a ri es o shi mhe eke! Eshinegba ni o mholi ufumhi, o ri egbe khase ita awa Aburaamu abi o ro kie la eke iMesopotemia, neni o tige je eoli Arani ya la. <sup>3</sup> Eshinegba oo li, 'Lase eke ali iteva oyi egbo eye le, ke je eke ni mhi ya rokhase e.'\*

<sup>4</sup> "Igho o rote oni eke iKadia vu ya la eoli Arani. Abi itali o ro ghu-a se, Eshinegba o ghie oli je eke ni a ngeli ogbe namo.†

<sup>5</sup> Oa ri ugu okhoghuo akana na li, wekhi ukuku eke okhoghuo o khi na li. Ama khi Eshinegba o she kpe shobo na li khi loli ali imimi oli, e ya le ugu oni eke, abi o ro tseku khia khi eghenge agho Aburaamu o bia om o okhoghuo ne.‡ <sup>6</sup> Ina Eshinegba o li nu oli ngme. 'Imimie e ya khi epfese shi eke ni o a khi oyewe, e ya khi ighumha, a nase we elemhi ikpe egbhueshe asha ene.

<sup>7</sup> Eshinegba oo, ama mhi ya nase ushishi ni e ya muno we ighumha. Ini mhi nase we na we se, e ya rote ushishi ogho lasela bhale eke ona ya ngeli, e gbo la akana a ga mhe.S\* <sup>8</sup> Igho Eshinegba o nu Aburaamu shobo ishele-a ni o ya khi irokhase khi ogho o mhue ob o shi oni ishobo. Igho Aburaamu o bia Aziki, o shele oli-a abi o ro gbe ogbele elele. Igho Aziki o gbo li khi ita iGiekopu, iGiekopu o gbo li khi ita emose ogbava ni e khi ititawa.†

<sup>9</sup> "Itobo khi eni imi iGiekopu ee do iJosefu okonyo, e roli de abi oghumha ya je eke ijipiti. Ama Eshinegba o nu oli la.‡ <sup>10</sup> O tsumhi oli ob o ikphakphamhe nya. O ri ileasingme na iJosefu, o gbo kpaghie oli ob o ni ingme oyoli o ro ghole iFero ni o khi oghie oyi eke ijipiti. Igho oni oghie o roli leghie ukhomhi ijipiti ali agbala oyoli nya.S

<sup>11</sup> "Igho okiamhi oniemhi o la eke ijipiti ali iKena a pfi ni o pfi osoli oniemhi na ititawa ni ea ke ro me eminale e le.\* <sup>12</sup> Abi iGiekopu o ro suo khi eminale e kpoku shi eke ijipiti, o ghie imioli ni e khi ititawa je

\* 7:3 Li ze Igbae 12.1 † 7:4 Li ze Igbae 11.31; 12.4 ‡ 7:5 Li ze Igbae 12.7; 13.15; 15.18; 17.8 § 7:7 Li ze Igbae 15.13; Okiali 3.12 \* 7:7 Li ze Igbae 15.13-14 † 7:8 Li ze Igbae 17.10-14; 21.2-4; 25.26; 29.31-35.18 ‡ 7:9 Li ze Igbae 37.11,28; 39.2,21 § 7:10 Li ze Igbae 41.39-41 \* 7:11 Li ze Igbae 42.1-2 † 7:13 Li ze Igbae 45.1,16

oobọ ya bino odode. <sup>13</sup> Utonuzeva ni e ke ye, ọni iJosefu ọ gueye inyoghuo ọli ọni loli khi, agho iFero ọ la lese egbo eyi iJosefu.† <sup>14</sup> Igho iJosefu ọ ghie ya rue itali iGiekọpu ali egbo eyoli nya ni e kugbe khi oshe ẹa la egbhue.‡ <sup>15</sup> Igho iGiekọpu ọ je eke ijipiti, ashini loli ali ititawa e ghu-a shi.§ <sup>16</sup> A tsua ilimhi eyewe nyene egbe je iShekemu ya ro to uji ni Aburaamu ọ ri ikpagho nu unuekpe oyi Amoni de.\*

<sup>17</sup> “Abi oni egheghe o ro ti ramhi ni Eshinẹgba ọ ro ya ri ishobo oyoli tse na Aburaamu, egbo eyawa ni e la ijipiti e lolo bu shi ọ. <sup>18</sup> Igho oghie olese ni ọa lese emhikhoghuo ingme oyi iJosefu ọ ke la ukpekhomhi shi eke ijipiti.† <sup>19</sup> Oo na egbo eyawa osoli obe, ọ jili ititawa, ọ ri itoto lie we, e pfino imiwe kua ni eni eniye e ba ghuloa.‡

<sup>20</sup> “Oni egheghe a ro bia iMosisi, ni ọa khi omọ na tse. A la owa oyi itali kuele ọli iki ese.§ <sup>21</sup> Abi ee ke ro dobe roli sheli, e rue ọli ya shi epfe oke. Omi iFero ni okpotso ọ me ọli rue, ọ kuele ọli abi omi ọli.\* <sup>22</sup> IMosisi ọ wena owena ali iletingme oyi ijipiti, ekpabo o la emue oyoli ali emini oo riele.

<sup>23</sup> “Abi iMosisi ọ ro gbe ikpe egbhueva, ọ mhọli shi udu khi loli le ya bino egbo eyoli ni e khili egbo iZireni. <sup>24</sup> Igho ọ me khi ongi ijipiti oo nase ongi iZireni. Igho ọ li ye odose, ọ gbe ongi ijipiti-a. <sup>25</sup> Eri iMosisi ọ dabi khi egbo eyelue e ya me ọli me khi eri Eshinẹgba ọ re lue e tsumhi egbo eyoli, ama ẹa ligho me ọli me. <sup>26</sup> Ogbeakolo khi iMosisi ọ bhale ya e khi egbo iZireni aava e nu egbewe e kholi, oo nono ni loli rewe riele. Oo we, ‘Elo o ze ni ee ni a gbo li khi inyoghuo egbe a ro nu egbe e a kholi?’

<sup>27</sup> “Ama oni ọa gueli ni ọ la ọ ọ ghi iMosisi abo pfa, oo li, ‘Oghuo ọ re khi oni oo mhesẹ na anye ali oni oo so ezọ na anye?’ <sup>28</sup> Eri u wa nono ni u li gbe mhe-a abi u li gbe ongi ijipiti a oode?’ <sup>29</sup> Abi iMosisi ọ ro suo ona, ọ

na pfa je eke oyi iMidiani ya la abi opfese, ọ bia eniye aava shi agho.†‡

<sup>30</sup> “Ikpe egbhueva e dose se, aḡeni ọ ri egbe khase iMosisi elemhi elemhi erali ni oo to ukhomhi ebuli. <sup>31</sup> IMosisi ọ me ọli, o sha li abo. Oo le ni ọ ya bino, uruli oyi Onomhue o lu ọli, oo li, <sup>32</sup> ‘Mhemhe mhi khi Eshinẹgba oyi itita e, Eshinẹgba oyi Aburaamu ali oyi Aziki, ali oyi iGiekọpu.’ IMosisi oo guo elemhi ulishi, ọa ke gbudu bino oobọ.

<sup>33</sup> “Onomhue oo li, ‘Gueghie ekuẹ ni u so, eke ni o pfuase u migha. <sup>34</sup> Mhi she me ajilimhe ni egbo eyemhe ni e la ijipiti e me memena. Mhi she suo ekperumhe oyewe, mhi she bhale ya mie we pfuese. Bhale memena khi mhi ya ghie e nyene egbe je eke ijipiti.’§

<sup>35</sup> “Oni iMosisi ọna egbo eyoli e ke ekpe kie, ni ee ọ li, ‘Oghuo ọ re khi oni ọ mhesẹ e na anye ali oni oo so ezọ oyi anye?’ Eshinẹgba lolighuo ọ ri aḡeni ni ọ ri egbe khase ọli elemhi elemhi erali ni e to ghie iMosisi ọ ka khi oni oo mhesẹ ali omiepfuese oyewe.\* <sup>36</sup> Loli ọ rewe ya fie lase eke ijipiti, ọ la eke ijipiti ali obini Oke Ifulo ali udu oyemhi elemhi ikpe egbhueva gbe akanya onyaloa ali irokhase.†

<sup>37</sup> “IMosisi lolighuo oo egbo iZireni, ‘Eshinẹgba ọ ya rote elemhi e ghie omekeguele onabi mhemhe ghi e.‡ <sup>38</sup> O la iteva ebubu egbo elemhi udu oyemhi, li shi aḡeni ni ọ ke nu ọli ngme ukhomhi ute iSinai, li she ititawa, ọ mie ungmehi ni o ri agbo ọ na ogbo, ọ rue ọli na awa.§

<sup>39</sup> “Ama eni ititawa ẹa nono ni wewe e suo eso na li, eri e kie iMosisi, e ri udu oyewe nyene egbe ukhoko je eke ijipiti. <sup>40</sup> Ee Eroni, ‘Mama ikhumhi na anye ni e ya ri anye ke kia, irari khi anye ẹa lese abi iMosisi ni ọ rue anye te ijipiti lasele ọ ke li kia.\* <sup>41</sup> Oni egheghe eni egbo e ro mama ikhumhi ni o li abi ozele ena, ee luase ọli, e ghele shi oni ikhumhi ni e ri abo eyewe mama.† <sup>42</sup> Igho Eshinẹgba ọ so ukhoko gbe

‡ 7:14 Li ze Igbae 45.9-10,17-18; 46.27 § 7:15 Li ze Igbae 46.1-7; 49.33 \* 7:16 Li ze Igbae 23.3-16; 33.19; 50.7-13; ijosh 24.32 † 7:18 Li ze Okiali 1.7-8 ‡ 7:19 Li ze Okiali 1.10-11,22 § 7:20 Li ze Okiali 2.2 \* 7:21 Li ze Okiali 2.3-10 † 7:29 Li ze Okiali 18.3-4 ‡ 7:29 Li ze Okiali 2.11-15 § 7:34 Li ze Okiali 3.1-10 \* 7:35 Li ze Okiali 2.14 † 7:36 Li ze Okiali 7.5; 14.21; iNqba 14.33 ‡ 7:37 Li ze iDeut 18.15,18 § 7:38 Li ze Okiali 19.1-20.17; iDeut 5.1-33 \* 7:40 Li ze Okiali 32.1 † 7:41 Li ze Okiali 32.2-6

we, ọ zẹ ni e ga ovo, ali uki, ali ikpētata abi a li kẹkẹ ọli shi ebe emekẹguele, ni ọọ:

“ Ẹẹ ẹgbọ iZireni,

abi a rọ la udu oyemhi

ikpe egbhueva a luasobo,

mhemhe a ri iluasobo na?

<sup>43</sup> A yase okula oyi

ikhumhi iMoleki

ali ukpētata oyi iRefani,

ni e khi ikhumhi ni

a ri abọ mama ni a ga.

Irarigho, mhi ya ri ẹgbọ bhale

ya mu ẹ okholi vu,

e tsua ẹ dọse obini eke iBabilo.†

<sup>44</sup> “Ititawa e mholi igholo oyi otsele obini elemhi udu oyemhi. Abi Eshinegba ọ li khokho li ye iMosisi, igho ọ li riele ọli.‡

<sup>45</sup> Abi e rọ le oni igholo ugu se, iJoshua ọ tsua li ma egbe bhale eke oyi ishishi ni Eshinegba ọ khu kua na we. O nu we la ramhi ẹghẹghẹ oyi iDefidi.\*

<sup>46</sup> IDefidi ni Eshinegba ọ ri afu na ọ mhila li ini loli to owa na Eshinegba oyi iGiekopu† <sup>47</sup> Ama iSolomoni ọ to owa na Eshinegba.‡

<sup>48</sup> “Abibi o ririe li, a lese khi Eshinegba no Yagha ne Nya ọa ya la owa ni ẹgbọ e ri abọ to. Loli o zẹ khi Azaya ọmekẹguele ọ guele khi.

<sup>49</sup> “Eshinegba ọọ, ‘Iloghie o khi

ukpekhomhi ni mhia shito.

Eke agbo o khi

akphawe-nga oyemhe.

Owa nabise ẹẹ ẹgbọ

a ya tigbe to na mhe?

Asha no ghuo o ya gua mhe la?

<sup>50</sup> Ọa khi mhemhe-ghuo

mhi ma eni emhi ena nya?”§

<sup>51</sup> “Ẹẹ ẹgbọ usueso-akhue ni e zese udu oyewe-a khali igba zuse esọ. A li abi itita ẹ, ni e kie Ayemhe-no-pfuase.\* <sup>52</sup> A famhi me ọmekẹguele okhoghuo ni itita ẹ ẹa mu okholi vule shi ọ? Eri e gbo gbolo eghuo-a, ni e me eke guele khi, Oni ọọ suo esọ na Eshinegba ọ ya bhale. Memena ẹẹ a she rọ oni iKirisiti ọna de, a gbe ọli-a. <sup>53</sup> Ẹẹ ni a rote obọ oyi ageni ni Eshinegba ọ ghie mie ishi, ẹẹ aà kie gbo ri eni ishi gbe akanya.”

‡ 7:43 Li zẹ Emo 5.25-27 § 7:44 Li zẹ Okiali 25.9,40 Okhe 17.1-14 † 7:47 Li zẹ 1 Ighie 6.1-38; 2 Okhe 3.1-17 Li zẹ Ika 22.4-5; 26.9-11

### *A tono iSitivini eche*

<sup>54</sup> Abi eni igbaa eyi iSahediri e rọ suo ingmemhi ena, e pfaa na li ramhi ni e rọ gbe akọ akọ. <sup>55</sup> Ama iSitivini ni ọ mholi Ayemhe-no-pfuase ọ yase alo idane, igho ọ me ugemhi oyi ufumhi oyi Eshinegba, ali iJesu khi ọ migha obita oyi Eshinegba. <sup>56</sup> Igho iSitivini ọọ, “Mhi me khi iloghie o khueghie-a, mhi gbo me iJesu oni Omi Ogbo khi ọ migha obita oyi Eshinegba.”

<sup>57</sup> Abi eni igbaa eyi eni iSahediri e rọ suo ona, e ri abọ khukhu esọ. E tsele leghe, e ve rughu ọli. <sup>58</sup> E tialo ọli fie ifuapfe je ukhokho oni ọli, ee tono ọli eche. Eni ee tono ọli eche e gueghie itsua ni e so na omose oghuo ni a lu iSolu mhue. <sup>59</sup> Abi e rọ ọ tono iSitivini eche, ọ so iromhi, ọọ, “iJesu Onomhue, kpekpe kpe abọ mie ayemhe oyemhe.” <sup>60</sup> Ọ de wugha, ọ tsele, ọọ li, “Onomhue, kpekpe khi ri olamhe ona mu ota so we.” Abi ọ rọ ngme ona se, ọ ghua.

## 8

<sup>1-2</sup> Igho iSolu ọ migha we ukhokho shi igbe-a oyi iSitivini. Abi iSitivini ọ rọ ghua se, ẹgbọ eghuo ni e mholi ulishi oyi Eshinegba e ya roli to. E vie evie oyoli egbegbo.

### *Igbaa oyi eni e mie iJesu iKirisiti suo e gbhiaku-a irari ajilimhe*

Elegho ukpokpomhi ajilimhe o lasela shi igbaa oyi eni e mie iJesu iKirisiti suo ni e la eke iJerusalemu ọ. Eni ighiusomhi na kee egho e miatse ku eke iJudia ali iSameria. <sup>3</sup> Ama iSolu ọ roshaka a yese igbaa oyi eni e mie iJesu iKirisiti suo-a. Ọ kia owa khi owa muno we shi owa ighumha, ghe emose, ghe ikpotso.\*

### *Abi iFilipu ọ rọ la iSameria*

<sup>4</sup> Igbaa oyi eni e mie iJesu iKirisiti suo egho ni e kia miatse ku, e kia a gue ungememhi oyi iJesu le asha ni e ramhi kpa. <sup>5</sup> IFilipu o je eke iSameria. O la oobo ọ gueye ẹgbọ khi iJesu ọ khi iKirisiti ni a shobo. <sup>6</sup> Abi ebubu ẹgbọ e rọ me ikanya oshabo ni iFilipu ọ gbe, e nyanya mie shi emini ọ ngme. <sup>7</sup> IFilipu ọ kha da lema na

\* 7:45 Li zẹ iJosh 3.14-17 † 7:46 Li zẹ 2 iSam 7.1-16; 1 § 7:50 Li zẹ Aza 66.1-2 \* 7:51 Li zẹ Aza 63.10 \* 8:3

eni e mh̄oli ogbh̄o ne, eni eḡb̄o e kpa oni ogbh̄o p̄fia. Ebubu eni e guogh̄o-a ali eni e ghua e toto nya. <sup>8</sup> Ukpokpomhi ogh̄eḷe o la oni ̄oli ogh̄o.

*ISam̄o ni ̄oḷi obo*

<sup>9</sup> Om̄ose ogh̄uo ̄o laḷo ni a lu iSam̄o. Eḡbegbi obo ̄o la iSameria ̄e li. ̄O kia ri obo ni ̄o li tonoo boḷo udu. <sup>10</sup> Eḡb̄o nya e ri ekpe ̄e na li. Eḡb̄o od̄oda ee li ̄e li, “Om̄ose ̄ona Esh̄ineḡba ̄o ri ekpab̄o nali a gbe ikanya.” E lu ̄oli ekpab̄o ni o fu. <sup>11</sup> Ingme ni ̄o ngme kpa, e r̄o ̄o shi itob̄o oshab̄o ni ̄o ri ogbh̄o oȳoli i gbe ni o she t̄ese. <sup>12</sup> Ama iFilipu ̄o gueye w̄e ingme oyi Eghiele oyi Esh̄ineḡba ali iJesu iKirisiti, e mie shiḷo. ̄O batazi w̄e, ghe ikpotso ghe em̄ose. <sup>13</sup> ISam̄o ̄o li miesuḷo, iFilipu ̄o li batazi ̄oli. ̄O deba iFilipu u kiakia irari ikanya ̄onyaloa ali oshab̄o nefun̄e ni ̄o m̄e khi iFilipu ̄o gbe.

<sup>14</sup> Abi ighiusomhi na keḷe ni e la iJerusalemu e r̄o suḷo khi eḡb̄o iSameria e mie ungm̄emhi oyi Esh̄ineḡba suḷo, e ghie iPita ali iJ̄oni ghi w̄e. <sup>15</sup> Abi iPita ali iJ̄oni e r̄o ramhi iSameria, e s̄o iromhi na eni e miesuḷo ni e la oob̄o Ayem̄he-n̄o-pfuase ̄o tiemhile shi w̄e egbe. <sup>16</sup> Ayem̄he-n̄o-pfuase ̄o kie kpe tiemhile shi ̄onḡe w̄e egbe ne, eri a kpe l̄ese ri eva oyi iJesu On̄om̄hue batazi w̄e. <sup>17</sup> Abi iPita ali iJ̄oni e r̄o ri ab̄o nga w̄e ukhomhi, Ayem̄he-n̄o-pfuase ̄o tiemhile shi w̄e egbe.

<sup>18</sup> Abi iSam̄o ̄o r̄o m̄e khi eḡb̄o ni eni ighiusomhi na keḷe e ri ab̄o nga ukhomhi kpa khi e mie Ayem̄he-n̄o-pfuase, ̄o nise ob̄o-a ni l̄oli ri ikpagh̄o na w̄e. <sup>19</sup> Oḷo w̄e. “A li ri oni itoto na mh̄e ni mhi ke ri Ayem̄he-n̄o-pfuase na ogb̄o ini mhi da ri ob̄o nga li ukhomhi ne.”

<sup>20</sup> Ama iPita ̄oḷi, “Yeḷe ali ikpagh̄o eye a li opfu-a, itob̄o khi u sa khi u ya doḷe ri ikpagh̄o d̄e isomhopfa oyi Esh̄ineḡba. <sup>21</sup> Itob̄o khi u waa mh̄oli ob̄o shi akanya onana, irari khi udu oȳe ̄o pfuase deba Esh̄ineḡba. <sup>22</sup> Irarigh̄o, mu udu pfi deba Esh̄ineḡba. U lema li ni ̄o gbe olam̄he kua ne, ot̄se ̄o ya gbe isamhi ebe ni u mh̄oli shi udu kua ne. <sup>23</sup> Itob̄o khi mhi she m̄e khi wa a kpe ofuma irari akanya ni anye a gbe ali khi olam̄he o she d̄e ̄e ighumha.”

† 8:33 Li z̄e Aza 53.7-8

<sup>24</sup> ISam̄o ̄oḷi w̄e. “A kpeḷe a s̄o iromhi na mh̄e ini emini a ngme ena e khi t̄se shi mh̄e egbe ni mhi pfua.”

<sup>25</sup> Abi iPita ali iJ̄oni e r̄o ngme ingm̄emhi eyi iJesu se, e mu egbe pfi je iJerusalemu, ee gue ungm̄emhi eyi iJesu kiakia elemhi ebubu inueḷeḷe ni e la iSameria.

*iFilipu ̄o gue ungm̄emhi oyi iJesu ye ̄ongi Etiopia*

<sup>26</sup> Aḡeni oyi Esh̄ineḡba ̄o gueye iFilipu, ̄oḷi, “Ke tiemhi ukīeḷe ogob̄o ini a s̄o alo ghue obini ov̄o o te ̄e lo eko je od̄e odagbe ifufu ni o r̄ote iJerusalemu je iGaza.” <sup>27</sup> Igh̄o iFilipu ̄o mu egbe ̄oḷi l̄e. Abi ̄o li l̄e egh̄o, l̄oli ali om̄ose ogh̄uo ̄ongi Etiopia ni ̄o khi ̄owali e ya lona. Om̄ose ̄ona ok̄hem̄hue ̄o khi ni ̄o ri ̄eloe ̄e khu ep̄fue eyi iKadak̄he ni ̄o khi ̄olele oyi oni eke. ̄O r̄ote iJerusalemu ni ̄o je ya ga ugamhi i jele. <sup>28</sup> Abi ̄o li i je ap̄fe egh̄o, ̄o nga ok̄o ni ichi e r̄o ̄o na. Oḷo z̄e ebe ni Azaya om̄ekeḡuele ̄o keke. <sup>29</sup> Ayem̄he-n̄o-pfuase ̄o gueye iFilipu, ̄oḷi. “Je ok̄o ogh̄o ni u timama li migha.”

<sup>30</sup> Abi iFilipu ̄o r̄o ramhi agh̄o, ̄o suḷo khi oni om̄ose ̄oḷi z̄e ebe oyi Azaya om̄ekeḡuele. iFilipu ̄o mhila oni om̄ose. “Ebe ni u wa z̄e egh̄o o fe lo ̄e es̄o?”

<sup>31</sup> Oḷo iFilipu, “Iiye oo. Oa ya ligh̄o lo mh̄e es̄o ini ogb̄o ̄o li gueye mh̄e abi o ngme.” ̄O iFilipu ̄o nga oni ok̄o le ni ̄o nu lue shit̄o.

<sup>32</sup> Ashini ̄oḷi z̄e oni elemhi Ebe-no-pfuase o khi, asha ni ̄oḷi:

“Eri a mu ̄oli abi omi osumha ni a ya fa uruli.

Ez̄eze abi omi osumha ni a ya va kemhi, ni ̄o khueghie unu-a.

<sup>33</sup> E ri omama mu ̄oli, e gbe ̄oli az̄eba, e pfa ez̄o mu ̄oli a gbe ̄oli-a. Ogh̄uo ̄o ya mie shi ̄o khi ̄o ya doḷe mh̄oli ak̄hem̄he-ukhokho,

irari khi eri e mie ̄oli agb̄o?”†

<sup>34</sup> Oni om̄ose ̄owali ̄oḷi iFilipu, “Kpeḷe gueye mh̄e oni om̄ekeḡuele onana ̄oḷi ngme, ingme oyi egb̄oli ̄oḷi ngme abi ingme oyi ogb̄ose?” <sup>35</sup> iFilipu ̄o gueye ̄oli emini oni



Ebe-no-pfuase ni o o z e egho o ngme. O gue ungmehi oyi okhale oyi iJesu ye o li.

<sup>36</sup> Abi e kie li kia le e egho, e me oke. Oni o mose owali ogho o o li, "Bino, ghe oke ana, bie batazi mhe." <sup>37</sup> IFilipu o o li, "Ini u mie iJesu suo mhi ya batazi e." Oni o mose o o li, "Mhi she miesuo khi iJesu iKirisiti o khi Omi Eshinegba." <sup>38</sup> Igho oni o mose o o oni o gua oni oko ogho o mu o li migha. Loli ali iFilipu e kia tiemhi oni oke, iFilipu o batazi o li. <sup>39</sup> E lese rote oni oke nga egele le, Ayemhe-no-pfuase o kele iFilipu-a je oboese. Oni o mose o a ke tigbe me iFilipu, ama oghela o la li elemhi i je apfe. <sup>40</sup> Ama iFilipu o me egboli eoli Azotusi. O rote oobo ri oni ungmehi i tse abo kia kia eoli khi eoli ya ramhi ni o ro ramhi eoli iSizeria.

## 9

### *Imupfi oyi iSolu*

*(Ika 22.6-16; 26.12-18)*

<sup>1</sup> ISolu o kiele tse ekha abi loli li ya gbolo eni e mie iJesu suo-a. O le deba Okpeda na ekpodalo-ugamhi eyi Eshinegba, <sup>2</sup> O mhila li o ri ebe na lue ghi eni e la owa ugamhi na eke iDamasikosi. Ni loli ro mholi afu dobe muno ikpotso ali emose ni e mie iJesu suo ighumha je obini iJerusalemu. <sup>3</sup> Abi iSolu o li ri okiali ti i ramhi iDamasikosi, utoghuokpe, akpa o rote idane mi nga li egbe nyagha. <sup>4</sup> O de ta alo mu eke. O suo khi ogho o nu lue ngme, o o li, "ISolu, iSolu, elo o ze ni u ro mu okholi vule e shi mhe o?"

<sup>5</sup> ISolu o mhila li, o o, "Onomhue, oghuo u khi?" Oni uruli o li, "iJesu mhi khi, ni u mu okholi vule shi o." <sup>6</sup> "Memena, vule ni u lo elemhi eoli ona. U ya me o mose ni o ya gueye emini u mema ya riela."

<sup>7</sup> Egboni e nu iSolu kia e gbe eru e unu-a, e ga suo oni ungmehi, ama ea me oni o o ngme. <sup>8</sup> Ikpukhokho o, iSolu o rote eke vule, abi o ro khueghie alo-a o a ke dobe e me eke. Egboni e nu o li kia e ke mu o li obo kia lo elemhi iDamasikosi. <sup>9</sup> Ogbela ese iSolu o ga zalo shi agho. O a le eminale wekhi ame o da.

<sup>10</sup> O mose oghuo ni o miesuo ni a lu Ananayasi, o la elemhi iDamasikosi. O la imeke, o suo khi Onomhue o lu lue, "Ananayasi!"

O o li, "Ee o." <sup>11</sup> Onomhue o o li, "Ke je owa oyi iJudasi, ni o la ode ifuapfe ni a lu Isheshe, ni u ya mhila ogho oyi ongi iTasosi ni a lu iSolu, o la agho o so iromhi. <sup>12</sup> Rote elena iSolu o li kpe me irokhase khi o mose ni a lu Ananayasi o ri obo nga lue egbe so iromhi na, alo eyelue e khueghie-a."

<sup>13</sup> Ananayasi o o Onomhue, "Mhi she kpe suo eko ebubu eyi o mose ona abi o li e nase egbo ni e miesuo, o la iJerusalemu gbolo eghuo-a. <sup>14</sup> Ighie eyi ekpodalo-ugamhi eyi Eshinegba e ri afu na li o ka muno egbo ni e lu eva oye."

<sup>15</sup> Ama Onomhue o o Ananayasi, "Ke le, irari khi mhi she ze iSolu ni o tsua ungmehi oyemhe ghi egbo iJeta ali ighie eyewe ali egbo iZireni nya." <sup>16</sup> Mhi ya rokhase o li khi o mema ya me osoli shi ungmehi oyemhe.

<sup>17</sup> Abi Ananayasi o ro me oni owa, o dose lo ya ri obo nga iSolu egbe, o o li, "ISolu inyoghuo-mhe, iJesu Onomhue ni o lone ode abi u ro o bhale oola, loli o o mhi ka nono e me, ni u gbolo ke me eke ali ni Ayemhe-no-pfuase o bhale egbe oye." <sup>18</sup> Utoghuokpe, emini e li abi ipfiapia afele o rote o li ikpamhi alo de pfia, o gbolo o me eke. O vule migha, Ananayasi o batazi o li. <sup>19</sup> Abi o ro le eminale se, o tigbe mholi ochi.

### *ISolu o ri igbedu u ngme ungmehi oyi Eshinegba*

Ebubu ogbela iSolu o nu eni e miesuo la elemhi iDamasikosi. <sup>20</sup> Eloawe iSolu o la elemhi owa ugamhi gueye egbo khi iJesu Omi Eshinegba o khi. <sup>21</sup> Egbokpa ni e suo ungmehi oyi iSolu ee mhila, "O a khi o mose onana o o nase eni e miesuo ni e la iJerusalemu? O a khi eri o bhale ya muno we abi ighumha ghi ighie eyi ekpodalo-ugamhi?" <sup>22</sup> Eshinegba o ri ekpabo na iSolu ni o ro ya ke gue oni ungmehi le. Ama egbo iJu ni e la iDamasikosi ea dobe mu iSolu ekhako o le. O sha egbo iJu abo abi e ro me ilasingme ni o ro o guele khi iJesu o khi oni iKirisiti ni a shobo.

<sup>23</sup> Ebubu ogbela iSolu o ga la iDamasikosi. Egboni iJu e gba abi e li ya gbe o li-a. <sup>24</sup> Ama iSolu o suo khi egbo e gba abi e li ya gbelue-a. Eri e shito unu ode unuekpe ni a te a lo oni eoli le ni e me asha mu o li. <sup>25</sup> Ama egbo

ni e miesuọ e pfi uli rọte oni ugbe rọli shi ughughu bẹna ya tiemhi oni ugbe ẹliyọse. \*

<sup>26</sup> Abi iSọlu ọ rọ ramhi iJerusalemu, ọọ dua ni lọli ya kuma ẹgbọ ni e miesuọ ọ, ama ulishi ọli o mu wẹ. E khọkhọ ini ọ she mie iJesu suọ. <sup>27</sup> Ama iBanabasi ọ rue ọli bhale deba eni ighiusomhi na keẹ. Ọ gueye wẹ abi iSọlu ọ li mẹ Ọnọmhue ode abi ọ rọ lẹ iDamasikọsi ali abi Ọnọmhue ọ li nu ọli ngme. Ọ gbo gueye wẹ abi ọ li la eke iDamasikọsi ri eva oyi iJesu tse abọ ni ulishi ọa li mu ọli. <sup>28</sup> Ighọ ISọlu ọ nu wẹ la iJerusalemu kia kugbe. Ọ ri igbedu ri eva oyi Ọnọmhue ẹ tse abọ gboo. <sup>29</sup> Ighọ ọ nu ẹgbọ iJu ni ẹẹ ngme ẹlẹmhi iGiriki i khako, ama ee dua ni wẹwẹ e gbe ọli-a. <sup>30</sup> Abi eni e miesuọ e rọ suọ ugbamhi ni eni ẹgbọ ẹẹ gba, e rue ọli je eke iSizeria, e te aghọ rue ọli ya je iTasọsi.

<sup>31</sup> Igbaa eyi eni e mie iJesu iKirisiti suọ ni e la eke iJudia ali iGalili ali iSameria nya e mhọli opfomhe, e toto-a, Ayemhe-nọ-pfuase ọ ri udu shi wẹ ọ, ee bua shi ọ, ee ngeli angeli ni o pfuase ri ekpe ẹ na Ẹshinegba.

### *IPita ọ ri Eniasi ze*

<sup>32</sup> Abi iPita ọ li i kia oni eke gase, ọ kọ ya feli eni e miesuọ ni e la ẹoli iLida. <sup>33</sup> Ọ bhale ya ẹ omose ni a lu Eniasi ni ọ guoghọ-a, o she gba ikpe elele abi ọ te yeshi a ghua. <sup>34</sup> iPita ọọ, “Eniasi, iJesu iKirisiti ọ rẹ ze. Vule migha khili iya oye ni u ke kia.” Utoghuo kpe Eniasi ọ vule migha, ọ toto. <sup>35</sup> Abi ẹgbọ ni e la ẹoli iLida ali iSharọ e rọ mẹ khi Eniasi ọ toto, e mu pfi deba Ọnọmhue.

### *IPita ọ guise iDokasi le*

<sup>36</sup> Ọkpotso ọghuo ni ọ miesuọ ni a lu iTabita ọ la ẹoli iJopa, abi iTabita o ngme emue iGiriki khi “Ẹrue,” Ọ khi ọgbọ onete. Ọ gbolo mema ẹ kpaghie eni ẹa mhue obọ. <sup>37</sup> Ẹghẹghẹ ni a ngme ena, ọọ ghua, ighọ ọ ghua. Abi a rọ khuẹse olimhi oyọli-a se, a rọli yeshi elemhi owa atonga. <sup>38</sup> Abi eni e miesuọ e rọ suọ khi iPita ọ la iLida, e ghie emose aava ghi ọli, ẹ ọli, “Kpekpẹ bhale pia.” Irari khi ẹoli iLida ali ẹoli iJopa e ti mama egbe.

<sup>39</sup> Ighọ iPita ọ deba wẹ. A ri ọli ya khase asha ni a rọli yeshi. Esamhi-olimhi e la aghọ

ọ vie. E ri itsua ni iDokasi ọ fia na wẹ khase ọli abi ọ rọ la agbọ.

<sup>40</sup> iPita ọ ẹgbọ ni e la aghọ nya e fie je atukpapfe. Ọ de wugha sọ iromhi. Ọ sọ alo ghue oni olimhi, ọọ li, “Tabita, guale!” Oni olimhi ọ khueghie alo-a, abi ọ mẹ khi iPita ọ migha mama lue, ọ vule shito. <sup>41</sup> iPita ọ mu ọli obọ vule. Ọ luno eni e miesuọ ali eni esamhi-olimhi, ọ ri ọli khase wẹ. <sup>42</sup> Iguisele oyi iDokasi o gbeke-a shi ẹoli iJopa. Itobọ ighọ, ebubu ẹgbọ e mie iJesu suọ. <sup>43</sup> iPita ọ la iJopa ogbele ni e bu. Ọ la owa oyi iSimoni ni ọ ri ekuẹ elamhako ọ gbe akanya.

## 10

### *IKonilusi ọ ghie ya lu iPita*

<sup>1</sup> Omose ọghuo ọ la ẹoli iSizeria ni a lu iKonilusi. Ọ khi ọga oyi ekhọli-okhue eyi Itili.

<sup>2</sup> Lọli ali apfọli e khi ẹgbọ ni ẹ na ulishi Ẹshinegba. Ọ khi ọgbọ ni ọ pfo elemhi i somhi ẹgbọ ni ẹa mhue opfa. Ọ gbo khi ọgbọ ni ọ sọ iromhi ẹghẹghẹ kpa. <sup>3</sup> Ẹlẹghuo elemhi agogo ese ẹlẹ ọguota, ọ mẹ ime-alo, ọ mẹ khi aḡeni oyi Ẹshinegba ọ bhale ọ lu ọli, “IKonilusi!”

<sup>4</sup> Ọ sọ alo ghue oni aḡeni, ulishi o mu ọli. Ọọ li, “Ọnọmhue elọ o zẹ khi u bhale.”

Oni aḡeni ọọ li, “Iromhi eye ni u wa sọ ali isomhopfa ni u wa somhi e she bhale deba Ẹshinegba, Ọ she mu egbe ni ọ rọ ya ye le.

<sup>5</sup> Memena nyanya ghie ẹgbọ je ẹoli iJopa ni e ya lu iSamọ ni a gbolo ẹ lu iPita, ni ọ bhale.

<sup>6</sup> Ọ kushi ayi iSamọ ni ọ ri ekuẹ elamhi ẹ gbe akanya. Oni owa oyọli o la epfe oke.”

<sup>7</sup> Abi oni aḡeni ọ rọ vu se, iKonilusi ọ lu eni ẹ ga li etuava ali okhọli-okhue ni ọ khi adogeli oyọli ni ọọ ga Ẹshinegba. <sup>8</sup> IKonilusi ọ gueye wẹ emini a mẹ nya. Ọ ghie wẹ je obini iJopa.

### *Ime-alo ni iPita ọ mẹ*

<sup>9</sup> Ogbeakọlọ khi itsotso ọguota o mu eke, khi e lese ri okiali ramhi epfefefe iJopa, iPita ọ nga owa atonga ya sọ iromhi. <sup>10</sup> Okiamhi oo gbe ọli. Ọọ nono emini ọ ya le. Abi a rọ ọ nye eminale ni ọ ya le, ọ mẹ ime-alo. <sup>11</sup> Ọ mẹ khi emini e li abi ode ni o zẹ igo ene o rọte idane e tiemhile. <sup>12</sup> Ighọ ọ mẹ khi iwali elamhako e laọ, ghe eni e zẹ awe ene ali

\* 9:25 Li zẹ 2 iQori 11.32-33

eni ẹẹ tialọ idi eke ali ipfeli. <sup>13</sup> Igho uruli o ngme, ọọ li, “Vule iPita, gbe ni u le.”

<sup>14</sup> Ama iPita ọọ, “Iiye e, Onomhufe! Mhia kpe tigbe le eminale ni ẹa pfuase ni a ghue ghue, a ti ẹ bia mhe.”

<sup>15</sup> Oni uruli o gbo nu ọli ngme, ọọ li, “Emini Eshinegba ọ da ro khi oni o pfuase se, khi ke lu ọli emini ọa pfuase.”

<sup>16</sup> Itese o ligho mhesẹ abo ri egboi khasẹ neni a rue oni emhi nga idane.

<sup>17</sup> Abi iPita ọ kie li i sa ingme ime-alo ni ọ me, emose ni iKonilusi ọ ghie usomhi, e nono owa oyi iSamọ me. E migha odalo ode unuekpe oyi oni apfe. <sup>18</sup> E lu mhila, “A mholi opfese shi ana ni a lu iSamọ iPita?”

<sup>19</sup> Abi iPita ọ kiele khokho emini oni ime-alo ona o ngme, Ayemhe ọ ro gueye ọli, “Ri esọ kpe emose aase ẹẹ nono ẹ. <sup>20</sup> Nyanya mu egbe ni u deba we vu, khi mhemhe mhi ghie we.”

<sup>21</sup> Igho iPita ọ tiemhi deba we, ọọ we, “Mhemhe a nono, elo e re ẹ bhale?”

<sup>22</sup> Eẹ ọli, “Oga oyi ekholi-okhue ni a lu iKonilusi ọ ghie anye ghi ẹ. Ogbọ oniemi ni egbo iJu e mu ekpe a na ọ khi. Ọ gbo khi ogbo ni ọ pfuase ni ọọ ga Eshinegba. Ageni ọ gueye ọli ọ ghie ghi ẹ, u bhale owa oyoli, ni ọ suọ ingme ni u ya gueye ọli.” <sup>23</sup> Igho iPita ọ lu eni emose lo owa oyoli, e gbhe agho ni ogbe o gbe.

### *IPita ọ la apfe oyi iKonilusi*

Ogbeakolo, lolli ali eni e miesuo eghuo e rote iJopa deba we vu. <sup>24</sup> Ogbeakolo, e lo elemhi ẹoli iSizeria le, ashini iKonilusi ali apfoli ali egbegbi emole ọli, e legba migha ẹ khe we. <sup>25</sup> Abi iPita ọ ro ramhi agho, iKonilusi ọ lo ọ li ode, ọ wugha, ọ nyese ukhomhi tse ọli. <sup>26</sup> Ama iPita ọ mu ọli vule, ọọ li, “Vule khi ogbo onabi yeye mhi khi.”

<sup>27</sup> IPita ọ nu ọli ngme, ọ lo owa, ọ bhale ya ẹ egbo ni e bu shi agho. <sup>28</sup> Oọ we, “Eẹ a she lese khi eri Ishi eyi iMosisi ọọ egbo iJu e khi kugbe egbo iJeta ọ, wekhi eri e ko ya felo ogbo ni ọa khi iJu. Ama Eshinegba ọ roli khasẹ mhe mhi khi leli ogbokhoghuo shi oni ọa pfuase ali oni a ghue. <sup>29</sup> Irarigho, abi u ro ghie lu mhe, mhia mholi akhokhomhe shi ọ. Elo u mema lu mhe shi?”

\* **10:34** Li ze iDeut 10.17

<sup>30</sup> IKonilusi ọọ li, “Amo o li ẹẹ ene, egheghe agogo ese oguota, mhi ro la owa oyemhe ẹ so iromhi. Udemhija mhi me khi omose oghuo ọ so itsua ni ẹẹ ge nyanyanya ọ migha mhe odalo. <sup>31</sup> Oọ li, ‘IKonilusi, Eshinegba ọ she suọ iromhi eye, ọ she gbo me ikanya isomhelemhi ni u gbe ẹ deba egbo eni ẹa mhue. <sup>32</sup> Ghie ogbo ghi omose ni a lu iSamọ iPita ni ọ la iJopa. Opfese ọ khi shi owa oyi iSamọ ni ọ ri ekuẹ ẹlamhi ẹ gbe akanya, ni ọ la epfe oke oku.’ <sup>33</sup> Lolli mhi ro ghie ogbo ghi ẹ pia. Oo gue ti, abi u bhale. Memena awa nya awa la odalo oyi Eshinegba ni anye suọ emini Onomhufe o gueye u gueye anye.”

### *Ungmemhi ni iPita ọ ngme*

<sup>34</sup> IPita ọọ, “Mhi she me ọli me khi igesikia o khi, khi Eshinegba ọa mholi khi ona ọ kpe ọli ne,\* <sup>35</sup> ama egbo kpa ni e da a na ulishi oyi Eshinegba, ni e gbolo ẹ rielemini o rote ode, Eshinegba ọ kpe obọ ọọ mie. <sup>36</sup> Eẹ a lese usomhi ni ọ ghie ghi egbo iZireni, ni o khi usomhi onete oyi opfomhe ni o rote obọ oyi iJesu iKirisiti ni ọ khi Onomhufe oyi agbo kpa bhale. <sup>37</sup> Eẹ a lese ingme ni a me elemhi eke iJudia nya, ni o rote iGalili gbaekele, abi iJoni ọ ro ọ tse abo usomhi gueye egbo, khi a mema batazi we, <sup>38</sup> abi Eshinegba ọ li ri Ayemhe-no-pfuase ali ekpabo kpha iJesu onge iNazareti so, ali abi ọ li i kiakia ashakpa rielemine, ni ọ mie egbo pfuese obọ oyi ekpabo eyi okphaghiẹ, itobo khi Eshinegba ọ nu ọli la.

<sup>39</sup> “Anye ri ẹloe me ikanya ni ọ gbe nya, elemhi ẹoli eyi egbo iJu ali iJerusalemu. Wewe e tali ma ọora apfida gbe ọli-a. <sup>40</sup> Ama ẹẹ nuzi-ese, Eshinegba ọ rote eghuli guise ọli le ni a me ọli. <sup>41</sup> Ọa khi ogbokpa ọ me ọli, seẹ ni anye ni Eshinegba ọ she kpe ze, anye khi otsele, anye ni anye nu ọli le eminale ni anye gbo nu ọli da abi ọ ro rote eghuli gualase. <sup>42</sup> Ọ mhesẹ na anye, anye kia ke gueye egbokpa ali anye gbo ke pfi otsele shi ọ khi lolli iJesu, Eshinegba ọ ze, lolli khi oso-ezo oyi eni e laọ ali eni e ghu-a. <sup>43</sup> Emekeguele nya e kpe ngme ungmehi oyoli khi eni e da mie ọli suọ khi a ya gbe olamhe kua na we, rote ekpabo ni o la eva oyoli.”

### *Egbọ iJeta e mie ayemhe ni o pfuase*

<sup>44</sup> Abi iPita o kie li i ngme, Ayemhe-nọ-pfuase o tiemhile na egbo ni e suo oni ungmehi. <sup>45</sup> Abọ e sha eni e miesuo ni e shele-a, ni e rote eoli iJopa kphase iPita bhale agho, khi Eshinegba o li ri Ayemhe-nọ-pfuase na egbo iJeta. <sup>46</sup> Irari khi e suo khi e ngme emue ododa eyi Ayemhe nọ pfuase, e kueghie Eshinegba.

Igho iPita o ri irarigho lie, <sup>47</sup> “Ogbokhoghuo o dobe ya lie ogbo khi ri amẹ batazi egbo ena mena? E she li mie Ayemhe-nọ-pfuase abi awa li mie oli.” <sup>48</sup> Igho iPita o o a ka ri eva oyi iJesu iKirisiti batazi we. Igho e gweye oli o nu wewe la agho ikukumi ogbele.

## 11

### *IPita o gweye eni e miesuo emini o ri ele*

<sup>1</sup> Eni ighiusomhi na kee ali eni e miesuo ni e la eke iJudia nya e suo khi egbo iJeta e li mie ungmehi oyi Eshinegba suo. <sup>2</sup> Abi iPita o ro nga obini iJerusalemu, eni e miesuo ni e shele-a, ee shi iPita unu. <sup>3</sup> Ee oli, “Yeye u lo owa oyi egbo iJeta ni ea shele-a, u gbo la agho le eminale!”

<sup>4</sup> Igho iPita o rote eke roli lo we eso abi a ga li me oni ingme nya. Oo we, <sup>5</sup> “Eoli iJopa mhi la a so iromhi, ni ukuku olese o ro kia mhe alo-a, ni mhi ro me ime-alo, mhi me khi emini o li abi ode ni o ze igo ene, o te idane tiemhile ashini mhi la. <sup>6</sup> Mhi bino elemhi oli, mhi me elamhako ni e ze awe-ene, ali elamhako ebuli, ali elamhako ni e tialo idi eke, ipfeli na idane e li la elemhi oli. <sup>7</sup> Igho mhi suo khi uruli o nu mhe ngme, oo mhe, ‘Vule, iPita gbe elamhi ena, ni u le.’

<sup>8</sup> “Ama, mhi oli, ‘Iye e, Onomhue! Mhi aa le eminale ni ea pfuase ni a ghuẹ ghue abi a te bia mhe.’

<sup>9</sup> “Oni uruli o gbo nu mhe ngme, oo mhe, ‘Emini Eshinegba o she ro pfuase, khi ke roli shi emhi ni oa pfuase.’ <sup>10</sup> Itese o li igbo mhesa abo ri egboli khasa neni a rue oni ode nga idane.

<sup>11</sup> “Aghoaghọ, eni emose aase ni e te iSizeria nono mhe bhale, e lo owa ni mhi la le. <sup>12</sup> Ayemhe o gweye mhe mhi deba we vu, mhia aa khesa akọ. Egbọ osasa ena e te eoli

iJopa kphase mhe je eoli iSizeria ni anye ro ga bhale owa oyi iKonilusi. <sup>13</sup> Loli o gweye anye abi o li me agheni elemhi owa oyoli, ni o oli, ‘Ghie ogbo je iJopa ya lu omose ni a lu iSamọ ni a gbo lo a lu iPita. <sup>14</sup> Loli o ya gweye abi yeye ali apfe a li ya mholi imiepfuese.’

<sup>15</sup> “Abi mhi li i ngme, Ayemhe-nọ-pfuase o tiemhile shi we o abi o li rote igbaekele li tiemhile shi awa o. <sup>16</sup> Igho mhi yelee emini Onomhue o ngme ni oo, ‘Amẹ iJoni o ro batazi egbo, ama Ayemhe-nọ-pfuase a ke ro ya batazi e.’\* <sup>17</sup> Abi o ro khaia khi Eshinegba o she ri isomhopfa enabi o ro na awa abi awa ro mie iJesu iKirisiti Onomhue suo li na egbo ni e a khi iJu. Oghuo o khi mhemhe ni mhi ya nu Eshinegba khabo?”

<sup>18</sup> Abi e ro suo ona se, e yemhe awolo-a, ee kueghie Eshinegba, ee lie, “Eshinegba o li ze ni egbo iJeta e li mu pfi ni e li mhue agbo na agboagbo.”

### *Igbaa oyi eni e mie iJesu iKirisiti suo ni o la Atioki*

<sup>19</sup> Eni e mie iJesu iKirisiti suo e kia gbhiaku eke iFonisha ali eke iSapurosi ali eoli Atioki itobo okholi ni a mu vule shi we o eghẹghẹ ni a ro gbe iSitivini-a. E kia gue oni usomhi ye egbo iJu weweghuo tse.† <sup>20</sup> Eghuo o e rote eke iSapurosi ali eke iSairini bhale, e vu je eoli Atioki, e lili gue usomhi onete oyi Onomhue ye egbo iGiriki <sup>21</sup> Ekpabọ oyi Onomhue o nu we la, Ebubu egbo e miesuo, e mu udu pfi deba Onomhue.

<sup>22</sup> Igbaa oyi eni e mie iJesu iKirisiti suo ni e la iJerusalemu e suo oni ingme, igbo e ghie iBanabasi je eoli Atioki. <sup>23</sup> Abi o ro ramhi agho, ni o ro me abi Eshinegba o li somhi-elemhi eni egbo, egbe e mu oli. O ri udu shi we o e ri udu oyewe nya na Onomhue. <sup>24</sup> IBanabasi o khi egbegbi ogbo onete ni o mhue Ayemhe-nọ-pfuase ali irudunga oniemi. Ebubu egbo e ri itobo emini o ri ele mie Onomhue suo.

<sup>25</sup> Igho iBanabasi o je eoli iTasosi ya nono iSolu. <sup>26</sup> Abi o ro me oli, o rue oli je eoli Atioki, e la agho ukpe oghuo, ee sese ebubu egbo. Elemhi eoli Atioki a la te odode kpe lu eni e miesuo, iKirisiti enikeke.‡

\* 11:16 Li ze Ika 1.5 † 11:19 Li ze Ika 8.1-4 ‡ 11:26 Egbọ eni ee ngeli a bi iJesu iKirisiti a lu iKirisitiani.

<sup>27</sup> Oni eghẹghẹ, emekeguele eghuo e rọte ẹoli iJerusalemu je Atiọki. <sup>28</sup> Oghuo elemhi eni emekeguele ni a lu Agabusi o vule, o guele abi Ayemhe o ghie ọli, khi úkhúmhi o ya pfi ushishi na eke iRomu nya. (Eghẹghẹ ni iKiladiusi o rọ khi Oghie iRomu nya ona o rọ bhale ya tse.)<sup>§</sup> <sup>29</sup> Eniye odukhokho eyi iJesu ni e la Atiọki e gba ugbamhi, abi e li ya ri ikpaghiobọ ghie usomhi ghi eni e miesuọ ni e la eke iJudia, abi ogbogbo o mhue ekpabọ ramhi. <sup>30</sup> Igho e zela ikpagho kugbe, e rewe ghie iBanabasi ali iSolu usomhi ghi eni egbhali ni e la igbaa oyi eni e mie iJesu iKirisiti suọ na iJerusalemu.

## 12

### *Imhesẹ-bino onofune*

<sup>1</sup> Oni eghẹghẹ agho, oghie Erọdu o muno ẹgbọ eghuo ena igbaa oyi eni e mie iJesu iKirisiti suọ, ọọ nono ni lọli nase we shi afue. <sup>2</sup> O ri unu bhale a ri uwerẹ gbe iJemhisi ni o khi inyoghuo iJoni-a. <sup>3</sup> Abi o rọ me khi o ti ẹgbọ iJu ẹloe, o gbo mu iPita shi owa. Oni eghẹghẹ e rọ li ukpe ibuledi ni aa ri ifuma ma nye. <sup>4</sup> O mu ọli se, o rọli shi owa ighumha, o ze ekhọli-okhue ikuwe asha ene ni e ọoghie egbe, e ri ẹloe shi ọli egbe. Erọdu o mhọli ọli shi udu khi a kha da li oni ukpe se, lọli rue ọli lasese gboo, ni a gue ọli ẹzo.\*

<sup>5</sup> Igho a ri iPita shi owa ighumha, ama igbaa oyi eni e mie iJesu iKirisiti suọ e toto obọ o sọ iromhi lu Eshinegba na li.

<sup>6</sup> Eliyose ni Erọdu o kha rọ rue iPita lasese ogbeakolo, iPita o lese-a shi ifuabọ eyi iku ekhọli-okhue aava, a ri iweghe eva ge ọli. Eni e khe ekhe aava elese e la ode unuekpe oni owa ighumha e khe ekhe. <sup>7</sup> Udemhija, agheni oyi Onomhue o lole, igho akpa o la elemhi oni owa ighumha a ge. Oni agheni o pfi iPita emhi epfe, guise ọli le. Oo li, "Nyanya vule!" Utoghuokpe, iweghe ni a so li e ku ọli abọ kua.

<sup>8</sup> Igho oni agheni oo li, "Ri ogbene oye mu oku, ri ekuẹ so." iPita o nyanya ligho. Oo li, "Ri itsua eye so, ke deba mhe." <sup>9</sup> Igho iPita o deba li je olase oni owa ighumha, ama ọa lese khi emini oni agheni o riẹle khi egbegbi ingme lo, o dabi khi ẹlena lọli ii

la. <sup>10</sup> E dose eni e khe ekhe eni odode ali enuzava. E bhale ode unuekpe akhuli ni a rọte a lasese shi ifui apfe. Oni ode unuekpe akhuli loughuo o khueghie-a. E rọte o dose. Abi e rọ kia ifui apfe le denẹ, oni agheni o kele-a.

<sup>11</sup> Igho egbhali eyi iPita e na ya to. Oo, "Ena mhi lese, ni ọa mhue akhokhomhe khi Onomhue o ghie agheni oyoli, o ka pfa mhe shi eke obọ oyi Erọdu ali emini ẹgbọ iJu ee sa khi mhi ya me nya."

<sup>12</sup> Abi egbhali eyoli e rọ na ya to se, o je owa oyi iMeli ni o khi inyọ iJoni ni a gbolo e lu iMaki. Agho eni e miesuọ e legba la a sọ iromhi. <sup>13</sup> iPita o kpheli ode na olase. Igho omueshi ni oo ga ogbo ni a lu iRoda o bhale ya mie ọli unu. <sup>14</sup> Abi o rọ suọ uruli oyi iPita, oghẹle o vọ ọli udu. Ọa je okpe ode-a ne, o nyanya nyene egbe ukhokho ya tsesẹ gueye we, "iPita o she jele!"

<sup>15</sup> Ee ọli, "Ujili oo kphe!" Ama o li khi egbegbi ingme loli e ngme. Igho e ọli, "Ayemhe olimhi oyoli lo!"

<sup>16</sup> Ama iPita o kiele kpheli obọ ode. Abi e ke rọ khueghie oni ode-a, e me khi loli lo. Abọ e sha we. <sup>17</sup> O ri obọ gbe we akhiakhia. O tigbe gueye we abi Onomhue o li rue lue owa ighumha le. Oo we, "A gueye iJemhisi ali eni e miesuọ eni e kpole." Igho o vu je oboese.

<sup>18</sup> Ogbeakolo, ozughu o lo iteva oyi eni ekhọli-okhue le shi abi iPita o li kia. <sup>19</sup> Abi Erọdu o rọ o e lolo nono iPita kia gase, ni ẹa rọ me ọli. O ri eni ee khe ekhe egho gue ẹzo. Oo a gbolo we-a.

### *Eghuli oyi Erọdu*

Abi a rọ me enana se, Erọdu o rọte eke iJudia je iSizeria ya la ukuku eghẹghẹ.

<sup>20</sup> Elemhi e lolo bi Erọdu deba ẹgbọ iTai ali iSidoni. Igho eni ẹgbọ e to ukhomhi ma, ee dua abi e li ya me asha nu oni oghie shito ngme. Abi iBilasitosi ni o khi adogeli oyi oghie o rọ lama shi we o, e tigbe lama khi wewe e ya lema oghie ni wewe e rọ riẹle. Itobọ khi ẹoli oyi oni Erọdu eni ẹgbọ e rọte me eminale e de.

<sup>21</sup> Oni ogbele o ramhi Erọdu o gbanọ itsua oghie eyoli, o shito ukpekhomhi oghie oyoli.

§ 11:28 Li ze Ika 21.10 \* 12:4 Li ze Okiali 12.1-27

Ọ nu eni ẹgbọ ọ ngme. <sup>22</sup> Eni ẹgbọ e ku unu-a nyoghoo, ẹ li, “Uruli oyi Ẹshinẹgba na, ọa ke khi oyi ọgbọ.” <sup>23</sup> Utoghuo kpe aḡeni oyi Ọnọmhue ọ pfi Erọdu emhi, itobọ khi ọa ri ekpe na Ẹshinẹgba. Ekhọli e ri ọli le. Ọ ghu eghuli osoli.

<sup>24</sup> Ungmemhi oyi Ẹshinẹgba o gbhiaku ashakpa, oo gẹ shọ. <sup>25</sup> IBanabasi ali iSọlu e rọte iJerusalemu, obini a ri ikpaghọ ghie wẹ usomhi je jele. Abi e rọ ọ jele, e rue iJoni ni a gbolo ẹ lu iMaki mhue obọ.

## 13

### *A zẹ iBanabasi ali iSọlu ghie usomhi*

<sup>1</sup> Emekeḡuele ali eni ẹ sẹsẹ e la igbaa oyi eni e mie iJesu iKirisiti suọ ni ọ la Atiọki, ni e khi iBanabasi, ali iSamọ ni ọ khi ọgbọ ọbishi, ali iLushọsi ọngi iSairini, iMaini ọni a ga kuẹle ọli ali oghie Erọdu, ali iSọlu. <sup>2</sup> Abi e li i kuẹghie Ọnọmhue ni e li i pfi azumhi, Ayemhe-no-pfuase ọọ wẹ, “A zẹ iBanabasi ali iSọlu-ọ lase na mhe ni e ya gbe akanya ni mhi lu wẹ shi.” <sup>3</sup> E pfi azumhi, e ri abọ nga wẹ ukhomhi sọ iromhi na, e ghie wẹ vu.

### *Elemhi iSapurosi*

<sup>4</sup> Ayemhe-no-pfuase ọ ghie iBanabasi ali iSọlu je iSelusha aghọ e te lo ọkọ oke je eke ni oku o khi shi na lu iSapurosi. <sup>5</sup> Abi e rọ ramhi ẹoli iSalamisi, e la owa ugamhi oyi ẹgbọ iJu gue ungmehi oyi Ẹshinẹgba le. IJoni ni a gbolo ẹ lu iMaki ọ la aghọ ri obọ da wẹ oni akanya.

<sup>6</sup> E kia je ukiẹkie iSapurosi ni o kpole nya, e bhale ẹoli iPafosi. Aghọ e ya ẹ obo ni a lu iBajisosi ọngi iJu ni ọọ li ẹboli, ni ọ khi ọmekeḡuele oyi ẹgbhọli. <sup>7</sup> Lọli ọ khi ọmole ọni igovunọ ni ọ la oni eke, eva oyi ọni igovunọ khi iSajosi iPolosi ni ọ khi ọtsẹgbhe. Ọni igovunọ ọ lu iBanabasi ali iSọlu itobọ khi ọ nono ni lọli suọ ungmehi oyi Ẹshinẹgba. <sup>8</sup> Ama ọni iBajisosi ni ọ lie Ẹlimasi ni ọọ li obo, ọ tsua ozughu lo aghọ le ini ọni igovunọ ọ khi mẹ asha miesuo. <sup>9</sup> Ighọ iSọlu ni a lie lu iPolu, ni Ayemhe-no-pfuase ọ vọ egbe, ọ feli ọni obo chii. <sup>10</sup> Ọọ li, “Yeyẹ omi ọkphaghie! Yeyẹ obe eminete ni u wa li ikenegue. Ẹle u ya rọte imu-ungmemhi

oyi Ẹshinẹgba pfi ukhomhi kpọke lasele? <sup>11</sup> Memena Ẹshinẹgba ọ ya nise obọ oyọli ti ẹ, u ya zẹ alo, waa ke gbo dobe ya mẹ ugemhi oyi ovọ ukuku ẹghẹghẹ ne.”

Aghọaghọ, Ẹlimasi ọ mẹ khi alo eyelue e bi obili-a, Ọọ bibi, ọọ nono ọni ọ ya mu ọli obọ ke kia. <sup>12</sup> Abi ọni igovunọ ọ rọ mẹ ingme ni a mẹ, ọ miesuo, irari khi osesẹ ingme oyi Ọnọmhue o ri abọ sha li.

### *Atiọki ni o la elemhi iPisidia*

<sup>13</sup> IPolu ali apfọli e rọte iPafosi lo ọkọ oke da oke oniemi je iPeriga, ni o khi ẹoli ni o la iPafilia. Ana iJoni ni a gbolo ẹ lu iMaki ọ pfi wẹ shi nyene egbe je iJerusalemu. <sup>14</sup> E rọte iPeriga je ẹoli Atiọki ni o la eke iPisidia. Ogbẹle iyemhe oyi iJu, e lo owa ugamhi ya shito. <sup>15</sup> Abi e rọ rọte ebe ishi oyi iMosisi ali ebe eyi emekeḡuele zẹ se, eni ẹẹ mhesẹ shi oni owa ugamhi e ghie usomhi ya gueye iPolu ali iBanabasi, ẹẹ wẹ, “Inyoghuo anye, ini a mhọli ungmehi ni a mẹ ya guele ni o ya ri udu shi ẹgbọ ọ, a ke ngme.” <sup>16</sup> IPolu ọ vule migha ọ ri obọ nu wẹ ngme. Ọọ, “Ẹẹ ẹgbọ iZireni ali ẹẹ iJeta ni a ga Ẹshinẹgba a ri esọ shi mhe eke! <sup>17</sup> Ẹshinẹgba oyi ẹgbọ iZireni ọ zẹ eni e bia awa, lọli ọ rewe khi ẹgbọ eniemhi, oni ẹghẹghẹ e khi epfese shi eke iJipiti. Ẹshinẹgba ọ ri ekpabọ eyọli wolọ wẹ eke iJipiti lasele.\* <sup>18</sup> Elemhi ikpe egbhueva ọ ri abọ mu udu na ẹ elemhi ọdagbe ifufu.† <sup>19</sup> Ẹdẹli ishilua ọ pfusea eke iKena. Ọ ri eke oyewe na ẹgbọ eyọli le ugu.‡ <sup>20</sup> Elemhi ikpe egbhue-uye ali eva ali ikpe igbe (450) a mẹ ingme enana.§

“Abi a rọ mẹ ena se, ọ ri esọ-ezọ na wẹ ni ee mhesẹ, ya ramhi ẹghẹghẹ oyi iSamueni ọmekeḡuele. <sup>21</sup> Ighọ eni ẹgbọ e mhila Ẹshinẹgba ọ ri oghie na wewe, Ẹshinẹgba ọ rue iSọlu omi iKishi oyi unuekpe oyi iBejami na wẹ. Lọli ọ khi oghie oyewe elemhi ikpe egbhueva.\* <sup>22</sup> Abi Ẹshinẹgba ọ rọ rue iSọlu oghie le, ọ ri iDefidi le oghie na wẹ. Ingme ni Ẹshinẹgba ọ ngme shi iDefidi egbe na, ‘Mhi she mẹ khi iDefidi omi iJese ọ khi ọmose ọnabi udu oyemhe ọọ nono, ọ ya riẹle ọghuemhe oyemhe nya.†

\* **13:17** Li zẹ Okiali 1.7; 12.51 † **13:18** Li zẹ iNọba 14.34; iDeut 1.31 ‡ **13:19** Li zẹ iDeut 7.1; iJosh 14.1 § **13:20** Li zẹ iDeut 7.1; iJosh 14.1 \* **13:21** Li zẹ 1 iSam 8.5; 10.21 † **13:22** Li zẹ 1 iSam 13.14; 16.12; Iwolo 89.20

23 “Rote unuekpẹ oyi ọni iDefidi, iJesu ni ọ khi Ọmiepfuese oyi ẹgbọ iZireni ọ te bhale, abi Eshinegba ọ li ọli shobọ. 24 Neni iJesu ọ bhale, iJoni ọ she kpẹ gueye ẹgbọ iZireni e ti olamhe le, e mupfi deba Eshinegba, ẹghẹghẹ aghọ ni a batazi we.† 25 Abi iJoni ọ rọ gbe akanya se, ọ mhila eni ẹgbọ, ọọ, ‘Oghuo a khokho mhe shi? Mhi aa khi ọni a migha a khe. Ọni ọ ya bhale ini mhi gbe akanya oyemhe se, mhi aa fu te ni mhia taghie uli ekuẹ ni ọ sọ-a.’§

26 “Inyoghuo-mhe imi Aburaamu, ali ẹẹ iJeta ni a na ulishi Eshinegba ni a la akana, oni ungmehi imiepfuese ona, oyawa lo! 27 Ẹgbọ ni e la iJerusalemu ali eni ẹẹ mhesẹ na we, ẹa lesẹ iJesu shi Ọmiepfuese. Ama igbe-a ni e gbe iJesu-a, o ri emini emekeguele ee ngme, ni ee zẹ khasẹ we ẹle iyemhe kpa bhale ya tse. 28 Abi o tseku khia khi ẹa me ezọ gue shi ọli egbe, ẹẹ li ipaleti ọ zẹ ni a gbe ọli-a.\* 29 Abi e rọ riẹle emini Ebe-no-pfuasẹ o ngme shi ọli egbe se, e rue ọli apfida tiemhile, e rọli tọ uji.† 30 Ama Eshinegba ọ rote eghuli guise ọli le. 31 Ogbẹle ebubu ọ ri egbọli khasẹ ẹgbọ eni e nu ọli rote iGalili je iJerusalemu. Wewe e ke pfi ọtsẹle shi ingme oyọli khasẹ ẹgbọ eyawa.‡

32 “Eri anye bhale akana ni anye ya ri oni usomhi onete na ẹ, ikhi ishobọ ni Eshinegba ọ shi na eni e bia awa. 33 Ọ she ri oni ishobọ ona tse na awa imi we, abi ọ li guise iJesu le. Abi a li kẹkẹ ọli shi ebe Iwolo ni uzeva, khi, “ ‘Omimhe u khi, ogbe namo, mhemhe mhi khi Ite.’

34 Abi Eshinegba ọ rote eghuli guise ọli le, ni ọa zẹ ọli ghu kẹ-a, o mu ma ungmehi oyọli ni ọ la lie,§

“ ‘Mhi ya ri ikhivose no pfuasẹ, ni a ri egbe ẹ nga egbegbo ni mhi shobọ na iDefidi ne.’

35 Ighọ ọ kie gbo li ngme ọli shi ashese.\*

“ ‘Waa ya zẹ ni ọni ọ pfuasẹ oye ọ ghu kẹ-a.’

36 “Irari khi eri iDefidi ọ ga Eshinegba abi ọ rọ la agbọ, ighọ ọ ghu-a, a ri ọli tọ mama eni e bia li. Ọ kẹ-a shi elemhi uji. 37 Ama idiegbe oyi iJesu ni Eshinegba ọ rote eghuli guise le, ọa kẹ-a.

38 “Irarighọ, inyoghuo, anye tse abọ ye ẹ khi obọ oyi iJesu a te ya mholi igbe olamhe kua. 39 Ọnini ọ da mie ọli suọ ne, a she pfa na li, ọa ke lue shi emini Ushi oyi iMosisi ọa dobe pfa na we shi. 40 A mhue ẹgbhe, ini emini emekeguele e ngme o khi ya tse shi ẹ egbe, ni ẹẹ,

41 “ ‘A ghe i, ẹẹ ni a ri Eshinegba a li egia Oshabọ ọ sha ẹ, a pfua. Irari khi mhi ya riẹle emhi ẹghẹghẹ oye ẹ

ni aa ya mie shi ghue, ini ọgbọ ọ tseku gue ọli ye ẹ.’ ”†

42 Abi iPolu ali iBanabasi e rọ rote oni owa ugamhi vu, eni ẹgbọ e gbọ lu we e nyene egbe bhale ogbẹle ugamhi olese ya nu wewe ngme oni ungmehi. 43 Abi oni ilegba o rọ gbhia khuse, ẹgbọ iJu ali ẹgbọ iJeta eni e she mu pfi bhale ugamhi oyi ẹgbọ iJu, e kpikpi i deba iPolu ali iBanabasi. iPolu ali iBanabasi e ye we ude, e kie ke deba okhale ni ẹa fu te ni Eshinegba ọ riẹle na we.

44 Ẹle iyemhe ni o deba li, ẹgbọ ni e la oni ẹoli nya e legba ni e ri esọ shi ungmehi oyi Eshinegba. 45 Abi ẹgbọ iJu e rọ me oni ilegba, ee kpe ofuma, ee kholo ingmemhi zu iPolu unu, e tsue ọli.

46 Ama iPolu ali iBanabasi e ngme ungmehi igbedu, ẹ li, “Ẹẹ a khi eni anye kha mema kpẹ gue ungmehi oyi Eshinegba ye neni o ramhi ẹgbọese egbe. Ama abi a ke rọ kie oni ungmehi ni aa rọ sa khi o ti ni a mholi agbọ na agbọagbọ eghọ, mena, anye ya zẹ ẹ obọ, anye deba ẹgbọ iJeta. 47 Irari khi ona khi omhesẹ ni Ọnomhue o mhesẹ na anye, ni ọ reẹ,‡

“ ‘Mhi she re ẹ khi ákpá na ẹgbọ iJeta,

ni agbọ nya e mhue imiepfuese.’ ”

‡ 13:24 Li zẹ iMak 1.4; iLuk 3.3 § 13:25 Li zẹ iMat 3.11; iMak 1.7; iLuk 3.16; iJón 1.20,27 \* 13:28 Li zẹ iMat 27.22-23; iMak 15.13-14; iLuk 23.21-23; iJón 19.15 † 13:29 Li zẹ iMat 27.57-61; iMak 15.42-47; iLuk 23.50-56; iJón 19.38-42 ‡ 13:31 Li zẹ Ika 1.3 § 13:34 Li zẹ Aza 55.3 \* 13:35 Li zẹ Iwolo 16.10 † 13:41 Li zẹ Abak 1.5 ‡ 13:47 Li zẹ Aza 42.6; 49.6

<sup>48</sup> Abi ẹgbọ iJeta e rọ suọ ona, ee ghele, ee kuẹghie Ẹshinegba shi oni ungmehi, ẹgbọ eni a she zẹ shi agbọ na agbọagbọ, e mie iJesu suọ.

<sup>49</sup> Oni ungmehi oyi Onomhue o gbhiaku asha kpa oni eke. <sup>50</sup> Ama ẹgbọ iJu e tanọ shi ikpotso ni ẹẹ na ulishi Ẹshinegba ni a mu ekpe a na ali ekhemhue eyi oni ẹoli. E seşe ẹgbọ ni e mu okhọli oniemi vule shi iPolu ali iBanabasi o, e khu wẹ fiẹ lase oni ẹoli. <sup>51</sup> Ama eni eniye odukhokho eyi iJesu e kpishi itutu awẹ shi eke, ni e pfi ọtsele mu eni ẹgbọ. E rọte aghọ dọse je ẹoli iKoniomu. § <sup>52</sup> Oghẹle ali Ayemhe-nọ-pfuase o lo eni e miesuọ eghọ egbe.

## 14

### *Emini a me iKoniomu*

<sup>1</sup> IPolu ali iBanabasi e lo owa ugamhi oyi ẹgbọ iJu obini iKoniomu, abi e kie kpe ẹ li. E lolo guẹ ẹ ngme ungmehi ni o lo ẹgbọ esọ, ni o ri ebubu ẹgbọ iJu ali iJeta miesuọ. <sup>2</sup> Ama ẹgbọ iJu ni ẹa lama miesuọ, e tanọ ẹgbọ iJeta abọ ni elemhi o yese wẹ a deba eni e miesuọ. <sup>3</sup> Ighọ iPolu ali iBanabasi e kushi aghọ tẹse, e ri igbedu u ngme ungmehi oyi Onomhue ni o pfi ọtsele shi ungmehi okhale oyọli, rọte ekpabọ ni o rọ na wẹ ẹ gbe akanya onyaloa ali ọshabọ. <sup>4</sup> Okemhi o lo oni ẹdẹli le, ẹgbọ eghuo e kugbe ẹgbọ iJu o, eghuo o e la ukhokho oyi ighiusomhi na keẹ. <sup>5</sup> Ighọ ẹgbọ iJeta eghuo ali ẹgbọ iJu ali enighie eyewẹ, e gba abi e li ya gbe wẹ ali abi e li ya tonu wẹ eche. <sup>6</sup> Abi eni ighiusomhi e rọ suọ ona, e na je ẹoli iLisitira ali iDẹbi ni o la eke iLikaonia ali ẹoli elese ni e mama wẹ. <sup>7</sup> Aghọ e la a gue usomhi onete le.

### *Elemhi iLisitira ali iDẹbi*

<sup>8</sup> Omose oghuo oni a bia okhomhi ni ọa kia ghue abi a te bia li, o li la oni iLisitira. <sup>9</sup> O shitọ aghọ ri esọ shi ungmehi ni iPolu ọọ ngme. IPolu o me khi o mhọli irudunga ni o dobe ya rọ li ze, iPolu o bino ọli chii. <sup>10</sup> O tseşe leghe, ọọ, “Vule migha!” Oni omose o ti vule, ọọ kia gase.

§ **13:51** Li zẹ iMat 10.14; iMak 6.11; iLuk 9.5; 10.11 \* **14:12** iZeusi: iZeusi o khi ọga iyemhe ni ẹgbọ iGiriki e ga. Isheghuo a lu ọli iJupita. Olitsa ọlese ni a lu Amesị ẹẹ khi o khi aghiusomhi oyọli † **14:12** Amesị: Amesị o khi eva oyi olitsa ni ẹgbọ iGiriki e ga. Eri ẹgbọ iGiriki ena e lie khi aghiusomhi oyi iyemhe elese ‡ **14:15** Li zẹ Okiali 20.11; Iwolo 146.6

<sup>11</sup> Abi eni ẹgbọ e rọ me akanya ni iPolu o gbe, e ngme ẹlemhi iLikaonia, ee tseşe, ee lie, “Ilitsa e mele ẹgbọ-a bhale iteva oyawa o!” <sup>12</sup> Eva ni e lu iBanabasi khi iZeusi,\* itobọ khi iPolu khi oni o mema e ngme, e lu ọli Amesị.† <sup>13</sup> Oni ọọ luase oni olitsa iZeusi, ni okula oyọli o la ukhokho apfe oni ẹoli, o muno ena enokpo ali idodo je oni ode unuekpe oyi oni ẹoli, itobọ khi lolu ali eni ẹgbọ ee nono ni wewẹ ya luase iBanabasi ali iPolu abi ilitsa.

<sup>14</sup> Abi iBanabasi ali iPolu e rọ suọ emini eni ẹgbọ e mu egbe khi e ya riele, e nyanọ itsua shi egbewe uruli, e nanọ lo eni ẹgbọ ifuabọ. Ee tseşe lie, <sup>15</sup> “Elo e zẹ khi a li na?” Ẹgbọ enabi ẹẹ anye khi! Ungmehi usomhi onete anye rọ tse abọ khasẹ ẹ, ni a rọte ugamhi afue mu pfi deba Ẹshinegba ni o laọ, ni o ma eke ali ukhuli ali oke oniemi ali emini e la elemhi wẹ nya.‡ <sup>16</sup> Eghẹghẹ ni o dọse, Ẹshinegba o zẹ ni ushishi ọgbogbo o ngeli abi o ghọle ọli. <sup>17</sup> Ama o kie rọte akanya onete oyọli ri ọlele khasẹ khi lolu laọ, lolu o rọte idane e ruese amẹ shi emhi ekomhi shi eghẹghẹ, lolu o ri eminale na ẹ ẹ le, o ri oghẹle ẹ shi ẹ udu. <sup>18</sup> Abi iPolu ali iBanabasi e rie lina nu wẹ ngme ingmehi ena, ẹa kie dobe mu wẹ gba e khi luase ewe abi ilitsa.

<sup>19</sup> Ẹgbọ iJu eghuo e rọte Atioki ali iKoniomu bhale, e ri eta-olelemhunu ti eni ẹgbọ mama egbe, e tonu iPolu eche, e tialọ ọli eke fiẹ je ukhokho oni ẹoli, e dabi khi o she ghua. <sup>20</sup> Ama abi eni e miesuọ e rọ le gase ọli, o vule, o nyene egbe je ifuapfe ni a la tonu ọli eche. Ogbeakolo, lolu ali iBanabasi e je ẹoli iDẹbi.

<sup>21</sup> IPolu ali iBanabasi e gue usomhi onete le elemhi iDẹbi, ebubu ẹgbọ e miesuọ. Ighọ e nyene egbe je iLisitira ali iKoniomu ali Atioki ni o la iPidia, <sup>22</sup> e ri udu shi eni e miesuọ o e ri igesikia migha shi oni irudunga. Ẹẹ wẹ, “Neni awa lo Eghiele oyi Ẹshinegba, awa ya me anasemhe.” <sup>23</sup> Elemhi igbaa nya eyi eni e mie iJesu iKirisiti suọ ododa, ee zẹ egbhali shi, ee pfi azumhi so



iomhi na wẹ rẹwẹ nga Ọnọmhuẹ ni e reg-benga obọ. <sup>24</sup> Abi e rọ kia gasẹ eke iPisidia se, e je eke iPafilia. <sup>25</sup> Abi e rọ la ẹoli iPẹga gue usomhi onete le se, e te aghọ je ẹoli Atalia.

<sup>26</sup> Aghọ e te lo ọkọ-okẹ oniēmhi nyenẹ egbe jele obini Atiọki; Ashini eni e miesuọ e ke la sọ iromhi na wẹ rẹ wẹ nga okhale oyi Ẹshinẹgba obọ shi akanya ni e ye ya gbe se. <sup>27</sup> Abi e rọ jele Atiọki, e lu eni e miesuọ tigbili, e gueyẹ wẹ ikanya ni Ẹshinẹgba ọ rẹ wẹ gbe ali abi ọ li khueghie ode-a na ẹgbọ iJẹta ni e miesuọ. <sup>28</sup> E nu eni e miesuọ la akaghọ tẹsẹ.

## 15

### *Ilegba ni a mhọli shi iJerusalemu*

<sup>1</sup> Ẹgbọ eghuo e rọte eke iJudia bhale Atiọki, ee sesẹ eni e miesuọ khi, Ini aa li shẹlẹ wẹ-a abi Ushi oyi iMosisi o ngme ẹa ya khi eni a miepfuese.\* <sup>2</sup> Onana o pfi ingme ni o zẹ khi iPọlu ali iBanabasi e nu eni ẹgbọ ni e rọte iJudia bhale e khakọ. Irarighọ, a zẹ iPọlu ali iBanabasi ali eni e miesuọ elese e nga iJerusalemu ya mẹ ighiusomhi na kẹẹ ali eni egbhali shi oni ingme.

<sup>3</sup> Ighọ e ghie wẹ e ke lẹ, abi e li rọte eke iFonisha ali iSameria dọsẹ ẹ lẹ, ee gueyẹ ẹgbọ abi ẹgbọ iJẹta e li mu pfi deba Ẹshinẹgba. Onana o pfi oghẹlẹ oniēmhi na eni e miesuọ. <sup>4</sup> Abi e rọ ramhi iJerusalemu, eni e miesuọ ali eni egbhali ali ighiusomhi na kẹẹ, e mu wẹ epfese. Eni a ghie usomhi e gueyẹ wẹ ikanya ọdọda ni Ẹshinẹgba ọ rọte obọ oyẹwẹ gbe. <sup>5</sup> Ama eni e miesuọ eghuo ni e la otu iFarisi e vule, ẹẹ li, “Ẹgbọ iJẹta e mema shẹlẹ-a. A gueyẹ wẹ e ri Ushi oyi iMosisi ke gbe akanya.”

<sup>6</sup> Ighiusomhi na kẹ ali eni egbhali e ye ochi shi oni ingme ona. <sup>7</sup> Abi e rọ khakọ shi ọ tẹsẹ se, iPita ọ vule, ọọ wẹ, “Inyọghuo, a lẹsẹ khi ẹghẹghẹ ni o dọsẹ, Ẹshinẹgba ọ rọte iteva oyẹ ẹ zẹ mhẹ mhi ka gue oni usomhi onete yẹ ẹgbọ iJẹta ni e mẹ asha suọ, ni e miesuọ.† <sup>8</sup> Ẹshinẹgba ni ọ lẹsẹ isamhi ni e la ọgbọkpa udu, ọ ri Ayemhẹ-nọ-pfuasẹ na ẹgbọ iJẹta, rọ rọli khasẹ khi lọli li mie wẹ, ẹzeze abi ọ li li mie awa.‡ <sup>9</sup> Ọa ri ikhiọda

shi iteva oyawa ali wẹwẹ, irari khi ọ khuesẹ udu oyẹwẹ-a pfuasẹ itobọ khi e imiesuọ. <sup>10</sup> Memena, elọ o zẹ khi a nono ni a mhẹsẹ Ẹshinẹgba bino, ni a rọ ọ sheli iJẹta ni e miesuọ itsua ni awa ali eni e bia awa ẹa dobe tsua? <sup>11</sup> Iiye e! Awa lama shi ọ khi okhale oyi iJesu iKirisiti Ọnọmhuẹ o mie awa pfuese, ighọ li khi wẹwẹ.”

<sup>12</sup> Oni igbaa e tsaghiẹ-a tsuke, abi e rọ suọ ọlẹlẹ eyi ọnyalọa ali ọshabọ nya ni Ẹshinẹgba ọ rọte obọ oyi iPọlu ali iBanabasi gbe iteva oyi ẹgbọ iJẹta. <sup>13</sup> Abi e rọ ngme se, iJemhisi ọọ, “Inyọghuo, a ri esọ shi mhẹ eke!

<sup>14</sup> ISamọ iPita ọ lẹsẹ guele abi Ẹshinẹgba ọ li mhọli ọmuegbe shi ingme oyi ẹgbọ iJẹta, ni ọ rọte elemhi wẹ sanọ ẹgbọ, rọ mele ẹgbọ eyọli-a. <sup>15</sup> Onana o ri emini emekeguele e kẹkẹ shi Ebe-no-pfuasẹ bhale ya tse, ni ọọ,

<sup>16</sup> “Ini a mẹ enana se,  
mhi ya nyenẹ egbe bhale,  
mhi rue eghiele oyi iDefidi  
gbo nyenẹ egbe bhale,  
mhi riẹlẹ ikpukpu-igbe  
ni e de kua oyọli ma,  
mhi gbo zese ọli-a.

<sup>17</sup> Isheghọ ẹgbọ ni e kpọle nya e nyenẹ egbe bhale deba Ọnọmhuẹ, ẹgbọ iJẹta nya ni mhi lu, e bhale ya khi eyemhẹ,  
Ọnọmhuẹ ọ ngme ghọ,  
ni ọ riẹlẹ emhi ena.’

<sup>18</sup> Lọli ọ she kpe zẹ  
ni a lẹsẹ ona shi eke agbọagbọ.§

<sup>19</sup> “Abi mhi sọ ọ shi khi, awa khi pfi ẹgbọ iJẹta ni e nyenẹ egbe bhale deba Ẹshinẹgba lo ọmunu. <sup>20</sup> Awa ri ochoghọ kẹkẹ ebe ya gueyẹ wẹ, e khi ke le eminale ni a rọ luasẹ ikhumhi. Awa gbo gueyẹ wẹ e khi ke ku itsebo, e khi ke le ẹlamhi ni aa fa uruli, e khi ke da ọlia.\* <sup>21</sup> Irari khi o she tẹsẹ ni a te la owa ugamhi ẹ zẹ ebe Ushi oyi iMosisi ẹlẹ Iyemhẹa kpa, a ri ingme oyọli ẹ tse abọ ifui ẹoli kpa.”

<sup>22</sup> Ighọ ighiusomhi na kẹẹ ali eni egbhali ali eni e miesuọ nya e te eni ẹgbọ zẹ emose aava ni a mu ekpe ẹ na ma iPọlu ali iBanabasi egbe, je Atiọki. IJudasi iBasabasi ali

\* 15:1 Li zẹ iLẹv 12.3 † 15:7 Li zẹ Ika 10.1-43 ‡ 15:8 Li zẹ Ika 2.4; 10.44 § 15:18 Li zẹ Emọ 9.11-12 \* 15:20 Li zẹ Okiali 34.15-17; iLẹv 17.10-16; 18.6-23

iSalasi e ze. <sup>23</sup> Ebe ni e keke ro ghie we usomhi na:

Anye ighiusomhi na keke ali eni egbhali ni anye khi inyoghuo e, anye tse ee Inyoghuo anye ni a khi egbo ijeta ni a la Atioki ali iSiria ali iSilisha.

<sup>24</sup> Anye suo khi egbo eghuo e rote anye iteva vu ni o khia khi o a khi anye ghie we, ni e bhale ya nu e ngme ingmemhi ni oo yese e elemhi-a ali ni oo nase e udu. <sup>25</sup> Irarigho, anye ro kugbe ghie emose eghuo ghi e, e deba iBanabasi ali iPolu emole anye bhale. <sup>26</sup> Emose ena e she ri agbo oyewe shi okhena itobo eva oyi iJesu iKirisiti Onomhue. <sup>27</sup> Irarigho, anye ro ghie iJudasi ali iSalasi ni e ri unu gue emini anye keke shi ebe ye e. <sup>28</sup> O ti Ayemhe-no-pfuase ali anye eloe, ini anye khi ri itsua elese nase e tsua dose ishi enana. <sup>29</sup> A ti egbe eminale ni a ro luase ikhumhi le, a khi ke da oia, a khi le elamhi ni aa fa uruli. A khi ku itsebo. O ma a ti e egbe ini a lase emhi enana le.

Eshinegba o nu e la.

<sup>30</sup> Eni emose ni a ghie usomhi e vu ya tiemhi Atioki. E ti eni e miesuo nya gbili, e ri oni ebe na we. <sup>31</sup> Abi eni egbo e ro ze oni ebe se, oghela o vo we elemhi itobo khi usomhi onete ni o ri udu e shi obo o o tsua. <sup>32</sup> IJudasi ali iSalasi ni e khi emekeguele e nu we ngme ebubu ingmemhi ri udu shi we o, e zese we-a. <sup>33</sup> E nu we la agho ukuku eghenge, eni e miesuo e tse we okhila. Wewe ni a ghie usomhi e nyene egbe je iJerusalemu deba eni e ghie we. <sup>34</sup> [Ama iSalasi o lama nu we la agho.] <sup>35</sup> IPolu ali iBanabasi e la Atioki, wewe ali egbo elese e la agho o sese, ee tse abo ungmehi oyi Onomhue.

### *IPolu ali iBanabasi e vase egbe-a*

<sup>36</sup> Abi ebubu ogbele e ro dose, iPolu o gueye iBanabasi, oo li, "Awa nyene egbe je eoli ni awa te dose ni awa ya bino egbo ni awa gue ungmehi oyi Onomhue ye, ni awa me abi e ke lao shi." <sup>37</sup> O ghole iBanabasi ni e tsua ijoni ni a gbolo e lu iMaki ma egbe vu. <sup>38</sup> Ama o a ghole iPolu ni e tsua li. Itobo khi oni ijoni ni a gbolo e lu iMaki o a nu we gbe ikanya ramhi ukpese ni o ro tsua we kua eke iPafia vu, o so ukhokho

gbe we.† <sup>39</sup> IPolu ali iBanabasi e mholi ekhako ni o toto shi ingme ona, e kemhi egbe. IBanabasi o rue ijoni iMaki ma egbe, e lo oko-oké oniemhi da je iSapurosi. <sup>40</sup> Ama iPolu o pfi obo rue iSalasi, e vu abi eni e miesuo e ro so iromhi na we, re we nga okhale ireloe-khu oyi Onomhue se. <sup>41</sup> E kia rote eke iSiria ali iSilisha, e ri udu u shi igbaa nya eyi eni e mie iKirisiti suo o.

## 16

### *ITimoti o deba iPolu ali iSalasi*

<sup>1</sup> IPolu o bhale eoli iDebi ali iLisitira, ashini omoo odukhokho ni a lu iTimoti o la. Inyoli ni o li miesuo o khi ongi iJu, ama itali o khi ongi iGiriki. <sup>2</sup> Igbaa oyi eni e mie iJesu iKirisiti suo ni e la iLisitira ali iKoniomu nya e ngme onete oyi iTimoti. <sup>3</sup> IPolu oo nono ni loli ri iTimoti ma egbe vu, igho o shela oli-a. Itobo khi egbo iJu ni e la oobo e ga lese khi ita iTimoti khi ongi iGiriki lo. <sup>4</sup> Abi e li kia eoli i gase, e sese eni e miesuo ilamashi ni ighiusomhi na keke ali eni egbhali ni e la iJerusalemu e keke shi ebe na we, e gueye we, e rewe gbe akanya. <sup>5</sup> Igho igbaa nya eyi eni e mie iKirisiti suo, e fu u shi irudunga, ee bua shi o elekpa.

### *IMEKE ni iPolu o me obini iTiroasi*

<sup>6</sup> IPolu ali eni e ga kia, e rote eke iFiria ali iGalesha, itobo khi Ayemhe-no-pfuase o a ze we gue usomhi onete le eke Esha. <sup>7</sup> Abi e ro ramhi eke iMisia, ee nono ni wewe e lo elemhi eke iBitinia, ama Ayemhe oyi iJesu o a ze we lo. <sup>8</sup> Igho e rote eke iMisia dose je iTiroasi. <sup>9</sup> Eliyose elagho iPolu o me ime-alo, o me khi ongi iMasidonia o migha a lema, "Bhale iMasidonia ni u ya kpaghie anye obo!" <sup>10</sup> Abi iPolu o ro me oni imeke se, anye mu egbe e le iMasidonia, itobo khi anye lese khi Eshinegba o she lu anye, anye je agho ya gue usomhi onete le.

### *ILidia o mu pfi*

<sup>11</sup> Anye rote iTiroasi lo oko-oké oniemhi da oke oniemhi je iSamotirasi, ogbeakolo, anye te agho je iNiapolisi.

<sup>12</sup> Agho anye te je ifuapfe oyi iFilipi ni o khi eoli ni o mu eloe shi eke iMasidonia ni

† 15:38 Li ze Ika 13.13

ebubu ẹgbọ iRomu e ngeli. Anye ga la agho ebubu ogbele.

<sup>13</sup> Ogbele iyemhe oyi ẹgbọ iJu, anye te oni ẹoli vu je oni oke, ashini anye khokho khi ẹgbọ iJu ee lona shi iromhi isoso. Anye shito nu ikpotso ni e legba agho ngme. <sup>14</sup> Okpotso oghuo elemhi we ni o ri esọ shi eke khi iLidia ongi iTiatira, oni o ri ide eyile e de. O khi okpotso ni oo na ulishi Eshinegba. Abi iPolu o li i ngme, Eshinegba o khueghie oli udu-a shi oni ungmehi. <sup>15</sup> Abi a ro batazi oli ali apfoli se, o lu anye je owa oyoli, oo anye, "A kha lese khi egbegbi oni o miesuo mhi khi, a bhale ya ku shi na mhe." O ti anye shi o ramhi ni anye ro lama shi oli o.

### *A mu iPolu ali iSalasi shi igha*

<sup>16</sup> Eleghuo abi anye li i je ashini anye la a so iromhi, omueshi oghumha oghuo ni o mholi ayemhe obe ni o ro o meke guele emini a ya me, o ya to anye ukhomhi. Eri o ri oni ekpabo imeguele ona a gbe ikpagho na eni e mholi oli. <sup>17</sup> Oo deba iPolu ali anye, oo tsesẹ, oo lie, "Eni e ga Eshinegba ni o fune eni ẹgbọ ena e khi! Eri e tse abo guele abi a li ya mholi imiepfuese!" <sup>18</sup> Ina o li i riele oli ogbele kpa ya ramhi ni oni ingme o ro ri elemhi i bi iPolu, igho iPolu o nyene egbe gueye oni ayemhe, oo li, "Mhi ri eva oyi iJesu mhesẹ ne, fie oli idiegbe ya lase!" Aghoaghọ oni ayemhe o fie oli idiegbe ya lase. <sup>19</sup> Abi eni e mholi oli e ro me khi ẹa ke me ikpagho afa ni e kpe te e oli obo o me, e mu iPolu ali iSalasi tialo ghi enighie obini agbala oyewe. <sup>20</sup> E wolọ we bhale odalo oyi esọ-ẹzo, ee we, "Emose ena, ẹgbọ iJu e khi ni e pfi ozughu e shi awa ifuapfe. <sup>21</sup> E kia a sesẹ ẹgbọ imu ni e khi oda shi eyi awa. Awa ni awa khi iRomu, awa aa ya dobe ri osesẹ oyewe gbe akanya." <sup>22</sup> Eni ebubu ẹgbọ e kuma we o gue ẹzo shi iPolu ali iSalasi egbe. Igho eni esọ-ẹzo e gueye we e banọ we a, e gbe we itali. <sup>23</sup> Abi e ro gbe we egbegbo se, e tigbe pfi we lo owa ighumha. E gueye oni oo khe-ekhe o pfi okpe ashini o rewe shi egbegbo. <sup>24</sup> Abi a ro ri oni omhesẹ na li se, o mu we kulo owa aza elemhi oni owa ighumha, o so we awe igha. <sup>25</sup> Abi itsotso ogbie o ro mu eke, iPolu ali iSalasi ee so iromhi, ee to uwolo kueghie Eshinegba. Ighumha eni e kpole e

ri esọ shi we eke. <sup>26</sup> Udemhija, eke o ri itoto nighise. Oni owa ighumha o rote eke jighise egbegbo. Eloawe eloawe, ode nya ni e lo oni owa le e khueghie-a. Iweghe ni e ro ge eni ighumha nya e ku we awe-a. <sup>27</sup> Abi oni oo khe ekhe agho o ro me khi ode ni e la oni owa ighumha nya khi e khueghie-a, o dabi khi ighumha ni e la agho nya e she pfue. Igho o ji itakobi emhi lasela ni lue ro gbe egbelue-a. <sup>28</sup> Ama iPolu o tsesẹ leghe, oo li, "Khi gbe egbe e-a! Anye nya anye la ana."

<sup>29</sup> Oni oo khe ekhe ogho o lu ogbo o nyanya rue ugbili bhale. O ri ulishi-ulishi na buẹ buẹ, o de ya wugha odalo oyi iPolu ali iSalasi. <sup>30</sup> Igho o rue we lasela, o mhila we, "Elo mhi ya li ni mhi ro ya mholi imiepfuese?"

<sup>31</sup> Ee oli, "Yeye ali apfe nya a mie iJesu Onomhue suo khi a ya mholi imiepfuese."

<sup>32</sup> Igho e gue ungmehi oyi Onomhue ye oli ali apfe oli. <sup>33</sup> Igho oni omose o wolọ we, o dua we utse ni a kuali we. IPolu ali iSalasi e rue oli ali apfoli ya batazi na aghoaghọ. <sup>34</sup> Igho o rue iPolu ali iSalasi nga owa oyoli ya ri eminale na le. Oghelẹ o vo oli ali apfoli nya udu irari khi e she mie Eshinegba suo.

<sup>35</sup> Ele uzogbe ogbeakolo, eni esọ-ẹzo e ri unu na ipolisi e ka gueye oni oo khe-ekhe ogho, "Zobe emose egho obo ni e vu."

<sup>36</sup> Igho oni oo khe ekhe ogho oo iPolu, "Esọ-ẹzo e she ri unu bhale a wolọ e abo-a ni a ke vu. Opfomhe o ka nu e kia." <sup>37</sup> Ama iPolu oo li, "Anye a li ingme okhoghuo ni a ro mu anye gbe itali ukpeloe oyi ẹgbọ nya, aboriekhia khi ẹgbọ iRomu anye khi! Ama e mu anye kulo owa ighumha. Memena, ee nono ni wewe e bena rue anye abo-a, oa ya tse e! Eni esọ-ẹzo wewe-ghuo e bhale ya wolọ anye lasela."

<sup>38</sup> Eni ipolisi e le ya gueye eni enighie abi e ngme. Abi e ro suo khi ẹgbọ iRomu iPolu ali iSalasi e khi, ulishi o mu we. <sup>39</sup> Igho e vu ya kuegbe-a lema we, e wolọ we owa ighumha le, e lema we e kpekpe e lase ewe ifuapfe le. <sup>40</sup> Igho iPolu ali iSalasi e lase oni owa ighumha le, e ya je apfe oyi iLidia. E bhale ya e eni e miesuo agho. E ri udu shi we o, e rote agho vu.

## 17

### *Obini iTēsalonika*

<sup>1</sup> IPōlu ali iSalasi e rōte Afipolisi ali Apolonia dōsē e bhale iTēsalonika ashini owa ugamhi oyi ẹgbọ iJu o la.

<sup>2</sup> IPōlu ọ dōsē je owa ugamhi abi ọ kie kpẹ ẹ li. Ẹfo uka esẹ ọ la aghọ nu wẹ rōte Ebe-nopfuasẹ ku ochi. <sup>3</sup> Ọ rōte Ebe-nopfuasẹ rọli khasẹ gboo, khi ọni Ọmiepfuese, ọ mema ya mẹ osoli, ọ rōte eghuli guale. IPōlu ọ gueyẹ wẹ, “Ijesu ni mhi rọ ọ tse abọ yẹ ẹ ọ khi ọni Ọmiepfuese ni Ẹshinẹgba ọ shobọ khi lọli ya rọ bhale.” <sup>4</sup> Ẹgbọ iJu eghuo e mie shi emini iPōlu ali iSalasi e ngme, e ku ma wẹ ọ ọ ga Ẹshinẹgba. Ighọ li khi ẹgbọ iGiriki eni ẹ na ulishi Ẹshinẹgba ali ebubu ikpotso ni e fialo-a e li miesuọ. <sup>5</sup> Ama ẹgbọ iJu ee kpe ofuma, e kia ya luno ẹgbọ usuesọ-akhuẹ tigbili shi okhọli. E pfi ozughu shi oni ẹdẹli nya. E tsua okhọli lo owa oyi ọmọsẹ ni a lu iJasi ya nono iPōlu ali iSalasi ni wẹwẹ e muno wẹ lasele na eni ẹgbọ. <sup>6</sup> Ama abi ẹa rọ mẹ wẹ, e tialọ iJasi ali eni e miesuọ elese ghọ je odalo oyi enighie eyi oni ẹoli, e tsesẹ leghe, e liẹ, “Emọsẹ ena e she pfi ozughu shi asha kpa! Memena e gbo bhale ifuapfẹ eyi awa, <sup>7</sup> iJasi ọ mie wẹ shi owa oyọli. Ẹ da ishi eyi iSiza, ẹẹ khi oghie ọlese ọ laọ ni a lu iJesu.” <sup>8</sup> Abi e rọ suọ eni ingmemhi ena, elemhi e te ododẹ yese eni ebubu ẹgbọ ali enighie eyi oni ẹoli-a. <sup>9</sup> E ri iJasi ali eni a ga muno wẹ eghọ zẹ oko, neni a tigbe zẹwẹ vu.

### *Elemhi iBērea*

<sup>10</sup> Obili o lesẹ bi ẹlẹghọ, eni e miesuọ e ghie iPōlu ali iSalasi je iBērea. Abi e rọ ramhi aghọ, e je owa ugamhi oyi ẹgbọ iJu. <sup>11</sup> Ẹgbọ ni e la aghọ e mhọli udu ni o khueghie-a dōsẹ eni e la iTēsalonika. E ri esọ shi oni usomhi onete egbegbọ. Ogbẹlẹ kpa e rọ wẹna Ebe-nopfuasẹ ni e mẹ ini emini iPōlu ọ gueyẹ wẹ ini igesikia lọ. <sup>12</sup> Ẹgbọ iJu ebubu e miesuọ, ikpotso iGiriki ni e fia alo-a, ali emọsẹ iGiriki e li miesuọ.

<sup>13</sup> Ama abi ẹgbọ iJu ni e la iTēsalonika e rọ suọ khi iPōlu ọ la iBērea a tse abọ

ungmemhi oyi Ẹshinẹgba, e bhale aghọ ya ngmiasẹ ẹgbọ e ka pfi ozughu. <sup>14</sup> Eloawẹ eloawẹ, eni e miesuọ ẹẹ iPōlu vu ke je egele okẹ oniēmhi, ama iSalasi ali iTimoti e kie la iBērea. <sup>15</sup> Eni emọsẹ ni e kphase iPōlu, e rọ li bhale Atēni, e gbo nyenẹ egbe je iBērea. IPōlu ọ ghie wẹ ghi iSalasi ali iTimoti e keḗ bhale ya ẹ luẹ shi aghọ.

### *Abi iPōlu ọ rọ la obini Atēni*

<sup>16</sup> Abi iPōlu ọ li migha Atēni i khẹ iSalasi ali iTimoti, ọ mẹ ilitisa ọdọda ni e la oni eke, o nighise ọli ayemhẹ. <sup>17</sup> Ighọ ọ nu ẹgbọ iJu ali ẹgbọ iJeta ni ẹẹ na ulishi Ẹshinẹgba ku ochi elemhi owa ugamhi. Ighọ ọ li gbo nu ẹgbọ kpa ni e rōte olele e dōsẹ ẹ ngme ogbẹlẹ kpa. <sup>18</sup> Ẹgbọ eghuo ni ẹ sesẹ, ni e khi Ẹpikuria ali iSitoiki e nu ọli i khẹ akọ.\* Abi iPōlu ọ rọ ngme ungmemhi oyi iJesu ali irōte eghuli guale, eghuo ọ e liẹ, “Elo oyeghẹ ọna ọ mẹ ẹ ngme?” Eghuo ẹẹ li, “Abi khi eri ọọ liẹ awa ke ga ilitisa eyi ẹoli oboese?” <sup>19</sup> Ighọ e rue iPōlu bhale owa ni a lu Aropagosi. (Owa ona eguebe ni e la ẹoli Atēni ẹẹ legba.) “Anye ẹ nono ni u gueyẹ anye abi osesẹ onogbọ ona o ngme. <sup>20</sup> Ingmemhi ni u wa ngme, enegbọ e khi shi anye esọ, gueyẹ anye abi e ngme.” <sup>21</sup> Irari khi ẹgbọ Atēni nya, ali epfese ni e la ọ, e ma pfuse eghẹghẹ-a ke ngme ingmemhi ali ke ri esọ shi owẹna ali ilẹsẹ enegbọ ni e shẹ lasele ẹ gbigbi eke. <sup>22</sup> IPōlu ọ vule migha wẹ iteva ọ wẹ, “Emọsẹ Atēni, mhi mẹ ẹ mẹ khi ẹgbọ ni e mhue ulishi oyi Ẹshinẹgba a khi. <sup>23</sup> Irari khi abi mhi rọọ kia ifuapfẹ eyẹ ẹ gasẹ mhi bino ikhumhi ebubu ni aa ga. Mhi mẹ okula oghuo ni a keke emhi shi, ni ọọ, ‘Oyi olitsa ni aa lesẹ.’ Emini a ga ni ẹẹ khi aa lesẹ, mhi ya gue ingme oyọli yẹ ẹ ena.

<sup>24</sup> “Ẹshinẹgba ni ọ ma agbọ ali emhikpa ni e la elemhi wẹ, lọli ọ khi Ọnọmhue oyi eke ali ukhuli ni ọa ya la Owa ugamhi ni ẹgbọ e ri abọ tọ. <sup>25</sup> Wẹkhi eri ọ nono emhikhoghuo ali ikpaghiobọ oyi ẹgbọ. Itobọ khi lọli ọ ri agbọ ali ayemhẹ ali emhikpa na ẹgbọ nya.† <sup>26</sup> Ogbọ oghuo ọ te ma ẹgbọ ọdọda na ushishi

\* **17:18** Ẹgbọ Ẹpikuria ali iSitoiki ena, e deba osesẹ ni ẹa te odẹ, eyi ọ ni a lu Ẹpikurọsi ali iZeno. Eri Ẹpikurọsi ọọ sesẹ ẹgbọ e zobẹ ni oghẹlẹ ọ khi emini e na khu agbọ oyewẹ, a na ke na emini e ya pfi osoli ali ulishi na wẹ. Ẹgbọ iSitoiki e deba osesẹ ni ẹa te odẹ eyi iZeno, ni ọọ ogbọkpa ọ ke li agbọ oyọli abi usamhi oyọli o lama na li shi. Ogbọ khi zobẹ ni usamhi agbọ aruele okekhi oyi osoli, ni o nasẹ ọli. † **17:25** Li zẹ 1 Ighie 8:27; Aza 42:5; Ika 7:48

ni e la agbọ nya, Lọlighuo ọ ri egheghe shi eke na ushishi ni e ro ya la agbọ ali khi ọ shi ughuli oyi ogbogbo nali. <sup>27</sup> Lọli ọ ligho riele ona ini egbo e roshaka ke nono ọli, ini e me asha ramhi ọli egbe. Ama Eshinegba ọa nuata shi onge-awa ọ. <sup>28</sup> 'Lọli ọ ri ekpabo na awa la agbọ ni awa ro ọ kia, ni awa ro khi oni awa khi,' ali khi, 'imi ọli awa khi,' abi ekekebe eye e eghuo e li ngme ọli.

<sup>29</sup> "Irarigho, aborokhia khi imi Eshinegba awa khi, awa khi ke roli khokho isheli ni egbo e ri eneli ri igolu ali elomho ali eche ma. <sup>30</sup> Egheghe ni o dose, eri Eshinegba ọ mu alo kua shi umhalese oyi egbo. Memena ọ she ri omhese ni ogbokpa ni ọ la ashakpa ọ mu nyene. <sup>31</sup> Irari khi ọ she shi ogbele shi eke ni ọ ro ya ri omose ogghuo gue agbo kpa ezọ. Eshinegba ọ she rokhase agbo khi igesikia onana o khi ni ọ ro rote eghuli guise oni omose ona le."

<sup>32</sup> Abi e ro suo khi iPolu ọ ngme ramhi irote eghuli guale, e ri ọli i li egia, ama elese ee ọli, "Anye a nono ni anye gbo suo ungmehi ona elelese." <sup>33</sup> Igho iPolu ọ rote oni ilegba vu. <sup>34</sup> Emose eghuo e deba li, e mie ọli suo. IDionisusi ni ọ khi ogghuo oni igbaa Aropagosi ọ li deba li. Igho li khi okpotso ogghuo ni a lu iDamarisi ali egbo eghuo elese e li laọ.

## 18

### *Abi iPolu ọ ro la iKoriti*

<sup>1</sup> Abi a ro me eni ingme ena se, iPolu ọ rote eoli Ateni vu je eoli iKoriti. <sup>2</sup> Agho ọ bhale ya e ongi iJu ogghuo ni a lu Akuila ni a bia shi eke iPotusi. Oni loli ali ughue ọli ni a lu iPisila e lese rote eke Itili bhale, irari khi oghie iRomu nya ni a lu iKiladiusi ọ shi ushi na egbo iJu nya ni e la eoli iRomu nya e lase eoli iRomu le. IPolu ọ le ya bino we, <sup>3</sup> irari khi akanya oni ọ ri ide e ghi okhoro ọọ gbe, ọ nu Akuila ali iPisilia a gbe oni akanya ni ee gbe. Ọ nu we la agho.

<sup>4</sup> Ogbele Iyemhea oyi egbo iJu kpa ọ ro je owa ugami oyi egbo iJu ya nu we ku ochi ini ọ dobe ri oni ungmehi lo egbo iJu ali egbo iGiriki esọ. <sup>5</sup> Abi iSalasi ali iTimoti e ro rote eke iMasidonia bhale, iPolu ọ ri egheghe ni ọ mhọli nya gue oni ungmehi

ye egbo iJu, khi iJesu ọ khi Omiepfuese ni Eshinegba ọ shobo khi ọ ya bhale. <sup>6</sup> Abi eni egbo iJu e ro nu ọli khe ako ni e ro ze emue ebe na li, ọa lama shi we ọ, ọ kpe abo shi we ọ, Ọọ, "Mhi kpe abo shi e ọ. Ini a pfua, ee a ya mu ota so. Ọa khi mhemhe a ya mu ota so shi ọlia eye. Rote memena vu, mhia je eke oyi egbo iJeta." <sup>7</sup> Ọ pfi we shi agho vu, ọ je owa oyi ogbo iJeta ni a lu iTatosi iJositosi ni ọọ ga Eshinegba, ni owa oyoli o la mama owa ugami oyi egbo iJu. <sup>8</sup> IKirisipusi ni ọ khi ọga shi oni owa ugami ali apfoli e mie Onomhue suo; ebubu egbo ni e la iKoriti ni e suo oni usomhi e miesuo, a batazi we.

<sup>9</sup> Eliyose eleghuo, iPolu ọ me ime-alo ni Onomhue ọ la nu ọli ngme, ọọ li, "Ulishi o khi mu e, ama kie ke gue ungmehi le, khi tsaghi-a. <sup>10</sup> Irari khi mhi nu e la. Ogbo ọa la ọ ni ọ ya kualii e utse. Irari khi mhi mhọli ebubu egbo shi eoli ona ni e khi egbo eyemhe." <sup>11</sup> Igho iPolu ọ la iKoriti ukpe ogghuo ali ukhukhui, ọọ sese eni egbo ungmehi oyi Eshinegba.

<sup>12</sup> Abi iGalilio ọ ro khi igovuno ni iRomu e ze shi obini eke Akhaya, egbo iJu eghuo e kugbe mu okhọli vule shi iPolu ọ, e mu ọli je ikotu. <sup>13</sup> Ee li, "Eri omose ona ọọ sese egbo ode egbhọli ni a te e ga Eshinegba abi ushi oyi awa ọa ngme."

<sup>14</sup> Abi iPolu ọ li i nono ni loli ngme, igho iGalilio ọ nu egbo iJu ngme, ọọ, "Ini ezọ ni a lu ena o khia khi oyi umhagueli lo okekhi oyi ingmobe okhoghuo lo, mhi kha kuegbe-a ri esọ shi e ee egbo iJu ọ. <sup>15</sup> Ama abi o ro khi ungmehi ekhako ni o la ingmehi ali eva ali ushi oye e egho, ee-ghuo a ya so oni ingme, mhi aa ya so ọ." <sup>16</sup> Ọọ a khu we ikotu ya fe. <sup>17</sup> E gamhi iSositensisi ni ọ khi ọga shi owa ugami mu. E la odalo oni ikotu gbe ọli. Ama iGalilio ọa fe pfi esọ shi we ọ.

<sup>18</sup> IPolu ọ nu eni e miesuo la iKoriti ogbele ni e bu, igho ọ li tse we okhila, loli ali iPisilia ali Akuila e lo oko-oke oniemhi da oke oniemhi je iSiria. Neni iPolu ọ rote iKenkhiria da oke oniemhi, ọ yamhi itsu ukhomhi-a itobo ironga ni ọ ro nga.\* <sup>19</sup> E ramhi Efesosi, ashini iPolu ọ pfi iPisilia ali Akuila shi. Ọ je owa ugami ni ọ nu egbo iJu ku ochi. <sup>20</sup> Eni egbo e ọ nu wewe la agho

\* 18:18 Li ze iNqba 6.18

teşe, ama ọa lama. <sup>21</sup> Ochoghọ, ọ gueye wẹ abi ọ rọ ọ vu, ọọ, “Ini o da khi ọghuẹmhe ọyi Ẹshinegba, mhi ya nyene egbe bhale deba ẹ.” Ighọ ọ rọte Efesosi lo ọkọ-ọkẹ oniẹmhi vu da okẹ oniẹmhi. <sup>22</sup> Abi ọ rọ ramhi iSizeria, ọ te aghọ je iJerusalemu ya tse eni e miesuọ, ọ ke te aghọ je ẹoli Atiọki.

<sup>23</sup> Abi ọ rọ la aghọ ukuku ẹghẹghẹ, ọ te aghọ vu, ọ rọte ekẹ iGalesha ali iFirigia ya ri udu shi eni e miesuọ ọ.

### *Abi Apolosi ọ rọ la Efesosi ali iKoriti*

<sup>24</sup> Oni ẹghẹghẹ, ọmọse ọnge iJu ni a lu Apolosi ni a bia shi Alẹzadira ni ọ khi ọni ọ mema guẹ ebe, o gbo lolo lẹse ebe nọ pfuase, ọ bhale Efesosi. <sup>25</sup> Ọ khi ọgbọ ni a rọte ekẹ sese ode ọyi Ọnọmhuẹ. Ọ mhọli ọmuegbe ni o fu ni ọ rọ sese ingme ọyi iJesu. Emini ọọ sese o rọte ode igesikia. Ama oseşe ọyi iJoni Ọni ọọ batazi ẹgbọ ọ lẹse guẹ. <sup>26</sup> Ighọ ọ li la owa ugamhi ọyi ẹgbọ iJu ri igbedu u ngme. Abi iPisila ali Akuila e rọ suọ ẹmuẹ ni o la li unu, e rue ọli ma egbe je apfe, e kuegbe-a sese ọli ode ọyi Ẹshinegba shi ọ egbegbo. <sup>27</sup> Apolosi ọ rọli shi udu khi lọli ya je Akhaya, eni e miesuọ ni e la Efesosi e kpaghiẹ ọli obọ, e keke ebe ghi eni e miesuọ ni e la Akhaya. E gueye wẹ e kpe abọ mie ọli. Abi ọ rọ ramhi akaghọ, ọ khi ikpaghiobọ oniẹmhi na eni e rọte okhale ọyi Ẹshinegba miesuọ. <sup>28</sup> Irari khi ọ nu ẹgbọ iJu khẹ akọ egbegbo, ọ rọ mu wẹ ọ le. Ọ rọte Ebe-no-pfuase rọkhasẹ wẹ khi iJesu ọ khi Ọmiepfuese ni a shobọ.

## 19

### *Abi iPolu ọ rọ la Efesosi*

<sup>1</sup> Abi Apolosi ọ li la elemhi iKoriti, iPolu ọ rọte elemhi oni ekẹ kia rọte ugbogbode ni o khi ute ute e doşe, ọ bhale Efesosi. Aghọ ọ bhale ya ẹ eni e miesuọ eghuo, <sup>2</sup> ọ mhila wẹ, ọọ wẹ, “Abi a rọ miesuọ, a li mie Ayẹmhe-nọ-pfuase?”

Ẹẹ ọli, “Anye a fe suọ khi a me emini a lu Ayẹmhe-nọ-pfuase ghue.” <sup>3</sup> IPolu ọọ wẹ, “Ibatizi onabi onoghuo a kpe mie?”

Ẹẹ ọli, “Ibatizi ọyi iJoni.” <sup>4</sup> IPolu ọọ wẹ, “Ibatizi ọyi iJoni, ibatizi ona imupfi lọ. Ama ọni iJoni ọ gueye ẹgbọ iZireni e mie ọni ọ ya

bhale ikpukhokho oyelue suọ, ikhi iJesu.”\*

<sup>5</sup> Abi e rọ suọ ona se, a ri eva ọyi iJesu Ọnọmhuẹ batazi wẹ. <sup>6</sup> IPolu ọ ri abọ nga wẹ ukhomhi, Ayẹmhe-nọ-pfuase ọ tiemhile shi wẹ ọ, ee ngme ẹmuẹ onogbo. E gbolo o ngme ungmehi ni Ẹshinegba ọ rọ shi wẹ unu. <sup>7</sup> Wẹwẹ nya e khi emose ogbava.

<sup>8</sup> IPolu ọ lo elemhi owa ugamhi, ọ la aghọ iki ese, ọ ri igbedu nu eni ẹgbọ ngme. Ọ nu wẹ ku ochi, ọọ sese wẹ ni e mie shi ingme Eghiele ọyi Ẹshinegba. <sup>9</sup> Ama eghuo ọ e khi issueso-akhue ni ẹa lama miesuọ. E la ukpeloe oni igbaa ngme ingmemhi ebe deba oni ode. Ighọ iPolu ọ pfi wẹ shi aghọ vu, ọ rue eni e deba li je owa ọyi iTiranosi. Ọ la aghọ nu wẹ ẹ ku ochi ingme iloghie ogbele kpa. <sup>10</sup> Ikpe eva ọ la aghọ sese wẹ, ghe ẹgbọ iJu ali ẹgbọ iGiriki ni e la ekẹ Esha, e suọ ungmehi ọyi Ọnọmhuẹ.

### *Imi iSikiva*

<sup>11</sup> Ẹshinegba ọ te obọ ọyi iPolu u gbe ikanya oshabọ ododa. <sup>12</sup> O ya ramhi khi ibede ali ọgbene ni a rọte iPolu egbe wolọ, e ri ẹgbọ ni ẹa ze e toto, ali e khu ẹgbọ ayẹmhe ọkphaghiẹ idiegbe ya lase.

<sup>13</sup> Ẹgbọ iJu eghuo ni ee kia ukhomhi ẹoli gasẹ ri imajiki i khu ayẹmhe obe kua, e li nono ni e ri eva ọyi iJesu Ọnọmhuẹ riẹle abi imajiki khu ayẹmhe obe. E liẹ, “Anye ri eva ọyi iJesu ni iPolu ọ rọ tse abọ mhese ne, fiẹ lase!” <sup>14</sup> Imi ọga ọyi ekpodalo ugamhi ọnge iJu ọghuo ni a lu iSikiva etuoshilua, ee li ona. <sup>15</sup> Ighọ, oni ayẹmhe obe, ọọ wẹ, “Mhi lẹse iJesu, mhi lẹse iPolu, eghuo a khi?” <sup>16</sup> Ọni ọmose ni ọ mhọli oni ayẹmhe obe ọghọ, ọ kpha rughu wẹ, ọ gbe wẹ kuali utse. E ri irumheba na kua.

<sup>17</sup> Abi ẹgbọ iJu ali iJeta ni e la ekẹ Efesosi e rọ suọ emini a me, ulishi oo mu wẹ. E ri ẹkpẹ na eva ọyi iJesu Ọnọmhuẹ. <sup>18</sup> Igbaa ọyi eni e mie iJesu iKirisiti suọ e fiẹ lasele gboo, e zono olamhe eyewe le nya. <sup>19</sup> Ebubu wẹ ni e kpe ẹ li eboli, e wolọ ebe ni e rọ ọ li eboli nya lasele toşe-a. Abi a rọ ta ingme ni a rọ de eni ebe ni e toşe-a, e ya khi ẹkpa udududu. <sup>20</sup> Ighọ ungmehi ọyi Ọnọmhuẹ oo ge shi ọ tse, oo toto-a.

<sup>21</sup> Abi a rọ me ingme ena se, iPolu ọ sa ọ khi lọli ya rọte ekẹ iMasidonia ali Akhaya

\* 19:4 Li ze iMat 3.11; iMak 1.4,7-8; iLuk 3.4,16; iJon 1.26-27

dose je iJerusalemu. Oo eni egbo, “Mhi kha ramhi agho se, mhi ya rote oobo je eoli iRomu.”<sup>22</sup> Igho o ghie iTimoti ali Erasitosi ni e nu oli a gbe akanya je iMasidonia. Loli o la eke Esha ukuku eghoghe.

### *Onyaghu ni a me Efesosi*

<sup>23</sup> Oni eghoghe, ukpokpomhi onyaghu o ya de shi eoli Efesosi irari osese ni iPolu oo sese.<sup>24</sup> Omose oghuo o la o, ni a lu iDemetiriusi ni oo lumhi igolu ro rieie irokhokho okula oyi olitsa Atemisi. O tsua oki oniemi ghi eni e gbe oni akanya.<sup>25</sup> Igho oni omose o luno wewe nya kugbe, oo we, “A lese khi egbegbi eleli awa rote oni oki ona me.”<sup>26</sup> Mena a she me, a gbolo suo ikanya ni iPolu oo gbe. Loli oo gueye egbo khi ilitsa ni a ri abo mama khi afue e khi. Ebubu egbo ni e la eoli Efesosi ali eke Esha nya e she mie oli suo.<sup>27</sup> Oki oyawa o she la okhena ni o ro o le eva obe. Ali khi ekpe oniemi ni a ro na olitsa Atemisi ali okula oyoli o ya mele afue-a. Olitsa ona egbo ni e la eke Esha ali agbo nya ee ga.”

<sup>28</sup> Abi eni egbo e ro suo ona, elemhi ee bi we. E ri ofu tse e gase eke gbii, ee lie, “Olitsa onofune, Atemisi o khi ni anye egbo Efesosi anye ee ga.”<sup>29</sup> Oni okeke o gbhiaku oni eoli. Eni egbo e mu iGayusi ali Arisitakusi ni e khi engi iMasidonia ni e nu iPolu kia a gase. E rue we bhale olele.<sup>30</sup> IPolu oo nono ni loli je odalo oyi oni igbaa, ama eni e miesuo ea ze oli obo.<sup>31</sup> Ekhemhue eghuo ni ee mhese shi oni eke ni e khi emole iPolu e li ghie usomhi ya lema li o khi bie je elemhi olele ya ri egboli khase.<sup>32</sup> Oni eghoghe, okeke oniemi o de elemhi oni igba. Eghuo e kha ngme e je ola, elese e ngme e je oobo. Egbo eghuo ni e la agho ea lese emini o pfi oni ozughu.<sup>33</sup> Eni ee ralo na egbo iju eghuo e tan o Alezada abo je odalo o ka ngme na ewe. E gueye oli emini o ya ngme. Igho oni Alezada o ri abo gbe we akhiakhia. O guele emini a me.<sup>34</sup> Ama abi eni ebubu egbo e ro lese khi ongi iju o khi, e ri uruli oghuo tse gbii, elemhi iwakati eva, ee lie, “Olitsa onofune Atemisi o khi ni anye egbo Efesosi ee ga.”<sup>35</sup> Ikpukhokho o, okoke-ebe oyewe o fie lasale, o ri abo gbe we akhiakhia. Oo we, “Inyoghuo-mhe egbo Efesosi, ogbokpa o lese khi awa khi eni e khekhe okula

Atemasi, ali echeli oyoli ni o rote idane de tiemhile?<sup>36</sup> Aa me ogbokhoghuo ni o dobe ya tia onana. Itobo igbo a die oili lalo ni udu oyee o pfomhe. A khi ri inyanya-dose rieie emhikhoghuo.<sup>37</sup> Eri a muno emose ena bhale abi o rie khia khi ea rote oni owa ugamhi do ughiat, wekhi eri e ze emuebe na olitsa ni awa a ga.<sup>38</sup> Ini iDemetiriusi ali apfli e mhue ogbokhoghuo ni o li we ingme, a lese khi awa mholi ikotu ali eso-ezo, o ka lu eni egbo ezo.<sup>39</sup> Ama ini a me emhese ni a nono ni a ro lasale, a ze ni a la igba ni a la gue ezo so o.<sup>40</sup> Irari khi ini a bino emini a me amo, awa la okhena ipfa ezo mu khi awa, awa pfi ozughu. Awa aa ya me ezo gue pfa egbe awa shi eke, irari khi awa aa mholi emini o pfi oni ozughu onana.”<sup>41</sup> Abi o ro ngme se, oo oni igba o ve-a.

## 20

### *IPolu o rote eke iMasidonia ali Akhaya dose*

<sup>1</sup> Abi oni okeke o ro pfomhe, iPolu o ghie ya lu eni e miesuo. O ye we ude se, o tse we okhila. O je eke iMasidonia.<sup>2</sup> O rote oni eke dose. O kia ri ingmemhi ni e bu ri udu shi eni e miesuo ni e la oni eke o. Ikpukhokho, o ramhi eke iGirisi.<sup>3</sup> O la agho iki ese. Irari khi egbo iju e gba ugbamhi obe khe oli, abi o li nono ni loli lo oko-oke oniemi je iSiria, o ri ochogho mu egbe pfi rote ode iMasidonia vu.<sup>4</sup> Isopata omi iParosi ongi iBerea o deba li, li shi Aristakusi ali iSekudosi ni e khi engi iTsalonika, ghe iGayusi ali iTimoti engi iDebi, gbo li shi iTakikosi ali iTiروفimosi ni e khi engi eke Esha.<sup>5</sup> Etuava ni a ngme kpukhokho enana, e je odalo ya migha khe anye obini eoli iTiroasi.<sup>6</sup> Anye rote iFilipi kia ukhomhi oke oniemi ogbele ishe, abi a ro li ukpe ibuledi ni aa ri ifuma shi nye se. Anye bhale ya e eni e migha e khe anye eoli iTiroasi, anye la agho ogbele ishilua.

### *IPolu o rote eghuli guise Iyutikosi le*

<sup>7</sup> Ogbele nodode elemhi efo uka, anye bhale kugbe ni anye ya le eminale ni o pfuase. IPolu o nu eni egbo ngme tse irari khi o ya vu ogbeakolo. O ngme ya ramhi itsotso ogbie.<sup>8</sup> A ri igbili ni e bu ru shi elemhi owa ukhomhi atonga ni anye legba.<sup>9</sup> Ozeo oghuo ni a lu Iyutikosi o shito okele

ni o la oni atonga. Ukpokpomhi olese o do li rue abi iPolu o ro ngme e tese dose. Abi iPolu o kie li i ngme, oni olese o lo oli egbe ramhi ni o ro rote ukhomhi atonga nuzi-ese de ya tiemhi eke. Abi e ro mu oli vule, o she ghua. <sup>10</sup> Ama iPolu o tiemhi eke, o mu oli ko elemhi, o to oli etuli, oo, "A li tsuke, ayemhe oyoli o kie lao." <sup>11</sup> Igho, o nyene egbe nga atonga, e le eminale ni o pfuase. O nu we ngme ramhi ni ovo o ro ngale. IPolu o vu. <sup>12</sup> Eni egbo e rue oni ozeo je apfe, o mholi ikuatse okhoghwo. Onana o ri udu pfomhe we egbegbo.

### *IPolu o tse eni egbhali Efisha okhila*

<sup>13</sup> Anye lo oko-okе oniemi je odalo ya migha khe iPolu Asosi, asha ni iPolu o te ya deba anye lo oko-okе oniemi. Loli o mhesa ona itobo khi awe o ro ya bhale. <sup>14</sup> Abi o ro bhale ya e anye shi Asosi, anye ga lo oko okе oniemi oghuo je iMitileni. <sup>15</sup> Ogbeakolo, anye lo oko okе oniemi te agho ya je iKhiosi, ogbele ni o de bali, anye rote agho da je iSamosi, ogbeakolo anye ramhi iMiletusi. <sup>16</sup> IPolu o nono ni loli migha eoli Efesosi itobo ini loli khi pfuse eghenge a shi eke Esha, irari khi inyanya o la ini loli kele ramhi iJerusalemu shi ogbele iPetikositi.

<sup>17</sup> Eoli iMiletusi iPolu o te ghie usomhi ghi egbhali ni e la igba oyi egbo eni e miesuo ni e la eoli Efesosi e bhale ya e lue. <sup>18</sup> Abi e ro ramhi agho, oo we, "A lese abi mhi li nu e ngeli abi mhi ro la iteva oye, ro te ogbele onodode ni mhi te lo eke Esha le. <sup>19</sup> Rote iregbemhe-tiemhile ali ameh evie mhi ro gbe ikanya eyemhe abi oni oo ga oyi Onomhue, eghenge ni o ro ze mu mhe ni egbo iJu e ro gba khe mhe. <sup>20</sup> E a lese khi mhi aa ri emhikhoghwo ni o ya kpaghie e obo sheli e abi mhi ro o tse abo ali ni mhi ro o sese e elemhi igbaa ali ifuapfe. <sup>21</sup> Mhi she kpe gweye egbo iJu ali egbo ifeta khi e mema a te olamhe eyewe mu pfi deba Eshinegba ni e mie iJesu Onomhue oyawa suo.

<sup>22</sup> "Memena, ni mhi ro suo eso na Ayemhe-no-pfuase, mhia le iJerusalemu, ni o khia khi mhi aa lese emini mhi ya me oobo. <sup>23</sup> Mhi lese khi asha kpa ni mhi je, Ayemhe-no-pfuase o she kpe gweye mhe khi owa

ighumha ali anasemhe e migha a khe mhe. <sup>24</sup> Ama eri mhi leli agbo oyemhe shi afue, ini mhi lese me asha gbe akanya ni iJesu Onomhue o mhesa na mhe pfo. Ikhi itsabo usomhi onete isomhelemhi oyi Eshinegba.\*

<sup>25</sup> "Mhi she kia rote asha je asha tse abo ungmehi Eghiele oyi Eshinegba ye e. Memena mhi lese khi ongee, o a ke tigbe ya me mhe ghue. <sup>26</sup> Irarigho, mhi gweye e amo khi ini ongee o pfua, o a ke la obo oyemhe. <sup>27</sup> Irari khi ulishi ogbokhoghwo o a mu mhe ni mhi ro gue ungmehi oyi Eshinegba ye e. <sup>28</sup> Igho, a ri eloe khu egbe e, ali ogbokpa ni Ayemhe-no-pfuase o ro nga e obo. Khi orisumha-kia oyi igbaa oyi eni e mie iJesu iKirisiti suo oyi Eshinegba ni o ri oia eyoli de. <sup>29</sup> Mhi lese khi ini mhi da vu se, egbo ni e kholo abi ekpe ali idumhi e ya lo e iteva le, e a ya ze eni isumha obo khi e a kuali we utse. <sup>30</sup> Eghenge o ya ramhi ni egbo eghuo elemhi e e ro ya ri ingmemhi egbhue di eni e miesuo, e rue iteva oye lasele. <sup>31</sup> Irarigho, a ri eloe shi o, a gbo sato khi elemhi ikpe ese mhi aa tigbe yemhe-a itse agua ye e, shi ele oguota ghe eliyose, elemhi evie.

<sup>32</sup> "Memena, mhi re e nga Eshinegba obo, ali ungmehi isomhelemhi oyoli, ni o ya re e fu shi irudunga, ni o ya re e mholi ugu ni eni Eshinegba o she khuse pfuase e ya mholi. <sup>33</sup> Mhi aa do ogbokhoghwo okonyo elomho ali igolu wekhi ode oyoli. <sup>34</sup> E a lese khi abo eyemhe ena mhi ro gbe akanya ro de emini mhemhe ali eni e nu mhe kia ee nono kpa. <sup>35</sup> Elemhi emini mhi riele kpa, mhi rokhasa e khi awa mema ya ri akanya igbegbe onana kpaghie eni e a mholi obo. A sato ungmehi oyi iJesu Onomhue, ni oo, 'Ikhivose o la irona dose imiemie.' "

<sup>36</sup> Abi iPolu o ro ngme se, loli ali ewe e wugha, o so iromhi. <sup>37</sup> Ee vie abi e li i tse oli okhila, e mu oli, ni e pfipfi oli egbe. <sup>38</sup> Oni o lolo ri egbe pfo we-a khi oni o gweye we khi e a ke tigbe ya me lue ghue. Igho e kphase oli ya lo oko-okе oniemi.

## 21

### *IPolu o vu iJerusalemu*

<sup>1</sup> Anye tse we okhila se, anye kia oke oniemi talala a je eoli iKosi. Ogbeakolo

\* 20:24 Li ze 2 iTimo 4.7



anye je eke iRodisi, anye rote agho je eoli iPatara. <sup>2</sup> Anye lo oko-okę onięmhi ni oo je eke iFonisha, igho anye lo o vu. <sup>3</sup> Anye nise alo me iSapurosi, anye rote ukiękię ogobo ini a so alo ghue obini ovo o te e lo eko. Anye je eke iSiria. Anye migha eoli iTai, agho oko oyi anye o la tiese itsua shi eke.

<sup>4</sup> Anye me egbo eni e miesuo eghuo, anye nu we la agho ogbele ishilua. Ayemhe-nopfuase o gueye we iPolu o khi je eke iJerusalemu. <sup>5</sup> Anye nu we la agho ramhi eghęghę ni anye nu we ya la akaghо ramhi se, anye rue okiali eke. Igbaa oyi eni e mie iJesu iKirisiti suo nya ali ighuewe ali imiwe e kphase anye fię lasele oni eoli, anye ramhi eseso oke onięmhi, anye wugha so iromhi. <sup>6</sup> Anye tse egbe okhila se, anye ya lo oko-okę, wewe e nyene egbe ukhokho, e je apfe.

<sup>7</sup> Anye rote iTai vu, anye bhale iTolemasi. Anye la agho tse eni e miesuo, anye nu we la agho ogbeleghuo. <sup>8</sup> Anye vu ogbeakolo, anye ramhi iSizeria. Anye kushi owa oyi iFilipu oni o kia gue ungmehi oyi Eshinegba le, ni o khi oghuo egbo oshilua ni a la iJerusalemu ze.\* <sup>9</sup> O mholi eniye imueshi aane ni ea ye ughue ne, ni e me eke e guele.

<sup>10</sup> Abi anye ro la agho ogbele ni e bu, omekeguele ni a lu Agabusi o rote eke iJudia bhale.† <sup>11</sup> Igho o rue ugbhobho ni a ro o mu oku oyi iPolu. O roli genogbo ali awe. Oo, "Ayemhe-nopfuase oo khi, 'Ina egbo iju ni e la iJerusalemu e li ya ge oni o mholi ugbhobho ona, e mu oli na egbo ijeta.'"

<sup>12</sup> Abi anye ro suo ona, anye ali egbo elese ni e la agho, anye lema iPolu o khi je iJerusalemu. <sup>13</sup> Ama iPolu oo, "Elo o ze ni a ro o vie, ni a ro o yese mhe udu-a. Aa khi eri mhi lese mu egbe ni a ro ya ge mhe tse, ama mhi ga mu egbe ni mhi ro ya ghu-a shi iJerusalemu, irari eva oyi iJesu Onomhue." <sup>14</sup> Abi anye aa ro dobe zu oli ode, anye yemhe-a, anye e oli, "O ka tse abi o ghole Onomhue."

<sup>15</sup> Onana o dose se, anye mu egbe, anye nga iJerusalemu. <sup>16</sup> Eniye odukhokho eghuo ni e la iSizeria, e kphase anye, e ri anye bhale owa oyi iMinaso, ni o khi ongi

iSapurosi ni o khi oghuo eni e kpe todode miesuo.

### *Abi iPolu o ro ramhi iJerusalemu*

<sup>17</sup> Abi anye ro ramhi iJerusalemu, eni e miesuo e kpe abo mie anye egbegbo. <sup>18</sup> Ogbeakolo iPolu ali anye enekpole anye ya me iJemhisi, eni egbhali eni e miesuo nya e li la agho. <sup>19</sup> IPolu o tse we, o kuegbe-a gueye we ikanya ni Eshinegba o gbe shi iteva oyi egbo ijeta rote akanya oyi Eshinegba ni oo gbe.

<sup>20</sup> Abi e ro suo ingmemhi ni iPolu o ngme se, e kueghie Eshinegba. Igho e iPolu, "Inyoghuo, wa a me egbo agbele-agbele eyi iju ni e mie iJesu suo, wewe nya e mholi omuegbe shi iri ushi gbe akanya. <sup>21</sup> E she kpe suo khi eri u wa sese egbo iju nya e tsua Ishi eyi iMosisi kua, khi u we e khi shele imi we-a ali e khi ke deba ighuighue eyi egbo iju. <sup>22</sup> Se awa ya li, irari khi e mema ya suo khi u she bhale. <sup>23</sup> Ina anye nono u li, emose aane e nu anye la ana ni e she ro nga. <sup>24</sup> Rue emose ena, ni a ga ya rięle ikhue-pfuase. U gbo fali ota na we ni a ro ya ta we itsu-a. Ishegho, ogbokpa o ya lese khi egbhali a kie me, khi u ri Ishi eyi iMosisi e gbe akanya.‡ <sup>25</sup> Ama anye she ri ebe ghi egbo ijeta eni e miesuo ro gueye we abi anye ngme, khi e ti egbe eminale ni a ro luase obo le, ali e khi ke da oia ali e khi le elamhi ni aa fa uruli, ali e lase itsebo ikuku le."§

<sup>26</sup> Ogbeakolo, iPolu o rue eni emose, e ga ya rięle ikhue-pfuase. Igho o je Owa Oyi Eshinegba ya gueye we ogbele ni oni ikhue-pfuase o ya pfo ali emini a ro ya rięle iluasobo na ogbogbo.

### *A mu iPolu*

<sup>27</sup> Abi eni ogbele ishilua e ro ya gba, egbo iju eghuo ni e rote eke Esha bhale e me iPolu elemhi Owa Oyi Eshinegba. E tano shi eni ebubu egbo elemhi, e mu iPolu. <sup>28</sup> E tse se leghe, ee li, "Egbo iZireni, a kpaghie anye obo. Eri oni omose ona o kia sese egbo ashakpa, mu okhali vule shi egbo eyawa o, ali ishi eyawa ali Owa Oyi Eshinegba onana. Oa khi ena tse, o she gbo rue egbo iGiriki lo Owa oyi Eshinegba oyawa ya ri ichimhi mu asha ni o pfuase onana."

\* 21:8 Li ze Ika 6.5; 8.5 † 21:10 Li ze Ika 11.28 ‡ 21:24 Li ze iNoba 6.13-21 § 21:25 Li ze Ika 15.29

29 (Eri e ngme ona itobọ khi e mę iTirofimosi ọngi Efesosi ali iPọlu ifuapfe, e dabi khi ọ she ọli lo Owa Oyi Eshinegba.)\*

30 Onyaghu o lo oni ifuapfe nya le, eni ẹgbọ e rọte ashakhasha na a bhale. E mu iPọlu, e rọte oni Owa oyi Eshinegba ti ọli lasese, aghoaghọ, e sọ okpe ode nya. 31 Abi eni ẹgbọ e li nono ni wewẹ gbe ọli-a, oni ingme o ramhi esọ oyi oni ọọ mhese na ekhọli-okhue eyi iRomu khi edeli iJerusalemu nya o la onyaghu oniemi. 32 Eloawẹ eloawẹ, ọ wolọ ekhọli-okhue ma egbe e na tiemhi deba eni ebubu ẹgbọ. Abi eni ẹ nyaghu eghọ e rọ mę ọli ali eni ekhọli-okhue, e mu mhue, ẹ a ke gbe iPọlu.

33 Oni ọ mhese na ekhọli-okhue oghọ ọ mu iPọlu, ọ e ri iwẹghẹ eva gẹ ọli. Ọ mhila eni ẹgbọ oni ọ khi ali emini ọ li. 34 Ẹgbọ eghuo ni e la oni igba ee tsesẹ, ogbogbo ọ ngme oyọli. Abi oni ọga okhọli-okhue oghọ ọa rọ lese emini ee ngme, ọọ a mu iPọlu ya shi apfe ekhọli-okhue. 35 Abi e rọ ramhi unu owa, eni ekhọli-okhue e mu iPọlu tsua irari khi eni ẹ domhi ọli e bu dose. 36 Ighọ e li kpikpi deba li, ee tsesẹ gbii, e liẹ, “A gbe ọli-a, a gbe ọli-a.”

### *IPọlu ọ pfa egbọli shi eke*

37 Abi eni ekhọli-okhue e li mu iPọlu lo apfe eyi ekhọli-okhue, ọọ ọga oyewe, “Mhia nono ni mhi nu ẹ ngme?”

Oni ọga ọọ li, “U gue ẹ ngme ẹlemhi iGiriki?” 38 “Ọa khi yeye u khi ọngi ijipiti ni ọ ke gba onyaghu eke le? Ni u wolọ ẹgbọ agbele ene ni ee gbolo ekhọli-okhue eyi iRomu-a, ni u rue wẹ je odagbe ifufu ya mu wẹ egbe shi onyaghu?”

39 IPọlu ọ sọ li ọ, ọọ li, “Ọngi iJu ni a bia shi ẹoli iTasosi ni o la eke iSilisha mhi khi. Omọ eke ẹoli ni o mu ẹloe. Kpekpe zẹ mhe nu eni ẹgbọ ena ngme.”

40 Abi ọga oyi ekhọli-okhue ọ rọ ri oni ẹghẹghẹ na li, iPọlu ọ migha atete unu ode, ọ ri abọ nu wẹ ngme e tsaghie-a. Abi e rọ tsaghie-a, iPọlu ọ ri ẹlemhi Iburu nu wẹ ẹ ngme.

## 22

1 “Inyoghuo-mhe ali itamhe ni a mu ekpe ẹ na, a ri esọ shi eke ni a suọ ezọ ni mhi ya

gue pfa egbemhe shi eke ena.” 2 Abi e suọ khi ọ nu wẹ ngme ẹlemhi Iburu, e ga lolo tsaghie-a.

Ighọ iPọlu ọọ, 3 “Ọngi iJu mhi khi, ni a bia shi ẹoli iTasosi ni o la eke iSilisha. Eoli iJerusalemu ona mhi la fu vule. Ayi iGamaliẹ a la sese mhe egbegbo abi a liẹ deba ishi eyi ititawa. Eri mhi mhọli omuegbe shi ingme oyi Eshinegba egbegbo ezese abi ẹ a ke li ogbe na amo.\* 4 Eri mhi mu okhọli vule shi ẹgbọ ni e rọte Ode oyi Onomhue ọ, ramhi ni mhi rọ gbolo eghuo-a. Mhi mu emose ali ikpotso kulo owa ighumha. 5 Okpeda na ekpodalo-ugamhi eyi Eshinegba ali enighie e ya pfi otsese shi ọ khi igesikia mhia ngme. Mhi mie wẹ ebe ghi eni eralo na ẹgbọ iJu ni e la iDamasikosi, ni mhi rọ ya ri iwẹghẹ shi eni e miesuọ ni e la oobọ abọ, ni mhi muno wẹ je iJerusalemu ya nase.†

### *IPọlu ọ guele abi ọli li mupfi (Ika 9.1-19; 26.12-18)*

6 “Eleghuo khi mhi i le iDamasikosi, it-sotso oguota khi mhi lese ti ramhi oni ẹoli, akpa ni o lolo gẹ nyanyanya o rọte irarogbe mi nga mhe egbe udemhija. 7 Ighọ mhi de ya gbe, mhi suọ khi uruli ọọ mhe, ‘ISolu! ISolu! Elo e zẹ ni u rọ mu okhọli vule shi mhe ọ?’

8 “Mhi mhila li, ‘Oghuo u khi, Onomhue?’

“Oọ mhe, ‘Mhemhe khi iJesu onge iNazareti ni u mu okhọli vule shi ọ.’ 9 Emose ni e nu mhe kia, e mę oni akpa, ama ẹa suọ uruli ni o nu mhe ngme.

10 “Mhi mhila li, ‘Elo mhi ya riẹle, Onomhue?’

“Onomhue ọọ mhe, ‘Vule ni u lo elemhi ẹoli iDamasikosi, a ya la aghọ gueye emini a mhese ne nya ni u ya riẹle.’ 11 Mhi zẹ alo itobọ ugemhi akpa ni o mi nga mhe alo. Eni anye ga kia e ke mu mhe obọ lo elemhi ẹoli iDamasikosi.

12 “Omose oghuo ọ la aghọ ni a lu Ananayasi. Oni ọ ga ugamhi, ni ọ ri ushi ẹ gbe akanya ọ khi. Ẹgbọ iJu nya e mu ekpe a na li. 13 Lọli ọ bhale ya migha mama mhe, ni ọọ, ‘Inyoghuo-mhe iSolu, alo eye e khueghie-a,’ utoghuo kpe, alo eyemhe e khueghie-a, mhi mę eke mę ọli.

\* 21:29 Li zẹ Ika 20.4 \* 22:3 Li zẹ Ika 5.34-39 † 22:5 Li zẹ Ika 8.3; 26.9-11

14 “Oo mhe, ‘Eshinegba oyi ititawa o she ze kee, ni u lese oghuemhe oyoli, ni u me Oni o suo eso na Eshinegba, ni o ri unu oyoli nu e ngme. 15 Irari khi u ya khi otsele oyoli, ni u ke ngme emini u suo ali ni u gbo ri alo me, gueye egbo nya. 16 Memena, elo u ke migha khe? Vule ni mhi batazi e, ni a gbe olamhe eye kua ne, rote eva oyi Onomhue.’

17 “Agho mhi te mu egbe pfi je eoli iJerusalemu. Abi mhi ro la Owa Oyi Eshinegba lema, mhi me ime-alo, 18 igho mhi me Onomhue, o gueye mhe, ‘Nyanya rote eoli iJerusalemu vu, itobo khi eni egbo ena, ea ya mie shi otsele oye ni u ya pfi na mhe.’

19 “Mhie oli, ‘Onomhue, eni egbo ena e ga lese khi mhemhe mhi kia kia owa ugamhi muno egbo ni e mie e suo kulo owa ighumha, mhi gbe we egbegbo. 20 Ali, ele ni e gbe iSitivini-a ni o li khi otsele, mhemhe mhi la agho, mhii mie obo shi oni eghuli, mhi ri eloe khu itsua na eni e tonu oli eche gbe-a.’”

21 “Oni Onomhue oo mhe, ‘Ke le, mhi ya ghie e je odonue ghi egbo ifeta.’”

### *IPolu omo-ekere iRomu*

22 Eni ebubu egbo e ku eso-a na iPolu kie ramhi ana ni o ro ngme na, igho e li tseshe leghe, ee li, “A mu oli vu, A gbe oli-a. Ona o ke khi oni o la agbo!”

23 E tseshe, ee pfi ide idane wiliwili, e yalo ifufu ku nga idane. 24 Oni oo mheshe na ekhohi-okhue, oo a rue iPolu lo apfe oyi ekhohi-okhue. Oo we, e gbe oli ite ni e mhila li ini e lese emini o ze khi egbo iJu e lina a tseshe ku oli. 25 Ama abi e ro ge iPolu, ni wewe e gbe oli, iPolu o mhila oni oga oyi okhohi-okhue ni o migha agho, “Ushi o lama a shi o u gbe omoke iRomu itali ini aa me umhagueli oli obo ne?” 26 Abi oni oga oyi okhohi-okhue o ro suo ona, o le ya gueye oni oo mheshe na we ni o kpeda na li. Oo, “Gue kia e, see u wa li ena? Omose ona omoke iRomu o khi e.” 27 Igho oni oo mheshe na we o le deba iPolu o mhila li, “Mhie i, omoke iRomu u khi?”

IPolu oo, “Ii, omoke mhi khi.”

28 Oni oo mheshe na ekhohi-okhue oo, “Omo-ekere ni mhemhe mhi khi, ikpokpomhi

ikpagho mhi fali ro mie ebe ro khi omoke.”

IPolu oo, “Ama mhemhe oyemhe, ongi iRomu a bia mhe.”

29 Eloawe-elowe, eni ekhohi-okhue ni e nono ni wewe e mhila iPolu ingme unu, e ti egbe je ukhokho, abi oni oo mheshe na ekhohi-okhue o ro lese khi ongi iRomu iPolu o khi, ulishi oo mu oli, irari khi o she gueye we e ri iweghe shi oli abo, e gbe oli.

### *Abi a ro rue iPolu bhale odalo oyi iSaediri*

30 Ogbeakolo, oni oo mheshe na ekhohi-okhue oo nono ni loli lese emini egbo iJu e nu iPolu e gue, o taghie iPolu iweghe-a. O gueye ighie eyi ekpodalo-ugamhi ali iSaediri e legba. O rue iPolu bhale ya migha odalo oyewe.

## 23

1 IPolu o bino oni igbaa iSaediri tatata, oo we, “Inyoghuo-mhe, mhi she rote udu onete oyemhe nya gbe akanya oyemhe pfo na Eshinegba ya ramhi amo.” 2 Abi o ro ngme ona, Oga oyi ekpodalo ugamhi ni a lu Ananayasi oo eni e ti mama iPolu e lase oli unu. 3 IPolu oo li, “Eshinegba o ya ri emhi lie, yeye ugbe ni a ri etseli gboloa. Yeye u shito agho a gue mhe ezogbe-a, ama yeye oye u gbe ushi-a abi u li ri unu bhale a ri emhi li mhe.”\*

4 Eni e ti mama iPolu e oli, “U ga gbudu ri unu a ghi oga oyi ekpodalo ugamhi eyi Eshinegba?” 5 IPolu oo we, “Inyoghuo-mhe, mhi aa lese khi loli o khi oga oyi ekpodalo ugamhi eyi Eshinegba! A keke oli shi ebe-no-pfuase, ‘Khi gbudu ngme onobe oyi oni o mheshe na egbo eye.’”†

6 Abi iPolu o ro lese khi eghuo eni egbo khi iSadusi e khi, eni e kpole e khi iFarisi, o la oni igbaa ngme lasel leghe, oo, “Inyoghuo-mhe, otu iFarisi mhi la, mhi gbo khi omi iFarisi. Eri a la ana a gue mhe ezogbe itobo khi mhi mhohi irudusho khi eni e ghu-a e ya gbo guale.”‡ 7 Abi o li ngme ona se, uwola o de ni otu iFarisi ali otu iSadusi, oni igbaa o kemhi. 8 (Irari khi otu iSadusi ea lama shi o khi egbo e ya rote eghuli guale, ea gbo lama

‡ 22:20 Li ze Ika 7.58 \* 23:3 Li ze iMat 23.27-28 † 23:5 Li ze Okiali 22.28 ‡ 23:6 Li ze Ika 26.5; iFili 3.5 § 23:8 Li ze iMat 22.23; iMak 12.18; iLuk 20.27

khi igeni ali iyemhe e la o, ama otu iFarisi e lama shi enana nya.)S

<sup>9</sup> Ukpokpomhi okeke o de, esese Ishi eyi iMosisi eghuo ni e khi otu iFarisi e vule e khe akọ ni o toto, ee li, “Anye aa me emhikhoghuo obọ oyi omose ona,” e gbolo e, “Ini o fe khi-a khi ayemhe, o ke khi ageni o nu oli ngme?” <sup>10</sup> Oni ekhako o pfuse toto-a sho, ulishi o mu oni oga oyi ekholi-okhue khi e tigbe khere iPolu-a. Igho o mhesa na eni ekholi-okhue e tiemhi ya ri itoto mie we iPolu obọ ni e roli bhale apfe oyi eni ekholi-okhue.

<sup>11</sup> Ele iyose ni oo deba li, Onomhue o migha mama iPolu, oo li, “Mhue igbedu! Abi u li la iJerusalemu pfi otsele na mhe, igho u li mema ya li pfi otsele na mhe eoli iRomu.”

#### *Ugbamhi igbe-a ni a gba khe iPolu*

<sup>12</sup> Ogbeakolo, egbo iJu eghuo e ya mhesa kugbe, e romhi isheli khi wewe ea ya le eminale wexhi eri wewe e ya da ame, ini ea li gbe iPolu-a. <sup>13</sup> Egbo ni e gba ugbamhi onana, e dose egbo egbhueva. <sup>14</sup> E le deba oga oyi ekpodalo ugamhi eyi Eshinegba ali eni egbhali, e li, “Anye she romhi ukpokpomhi isheli khi anye aa ya le emhikhoghuo se khi anye gbe iPolu-a. <sup>15</sup> Memena, yeye ali igbaa iSaediri a keke ebe ghi oga oyi ekholi-okhue, a lie khi a nono ni a lolo suo oni ingme bie. Anye mu egbe ni anye ro ya gbe oli-a neni a roli ya ramhi ana.”

<sup>16</sup> Ama abi omọ omose ni o khi omi inyoghuo iPolu oni okpotso o ro suo oni ugbamhi, o je oni apfe ekholi-okhue ya gueye iPolu.

<sup>17</sup> Igho iPolu o lu oga oyi ekholi-okhue oghuo, oo, “Rue ozeo ona ghi oni oo mhesa na e, o mholi emini o ya gueye oli.” <sup>18</sup> Igho o rue oli ghi oni oo mhesa na we.

O li, “iPolu ni a mu shi igha oo mhi rue ozeo ona ghi e, itobo khi o mholi emini o ya gueye.” <sup>19</sup> Oni oo mhesa ogho, o mu oni ozeo obọ, e ti je olase, o mhila li, “Elo wa nono ni u gueye mhe?”

<sup>20</sup> Oo li, “Egbo iJu e she gba li khi wewe e ya ghie ghi e akọ, ni u rue iPolu bhale odalo oyi iSaediri khi ee nono ni e te unu oyoli suo oni ingme bie. <sup>21</sup> Khi lama shi we o, itobo

khi e bu dose egbo egbhueva ni e kpe ode khe oli. E she romhi ishe khi wewe ea ya le, wexhi eri wewe e ya da ini wewe ea li gbe iPolu-a. E migha a khe ni e suo emini u ya so shi emini e mhila e ena.”

<sup>22</sup> Oni oo mhesa na eni ekholi-okhue o gueye oli, oo, “Khi gueye ogho okhoghuo khi u she gueye mhe.” Oo li o ke le.

#### *A rue iPolu te agho je eoli iSizeria*

<sup>23</sup> Igho oni o mhesa ogho o lu ega ekholi-okhue aava eyoli, o mhesa na we, oo we, “A wolo ekholi-okhue egbhuegbe, ali eni e nga ichi egbhuesali ogbe, ali epfi-ote egbhuegbe ni a ke le iSizeria agogo itili amiose.

<sup>24</sup> A ri achi na iPolu nga ni a roli je oobo ini emhikhoghuo e khi li oli, ni a rue oli ghi iFelisi ni o khi igovuno.” <sup>25</sup> O lina keke ebe na we.

<sup>26</sup> Mhemhe iKiladiusi iLisiasi mhi keke ebe onana ghie:

Yeye igovuno iFelisi ni a mu ekpe e na,  
Mhia tse.

<sup>27</sup> Egbo iJu e mu omose ona, e nono ni wewe e gbe oli-a. Ama eri mhi ri ekholi-okhue eyemhe bhale ya pfa li shi eke irari khi mhi suo khi omọ-ekẹ iRomu o khi.

<sup>28</sup> Mhi i nono ni mhi lese emini e ze ni e ro gue ezo o shi oli egbe, mhi rue oli je igbaa iSaediri oyewe. <sup>29</sup> Mhi bhale ya e khi ezo ingme ishi eyewe e ro nali i gue, ama o mhue emini o li ni abi a gbe oli-a shi, wexhi imuoli shi ogha igha. <sup>30</sup> Abi a ro gueye mhe ugbamhi ni e gba khe oni omose, mhi ro nyanya rue oli ghi e, mhi gbo gueye eni e gue ezo a shi oli egbe e bhale deba e ni e guele emini o li.

<sup>31</sup> Oni eliyose elegho, eni ekholi-okhue e rue iPolu mholi obọ vu, abi a li mhesa oli na we, e ramhi Atipatirisi. <sup>32</sup> Ogbeakolo, eni ekholi-okhue e roli na eni e nga ichi ni e rue oli kie ke le, wewe e nyene egbe ukhokho je apfe ekholi-okhue oyewe. <sup>33</sup> Abi eni e nga ichi egho e ro ramhi eoli iSizeria, e rue oni ebe na oni igovuno iFelisi, e rue iPolu na li.

<sup>34</sup> Oni igovuno o ze oni ebe, o mhila iPolu ukiekie obini o khi. Abi o ro bhale ya lese khi eke iSilisha o te bhale, <sup>35</sup> oo, “Mhi ya suo ezo oye ini eni e gue ezo shi e egbe e ramhi ana.” Igho o mhesa a ri iPolu nga ekhe-khe obọ ni e la agbala oyi Erodu.

## 24

### *Èzọ ni iPọlu ọ gue odalo oyi iFẹlisi*

<sup>1</sup> Abi ogbẹlẹ ishe e rọ dọsẹ, Ọga oyi ekpodalo ugamhi ni a lu Ananayasi ọ je iSiz-eria, lọli ali egbhali eghuo ali ilọya ni a lu iTatulọsi. E bhale odalo oyi igovunọ ni a lu iFẹlisi ni e ya gue èzọ shi iPọlu egbe. <sup>2</sup> Abi a rọ lu iPọlu bhale, iTatulọsi ọ gue èzọ oyọli shi eke khasẹ iFẹlisi: Ọọ, “Irẹloe-khu oyẹ o she ri anye mhọli opfomhẹ ali emhi enegbọ ukhomhi eke ona. <sup>3</sup> Ashakhasha ali odekhodẹ anye te ẹ kueghię ẹ, anye ẹ nono ni anye kphemhi ne shi ona, yeyẹ iFẹlisi oghie. <sup>4</sup> Ini anye khi pfuse ẹ eghẹghẹ-a, mhi lema ẹ u kpẹkpẹ u ku esọ-a shi anye eke ukuku eghẹghẹ.

<sup>5</sup> “Eri anye mẹ omọse ọna shi ogbọ ingme, ni ọ tsua okhọli ẹ lasele ke tanọ egbọ iJu ni e la eke agbọ nya, e ke pfi onyaghu ali umhasuesọ. Lọli ọ ralo na egbọ otu iNazarini <sup>6</sup> Ọ gbolo o nono ni lọli ri ichimhi mu Owa oyi Èshinẹgba, lọli anye rọ gba li mu. [Anye e nono ni anye gue ọli èzọ abi ushi oyanye o ngme. <sup>7</sup> Ama iLisiasi ọni ọ mhẹsẹ na ekhọli-okhue, ọ bhale ya ri itoto ti anye luẹ abọ mie rue vu. <sup>8</sup> Ọọ eni e mẹ umha-guẹli oyi omọse ọna e bhale odalo oyẹ.] Ini u mhila omọse onana ogbọ u ya mẹ igesikia ni o la èzọ ni anye gue shi ọli egbe ena.”

<sup>9</sup> Eni egbọ iJu ni e la aghọ e kugbe lama shi èzọ ni a gue shi eke, khi igesikia lọ.

<sup>10</sup> Abi ọni igovunọ ọ ri obọ nu iPọlu ngme ọ gue shi ọli ọ.

iPọlu ọọ, “Mhi lẹsẹ khi ikpe ni e bu u te la ukhomhi ẹoli ona a sọ èzọ, itobọ ona egbe ẹ mu mhẹ ni mhi rọ migha odalo oyẹ ya gue èzọ pfa egbemhẹ shi eke. <sup>11</sup> Abi u kie kpẹ lẹsẹ, amo o gbe ẹlẹ igbẹva ni mhi rọ je iJerusalemu ni mhi ya ga ugamhi. <sup>12</sup> Egbọ iJu ni e gue èzọ shi mhẹ egbe ẹa bhale ya ẹ mhẹ shi elemhi Owa Oyi Èshinẹgba khi mhi nu ogbọkhoghuo ẹ khẹ akọ, wẹkhi eri mhi la owa ugamhi, wẹkhi ifuapfẹ ashikhoghuo tanọ ebubu egbọ abọ shi onyaghu. <sup>13</sup> Ẹa mhọli abi e li dobẹ rọ ya migha pfi ọtsẹlẹ shi èzọ ni e gue shi mhẹ egbe khi igesikia lọ. <sup>14</sup> Mhi lama shi ọ khi, eri mhia ga Èshinẹgba oyi eni e bia awa, mhi khi ọni ọ rọte oni

Ode ona, ni ẹẹ khi egbhọli o khi. Ama mhi mie shi Ushi oyi iMosisi ali emini a keke shi ebe eyi emekeguele. <sup>15</sup> Mhi miesuọ abi egbọ enana e li miesuọ, khi Èshinẹgba ọ ya rọte eghuli guise ogbọ nya le, ghe eni e gue ngeli ghe ena okhọlọ. <sup>16</sup> Irarighọ mhi rọ rọshẹka, emini mhia riẹlẹ nya, ini udu ni ọọ gue ogbọ èzọ oyemhẹ o pfuase shi odalo oyi Èshinẹgba ali ogbọ.

<sup>17</sup> “O she gba ikpe eni e bu abi mhi te lase ẹoli iJerusalemu le. Eri mhi jele aghọ ni mhi ya rue ikpaghọ ghi egbọ ni ẹa mhue ali ni mhi ri isomhopfa ghi Èshinẹgba. <sup>18</sup> Emini mhii riẹlẹ na ni e rọ bhale ya ẹ mhẹ shi Owa oyi Èshinẹgba abi mhi la ipfuase abi ushi o ngme. Egbọ ekhoghuo ẹa le gase mhẹ, wẹkhi eri a mẹ onyaghu.\* <sup>19</sup> Ama egbọ iJu eghuo ni ẹ rọte eke Esha bhale e ga li la akaghọ. E kha bhale odalo oyẹ ẹ ya gue èzọ oyẹwẹ, ini e mhọli emini e ya gue shi mhẹ egbe. <sup>20</sup> Okekhi emọse ni e la akana ena, a mhila wẹ e guele umhaguẹli ni e gue shi mhẹ egbe abi a rọ rue mhẹ bhale odalo iSaẹdiri. <sup>21</sup> Ama emhi oghuo mhi la akpewẹ tsesẹ ngme khi, ‘Eri a gue mhẹ èzọ itobọ khi mhi mie shọ khi eni e ghu-a e ya gbo guale bhale agbọ.’”†

<sup>22</sup> Ighọ iFẹlisi ni ọ ga lolo lẹsẹ emhi oni Ode ona, ọọ, a yemhẹ oni èzọ-a ne. Ọọ, “Ini iLisiasi ọni ọ mhẹsẹ na ekhọli-okhue ọ da bhale mhi rọ ya sọ ẹ oni ingme.” <sup>23</sup> Ọ gueyẹ ọga ekhọli-okhue oghọ ọ lolo ri ẹloe shi iPọlu egbe, ama e zẹ ọli pfi ẹfo-a ukukuọ. E zẹ ni emọle ọli e ke bhale ya tse ọli ali ni e ke ri emini ọ nono bhale ghi ọli.

### *iPọlu ọ bhale odalo oyi iFẹlisi ali iDurusila*

<sup>24</sup> Abi ikuku ogbẹlẹ e rọ dọsẹ se, iFẹlisi ọ tsua ughue ọli ni a lu iDurusila ni ọ khi ọngi iJu ma egbe bhale. Ọ ghie ya lu iPọlu, ọ ri esọ shi eke suọ abi iPọlu ọ li ngme ungmehi irudunga ni o la iJesu iKirisiti. <sup>25</sup> Ama abi iPọlu ọ li ngme ungmehi iguẹngeli, ali ikuegbe-a ali iso-èzọ oyi Èshinẹgba ni ọ bhale, ulishi oo mu iFẹlisi, ọọ, “Osomhi ghọ ne! Ke vu. Mhi ya ghie lu ẹ ini mhi ke mẹ asha.” <sup>26</sup> Oni eghẹghẹ ọ dabi khi iPọlu ọ ya vi ufa na luẹ, itobọ ighọ ọ rọ kele ẹ ghie lu ọli, ọ bhale ni wẹwẹ e ngme. <sup>27</sup> Abi ikpe eva

\* 24:18 Li zẹ Ika 21.17-28 † 24:21 Li zẹ Ika 23.6

e rọ dọse, iPọshusi iFesitọsi ọ ke khi igovunọ ni iFẹlisi ọ kpẹ khi. Ama itobọ khi iFẹlisi ọ nono ni lọli guẹ riẹlẹ ti ẹgbọ iJu ẹloe, ọ zẹ iPọlu obọ shi owa ighumha.

## 25

### *IPọlu ọ bhale odalo oyi iFesitọsi*

<sup>1</sup> A liẹ amo o li ẹlẹ esẹ abi iFesitọsi ọ te khi igovunọ, ọ rọte ẹoli iSizeria nga ẹoli iJerusalemu. <sup>2</sup> Oobọ ighie eyi ekpodalo-ugamhi ali enighie eyi ẹgbọ iJu e la gue ẹzọ shi iPọlu egbe. <sup>3</sup> E nyanya lema iFesitọsi ọ rue iPọlu je iJerusalemu ni ọ rọli kpaghiẹ ẹwẹ obọ. Irari khi e she gba khi ẹwẹ e ya kpẹ odẹ gbe iPọlu-a ini ẹẹ lẹ. <sup>4</sup> IFesitọsi ọọ wẹ, “A she ri iPọlu shi owa ighumha obini ẹoli iSizeria, mhemhe mhi ya nyene egbe kelẹ je oobọ. <sup>5</sup> A zẹ ni eni ẹẹ ralo na ẹ e deba mhe je iSizeria ya gue ẹzọ shi ọni ọmose egbe, ini o khia khi eri ọ lue.”

<sup>6</sup> Ogbele elele ya ramhi ogbele igbe iFesitọsi ọ nu wẹ la agho, ni ọ rọ kia tiemhi ẹoli iSizeria. Ogbeakọlọ ọ khueghie ikotu-a, ọọ a rue iPọlu bhale odalo oyelue. <sup>7</sup> Abi iPọlu ọ rọ bhale, ẹgbọ iJu ni e rọte iJerusalemu bhale e migha gasẹ ọli, e gue ẹzọ ni o toto shi ọli egbe, ama ẹa dobe to eni ẹzọ migha.

<sup>8</sup> Ama iPọlu ọ gue ẹzọ pfa egbọli shi eke, ọọ, “Mhi aa riẹlẹ emhikhoghuo ni o da ushi oyi ẹgbọ iJu, wẹkhi Owa Oyi Eshinegba, wẹkhi eri mhi lue na iSiza iRomu.”

<sup>9</sup> Ama iFesitọsi ọ nono ni lọli riẹlẹ ọghuẹmhe oyi ẹgbọ iJu, igho ọ mhila iPọlu, “O ghole ẹ ni a rue ẹ je iJerusalemu, ni a la agho gue ẹzọ oye ukpeloe mhe?”

<sup>10</sup> IPọlu ọọ, “Iiye. Ikotu oyi iSiza ni a kha mema la gue ẹzọ oyemhe mhi la ena. Mhi aa mholi onobe ni mhi li ẹgbọ iJu ni yeye u lesẹ gboo. <sup>11</sup> Ini o khia khi mhi lue nabi a gbe ọgbọ-a shi, mhi mu egbe ni mhi rọ ya ghua. Ama o kha da khia khi ẹzọ ni ẹgbọ iJu ena e gue ẹ shi mhe egbe khi ẹgbhọli lọ, ọgbokhoghuo ọa dobe ya rue mhe na wẹ. Irarigho, mhi lema a zẹ ni iSiza lueghuo ọ remhe gue oni ẹzọ ona.”

<sup>12</sup> IFesitọsi ọ ri eni e nu ọli ẹ sọ ẹzọ ye ochi se, ọọ iPọlu, “U she lema a rue ẹzọ ona je ayi iSiza ya gue, ayi iSiza u mema ya je.”

### *IPọlu ọ migha odalo oyi Agiripa ali iBenisi*

<sup>13</sup> Ogbele ingme-na e dọse, oghie Agiripa ali iBenisi e bhale eke iSizeria ni e ya tse iFesitọsi. <sup>14</sup> Aborokhia khi e la akaghọ ogbele ebubu, iFesitọsi ọ gue ingme oyi iPọlu ye oni oghie, ọọ, “Omose oghuo ọ la owa ighumha shi ana ni iFẹlisi ni ọ kpẹ khi igovunọ ọ zẹ obọ shi agho. <sup>15</sup> Abi mhi rọ ye iJerusalemu, ighie eyi ekpodalo-ugamhi ali egbhali eyi ẹgbọ iJu e tsua ẹzọ bhale ya gue shi ọli egbe, ẹẹ mhi pfa ẹzọ igbe-a mu ọli.

<sup>16</sup> “Ama mhi gueye wẹ khi awa ẹgbọ iRomu awa aa ya pfa ẹzọ mu ọgbọ ni a gue ẹzọ shi egbe, ini ọgbọ a ri eghẹghẹ nali gue shi ẹzọ ni a gue shi ọli egbe ne. <sup>17</sup> Abi e rọ deba mhe bhale ana, mhi nyanya shi oni ẹzọ shi ogbeakọlọ, mhi shito elemhi ikotu, mhiẹ a lu ọni omose bhale. <sup>18</sup> Abi eni ẹẹ gue ẹzọ shi ọli egbe e rọ vule ngme, ẹa gue ẹzọ umhaguẹli ni mhi dabi khi e ya gue. <sup>19</sup> Ochoghọ ẹzọ ekhako tse e lesẹ me gue shi ọli egbe, ni o khi ingme oyi ugamhi oyewe, ali ekhako ni o khi ingme oyi omose ni a lu iJesu, ni ọ ghua, ni iPọlu ọ khi ọ kie la agbo. <sup>20</sup> Mhi aa lesẹ abi mhi li ya tonọ udi oni ingme onana. Mhi ri irarigho mhila li ini ọ nono ni a rue oli je iJerusalemu ya gue eni ẹzọ ni a gue ẹ shi ọli egbe enana, oobọ. <sup>21</sup> Ama iPọlu ọ lema a kie mu lue shi igha ne, ni a ri oni ingme ghi iSiza ni ọ sọ ọ. Irarigho mhi rọ liẹ a rọ ọli shi owa ighumha ramhi ni mhi rọ ya rue ọli ghi iSiza.”

<sup>22</sup> Igho Agiripa ọ gueye iFesitọsi, ọọ li, “Mhi kha nono ni mhemhe-ghuo ni mhi li ri esọ suọ ungmehi oyi ọni omose.” IFesitọsi ọọ li, “U ya suọ ọli ako.”

<sup>23</sup> Ogbeakọlọ, a ri ebola kphase Agiripa ali iBenisi lo elemhi ikotu le. Ega ekhọli-okhue ni e lolo fu, ali ẹgbọ eniemhi ni e la oni ẹoli e deba li lo. IFesitọsi ọ ghie ya rue iPọlu bhale. <sup>24</sup> IFesitọsi ọọ, “oghie Agiripa ali ẹgbọ ni e la ana nya, a bino omose ona. Ẹgbọ iJu ni e la ana ali iJerusalemu ali iSizeria e she bhale deba mhe, ẹẹ tsese a khi ke zẹ ni ọ la agbo. <sup>25</sup> Mhi me khi ọa li emhikhoghuo onabi a ya gbe ọli-a shi, ama abi ọ rọ da lema a rue lue ghi Oghie iRomu nya egho, mhi ya rue ọli je iRomu. <sup>26</sup> Ama mhi aa me ingme nabi mhi kha keke shi ọli egbe ghi Oghie iRomu nya. Irarigho, mhi rọ rue ọli bhale ghi ẹ ẹẹ nya, yeye oghie Agiripa

kpaashi, ni a bhale ya ẹ khi ini a bino oni ingme se, otse mhi ya me emini mhi ya keke shi ọli egbe. <sup>27</sup> Irari khi mhia sa khi o gbe akanya ni a ro rue oni a mu shi igha ke ghi Oghie iRomu nya, ini aa me ushi okhoghuo keke shi ọli egbe gboo.”

## 26

### *IPolu o pfa egboli shi eke odalo Agiripa*

<sup>1</sup> Igho Agiripa oo iPolu, “A she lama ne u ngme na egbe e.” Igho iPolu o tsua obo eke, o bele e gue ezọ, oo, <sup>2</sup> “Agiripa ni oghie, mhi me egbe mhe shi oni o me afa ni mhi ro migha odalo oye amo, ni mhi ro o gue ezọ pfa egbe mhe shi eke shi ingme nya ni egbo iJu e gue shi mhe egbe. <sup>3</sup> Oo gue ti gba irari khi u ga lese imu eyi egbo iJu nya ali emini e mie shi. Irarigho, mhi lolo leme u mhọli irabomudu na mhe ni mhi ngme.

<sup>4</sup> “Egbo iJu nya e lese abi mhi lao shi abi mhi te khi omọ, rote igbaekele agbo oyemhe obini ushishi egbo iJu eyemhe ali eoli iJerusalemu. <sup>5</sup> Ode o she nuẹ ni e te lese mhe, e ya dobe pfi otsese shi o ini o ghole we, khi abi ugamhi oyawa o ngme khi eri mhi mhọli omuegbe egbegbo shi o abi ona otu iFarisi ni mhi khi.\* <sup>6</sup> Ama mena, itobo khi mhi mhọli iregbeda shi emini Eshinegba o shi na itita awa mhi ro migha shi imufe amo. <sup>7</sup> Ona o khi ishobo ni unuekpe igbeva eyawa e migha a khe, abi e li roshaka a ga Eshinegba ghe eleogwota ali ele iyose. Oghie, irari oni iregbeda onana egbo iJu e gue ezọ shi mhe egbe e shi. <sup>8</sup> Elo e ze ni a ro lama shio khi Eshinegba o dobe e guise oni o ghuala le?

<sup>9</sup> “Mhemhe mhi kpe mhọli ọli shi udu khi eri o ye ni mhi mu okhọli vule shi oni eva oyi iJesu ongi iNazareti o. <sup>10</sup> Igho mhi li i riele ọli obini eoli iJerusalemu. Irari afu ni oga oyi ekpodalo ugamhi eyi Eshinegba o ro na mhe, mhi muno ebubu eni e miesuo shi owa ighumha, abi a ro o gbolo we-a, mhii mie obo shi o. <sup>11</sup> Ebubu eghẹghe mhi te owa ugamhi je owa ugamhi ya nase we, mhi gbolo ri ajilimhe rewe ngme ungmehi ipfiunu-a deba Eshinegba. Irari elemhi we

ni e bi mhe. Mhi gbolo je eoli oboese ya mu okhọli vule shi we o.†

### *IPolu o guele abi loli li mupfi* (Ika 9.1-19; 22.6-16)

<sup>12</sup> “Eleghuo mhi i le eoli iDamasikosi, rote afu ali omhese ni oga oyi ekpodalo ugamhi eyi Eshinegba o ro na mhe. <sup>13</sup> Itsotso ogwota o mu eke, oghie, abi mhi la ode, mhi me khi akpa ni o ge dose ovo o rote idane mi gase mhe ali eni anye ga kia. <sup>14</sup> Anye nya, anye de eke, igho mhi suo khi uruli o nu mhe ngme elemhi Iburu, oo, ‘ISolu, iSolu, elo o ze ni u ro mu okhọli vule e shi mhe o, ooyeghe wa li ini u nu mhe e khọli.’

<sup>15</sup> “Igho mhi mhila, ‘Oghuo u khi Onomhue?’

“Oo mhe, ‘Mhemhe iJesu lo ni u mu okhọli vule shi o.’ <sup>16</sup> ‘Memena, vule migha. Mhi she ri egbe mhe khasẹ irari khi mhi she ze shi oni oo ga mhe ali ni u ke pfi otsese oyemhe shi emini u ri ukpelo e oye mhe, ali emini mhi ya rokhasẹ okhese. <sup>17</sup> Mhi ya tsumhi e obo oyi egbo eye ali obo oyi egbo iJeta. Mhi ghie e ghi we, <sup>18</sup> ni u khueghie we alo-a, ni u mu we pfi lase alo ebili le bhale akpa, ali u rue we ekpabo eyi okphaghiẹ lasele bhale deba Eshinegba, ni a gbe olamhe kua na we, ali ni e kugbe egbo eyi Eshinegba eni e pfuase o, itobo irudunga ni e mhọli na mhe.’

<sup>19</sup> “Irarigho, oghie Agiripa, mhia ro ri ukpelo e gbe eke ni mhi rote iloghie me. <sup>20</sup> Mhi kpe te odode gue ọli ye egbo iDamasikosi, mhi ke gbo gue ọli ye egbo iJerusalemu ali egbo ni e la eke iJudia nya ali egbo iJeta. Mhi roli tse abo, e lase olamhe le ni e mupfi deba Eshinegba, e rokhasẹ khi wewe e she mu nyene rote ikanya ebe eyewe lasele.‡ <sup>21</sup> Ona o ze ni egbo iJu e ro bamhe rue Owa Oyi Eshinegba ni e ro roshaka ini wewe e gbe mhe-a. <sup>22</sup> Ama mhi she mhọli ikpaghiobo oyi Eshinegba ramhi ogbe na amo, ali mena mhi migha akana a pfi otsese ye ogbo onofune ali onikeke abeghuo. Mhi aa ngme dose emini emekeguele ali iMosisi e khi a ya me, <sup>23</sup> khi oni Omiepfuese ni a shobo khi oo bhale o ya me osue, ali khi loli ni o kpe te odode

\* 26:5 Li ze Ika 23.6; iFili 3.5 † 26:11 Li ze Ika 8.3; 22.4-5 ‡ 26:20 Li ze Ika 9.20,28-29 § 26:23 Li ze Aza 42.6; 49.6; 1 iKori 15.20

röte eghuli guale khi o ya ri ákpá ru na egbö eyöli ali egbö iJeta.”<sup>24</sup> Abi iPölu o rö ngme ramhi ana, iFesitösi o mu öli migha, öo li, “Eri waa ke lese emini u wa li? Ebe ni u ze döse e she ri ujili e kphe.”

<sup>25</sup> IPölu öo li, “Ujili öa kpha mhe, iFesitösi ogbegbedu, emini mhia ngme egbegbingme lö ni o tsua egbhali. <sup>26</sup> Oghie Agiripa o ga lese eni ingme enana nya, emhikhoghuo ena, ea lase öli egbhali-a irari khi aa riele we osheli. Ona o ze khi mhi ga döbe nu öli a ngme oni ingme ona gboo. <sup>27</sup> Oghie Agiripa, u fe mieshi emini emekeguele e ngme? Mhi lese khi u mie sho o.”

<sup>28</sup> Ighö Agiripa öo iPölu, “Eri u dabi khi u döbe ya ri oni ukuku eghenge ona ti mhe ni u remhe mele öni o miesuo-a?” <sup>29</sup> IPölu öo li, “O kele, o tese oo, mhi lema Eshinegba o khi khi yeye-ghuo tse, ama li shi ogbokpa ni o ri esö shi mhe eke ogbenamo, ni e li abi mhi li, ini a da ri obö rue iwenge ni e lamhe abö ena o le.”

<sup>30</sup> Ighö öni oghie o vule, li shi öni igovunö ali iBenisi ali eni e nu we shito. <sup>31</sup> E röte oni agbala vu, ee ngme, ee, “Omöse ona öa li ingme ni a ya gbe öli-a shi wekhi oni a rö o mu öli shi owa ighumha.”

<sup>32</sup> Agiripa öo iFesitösi, “Áá kha wolo omöse öna abö-a ini öa she lema a ri oni ingme je ayi iSiza lö.”

## 27

### *A rue iPölu je iRomu*

<sup>1</sup> Abi e rö lama shi o, anye lo öko-oké oniemi je Itili, e rue iPölu ali ighumha ni e kpöle mhöli obö oyi öga ekhöli-okhue ni a lu iJulösi, ni o khi oghuo öyi ekhöli-okhue eyi Oghie iRomu nya, ni a ze öda ke. <sup>2</sup> Anye lo öko-oké oniemi röte Adiramitiömu, ikhi öko-oké ni o ya kia migha ikpe eghuo ni öko-oké ee migha, ni e la epfefefe öke ni e la eke Esha. Arisitakusi ni o khi öngi iMasidonia o nu anye kia.

<sup>3</sup> Ogbeakölö anye migha iSidöni. IJulösi o mhöli isomhelemhi na iPölu, o ze öli obö ya me emöle öli, ni e ri emini öo nono na li. <sup>4</sup> Anye ke gbo röte aghö mu oni öko nga, anye röte odane ukiëkie eke ni öke oniemi o khi shi ni a lu iSapurösi irari khi akpekpeli oo nase anye. <sup>5</sup> Abi anye rö gua

öko o da je ödada iSilisha ali iPafia, anye migha öli iMara na eke iLisia. <sup>6</sup> Aghö öni öga ekhöli-okhue o te me öko-oké oniemi öyi öli Alezadira ni oo je Itili, o ri anye lo o. <sup>7</sup> Anye e kia fie, ogbele ebubu, anye mhöli ömunu neni anye ramhi iKinidusi. Abi akpekpeli öa rö ze anye röte ashini anye kha röte, anye gua öko-oké je ukiëkie eke ni öke oniemi o khi shi iKireti ni o sö alo ghue öli iSalimö. <sup>8</sup> Anye mhöli ömunu röte oni öke oniemi. Ikpukhokho, anye bhale ashini öko-oké ee migha ni a lui öpfömhenge ni o ti mama öli iLasia.

<sup>9</sup> Eghenge o she pfu anye-a. Oni okiali o de shi eghenge ni a rö lese pfi azumhi se, ni o khi eghenge ni okhena o la la okiali na ukhomhi öke oniemi. Ighö iPölu o tse agua ye we, öo we, <sup>10</sup> “Emöse, mhi she me khi okiali oyawa o ya khi okhena ali khi o ya ri ukpokpomhi öpfu ghi oni öko ali itsua ni o tsua ali agbö oyawa.” <sup>11</sup> Ama, ocho ni öni öga ekhöli-okhue o kha rö ri esö shi emini iPölu o ngme, o deba abi öni o gua oni öko o ngme ali emini öni o mhöli oni öko o ngme. <sup>12</sup> Aborökha khi ashini anye migha öa ya ti egbe eghenge orue; ebubu egbö e yemhe anye gua ke le, e dabi khi anye ya ramhi öli iFonisi, ni anye la aghö eghenge orue. Aghö öko öke oniemi nya ee migha yemhe-a. Eke ni öke oniemi o khishi ni a lu iKireti ni o sö alo ghue obini ovö o te e lo eko o khi.

### *Akpekpeli oniemi*

<sup>13</sup> Abi akpekpeli öke o rö ri öfie röte ukiëkie ögobö o pfiolo, eni emöse e dabi khi okiali o ya ze we kia ke je odalo, ighö e leli uli ali akhuli ni a rö gba öko öo zu. Ee kia esesö oni öke oniemi na iKireti. <sup>14</sup> Ama o li dené, akpekpeli oniemi, o li röte ukiëkie obita ini a sö alo ghue obini ovö o te e tiemi eko pfiolo röte oni eke ni o la iteva öke oniemi i döse. <sup>15</sup> Oni akpekpeli o tsua rughu öko-oké oyanye, öa döbe ke kia je obini akpekpeli o te pfiolo o bhale. O löse anye. Anye bie ze öli obö na akpekpeli lölighuo oo tsua. <sup>16</sup> Anye kia röte ukiëkie ukuku eke ni o la iteva öke oniemi ni a lu iKauda, ikhi ukiëkie obini oni akpekpeli öa ri egbe ramhi. Iroshëka anye rö döbe tialö öko onikeke ni a rö o tsumhi egbö lo elemhi oni öko-oké oniemi.



17 Abi eni emose e ro tialo li lo se, e ri ili ge oni oko-okę oniemi gase, ini eni ili e dobe mu oli mhuę toto. Irari khi ee na ulishi ini oni oko o ya gbe aye shi ugbe eke, ni o la egele eke iLibiya, ni o so alo ghue we. Igho e gbaghie ode na kpishi oyi oni oko-a, irari khi ea bie ke mhuę abi e ya li o. Ishegho ni oni akpekpeli o bie tsua we ke le. 18 Oni akpekpeli o kie ri itoto tsua oni oko-okę ramhi ogbeakolo, ramhi ni, eni emose e ro tino itsua ni e tsua shi oni oko o pfino kulo oni okę. 19 Ogbeakolo e pfino ikhuli ni oni oko o ro o gbe akanya kulo oni okę. 20 Aborokhia khi ogbele ebubu ni e dose khi anye a ri eloe ti ovo wekhi ukpetata, ni oni akpekpeli o kiele ro ri itoto o pfiolo, anye a ke ri udu shi o khi anye me ode ni anye te ya pfue o.

21 Abi eni emose ea ro le eminale ogbele ebubu, iPolu o vule, o we, "Emose a kha suo ude ni mhi ye e lo, a kha migha iKireti, Eghęghę agho, a kha tsumhi egbe e oyese onana ali opfu. 22 Ama mena mhi gueye e a mholi udu, itobo khi ongeę okhoghuo oa ya pfua se ni oni oko. 23 Ooyose ageni oyi Eshinęba ni o mholi mhe ali ni mhi a ga o migha mama mhe, 24 oo mhe, 'Khi ze ni ulishi o muę, iPolu. U mema ya migha ezọ odalo oyi iSiza ali khi Eshinęba o she rote ilelemhi ri agbo oyi eni a ga kia mholi e obo.' 25 Irarigho, a mu igbedu oye mholi, emose, irari khi mhi mhuę irudunga khi Eshinęba o ya riele oli abi o gueye mhe. 26 Ama oko oyawa o mema ya gbe aye shi ugbe eke okhoghuo ni o la iteva okę oniemi, o tigbe migha."

### *Oni oko o de ya khere-a*

27 Eliyose elenuzi-igbene, akpekpeli o kie tsua anye e kiakia okę oniemi Adiriatiki. Itsotso ogbie, o li eni ee gbe akanya oni oko eloe abine khi e she ti e mama eke. 28 E mhesę oni okę bino, e me khi ilimhi oyoli o khi ete-awe egbhuesesa. O gbo li denę, e gbo mhesę oli, o ke khi ete-awe egbhue ali igbe. 29 Ulishi o mu we khi oni oko o ya gbe aye shi eche, e rote ukhokho pfi ikhuli ene ni a ro a mu oko o gbashi lo oni okę oniemi, ee so iromhi ogbe o gbe a.

30 Eni e la oni oko o gbe akanya e dua abi e li me asha a na kua. Ee tiese ukuku

oko ni e tialo lole egho nga okę oniemi, abine khi eri e nono ni e rote odalo ya pfi ikhuli lo okę oniemi. 31 Ama iPolu oo oni oga ekholi-okhue ali eni ekholi-okhue, "Ini emose enana ea li la elemhi oni oko, ongeę, oa ya pfue o." 32 Igho eni ekholi-okhue e pfa uli ni o mu oni oko onikeke mhuę-a. E ze oli de tiemhi elemhi okę.

33 Neni ogbe o maghie-a, iPolu o lema we nya e le eminale. Oo we, "O she ramhi ogbele igbene ni udu oa ke te sheshe e, ni a le eminale kpe. 34 Mena mhia lema e, a le eminale. A lemhi ini a nono ni a kie dobe la agbo, A lemhi khi emhikhoghuo oa ya li ongeę." 35 Abi o ro ngme na se, o rue ibuledi lasela, o kphemhi na Eshinęba ukpeloe we nya, o khi oli-a, oo le. 36 Wewe nya e mholi udu, e le eminale. 37 Anye nya ni anye la oni oko, egbo egbhuegbese ali ogbasasa 276 anye khi. 38 Abi e ro ga le eminale se abi e nono, e tino ikpulu ikpamhi emhi ni e tsua kulo okę oniemi, ini oni oko o kpe li fue.

### *Oni oko okę oniemi o kulue*

39 Abi ogbe o ro gbe-a se, eni ee gua oni oko ea ke lese egele okę oniemi bie, ama e me ashini ekhashe e kpi gbili shi. Agho e ke bie roli shi udu khi wewe e ya gua oni oko ya migha ini o ze we e riele. 40 Igho e pfanọ eni ili ni e mu ukpokpomhi akhuli ni o mu oko-okę oniemi e gbashi kulo udi okę oniemi. Eghęghę agho e taghie uli ni a ro mu emini a ro mu oni oko ukhomhi e nyene-a. E taghie ugbakpi oyi oni oko-a nga idane, ni e dobe ramhi ashini e nono. 41 Ama oni oko-okę o ya to aye so ugbe eke ni o la elemhi okę oniemi, o migha, akpekpeli o kie ri itoto o li, o tseke udi oni oko-a.

42 Eni ekholi-okhue ee gba abi e li ya gbolo eni ighumha nya a, ini e ya gua okę ramhi egele ni e na vu. 43 Ama oni oga ekholi-okhue, oo nono abi loli li ya tsumhi iPolu, oa ze we riele emini e gba. Ochoghọ o gueye eni e gue e gua okę e kpe danọ kulo okę ni e ramhi egele. 44 Eni e kpole nya e mu ikiekie era mhuę okekhi izaga oyi oni oko-okę. Igho wewe nya e ramhi ekekhe emhikhoghuo oa li we.

## 28

*Eke ni a lui iMota*

<sup>1</sup> Abi anye rọ ri ẹpfua-ẹpfua ramhi egele se, anye bhale ya ẹ khi iMọta a lu oni ekẹ ni o la iteva okẹ oniẹmhi. <sup>2</sup> Ẹgbọ ni e ngeli oni ekẹ e somhelemhi anye ode ni anye aa sa shi. E pfi avuerẹ rọ mu anye ẹpfese irari khi eri amẹ oo rue, ogbe o pfo. <sup>3</sup> IPọlu ọ ya nu iguagha ẹera, ọ rẹwẹ kpẹ eni erali, igho ẹnye afue ọ te eni iguagha lasela ya tsakọ shi iPọlu obọ, itobọ khi erali e she base ọli. <sup>4</sup> Abi ẹgbọ ni e la oni ekẹ ee mẹ khi oni ẹnye ọ ngomhi iPọlu obọ, e gueye egbe, ẹẹ, “Omose ọna, ọgbọ ugbeli ni ọ gbolo ẹgbọ-a ọ fẹ khi memena. Aa mẹ khi abi ọ ririẹ na pfue eghuli okẹ oniẹmhi, odeba oyi iguezọ ọa kie zẹ ọli obọ ni ọ la agbọ.” <sup>5</sup> Ama iPọlu ọ kpishi oni ẹnye pfilo elemhi erali. Ingomhi ni oni ẹnye ọ ngomhi ọli, ọa li ọli abikhoghuo. <sup>6</sup> E migha ri ẹloe shi ekẹ ẹ khẹ abi ọ li ya fumhi, okekhi abi ọ li ya fiagbe ekẹ ghua. Ama abi e rọ khẹ ọli ramhi ni ẹa rọ mẹ khi emhikhoghuo e li ọli, e mu udu pfi, ẹẹ khi olitsa ọ khi.

<sup>7</sup> Epefe-aghọ iPobiliọsi ni ọ khi ọgbọ igomẹti oyi oni ekẹ ni okẹ oniẹmhi o khi shi, ọ mhọli apfe shi. Ọ rue anye je apfe oyoli, ọ feli anye ẹpfese egbegbọ ogbele ese. <sup>8</sup> Ita iPobiliọsi ọ yeshi i ghua, iba ali ukpokpomhi elemhi ofu e to ọli. IPọlu ọ lo elemhi owa ya sọ iromhi na li, ọ ri abọ nga li egbe, ọ rọli zẹ. <sup>9</sup> Abi a rọ mẹ ghọ se, ẹgbọ elese ni e ghua ni e la oni ekẹ ni okẹ oniẹmhi o khishi e bhale, a rẹwẹ zẹ. <sup>10</sup> Eni ẹgbọ e lolo mu ekpe na anye, e somhi anye opfa. Abi anye rọ ya lo okọ-okẹ oniẹmhi ke vu, e wọlọ itsua ododa ni e to anye na anye.

### *Rote ẹoli iMọta je iRomu*

<sup>11</sup> Abi o rọ gbe iki ese dọse, anye lo okọ-okẹ oniẹmhi ni o migha aghọ khẹ ni orue o dọse. Ẹoli Alẹzadira oni okọ o te e bhale, isheli itsema iKasito ali iPolukisi a lu oni okọ. <sup>12</sup> Anye ramhi ẹoli iSirakusi, anye la aghọ ẹle ese. <sup>13</sup> Anye rọte aghọ kia okẹ-oniẹmhi ramhi ẹoli iRegiumu. Ogbeakọlọ, akpekpeli o rọte ukiẹkiẹ ọgobọ ini a sọ alo ghue obini ovọ o te ẹ lo eko e pfiolo. Ogbele onuzi-eva, anye lo ẹoli iPuteoli. <sup>14</sup> Anye ya ẹ eni e miesuọ ni ẹẹ anye nu wẹwẹ la aghọ elemhi ẹfo uka oghuo. Anye rọte aghọ vu, anye ramhi iRomu.

<sup>15</sup> Igbaa oyi eni e mie iJesu iKirisiti suọ ni e la iRomu e she suọ khi anye ẹ bhale. Igho eni e miesuọ eghuo e bhale ya lu anye ode, e kia ramhi Oki Apiọsi ali Owa Ese ni a ku ẹ shi. Abi iPọlu ọ rọ mẹ wẹ, ọ tse Ẹshinegba uwegbe, o ri udu shi ọli ọ.

### *IPọlu ọ la elemhi iRomu tse abọ*

<sup>16</sup> Abi anye rọ ramhi iRomu, a zẹ ni iPọlu lẹlighuo ọ la owa ni o ghọle ọ, a zẹ okhọli-okhue ọghuo ọ ri ukpẹloe ke khu ọli.

<sup>17</sup> Abi o rọ gba ẹle ese dọse, iPọlu ọ lu eni e ralo na ẹgbọ iJu shi ilona. Abi e rọ bhale shi oni ilona, ọọ wẹ, “Inyoghuo-mhẹ, mhi aa li ẹgbọ eyawa emhikhoghuo wẹkhi eri mhi gbe ushi ni eni e bia awa, e rọ nga awa obọ-a, ni e rọ la iJerusalemu mu mhẹ, rue mhẹ na igomẹti iRomu. <sup>18</sup> Abi e rọ gue mhẹ ezọ egbe-a se, e nono abi wẹwẹ e lie rue mhẹ obọ-a, itobọ khi mhia lue, ni a ya gbe mhẹ-a shi. <sup>19</sup> Ama abi ẹgbọ iJu ẹa rọ lama shi ọ, lẹli mhi rọ lema a tsua oni ezọ bhale odalo oyi iSiza. Ọa khi eri mhi mhue emini mhi bhale ya gue shi ẹgbọ eyemhẹ egbe.\* <sup>20</sup> Onana o zẹ khi mhiẹ a bhale ni awa ngme. Itobọ irudushi ni ẹgbọ iZireni e mhọli a rọ ri iwẹghẹ shi mhẹ awẹ ena.”

<sup>21</sup> Ẹ ọli, “Anye a mẹ ebe okhoghuo ni a kekẹ ingme oye shi, rọte ekẹ iJudia bhale, ghi anye, wẹkhi inyoghuo awa ni e rọte oobọ bhale e gue ingme oye okhoghuo ni ọa ti ye anye. <sup>22</sup> Ama anye ẹ nono ni anye suọ unu oye, itobọ khi ashakpa ẹgbọ e la ngme onobe shi oni otu onogbọ ona.”

<sup>23</sup> Igho e shi ogbele na iPọlu. Ebu bu ẹgbọ e bhale asha ni iPọlu ọ la oni ogbele. Rọte ẹle uzogbe ya ramhi ẹliyose iPọlu ọ te gue ungmehi oyi Eghiele oyi Ẹshinegba ye wẹ. Ọ rọte ebe Ushi oyi iMosisi ali eyi Emekeguele rọli lo wẹ esọ ini e lama mie iJesu suọ. <sup>24</sup> Ingmehi ni ọ ngme e lo ẹgbọ eghuo esọ, ama ẹgbọ eghuo ẹa mie shi ọli ọ. <sup>25</sup> Igho e li nu egbe e khakọ, e vu, abi iPọlu ọ rọ ngme ungmehi ona ni o kpọli ukhokho unu se ni ọọ, “Ayemhẹ-nọ-pfuase ọ she kpẹ rọte unu oyi Azaya ọmekeguele gueye eni e bia awa:

<sup>26</sup> “Lẹ deba ẹgbọ ena

ni u gueye wẹ,

“A ya ri esọ shi ekẹ khue,

\* 28:19 Li zẹ Ika 25.11

ama ọa ya tigbe lo ẹ esọ,  
 a fẹli ofẹli khue,  
 ama aa me emhikhoghuo.”

<sup>27</sup> Udu oyewe o bi obili-a,  
 esọ eyewe e zuse,  
 e gbo guese alo.

Ini ọa khi igho lo,  
 e kha ri alo eyewe ke me eke,  
 e ri esọ eyewe ẹ suọ,  
 udu oyewe o kha mholi ilasingme,  
 e kha mu pfi bhale deba mhe,  
 mhi rewe ze.<sup>†</sup>

<sup>28</sup> “Irarigho, mhia nono ni a lese khi imiepfuese oyi Eshinegba khi a she roli ghi egbo ijeta. E ya ri esọ shi o!” <sup>29</sup> [Abi o ro ngme oni ungmehi ona se, eni egbo iju e vu, e nu egbewe khako ni o toto.]

<sup>30</sup> Ikpe eva gbada iPolu o la owa ni lolighuo o ngmomhi shi. Agho o la a mu egbo ni e bhale ya feli oli epfese. <sup>31</sup> Igbe-udu ni o mhue ya, o ro o gue ungmehi Eghiele oyi Eshinegba le, o gbolo sese egbo ingme eyi iJesu iKirisiti Onomhue, emhikhoghuo ọa zu oli ode.

<sup>†</sup> 28:27 Li ze Aza 6.9-10

## Ebe ni iPolu o keke ghi egbo iRoma Eni e miesuo

### Otse oyi iPolu

<sup>1</sup> Mhemhe iPolu, oni oo ga oyi iJesu iKirisiti ni a lu mhi khi aghiusomhi na kee, ni a ze o le mhi ke tsabo usomhi onete oyi Eshinegba. Mhemhe mhi keke ebe ona. <sup>2</sup> Oni usomhi onete ona khi, oni Eshinegba o shobo shi eke, rote unu oyi emekeguele eyoli ni a keke shi Ebe-nopfuase. <sup>3</sup> Oni usomhi onete o ya khi, ingme oyi omi oli ni o rote unuekpe oyi iDefidi lasela elemhi idiegbe. <sup>4</sup> A rote ekpabo oyi Ayemhe-no-pfuase roli khashe, ikhi iJesu iKirisiti Onomhue oyawa, khi, Omi Eshinegba o khi, abi o ro rote eghuli guise oli le. <sup>5</sup> Rote obo oyi iKirisiti ali eva oyoli anye te mie afu ro khi ighiusomhi na kee eyoli, ni anye ro ri egbo iJeta nya bhale ya sueso na Eshinegba. Isueso ni o rote irudunga bhale. <sup>6</sup> Ee egbo iRomu a li la eni Eshinegba o lu, ni a li khi enayi iJesu iKirisiti.

<sup>7</sup> Ee ni a la iRomu nya a keke ebe ona ghi. Ee ni Eshinegba o nono ingme oyewe ni o ze, ni a khi egbo eyoli.

Okhale ali opfomhe e ka khi eye e, rote obo oyi Eshinegba ita awa ali rote obo oyi iJesu iKirisiti Onomhue.

<sup>8</sup> Onodode, mhi ri eva oyi iJesu iKirisiti tse Eshinegba oyemhe uwegbe shi agbo oye e nya, irari khi a she la ashakpa elemhi eke agbo suo eko irudunga ni a mholi. <sup>9</sup> Eshinegba ni mhi ri udu oyemhe nya a ga, ni mhi a tse abo usomhi onete oyi omi oli, o khi otsela oyemhe, khi igesikia mhia ngme, khi egheghe kpa mhi ro o sa to e egbe ini mhia so iromhi. <sup>10</sup> Mhia lema Eshinegba o khueghie ode-a na mhe ni mhi me asha bhale ya me e ikpukhokho abi o ghole oli shi.

<sup>11</sup> O ma ghole mhe gba ni mhi ro me e, ni mhi ri osese eyi ayemhe na e, ni o re e ya toto irudunga. <sup>12</sup> Emini mhi ri ona ngme khi ni a ro bhale ya e khi awa mhue

ikpaghiobo na egbe. Mhi kha zese e-a, ee a zese mhe-a. <sup>13</sup> Emole mhe, mhia nono ni a lese khi, ebubu egheghe mhi she gba li khi mhi bhale ya fele e, ni mhi gbo ri egbo bhale irudunga abi mhi kpe lie riela oli ifuabo egboese ni e khi iJeta, ama, ozuode o zu mhe ode.\* <sup>14</sup> Egboli oyemhe o khi ni mhi ro tse abo ona ye egbo kpa, ghe egbo iGiriki ali eni ea khi iGiriki, ene fialo-a ali eni ea fialo-a, shi eni mholi egbhali ali eni ea mholi egbhali. <sup>15</sup> Igho, o gbo lie kphakpha mhe egbe ni mhi ro li gue oni usomhi onete ye e ni a la iRomu.

### Ekpabo ni o la oni usomhi onete

<sup>16</sup> Omama oni usomhi onete oa ya mu mhe, irari khi loli o khi ekpabo oyi Eshinegba ni a ro o tsumhi ogbokpa ni o miesuo, egbo iJu o kpe ramhi egbe, neni o tigbe ramhi egbo iJeta egbe.† <sup>17</sup> Oni usomhi onete ona o guele abi Eshinegba o lie mie ogbokpa ni o mholi irudunga. Ezeze abi Ebe-nopfuase o ngme khi, "Oni Eshinegba o ri irari irudunga oyoli pfa na, o ya la agbo."‡

### Elemhi ibibi oyi Eshinegba

<sup>18</sup> Idane elemhi ibibi oyi Eshinegba o te e tiemhile shi egbo ni ea miesuo ali ena okholo nya o, ni e ri okholo oyewe e khukhu egbo alo ini e khi lese igesikia oyi Eshinegba. <sup>19</sup> Aborokhia khi e lese emini a dobe a lese ingme oyi Eshinegba, itobo khi o khueghie oli-a khashe we gboo. <sup>20</sup> Irari khi rote igbaekele agbo a te me ekpabo ali ufumhi ali abi Eshinegba o li gboo. Emini o ma nya o ri awa mholi ilese abi o li. Onana o ze khi egbo ea mhue emini e ya lie khi o ze ni wewe ea ro miesuo.

<sup>21</sup> E lese Eshinegba, ama ea kueghie oli abi Eshinegba, wexhi eri e kphemhi oli. Ochogh, isamhi afue ee sa, igho udu ooyeghe oyewe o bishi-a.§ <sup>22</sup> E khi, eni e fialo-a wewe e khi, ama e mele eyeghe-a. <sup>23</sup> E ya oghe ufumhi ni a ro na Eshinegba ni o la agboagbo na ikhumhi ni a mama ro khokho ogbo ni oo ghu ali ipfeli ali elamhako ali emini ee ti akpidi eke.\*

<sup>24</sup> Irarigho, Eshinegba o ro rue we obo-a na oguemhe olamhe oyi udu eyewe ali

\* **1:13** Li ze Ika 19.21 † **1:16** Li ze iMak 8.38 ‡ **1:17** Li ze Abak 2.4 § **1:21** Li ze Efi 4.17-18 \* **1:23** Li ze iDeut 4.16-18

itṣeḅo ni e nu egbewe ẹ li. <sup>25</sup> E ri eḅhḅoli oḅhiẹ iḅesikia oyi Ẹshineḅba. Ee ga emini a ma, ocho ni e kha rọ ke ga Ima, ọni ọ khi ọni a kuẹḅhiẹ ya ramhi ẹle ni agbọagbọ. Atṣe.

<sup>26</sup> Itobọ ona, Ẹshineḅba ọ rọ rue wẹ obọ-na oḅhuẹmḅe omama. Egbegbi ikpotso eyewe, e nu egbe wẹ ẹ gbḅe. <sup>27</sup> Igho li khi eni emose, ocho ni e kha rọ le ke deba ikpotso, emose na abi wewe ẹẹ ghole wẹ inu-gbḅe. Emose ẹ gbe ikanya omama ke deba emose, irarigho, e she mie ifata ikanya ebe eyewe.

<sup>28</sup> Irari khi ẹa lama ri egbegbi ileṣe oyi Ẹshineḅba ni e mhue shi udu, Ẹshineḅba ọ rọ ze wẹ obọ na isamhi ebe udu oyewe ni e ke riẹle emini ẹa kha riẹle. <sup>29</sup> Okholo khi okholo nya o keṣe we-a, ghe ingmobe, ghe emhi ito-egbe, ghe ubogbo. Ofuma ikpekpe o vo wẹ egbe, ghe ugbeli, ghe okhọli, ghe ikpamhika, ghe obe-imumu. Eni ẹ tsue egbo kiakia e khi. <sup>30</sup> E ri unu ẹ yese ogbo-a, ẹẹ biselemhi Ẹshineḅba, ezunu-obe, ni ẹa mhue ekpe, ni ẹẹ tonu obọ udu. Ode ebe ni a rọ li okholo enegbo, ẹẹ sa rọ lasela eḅheḅhe kpa. Ẹa ya suọ eso na itawe. <sup>31</sup> Ẹa mhue ileṣingme, ẹa ri ishobo oyewe a gbe akanya, ẹa ya ti elemhi ogbo wekhi eri e mhue ilelemhi na ogbo. <sup>32</sup> E leṣe khi ushi oyi Ẹshineḅba, ọọ khi, egbo ni e li na ngeli, eni e ya pfua e khi, ọa khi eri e leṣe ẹ riẹle emhi eghogho tṣe, ama ẹẹ mie obọ shi eni ẹ gbe ikanya eghogho ọ.

## 2

### *Iḅuezo oyi Ẹshineḅba*

<sup>1</sup> Yeye ni u wa gue egboese ezọ, waa mholi obini u pfue ọ ya je, irari khi eḅheḅhe kpa ni u rọ gue ogboese ezọ ne, egbe ẹ wa gue ezọ, itobọ khi yeye oye u lili ẹ riẹle eni emhi.\* <sup>2</sup> Awa leṣe khi ezọ ni Ẹshineḅba ọ gue egbo ni ẹẹ riẹle emhi eghogho, khi iḅesikia ọ deba gue ọli. <sup>3</sup> Eri u dabi khi ini yeye ogbo afuafuafue u gue egboese ezọ, khi yeye u li riẹle oni emhi oghogho, khi u ya pfue ezọ oyi Ẹshineḅba? <sup>4</sup> Abi khi eri u ri eloe ẹ gbe isomhelemhi ali iregbemie ali irabomudu eniemhi eyoli, nu waa leṣe khi isomhelemhi oyi Ẹshineḅba o rẹ ramhi imupfi?

<sup>5</sup> Ama irari igbiti ali udu ni ọa mhue imupfi ni a mhue, a rọ khi ma ofu oyi Ẹshineḅba, ni ọ rọ ya na ẹ osoli, eḅheḅhe ni iḅuezo oyoli ni ọa mhue azeba o rọ ya feli lasela. <sup>6</sup> Ẹshineḅba, “Ọ ya fali ogbogbo ota abi ọ li gbe.”† <sup>7</sup> Ọ ya ri agbo na agbọagbọ na egbo ni e mhue irabomudu ẹ riẹle onete, ni ẹẹ nono ufumhi ali agbo ni ọa mhue ukpeṣe. <sup>8</sup> Ama egbo ni ẹẹ na shi oyewe tṣe, ni ẹa ri eso shi iḅesikia ni o la ungmehi oyi Ẹshineḅba, ni e deba onobe vu, Ẹshineḅba ọ ya tiese ofu ali elemhi ibibi oyoli le shi wẹ ọ. <sup>9</sup> Egbo eni ẹẹ riẹle onobe nya e ya me osoli ali oya. Okekhi egbo iJu, okekhi egbo iḅeta. <sup>10</sup> Ama Ẹshineḅba ọ ya ri ufumhi ali itinga ali opfomḅe na egbo nya ni ẹ riẹle onete. Okekhi egbo iJu, okekhi egbo iḅeta. <sup>11</sup> Irari khi Ẹshineḅba ọa ya zolo ogbokhoghuo.‡

<sup>12</sup> Egbokpa ni e lamḅe olamḅe ni ẹa me ebe ushi deba, ogbo ọa rọte ebe ushi ya gue wẹ ezọ, ama egbokpa ni e mhue ushi deba ni e lamḅe olamḅe, a ya rọte ushi gue wẹ ezọ. <sup>13</sup> Irari khi ọa khi egbo ni e suọ abi ushi ọ ngme tṣe Ẹshineḅba ọ ya liẹ khi e pfuase, ama eni e suọ abi ushi ọ ngme ni e rọli ẹ gbe akanya, Ẹshineḅba ọ ya pfa na khi e pfuase. <sup>14</sup> Eḅheḅhe kpa ni egbo iḅeta, ni ẹa mholi ushi, e rọ rọte angeli oyewe ri ushi gbe akanya ne, eri e rokhasẹ khi e leṣe emini ọa ti ali emini o ti ni a riẹle, ini ẹa ririẹ mhue ushi. <sup>15</sup> Eri angeli oyewe o rokhasẹ khi emini ushi ọọ a ke riẹle, khi e keke ọli shi udu, udu oyewe ọ pfi otṣele shi ọ, isamhi eyewe ni ẹ gue wẹ ezọ isheghuo, e gbo khẹ wẹ shi eke. <sup>16</sup> Igho o ya li ogbele ni Ẹshineḅba ọ ya rọte obọ oyi iJesu iKirisiti gue wẹ ezọ ri osheli oyewe lasela abi mhi li ri usomhi onete tse abọ.

### *Egbo iJu ali ushi*

<sup>17</sup> Ini a lu egbe ẹ egbo iJu, a ri egbe da ushi ri Ẹshineḅba a tonu obọ udu, <sup>18</sup> Ini a ze Ebe-no-pfuase leṣe oḅhuẹmḅe oyi Ẹshineḅba, ni a gbo leṣe emini o gbe akanya, <sup>19</sup> ini a leṣe khi ẹẹ a khi eni ẹẹ seṣe ezalo ode, ni a rọ gbo khi akpa na egbo ni e la alo ebili, <sup>20</sup> a ye egbo ni e khi eyeghe ude, a seṣe eni ẹa leṣe. A mholi ọli shi udu khi ileṣe ali iḅesikia o gba pfo shi elemhi ushi. <sup>21</sup> Ẹẹ ni a seṣe egboese, elo o

\* 2:1 Li ze iMat 7.1; iLuk 6.37 † 2:6 Li ze Iwolo 62.12; Ekpi 24.12 ‡ 2:11 Li ze iDeut 10.17

zẹ khi aa ya sẹsẹ egbe ẹ? Ẹẹ ni a liẹ ọgbọ ọ khi do ughiatọ, àá liẹ do? <sup>22</sup> Ẹẹ ni a liẹ ọgbọ ọ khi kia okia, aa liẹ kia okia? Ẹẹ ni ikhumhi igaga ọọ kpasẹ, aa liẹ do ughiatọ elemhi Owa oyi Ẹshinẹgba? <sup>23</sup> Ẹẹ ni a tono obọ udu khi a mhue ishi eyi Ẹshinẹgba, aa ri omama mu Ẹshinẹgba abi a liẹ gbe eni ishi-a? <sup>24</sup> Ebe-no-pfuasẹ ọọ khi: “Irari ẹẹ ni a khi ẹgbọ iJu ẹgbọ iJeta e rọ ọ zẹ ẹmuẹbe na eva oyi Ẹshinẹgba.” § <sup>25</sup> Ini a ri ishi a gbe ikanya, oshẹlẹ oye ẹ o rọ mu ẹloe, ama ini a gbe ushi-a, eri a li abinẹ khi aa shẹlẹ-a. <sup>26</sup> Ini ọgbọ ni ọa khi iJu ni ọgbọ aa shẹlẹ-a ọ ri ushi oyi Ẹshinẹgba gbe akanya, Ẹshinẹgba ọa ya leli ọli shi ọni aa shẹlẹ-a? <sup>27</sup> Itobọ ighọ, ẹgbọ iJeta e ya pfa ẹzọ mu ẹ iJu itobọ khi a gbe ushi-a, aboriẹkhia khi a keke ọni ushi shi ebe na ẹ ni a gbo shẹlẹ-a, ama wẹwẹ e ri ushi ẹ gbe akanya ini aa ririẹ shẹlẹ wẹ-a. <sup>28</sup> Ọa khi itobọ khi ọgbọ ọọ ngeli abi ọgbọ iJu ali itobọ khi a da shẹlẹ ọli-a ọ rọ khi egbegbi iJu. <sup>29</sup> Ama ọni ọ khi egbegbi iJu ọ khi ọni ọ ri ushi ẹ gbe akanya, Oshẹlẹ na ekelemhi udu o khi igesikia oyi oshẹlẹ, ọa khi ona ẹkuẹ idiegbe oye. Ọgbọ ọghọghọ Ẹshinẹgba ọọ kuẹghie ọli, aa khi ẹgbọ ẹẹ kuẹghie ọli.\*

### 3

<sup>1</sup> Ighe eleli ni ẹgbọ iJu, ikhi eni a lu eni a shẹlẹ-a, e mholi dọsẹ ẹgbọ iJeta? Ighe eleli ni o la ọ na ẹgbọ ni ẹ lu egbewẹ eni a shẹlẹ-a? <sup>2</sup> Èleli o la ọ na ọgbọgbọ odẹ khi odẹ. Ododẹ, ẹgbọ iJu Ẹshinẹgba ọ kpẹ ri oni ungmehi nga obọ.

<sup>3</sup> Ini o fẹ khia khi eghuo ọ ẹa mhue irudunga? Eri umha mhue irudunga oyewẹ o ya liẹ khi Ẹshinẹgba ọa ke zẹ ri egbe ẹ nga? <sup>4</sup> Iiye e! Ini ọgbọkpa o tseku khi ọloẹgbhue, igesikia Ẹshinẹgba ọ khi. Abi Ebe-no-pfuasẹ o ngme, ni ọọ.\*

“A mema mẹ khi  
yeyẹ u te odẹ ini u ngme,  
ali khi u ya mu ọ le  
ini a gue ẹ ẹzọ.”

<sup>5</sup> Ama ini umha gue ẹ ngeli oyawa o ri ipfuasẹ oyi Ẹshinẹgba khase gboo, sẹ awa ke fẹ ya ngme? Eri awa ya liẹ khi Ẹshinẹgba

ọ gbe awa azẹba ini ọ na awa osoli tọ onobe ni awa li? Eri mhi la ana ngme abi ọgbọ ọ liẹ ngme. <sup>6</sup> Emini a sọ shi ona khi, Iiye o, ini o khia khi Ẹshinẹgba ọọ gbe azẹba lọ, se ọ kha li dobe gue agbọ ẹzọ? <sup>7</sup> Ẹgbọ eghuo e ya ke khako, ẹẹ li, “Ini o khia khi ẹgbhọli ni mhi lo o ri iẸ-ri-egbenga oyi Ẹshinẹgba khase, ni o khi ma ufumhi oyọli, sẹ a ke gbo liẹ pfa ẹzọ mu mhẹ abi ọgbọ ọna olamhẹ?” <sup>8</sup> Elo o ke zẹ ni awa a rọ liẹ khi o tine ni awa ke li ingmobe ni onete o rọte ọ lasele? A ya gue ọgbọgbọ eni e ngme na ẹzọ. Ẹzeze abi ẹgbọ eghuo e she kpẹ li kiẹnọ ẹgbhọli ma mhẹ khi emini mhia sẹsẹ ẹgbọ ghọ.

#### *Aa mẹ ọni ọ gue ẹ ngeli*

<sup>9</sup> Ini a fẹ bino ọ bie, eri awa iJu awa fẹ ti dọsẹ iJeta? Iiye o! Mhi she kpẹ rọli khase khi ẹgbọ iJu ali ẹgbọ iJeta nya elemhi olamhẹ awa la a kia. <sup>10</sup> Abi Ebe-no-pfuasẹ o ngme ni ọọ:

“Ọgbọkhoghuo ọa la ọ  
ni ọ gue ẹ ngeli, ọgbọ aa mẹ,

<sup>11</sup> Aa mẹ ọni ọ mhue ilẹsẹ,  
wẹkhi eri ọgbọkhoghuo  
ọọ ga Ẹshinẹgba.

<sup>12</sup> Ẹgbọ nya e she sọ  
ukhokho gbe Ẹshinẹgba.

Wẹwẹ nya e she rọte  
odẹ oboese ni ọa ti.

Ọgbọkhoghuo ọa la ni  
ọọ riẹlẹ onete,

ọgbọ aa mẹ ọghuo kpẹ!” †

<sup>13</sup> “Eri ukokoluoluọ oyewẹ  
o li abi uji ni o  
khueghie-a shi eke.

Eri ẹlẹmhi oyewẹ

O ri udimhi ẹ pfi itsee.” ‡

“Osue ẹnẹ afue o la wẹ unu.”

<sup>14</sup> “Inu eyewẹ o wọ

itẹ ebe ikuku ali oyala.” §

<sup>15</sup> “Ọa ya mu wẹ unu  
ni e rọ gbe ugbeli,

<sup>16</sup> epfua ali oyese ẹẹ pfi  
shi obini e je kpa,

<sup>17</sup> Ẹa lẹsẹ abi a liẹ la opfomhẹ.”\*

<sup>18</sup> “Wẹkhi eri e mholi  
ekpẹ na Ẹshinẹgba.” †

§ 2:24 Li zẹ Aza 52.5 \* 2:29 Li zẹ iDeut 30.6 \* 3:4 Li zẹ Iwolo 51.4 † 3:12 Li zẹ Iwolo 14.1-3; 53.1-3 ‡ 3:13 Li zẹ Iwolo 5.9; 140.3 § 3:14 Li zẹ Iwolo 10.7 \* 3:17 Li zẹ Aza 59.7-8 † 3:18 Li zẹ Iwolo 36.1

19 Mena, awa lẹsẹ khi emini a keke shi ushi nya, khi eni e deba ushi ẹ ngeli a keke ọli na. Ni a rọ bhale ya ẹ khi ọgbọ okhoghwo ọa ya liẹ khi emini o zẹ ni luẹ rọ gbe ushi-a na, ini Ẹshinẹgba ọ gue agbọ nya ẹzọ. 20 Ọgbọ ọa la ọ ni a ya pfa na khi ọ pfuasẹ irari khi ọ ri ushi ẹ gbe akanya. Ochoghọ eri ushi o zẹ awa lẹsẹ khi olamhẹ o la ọ.‡

### *Igue-ngeli ni o rọte irudunga bhale*

21 Ama Ẹshinẹgba ọ she ri ode onogbo ni ọ te pfa na awa khasẹ awa ni ọa khi abi ushi o sẹsẹ awa. Ni ebe Ushi ali emekẹguele e pfi ọtsẹlẹ shi. 22 Oni ode onogbo ona ni Ẹshinẹgba ọ rọ bhale, irudunga iJesu iKirisiti o te ẹ bhale deba eni e mie ọli suo nya. Ikhioda ọa la ọ na eni e khi iJu ali iGiriki.§ 23 Irari khi ọgbokpa ọ she lamhẹ, ẹgbọ e she nuata shi Ẹshinẹgba ni ọọ tsumhi ọ. 24 Ama afuẹ afuẹ ọ ri okhale oyọli pfa na awa khi awa pfuasẹ, rọte ipfasheke ni o te obọ oyi iJesu iKirisiti bhale. 25-26 Eri Ẹshinẹgba ọ ri iKirisiti khasẹ agbọ nya, khi lọli ọ khi ọni ọ dobe ya ri olamhẹ topfa agbọ, abi ọ li ku ọlia eyọli kua ukhomhi apfida. Awa kha regbenga emini iKirisiti ọ rieḽe, awa mhọli ipfasheke ni o rọ rọkhasẹ khi Ẹshinẹgba ọa ya gbe azẹba. Itobọ khi Ẹshinẹgba ọ mhọli irabomudu ali khi ọa ya gbe azẹba, ọ rọọ gbe olamhẹ kua na ẹgbọ, ọ guele khi ọgbokpa ni ọ ri udu nga iJesu, khi ọni a pfa na ọ khi.

27 Elo awa ke tono obọ udu ẹ shi? Afuẹ! Elo o zẹ ona? Itobọ khi awa ma rọ ri ushi a gbe lọ? Iiye o, ama itobọ khi awa miesuo. 28 Irari khi awa zọli ukhomhi khi eri Ẹshinẹgba ọọ pfa na ẹgbọ ni e mhue irudunga ni ọa khi irari iri-ushi-gbe akanya. 29 Eshinẹgba oyi ẹgbọ iJu tse ọ lẹsẹ khi, ọa ke li khi Ẹshinẹgba oyi ẹgbọ iJeta? Oyewe ọ khi gueguegue. 30 Ẹshinẹgba oghuo ọ khi, ọni ọọ pfa na ẹgbọ eni e sheḽe-a rọte irudunga oyewe ali eni ąą sheḽe-a rọte oni irudunga oghuo.\* 31 Eri ona o ke liẹ khi itobọ irudunga oyawa, khi awa a ke mhue emini awa ri ushi ẹ li? Iiye e. Ochoghọ awa kie mu ushi mhue.

## 4

### *Irudunga o ri Aburaamu migha shi ipfuase*

1 Sẹ awa ke ya ngme shi ingme oyi Aburaamu ni ọ khi ititawa? Elo ọ fe me eni ingme ipfana rọte irudunga onana? 2 Ini o khia khi ikanya ni Aburaamu ọ gbe a rọ pfa na li lọ, ọ kha me emhi rọ ke tono obọ udu, ama ọa khi odalo oyi Ẹshinẹgba. 3 Eri Ebe-no-pfuasẹ ọọ, “Eri Aburaamu ọ mie Ẹshinẹgba suo, lọli a rọ leli ọli na li shi ipfuasẹ.”\* 4 Ini ọgbọ gbe akanya, ọgbọ ọa ya liẹ khi ifata ni ọ mie khi isomhopfa lọ, ama eri ọ gbe akanya shi ọ. 5 Ama ọgbọ ni ọa ri egbe da ikanya obọ oyọli ni ọ gbe, ni ọ regbenga Ẹshinẹgba ni ọọ pfa na ọna okhọlọ, oni irudunga ni ọ mhọli eghọ a deba guele khi ọ pfuasẹ. 6 Abi iDefidi ọ rọ ngme nga ikhivose oyi ọni Ẹshinẹgba ọ pfa na, ni ọa khi itobọ ikanya obọ oyi lọlighuo, ọ mu ma ingme ena, abi ọ reẹ,

7 “Oghẹḽe o khi na ẹgbọ  
ni Onomhue ọ gbe  
umha gueli oyewe kua,  
ni a ri olamhẹ oyewe  
topfa we.

8 Oghẹḽe o khi na ọgbọ  
ni Onomhue ọa keke  
olamhẹ eyọli shi na li.”†

9 Oni ikhivose ona, ẹgbọ ni a sheḽe-a e lẹsẹ mhọli ọli? Abi khi ẹgbọ ni aa sheḽe-a e li mhọli ọli? Awa kie kpe ẹ ngme ọli khi irudunga ni Aburaamu ọ mhue, lọli a rọ guele khi ọ pfuasẹ. 10 Eghẹghẹ onoghwo a rọ leli ọli na li? Abi a rọ sheḽe ọli-a se lọ, abi khi neni a sheḽe ọli-a? Ọa khi abi a rọ sheḽe ọli-a se, ama abi aa rọ sheḽe ọli-a ne lọ. 11 Itobọ khi ọ mhọli irudunga, Ẹshinẹgba ọ rọ pfa na li khi ọ mhọli ipfuasẹ neni ọ sheḽe-a. Irarighọ, ọ rọ khi ita oyi ẹgbọ nya ni e miesuo, ini aa tseku sheḽe we-a. Eghẹghẹ aghọ ni e khi eni a pfa na khi e pfuasẹ.‡ 12 Ita oyi ẹgbọ eni e sheḽe-a ọ li khi. Aa khi itobọ khi a sheḽe we-a tse, ama irari khi e deba ete-awe agbọ irudunga nabi itawa Aburaamu, neni a sheḽe ọli-a.

### *Irudunga a te a mie ishobọ eyi Ẹshinẹgba*

‡ 3:20 Li zẹ Iwolo 143.2; iGal 2.16 § 3:22 Li zẹ iGal 2.16 \* 3:30 Li zẹ iDeut 6.4; iGal 3.20 \* 4:3 Li zẹ Igbae 15.6; iGal 3.6 † 4:8 Li zẹ Iwolo 32.2 ‡ 4:11 Li zẹ Igbae 17.10

<sup>13</sup> Oa khi iri ushi gbe akanya Aburaamu ali imimi ọli e te mie oni ishobọ khi lọli o ya le ugu agbọ nya, ama rọte angeli ipfuase ni o rọte irudunga bhale oyọli lọ. § <sup>14</sup> Irari khi ini eni e ri ushi gbe akanya e le oni ugu lọ, irudunga ọa kha ke mu eloe, oni ishobọ o mele afue-a.\* <sup>15</sup> Eri ushi o ri ofu oyi Eshinegba bhale, irari khi ini ushi ọa la o, igbushi-a ọa kha la o.

<sup>16</sup> Irarigho, oni ishobọ, irudunga o te e bhale, ishegho ni o khi oyi okhale, ali ni o migha na imimi Aburaamu. Oa khi oyi egbo ni e ri ushi e gbe akanya tse, ama li shi oyi eni e miesuo abi Aburaamu. Irari khi Aburaamu o khi ita awa nya elemhi ayemhe.† <sup>17</sup> Abi Ebe-no-pfuase o ngme ni oo, “Mhi she re mele ita oyi ushishi ebubu-a.” Irudunga ni Aburaamu o mhuẹ Eshinegba o ro shobo na li. Eshinegba ni oo ri eni e ghu-a guale bhale agbo, ni o ma emhi enegbo.‡ <sup>18</sup> Eri Aburaamu o miesuo, o mhuẹ irudushi, abi ọa ro tseku me emini o ri udu shi ne, itobo igho o ro khi, “Ita ishishi ebubu.” Abi a kie kpe li gue ọli ye ọli khi, “Imimie e ya bu abi ikpetata.” § <sup>19</sup> Oa tigbe lose Aburaamu shi irudunga oyoli, aboriekhia khi o she gbe ikpe egbhueshe, ni o gbo lese khi loli she womhe ramhi eghuli ali khi iSera ughuoli o she li womhe dose ni o ke dobe ya bia eniye.\* <sup>20</sup> Irudunga oyoli ọa mhuẹ olosemhe wekhi eri o khokho udu shi emini Eshinegba o ngme. Oni irudunga oyoli o ri itoto na li, o kueghie Eshinegba. <sup>21</sup> Eri o lama shi o egbegbo khi Eshinegba o ya dobe riele emini o shobo na lue. <sup>22</sup> Loli o ze khi, “A pfa na li khi o pfuase.” <sup>23</sup> Ungmemhi khi, “A leli ọli na li shi angeli ipfuase,” ọa khi lolighuo tse a keke ọli na. <sup>24</sup> Ama a li keke ọli na awa, eni Eshinegba o lie leli angeli ipfuase na, ni awa mie ọli suo ikhi loli ni o rọte eghuli guise iJesu Onomhuẹ oyawa le. <sup>25</sup> Eri Eshinegba o rue ọli obọ-a ni o ghu-a shi ingmobe eyawa. O guise ọli le bhale agbo ni o khuese awa pfuase.†

## 5

### *Opfomhe ali Oghelẹ*

<sup>1</sup> Irarigho, aborokhia khi a she pfa na awa egho khi awa pfuase rọte irudunga oyawa, awa she mhuẹ opfomhe odalo oyi Eshinegba rọte obọ oyi iJesu iKirisiti Onomhuẹ oyawa. <sup>2</sup> Loli awa rọte obọ oyoli mhọli ode lo isomhelemhi oyi Eshinegba, te irudunga ni awa migha nga memena. Awa ke ghele shi irudushi oyi ufumhi oyi Eshinegba. <sup>3</sup> Oa khi igho tse, ama awa lie ghele shi osoli oyawa, irari khi awa lese khi eri osoli oo sese ogbo iregbemie. <sup>4</sup> Iregbemie o ri ogbo o mhuẹ egbegbi angeli, egbegbi angeli o ri ogbo o mhuẹ irudushi. <sup>5</sup> Oni irudushi ona, ọa ya ze awa me omama. Irari khi Eshinegba o she tutu inono oyoli ku awa udu rọte Ayemhe-no-pfuase, ni o ro na awa. <sup>6</sup> Irari khi egheghe ni awa aa ro mhọli ekpabo ni awa ro khi ena olamhe, iKirisiti o bhale ya ghu-a na awa. <sup>7</sup> O ma munu ni ogbo o ro ghu-a na ogbo ni o gue e ngeli, otse ogbo o ya rosheka ni lue ghu-a na ogbo onete. <sup>8</sup> Ama eri Eshinegba o ri inono ni o mhọli na awa khasẹ. Loli o ze khi egheghe ni awa ro kie khi ena olamhe, iKirisiti o ro bhale ya ghu-a na awa.

<sup>9</sup> Aborokhia khi a she rọte ọlia eyoli pfa na awa mena, see ọa lie tsumhi awa ofu oyi Eshinegba! <sup>10</sup> Irari khi ini egheghe ni awa ro khi ebe Eshinegba khi a rọte eghuli ni omioli o ghu ri awa nu ọli mhuẹ iroriele, see awa ni a she ro nu Eshinegba somhi awa aa li gbo ya rọte agbo oyoli mhuẹ imiepfuese! <sup>11</sup> Oa khi igho tse, ama awa li mhọli oghelẹ ayi Eshinegba rọte iJesu iKirisiti Onomhuẹ oyawa, oni awa rọte obọ oyoli mhuẹ irosomhi.

### *Adamu o ri eghuli bhale, iKirisiti o ri agbo bhale*

<sup>12</sup> Olamhe ni Adamu o lamhe o ri eghuli lo agbo le. Olamhe oyoli o ze khi ogbokpa o khi ona olamhe, irarigho ogbokpa o ro ya ghua.\* <sup>13</sup> Irari khi neni a ri ushi bhale olamhe, o she kpe lo agbo le, ama ashini ushi ọa la, aa ya leli olamhe na ogbokhoghuo. <sup>14</sup> Aboriekhi igho, eri eghuli o kie rọte egheghe oyi Adamu gbe egbo ya

§ 4:13 Li ze Igbae 17.4-6; 22.17-18; iGal 3.29 \* 4:14 Li ze iGal 3.18 † 4:16 Li ze iGal 3.7 ‡ 4:17 Li ze Igbae 17.5 § 4:18 Li ze Igbae 15.5 \* 4:19 Li ze Igbae 17.17 † 4:25 Li ze Aza 53.4-5 \* 5:12 Li ze Igbae 3.6



ramhi ẹghẹghẹ oyi iMosisi, li shi ẹgbọ ni ẹa gbe ushi-a abi Adamu ọ li da omhẹse oyi Ẹshinẹgba. Adamu ọ khi irọkhọkhọ oyi ọni ọ ya bhale.

<sup>15</sup> Ama wẹwẹ aava ẹa li abeghuo irari khi isomhopfa onayi Ẹshinẹgba ọa li abi olamhẹ oyi Adamu. Igesikia o khi, khi ebubu ẹgbọ e ghu-a irari olamhẹ oyi ọgbọghuo ọghọ. Ama okhale oyi Ẹshinẹgba o funẹ. Ighọ khi isomhopfa ni ọ rọ na ebubu ẹgbọ rọte isomhelemhi oyi ọgbọ ọghuo, ikhi iJesu iKirisiti. <sup>16</sup> Ikhioda o la isomhopfa oyi Ẹshinẹgba ali olamhẹ oyi Adamu. Oni olamhẹ oghuo ọghọ o ri ina-osoli bhale. Ama isomhopfa oyi Ẹshinẹgba o ri ipfana bhale ghi awa aboriẹkhia khi eni e lamhẹ awa khi. <sup>17</sup> Igesikia o khi, khi rọte olamhẹ oyi ọgbọ ọghuo, eghuli o te bhale agbọ. Ama emini ọgbọ ọghuo ọ riẹle, ikhi iJesu iKirisiti, o funẹ. Ẹgbọ nya ni e mie okhale oniẹmhi ali isomhopfa afue afue oyi ipfuase oyi Ẹshinẹgba, e ya mu olamhẹ ọ le, rọte obọ oyi iKirisiti. <sup>18</sup> Abi olamhẹ oyi Adamu o li ri ina-osoli ghi ẹgbọkpa, ighọ ipfuase oghuo oyi iKirisiti o li ri ipfana ali isomhopfa agbọ oyi Ẹshinẹgba na ọgbọkpa. <sup>19</sup> Irari khi, abi umha-suesọ oyi ọgbọ ọghuo o ri ẹgbọ nya khi ena olamhẹ, ighọ a li ya pfa na ebubu ẹgbọ shi odẹ oyi Ẹshinẹgba irari isuesọ oyi ọgbọ ọghuo.

<sup>20</sup> Eri ushi o bhale ni ẹgbọ lẹse ashini e khi ena olamhẹ ramhi, ama abibi olamhẹ e tseku li bu, ilẹlemhi oyi Ẹshinẹgba o bu dọse wẹ. <sup>21</sup> Ẹghẹghẹ aghọ ni a bhale ya ẹ khi ẹzeze abi olamhẹ o ri eghuli bhale, okhale oyi Ẹshinẹgba o ri ipfuase leghie, o ri agbọ na agbọagbọ bhale, rọte obọ oyi iJesu iKirisiti Ọnọmhuẹ oyawa.

## 6

### *Ghu pfa Olamhẹ, u nu iKirisiti la agbọ*

<sup>1</sup> Sẹ awa ya ngme mena, eri awa ya ke li ingmobe lẹ tse ni okhale oyi Ẹshinẹgba o ke bua shi ọ dọse aghọ? <sup>2</sup> Iiye o! Awa ni idiegbe oyawa o ghu pfa olamhẹ, seẹ awa ke gbo liẹ ke lamhẹ? <sup>3</sup> Abi khi aa lẹse khi awa nya ni a batazi shi iJesu iKirisiti, khi eri awa batazi shi eghuli oyọli? <sup>4</sup> Irarighọ, eri a ri awa nu ọli tọ abi a rọ sọ awa oke

batazi awa shi eghuli oyọli, ni a bhale ya ẹ khi abi a li rọte eghuli guise iKirisiti le rọte ufumhi oyi Ita, ni awa li mhọli agbọ onogbọ.\*

<sup>5</sup> Abi a rọ ku awa ali lọli gbe she eghuli oyọli eghọ, ighọ a gbo liẹ ku awa ali lọli gbe shi iguisele oyọli. <sup>6</sup> Awa lẹse ona khi idiegbe oyawa onodiọ khi eri o nu iJesu ghu-a shi apfida, ni a rọ bhale ya ẹ khi idiegbe olamhẹ oyawa o mele afue-a. Ini awa khi ke gbo khi ighumha olamhẹ. <sup>7</sup> Itobọ khi ini ọgbọ ọ ghu-a, ọ she pfue ekpabọ olamhẹ. <sup>8</sup> Mena, ini awa she nu iKirisiti ghua, awa miesuo khi awa ya li nu ọli la agbọ. <sup>9</sup> Irari khi awa lẹse khi abi a she rọte eghuli guise iKirisiti le eghọ, ọa ke gbo ya ghu ghue, eghuli ọa ke gbo mhọli ekpabọ shi ọli egbe. <sup>10</sup> Eghuli ni ọ ghu, utoghuokpe ọ ghu ọli rọ mu ekpabọ eyi olamhẹ ọ le. Agbọ ni ọ la, ọ la ọ na Ẹshinẹgba. <sup>11</sup> A li lighọ leli egbe ẹ shi eni e ghu pfa olamhẹ, ama a la agbọ na Ẹshinẹgba elemhi iJesu iKirisiti. <sup>12</sup> Irarighọ, a khi ze ni olamhẹ o le eghie shi ẹ egbe ni a ri ọghuemhẹ ebe eyọli ke gbe akanya. <sup>13</sup> A khi ri ukiẹkiẹ idiegbe okhọghuo oyeẹ na olamhẹ, wẹkhi eri u rẹ wẹ shi eke shi akanya ọkhọlọ, ochoghọ, a ri egbe ẹ na Ẹshinẹgba abi eni a she rọte eghuli nyene bhale agbọ, ama a ri idiegbe oyeẹ na li abi itsua ipfuase. <sup>14</sup> Irari khi olamhẹ ọa ke ya khi ọga oyeẹ, itobọ khi ushi ọa ke ẹ ke mhẹse na ẹ, ama elemhi okhale oyi Ẹshinẹgba a ke la.

### *Ighumha eyi angeli ipfuase a ke khi*

<sup>15</sup> Sẹ o ke li mena? Awa ke lamhẹ itobọ khi ushi ọa ke mhẹse ẹ na awa, se ni okhale oyi Ẹshinẹgba? Iiye o! <sup>16</sup> Aa lẹse khi oghumha oyi emini a suo esọ ọ na a khi? U dobe ya khi oghumha oyi olamhẹ ni o ri eghuli ẹ bhale, u gbo dobe ẹ ze isuesọ na Ẹshinẹgba ni o ri ọgbọ ọ bhale angeli ipfuase. <sup>17</sup> Ama awa tse Ẹshinẹgba uwegbe, irari khi ẹghẹghẹ ni o dọse, a kpe khi ighumha eyi olamhẹ, ẹghẹghẹ aghọ a ga ri udu oye ẹ nya a suo esọ na osese ni a sese ẹ. <sup>18</sup> A she pfuese ẹ olamhẹ, ama ighumha eyi Ẹshinẹgba a ke khi, ni a ke riẹle emini o ghọle Ẹshinẹgba.

\* 6:4 Li ze iKolo 2.12

<sup>19</sup> Eri mhi ngme ona abi oḡbọ liẹ ngme, itobọ khi aa lolo toto. Abi a kpẹ li ri idiegbe eye ẹ shi ighumha na ikanya ichimhi ali oḡhọ, a li lighọ ri egbe ẹ shi ighumha angeli ni o ḡhọle Ẹshineḡba, ni o ri ipfuase ẹ bhale. <sup>20</sup> Abi a rọ khi ighumha olamhe, aa mhue emini a ri angeli ni o ḡhọle Ẹshineḡba riẹ. <sup>21</sup> Ighe eleli ni a mhue oni eḡheḡhe shi ikanya ni e ke tigbe ri omama a mu ẹ ena? Emhi eḡhọghọ eghuli ẹẹ pfi. <sup>22</sup> Ama mena ni a she rọte olamhe pfuase ẹ, ni a ke rọ khi ighumha eyi Ẹshineḡba eḡhọ, eleli ni a khiẹse, ipfuase o re ẹ ya khue pfuase, o ri agbọ na agbọagbọ o na ẹ. <sup>23</sup> Irari khi ifata oyi olamhe khi eghuli lo, ama isomhopfa oyi Ẹshineḡba agbọ na agbọagbọ lo rọte obọ oyi iJesu iKirisiti Onomhue oyawa.

## 7

### *Abi a liẹ ngeli elemhi ughue*

<sup>1</sup> A leṣe inyoghuo, khi eri mhi nu ẹ ngme abi eḡbọ ni e leṣe ushi, khi ushi o mhọli ekpabọ shi oḡbọ egbe ini oni oḡbọ o kie da la agbọ ne. <sup>2</sup> Ezeze abi ushi o ngme khi oḡpotso ni o la ughue o gbudu vu oḡo li obọ ini oni omose o kie da la agbọ ne, ama khi ini o ghu-a oni ushi o ke mu oḡli. <sup>3</sup> Irarigho, ini o vu ya ngeli na omose oḡese, abi oḡoli o li kie la agbọ eḡhọ, a ya lu oḡli oḡiokia. Ama ini oḡo li o ghua, oni ushi oḡhọ o ke mu oḡli, o ke khi oḡiokia, ini o tseku ngeli na omose oḡese. <sup>4</sup> Igho o li khi shi ẹ o inyoghuo-mhe. Idiegbe oyi iKirisiti a ke khi, ẹẹ a she li ghu-a pfa ekpabọ oyi ushi. A she ga li mhọli eḡheḡhe ni a rọ mele oyi oḡboese-a, ikhi oni a rọte eghuli guise le, ni a me asha ke gbe akanya enete na Ẹshineḡba. <sup>5</sup> Irari khi abi idiegbe olamhe o rọ o mhesẹ na awa, igho oḡhume oyi olamhe ni ushi o zese-a o la awa idiegbe gbe akanya, ena e ri awa ngeli angeli ni oḡ pfi eghuli. <sup>6</sup> Ama mena, abi awa rọ she ghu pfa emini e ke kpẹ geḡo awa eḡhọ, a she pfuase awa obọ oyi ushi, ni awa me asha rọte oḡe onogbọ oyi Ayemhe ke ga, ni o ke khi oḡe oyi ushi ni a keke.

### *Inu-olamhe khe abo*

<sup>7</sup> Se awa ke ya ngme mena? Olamhe oni ushi o ke khi sho? Iiye o. Egbegbo lo khi,

mhi aa kha leṣe emini olamhe o khi, ini o ke khi ushi lo. Irari khi mhi aa kha leṣe emini ivie shi emhi oḡbọ o khi ini ushi o ke liẹ, “Khi viẹ shi emhi oḡbọ.”\* <sup>8</sup> Rote oni ushi oḡhọ, olamhe o te me asha guise iwali oḡhume ukphe nya ni e la mhe egbe le. Ini a rue ushi oḡe-a eri olamhe o ghua. <sup>9</sup> Eri mhi kpẹ la agbọ tse abi mhi aa rọ leṣe ushi ne, ama abi ushi o ke rọ bhale, olamhe o gbo bhale agbọ, loḡli mhi rọ ghua. <sup>10</sup> Mhi me khi ushi ni o kha ri agbọ bhale, khi eghuli o rọ bhe.

<sup>11</sup> Olamhe o me asha migha rọte ushi di mhe. Rote oni ushi, eghuli o gbe mhe.† <sup>12</sup> Abokielu khi, oni ushi o pfuase, omhesẹ o pfuase, e migha, e ti.

<sup>13</sup> Eri emini o ti oḡhọ o ke ri eghuli ghi mhe eḡhọ? Iiye o! Ama ni a rọ leṣe olamhe shi olamhe o rọ pfi eghuli na mhe, rọte emini o ti, ni a bhale ya ẹ khi rọte oni ushi, olamhe o mema khi olamhe egbegbo. <sup>14</sup> Irari khi awa leṣe khi ushi emhi Ayemhe o khi, ama mhemhe oḡbọ tse, mhi khi oni a rọ na olamhe de. <sup>15</sup> Mhi aa leṣe emini e li mhe, irari khi emini mhia nono ni mhi ke riẹ, mhi aa doḡe riẹ oḡli. Ama emini o ke ḡhọle mhe, mhia riẹ.‡ <sup>16</sup> Ini mhi riẹ emini mhi aa nono ni mhi riẹ, mhi lama shi o khi ushi o ti. <sup>17</sup> Abi oli khi, o ke khi mhemhe mhia riẹ oḡli ama olamhe ni o la mhe egbe lo. <sup>18</sup> Mhi leṣe khi emhikhoghuo ni o ti o ke lamhe egbe, ikhi idiegbe olamhe oyemhe. Irari khi ini o tseku ḡhọle mhe ni mhi riẹ emini o ti, mhia doḡe ẹ riẹ oḡli. <sup>19</sup> Irari khi emini mhia riẹ o ke khi emini o ti ni mhia nono ni mhi riẹ, ochoghọ onobe ni mhi aa nono ni mhi riẹ, mhi kiele ẹ riẹ. <sup>20</sup> Mena, ini mhia riẹ emini mhi aa nono ni mhi riẹ, ona o roḡhase khi o ke khi mhemhe mhi riẹ oḡli, olamhe ni o la agbọ oyemhe oḡe riẹ oḡli. <sup>21</sup> Ina o ga limhe egbe eḡheḡheḡka. Ini mhia nono ni mhi riẹ onete, onobe o nu mhe la agho. <sup>22</sup> Irari khi ekelemhi udu oyemhe, ushi oyi Ẹshineḡba o te ẹ ḡhọle mhe. <sup>23</sup> Ama mhi me khi ushi oḡese o la mhe egbe ẹ gbe akanya, ni o mu okhọli vule shi ushi ni o la mhe udu o, o remhe mele oghumha ushi oyi olamhe-a, ni o la mhe egbe a gbe akanya. <sup>24</sup> Oḡbọ umebinuje nabise mhi fe khi ena. Oghuo o

\* 7:7 Li ze Okiali 20.17; iDeut 5.21 † 7:11 Li ze Igbae 3.13 ‡ 7:15 Li ze iGal 5.17

ya tsumhi mhe idiegbe eghuli ona lasele?  
<sup>25</sup> Mhi kphemhi na Eshinegba rote obọ oyi iJesu iKirisiti Onomhue oyawa.

Irarigho, mhemhe oyemhe, oghumha oyi ushi oyi Eshinegba mhi khi udu oyemhe, elemhi idiegbe olamhe, mhi khi oghumha oyi ushi olamhe.

## 8

### *Angeli na Ayemhe*

<sup>1</sup> Irarigho, ipfezo-mu o a ke la o na egbo ne mie iJesu iKirisiti suo, ni ea ke ngeli rote ode olamhe, ama eni ee ngeli rote ode Ayemhe-no-pfuase. <sup>2</sup> Ayemhe ni o ri agbo a na awa itobo khi awa mie iJesu iKirisiti suo, o she taghie mhe obọ oyi ushi olamhe ali eghuli-a. <sup>3</sup> Emini Ushi oyi iMosisi o a dobe rieḷe irari khi idiegbe olamhe o mie oḷi ekpabo, Eshinegba lolighuo o ke ya pfuese awa abi o ghie Omi oḷi, ni o li abi awa egbo olamhe ali ni o ya khi iluasobo shi olamhe eyawa. Oni idiegbe ogbo ni oni iKirisiti o ze o ro pfueche olamhe-a shi idiegbe ogbo olamhe. <sup>4</sup> Eri Eshinegba o rieḷe ona ni ipfuase ni ushi oo nono ni awa mholi o tse shi awa egbe, ini awa khi ke ngeli te ode olamhe, ama ni awa ke ngeli rote ode Ayemhe.

<sup>5</sup> Egbo ni e ngeli rote ode olamhe, eri e ri udu shi emini idiegbe oyewe o o nono. Eri egbo ni ee ngeli rote ode Ayemhe, e ri udu shi emini Ayemhe o o nono. <sup>6</sup> Irari khi udu oyi ogbo eghuli o tsua. Ama udu o rieḷe emini Ayemhe o gueye oḷi, eri o ya la agbo o mhue opfomhe. <sup>7</sup> Obe Eshinegba ogbo o o khi, ini udu olamhe oyoli o o mhese na li, irari khi o a ya suo eso na Eshinegba. Irari khi o a ze ni ushi oyi Eshinegba o mhese ke na li, wekhi eri o tigde ya lama ghue ni o mhese na li. <sup>8</sup> Egbo ni idiegbe olamhe oyewe o mhese e na, ea dobe rieḷe emini o ghole Eshinegba.

<sup>9</sup> Yeye oye idiegbe olamhe o a ke mhese e ne ama Ayemhe o ke mhese e ne, ini Ayemhe oyi Eshinegba o da la agbo oye ne. Ogbo ni o a da mhue Ayemhe oyi iKirisiti ne, o a khi onayoli. <sup>10</sup> Eri-tse khi ini iKirisiti o da la agbo oye ne, idiegbe oye o fu pfa olamhe,

ayemhe oye o kie la agbo irari ipfuase ni awa rote obọ oyi iKirisiti mhue. <sup>11</sup> Ini Ayemhe oyi oni o rote eghuli guise iJesu le o da la agbo oye ne, loli ni o rote eghuli guise iJesu le o ya rote Ayemhe oyoli ni o la agbo oye ri agbo na idiegbe ni o o ghu oye.\*

<sup>12</sup> Irarigho, inyoghuo-mhe, awa mema ya ke ngeli abi ayemhe Eshinegba o gueye awa. Awa khi ke ngeli abi o ghole idiegbe olamhe. <sup>13</sup> Irari khi, ini u wa ngeli abi idiegbe olamhe o gueye, eri u ya ghu-a, ama ini u wa ngeli abi Ayemhe o gueye, eri u wa gbe ekpabo olamhe a shi idiegbe oye, u la agbo. <sup>14</sup> Egbo ni Ayemhe oyi Eshinegba o mhese e na imi Eshinegba e khi. <sup>15</sup> Irari khi Ayemhe ni Eshinegba o ro ne, o a khi oni o gbolo re khi oghumha ulishi, ama Ayemhe ni o ro re khi Omọ oyoli u mie. Oni Ayemhe o ri awa mhue itoto e vie lu Eshinegba, awa lu oḷi Itamhe, Itamhe.† <sup>16</sup> Oni Ayemhe lolighuo o pfi otsele shi ayemhe oyawa khi eniye eyi Eshinegba awa khi. <sup>17</sup> Ayemhe oyoli o ze ni awa lese khi awa ya nu iKirisiti mholi okemhi shi emini Eshinegba o ro shobo khi loli ya rieḷe. Egheghe agho awa nu iJesu mholi okemhi ufumhi oyoli ini awa li me osoli.‡

### *Ufumhi na ogbenako*

<sup>18</sup> Mhi me oḷi me khi osoli ni awa a me memena khi o a khi oni a ro khokho emini a ro ya khase elemhi agbo oyawa ikpukhokho. <sup>19</sup> Irari khi eri emini Eshinegba o ma nya e ri ikphakpha-egbe migha khe egheghe ni Eshinegba o ro ya ri eni e khi egbegbi imioli khase. <sup>20</sup> Irari khi emini a ma nya, a ro mele afue-a, ni o a khi oghumhe oyewe, ama abi o li ghole oni Eshinegba lo, ni o rewe mele afue-a, elemhi irudushi,§ <sup>21</sup> khi o ya tsumhi emini o ma nya ini e khi ke ke-a ali khi e ya nu imi Eshinegba kemhi epfua ni o mholi ufumhi.

<sup>22</sup> Awa lese khi emini a ma nya e kiele e lomhe memena e la otomhe, abi okpotso ni oku o o to. <sup>23</sup> O a khi emini a ma weweghuo tse, ama li shi awa ni awa mie Ayemhe-no-pfuase ni o khi igbaekele agbo onogbo oyi Eshinegba. Awa lie lomhe abi awa li ri eloe shi eke e khe ogbele ni Eshinegba o ya

\* **8:11** Li ze 1 iKori 3.16 † **8:15** Li ze iMak 14.36; iGal 4.6 ‡ **8:17** Li ze iGal 4.5-7 § **8:20** Li ze Igbae 3.17-19

\* **8:23** Li ze 2 iKori 5.2-4

la ukpelo e ọgbokpa guele khi imi Ẹshinẹgba awa khi ali ni a rọ ya pfa awa ike-a shi eke.\*  
<sup>24</sup> Irari khi rọte irudushi ona a te mie awa pfuese. Eri-tse khi irudushi ni aa me gboo ọa fe khi irudushi. Ọghuo ọ gbo ri eloe shi eke e kẹ emini ọ she me eloe ne? <sup>25</sup> Eri-tse khi ini awa ri udu shi emini awa aa me ne, irabomudu awa rọ ke e kẹ ọli.

<sup>26</sup> Igho Ayemhe ọ lie kpaghie awa obọ umhagbapfo oyawa, Irari khi awa aa lese abi a lie sọ iromhi, oni Ayemhe lolighuo ọ ri ilomhe e sọ iromhi na awa shi emini unu ọa dobe e ngme. <sup>27</sup> Oni Ẹshinẹgba ni ọọ me elemhi udu oyi egbọ, ọ lese usamhi eyi Ayemhe. Irari khi eri oni Ayemhe ọ sọ iromhi na egbọ eyi Ẹshinẹgba abi o li de shi oghuemhe oyi Ẹshinẹgba. <sup>28</sup> Awa lese khi eri Ẹshinẹgba ọọ ri ele emhi nya te ode onete na egbọ ni e nono ingme oyoli. Egbọ ni o khia khi ọ lu shi omhese oyoli. <sup>29</sup> Eni Ẹshinẹgba ọ she kpe lese, wewe ọ ze ọda ke ni e ya li abi Omi ọli, ni oni Omi ọli ọ khi onodode elemhi inyoghuo ebubu. <sup>30</sup> Igho eni Ẹshinẹgba ọ ze ọda ke, wewe ọ li lu. Eni ọ lu, wewe ọ li pfa na, eni ọ pfa na wewe ọ li rọ khi eni e mhue ufumhi onabi oyoli. <sup>31</sup> Abi awa ke rọ mhue ena shi udu oyawa, se awa ke ya sọ shi ena mena? Ini Ẹshinẹgba ọ nu awa la, oghuo o ya dobe mu okhue vule shi awa ọ? <sup>32</sup> Loli ni ọa to ukphe Omi ọli na awa, ni ọ roli luasobo na awa nya, se ọa ya pfo udu gbo ri emhi nya ma oni Omi ọli na awa? <sup>33</sup> Oghuo ọ ya gue ingme shi egbọ ni Ẹshinẹgba ọ she ze ege? Ẹshinẹgba luoghuo ọ pfa na ogbọ. <sup>34</sup> Oghuo ọ dobe pfa ezọ ọ mu ogbọ? IJesu iKirisiti luoghuo lo, oni ọ ghua. O gbo dose agho, Oni a guise le bhale agbo, mena ọ shito obọ ita oyi Ẹshinẹgba, ọ sọ iromhi e na awa. <sup>35</sup> Oghuo ọ ke dobe ya vase awa rọte inono ni iKirisiti ọ nono awa lasese? Osoli abi khi omunu abi okholi ni a mu vule shi awa ọ o ya dobe? Abi khi okiamhi abi khi umha me sọ lo, abi khi ini i igbe-a tsekha deba lo? <sup>36</sup> Abi a li kẹke ọli shi ebe-no-pfuase, khi,  
 “Itobọ oye anye rọ  
 la okhena eghuli eḷekpa,  
 a ri anye khokho  
 isumha ni a ya gbolo a.”†

<sup>37</sup> Iiye, abi a ri e me eni emhi enana nya, anye fu dose oni ọ kholi mu ọ le, rọte obọ oyi oni ọ nono ingme oyanye. <sup>38</sup> Irari khi mhi me ọli me khi emhikhoghuo ọa la agbo ona, eghuli wẹkhi agbo ilala, wẹkhi igeni wẹkhi iyemhe okphaghie ali emini e la irarogbe e mhese shi agbo ni awa la memena okekhi agbo ni o ke e bhale wẹkhi ekpabo, <sup>39</sup> wẹkhi iyagha ali ilimhi, wẹkhi emhikhoghuo ni a ma, o dobe ya vase awa rọte inono ni Ẹshinẹgba ọ nono awa rọte iJesu oyawa lasese.

## 9

### *Uzemhi ni Ẹshinẹgba ọ ze egbọ iZireni*

<sup>1</sup> Egbegbi ingme mhia ngme itobọ khi onayi iKirisiti mhi khi. Ọa khi egbhọli mhia lo. Udu oyemhe o pfi otsele shi ọ elemhi Ayemhe-no-pfuase, <sup>2</sup> ini mhie khi mhi mhọli oya ali udu ialamhe ni ọa mhue ukpese, <sup>3</sup> na egbọ eyemhe ni anye khi egbọ eghuo ali ọlia eghuo. Itobọ oyewe, eri mhia lie khi Ẹshinẹgba ọ kha pfi unu na me ali khi a kha rue me ikugbe ni mhi kugbe iKirisiti ọ le, ini loli rewe mhọli imiepfuese. <sup>4</sup> Wewe e khi imimi iZireni ni Ẹshinẹgba ọ ze, ni ọ rọ khi imi ọli, ọ ri ufumhi oyoli khasa we, ọ nu we ri ele ilama kugbe, ọ ri ushi oyoli na we. Wewe e mhọli egbegbi ugamhi, e she mie ishobọ oyi Ẹshinẹgba.\* <sup>5</sup> Wewe e mhọli eni egbhali ena elele ni a suo eko, ni e gba ushishi Iburu eke le. Wewe e li khi itita iKirisiti. Ẹshinẹgba ni ọọ mhese na emhikpa, ọ khi oni áá kuaghie agbo agbo.

<sup>6</sup> Mhi aa lie khi ishobọ ni Ẹshinẹgba ọ shi, khi, o fia kua. Irari khi ọa khi egbọ ni e rọte iZireni lasese nya, e khi egbọ eyi Ẹshinẹgba. <sup>7</sup> Wẹkhi imimi Aburaamu nya e khi egbegbi imi Aburaamu. Ẹshinẹgba ọ gueye Aburaamu khi, “Imimi Aziki a ya leli shi eni u bia.”† <sup>8</sup> Onana o guele khi eniye ni ọ bia elemhi oghuemhe idiegbe nya ẹa khi imi Ẹshinẹgba. Ama eniye ni a bia rọte ishobọ onayi Ẹshinẹgba wewe a leli shi egbegbi imimi Aburaamu. <sup>9</sup> Irari khi ishobọ onayi Ẹshinẹgba khi, “Eghege ni ọ roshi eke o kha da ramhi ne, mhi ya ri ishobọ oyemhe tse, iSera ọ bia omọ omose.”‡

† 8:36 Li ze Iwolo 44.22 \* 9:4 Li ze Okiali 4.22 † 9:7 Li ze Igbae 21.12 ‡ 9:9 Li ze Igbae 18.10

10 Oa pfo gho. Irari khi itsema emose eyi iRebeka, ita oghuo o bia we ikhi Aziki itita awa. 11-12 Ogbọ a bia itsema ena ne wekhi eri e lese ingme e rięę onete ali onobe ne, ni Eshinegba o ro she gueye inyewe iRebeka khi, "Onogbhali o ya ke ga onikeke." Eri Eshinegba o rięę ona rokhase khi, uzemhi ni loli e ze ogbọ ni o khi emini o ya khi elemhi agbọ, khi o a khi itobọ akanya ni o gbe ama abi o ghole Eshinegba o li lu o li. § 13 Abi Ebe-no-pfuase o ngme ni o o, "IGiekopu mhi nono dose iSo."\*

14 Se awa ke ngme mena? Khi Eshinegba o o zolo? Iiye o, o a khi igho kpa! 15 Irari khi o gueye iMosisi o o li,

"Mhi ya mhọli ilelemhi na  
oni mhi ya mhọli ilelemhi na,  
mhi vie osue na  
oni mhi ya vie osue na."†

16 Itobọ igho, o a khi abi o ghole ogbọ wekhi emini ogbọ o rięę ama rote ilelemhi oyi Eshinegba. 17 Irari khi Ebe-no-pfuase o ngme na shi iFero egbe, o o li, "Itobọ ona mhi ro re khi oghie ni mhi rote emini mhi ya li e ri ekpabọ eyemhe khase, ni mhi ro ze agbọ nya lese eva oyemhe."‡ 18 Irarigho, eri Eshinegba o o mhọli ilelemhi na oni o ghole o li, o zese oni o ghole o li udu-a.

19 U dobe ya mhila mhe ogbọ ona, "Elo o ze ni Eshinegba o ro kiele e me umhagueli oyawa sho, aborokhia khi loli o ri awa ngeli abi o ghole o li? Irari khi ogbokhoghuo o dobe ya nu Eshinegba khe abo?" 20 Ama oghuo u khi, yeye ogbọ ni gbudu ya mie Eshinegba unu? Emini a ma o dobe ya lie oni o ma li, "Elo o ze ni u ro lina ma mhe?" § 21 Omekhe o a fe mhue afu ni o ro ri eke eme e ma emini o ghole o li? O kha ma eghuo shi eni a ro rięę emini e mu eloe, o manọ elese shi ni a ro rięę emini a me kpa.

22 Igho li khi emini Eshinegba o rięę. Aboriekhia khi o mhọli afu ni o kha ro ri ofu ali ekpabọ oyoli khase egbọ ni e kha pfua, ni o me ofu oyewe egho, ama eri o kie mhue irabomudu na we. 23 Ilelemhi ni o mhọli na egbọ ni o ze, ikhi egbọ ni e ya mhọli okemhi ufumhi oyoli, o ro ri abi ufumhi oniemhi

oyoli o li khase. 24 Li shi awa, eni o li lu. Oa khi egbọ iJu tse ama shi egbọ iJeta. 25 Abi o ngme shi ebe Osia ni o,

"Egbọ ni ea khi eyemhe,  
mhi ya lu we egbọ eyemhe.  
Ushishi ni mhi aa  
nono ingme oyewe,  
mhi ya lu,  
'Egbọ ni mhi nono.' ".\*

26 Ali khi,  
"A ya me khi,  
ashini a ga la lie we,  
'Aa khi egbọ eyemhe,'  
aghọ a gbo la lu we,  
'Imi Eshinegba ni o la o.' "†

27 Azaya o ngme ingme oyi iZireni lasela gboo, khi,  
"Ini o tseku khia khi  
egbọ iZireni e bu abi ekhashe  
ne la oke oniemhi,  
ikuku egbọ o a ya tsumhi.

28 Irari khi Eshinegba o ya ri inyanya so ezo oyoli eke agbọ-a zeghele."‡

29 Ezeze abi Azaya o kpe li ngme o li khi:  
"Ini Eshinegba ni o  
mheshe shi emhi nya  
o a keshe imi-imi le na awa lo,  
a kha li na awa osoli  
abi egbọ iSodomu,  
a pfuse awa abi egbọ iGomora."§

### *Umha-miesuo oyi egbọ iZireni*

30 Se awa ke ya ngme? Khi egbọ iJeta ni ea na khu ipfuase, khi a pfa na rote irudunga, 31 ama egbọ iZireni ni e na khu ushi iguengeli, ea kie te o? 32 Se o li khi igho? Itobọ khi ea rote irudunga na khu o li, ama e rote ode ikanya khu o li. E kholo awe shi, "eche ozuode." 33 Abi Ebe-no-pfuase o ngme, ni o o, "Bino, mhi tsua eche shi iZayo ni o ya ri egbọ kholo awe. Eche ni o ya re we de. Ama oni o da mie o li suo ne, o a ya me omama."\*

## 10

1 Inyoghuo-mhe, emini e ghole udu oyemhe ali olema ni mhia lema Eshinegba

§ 9:11-12 Li ze Igbae 25.23 \* 9:13 Li ze iMala 1.2-3 † 9:15 Li ze Okiali 33.19 ‡ 9:17 Li ze Okiali 9.16 § 9:20 Li ze Aza 29.16; 45.9 \* 9:25 Li ze Osia 2.23 † 9:26 Li ze Osia 1.10 ‡ 9:28 Li ze Aza 10.22-23 § 9:29 Li ze Aza 1.9 \* 9:33 Li ze Aza 28.16

khi, ni a bhale ya ẹ khi ẹgbọ iZireni eyemhẹ e khi eni a mie pfuese. <sup>2</sup> Mhi pfi ọtsele shi ọ khi e mhue ọmuegbe shi ugamhi oyi Ẹshinegba. Ama egbegbi ilẹsingme ọa la ọmuegbe oyewe. <sup>3</sup> Aborokhia khi ẹa leşe ipfuase ni o rote obọ oyi Ẹshinegba bhale, ni e ro nono abi e li ya ri oyewe ko egho, eri ẹa ri egbe we na ipfuase oyi Ẹshinegba. <sup>4</sup> Irari khi iKirisiti ọ ri emini ushi o ngme nya gba pfo, ni o ze khi Ẹshinegba ọ pfa na ogbokpa ni ọ miesuo.

### *Imiepfuese, oyi ogbokpa lo*

<sup>5</sup> IMosisi ọ lina gue ọli le emini ipfuase ushi o khi, ni ọ re, “Oni ọ da ri ushi nya gbe ne, ọ ya la agbo.”\* <sup>6</sup> Ama eri ipfuase ni o rote irudunga bhale ọo, “Khi la ekelemhi udu oye lie, ‘Oghuo ọ ya nga iloghie?’ ” (Ni ọ ya rue iKirisiti tiemhile.) <sup>7</sup> “Okekhi eri u we, ‘Oghuo ọ ya tiemhi ilimhi na ningolo?’ ” (Ni ọ ya rue iKirisiti rote eghuli ngale.) <sup>8</sup> Abi o ngme na: “Ungmemhi oyi Ẹshinegba o la mama ẹ. O le unu, o le udu,” ikhi ungmehi irudunga ni anye ro ọ tse abo.† <sup>9</sup> Ini u ri unu oye ẹ khi, “Ijesu ọ khi Onomhue,” ni u ro miesuo shi udu oye khi Ẹshinegba ọ rote eghuli guise ọli le, a ya mie ẹ pfuese. <sup>10</sup> Irari khi udu ogbo ọ ro miesuo ni a ro pfa na li, ali khi unu ogbo ọ ro ngme lasele ni ọ ro mhue imiepfuese. <sup>11</sup> Abi Ebe-no-pfuase o ngme, ni ọo, “Onini ọ da regbenga li ne, ọa tigbe ya me omama.”‡ <sup>12</sup> Ogbokpa ona o nu ngme, irari khi ikhioda ọa la shi ẹgbọ iJu ali ẹgbọ iJeta ọ. Ẹshinegba ọ ga khi Onomhue oyi ẹgbọ nya, ọo khivose egbegbo na oni ọ da lu ọli. <sup>13</sup> Irari khi, “Onini ọ da lu eva oyi Onomhue ọ ya khi oni a mie pfuese.”§

<sup>14</sup> Ama se e li ya lu ọli ini ẹa mie ọli suo? Se e li ya mie ọli suo ini ẹa suo oni ungmehi? Se e li ya suo ini a ri oni ungmehi tsabo. <sup>15</sup> Se a li ya ri oni ungmehi tsabo ini ogbo a ghie eni ẹẹ tsabo fie lase? Abi Ebe-no-pfuase o ngme ọ khi, “Eri ibhale oyi ẹgbọ ni e tsua usomhi onete bhale o ri oghẹle bhale!”\*

<sup>16</sup> Ama ẹgbọ iZireni nya ẹa mie oni usomhi onete ona suo. Azaya ọ lie,

“Ẹshinegba, oghuo ọ mie usomhi oyi anye suo?† <sup>17</sup> Igho irudunga o li rote ini ogbo ọ suo oni usomhi ẹ bhale, ali khi usomhi oyi ingme iKirisiti iro-tse abo a te ẹ suo oni usomhi. <sup>18</sup> Ama mhi mhila, eri aa suo oni usomhi? Eeli, e suo.

“Uruli oyewe o she ramhi

ashakpa eke agbo,

ungmemhi oyewe

o ramhi ukpese agbo.”‡

<sup>19</sup> Mhi gbo mhila, Eri ọa lo ẹgbọ iZireni eso?

Odode IMosisi ọ lie,

“Mhi ya ri ẹgbọ eyemhẹ

ke kpe ofuma oyi ẹgbọ

ni ẹa khi eyemhẹ ne,

Mhi ya re ẹ mhue iyese elemhi-a

deba ushishi ni ẹa lese mhe ne.”§

<sup>20</sup> Eri Azaya ọ ri igbeudu ngme ọli khi,

“Egbọ ni ẹa rosheka

nono mhe e me mhe.

Mhi ri egbe mhe khase

eni ẹa mhila ogbo mhe.”\*

<sup>21</sup> Ama abi ọ ngme shi

ẹgbọ iZireni egbe khi,

“Ogbele nya mhi nise obọ oyemhẹ-a

na ẹgbọ ni ẹa ya suo eso,

ni ẹa lama mu pfi.”†

## 11

### *Ikheremhi ẹgbọ iZireni ni e kpole*

<sup>1</sup> Mhie i. Eri Ẹshinegba ọ kie ẹgbọ eyi lolighuo? Iye e! Mhemhe oyemhe ongi iZireni mhi khi. Omi-omi Aburaamu, Mhi rote edeli oyi iBejami lasele.\* <sup>2</sup> Ẹshinegba ọa kie ẹgbọ eyoli ni ọ rote igbaekele ze. Waa lese abi Ebe-no-pfuase o ngme shi ashini Elaja ọ ro so iromhi ri awolo gueye Ẹshinegba emini ẹgbọ iZireni ẹ riẹle? <sup>3</sup> Ni ọ re, “Ẹshinegba, e she gbolo emekeguele eye-a, e guoghọ itete eye-a. Mhemhe-ghuo kpele mhi ke kpole, e gbolo ẹ nono ni e gbe mhe-a.”† <sup>4</sup> Se Ẹshinegba ọ so li? Eri ọo Elaja, “Mhi kesẹ emose agbele ishilua le ni ẹa lama nyese ukhomhi na olitsa iBali.”‡ <sup>5</sup> Igho o kie li khi memena. Itobo khi ẹgbọ iZireni e la ọ ni e kiele ẹ suo eso na Ẹshinegba

\* 10:5 Li ze iLev 18.5 † 10:8 Li ze iDeut 30.12-14 ‡ 10:11 Li ze Aza 28.16 § 10:13 Li ze iJqe 2.32 \* 10:15 Li ze Aza 52.7 † 10:16 Li ze Aza 53.1 ‡ 10:18 Li ze Iwolo 19.4 § 10:19 Li ze iDeut 32.21 \* 10:20 Li ze Aza 65.1 † 10:21 Li ze Aza 65.2 \* 11:1 Li ze iFili 3.5 † 11:3 Li ze 1 Ighie 19.10,14 ‡ 11:4 Li ze 1 Ighie 19.18

irari okhale oyoli ni o ro ze we. <sup>6</sup> Ini oni uzemhi o khi itobo okhale, o ke khi itobo ikanya. Ini o khi irari ikanya lo, okhale o ke khi egbegbi okhale. <sup>7</sup> Elo a ke me, Egbọ iZireni ẹa me emini e nono. Ikuku ẹgbọ ni Eshinegba o ze, wewe e me emini e nono. Eni e kpo e le esọ shi ulumhi ni Eshinegba o lu we, <sup>8</sup> Abi Ebe-no-pfuase o ngme khi,

“Eshinegba o re we  
lese-a ningolo.

Alo eyewe e zuse  
ni ẹa ze we me eke,  
ali esọ eyewe e zuse  
ni ẹa zewe ke ro o suọ esọ,  
ramhi ogbe-namo.”<sup>§</sup>

<sup>9</sup> IDefidi odo lie,  
“Eshinegba o ka ze  
ni akhe ni e nye,  
e mu okholi vule shi we o.  
Ni o rewe kholo awe,  
ni o nase we.

<sup>10</sup> Alo eyewe e ka zuse  
ini e khi me eke.  
Ugugu oyewe o nyese  
abi ighumha, agboagbo.”\*

### *Iguabo ni a toma oara*

<sup>11</sup> Mhi gbo mhila, eri e kholo awe ini e de, ni ẹa ke dobe ya vule? Iiye e! Ama itobo olamhe ni e lamhe lo. Imiepfuese o she bhale deba ẹgbọ iJeta, ini ẹgbọ iJu e ba ke kpe ofuma. <sup>12</sup> Mena, ini o khia khi a khivose na ẹgbọ iJeta itobo khi ẹgbọ iJu ẹa lama mie imiepfuese ni Eshinegba o ro ghi we. Sa o ghue, abi ikhivose ni agbo nya e ya mhọli o ke beshi ya fu ramhi, ini eni ẹgbọ iJu e lama mie oni imiepfuese ikpukhokho.

<sup>13</sup> Mena, ẹẹ ẹgbọ iJeta mhi nu e ngme. Aborokhia khi eri Eshinegba o ze mhe mhi khi aghiusomhi na ke na ghie ghi ẹgbọ iJeta egho, eri akanya oyemhe o mu mhe egbe. <sup>14</sup> Eri mhia riẹle ona ini mhi ri ẹgbọ iJu eyemhe ke kpe ofuma, ishegho ni mhi dobe tsumhi eghuo elemhi we. <sup>15</sup> Ini ukiemhi ni a kie ẹgbọ iZireni o ri ẹgbọ na agbo enekpo nu Eshinegba ro riẹle, see o ke beshi ya li ti ramhi, ini eni iZireni e ke mie oni Eshinegba suọ? Eri o ya li abine khi

a rote eghuli guise ogbọ le. <sup>16</sup> Ini a ri ukiekie ibuledi onodode mele oni o pfuase-a irari khi a roli ga Eshinegba, oni ibuledi nya oni o pfuase o ke khi. Ini imhili oora o pfuase oni oora nya o ya khi oni o pfuase.†

<sup>17</sup> Ama eri ẹẹ ẹgbọ iJeta a li abi uguabo oora olivu onokpo ni a khi gboshe shi idiegbe oyi egbegbi oora olivu ni a rote eke kuẹle vule. Eri ẹẹ a ke ya migha ashini uguabo eni a rote oni egbegbi oora olivu kanọ kua. Itobo ona, ikhivose ni e rote imhili oni oora olivu e lasele ẹẹ a ke ro li agbo. <sup>18</sup> Itobo igho, a khi ri eloe gbe eni uguabo ni a kanọ-a egho. Elo o re e ya ke vuse ike? Iguabo tse a lese khi. Aa mu imhili mhue, imhili e mu e mhue. <sup>19</sup> A dobe ya me khi a sa khi eri a kanọ eni uguabo egho kua ni a ba me asha to-ẹoli we. <sup>20</sup> Igesikia onana o khi. Eri a kanọ we-a irari khi ẹa mhọli irudunga. Eẹ la ashini a la irari khi a mhọli irudunga. Ama a khi ze ni a ke vuse ike shi ona, ochogho a ze ni ulishi o ke mu e. <sup>21</sup> Irari khi ini Eshinegba o kholo ẹgbọ iJu ni e khi egbegbi uguabo kua, o mema ya li dobe kholo e kua.

<sup>22</sup> Ama a sa abi isomhelemhi ali izese-inmge-a oyi Eshinegba o li. Oo zese ingme-a deba eni e de o le, ama o somhi elemhi e, a kha da la angeli isomhelemhi ne, o ti elemhi e ini a da suọ esọ na li. Ini o ke khi igho eri o ya khi e kua. <sup>23</sup> Ini eni ẹgbọ iJu e lase umha miesuọ oyewe le, a ya gbo gboshe we shi egbegbi oni oora olivu. Eshinegba o dobe ya gbo gboshe we shi ashini e kpe la. <sup>24</sup> Eri ẹẹ ẹgbọ iJeta a li abi uguabo oora olivu onokpo na ifuegua. Ini Eshinegba o lina riẹle emini aa ya riẹle, ni o ro gboshe e shi egbegbi oora olivu. Ona o li abi ẹgbọ iJu. A lese khi oni Eshinegba o ya gbo dobe gboshe oni uguabo oyi egbegbi olivu ni a kanọ kwa, shi oni olivu ni a kpe te kanọ we kwa.

### *A ya mie ẹgbọ iZireni pfuese ikpukhokho agbo*

<sup>25</sup> Mhia nono ni a lese igesikia oyi osheli ni o la akagho inyoghuo. Ini a khi dabi khi a lese ingme. Oni osheli khi, umha suọ esọ oyi ẹgbọ iJu o ke khi ona agboagbo. Ama oni umha-sueso oyewe o ya laọ ramhi ni

§ 11:8 Li ze iDeut 29.4; Aza 29.10 \* 11:10 Li ze Iwolo 69.22-23 † 11:16 Emini a ri onana ngme khi: Ini Aburaamu ali Aziki ali iGiekopu ni e khi itititawa e da khi eni e pfuase, eni e pfuase awa imimi we e li khi.

egbo iJeta otuongme ni Eshinegba o nono ni e bhale deba li, e ro gba pfo. <sup>26</sup> Ona o khi abi a li ya tsumhi egbo iZireni nya. Abi Ebe-no-pfuase o ngme, khi,

“Omiepfuese o ya rote  
iZayo bhale,

o ya khu ireloegbe Eshinegba  
idiegbe imimi iGiekopu-a.‡

<sup>27</sup> Onana khi ilama-kugbe

ni mhi mholi na we,  
oni egheghe ni mhi ro ya rue  
olamhe oyewe ode-a.”§

<sup>28</sup> Itobo khi egbo iJu e kie usomhi onete ona, e ro khi ebe Eshinegba, itobo onete oye e ni aa khi iJu. Ama itobo ititita we, e khi omole Eshinegba itobo khi o ze we.

<sup>29</sup> Irari khi Eshinegba o ya mu udu pfi shi isomhopfa ni o ro na ogbo ali uzemhi ni o ze ogbo. <sup>30</sup> Ezeze abi ee egbo iJeta a kpe riele umha-sueso deba Eshinegba egheghe ni o dose, a li mie ilelemhi oyi Eshinegba irari umha-sueso ni egbo iJu e riele. <sup>31</sup> Ezeze abi ee ni aa khi iJu a li mie ilelemhi itobo khi egbo iJu e khi ena umha-sueso memena, igho we we e ke ya li mie ilelemhi. <sup>32</sup> Irari khi eri Eshinegba o ri egbo nya khili ighumha umha-sueso ni o ba mholi ilelemhi na we nya.

### *A kueghie Eshinegba*

<sup>33</sup> Oghuo o dobe ya mhese  
abi epfue, ali egbhali ali ilese  
oyi Eshinegba o limhi ramhi?

Oghuo o dobe ya lese  
emini o la li udu ni o ya riele,  
ali ni o dobe ya guano ode eyoli?\*

<sup>34</sup> “Oghuo o she lese  
udu oyi Onomhue?  
Oghuo o dobe ya ye oli ude?”†

<sup>35</sup> “Oghuo o ri ongmomhi  
na Eshinegba ghue,  
ni o ya nyene egbe fali oli lue?”‡

<sup>36</sup> Irari khi loli o ma emhi nya,  
obo oyoli e te la agbo.  
E la o gbo na li.

Loli a ri ufumhi a na agboagbo. Atse§

## 12

### *Iluasobo ni o la agbo*

<sup>1</sup> Itobo igho, inyoghuo-mhe, mhi ri itobo ilelemhi oniemhi ni Eshinegba o mhue na awa lema e, a ri idiegbe eye e na Eshinegba, abi iluasobo ni o kie la agbo, ni o pfuase, ni o ti Eshinegba eloe. Onana o khi egbegbi ugamhi na elemhi ayemhe ni a dobe ya ga.

<sup>2</sup> A khi ze ni ingeli eye e ali eyi egbo na agbo e li abeghuo. Ama a ze ni Eshinegba o mu udu eye e pfi mele udu enegbo-a. Egheghe agho a ya dobe lese abi oghuemhe oyi Eshinegba o li, a lese emini o ti, ni o gba pfo ni o ri egbe e mu Eshinegba.

<sup>3</sup> Itobo okhale ni Eshinegba o ro na mhe, mhi ro gue oli e ye e nya, a khi ke ti egbe e nga dose ashini a fu ramhi. Ochogho, a ke ri ukpelo itiegbe-tiemhi eke bino egbe e, ni o de shi abi irudunga ni Eshinegba o ro ne o fu ramhi. <sup>4</sup> Ezeze abi awa li ze idiegbe oghuo ni o mhue iguabo ododa ni e bu, ni ea ya gbe akanya oghuo, <sup>5</sup> igho o li khi elemhi iKirisiti ni awa rote idiegbe oghuo lasese, ni uguabo ogbogbo ali enekpole nya e li kugbe iguabo enekpole.\* <sup>6</sup> Isomhopfa ododa Eshinegba o ro na awa abi o ri ekpabo na awa ramhi. O kha khi isomhopfa imekeguele ogbo o mholi, o roli ke gbe akanya ni o de shi irudunga ni awa nya awa mholi. <sup>7</sup> Ini o khi oyi oni a ro o ga egboese, o ke ga. O kha ke khi oyi oni a ro o sese, o ke sese. <sup>8</sup> O kha khi oyi irudushi egbo o o khi ni o mie, o ke ri udu shi egbo o. Ini oni a ro o kpaghie egboese obo, ini e mholi emini o to we lo, o ke rue obo-a na egbo, abi o li pfo oli udu. Ini oni a la ralo ke mhese na egbo lo, o ri eloe shi omhese ke mhese, o kha khi oyi ilelemhi, o ri egbe mu oli ke riele.†

### *Inono*

<sup>9</sup> Rote ekelemhi udu oye ke riele inono. A kie emhi onobe, a mu eminete mhue egbegbo. <sup>10</sup> A nono ingme oyi egbe e egbegbo, abi ogbo ali inyoghuo. A mhue ekpe na egbo elese ke dose abi u li mu ekpe na egbe e. <sup>11</sup> Khi li owaza akanya igbegbe, ama ri omuegbe elemhi ayemhe ke ga Onomhue. <sup>12</sup> Ze ni irudushi ni u mhue o ri egbe ke

‡ 11:26 Li ze Aza 59.20 § 11:27 Li ze iJere 31.33-34 \* 11:33 Li ze Aza 55.8 † 11:34 Li ze Aza 40.13 ‡ 11:35 Li ze iJobu 41.11 § 11:36 Li ze 1 iKori 8.6 \* 12:5 Li ze 1 iKori 12.12 † 12:8 Li ze 1 iKori 12.4-11



muẹ. Mhuẹ irabomudu ini u mhuẹ osoli, ke lema eghẹghẹ kpa. <sup>13</sup> Ke kpaghiẹ inyoghue ni e mhuẹ otomhe obọ. Ke mu egbọ epfese.

<sup>14</sup> Ke sọ iromhi ikhivose na egbọ ni e mu okhọli ẹ vule shi ẹ ọ. Ke khivose na egbọ, khi ku itse na ogbọ.† <sup>15</sup> Nu egbọ ni e mhuẹ oghẹle ke ghele, u nu eni ẹẹ viẹ, ẹẹ viẹ. <sup>16</sup> A ri opfomhe nu egbe ẹ ke la. Khi khi ogbọ ni ọọ ti ike ẹ nga, ama ke timama egbọ ni ẹa pfue. Khi riẹle khi u ma lese dose.‡

<sup>17</sup> Khi ri onobe fali ota onobe. Kuegbe-a ke riẹle emini o ti egbọ nya eloe. <sup>18</sup> Ini o ze ya riẹle, roshẹka odekhode, ni u rọ nu egbọ nya la kugbe elemhi opfomhe, ini o khi obọ oye o kpole shi. <sup>19</sup> Emolemhe, a khi mie abọ okhọli, ochoghọ a ze Eshinegba ọ mie abọ okhọli na ẹ. Irari khi Ebe-nopfuase o lie, “Mhemhe mhi mholi imieabọ okhọli, mhi ya fali we ota.” Ighọ Eshinegba ọ ngme.\* <sup>20</sup> Ochoghọ a ke riẹle abi Ebe-nopfuase o ngme khi, “Ini okiamhi ọọ gbe obe ẹ, ri eminale na li le. Ini okiamẹ ọọ gbe ọli ri amẹ nali da. Irari khi ini u li na, eri u we ingamhi ere a nga li ukhomhi.”†

<sup>21</sup> Khi ze ni onobe o mu ẹ le, ama ri onete mu onobe ọ le.

## 13

### *Iregbe-tiemhie na eni ẹ la ukpekhomhi omhesẹ*

<sup>1</sup> Ogbokpa ọ ke suọ esọ na eni e la ukpekhomhi omhesẹ. Irari khi Eshinegba lolighuo tse ọ dobe ze ẹ ogbọ shi ukpekhomhi omhesẹ. Eshinegba ọ ri eni e la ukpekhomhi omhesẹ nya leghie. <sup>2</sup> Irarighọ, ogbọ ni ọ da mu okhọli vule ẹ shi eni ẹẹ mhesẹ ọ ne, eri e mu okhọli ẹ vule shi emini Eshinegba ọ rọ migha. Eni e da lighọ ne, ipfezomu e nono ẹ ghi egbewe. <sup>3</sup> Irari khi eni ẹa guẹ ngeli a ze enighie e ke nase, ọa khi eni e guẹ ngeli. Irarighọ oni ọọ riẹle okhọlo ọ na ulishi ena omhesẹ. Waa nono ni u pfue ulishi oyi egbọ ni e la ukpekhomhi? Ke riẹle emini o gbe akanya. Ini u li ghọ, e ya kueghie. <sup>4</sup> Irari khi eni e la ukpekhomhi omhesẹ, Eshinegba ọ ze we ni e ke kpaghiẹ ẹ obọ. Ama u kha riẹle emini ọa gbe akanya, ke na ulishi oyewe,

irari khi e mhuẹ itoto ni e rọ ya nase. Eni ẹẹ ga eyi Eshinegba e khi, ni ẹẹ nase eni ẹa ya suọ esọ, ni o rọ khasẹ khi elemhi ẹẹ bi Eshinegba shi ọ. <sup>5</sup> Irarighọ, ze ni u ke nyese ukhomhi na eni e la ukpekhomhi omhesẹ, itobọ khi emini o ti lo ni u ke riẹle, aa khi itobọ elemhi ibibi oyi Eshinegba tse.

<sup>6</sup> Onana o li ze khi u mema ya ze oga, irari khi eni e la ukpekhomhi omhesẹ eni ẹẹ ga eyi Eshinegba e khi, ni e ri eghẹghẹ oyewe nya na akanya omhesẹ. <sup>7</sup> Fali ogbokpa ota ni u lo ọli. Ini u lo ota oga, ze ọli, okekhi ozela, ze ọli, ri ekpe ke na egbọ, u nyese ukhomhi na we.\*

### *A ke riẹle inono irari oni ogbele o she ti ramhi ana*

<sup>8</sup> Khi lo ogbọ ota emhikhoghuo, se ni ota inono ingme oyi onuzava oye tse! Irari khi ogbọ ni ọ da nono ingme oyi onuzava oyọli ne, ọ she ri ushi gbe akanya. <sup>9</sup> Ishi ni ẹẹ, “Khi kia okia,” “Khi gbe ugbeli,” “Khi do ughiatọ,” “Khi ze ni emhi ogbọ o to ẹ egbe,” Ali elese ni e kpole nya, ushi oghuo o ze wewe nya ukhomhi, ni ọọ, “Nono ingme oyi onuzava oye abi u li nono ingme oyi egbe ẹ.”† <sup>10</sup> Oni ọ da nono ingme oyi onuzava oyọli ne, ọa tigbe ya li ọ li onobe. Irarighọ, inono o khi irushi gbe akanya.

<sup>11</sup> Ke riẹle ona, lese eghẹghẹ ni a la memena. Eghẹghẹ o she ramhi ni u rọ ya rọte olesẹ guale. Irari khi eghẹghẹ imiepfuese oyawa ni o kpe ukhokho o she ti bhale dose eghẹghẹ ni awa rọte odode miesuo. <sup>12</sup> Ele iyose ọ she ẹ dose, ogbe o she ẹ gbe-a. Awa khi ke ngeli abi egbọ ni e la alo ebili, awa mema mu egbe ni awa rọ ya la elemhi ákpá. <sup>13</sup> Awa guẹ ke ngeli abi egbọ ni e la ákpá. Awa khi nu we ye ukue ebe ni e la riẹle efiala, ali idonyo guoghọ-a. Awa khi kia okia ke mu ighue ebe. Awa khi la agbọ okhọli wekhi agbọ ivie shi emhi ogbọ. <sup>14</sup> Ochoghọ awa ri iJesu iKirisiti Onomhue sọ abi awulu. Khi ke sa abi u li ya riẹle oghuemhe eyi idiegbe olamhe.

## 14

### *A khi ke ri unu ze egbese ifue*

‡ **12:14** Li ze iMat 5.44; iLuk 6.28 § **12:16** Li ze Ekpi 3.7 \* **12:19** Li ze iDeut 32.35 † **12:20** Li ze Ekpi 25.21-22  
\* **13:7** Li ze iMat 22.21; iMak 12.17; iLuk 20.25 † **13:9** Li ze Okiali 20.13-15,17; iDeut 5.17-19,21; iLev 19.18

<sup>1</sup> A mie ọgbọ ni irudunga oyọli ọa lolo toto. Khi nu ọli ke khakọ shi emini ọ mieshi ni o khi ọda shi oye. <sup>2</sup> Irari khi ẹgbọ eghuo e miesuọ khi o ti ni a ke le emhikpa. Ama ọgbọese ni irudunga oyọli ọa lolo toto, ọ leşe le ebe tşe. <sup>3</sup> Ọgbọ ni ọ le emhikpa, ọ khi ri ẹloe gbe ọni ọa ya le, ọgbọ ni ọa ya le emhikpa, ọ khi gue oni ọ le emhikpa ẹzo. Irari khi Ẹshinẹgba ọ ga mie wẹ. <sup>4</sup> Ọghuo u khi ni wa ke gue aghiusomhi oyi ọgbọese ẹzo? Ọga oyọli tse ọ dobe ẹ liẹ khi ọ guẹli, ali khi ọa guẹli. Ọ ya migha, irari khi Ọnọmhue ọ dobe ya rọli migha.

<sup>5</sup> Eri ẹgbọ eghuo e dabi khi ogbele oghuo o mu ẹloe doşe olese. Ọgbọ olese ọọ khi abeghuo ogbele nya e li. Ọgbọgbọ ọ ri udu oyọli shi asha ni ọ migha shi. <sup>6</sup> Ọni ọ bino khi ogbele okhọghuo o la ọ ni o mu ẹloe ne, eri ọ rọli ri ufumhi na Ọnọmhue. Ọgbọ ni ọ le eminale, o le ọli ri ufumhi na Ọnọmhue, irari khi Ẹshinẹgba ọ kphẹmhi na, ọni ọa le, Ọnọmhue ọ rọli mu ekpe na, ọ kphẹmhi na Ẹshinẹgba.\* <sup>7</sup> Aa me ọnge-awa ni ọ la agbọ na egbọli tşe, wẹ khi eri a me ọnge-awa ni ọọ ghu-a na egbọli tşe. <sup>8</sup> Ini awa la agbọ, Ọnọmhue awa la ọ agbọ na. Ini awa ghu-a, Ọnọmhue awa ghu-a na. Awa la agbọ o, awa ghu-a o, oyi Ọnọmhue awa khi.

<sup>9</sup> Onana o zẹ khi iKirisiti ọ ghu-a, ọ guale ni ọ rọ khi Ọnọmhue oyi ẹgbọ ni e ghu-a ali ẹgbọ ne la agbọ. <sup>10</sup> Yeye o ye, elo o zẹ ni u rọ a gue inyoghuo ẹ ẹzo mena? Yeye o ye, elo o zẹ ni u rọ ri ẹloe ẹ gbe inyoghue. Awa nya awa ya migha odalo oyi Ẹshinẹgba ni ọ gue awa ẹzo.† <sup>11</sup> Irari Ẹshinẹgba ọ lina ngme ọli shi Ebe-no-pfuase khi,

“ ‘Aborokhia khi mhi la ọ egho,  
 Ọnọmhue ọ lina ngme,  
 ‘Ogbokpa ọ ya wugha mhe odalo,  
 Ogbokpa ọ ya guele khi  
 mhemhe mhi khi Ẹshinẹgba.’ ”‡

<sup>12</sup> Itobọ igho, ogbokpa ọ ya gue khasẹ Ẹshinẹgba abi ọ li gbe.

### *A khi yese egbe ẹ de*

<sup>13</sup> Itobọ igho, lase iguegbe-ẹzo le. Ochoghọ, mhọli ọli shi udu oye khi u waa ya kpe emhi wẹkhi ọzuode shi eke ni inyoghuo ẹ ọ khọlo awẹ shi. <sup>14</sup> Ikugbe ni mhemhe ali

iJesu anye kugbe, o rokhase mhe khi emhi khoghuo ọa la ọ ni ọa pfuase. Ama ini ọgbọ ọ mhọli ọli shi udu khi emhi ọa pfuase, loli oni emhi ogho ọa pfuase shi ọ. <sup>15</sup> Ini u yese inyoghuo udu-a, irari eminale ni u le, inono ọa ke la oni angeli. Khi zẹ ni eminale nu le, o ri inyoghuo ẹ ni iJesu ọ ghu-a na de. <sup>16</sup> Khi zẹ afa ni u mhọli rọ ọ le emhikpa, ni u rọli ri omama ghi iKirisiti. <sup>17</sup> Irari khi Eghiele oyi Ẹshinẹgba ọa khi ingme eminale ali onyo idada, ama oyi ipfuase, ali opfomhe ali oghẹle na Ayemhe-no-pfuase. <sup>18</sup> Ọgbọ ni ọ da lina ga iKirisiti, ọ ma ti Ẹshinẹgba ẹloe, ẹgbọ e mu ekpe na li.

<sup>19</sup> Itobọ igho, ke riele emini e ri opfomhe ẹ bhale, ni e gbo ya kpaghie ogbokpa rọ mhọli imiesuọ ni o toto. <sup>20</sup> Khi ri itobọ eminale pfueche emini Ẹshinẹgba ọ riele-a. A dobe ya le emhikpa, ama ọa ti ni a rọ bhale ya ẹ khi emini u wa le, o zẹ ni ọgbọ olese ọ de pfilo olamhe. <sup>21</sup> O tine ini u waa bie le emhikhoghuo wẹkhi eri u da onyo, wẹkhi eri u riele emhikhoghuo ni o ya zẹ inyoghue de.

<sup>22</sup> Irarigho, emini u mieshi ingme enana nya rọli shi iteva oye ali Ẹshinẹgba. Oghẹle o khi ni ọgbọ ni ọa pfa ẹzo mu egbọli shi emini ọ riele ni ọ mie shi khi o gbe akanya. <sup>23</sup> Ama ini ọgbọ ni ọ mhue akhokhomhe ọ da kie le, a she pfa ẹzo mu ọli. Irari khi ulemhi ni ọ le ọa khi rọte irudunga. Emini ọa da rọte irudunga bhale ne, olamhe o khi.

## 15

<sup>1</sup> Awa ni awa toto shi irudunga, awa kha ke ri egbe mie na eni ẹa toto irudunga. Awa khi ke leşe riele egbe awa ti tşe. <sup>2</sup> Ochoghọ, ogbọgbọ o ke riele inyoghuo ọli emini o ti ọli egbe, ni o rọ kpaghie irudunga oyọli, ni o vule. <sup>3</sup> Irari khi iKirisiti ọa riele egbọli tşe ti. Ochoghọ, abi Ebe-no-pfuase o ngme ni ọọ, “Ẹshinẹgba, itsuemhi ni ẹgbọ e tsue ẹ, o de nga mhe egbe.”\* <sup>4</sup> Emini a keke shi Ebe-no-pfuase nya, eri a keke ọli ni a rọ sese awa ingme, ni a bhale ya ẹ khi iregbemie ali irudusho ni Ebe-no-pfuase o rọ na awa, o ri awa mhọli irudushi.

<sup>5</sup> Ẹshinẹgba ni ọ khi ọni ọ ri iregbemie, ali irudusho ọ na ọgbọ, ọ ka re ẹ mhue usamhi oghuo abi a liẹ deba ẹte-awẹ eyi

\* 14:6 Li zẹ iKolo 2.16 † 14:10 Li zẹ 2 iKori 5.10 ‡ 14:11 Li zẹ Aza 45.23 \* 15:3 Li zẹ Iwolo 69.9

iJesu iKirisiti. <sup>6</sup> Ni ẹẹ nya a ri udu oghuo ali uruli oghuo kuẹghie Ẹshinegba ni ọ khi ita iJesu iKirisiti Onomhue oyawa.

<sup>7</sup> Awa ke lama ingme egbe abi iKirisiti ọ li lama ingme oyawa, ni o ri ikuẹghie bhale ghi Eshinegba. <sup>8</sup> Itobo khi mhi gueye ẹ khi iKirisiti ọ she bhale abi oni ọọ ga ọgbọ na ẹgbọ iJu, ni o rokhase khi Eshinegba igesikia ọ khi, ni o ro mu ma ishobo ni ọ shi na itita awa, <sup>9</sup> ni iJeta e kuẹghie Ẹshinegba shi ilelemhi oyoli. Abi a li keke ọli khi,

“Irarigho, mhi ya kuẹghie ẹ iteva ẹgbọ iJeta.

Mhi ya to uwolo kuẹghie eva oye.”†

<sup>10</sup> O gbolo ẹ,

“Eẹ iJeta, ni a kuma ẹgbọ eyoli ke ghele.”‡

<sup>11</sup> O gbolo ẹ,

“A kuẹghie Ẹshinegba ẹẹ ẹgbọ iJeta, a to uwolo kuẹghie ọli ẹgbọ nya.”§

<sup>12</sup> Azaya ọ gbolo lie,

“Omiami ijese ọ ya fu vule, oni ọ ya vule mhese na ẹ iJeta, ẹgbọ iJeta e ya ri udu nga li.”\*

<sup>13</sup> Ẹshinegba ni a rote obọ oyoli ẹ mhue irudushi, ọ ri oghelẹ ali opfomhe ne rote iregbenga ni a mhue nali, ni a ro bhale ya ẹ khi irudushi oye ọ fu shọ rote ekpabo oyi Ayemhe-no-pfuase.

*IPolu oni a ze ọ khi oni ọ gbe akanya na ẹgbọ iJeta*

<sup>14</sup> Inyoghuo-mhe, mhemhe oyemhe mhi mhue imieshiọ khi onete o vo ẹ egbe, khi ilese ọ gba na ẹ ni a ro dobe ya ke sese egbe ẹ. <sup>15</sup> Mhi she kpe gue ingme eghuo ye ẹ gboo elemhi ebe ona ni mhi gbolo ẹ yele ẹ le ena. Itobo afu ni Eshinegba ọ ro na mhe, <sup>16</sup> ni mhi ro khi aghiusomhi na ke ọyi iJesu iKirisiti na ẹgbọ iJeta. Eri mhia gbe akanya okpodalo-ugamhi oyi Eshinegba, ni a ro tsabo usomhi onete oyi Eshinegba, ni a ro bhale ya ẹ khi ẹgbọ iJeta e li khi iluasobo, ni Eshinegba ọ mie, eni Ayemhe-no-pfuase ọ khuese-a pfuase. <sup>17</sup> Rote iJesu

iKirisiti mhi te ẹ mhọli egbe-imumhe shi ugamhi ni mhia ga Eshinegba. <sup>18</sup> Mhi aa ya gbudu ngme emhikhoghuo, se ẹ ni emini iKirisiti ọ rote obọ oyemhe rie ẹ ro ri ẹgbọ iJeta suo eso na Eshinegba, rote ungmehi ali ikanya oyemhe, <sup>19</sup> rote ekpabo eyi ọle ẹ ali onyaloa, ali rote ekpabo oyi Ayemhe-no-pfuase. Igho mhi rote iJerusalemu ngme ungmehi usomhi onete oyi iKirisiti ya ramhi iLirikumu. <sup>20</sup> O ma kie kpe khi emini o la mhe udu ni mhi ro ngme ungmehi usomhi onete ye ẹgbọ ni ẹa kie suo ungmehi oyi iKirisiti ne, ini mhi khi ya to nga irogbekẹ ni ogoese ọ ro gbe. <sup>21</sup> Abi Ebe-no-pfuase o ngme ọ khi,

“Egbọ ni aa kpe

gue ingme oyoli ye ne,

e ya me, ali khi eni ẹa kpe suo, o ya ye we.”†

*Ugbamhi ni iPolu ọ gba, khi lolu ya ye iRomu*

<sup>22</sup> Akanya oyemhe ona o zu mhe ode, ni mhi aa ro me asha bhale deba ẹ.‡ <sup>23</sup> Aborokhia khi mhi aa ke mhue ikanya ni e kpo mhe le shi ikpe ena, ali ni o ro gbo khia khi ikpe ebubu na ni mhi te ẹ nono ni mhi bhale ya me egho, <sup>24</sup> o la mhe udu khi mhi ya rote olieye ẹ ini mhia le iSipeni. Mhi sa khi a dobe ya ri ikpaghiobo na mhe ni mhi ro ti okiali oyemhe je odalo, ini awa ri egbe mu egbe ukuku eghoghe se. <sup>25</sup> Mena, mhia je iJerusalemu ni mhi ya kpaghie ẹgbọ eyi Eshinegba obọ. <sup>26</sup> Irari khi o ghole eni miesuo ni e la eke iMasidonia ali Akhaya ni e ri ikpaghiobo na ẹgbọ eyi Eshinegba ni e la iJerusalemu. § <sup>27</sup> Egbe ẹ mu we khi we we e ligho rie ẹ ọli, e rue ọli shi khi ota we we e lo we. Irari khi ini ẹgbọ iJeta e kemhi ikhivose ayemhe oyi ẹgbọ iJu, eri o li abi ota ni ẹgbọ iJeta e lo ẹgbọ iJu.\* <sup>28</sup> Ini mhi gbe akanya ona se ni mhi ro me ọli me khi e she mie ikpagho ena se, mhi ya je iSipeni, mhi ya ko felu ẹ ini mhia le. <sup>29</sup> Mhi lese ọli gboo khi ini mhi bhale, ikhivose oyi iKirisiti ni o vo tsululu mhi ro ya bhale. <sup>30</sup> Mhi ri iJesu iKirisiti Onomhue oyawa ali inono ni Ayemhe o ro na awa lema

† 15:9 Li ze 2 iSam 22.50; Iwolo 18.49 ‡ 15:10 Li ze iDeut 32.43 § 15:11 Li ze Iwolo 117.1 \* 15:12 Li ze Aza 11.10 † 15:21 Li ze Aza 52.15 ‡ 15:22 Li ze iRom 1.13 § 15:26 Li ze 1 iKori 16.1-4 \* 15:27 Li ze 1 iKori 9.11

ẹ inyoghuo, a nu mhe so iromhi ali a gbo so iromhi na mhe. <sup>31</sup> So iromhi Eshinegba o tsumhi mhe obo oyi egbo ni ea miesuo na eke iJudia ali ni egbo Eshinegba ni e la eoli iJerusalemu ni e mie eni ikpagho ni mhi roo ghi we. <sup>32</sup> Ni a ro bhale ya e khi rote oghumhe oyi Eshinegba, mhi dobe ri udu oghelẹ bhale deba e ali ni awa ri udu shi egbe o. <sup>33</sup> Eshinegba oyi opfomhe o ka nu ee nya la, Atse.

## 16

### *Otse ni iPolu lolighuo o tse egbo ke*

<sup>1</sup> Mhi gue ingme onete oyi iFobi ye e, ikhi inyoghuo awa ni okpotso, ni o khi oni o ralo shi eni e miesuo ni e la eoli iKenkhiria. <sup>2</sup> A ri eva oyi Onomhue kpẹ abo mie oli, abi egbo eyi Eshinegba e ye ni e li. A ri ikpaghie obo onini o da ya nono obo oye e na li. Irari khi anamelo oyemhe ali ebubu egboese o khi.

<sup>3</sup> Mhia tse iPisilia ali Akuila ni e kpaghie mhe obo shi akanya oyi iJesu iKirisiti.\* <sup>4</sup> E ri agbo oyewe shi okhena irari oyemhe. Oa khi weweghuo tse mhia tse uwegbe, ama li shi igbaa nya eyi eni e mie iKirisiti suo enayi egbo iJeta. <sup>5</sup> Mhi gbo li tse igbaa oyi eni e mie iJesu iKirisiti suo ni o la owa oyewe.

Mhia tse egbegbi omolemhe Epanetus ni o khi ogbo onodode ni o mie iKirisiti suo ukiekie eke Esha.

<sup>6</sup> Mhi tse iMeli ni o toto obo a gbe akanya na e.

<sup>7</sup> Mhi tse Adironikusi ali iJunayasi, egbo iJu nabi mhemhe ni anye ga la owa ighumha. Eni a mu ekpe na e khi elemhi idiegbe oyi ighiusomhi na kee. Ama e kpẹ miesuo khe mhe.

<sup>8</sup> Mhia tse Amipiliatusi, egbegbi omolemhe, ni mhi mhue inono na elemhi Onomhue.

<sup>9</sup> Mhia tse Urubane, ni o kpaghie anye obo akanya oyi iKirisiti.

Mhi gbo tse iSitachisi, egbegbi omolemhe.

<sup>10</sup> Mhia tse Apelesi, ni a me gboo khi igesikia o ro deba iKirisiti.

Mhi tse ena omhue-apfe oyi Arisitobulusi.

<sup>11</sup> Mhi tse Erودیoni ni o khi inyoghuo-mhe.

Tse eni e miesuo na omhue-apfe oyi iN-akisusi.

<sup>12</sup> Mhia tse iTirifeana ali iTirifosa eni ikpotso egho ni e gbe akanya oyi Onomhue egbegbo.

Mhi li tse egbegbi omolemhe iPesisi oni okpotso ni o gbe ukpokpomhi akanya na Onomhue.

<sup>13</sup> Mhia tse iRufosi, ogbakanya ni a ze oyi Onomhue, ali inyoli ni o li abi inyoshi mhe o.†

<sup>14</sup> Mhi tse Asikiritusi, ali iFilegoni, ali Amesị ali iPatirobasi ali Amasi ali eni e miesuo ni e ga la.

<sup>15</sup> Mhia tse iFilologusi ali iJulia ali iNirusi ali inyoghuo oli ni okpotso ali Olimpasi ali egbo Eshinegba nya ni e nu we la.

<sup>16</sup> A tse egbe e otse onete, a ghele mu egbe abi inyoghuo.

Igbaa nya eyi eni e mie iKirisiti suo, e tse e.

<sup>17</sup> Mhi lema e, inyoghuo, a ke to okpe egbo ni e pfi okemhi ali ni e ri egbo de irudunga ni e mhue-a, eni osese oyewe o de shi osese ni a sese awa. A nuata shi we o. <sup>18</sup> Irari khi egbo ni e riele emhi eghogho ea ya ga iKirisiti Onomhue oyawa, ama elemhi oyewe e ga. Rote eta-olelemhunu ni e ngme, e ro o di usamhi udu oyi egbo eghuo ni ea mhue ilese. <sup>19</sup> Ogbokpa o she suo abi a li ri ungmehi oyi Eshinegba a gbe akanya. Itobo ona mhi ro ghele shi ingme oyee. Ama mhia nono ni a fialo-a shi emini o khi onete, ama a khi fialo-a shi emhi onobe.

<sup>20</sup> Eshinegba oyi opfomhe o ya kele guogho okphaghie-a shi e ekowe. Okhale oyi iJesu iKirisiti Onomhue oyawa o ke deba e nya.

<sup>21</sup> ITimoti ni anye ga a gbe akanya, oo tse e. Igho khi iLushosi ali iJasi ali iSosipata, ni anye ga khi iJu.‡ <sup>22</sup> Mhemhe iTetiusi ni mhi ri ugba ma a keke ebe ona na iPolu, mhi tse e, abi oni o miesuo. <sup>23</sup> IGayusi ni o ri owa oyoli na mhe kushi, ni o gbo ri ukpeloe e khu mhe, ni o lama eni e miesuo e ke legba owa oyoli, oo tse e.

Erasitosi, ni o ri ikpagho o shi na eoli oyewe ali inyoghuo anye ikhi iKaritusi, ee tse e.§ <sup>24</sup> [Okhale oyi iJesu iKirisiti Onomhue oyawa o ka nu e la, Atse.]

\* **16:3** Li ze Ika 18.2 † **16:13** Li ze iMak 15.21 ‡ **16:21** Li ze Ika 16.1 § **16:23** Li ze Ika 19.29; 1 iKori 1.14; 2 iTimo 4.20

<sup>25</sup> Ufumhi khi oyi Ẹshinẹgba! Lọli ọ dobe re migha shi irudunga oye ẹ abi o li de shi oni usomhi onete oyi iJesu iKirisiti ni mhi ro ọ tse abo, ali ni o de shi irọkhasẹ oyi osheli ni a ro sheli agboagbo elemhi ikpe ebubu ni e dose. <sup>26</sup> Ama mena, a she ri oni igesikia khasẹ, rote akeke shi eke enayi emekeguele, abi Ẹshinẹgba ni ọ la ọ agboagbo ọ mhesẹ ọli a li roli khasẹ ishishi nya, ini e ba miesuọ ni e suọ esọ na luẹ. <sup>27</sup> Ẹshinẹgba ọna ilese, a ri ufumhi na agboagbo, rote obọ oyi iJesu iKirisiti! Atse.

## Ebe onodode ni iPolu o keke ghi egbo iKoritia Eni e miesuo

### *Otse oyi iPolu*

<sup>1</sup> Mhemhe iPolu, aghiusomhi na kee oyi iJesu iKirisiti ni Eshinegba o ze abi o ghole oli shi mhi khi, li shi inyoghwo awa iSositenis.

<sup>2</sup> Mhemhe mhi keke ebe ona a ghi igbaa oyi eni e mie iJesu iKirisiti suo onayi Eshinegba ni e la iKoriti, ikhi eni Eshinegba o lu e khi egbo eyoli. Eri o re e khi egbo ni e pfuase rote obo oyi iJesu iKirisiti, abi o li egbo ni e miesuo ashakhasha.\*

<sup>3</sup> Eshinegba ita awa ali iJesu iKirisiti Onomhue oyawa e ka li okhale na e, e ri opfomhe na e.

### *IPolu o ri ikhemhi na Eshinegba*

<sup>4</sup> Eghenge kpa mhi ro kphemhi e na Eshinegba oyemhe irari okhale ni o riele na e rote obo oyi iJesu iKirisiti. <sup>5</sup> O she re mholi epfue odekhode elemhi iguengme ungmehi ali ilese nya. <sup>6</sup> Oni usomhi oyi iKirisiti o she lo e egbe shito egbegbo. <sup>7</sup> Irarigho, isomhopfa ayemhe okhoghuo o ke to e abi a li migha khe ibhale oyi iJesu iKirisiti Onomhue oyawa ni a la roli ya khasa. <sup>8</sup> O ya mu e mhue gbaa ya ramhi ukpese, ni a khi eni ea mhue umhaguekia, a khi ogbele ni iJesu iKirisiti Onomhue oyawa o ya bhale. <sup>9</sup> Eshinegba ni o lu e ni a nu omi oli iJesu iKirisiti Onomhue oyawa mhue ugamhi kugbe, oni a ri egbe e nga o khi.

### *Okemhi ni o la eni e miesuo iteva*

<sup>10</sup> Inyoghwo-mhe mhi ri eva oyi iJesu iKirisiti Onomhue oyawa lema e, ee nya a ke yemhe na egbe ini okemhi o khi lo e le, ali ni a mholi udu oghuo ali usamhi oghuo. <sup>11</sup> Egbo eghuo na omhue-apfe oyi iKiloe e gueye mhe khi iwola e la e iteva. <sup>12</sup> Emini mhi ri onana ngme khi, ogbogbo oo ngme unu ododa, oghuo o khe, "IPolu mhia deba," olese oo, "Apolosi mhia deba," olese

oo, "IPita mhia deba," olese oo, "iKirisiti mhia deba."† <sup>13</sup> Eri a kemhi iKirisiti? IPolu a gbe-a shi oora apfida na e? Abi khi eva oyi iPolu a ro batazi e? Eniye odukhokho eyi iPolu a khi? <sup>14</sup> Mhi kphemhi na Eshinegba khi mhi aa batazi onge e, se ni iKirisipusi ali iGayusi.‡ <sup>15</sup> Irarigho, onge e o ya lie khi mhi ri eva oyemhe batazi lue. <sup>16</sup> Mhi lese khi mhi batazi apfe iSitefanasi, mhi aa ke sato ini mhi li batazi ogboese.§ <sup>17</sup> Irari khi iKirisiti o ghie mhe mhi ke batazi egbo, ama mhi ke kia gue ungmehi oyoli le ni o rote ilese oyi ogbo bhale. Ini eghuli ni iKirisiti o ghu shi apfida o khi mele afue-a.

### *iKirisiti ni o khi ilese ali ekpabo*

<sup>18</sup> Irari khi eri ungmehi oyi apfida o khi afue shi esoo oyi egbo ni ee pfua o, ama awa ni a mie e pfuese, ekpabo oyi Eshinegba o khi na awa. <sup>19</sup> Irari khi Ebe-no-pfuase o li,

"Mhi ya pfueche egbhali

oyi eni e mholi egbhali-a,

mhi bi ileasingme oyi

eni e riele khi wewe e gue ebe ma."\*

<sup>20</sup> Mena, ashi ona ileasingme o migha? Ashi oguebe o la? Ashi eni e gue khako ena agbo namo e migha? Oa khi eri Eshinegba o ri egbhali ni e la agbo ona mele ooyeghe-a?†

<sup>21</sup> Eri Eshinegba o ri ileasingme oyi lolighuo ze khi egbo ea rote ilese oyewe lese oli. Ochogho, eri o ghole Eshinegba ni o rote itsabo oyi usomhi ni egbo ee khi oyeghe lo, tsumhi eni e mie oni usomhi suo. <sup>22</sup> Egbo iJu, irokhasa eyi onyaloa e migha khe, egbo iGiriki ee nono ileasingme, <sup>23</sup> ama eri anye ri iKirisiti ni a gbe-a tama apfida tse abo usomhi ona, o ri elemhi a bi egbo iJu, o khi oyeghe shi esoo oyi egbo iJeta, <sup>24</sup> ama egbo ni Eshinegba o lu, ghe iJu ali iGiriki e me oni usomhi oyi iKirisiti shi khi ekpabo ali ilese oyi Eshinegba o khi. <sup>25</sup> Irari khi emini o li abi umhalese oyi Eshinegba, o mhue ilese dose egbhali oyi ogbo, emini o li abi olosemhe oyi Eshinegba o mhue itoto dose ekpabo oyi ogbo.

<sup>26</sup> Inyoghwo, a sato emini a kpe khi neni Eshinegba o lu e. Egbo ena agbo ona ea bino

\* 1:2 Li ze Ika 18.1 † 1:12 Li ze Ika 18.24 ‡ 1:14 Li ze Ika 18.8; 19.29; iRom 16.23 § 1:16 Li ze 1 iKori 16.15

\* 1:19 Li ze Aza 29.14 † 1:20 Li ze iJobu 12.17; Aza 19.12; 33.18; 44.25

shi eni e mhọli ugbhe, ali khi ọa khi ebubu e e fialo-a, ọa khi ebubu e e khi ekhemhue. <sup>27</sup>Eri Eshinegba ọ zẹ emini ẹgbọ e bino shi emhi eyeghe elemhi agbọ ona ke, ọ rewe ri omama mu elesingme. Ọ zẹ emini ẹẹ mhue ochi elemhi agbọ ona rọ khi eni e mhue ekpabọ unu-a.

<sup>28</sup>Eshinegba ọ zẹ emini ẹa mu ẹloe na agbọ ona ali emini ẹgbọ e ri ẹloe gbe, ni e rọ shi afue. Ọ rewe ri emini ẹgbọ ẹa bino khi e mu ẹloe mele afue-a, <sup>29</sup>ini ọgbọkhoghuo ọ khi dobe la odalo oyi Eshinegba tonon obọ udu. <sup>30</sup>Irari khi lọli ọ ku awa ali iJesu iKirisiti gbe. iKirisiti ni ọ khi ilẹse ni o rote obọ oyi Eshinegba bhale. Emini a ri ona ngme khi, lọli ọ khi ipfuase ali iropfuase ali ipfasheke oyawa. <sup>31</sup>Irari ona, Ebe-no-pfuase o rọ lie, “Onini ọ da nono ni lọli tonon obọ udu, ọ ke ri emini Onomhue ọ riẹle tonon obọ udu.”‡

## 2

<sup>1</sup>Inyoghuo, abi mhi rọ bhale olieye e ya tsabọ osheli igesikia ni o la ungmehi oyi Eshinegba, mhi aa lii ngme ingmemhi ena ghoghogho, wekhi eri mhi rokhasẹ khi mhii wena gba. <sup>2</sup>Irari khi abi mhi rọ la iteva oye, eri mhi rue udu emhikpa-a, mhi ri udu lese shi ingme oyi iJesu iKirisiti ali eghuli ni ọ ghu shi apfida. <sup>3</sup>Onana o zẹ khi abi mhi rọ te eke bhale, eri mhi li abi oni ọa mhue ochi, ulishi o remhe kpheli.\* <sup>4</sup>Abi mhi rọ sese e, ni mhi rọ tse abọ ungmehi gueye e, mhi aa ri ilẹsedose ali eta-olelemhunu nu e ngme. Ama eri mhi ri ekpabọ oyi Ayemhe oyi Eshinegba khasẹ. <sup>5</sup>Ini irudunga ni a mhue, o khi ya migha nga egbhali oyi ọgbọ, ama ekpabọ oyi Eshinegba.

### *Ilẹsingme oyi Eshinegba*

<sup>6</sup>Usohmi ni o khi oyi ilẹsingme anye gueye ẹgbọ ni e womhe ẹloe shi emhi irudunga. Ama ọa khi ilẹse oyi agbọ namo wekhi oyi eni ẹẹ mhesẹ shi agbọ namo, eni e ya mele afue-a. <sup>7</sup>Ingme osheli ilẹsingme oyi Eshinegba mhia ngme. Ilẹsingme ni ọ rọ sheli na ẹgbọ agbọagbọ ni ọ she kpe gba shi eke khi awa ya mhọli okemhi shi ufumhi oyọli. <sup>8</sup>Aa me oghie okhoghuo ighie ena agbọ namo ni ọ lese oni ilẹsingme ona. Ini

o khia khi e lese lo, ẹa kha ta Onomhue ni ọ mhue ufumhi ma afida gbe-a. <sup>9</sup>Ama abi Ebe-no-pfuase o ngme ni ọọ, “Ukpeloe okhoghuo ọa me ne, esọ okhoghuo ọa suọ ne, wekhi eri ọgbọkhoghuo ọ sa udu oyọli ramhi ọ ghue, emini Eshinegba ọ riẹle shi eke e khe eni e nono ingme oyọli.”†

<sup>10</sup>Ama Eshinegba ọ she rọli khasẹ awa rote Ayemhe oyọli. Irari khi eri Ayemhe ọọ guano emhikpa, ya ramhi osheli ni Eshinegba ọ gba. <sup>11</sup>Itobọ khi Ayemhe ni o la ọgbọ egbe lueghuo o lese isamhi eyi oni ọgbọ. Igho ọgbọkhoghuo ọa lese isamhi eyi Eshinegba, sese ni Ayemhe oyi Eshinegba. <sup>12</sup>Awa aa mie ayemhe oyi agbọ ona, ochoghọ ayemhe ni o rote obọ Eshinegba bhale ni awa rọ lese emhi nya ni Eshinegba ọ rọ na awa afue-afue, awa mie.

<sup>13</sup>Anye ẹa ya ngme ingmemhi ni a rote egbhali oyi ọgbọ sese, ama ingmemhi Ayemhe oyi Eshinegba o sese anye, anye lie sese ẹgbọ ni e la elemhi ayemhe, emini e khi emhi ayemhe, ni e khi egbegbọ. <sup>14</sup>Ọgbọ ni ọa da mhue oni ayemhe ne, ọa ya lese emini a ri emhi na Ayemhe oyi Eshinegba ngme. Ọgbọ oghoghọ, afue emhi ayemhe e khi shi ọli ẹloe, irari khi emini e khi ode ayemhe, ayemhe a te e lese we. <sup>15</sup>Ọgbọ ni ọ da mhue oni ayemhe ne, ọ dobe ya lese udi emhikpa, ama ẹgbọese ẹa dobe ya lese abi oni ọgbọ ọna ọ la ọ shi. <sup>16</sup>Abi Ebe-no-pfuase o ngme, ni ọọ, “Oghuo ọ lese udu oyi Onomhue?”

Ni ọ dobe ya ye ọli ude?”

Ama khi, awa mhọli udu oyi iKirisiti.‡

## 3

### *Okemhi ni o la iteva igbaa oyi eni e mie iJesu iKirisiti suo na iKoriti*

<sup>1</sup>Inyoghuo, mhi aa nu e ya ngme abi eni e mhue Ayemhe oyi Eshinegba, ama abi ẹgbọ ni e ngeli abi ẹgbọ na agbọ, ali emofe elemhi irudunga oyi iKirisiti. <sup>2</sup>Lọli mhi rọ ri amẹ inyeli na e da ni ọa khi eminale ni e toto, irari khi aa mu egbe shi eminale ni

‡ 1:31 Li zẹ ijere 9.24 \* 2:3 Li zẹ lka 18.9 † 2:9 Li zẹ Aza 64.4 ‡ 2:16 Li zẹ Aza 40.13

e toto ne. Ramhi memena aa kie mu egbe ne.\* 3 Egbò na agbò a kie khi. Emini o da zẹ khi a kiele ẹ kpe ofuma deba egbe ali khi a nu egbe ẹ ẹ wola, ogho o rokhase khi egbo agbo a kie khi? Oa khi eri a kiele ẹ ngeli abi egbo na agbo? 4 Ini oṣuoghwo elemhi ẹ oṣo li, “Iṣolu mhia deba”, ni oṣese o ro o li, Apolosi mhia deba, oa khi eri a ngeli abi egbo na agbo egho?†

5 Ini ẹẹ a bino oṣi bie, oghwo Apolosi o fe khi? Oghwo iṣolu o khi. Eni ẹẹ ga eyi Eshinẹgba anye ga khi ni ẹẹ a roṣe obo oyanye miesuṣo. Eri ogbogbo oṣo gbe akanya oyoli ni Onomhwe o rona li o gbe. 6 Mhemhe mhi ri ukpamhi ko, Apolosi o ku amẹ shi o, ama Eshinẹgba o ze ni oni ukpamhi o ro fu.‡ 7 Oni o ro ko ali oni o ku amẹ shi o, ẹa mu eloe. Se khi Eshinẹgba ni o ri emhi ẹ fu. 8 Ikhioda oa laṣo na oni o ro ko ali oni o ku amẹ shi o, Eshinẹgba o ya ri elele na ogbogbo abi o li gbe. 9 Irari khi eri anye kugbe ẹ gbe ikanya na Eshinẹgba, ẹẹ a khi ishemhi oyoli.

Owa oyi Eshinẹgba a gbo khi. 10 Roṣe afu ni Eshinẹgba o ro na mhe, mhi ro ri irogbekẹ gbe, abi oga oyi itsona. Onana egboese ẹẹ ma a nga. Eri-tse ogbogbo o lese abi o li ma a nga o. 11 Irari khi ogbokhoghuo oa ke gbo doṣe ya ri irogbekẹ olese gbe doṣe oni Eshinẹgba o she ro gbe ni o khili iJesu iKirisiti. 12 Ini ogbokhoghuo o to nga oni irogbekẹ ona, ni o ro ri igolu to nga o, okekhi elomho, okekhi eche ni ẹ ghale, okekhi ẹera, okekhi efoṣo, okekhi ifulo o ro to nga o. 13 A ya ri emini e la elemhi emini ogbogbo o ro to nga o khase gboo, ogbele iguezo. Erali a ro ya mhesẹ emini o ro to nga bino ni a lese emini e la elemhi we. 14 Ini emini o ro to nga o, o pfue oni erali, a ya ri elele na li. 15 Ini e toa, opfu o gbe oṣi, ama a ya tsumhi oṣi. Eri-tse khi eri o ya li abi ogbo ni o na pfue elemhi erali. 16 Eẹ a lese khi owa ugamhi oyi Eshinẹgba a khi, ali khi Ayemhe oyi Eshinẹgba o la ẹ egbe?§ 17 Ini ogbokhoghuo o yese Owa ugamhi Oniemhi oyi Eshinẹgba-a, Eshinẹgba o ya yese oni ogbo-a. Irari khi eri Owa ugamhi oyi Eshinẹgba, o pfuase, ali khi Owa Ugamhi oniemhi oyoli ẹẹ a khi.

18 A khi ke di egbe ẹ. Ini onge ẹ o nono ni loṣi khi oni o mholi ilẹsingme shi eghẹghe ni a la ena, o ka khi oyeghe ni o me asha khi oni o khi oṣesingme egbegbo. 19 Irari khi emini egbo na agbo ẹẹ bino shi ilẹsingme, afue Eshinẹgba o bino oṣi shi. Abi ebe o ngme, ni oṣo, “Eri Eshinẹgba o ri ilẹsedose eyi eni ẹ lie khi wewe e lesingme riẹle we gbo mu.”\* 20 Asha olese o gbo ngme oṣi shi ebe khi, “Eshinẹgba o lese khi isamhi ni oni o lie khi loṣi lese doṣe oṣo sa khi ẹa mu amẹ.”† 21 Itobo igho, a khi ke ri ogbokhoghuo tono obo udu, irari khi emhikpa, eyi ẹẹ lo, 22 o khi iṣolu o, okekhi Apolosi o, okekhi iSefasi ni a gbolo a lu iṣita o, okekhi agbo ali eghuli o, okekhi agbo onana ali ogbenako o, ẹẹ a ga mhwe we nya. 23 Eẹ oyee eyi iKirisiti a khi, oni iKirisiti o khi oyi Eshinẹgba.

## 4

### *Ighiusomhi na ke eyi iKirisiti*

1 A ke sato anye egbe abi eni ẹẹ gbe akanya na iKirisiti ni a ri osheli oyi Eshinẹgba nga obo. 2 A ze ni a bhale ya ẹ khi oni a ri emhi nga obo, o ri igesikia deba li. 3 Egboli oyemhe oa laṣo ini u gue mhe ezọ, o ke khi ikotu na agbo e gue mhe ezọ. Mhemhe mhi aa fe gue egbemhe ezọ. 4 Emhikhoghuo oa nase mhe udu ni o gue mhe ezọ, ama ogho oa lie khi abo eyemhe e ma pfuase gba. Onomhwe oṣo gue mhe ezọ. 5 Irarigho, a khi gue ogbokhoghuo ezọ ne neni eghẹghe iguezo o ramhi. Migha ni Onomhwe o bhale ne. O ya rue emini a ro sheli alo ebili lasela ali emini e la ogbogbo udu, eghẹghe agho Eshinẹgba o ya kueghie ogbogbo abi o ti shi.

6 Emole, mhi she ri Apolosi ali egbemhe riẹle irokhokho khase ẹ ni a ro lese abi ungmehi onana o ngme ni oṣo li, “A deba oni omhesẹ ni o gbe akanya.” Aa khi ke lie khi oghwo e, o ti doṣe oṣese. 7 Elo o la e egbe ni o ghoro ẹ mu eloe? Elo a mholi ni oa khi eri a roṣi na ẹ? Ini o khia khi eri a roṣi na ẹ, elo o ze ni a roṣi tono obo udu?

8 Eẹ a she ga mhwe emini a nono nya! Eẹ a she ga pfue se! Eri a ke a mhesẹ abi ighie, anye tse anye ke khi eni ẹa mhwe! Áá

\* 3:2 Li ze Iburu 5.12-13 † 3:4 Li ze 1 iKori 1.12 ‡ 3:6 Li ze Ika 18.4-11,24-28 § 3:16 Li ze 1 iKori 6.19; 2 iKori 6.16 \* 3:19 Li ze iJobu 5.13 † 3:20 Li ze Iwolo 94.11



kpa liẹ khi egbegbo a khili ighie, ishegho ni anye li nu e ke mheshe! <sup>9</sup> O li mhe eloe khi anye ighiusomhi na kee, Eshinegba o ro shi asha ni o ga kholo ne nya. Eri anye li abi ighumha ni a rue e je obini olele ni a te ya gbolo we-a. Ni anye khi emhi ofeli ni egbo na agbo ee gia, ali ni igeni ee gia. <sup>10</sup> Irari oyi iKirisiti a ro bino anye shi eyeghe, ama ee a khi eni e lolo mholi ilisingme elemhi iKirisiti. Anye aa mholi ekpabo, ama ee a mholi ekpabo, ali khi egbo ea mu ekpe e na anye, a mu ekpe e na e. <sup>11</sup> Ya ramhi amo, okiamhi ali okiamo o gbe anye ramhi, anye aa mholi emini a so, se ni ijeje ide. A ri ukpeloe a gbe anye, anye aa mholi ashini a la. <sup>12</sup> Anye roshaka ri abo eyi anye e gbe ikanya. Ini egbo e ku itse e na anye, anye e ku isemhe na we, ini a mu okholi vule shi anye o, anye ri egbe mie.\* <sup>13</sup> Ini ogbo o yese anye eva-a, anye ri unu ni o pfomhe soli o. Ramhi memena, eri a bino anye shi egbo afue ali iku ni e la agbo. <sup>14</sup> Aa khi eri mhi keke ebe ona ghi e ni mhi ro ri omama mu e. Eri mhia nono ni mhi kpaghie e obo, abi eni e bia eniye e lie nono ni wewe e kpaghie imi we obo. <sup>15</sup> U dobe ya mholi egbo agbele igbe (10,000) ododa ni e sese e ungmehi oyi ikirisiti, ama ita oghuo u lese mholi. Mhemhe khi ita e, ee a khi imimhe rote usomhi onete oyi iJesu iKirisiti ni mhi sese e. <sup>16</sup> Irarigho mhia nono ni a ke khonya mhe.† <sup>17</sup> Ona o ze ni mhi ro ghi iTimoti ghi e. Eri mhi nono ingme oyoli abi omu ni mhi bia, ali khi oni oo ga oyi Eshinegba ni o ri igesikia a gbe akanya na Onomhue o khi. ITimoti o ya gueye e angeli oyemhe abi mhi lie deba iKirisiti ali abi oni angeli oyemhe o li de shi osese ni mhia sese ingme oyi iKirisiti elemhi igbaa oyi eni e mie iJesu iKirisiti suo kpa.

<sup>18</sup> Eghuo elemhi e, e tsua ipfua eke abine khi mhi aa ke e bhale ya feli e. <sup>19</sup> O kha ghole Onomhue, mhi ya kele bhale oobo. Egheghe agho, mhemheghuo mhi ya me abi eni egbo ni e tsua ipfua eke egho e lie ngme, ni mhi gbo me ekpabo nabi e khi wewe e mholi. <sup>20</sup> Irari eghiele ni Eshinegba o le shi awa udu, oa khi oyi ungmehi unu tse,

\* 4:12 Li ze Ika 18.3 † 4:16 Li ze 1 iKori 11.1; iFili 3.17 ze Okiali 12.5 § 5:8 Li ze Okiali 13.7; iDeut 16.3

ama oyi ekpabo lo. <sup>21</sup> Elo a nono ni mhi li ini mhi bhale? Mhi rue utali mholi obo bhale, abi mhi ri ayemhe inono ali o pfomhe bhale?

## 5

### *A khu inyoghuo na itsebo iteva ya fe*

<sup>1</sup> Mhi suo khi angeli itsebo e la iteva oye e. Onabi aa ya me iteva oyi eni ea miesuo kpa, a ga me iteva oye. Ni o ramhi khi ogbo o nu inyoli onuzava a gbhe.\* <sup>2</sup> A gbo ti ipfuabo a nga, ocho ni egbe e kha ro pfo e-a, ramhi ni a ro khu ogbo oghoghoe iteva oye lasele. <sup>3</sup> Abi o ro tseku khia khi mhi nuata shi e egbe alo-gbugbugbu, ayemhe oyemhe o nu e la. Mhi she pfa ezoo mu ogbo ni o rieje emhi onana, abine khi mhi la agho. <sup>4</sup> Irarigho, ini a ri eva oyi Onomhue iJesu lona kugbe, ali ni ayemhe oyemhe o ro nu e la, ali ni ekpabo eyi Onomhue o ro la e iteva, <sup>5</sup> a rue ogbo oghoghoe abo-a na okphaghie, ni o pfueche idiegbe eyoli-a, ini a pfuese ayemhe oyoli ini iJesu Onomhue o bhale.

<sup>6</sup> O ma kholo gba khi a tsua ipfuabo eke. Ni a ro o ze ni egbo enana e la iteva oye. Aa lese khi eri e li abi umiesobo oghuo ni o ri oili gbolo enekpole-a?† <sup>7</sup> A rue ogbo okholo onana iteva oye lasele, ni a me asha la ipfuae. IKirisiti khi omi osumha oyi iPasova ni a she ro luase obo na awa.‡ <sup>8</sup> A khi ze ni awa ke rieje imu elemhi okholo ilili ni o li abine khi a kemhi ibuledi ni a ri ifuma nye. Awa khi eni e pfuae ali ena igesikia, ni awa ke ri ibuledi ni aa ri ifuma nye li imu.§ <sup>9</sup> Abi mhi ro kpe te odode keke ebe ghi e, mhi gueye e a khi nu ogbo na itsebo ke kia kugbe. <sup>10</sup> Ama oa khi ingme oyi egbo ena agbo mhi ngme. Irari khi u mema ya lase elemhi agbo le neni u wa kie egbo ni e ku itsebo, ali ena emhi itoegbe ali ighiatu ali eni ee ga ikhumhi. <sup>11</sup> Emini mhi ri onana ngme khi, a khi nu oni o miesuo olo-egbholi, ni oo ku itsebo kia kugbe, okekhi ogbo emhi itoegbe o, okekhi oni o ga ikhumhi, okekhi oni o yese ogbo eva-a, okekhi odonyo pfueche egbe-a, okekhi oni o rieje alile. Khi ga nu egbo eghoghoe le eminale kugbe.

\* 5:1 Li ze iDeut 22.30 † 5:6 Li ze iGal 5.9 ‡ 5:7 Li

<sup>12</sup> Oa khi akanya oyawa ni awa ke gue ena odati ni ẹa miesuọ ẹzọ. Ena elemhi igbaa oyi eni e mie iJesu iKirisiti suọ tse ni e lina ngeli awa kha lese ke gue ẹzọ <sup>13</sup> Eshinegba o ya gue eni ẹa miesuọ ẹzọ, ama abi Ebe-no-pfuase o ngme oli khi, "A khu ogbo okholo oghogho e iteva le."\*

## 6

### *Eni e mie suọ e khi ke lu egbe ẹzọ ikotu*

<sup>1</sup> Ini abi a li ga miesuọ abi inyoghuo a me ingme, elo o ze khi a lu egbe ẹzọ shi ikotu oyi esọ-ẹzọ ni ẹa miesuọ, ocho ni a kha ro ze ni eni e miesuọ e so ee oni ingme? <sup>2</sup> Aa lese khi awa ni awa miesuọ, khi awa ya gue egbo na agbo ẹzọ? Ee ni a khi eni e ya gue agbo ẹzọ, aa dobe a so shi ukuku ingme ifuabo eyee? <sup>3</sup> Aa lese khi awa ni awa miesuọ, khi awa ya gue igeni ẹzọ? See awa aa li ke dobe e so egbe awa ikuku ingme na agbo ona. <sup>4</sup> Elo o ze ni a ro o tsua ingme ni a me ogbele kpa ke ghi esọ-ẹzọ ni ẹa mhue unu shi ingme igbaa oyi eni e mie iJesu iKirisiti suọ? <sup>5</sup> Eri mhia ngme ona ni omama o mu e. Eri aa me ongee ni o lese ingme iteva oye, ni o dobe ya ri inyoghuo aava ni e miesuọ riele? <sup>6</sup> Elo o ze ni ongee o ro o rue inyoghuo oli le deba eni ẹa miesuọ ni e roli gue ẹzọ?

<sup>7</sup> Emini o da ze khi a me iluegbe-ẹzọ ikotu iteva oye ne, eri o rokhasẹ khi eni e de a khi. Oni u kha ro ri egbe mie ini a lue na e, ni u kha ro lama ni a li e le, <sup>8</sup> u ri ochogho vu ya lue na egbo, u li we e le, gbo li shi eni e miesuọ elese.

<sup>9</sup> A lese gboo khi ona okholo oa ya lo Eghiele oyi Eshinegba. Aa khi di egbe e. Egbo ni e ku itsebo, okekhi eni e ga ikhumhi, okekhi eni e kia okia, okekhi emose idegbe, ali emose ni e nu emose enabi we e gbhe, <sup>10</sup> li shi ighiato, okekhi ena emhi ituegbe, okekhi edonyo yese egbe-a, okekhi eni e yese egbo eva, we khi eni e li egbo a le, e ya lo Eghiele oyi Eshinegba. <sup>11</sup> Eghẹghe o la o ni ee a ro kpe la agbo oghogho, ama a she khuese e olamhe-a, a khuese-a pfuase, a pfa na e, rote eva

\* **5:13** Li ze iDeut 13.5; 17.7 \* **6:12** Li ze 1 iKori 10.23

oyi iJesu iKirisiti Onomhue ali Ayemhe oyi Eshinegba oyawa.

### *Khi ke gbe ikanya itsebo*

<sup>12</sup> Ogbo o dobe ya lie, "Emini o ghole mhe mhi dobe ya riele." Ama mhi oli, "Aa khi emhikpa e ti ni u riele." Ali khi ini mhi tseku dobe ya riele emhikpa, mhi aa gbudu mele oghumha oyi emhikhoghuo-a.\* <sup>13</sup> Wa lie khi, "Eminale khi oyi akpidi lo, ali khi akpidi o khi oyi eminale." Igesikia onana o khi, ama eleghuo, Eshinegba o ya yese we-a. Ama aa riele idiegbe eyawa shi itsebo ilili. Eri a riele idiegbe, ni awa rewe ke ga Onomhue. Ali khi idiegbe oyawa oo mu Onomhue egbe gba. <sup>14</sup> Ali khi Eshinegba o ya ri ekpabo eyoli guise awa eghuli le, abi o guise Onomhue oyawa eghuli le. <sup>15</sup> Aa lese khi idiegbe oyawa khi uguabo idiegbe oyi iKirisiti lo. Eri ogbo o ke ya rue uguobo idiegbe oyi iKirisiti, o ke ku oli gbe uguobo oyi adegbe? Oa ze ya li! <sup>16</sup> Abi aa lese khi ogbo ni o da le deba adegbe ne, khi o she to egbo ma oni adegbe o? Idiegbe oghuo e ke khi, irari khi ebe o li, "We we avavava, idiegbe oghuo e ke khi."† <sup>17</sup> Ama ogbo ni o da to ma Onomhue o ne, ayemhe oghuo e ke khi.

<sup>18</sup> Me itsebo ikuku na, olamhe okhoghuo oa la o ni o ri ichimhi a mu ogbo abi olamhe itsebo ikuku. Irari khi olamhe itsebo ikuku oo re e lamhe shi idiegbe oyi yeye ghuo o. <sup>19</sup> Aa lese khi idiegbe oye e khi owa ugamhi oyi Ayemhe-no-pfuase lo, ni o la idiegbe oye, ni Eshinegba o ro na e? Oa ke khi yeye u mholi egbe e,‡ <sup>20</sup> irari khi eri Eshinegba o de ghale. Irarigho, u mema ya ri idiegbe eye ri ufumhi na Eshinegba.

## 7

### *Ingme ingeli oyi omose ali okpotso*

<sup>1</sup> Ni mhi ro so shi ogbo ni a keke shi ebe ya mhila mhe.

O ti ini omose ali okpotso ea ya le deba egbe. <sup>2</sup> Ama irari itsebo, omose ogbogbo ali ughue oli e ke le deba egbe, okpotso ali odoli e ke le deba egbe. <sup>3</sup> Omose o khi ri okiamhi ughue gbe ughue oli, okpotso o khi li ri okiamhi ughue gbe odoli. <sup>4</sup> Okpotso

† **6:16** Li ze Igbae 2.24 ‡ **6:19** Li ze 1 iKori 3.16; 2 iKori

lɔlighuo ɔa mhɔli idiegbe oyoli, ama ɔdoli ɔ mhɔli wɛ. Igho o li khi egbe oyi ɔmɔse, ɔa khi ɔmɔse lɔlighuo ɔ mhɔli idiegbe eyoli, ama ughue ɔli ɔ li mhɔli wɛ. <sup>5</sup> A khi kie egbe, seɛ khi ɔmɔse ali ɔkpotoso e lama shi egbe ɔ khi wɛwɛ e ya nuata shi ilɛdeba-egbe ne, ni e mɛ asha mhɔli ukuku ɛghɛghɛ rɔ sɔ iromhi. Oni ɛghɛghɛ o kha dɔsɛ se, e gbo bhale ya lona, ini ɔkphaghie ɔ khi mɛ asha mu wɛ fɛ, irari khi egbe ɛa zɛ ɛ mu shi ingme ughue. <sup>6</sup> Eri mhi khokho ona na ɛ, ɔa khi ushi ni mhi shi ɛ shi ekɛ na ɛ. <sup>7</sup> O ma kha ti gba ini ɔgbokpa ɔ doɓɛ ya la ɔ ni ɔa rue ɔkpotoso shi abi mhemhe lo. Ama awa nya awa aa li abeghuo. Eshinegba ɔ somhi ɔgbogbo isomhopfa ɔdɔda. Ona ɔ kha mhɔli ona, ɔlese ɔ mhɔli ogho.

<sup>8</sup> Eɛ ni aa la ughue ghue ali esamhi-olimhi, o ti ne ini ɛa bie ye ughue abi mhemhe. <sup>9</sup> Ama ini ɛa doɓɛ ya mu egbe wɛ, e ke le ughue. O tine ni a ye ughue dɔsɛ ocho ni a rɔ ya shito, egbe ɛɛ lala ɛ shi ingme ughue.

<sup>10</sup> Eɛ ni a la ughue, mhi mhesɛ ona na ɛ, ni ɔa rɔte obɔ oyemhe bhale, ama obɔ oyi Onomhue. ɔkpotoso ɔ khi rɔte obɔ oyi ɔdoli vu. <sup>11</sup> Ama ini ɔ li gho, ɔ khi gbo ye ughue olese ghue, ochogho ɔ ka nu ɔdoli rɔ rieɛ. ɔmɔse ɔ khi gbudu khu ughue ɔli. \*

<sup>12</sup> Eɛ oyɛɛ enekpole, mhi gue ona ye ɛ, mhemhe mhi ngme ona, ɔa khi Onomhue. Ini ɔmɔse ni ɔ miesuo ɔ rue ɔkpotoso ni ɔa miesuo ughue, o kha ghɔle ɔni ɔkpotoso ni ɔ rɔ nu ɔni ɔmɔse shito, ɔni ɔmɔse ɔ khi khu ɔli. <sup>13</sup> Ini ɔkpotoso ni ɔ miesuo ɔ ngeli na ɔmɔse ni ɔa miesuo, ni ɔni ɔmɔse ɔ rɔ mhɔli ɔghuemhe khi lɔli ya kie ri ɔni ɔkpotoso shi, ɔni ɔkpotoso ɔ khi pfa oni ughue-a. <sup>14</sup> Irari khi ɔkpotoso ni ɔ miesuo ɔ rue ipfuase ɛ bhale ughue oyoli, ali khi ɔmɔse ni ɔ miesuo ɔ ri ipfuase ɛ bhale ughue oyoli. Ini ɔa khi igho lo, imi ɛ, eni ɛa pfuase e kha khi, ama abi o ke li ena khi, a she khuɛsɛ wɛ-a pfuase.

<sup>15</sup> Ama ini ɔni ɔa miesuo elemhi wɛwɛ aava, ɔɔ nono ni lɔli lase oni ughue le, ɔ ke vu. Emhikhoghue ɔa ke la akana ya mu ɔmɔse okekhi ɔkpotoso ni ɔ miesuo mhue ini a mɛ na. Eri Eshinegba ɔ lu awa ni awa rɔ la

agbo opfomhe. <sup>16</sup> Yeye ɔkpotoso, u fe lese ini itobo oye ode ɔ kha rɔ mhue imiepfuese? Abi khi, yeye ɔmɔse u lese ini itobo oye ughue ɔ kha rɔ mhue imiepfuese?

<sup>17</sup> Abibi o tseku li, ɔgbogbo ɔ migha ashini ɔ la ni Eshinegba ɔ rɔ lu ɔli, ali emini ɔ lu ɔli shi. Ona o khi omhesɛ ni mhi rɔ na igbaa oyi eni e mie iJesu iKirisiti suo nya. <sup>18</sup> Ini ɔmɔse ɔ she sheɛ-a neni Eshinegba ɔ lu ɔli, ɔ khi mu ɔli pfi rieɛ. Ini ɔmɔse ɔa sheɛ-a ne neni a lu ɔli, ɔ khi ya sheɛ-a. <sup>19</sup> ɔa mhue abi o ngme, ini ɔgbɔ ɔ sheɛ-a okekha khi ɔa sheɛ-a, emini o mema mu egbe khi, ni a rɔ ri ishi eyi Eshinegba gbe akanya. <sup>20</sup> ɔgbogbo ɔ kie li abi ɔ la ɔ shi ni Eshinegba ɔ rɔ lu ɔli. <sup>21</sup> Oghumha u khi ni Eshinegba ɔ rɔ lue? Khi zɛ ni ogho o nase udu. Ama ini u mɛ asha ya pfa egbe ɛ ɔ le, li gho. <sup>22</sup> Irari khi ɔni ɔ khi oghumha ni Onomhue ɔ rɔ lu ɔli, ɔni a rue abo-a ɔ ke khi, igho li khi ɔni a rue abo-a ni Onomhue ɔ rɔ lu ɔli, oghumha oyi Onomhue ɔ ke khi. <sup>23</sup> Eri a de ɛ ghale, irarigho a khi gbo khi oghumha oyi ɔgboese. <sup>24</sup> Inyoghue, ɔgbogbo ɔ nu Eshinegba la abi ɔ li ni a rɔ lu ɛ.

<sup>25</sup> Shi ingme oyi ozele ni ɛa mu ughue ghue. Mhi aa rɔte obɔ oyi Onomhue mie ushi ni mhi ya shi na wɛ, ama mhi ri ushi oyemhe bhale abi ɔni a ri itobo ilelemhi khi ɔni a ri egbe ɛ nga. <sup>26</sup> Ini a bino ingme ni a mɛ agbo memena, mhi sa khi o ti ini ɔgbɔ ɔ bie shito abi ɔ li. <sup>27</sup> U kha la ughue se, khi dua ni u pfa li-a. Ini waa la ughue ne, khi dua abi u li ya lo ɔ. <sup>28</sup> Ama ini o khia khi u lo ughue, waa pfido, ini o rie khia khi u waa mu ughue ghue. Ama eni e rue ikpotso, e ya mhɔli anasemhe elemhi agbo ona, mhi aa nono ni a mɛ onana.

<sup>29</sup> Inyoghue emini mhi ri ona ngme khi ɛghɛghɛ o ke she. Rɔ te memena vu, emose ni e rue ikpotso, ughue wɛ e khi mu wɛ egbe dɔsɛ. <sup>30</sup> Eni ɛ vie, e khi zɛ ni o lo wɛ egbe dɔsɛ ode. Eni ɛ gheɛ, e khi zɛ ni oghɛɛ rue wɛ vu, eni ɛ de emhi, e khi zɛ ni emini e de e lo wɛ alo, <sup>31</sup> eni e mhɔli emini e ri emhi na agbo ɔ rieɛ, e khi zɛ ni e rue wɛ udu vu. Irari khi abi agbo ona o laɔ shi memena, o she ɛ dɔsɛ.

\* 7:11 Li zɛ iMat 5.32; 19.9; iMak 10.11-12; iLuk 16.18

<sup>32</sup> Mhia nono ni a rue udu ayele le. Ọmọse ni ọa rue ọkpotoso, ikanya eyi Ọnọmhuẹ ẹa ku ọli ẹlẹ-a, irari khi eri ọ nono abi lọli liẹ riẹlẹ ọghuẹmhe oyi Ọnọmhuẹ. <sup>33</sup> Ama ọmọse ni ọ rue ọkpotoso shi, eri isamhi agbọ ẹẹ nase ọli udu, irari khi eri ọ dua ni lọli ri egbe ke mu ughuẹ ọli. <sup>34</sup> Irarigho, eri isamhi eyọli ẹ kemhi eva. Eri ọmueshi ni ọa ye ughuẹ, okekhi, ọmueshi ni ọmọse ọa ta owẹ lase ghue, ingme eyi Ọnọmhuẹ ẹ mu ọli egbe. Eri ọ dua ni lọli ri idiegbe ali ayẹmhe oyọli na akanya oyi Ọnọmhuẹ pfo nya. Ama ọkpotoso ni ọ ye ughuẹ, emhi agbọ ọ sa, irari khi eri ọọ dua abi lọli li ri egbe ẹ ke mu ọdo.

<sup>35</sup> Eri mhi a ngme onana ni mhi kpaghiẹ ẹ obọ, ọa khi eri mhia nono ni mhi zu ẹ ode, ini a khi la ughuẹ. Ochoghọ eri mhia nono ni a ke riẹlẹ emini o tẹ ode, ini udu oyẹ o khi kemhi eva shi iregbena Ọnọmhuẹ pfo oyẹẹ.

<sup>36</sup> Ini ọmọse ọ mẹ khi egbe ẹa ke zẹ lọli ẹ mu deba ọmueshi oyọli ni ọmọse ọa ta owẹ lase ghue, ni e ga lama na egbe khi wẹwẹ e ya ri egbe shi. Ni ọ rọ she tẹ ni ọ ye ughuẹ abi o ye ni o, ọ rue ọni ọmueshi ughuẹ abi o ghọle ọli shi. Ọa lamhe. <sup>37</sup> Ama ọmọse ni ọ mẹ khi lọli mhọli udu no toto ni ọ dobe ya mu egbọli mhue. Ini ọ lama shi udu oyọli khi lọli ẹa ya rue ọni ọmueshi oyẹluẹ ne, ọni ọmọse ọna ọ guẹ kia. <sup>38</sup> Ọgbọ ni ọ rue ọmueshi oyọli ughuẹ ọ guẹ kia. Ọni ọa rue ọli, lọli ọ guẹ kia ne.

<sup>39</sup> Ọkpotoso ni ọ la ughuẹ, ọa gbudu rọte obọ oyi ọdọli vu ini ọ da kie la agbọ. Ama ini ọdọli ọ ghua, ọ dobe ya ngeli na ọmọse ni ọ nono, ama ọmọse ọni ọ miesuọ ọ mema ya khi. <sup>40</sup> Abi mhẹmhe sọ oni ingme shi khi, ọ ya mhọli oghelẹ ne ini ọ shitọ khi ọa bie ke ngeli. Mhi sa khi mhi mhọli Ayẹmhe oyi Ẹshinẹgba ni mhi rọ ọ ngme ona.

## 8

### *Eminale ni a rọ luase ikhumhi*

<sup>1</sup> Mena ni mhi rọ ngme nga ogbọ ni a mhila mhẹ ingme eminale ni a rọ luase ikhumhi.

Awa lẹsẹ khi, “Awa nya awa ga mhọli ilẹsẹ,” ingme ona. Eri ilẹsẹ o ri ọgbọ a ti-*ipfuabọ* nga ke titi egbe, ama eri inono o ri awa a kpaghiẹ egbe obọ. <sup>2</sup> Ọni ọ dabi khi lọli lẹsẹ gba, ọa kie lolo lẹsẹ abi ọ kha li lẹsẹ ne.

<sup>3</sup> Ama ọgbọ ni ọ nono ingme oyi Ẹshinẹgba, Ẹshinẹgba ọ lẹsẹ ọli.

<sup>4</sup> Ama memena, ingme oyi eminale ni a rọ luase ikhumhi, awa lẹsẹ khi ikhumhi ọa khi emhikhoghuo elemhi agbọ, ali khi Ẹshinẹgba ọghuo ọ khi. <sup>5</sup> Ini a tseku mẹ emini a lu ilitsa ali ekhẹmhuẹ, o khi eni e la idane o, okekhi ena ekekhe, ọngewẹ ọa khi Ẹshinẹgba wẹkhi Ọnọmhuẹ. <sup>6</sup> Ama oyawa khi, Ẹshinẹgba ọghuo kpe awa mhọli, ikhi ita ni emhikpa e rọte obọ oyọli bhale, ali ọni awa la agbọ na, ali khi Ọnọmhuẹ ọghuo ọ la ọ, ni ọ khi iJesu iKirisiti ni emhikpa e rọte obọ oyọli bhale ali ni awa rọte obọ oyọli la agbọ.

<sup>7</sup> Ama ọa khi eni e miesuọ nya e lẹsẹ igesikia onana khi afuẹ ilitsa e khi. Ama ingme oyi eni ilitsa ena, o she lo ẹgbọ eghoghọ egbe ramhi khi ini e le eminale ni a rọ luasobo eghoghọ, eri ọ li wẹ egbe khi eni ilitsa e liẹ ga eghọ. Eri ona ọọ yese udu oyewẹ ni ọ gue wẹ ẹzọ ọ-a, irari khi ọa lolo toto imiesuọ ne. <sup>8</sup> Ama eminale ẹa ti ọgbọ ọ mama Ẹshinẹgba. Ẹa ri awa ya khi eni ẹa ti ini awa aa le, wẹkhi eri e ke ri awa ya ti ne ini awa le.

<sup>9</sup> Ama a kuegbe-a ini afa ni awa mhue rọ ọ riẹlẹ emini o ghọle awa o khi ya khi ọzuode na ọgbọese ni ọa toto imiesuọ, ni o rọli ya de pfilo olamhe. <sup>10</sup> Ini ọgbọ ni ọ mhue udu ni ọa toto imiesuọ ne ọ fẹ mẹ khi yeyẹ ni u mhọli ilẹsẹ, khi u la udi olitsa ẹ le eminale, u sa khi oghọ ọa ya ri udu nali rọ ke le eminale ni a rọ luase olitsa?

<sup>11</sup> Ighọ ọni ọgbọ ni udu oyọli ọa toto eghọ ni ọ khi inyoghue ni iKirisiti ọ ghu-a na ọ li ya opfu-a itobọ ilẹsẹ oyẹ. <sup>12</sup> Ini a da mẹ na ne, iKirisiti u lue a na, ini u da lue na inyoghue ni a ga miesuọ, eri u wa kuale udu oyewẹ ni ọ gue wẹ ẹzọ ni ọa toto eghọ utse.

<sup>13</sup> Irarigho, ini o da khia khi eminale ni mhi le o ri inyoghuo-mhe ya de pfilo olamhe ne, mhi aa ke gbo tigbe ya le eminale, ini mhi khi ya zẹ ni inyoghuo-mhe ọ de pfilo olamhe.

## 9

### *Afu ni aghiusomhi na keẹ ọ mhọli*

<sup>1</sup> Elo e kpomhe ọ le? Mhi áá khi aghiusomhi na keẹ? Mhi áá she mẹ iJesu

Onomhue oyawa, mhi re e mie oli suo? <sup>2</sup> Ini o tseku khia khi mhia khi aghiusomhi na kee shi eboese o, mhi aa li khi aghiusomhi na kee shi e o? Akanya ni mhi gbe iteva oyee o rokhasa khi aghiusomhi mhi khi shi e o.

<sup>3</sup> Ina mhi li a so ebo ni e ri unu a yese afu ni mhi mholi-a, <sup>4</sup> eri mhi aa fu te o ni a ri eminale ali onyo a na shi akanya ni mhia gbe? <sup>5</sup> Mhi aa li fu te o ni mhi li e rue okpotso ni o miesuo shi, abi ighiusomhi na kee enekpole, ali inyoghuo Onomhue ali iPita e li roshi. Eghenge agho ni mhi li ke rue oli mhue obo ini mhia le asha? <sup>6</sup> Abi khi mhemhe ali iBanabasi tse anye lese khi eni e ri obo oyewe e gbe akanya ke ri eminale na egbe anye le? <sup>7</sup> A me okholi-okhue ni lolighuo o fali ebo ota? Oghiale onoghuo o ya le emhi ekomhi eyoli? Oni o ri ena kia onoghuo o ya rote ena eyoli da ameyeli?

<sup>8</sup> Abi usamhi oyi ebo o li mhi lie ngme oli, abi khi eri ushi o li mu ma o? <sup>9</sup> Irari khi a keke oli shi ebe Ushi oyi iMosisi, "Khi mu ena onokpo unu zu ini u roli e mhele ikpamhi emhi." Ingme oyi ena wee khi Eshinegba o li gho lese sa? <sup>10</sup> Itobo oyawa o ro ngme onana? Ii, irari oyanye a ro ligho keke oli. Itobo khi ebo ni o gua o kha gua ni oni o khiese o ro khiese, eri e ga roli shi udu khi wewe e ya mhue okemhi shi eni emhi ekomhi. <sup>11</sup> Aborokhia khi anye she ri emhi ayemhe ko iteva oye e egho, anye khi eni e kha rote obo oye e li khiese emhi ikpaghiobo ni a me eloe.† <sup>12</sup> Ini o khia khi eboese e te ni a ri ikpaghiobo e na, o a khi anye kha ga mema te o ne? Ama anye ea rue ete-awo oni afu ona.

Ochogh, eri anye ri egbe mie emini anye me kpa ini anye khi zu usomhi onete oyi iKirisiti ode. <sup>13</sup> Aa lese khi eni e la Owa Oyi Eshinegba a gbe akanya, khi oni owa e te e le eminale, ali khi eni e la atete e ga, eri e rote emini a ro luasobo e kemhi? <sup>14</sup> Igho, Onomhue o li mhese oli eni e ri usomhi onete a tse abo, e rote o ke le emhi.‡

<sup>15</sup> Ama mhia kie ri eni afu ena gbe akanya deba e, wekhi eri mhi keke ebe ona ni a ba rielemhi eghoghona mhe. O tine ni mhi bie ghu-a ni ebo o ro lie mhi khi tono obo udu. <sup>16</sup> Mhia mhue afu ni mhi

ro tono obo udu shi usomhi onete ni mhi ro tse abo. Eri a mhese oli na mhe. O ma kholo mhe egbe ini mhia ri oni usomhi onete tse abo! <sup>17</sup> Ini o khia khi eri mhia tsabo ungmehi oyi Eshinegba itobo khi o ghole me. A ya fali mhe ota. Ama ini o rie khia khi o ghole mhe, emini Eshinegba o ro nga mhe obo lo ni mhia rielemhi <sup>18</sup> Igho ifata ni mhi ke ya mie mena? Afa o khi na mhe ni mhi ke tsabo oni usomhi onete, ni mhia khi oki shi o, ni mhia mie emini e khi eyemhe shi akanya oyi itsabo usomhi onete.

<sup>19</sup> Mhemhe ghuo mhi mhese ona na egbe-mhe, mhia khi oghumha oyi ebo kholo ghuo, ama mhi ri egbe mhe mele oghumha oyi ebo kpa-a, ni mhi ro lu ebubu ebo na iKirisiti abi mhi li dobe. <sup>20</sup> Abi mhi ro nu ebo iJu u gbe akanya, mhii ngeli abi ongi iJu ni mhi ro dobe lu we. Abi o rie khia khi ushi iMosisi o mu me, mhi kiele e ngeli abi oni ushi o mu ini mhi nu ebo ni e la oni ushi gbe akanya, ni mhi dobe lu we. <sup>21</sup> Igho o li khi, abi mhi ro nu ebo iJeta e gbe akanya, mhi ngeli abi ebo ni o a khi iJu ni ushi iJu o mu ni mhi ro dobe lu we. Ona o lie khi mhi aa ke ri ushi oyi Eshinegba a gbe akanya, ama ushi oyi iKirisiti mhi ro gbe akanya. <sup>22</sup> Ini mhi la ifuabo oyi eni irudunga oyewe o toto, irudunga oyemhe o li abi oyewe, ni mhi ro dobe lu we. Emhikpa mhia mela-a na ebo nya, ni mhi ro tsumhi eghuo, ode ni mhi ya te dobe rielemhi oli kpa.

<sup>23</sup> Enana nya, irari oyi usomhi onete mhi ro ligho ni mhi mhue okemhi shi ikhivose eyoli.

<sup>24</sup> A lese khi ebubu ebo e migha shi unamhi ni a na, ama oghuo elemhi we o kpe na a pfo, ni o mie eleli unamhi. Irarigho, a na ode ni a te ya mie eleli oyi unamhi. <sup>25</sup> Eri ebo kpa ni o la unamhi ya na o kpe e wena ushi unamhi ebo. Eri ee na ni e mie arula oghie ni o o ke-a. Ama arula ni o la agbo agbo awa na unamhi e shi. <sup>26</sup> Onana o ze ni mhi ro na unamhi oyemhe sheshe ya ramhi ukpese. Loli o ze ni mhia ro li abi ofiekpa ni o o pfi ekpa kua irarogbe. <sup>27</sup> Eri mhia nase egbe eyemhe ni mhi dobe mhese ke na we. Mhi aa nono, ini mhi tsabo oni

\* 9:9 Li ze iDeut 25.4; 1 iTimo 5.18 † 9:11 Li ze iRom 15.27 ‡ 9:14 Li ze iMat 10.10; iLuk 10.7

usomhi onete ona se, ni mhi khi ọni a khu pfia.

## 10

*A rọte okhe oyi egbo iZireni tse agua ye egbo*

<sup>1</sup> Inyoghuo, mhia nono ni a sato emini itita awa ni e deba iMosisi e me. Oguese oyi otughunu o khukhu we, wewe nya e gbo rọte okẹ ifulo ya dose tselele.\* <sup>2</sup> Elemhi otughunu ali okẹ oniemi e la batazi abi eni e deba iMosisi. <sup>3</sup> Wewe nya e le eminale ayemhe.† <sup>4</sup> E gbo da amẹ oyi ayemhe oghuo ni o rọte eche ayemhe ni oo deba we tu. Oni eche khi iKirisiti.‡ <sup>5</sup> Abi o tseku li gho, egbe ẹa mu Eshinegba deba ebubu we, itobo igho, eri a miatse ilimhi eyewe ku odagbe ifufu.§

<sup>6</sup> Mena, ena nya irokhasẹ e khi na awa, ni o tse agua ye awa, awa khi mhuẹ oghuemhe na emhi ebe abi wewe e li,\* <sup>7</sup> we khi ilita awa ya ga abi eghuo o e li. Ebe-no-pfuase o ngme ọli khi, “Eni egbo e shitọ le, e da, e gbe ishimhi idobie, e ku itsebo.”† <sup>8</sup> Awa khi khili ena itsebo abi eghuo o e li, ni o ze khi agbele uye ali ese, 23,000, e ghuloa ogbeleghuo.‡ <sup>9</sup> Awa khi mu Onomhuẹ fe bino abi eghuo o e li, ni enye e ro gbolo we-a.§ <sup>10</sup> Awa khi wolo abi eghuo o e li ni Ageni eghuli o ro gbolo we-a.\*

<sup>11</sup> Eri emhi ena nya e li we, ni a ro sese awa ingme ele-lese, a keke we shi eke tse agua ye awa ni awa la eghẹghẹ ikpukhokho agbo ona.

<sup>12</sup> Ini u dabi khi u migha, gue kia ini u khi de ode-a. <sup>13</sup> Aa me imufe okhoghuo ni a me egbe, ni ọa khi onabi egboese ẹa me ghue. Ama Eshinegba ọni a ri egbe e nga lo. Ọa ya ze ni a mu e fe ni o fu dose e, ni aa ya dobe ri egbe mie. Ama ini a mu e fe, Eshinegba o ya ri ode ni a te ya pfue o bhale, ni a ro dobe ya ri egbe mie.

<sup>14</sup> Irarigho, inyoghuo, a nuata shi ikhumhi o. <sup>15</sup> Eri mhi nu e ngme abi egbo elesingme. Eẹ ghuo a sa emini mhi ngme.

<sup>16</sup> Ini awa rọte uko ni awa lema Eshinegba o

khivose shi da, ọa khi ọlia eyi iKirisiti awa da? Ini awa le ibuledi ni awa kemhi, ọa khi idiegbe oyi iKirisiti ni awa le?† <sup>17</sup> Irari khi ibuledi oghuo o khi, awa nya ini awa tseku bu, idiegbe oghuo awa khi, irari khi eminale oghuo awa kemhi.

<sup>18</sup> A sa ingme oyi egbo iZireni ghue. Ọa khi eri wewe nya ni e le eminale ukhomhi atete ugamhi e ga mhọli obọ shi oni ugamhi oyi Eshinegba egho?‡ <sup>19</sup> Eri mhi ri ona lie khi olitsa ali eminale ni a ro luase ọli khi egbegbi emhi e khi? <sup>20</sup> Iiye o! Emini mhi a ngme khi, emini eni e ga ikhumhi e ro luase obo atete, okphaghiẹ e rewe e luase, ọa khi Eshinegba. Mhi aa nono ni a mhuẹ kugbe iyemhe okphaghiẹ o.§ <sup>21</sup> Wa ya rọte uko oyi Onomhuẹ da, u gbo rọte uko oyi okphaghiẹ da. Wa ya rọte ukpeko oyi Onomhuẹ le, u gbo te ukpeko oyi okphaghiẹ le. <sup>22</sup> Abi khi eri awa nono ni Onomhuẹ o ke kpe ofuma? Eri awa dabi khi awa toto dose ọli?\*

*Epfua ni eni e miesuo e mhọli*

<sup>23</sup> “Emini o ghọle awa, awa dobe ya riẹle.” Abi a li ngme ọli. Ama aa khi emhikpa o mhọli eleli. “Emini o ghọle awa awa dobe ya riẹle.” Ama aa khi emhikpa o mhọli ikpaghiobo.† <sup>24</sup> Ogbokhoghuo o khi lese ke na shi onote oyi egbole tse ama onete oyi egboese.

<sup>25</sup> Elamhi kpa ni a ro o de oki, ke de ọli le, khi ri irari udu oye ni oo gue e ezọ mhila ogbo okhoghuo shi o. <sup>26</sup> Irari khi Ebe-no-pfuase o ngme ọli khi, “Eke ali emini e la o nya, khi Onomhuẹ o ga mhọli we.”‡

<sup>27</sup> Ini ogbo ni ọa miesuo o lue ukue, ni u ro sa li shi udu khi u ya ye, le emiemi o ro shi e eke. Khi mhila ogbo okhoghuo oyi udu ni oo gue ogbo ezọ. <sup>28</sup> Ama ini ogbokhoghuo oo ye, “Eminale ona, ikhumhi a roli luase.” Khi le oni eminale ogho, irari usamhi udu oyi ọni o gueye ogho, ali irari udu oye. <sup>29</sup> Aa khi irari usamhi udu oye, ama irari usamhi udu oyi ọni ogbo ogho. “Elo o ze khi ogboese o ke ya khi ozuode shi epfua oyemhe, irari udu oni o gue ogbo ezọ oyi ọli? <sup>30</sup> Ini mhi

\* **10:1** Li ze Okiali 13.21-22; 14.22-29 † **10:3** Li ze Okiali 16.35 ‡ **10:4** Li ze Okiali 17.6; iNoba 20.11 § **10:5** Li ze iNoba 14.29-30 \* **10:6** Li ze iNoba 11.4 † **10:7** Li ze Okiali 32.6 ‡ **10:8** Li ze iNoba 25.1-18 § **10:9** Li ze iNoba 21.5-6 \* **10:10** Li ze iNoba 16.41-49 † **10:16** Li ze iMat 26.26-28; iMak 14.22-24; iLuk 22.19-20 ‡ **10:18** Li ze iLev 7.6 § **10:20** Li ze iDeut 32.17 \* **10:22** Li ze iDeut 32.21 † **10:23** Li ze 1 iKori 6.12 ‡ **10:26** Li ze Iwolo 24.1

kphemhi na Eshinegba shi eminale ni mhia le, elo o ze khi ogboese o ke tsue mhe shi eminale ni mhi kphemhi shi?"

<sup>31</sup> Abi o lao shi khi, emiemini u wa rieje kpa, ni u wa le, ni u wa da, rieje oli shi ufumhi oyi Eshinegba. <sup>32</sup> Khi ngeli angeli ni o ya ri ogbokhoghuo de, o khi egbo iju okekhi egbo ijeta okekhi igbaa oyi eni e mie iJesu iKirisiti suo eyi Eshinegba. <sup>33</sup> Eri mhi dua ni mhi rieje emini o ti ogbokpa eloe odekhode. Irari khi mhia lese na khu oyi mhemhe ghuo, ama oyi ogbokpa ini a mie wepfuese.

## 11

<sup>1</sup> A ke khonya mhe abi mhi lie khonya iKirisiti Onomhue.\*

### *Ukhomhi iguese elemhi ugamhi*

<sup>2</sup> Mhi kueghie e shi abi a lie sato mhe egbe ni a ro a deba osese ni mhi sese e.

<sup>3</sup> Ama mhi a nono ni a lese khi iKirisiti o khi ukhomhi oyi omose nya, ali khi omose o khi ukhomhi oyi Okpotso. Ama Eshinegba o khi ukhomhi oyi iKirisiti. <sup>4</sup> Irarigho, omose ni oo so iromhi okekhi eri o ngme ungmehi imeguele, ni o ro da ri emhi guese ukhomhi ne, oyeghe o ro ghi iKirisiti ni o khi ukhomhi oyoli. <sup>5</sup> Igho okpotso okhoghuo ni oo so iromhi okekhi eri o ngme ungmehi imeguele, ni oa ro da ri emhi khukhu ukhomhi ne, eri o yeghe-a, eri o ri odoli ni o khi ukhomhi oyoli she-a, eri o bie li abine khi o kpogholo itsu ukhomhia. <sup>6</sup> Ini okpotso oa da khukhu ukhomhi ne, o ka ta itsu ukhomhi-a nyaa. Ini o da khia khi emhi omama oo khi ini okpotso o kpogholo itsu-a egho, o ke khukhu ukhomhi oyoli. <sup>7</sup> Oa ye ni omose o khukhu ukhomhi oyoli, irari khi irokhokho ali ufumhi oyi Eshinegba o khi. Ama okpotso ufumhi oyi omose o khi.† <sup>8</sup> Irari khi aa rote egbe oyi okpotso ma omose, ama idiegbe oyi omose a te ma okpotso. <sup>9</sup> Aa ma omose na okpotso, ama omose a ma okpotso na.‡ <sup>10</sup> Itobo onana, ali irari oyi igeni, okpotso o ke khukhu ukhomhi oyoli ni o ro rokhashe khi o kie la omhese oyi odoli.

<sup>11</sup> Elemhi Onomhue ni awa ga la, okpotso oa khi ongeli, we khi omose o khi ongeli ni wewe aava ea mhue abi e lie rieje ugamhi kugbe. <sup>12</sup> Irari khi abi a rote omose ma okpotso, igho okpotso o li bia omose. Ama emhikpa obo oyi Eshinegba e te bhale. <sup>13</sup> Ee ghuo a so o bino ini o ti ni okpotso o ke so iromhi lema Eshinegba oa ri emhi khukhu ukhomhi elemhi owa ugamhi? <sup>14</sup> Abi a ma emhi nya shi rote eke vu, oa sese e khi, omama o khi ni omose o ro mhue itsu ni e nue dolo shi ukhomhi? <sup>15</sup> Ama khi ini okpotso o mhue itsu ni e nue shi ukhomhi khi ufumhi ali isomhotse o khi na li? Eri a ri itsu ni e nuata na li ni o ro khukhu ukhomhi. <sup>16</sup> Ini ogbo o nono ni loli khako shi ingme onana, emini mhi mhue ya ngme khi, anye-a mholi ode olese ni anye te e rieje, igho li khi igbaa nya eyi eni e mie iJesu iKirisiti suo eyi Eshinegba.

*Ushi oyi Eminale no pfuase oyi Onomhue (iMat 26.26-29; iMak 14.22-25; iLuk 22.14-20)*

<sup>17</sup> Rote omhese ni mhi ro bhale, mhi aa kueghie e, irari khi ilona kugbe shi ugamhi oye e, oo li oyese dose onete. <sup>18</sup> Irari onodode, a she gueye mhe khi okemhi oo la iteva oye ini a lona ilegba abi eni e mie iJesu iKirisiti suo. Mhi mie shi o khi igho o khi. <sup>19</sup> Aa me emini o ze khi aa ya khako. Ama oni ekhako ona o ya ri eni Eshinegba o mie iteva oyi e khashe. <sup>20</sup> Ini a lona kugbe shi oghuo, oa khi eminale oyi Onomhue o khi ni a le, <sup>21</sup> Irari khi ini a le, aa ya migha khe egbe. Ogbogbo o rue eminale oyoli e le. Irarigho, eri eghuo e da pfueche egbe-a, eghuo ea ga me le kpa. <sup>22</sup> Aa mhue apfe oye e ni a la le ni a la da? Abi khi eri a ri eloe a gbe igbaa oyi eni e mie iJesu iKirisiti suo oyi Eshinegba? Eri a nono ni a ri omama mu egbo ni ea mhue emhikhoghuo? Se a nono ni mhi ngme shi onana? Eri mhi ya kueghie e mena? Iiye o!

<sup>23</sup> Irari khi obo oyi Onomhue mhi te mie osese ni mhi sese e. Khi iJesu Onomhue, eliyose ni a roli de, o rue ibuledi, <sup>24</sup> o kphemhi na Eshinegba o khi oli-a, oo li, "Idiegbe oyemhe na ni a ro na e, a ke li ona ro sato mhe egbe." <sup>25</sup> Igho o gbo li, abi e

\* **11:1** Li ze 1 iKori 4.16; iFili 3.17 † **11:7** Li ze Igbae 1.26-27 ‡ **11:9** Li ze Igbae 2.18-23

rọ le se. Ọ rue uko onyọ, ọọ li, “Onana o khi uko oyi ilama kugbe onogbo, ni a ri ọlia eyemhe riẹ. Ini a da lina da ne, eri a da li rọ sato mhe egbe.” § 26 Irari khi eghẹghẹ kpa ni a rọ da le ibuledi onana ni a rọ da oni uko onana ne, eghuli oyi Onomhue u rọ tse abo egho neni o ya bhale.

27 Onini o da le ibuledi oyi Onomhue ni o gbo rọte uko oyọli da, ode ni ọa gbe akanya ne, o she lue, o lamhe shi idiegbe ali ọlia oyi Onomhue o. 28 Irarigho, ogbogbo o bino egboli bie ne neni o tigbe le, neni o rọte oni uko da. 29 Ini u waa da lese emini oni idiegbe oyi Onomhue ona o migha shi ne, ni u rọ da le oni ibuledi ni u rọ gbo te oni uko da, u she le u gbo da rọ ri iguezọ bhale ghi egbe e. 30 Ona o ze ni ebubu e e rọ o ghua, eghuo ẹa mhue ochi, ebubu e she ghulo-a. 31 Ini awa kpe gue egbe awa ezọ awa aa ya de pfilo ezọ oyi Eshinegba. 32 Ini Onomhue o gue awa ezọ, eri o sese awa ingme ini awa khi nu agbo pfua.

33 Irarigho, ee inyoghwo-mhe, ini awa lona ni awa rọ ya le eminale oyi Onomhue, awa ke migha khe egbe. 34 Ini a me oni okiamhi ọọ gbe, o la apfe le emhi ini a khi lo ezọ oyi Eshinegba, ini a lona kugbe. Mhi ya pfuse ingme enekpole ngme ini mhi bhale.

## 12

### *Isomhopfa Ayemhe*

1 Mena ni mhi rọ sọ shi ogbo ni a mhila mhe ingme isomhopfa Ayemhe-nọ-pfuase.

Mhia nono ni a lese egbegbingme ni o la o. 2 A lese khi eghẹghẹ ni a rọ khili eni ẹa miesuo, a di ẹ lo ode ni a la luase ilita ni ẹa mhue ayemhe. 3 Mhia nono ni mhi gueye e khi aa me ogbo ni Ayemhe oyi Eshinegba o rọ gbe akanya ni o ya lie, “A pfi unu na iJesu!” Aa me oni o gbolo ya lie, “iJesu o khi Onomhue!” Ini ọa li khi Ayemhe-nọ-pfuase o sese ọli.

4 Isomhopfa ododa e la o, ama Ayemhe oghuo o kemhi we. 5 Ode ebubu e laọ ni a te e ga Onomhue, ama Onomhue oghuo awa ga. 6 Ode ododa Eshinegba o te e gbe ikanya elemhi agbo eyi awa, ama oni Eshinegba o ligho gbe oni akanya ona rọte idiegbe

oyi awa nya. 7 Ogbogbo a ri isomhopfa Ayemhe na, ni o rọ ke gbe akanya ni o kpaghie ogbokpa obọ. 8 Oni Ayemhe loli o ri isomhopfa oyi ungmehi eghali na ogbo oghuo. Oni Ayemhe o kie gbolo ri isomhopfa ileingme a na ogboese. 9 Oni Ayemhe o gbo ri irudunga oniemi a na ogbo. Oni Ayemhe oghuo o kie gbo ri ekpabo na ogboese ni o rọ ri ogbo toto. 10 Oni Ayemhe o ri ekpabo na ogbo ni o rọ gbe ikanya onyaloa, o ri ekpabo na ogboese ni o rọ me eke guele. O gbo rọna ogboese ni o lese ikhioda ni o la iyemhe ododa o. O rọna ogbo ni o rọ dobe e ngme emue oda, o rọna olese ni o dobe guele abi oni emue ogho o ngme. 11 Ama Ayemhe oghuo o kie khi ni o ga gbe eni ikanya egho abi o ghole ọli shi. O ri isomhopfa ododa na ogbogbo.\*

### *Idiegbe oghuo ni o mhue iguabo ododa*

12 Eri iKirisiti o li abi idiegbe oghuo ni o mhue iguabo ododa, idiegbe oghuo o kie khi, ini o tseku mhọli iguabo ebubu ododa.† 13 Igho awa nya awa gbo li, o khi ongi iJu u khi, okekhi onge iJeta, o ke khi oghumha oo, o ke khi oni ọọ khi oghumha, a she batazi awa shi idiegbe oghuo rọte oni Ayemhe oghuo ogho, a kie gbo ri oni ayemhe oghuo ogho na awa.

14 Irari khi idiegbe ọa khi uguabo oghuo tse loli nya o khi, ama iguabo ni e bu o mhọli. 15 Ini owe o gueye obọ, “Irari khi mhia da khi obọ, mhi aa ke kugbe idiegbe o,” Oni owe ọa kie khi oyi idiegbe? 16 Ini esọ ọọ khi, “Irari khi mhi aa khili ẹloe, mhi aa ke khili oyi oni idiegbe.” Ogho o ya lie khi ọa ke la oni idiegbe? 17 Ini idiegbe nya o khili ẹloe lo, se o kha li ke suo. Abi ini idiegbe nya o ke khili esọ lo, se o kha li ke suo issue? 18 Abi o li khi, eri Eshinegba o tono iguabo egbe ododa ma shi idiegbe abi o li nono ọli shi. 19 Idiegbe o ya gbapfo, ini o khia uguabo oghuo tse loli nya o khi? 20 Abi o li khi, iguabo ododa e la o, ama idegbe oghuo kpe o khi. 21 Irarigho, ẹloe ọa ya lie obọ, “Mhi aa mhue emini mhi re ya li!” We khi ukhomhi o ya lie awe mhia mhue emini mhi re ya li. 22 Ini awa te ukiekie o obini o kpole oyi ingme ona bino ọli, iguabo



oyi idiegbe ni ọa lolo toto, ọa zẹ idiegbe ya tsua pfa, <sup>23</sup> ama idiegbe ni awa bino khi ẹa lolo mu ẹloe, wẹwẹ awa ga sọṣọ itsua guese. Awa a kuegbea guese iguabọ idiegbe ni ọa ti ni a ke khueghie-a shi ekẹ ni áá mẹ ẹloe, <sup>24</sup> Ama awa aa ya sọ itsua guese ikpe ni e zẹ rọ ọ shi ekẹ ni ẹgboṣe e mẹ ẹloe. Eri Ẹshinegba ọ lighọ riẹlẹ idiegbe, ni awa mu ekpẹ na iguabọ ni e li abinẹ khi ẹa lolo mu ẹloe. <sup>25</sup> Itobọ ighọ, okemhi ọa la idiegbe, eri ikpe ọdọda eghọ e ri ẹloe a khu egbe. <sup>26</sup> Ini asha eghuo ọọ mẹ osoli, ikpe enekpọle nya e li nu ọli a mẹ oni osoli. Ini a ri ekpẹ na uguabọ idiegbe oghuo eri enekpọle nya ẹẹ gheṣe.

<sup>27</sup> Ẹẹ nya idiegbe oyi iKirisiti a khi, ọgbọgbọ ọ khi uguobọ oyọli. <sup>28</sup> Elemhi igbaa oyi eni e mie iJesu iKirisiti suọ, onodode, Ẹshinegba ọ zẹ ighiusomhi na keẹ, onuzi-eva ọ zẹ emekeguele, onuzi-esẹ, esẹsẹ, ọ tigbe ri eni ẹ gbe ọnyalọa shi asha eghuo, gbo li shi eni mhọli isomhopfa ni a rọ ri ọgbọ ze. Ọ gbo zẹ eni e guẹ ẹ kpaghie ẹgboṣe obọ, elese ọ zẹwẹ eni e guẹ ri omhẹsẹ kia, ali eni ẹ ngme emue ọdọda. † <sup>29</sup> Wẹwẹ nya e khi ighiusomhi na keẹ? Wẹwẹ nya e khi emekeguele? Wẹwẹ nya e khi esẹsẹ? Ọgbọkpa ọ doṣe a gbe akanya ọnyalọa? <sup>30</sup> Wẹwẹ nya e mhọli isomhopfa oyi iri-ọgbọ ze? Ẹgbọ nya e guẹ ngme emue ọdọda? Abi khi wẹwẹ nya e guẹ ẹ guele abi oni emue ọdọda o ngme? <sup>31</sup> Irarighọ, awa ke nono isomhopfa ni o tine nya.

Mhi ya ri ode ni o tine nya khasẹ ẹ.

## 13

### *Inono*

<sup>1</sup> Ini mhi ga guẹ ẹ ngme emue oyi ẹgbọ ali oyi igeni, ni mhi aa rọ mhue inono, okeke ulo ali okeke ipẹpẹ itasa mhi khi. <sup>2</sup> Ini mhi mhue isomhopfa imekeguele ali ni mhi rọ lẹsẹ udi osheli ali ilẹsẹ nya a guele. Mhi kha mhọli irudunga ni a rọ doṣe ọoghie ite, ni mhi aa rọ mhue inono, afue mhi khi.\* <sup>3</sup> Mhi kha ga ri emini mhi mhue nya somhopfa, ni mhi rọ ga ri egbe mhe bhale ni a tose-a ni mhi ba tonu obọ udu, ni mhi aa rọ mhue inono, mhi aa mhue elele okhọghuo ni mhi ya mẹ.

<sup>4</sup> Eri inono o mhọli irabomudu, o mhọli isomhelemhi. Ọa ya kpe ofuma, ọa ya tonu obọ udu, ọa ya vuse ike. <sup>5</sup> Inono ọa ya ngeli angeli obe, ọa ya khu oyọli tse, elemhi ẹa keṣe bi inono, ọa ya keke ingme ni a li ọli ya shi na ọgbọ. <sup>6</sup> Ọa ya mẹ emhi obe ni ọọ ke gheṣe shi ọ, ama emhi egbegbingme o gheṣe ẹ shi. <sup>7</sup> Ọa ya mhọli ukhimhi-elemhi. Irudunga ali irudushi, ali irabomudu oyọli ọa ya ba li ku.

<sup>8</sup> Inono ọa mhue ukpese. Imekeguele e la ọ, eri-tse khi e ya doṣe, isomhopfa oyi ingme-emue ọdọda e la ọ, ama e ya doṣe, ilẹsingme e la ọ, ama e ya doṣe. <sup>9</sup> Irarikhi isomhopfa ilẹsingme ali imekeguele oyawa ẹa ya gba pfo. <sup>10</sup> Ama ini oni o gba pfo o ramhi, oni ọa gba pfo o kele-a. <sup>11</sup> Abi mhi rọ khi ọmọ, emue ali isamhi ali akhokhomhe eyemhe, e khi eyi ọmọ. Mena abi mhi rọ ke khi ọgbhali, mhi aa ke mhue emini mhi ri angeli ọmọ a li. <sup>12</sup> Emini awa mẹ memena, eri o li abi aroro ni awa rọte ughegbe ẹ mẹ lishi-lishi. Ẹgheghe aghọ o kha ramhi, awa ya mẹ ọli ghemhe, ghe ẹ. Emini mhi lẹsẹ, ọa gba pfo, ama ẹgheghe aghọ, o ya gbapfo, abi Ẹshinegba ọ li sẹsẹ mhe pfo.

<sup>13</sup> Ama eni emhi esẹ enana e kie migha: Irudunga, irudushi, ali inono. Oni o ga fune nya shi wẹ ọ khi inono.

## 14

### *Isomhopfa imekeguele ali emue*

<sup>1</sup> Zobe ni inono o khi emini u na a khu.

Ke dua ni u mhọli isomhopfa eyi Ayemhe no pfuase, tete isomhopfa imekeguele. <sup>2</sup> Ọgbọ ni ọọ ngme emue ni ọgbọ ọa lẹsẹ emini ọọ ngme, Ẹshinegba ọ nu ẹ ngme, irari ọgbokhọghuo ọa ya lẹsẹ emini ọ ri eni ingmemhi ngme. Egbegbi ingme osheli ọ rọte Ayemhe no pfuase ẹẹ ngme. <sup>3</sup> Ama ọgbokpa ni ọ meke ngme guele, eri ọọ nu ẹgbọ ọ ngme, o kpaghie wẹ obọ, ọ ri udu shi wẹ ọ, ọ ri udu pfo mhi wẹ. <sup>4</sup> Ọgbọ ni ọọ ngme emue ọda ni ẹgbọ ẹa lẹsẹ emini o ngme, egbọli ọọ kpaghie obọ, ama ọgbọ ni ọ mekeguele, igbaa oyi eni e mie iJesu iKirisiti suọ nya ọọ kpaghie obọ. <sup>5</sup> O ga ghọle mhe ni ẹẹ nya a ke ngme emue ọdọda, ama oni o ghọle mhe ne khi ni a ga mhọli isomhopfa

† 12:28 Li zẹ Ẹfi 4.11 \* 13:2 Li zẹ iMat 17.20; 21.21; iMak 11.23

imekeguele. Irari khi ɔni ɔ mekeguele ɔ mu ɛloe dɔsɛ ɔni ɔ ngme ɛmuɛ ɔda. Sɛɛ ni eri ɔgbɔ ɔ la aghɔ ni ɔ guele abi ɔ ngme ni ɔgbɔkpa ni ɔ la igbaa oyi eni e mie iJesu iKirisiti suɔ ɔ mhue ikpaghiobɔ.

<sup>6</sup> Ighɔ inyɔghuo, ini mhi bhale deba ɛ ni mhi rɔ ɔ ngme ɛmuɛ ɔda, onete onoghuo ɔ ya riɛɛ na ɛ? ɔa khi ini, mhi gue irɔkhasɛ ni mhi rɔte obo oyi ɛshinɛgba mɛ ye ɛ, okekhi emini mhi lɛsɛ mhi gueye ɛ, okekhi imeguele mhi gueye ɛ, ɔkekhi ungmehi osɛsɛ mhi rɔ bhale ghi ɛ, ɔ ya ri eleli na ɛ? <sup>7</sup> Bino itsua ni ɛa mhue ayɛmhɛ, ni ɛɛ ngme, enabi ofele ali ɛfa. Sɛɛ ɔgbɔkhoghuo ɔ li ya lɛsɛ emini a kpheli, ini ɔa suɔ obini a mu abɔ wɛ je? <sup>8</sup> Ali ɔni ɔɔ pfi akala, ini ɔa li pfi ɔli gboo ni ɔ de uruli ni a suɔ, ɔghuo ɔ ya mu egbe okhɔli? <sup>9</sup> Ighɔ khi, ini u ri emue ni ɛgbɔ ɛa ya suɔ ɔ ngme ingmemhi ni e mhɔli ilɛsingme, ɔgbɔkhoghuo ɔa ya lɛsɛ emini wa ngme. Eri u lɛsɛ ke ngme kua idane! <sup>10</sup> ɛmuɛ ebubu e la agbɔ ona, wɛwɛ nya e khi eni e ti shi eni ɛ ngme wɛ ɔ. <sup>11</sup> Ama ini mhi aa lɛsɛ ɛmuɛ ni a ngme, ɔni ɔ nu mhɛ ngme, ɔpfɛsɛ ɔ khi shi mɛ ɔ, mhɛmhɛ khi ɔpfɛsɛ shi ɔli ɔ. <sup>12</sup> Aborɔkhia khi isomhopfa eyi ayɛmhɛ e mema kiele ɛ ghɔle ɛ eghɔ, a ke nono isomhopfa eni e ya ri ikpaghiobɔ ghi igbaa oyi eni e mie iJesu iKirisiti suɔ.

<sup>13</sup> Itobɔ ighɔ, ɔni ɔɔ ngme ɛmuɛ ɔda ɔ mema ya lema a ri ekpabɔ ni ɔ rɔ ɔ ke guele abi ɔ ngme na li. <sup>14</sup> Irari ini mhi ri ɛmuɛ ɔda a sɔ iromhi, ayɛmhɛ oyɛmhɛ ɔɔ sɔ iromhi, ama udu oyɛmhɛ ɔa ya mhɛ mhue emini ɔ mu ɔ. <sup>15</sup> Sɛ mhi ke ya li shɔ? Mhi ga ya riɛɛ wɛwɛ eve-eva ena. Eri mhi ya ri ayɛmhɛ oyɛmhɛ sɔ iromhi, mhi gbo li ri udu oyɛmhɛ sɔ. Mhi ya ri ayɛmhɛ oyɛmhɛ to uwolo, mhi gbo li ri udu oyɛmhɛ to. <sup>16</sup> Ini u ri ikphɛmhi na ɛshinɛgba elemhi ayɛmhɛ tɛsɛ, sɛ ɛgbɔ enekpɔle ni ɛa ya suɔ ikphɛmhi ni u rɔ na ɛshinɛgba e liɛ suɔ, ni e mie Atsɛ shi ɛ oni iromhi ali ikphɛmhi? ɛa mhue abi e li ya lɛsɛ emini u wa ngme. <sup>17</sup> Ini ɔ tseku khia khi iromhi ikphɛmhi eyɛ khi enete lɔ, ɛa ga kpaghiɛ ɛgbɔ enekpɔle obɔ. <sup>18</sup> Mhi kphɛmhi na ɛshinɛgba khi mhi ga ngme ɛmuɛ ɔdɔda dɔsɛ ɛɛ nyaa. <sup>19</sup> Ini a la ugamhi igbaa oyi

eni e mie iJesu iKirisiti suɔ, ɔ ti mhɛ egbe ni mhi lɛsɛ ngme ikpamhi ingmemhi ishe tɛsɛ ni ɛgbɔ ya suɔ abi mhi rɛwɛ ngme, rɔ sɛsɛ wɛ, ocho ni mhi rɔ ri ɛmuɛ ɔda ya ngme ingmemhi agbɛɛ ni ɔgbɔkhoghuo ɔa ya suɔ abi mhi rɛwɛ ngme.

<sup>20</sup> Inyɔghuo-mhɛ, a khi ke sa abi eniyɛ. A mhɔli isamhi abi egbhali ama a li abi emɔfɛ ni ɛa lɛsɛ emhikhoghuo obodɛ onobe iriɛɛ.

<sup>21</sup> A kekɛ ɔli shi Ebe-no-pfuasɛ khi,

“ɛmuɛ ɔda mhi rɔ ya

nu ɛgbɔ eyɛmhɛ ngme.

Mhi ya ri uruli epfɛsɛ ngme,

ama ini ɔ tseku khi ighɔ,

ɛgbɔ eyɛmhɛ ɛa ya

ri esɔ shi mhɛ ekɛ,

ighɔ ɔnɔmhue ɔ ngme.”\*

<sup>22</sup> Itobɔ ighɔ, ɛmuɛ ɔda, ɔa khi emhi ɔnyalɔa shi eni e miesuɔ ɔ sɛɛ ni eni ɛa miesuɔ. Ama imekeguele, eni miesuɔ ɔ mema gɔ lu, ɔa khi oyi eni ɛa miesuɔ. <sup>23</sup> Irarighɔ, ini igbaa oyi eni e mie iJesu iKirisiti suɔ kpa e legba ni ɔgbɔkpa ɔ rɔ ɔ ngme ɛmuɛ ɔdɔda, eshebhe ali eni ɛa miesuɔ, ɛa ya liɛ khi ujili ɔɔ kpha ɛ nya? <sup>24</sup> Ama ini ɔgbɔkpa ɔɔ mekeguele, ni ɛgbɔ ni ɛa miesuɔ okekhi ɔgbɔ ni ɔa lɛsɛ emini a riɛɛ ɔ rɔ lo le. Rɔte ingmemhi ni ɔɔ suɔ, ɔ rɔ ya lɛsɛ khi ɔna olamhɛ lɔli khi, ni ɔ khi ɔni ɔ mu pfi. <sup>25</sup> Osheli isamhi udu eyɔli e ya khueghie-a gboo. ɔ de yɛshi, ɔɔ ga ɛshinɛgba, ɔɔ liɛ, “ɛshinɛgba ɔ la ɛ iteva egbegbɔ.”

### *Ugamhi ni ɔa mhue ozughu*

<sup>26</sup> Inyɔghuo, abi mhi ri ona ngme khi, ini a lona kugbe shi ugamhi, ni ɔghuo ɔ rɔ mhɔli uwolo, okekhi khi ɔghuo ɔ mhɔli emini ɔ sɛsɛ, okekhi irɔkhasɛ ɔlese ɔ mhɔli, okekhi ɛmuɛ ɔda ɔlese ɔɔ ngme, okekhi aguele emini a ri oni ɛmuɛ ɔlese ngme mhɔli. A riɛɛ enana nya rɔ kpaghiɛ igbaa oyi eni e mie iJesu iKirisiti suɔ obo. <sup>27</sup> Ini ɔgbɔ ɔ ya ngme ɛmuɛ ɔda, ɛgbɔ aava tɛsɛ e lɛsɛ ngme, ini ɛ khi e bu dɔsɛ, e khi aasɛ. Ama ɔtuɔghuo ɔghuo ɔ kpɛ ke ngme, ɔgbɔɛsɛ ɔɔ guele abi ɔɔ ngme. <sup>28</sup> Ini ɔ khia khi ɔgbɔ ɔa la oni igba oyi eni e miesuɔ ni ɔ ya ke mie ɔli emini ɔɔ ngme guele, ɔni ɔɔ ngme ungmehi ɛmuɛ ɔda ɔghɔ ɔ khukhu unu, ɔ lɛsɛ nu egbɔli ali ɛshinɛgba ke ngme.

\* **14:21** Li zɛ Aza 28.11-12

29 Emekeguele aava okekhi aase e dobe ya ke ngme, egbo enekpole e ku eso-a ni e lese abi e ngme. 30 O kha ke khia khi a ri irokhasa khasa ogboese ni o shito oni ilegba, oni o kpe ngme egbo, o mu migha. 31 Ee nya a dobe ya meguele, ama o khi otuoghwo oghwo, ni enekpole e wena ali ni a ri udu shi we o. 32 Eni e mhue ayemhe imeguele e ke ri eghenge na egbe ro ngme ini ayemhe imeguele o la we egbe e gbe akanya. 33 Irari khi Eshinegba o a khi ona ozughu, ama oyi opfomhe. Abi o li shi elemhi igba oyi eni miesuo nya.

34 Ikpotsa e ke khukhu unu ini igbaa oyi eni e mie iJesu iKirisiti suo e legba, abi o li shi igbaa oyi eni e mie iJesu iKirisiti suo elese nya. A khi ze we ngme, e ri ochogho ke deba omhese, abi ushi o ngme.† 35 Ini e nono ni wewe e lese udi-ingme okhoghuo, e la apfe mhila edowe. Emhi omama o khi ni okpotsa o ro la ilegba igbaa oyi eni e mie iJesu iKirisiti suo ngme.

36 Abi khi oba oye e ungmehi oyi Eshinegba o te gba ekele, abi khi ee ghwo o lese ramhi egbe? 37 Ini ogbokhoghuo o sa khi omekeguele loli khi, okekhi khi eri o lie khi loli mholi ayemhe ni o pfuase, o mema ya lese khi emini mhi keke e ghi e ena khi ushi oyi Onomhue lo. 38 Ama ini ogbokhoghuo o ri eloe gbe ungmehi ona, a li ri eloe gbe oli.

39 Irarigho, inyoghwo-mhe, a ke nono ni a meguele, ama emue o da ingmengme, o khi khi ighuighue. 40 A ke ri ele emhikpa te ode ni o a mhue ozughu.

## 15

### *Iröte eghuli guale oyi iKirisiti*

1 Mena mhia nono ni mhi yele e le inyoghwo, ingme usomhi onete ni mhi ro tse abo ye e ni a miesuo, ni irudunga oye e o migha nga egbegbo. 2 Oni usomhi onete ona a ro tsumhi e, ini a da mu emini mhi ro tse abo ye e mhue toto. Ini o a khi igho, eri a miesuo shi afue.

3 Abi mhi li te eke mie oni usomhi ni o lolo mu eloe, igho mhi li gue oli ye e. Usomhi khi,

iKirisiti o ghu-a

to olamhe eyawa

abi a li keke oli

shi Ebe-no-pfuase.\* 4 Khi a roli to,

a rote eghuli guise oli le

ele nuzi-ese,

abi Ebe-no-pfuase o ngme.†

5 O ri egboli khasa iPita,

o tigbe ri egboli khasa eni ogbava.‡

6 O tigbe ri egboli khasa,

egbo ni e miesuo ni e bu dose

egbo egbhue uye ali ishe (500),

ni e la asheghwo utoghwo,

ni o khia khi ebubu we

e kie la agbo,

eghuo o e she ghua.

7 O tigbe ri egboli khasa iJemhisi,

neni o tigbe gbo

ri egboli khasa ighiusomhi na kee nya.

8 Ikpukhokho o, o li ri egboli khasa mhe abi om o ni a bia shi eghenge ni aa kha bia li shi. § 9 Irari khi mheme mhi ga kpoke na ighiusomhi na kee enekpole nya a. Mhi aa fe fu te ni a lu aghiusomhi na kee, itobo khi mhi mu okholi vule shi igbaa oyi eni e mie iJesu iKirisiti suo oyi Eshinegba o.\* 10 Ama okhale ni mhia fute ni Eshinegba o li na mhe o remhe khi emini mhi khi. Ali khi okhale ni o li na mhe o a li opfu-a. Ini a ke gbo ri ele oli bino, mhi she ga roshaka gbe akanya dose we nya. Ama o a khi mheme mhi dobe gbe oli, ama okhale oyi Eshinegba ni o la mhe egbe a gbe akanya lo. 11 Itobo igho, ini o khia khi wewe e tsabo oni usomhi, okekhi oba oye mhe o te bhale o, ungmehi oghwo anye kie ga ro o tse abo, ni o khi emini a mie shi.

### *Iröte eghuli guale oyi eni eghua*

12 Usomhi oyanye na. A she rote eghuli guise iKirisiti le. Elo o ke ze khi eghwo e e ro lie khi iteghuli guale oyi eni e ghu-a o a la o sho? 13 Ini iröte eghuli guise eni e ghu-a le o a la o, ogho khi aa guise iKirisiti le. 14 Ini o khia khi aa rote eghuli guise iKirisiti le lo, itsabo oyawa, afue o kha khi, igho li khi irudunga oyawa. 15 O a khi igho tse, eni e pfi otsele kie egbholi ma Eshinegba anye

† 14:34 Li ze Igbae 3.16 \* 15:3 Li ze Aza 53.5-12 † 15:4 Li ze Iwolo 16.8-10; iMat 12.40; Ika 2.24-32 ‡ 15:5 Li ze iMat 28.16-17; iMak 16.14; iLuk 24.34,36; iJon 20.19 § 15:8 Li ze Ika 9.3-6 \* 15:9 Li ze Ika 8.3

kha khi. Irari khi anye she kpẹ pfi ọtsele guelle na Eshinegba khi ọ rọte eghuli guise iKirisiti le. Ini o khia khi igesikia o kha khi lo khi aa ya guise eni e ghu-a le lo, eri o kha rokhasẹ khi ọa guise iKirisiti le. <sup>16</sup> Irari khi ini aa ya guise eni e ghu-a le, aa li guise iKirisiti le o li khi egho. <sup>17</sup> Ini o khia khi aa guise iKirisiti le, irudunga oyẹẹ ọa kha mhue emini o kha li na e. Eẹ a kha kie la okhena ipfezomu shi olamhe eyee. <sup>18</sup> Ogho li khia khi, eni e ghuloa ni e mie iKirisiti suo khi eri e li li opfu-a. <sup>19</sup> Ini o khia khi agbo ana tse, irudushi ni awa mhue na iKirisiti o pfo shi lo, awa a opfu o kha bie gbẹ ne nya.

<sup>20</sup> Egbegbi ingme ni o la ọ khi, a she rọte eghuli guise iKirisiti le, ni o ri awa mie shi ọ khi a ya gbo guise eni e ghu-a le. <sup>21</sup> Irari khi abi eghuli o rọte obọ oyi ogho ọtuoghwo bhale ikhi Adamu, igho irọte eghuli guise le o li rọte obọ oyi ogho ọtuoghwo bhale ikhi iKirisiti. <sup>22</sup> Irari khi abi egbokpa e li rọte obọ oyi Adamu ghu-a, igho a li ya rọte eghuli guise oghokpa le, rọte obọ oyi iKirisiti. <sup>23</sup> Ama a ya guise oghogbo le abi o li te ọli, iKirisiti ọ khi oni odode, ọ kha nyene egbe bhale, a tigbe li guise eni e mie oli suo le. <sup>24</sup> Ishegho ozukhomhi agbo o bhale, ini iKirisiti ọ mu ekpabo ayemhe nya ọ le, ali eni e mhue afu ali itoto nya, ọ tigbe rue oni omhesẹ nya na Eshinegba ita. <sup>25</sup> Irari khi iKirisiti ọ ya ke mhese ramhi ni Eshinegba ọ ro ya ri ebe ọli nya kpoke ekoawe eyoli.† <sup>26</sup> Obe ni ọ ya kpukhokho mu ọ le khi, eghuli. <sup>27</sup> Irari khi Ebe-no-pfuase o ngme ọli khi “Eshinegba ọ ri emhikpa kpoke ekoawe eyoli.” Onana o roli khasẹ gbo khi aa li ri Eshinegba ma ọ ro kpoke na iKirisiti, ikhi loli ni ọ ri emhikpa kpoke ekoawe eyi iKirisiti.‡ <sup>28</sup> Itobo khi ini a da ri emhikpa shi omhesẹ oyi iKirisiti se, eghẹghẹ agho loli oyoli ni ọ khi omioli, o ri egboli kpoke na Eshinegba, oni ọ ri emhikpa kpoke na li. Eshinegba ọ mhese e shi emhi nya.

<sup>29</sup> Elo ze ni egbo e ro ọ batazi na egbo ni e she ghu-a? Ini aa ya guise eni e ghua le, elo o ze ni a ro batazi shi na we? <sup>30</sup> Elo o ze ni anye ro ri agbo oyanye e shi okhena eghẹghẹ kpa? <sup>31</sup> Anye e la okhena eghuli oghẹleka! Ititiegbe ni mhi ri itobo oye e

titi, irari emini iJesu iKirisiti oyawa ọ riẹle na e, o remhe ngme ona. <sup>32</sup> Elo a dabi khi o khi eleli oyemhe ni mhi ro nu inyagbemhi ebe, ikhi emose egho na eoli Efesosi kholi? Ini aa ya guise eni e ghua le bhale agbo, Awa bie ke le awa a da,

irari khi awa ya ghu-a ako.§

<sup>33</sup> Khi ze ni a sese wase-a. “Ikugbe egbo ebe ọ, o ma yese egbegbi angeli-a.” <sup>34</sup> Nyene egbe bhale eghali eye, a tiegbe olamhe le. Eghuo e e la ọ ni ea lese Eshinegba. Ni o ri omama mu e, mhi ro ngme ona.

### *Idiegbe ni a rọte eghuli guise le*

<sup>35</sup> Ama ogho ọ dobe ya mhila ogho, “Se e liẹ guise eni e ghu-a le bhale agbo? Idiegbe onabi onoghwo e ke ya mholi?” <sup>36</sup> Yeye oyeghe! Waa lese khi emini a ro ko ọa ya ze ini ọa li kpẹ ghua? <sup>37</sup> Ini a ri ukpamhi okpa ko, ọa ke e ze ukpamhi nge, ama ughẹghẹ ọli o ke ze ngale. <sup>38</sup> Eshinegba ọ ri idiegbe e na ikpamhi abi o ghole ọli shi, ikpamhi emhi nya e mholi idiegbe oyewe. <sup>39</sup> Idiegbe oyi emhi nya e li abeghuo. Egbo e mholi idiegbe oghuo, elamhako e mholi idiegbe olese, ipfeli ali ifele e mholi idiegbe eyewe. <sup>40</sup> Emhi ododa e la idane, emhi ododa e li la ekekhe. Otse oyi emhi na idane, o khi oghuo, otse ni o la emini e la ekekhe o khi oda. <sup>41</sup> Ovo o mholi otse oyoli oda ke, uki o mholi otse olese, ikpetata e mholi otse olese oda. Eni ikpetata e gbo somhotse dose egbe. <sup>42</sup> Igho o ya li ini a guise eni e ghu-a le. Idiegbe ni a ro to, eni e ke e khi ni a ro to. Ama eri a guise ọli le ni ọa ke ya kea ghue. <sup>43</sup> Ini a roli to, o yemhi osue, ọa mhue itoto, ama ini a guise ọli le o somhotse-a, o mhue itoto. <sup>44</sup> Ini a roli to, o khi idiegbe ni a me alo gbugbugbu. Ini a guise ọli le, o khi idiegbe ayemhe.

Ini idiegbe ni a me alo gbugbugbu o la ọ, idiegbe elemhi ayemhe o li la ọ. <sup>45</sup> Abi a li keke ọli khi, “Omose onodode Adamu, eri a ma li ogho ni ọ mholi ayemhe.” Ama khi Adamu ni o kpe ukhokho, ayemhe ni ọ ri agbo a na ogho ọ khi.\* <sup>46</sup> Oa khi idiegbe ayemhe o kpẹ bhale, ama oni a me alo gbugbugbu, neni a me oyi ayemhe. <sup>47</sup> Adamu,

† 15:25 Li ze Iwolo 110.1 ‡ 15:27 Li ze Iwolo 8.6 § 15:32 Li ze Aza 22.13 \* 15:45 Li ze Igbae 2.7

omose onodode, itutu ena eke a ro ma li, Adamu onuzava iloghie o te tiemhile. <sup>48</sup> Eni e khi eyi eke, eri e li abi eni a ri itutu eyi eke ma, eni e khi eyi iloghie eri e li abi eni e rote iloghie bhale. <sup>49</sup> Ezeze abi awa li ri irokhokho oyi omose ni a ri eke ma so, igho awa gbo li ya ri irokhokho oyi omose ni o rote idane bhale so.

<sup>50</sup> Mhi gue ona ye e inyoghuo khi, emhi idiegbe ali emhi oia ea ya lo Eghiele oyi Eshinegba. U ke-lye khi eri idiegbe ni oo ke-a, o ke ya mholi okemhi shi oni iloghie ni oa ya kea. <sup>51</sup> A ri esọ shi egbegbingme osheli ona. Awa nya awa aa ya ghua, ama ini akala ni o kpukhokho o de, a ya mu awa mela-a, bia, <sup>52</sup> elemhi ikoko alo khueghie-a, ini oni akala ni o kpukhokho o de. Irari khi akala o ya de, eni e ghu-a e ya ri idiegbe ni oa ya kea guale, a ya mu we mela-a.† <sup>53</sup> Irari khi idiegbe ni oo ke-a o mema ya ri idiegbe ni oa ya ke so, oni oo ghu o ri idiegbe ni oa ya ghu so. <sup>54</sup> Ishegho, ini idiegbe ni oo ke-a o ri idiegbe ni oa ya ke so se, ni idiegbe ni oo ghu o ro ri idiegbe ni oa ya ghu so se, ungmehi ni ebe o ngme o bhale ya tse ni o li khi,

“A she to eghuli lue  
elemhi imuole.”‡

<sup>55</sup> “Eghuli o, ighe imuole  
ni u ke dobe ya mu o le mena?”

Eghuli o! Ighe ekpabo eye mena?”§

<sup>56</sup> Olamhe o ri ekpabo na utamhi oyi eghuli e ta, ni o ro kualu utse, olamhe o rote ushi mholi ekpabo. <sup>57</sup> Ama awa kphemhi na Eshinegba ni o ri imuole na awa rote obo oyi iJesu iKirisiti Onomhue oyawa.

<sup>58</sup> Irarigho, inyoghuo a migha gbaa. Agbe akanya oyi Onomhue oyi e ke je odalo, abi a ro lese khi akanya ni u da gbe na Onomhue khi oa khi afue.

## 16

*Ukpaghọ ni a mie ghi igbaa oyi eni e mie iJesu iKirisiti suọ na iJerusalemu*

<sup>1</sup> Ni mhi ro ngme nga ingme ikpaghọ ni a mie ni a ro ya kpaghie igbaa nya eyi eni e mie iJesu iKirisiti suọ ni e la eke iJudia obo,

ni a keke shi ebe ghi mhe. A ke li abi mhi gueye igbaa oyi eni e mie iJesu iKirisiti suọ ni e la eke iGalesha e li ke rieje.\* <sup>2</sup> Uka khi uka kpa, a ke rote ikpaghọ ni a gbe, rue shi asheghuo abi ogbogbo o mhue, ini a khi gbo ke zela ikpaghọ elese ini mhi bhale. <sup>3</sup> Ini mhi bhale, mhi ya keke ebe na egbo ni a ze, mhi keke shi o khi wewe a ghie, e tsua isomhopfa eyeje iJerusalemu. <sup>4</sup> Ini o ke khia khi o ti ni mhi li ye, anye ga kia.

### *Omhesẹ ni iPolu o mhese*

<sup>5</sup> Mhi ya bhale ya me e ini mhi rote iMasionia dose se.† <sup>6</sup> Mhi nu e ya la denẹ. Otse, mhi ga la agho okase nya. Eghẹghẹ agho a ke ri ukpaghọ kpaghie mhe obo je obiobini mhi ke ya je. <sup>7</sup> Mhi aa nono ni mhi me e eloe memena, mhi aa nono ni mhi lese te agho dose tse. Mhia nono ni mhi nu e shito tese ukukuọ ini Eshinegba o lama. <sup>8</sup> Mhi ya la Efesosi ramhi ele ukpe iPetikositi,‡ <sup>9</sup> irari khi asha oniemhi o khueghie-a na mhe shi ana ni mhi ro me asha gbe akanya Eshinegba. Ama khi eni e mu okhue vule shi mhe o e bu.§

<sup>10</sup> Ini iTimoti o bhale, a lolo mu oli epfese, irari oni o gbe akanya na Eshinegba nabi mhemhe o li khi.\* <sup>11</sup> Ogbokhoghuo o khi ri eloe gbe oli, ama a kpaghie oli obo ni o ro dobe ti okiali eyoli je odalo shi opfomhe, ni o dobe bhale deba mhe. Mhia khe oli, ali inyoghuo enekpole.

<sup>12</sup> Ingme oyi Apolosi. Eri mhi ga lolo ye oli ude o ko ya fele e, loli ali inyoghuo enekpole. Ama oa ghole oli ni o ro ye memena, ama ini o mhue oni eghẹghẹ, o ya bhale.

<sup>13</sup> A ke to eloe eke, a migha gbaa shi irudunga, a khi egbo ni e mholi aye, a khi eni e toto. <sup>14</sup> A ri inono ke gbe ikanya eye nya.

<sup>15</sup> A lese khi iSitefanasi ali omhue-apfe oyoli nya, e kpe todode khi eni e miesuo shi obini eke Akhaya. E she ri egbewe na ugamhi oyi egbo ni a pfa na. Mhi lema e,† <sup>16</sup> a ke nyese ukhomhi na omhesẹ oyi egbo eghoghọ ali ogboese ni e nu we e gbe ikanya eghoghọ.

† 15:52 Li ze 1 iTesa 4.15-17 ‡ 15:54 Li ze Aza 25.8

† 16:5 Li ze Ika 19.21 ‡ 16:8 Li ze iLev 23.15-21; iDeut 16.9-11 § 16:9 Li ze Ika 19.8-10 \* 16:1 Li ze iRom 15.25-26 \* 16:10 Li ze 1 iKori 4.17 † 16:15 Li ze 1 iKori 1.16

<sup>17</sup> Egbe e ma mu mhe shi ibhale oyi iSitefanasi ali iFotunatusi ali Akhaikusi irari wewe e ke to-eli e abi aa ro la akaghọ. <sup>18</sup> Eri e ri egbe mu mhe e ti ayemhe oyemhe nga, abi e ri egbe mu e. Egbọ enana, e ti ni a tse, e mu akanya.

<sup>19</sup> Igbaa nya eyi eni e mie iJesu iKirisiti suo eni e la eke Esha ee tse e. Akuila ali iPisilia ali igbaa oyi eni e mie iJesu iKirisiti suo ni e lona apfe oyewe, e li e tse e otse irudunga.† <sup>20</sup> Inyoghuo nya ni e la ana ee tse e. A ke tse egbe egbegbi otse a ghele mu egbe. <sup>21</sup> Mhemhe iPolu mhi ga ri obọ ma ebe ona. <sup>22</sup> Oni ọa da nono ingme oyi Onomhue ne, Eshinegba ọ ya pfa ezo mu oli. Mhi lema, Onomhue ọ kele bhale. <sup>23</sup> Okhale oyi iJesu Onomhue o ke deba e.

<sup>24</sup> Inono oyemhe o ka nu e la nya ni a khi eyi iJesu iKirisiti. Atse.

---

† 16:19 Li ze lka 18.2

## Ebe onuzi-eva ni iPolu o keke ghi egbo iKoritia Eni e miesuo

<sup>1</sup> Mhemhe iPolu, aghiusomhi na kee oyi iJesu iKirisiti ni Eshinegba o ze abi o ghole oli shi mhi khi, li shi inyoghwo awa iTimoti. Mhemhe mhi keke ebe ona ghi igbaa oyi eni e mie iJesu iKirisiti suo onayi Eshinegba ni e la eoli iKoriti ali eni a pfa na nya ni e la eke Akhaya.\*

<sup>2</sup> Mhi lema Eshinegba ita awa ali iJesu iKirisiti Onomhue e ka li okhale na e, e ri opfomhe na e.

### *Eshinegba ona irudushi nya*

<sup>3</sup> Awa kueghie Eshinegba, ni o khi ita iJesu iKirisiti Onomhue oyawa, lolu o khi ita ona ilelemhi, ni o khi Eshinegba na irudusho nya. <sup>4</sup> Lolli o ri udu e shi awa o ini awa la osoli khi osoli, ni awa li dobe ri udu shi eni e la osoli o, ikhi irudusho onabi Eshinegba o ro shi awa o. <sup>5</sup> Itobo khi awa li nu iKirisiti me osoli ebubu eyoli, awa li ya rote obo oyi iKirisiti kemhi irudusho oyi Eshinegba ni o gbeku o. <sup>6</sup> Anye kha me osoli, ni a ro mholi irudusho ali imiepfuese lo. Okekha khi eri a ri udu shi anye o, ee a ri udu shi o, ni o re e mholi irabomudu ri egbe mie osoli onabi anye li ri egbe mie. <sup>7</sup> Iregbenga ni anye regbenga e, o kie migha, itobo khi anye lese khi abi a li nu anye me osoli eyi anye, igho a li nu anye mholi okemhi shi irudusho oyanye.

<sup>8</sup> Inyoghwo, anye e nono ni a lese osoli ni anye me obini Esha. Eri anye me ukpokpomhi omunu ni o ne anye abo. Ni o khia khi eri anye ke khena egbe anye eghuli ukhomhi.† <sup>9</sup> Eri anye she ri oli shi udu khi eni eghuli o mema ke ya gbe anye ke khi. Eri a me ona ini anye khi regbenga egbe anye, se ni Eshinegba tse ni oo guise oni o ghu-a le. <sup>10</sup> Lolli o rue anye okhena eghuli ukhomhi le, o ya rue awa o le. Lolli awa ri udu nga khi o ya gbo rue awa o le. <sup>11</sup> A li ri iromhi ke kpaghie anye obo, ini ebubu

egbo e me asha ri itobo oyanye kphemhi na Eshinegba, oni o pfo udu ri iromhi ni ebubu egbo e so a tse.

### *IPolu o mu ugbamhi eyoli pfi*

<sup>12</sup> Anye ma tono obo udu shi o, udu oyi anye ni oo gue anye ezoo o gbo pfi otsese shi o, khi, angeli oyanye elemhi agbo ona ali angeli ni anye nu e ngeli, khi ikhueghie elemhi-a ali igesikia oyi Eshinegba o ri anye e gbe akanya. Oa khi ileasingme agbo anye te rielee ona, ama okhale oyi Eshinegba a ro rielee oli. <sup>13-14</sup> Emini a dobe ya ze, ni o ya gbo lo e eso anye keke ghi e. O kha rie khia khi emini anye e ngme oa lo e eso pfo ne, anye mholi o shi udu khi o ya lo e eso pfo nya eleele, ni a ri anye ke tono obo udu, abi anye li re e ya ke tono obo udu, ogbele oyi iJesu Onomhue oyawa.

<sup>15</sup> Itobo khi mhi aa mholi akhokhomhe shi ona, mhi ro nono ni mhi kpe bhale ya bino e, ni a mholi ikhivose asha eva. <sup>16</sup> Mhi she gba li khi mhi bhale ya bino e ini mhia le iMasidonia ali ini mhia jele, ni mhi me asha mie e ikpagho ro ye eke iJudia.‡ <sup>17</sup> Eri a dabi khi mhia dobe ya lie khi emini mhi ya rielee na, ni mhi rielee oli? Abi khi eri mhi li abi ogbo ni o khe, "Ii." O gbolo e, "Iiye." Ini mhi ba rielee oghuemhe oyi ogbo? <sup>18</sup> Abi ungmehi oyi Eshinegba o migha shi igesikia, igho emini mhi gueye e oa li khi unu eva ni o ri utoghwo lie "Ii." Ali "Iiye." <sup>19</sup> Itobo khi iJesu iKirisiti Omi Eshinegba ni mhemhe ali iSivanosi ali iTimoti anye ro tse abo ye e, oa khi, "Ii." Ali "Iiye," eghenge oghuo. Ama Eshinegba "Ii," o khi.§ <sup>20</sup> Irari khi emiemini Eshinegba o ro nga nya, iJesu iKirisiti o rewe nya khi, "Ii." Irarigho, rote iJesu iKirisiti awa te e mie "Atse." Ni anye ro ri ufumhi na Eshinegba. <sup>21</sup> Ama Eshinegba o ri anye ali ee migha elemhi iKirisiti. Lolli o ze awa. <sup>22</sup> O she shi olele oyoli shi awa egbe. O ri Ayemhe-no-pfuase shi awa udu abi olele ni o khi iyobo shi emini Eshinegba o ya rielee na awa. <sup>23</sup> Ama mhi ze Eshinegba otsese, lolli o lese udu oyemhe. Itobo khi mhi aa nono ni mhi ri elemhi ibibi nu e ngme, lolli mhi aa ro ke ye iKoriti. <sup>24</sup> Oa khi eri anye ri ekpabo gueye e emini a ya miesuo. Anye lese khi a

\* 1:1 Li ze Ika 18.1 † 1:8 Li ze 1 iKori 15.32 ‡ 1:16 Li ze Ika 19.21 § 1:19 Li ze Ika 18.5

migha gbagbagba shi irudunga. Itobọ ni a mhọli oghẹlẹ anye rọ nu ẹ gbe akanya.

## 2

<sup>1</sup> Lọli o zẹ ni mhi rọọ khi, mhi aa ke gbo ya bhale deba ẹ, ini mhi khi yese ẹ udu-a. <sup>2</sup> Ini mhi yese ẹ udu-a, oghuo ọ la akagho ni ọ ya ri egbe mu ẹ. Sẹ ni oni ogbọ ni mhi yese udu-a. <sup>3</sup> Lọli o zẹ ni mhi rọ keke ebe ogho ghi ẹ, itobọ khi mhi aa nono ni mhi bhale ya mẹ iyese-udu-a obọ eyi eni e kha remhẹ ghele. Irari khi mhi lesẹ khi ini mhia ghele eghẹghẹ agho, ẹẹ a liẹ ke ghele. <sup>4</sup> Elemhi ukpokpomhi osoli ali amẹ eviẹ mhi te ẹ keke ebe ona ghi ẹ, ọa khi eri mhiẹ ni udu o ba yese ẹ-a, ama ni a rọ lesẹ abi mhi nono ingme oyẹ nya ramhi. <sup>5</sup> Ama ini ogbokhoghuo ọ pfi iyese udu-a, ọa khi mhẹmhe ọ mema lolo yese udu-a, ama ẹẹ nya ọ rọte opfoghuo yese udu-a. Ama khi, mhia nono ni mhi ngme ọli ze dọsẹ ana. <sup>6</sup> Osoli ni ebubu ẹ e lama shi a na ogbọ ọnana, e bu. <sup>7</sup> Ama a rọ topfa li a gbo ri udu shi ọli ọ, ini ọ khi yese udu-a dọsẹ ode, ni o te ya pfanọ ku ọli alo. <sup>8</sup> Mhi lema ẹ, a zẹ ni ọ lesẹ khi egbegbo a nono ingme oyọli. <sup>9</sup> Eri mhi mu ẹ fẹ bino ni mẹ ini a ri ungmehi oyemhẹ ya gbe akanya. <sup>10</sup> Ini a rọ topfa ogbokhoghuo shi emini ọ riele, mhẹmhe mhi li rọ topfa li. Ini o khia khi mhi mhue emini mhi kha rọ topfa, mhi she rọ topfa. iKirisiti ọ khi ọtsẹlẹ oyemhẹ khi mhi she rọ topfa. <sup>11</sup> Eghẹghẹ agho, okphaghiẹ ọa mẹ ashikhoghuo regbenga dobe mu awa ọ ya le, itobọ khi awa aa khi eni ẹa lesẹ igbamhi eyi okphaghiẹ.

### *Egbe akanya ena ishobọ onogbo*

<sup>12</sup> Abi mhi rọ bhale iTiroasi ya gue usomhi onete oyi iKirisiti le, mhi mẹ ọli khi Eshinegba ọ khueghie ode-a na mẹ shi akanya oyọli, shi oobọ. <sup>13</sup> Udu oyemhẹ ọa sheshe, itobọ khi mhi aa mẹ iTatosi oobọ. Igho mhi tse egbo ena obọ okhila, mhi ya je iMasidonia.\*

<sup>14</sup> Ama, awa kueghie Eshinegba. Lọli ọ zẹ ni iKirisiti ọ rọ ri awa la orọlọ ni a la mie obọ abi eni e mu ọ le. Ọ ri awa ri ileşẹ oyi iKirisiti ẹ gbhiaku asha kpa abi ikphela.

<sup>15</sup> Eshinegba ọ she ri awa mele ighiusomhi eyọli-a, ni awa ba ri usomhi onete oyọli gbhiaku asha kpa, abi ikphela oyi ituale ni ọọ pfi e liẹ gbhiaku, ni o lo iteva egbo eni a mie ẹ pfuese ali eni ẹ nono ni wewe e pfua.

<sup>16</sup> Uwemhi úgbọ oyi eghuli, usomhi oyawa ona o khi shi eni e ya pfua, ama upfiemhi oyi agbo o khi shi eni a mie ẹ pfuese ọ. Oghuo ọ dobe gbe onana? <sup>17</sup> Anye aa khi eni e ri ungmehi oyi Eshinegba nono epfue abi egbo eghuo ẹ li. Ama ighiusomhi eyi Eshinegba ni e ri igesikia ngme ungmehi oyọli anye khi. Ekpabọ oyi iKirisiti anye rọ gue usomhi oyanye le. Eshinegba ọ khi ọtsẹlẹ oyanye.

## 3

### *Eni ẹẹ ga ena ishobọ onogbo*

<sup>1</sup> Ọa ya li abine khi eri anye ke ẹ titi egbe anye mena? Anye ẹa li abi eni ẹ mie ebe ni a titi we shi neni e tsabọ ungmehi ye ẹ, ali ni e kha gbolo te agho vu e gbo mie ẹ ebe oghoghọ olese? Anye ẹa mhọli emini anye ri ebe eghoghọ ọ riele. <sup>2</sup> Eẹ oyẹ ẹ a khi ebe oyanye ni a keke shi ekelemhi udu oyi anye ni egbo nya e mẹ ẹẹ zẹ. <sup>3</sup> Eri o rọkhasẹ khi ebe ni iKirisiti lolighuo ọ keke, a khi. Itobọ khi a mie itsabọ ungmehi oyanye suọ. Ọa khi ogbọ ọ ri atsu keke ẹ shi ebe, ama Ayemhẹ oyi Eshinegba ọ keke ẹ. Ọa khi ukiekiemhi eche ọ keke ẹ shi ama elemhi udu oyi egbo.\*

<sup>4</sup> Onana o khi iregbenga ni anye mhọli na Eshinegba rọte obọ oyi iKirisiti. <sup>5</sup> Ọa khia khi eri anye ghọ gue ẹ gbe oni akanya ona, ama Eshinegba ọ ri iguegbe-akanya ona na anye. <sup>6</sup> Lọli ọ ri anye khi eguegbe oyi akanya igue ungmehi oyọli le, na ishobọ onogbo, ni ọa khi oni a keke shi ebe, ama ena elemhi Ayemhẹ. Irari khi emini a keke shi ebe, eri o ri eghuli ẹ bhale, ama Ayemhẹ o ri agbo a na ogbọ.†

<sup>7</sup> Ushi oyi iMosisi ni o ri eghuli bhale, ni a keke shi ikiekiemhi eche, ufumhi ni o ge nyanyanya, ni ọọ kala, o deba bhale. Ini oni ufumhi ona ni o zẹ khi egbo iZireni ẹa ke dobe ẹ bino iMosisi alo ukhomhi tatata, o kala,‡ <sup>8</sup> Sẹ ufumhi oyi ikanya eyi Ayemhẹ

\* **2:13** Li zẹ Ika 20.1    \* **3:3** Li zẹ Okiali 24.12; iJere 31.33; Ezik 11.19; 36.26    † **3:6** Li zẹ iJere 31.31    ‡ **3:7** Li zẹ Okiali 34.29



ni o ri agbọ a na oḡbọ o ke bẹshi ya li? <sup>9</sup> Ini ufumhi o la ugamhi ni o ri eghuli ẹ bhale, seẹ ugamhi ni o ri ipfuase ẹ bhale ọa li ya mhọli ufumhi oni o fune? <sup>10</sup> Itobọ ona, awa doḡe ya liẹ khi emini o kpẹ lighọ mhọli ufumhi ni o gẹ nyanyanya ẹlele, ọa ke mhọli ufumhi, itobọ ufumhi oyi emini o ke to-ẹoli ọli. <sup>11</sup> Ini emini oo kala, o mhọli ufumhi, seẹ ufumhi ni o la oni o migha agbọagbọ ọọ liẹ fu ne.

<sup>12</sup> Itobọ khi anye mhọli oni irudushi ona anye rọ li ghọ mhọli igbeudu. <sup>13</sup> Anye ẹa li abi iMosisi ọ li, ni o ri ijeḡeti ku alo ini ẹgbọ iZireni e khi mẹ abi oni ufumhi ni oo gẹ nyanyanya oghọ, ọ li i kala li alo-a. <sup>14</sup> Ama eri a guese wẹ udu, irari khi ramhi amo, eri a kie ri oni ijeḡeti oghọ ku wẹ alo, ini ẹẹ zẹ ebe ishobọ ona ẹlele. Ini oḡbọ ọ rọ ghi iKirisiti ko tse, ọ rọ ọ rue oḡbọ oni ijeḡeti alo-a. <sup>15</sup> Ighọ o kie li ogbe na amo, eri ijeḡeti o kie guese wẹ udu ini ẹẹ zẹ oni Ushi oyi iMosisi. <sup>16</sup> Ama ini oḡbọ da mupfi bhale deba Onomhue ne, ọ rue ọli oni ijeḡeti ode-a.\* <sup>17</sup> Onomhue ni a ngme shi akana ena, lọli khi iKirisiti, Ayemhe oyọli ọ te ẹ gbe akanya, ali khi ashini Ayemhe oyi Onomhue o da la ne, ẹpfua o la akaghọ. <sup>18</sup> Alo eyawa nya ni aa ri ijeḡeti ku, o ri ufumhi oyi Onomhue ẹ gẹ nyanyanya abi ughegbe. Oni ufumhi oghọ, obọ oyi Onomhue o te bhale, ni ọ khi oni Ayemhe. Lọli ọ mu awa pfi ya li abi lọli, rọte ufumhi ni o rue ẹ nga ọ.

## 4

### *Osoli ali ọsuemhe ni e la akanya oyi iKirisiti*

<sup>1</sup> Irarighọ, aborokhia khi ilelemhi oyi Eshinegba anye rọ mie akanya igue ungmemhi le ona eghọ, lọli egbe ẹa rọ pfo anye-a. <sup>2</sup> Eri anye ri ochoghọ she kie angeli osheli ali omama. Anye ẹa ya ngeli angeli ikpamhika wẹkhi eri anye ẹ mu ungmemhi oyi Eshinegba ukhomhi pfi kpọke. Ochoghọ eri anye ri emini e khi igesikia khasẹ gboo, abi o khi shi ukpelo e oyi Eshinegba. Onana o ri ẹgbọ mie shi ọ khi eni a ri egbe ẹ nga anye khi rọte udu oyewẹ ni ọọ gue wẹ ẹzo. <sup>3</sup> A kha usomhi onete ni anye gue ẹ le sheli, eri

a rọli sheli na eni e ya pfua. <sup>4</sup> Okphaghie ni ọọ mhesẹ ẹ shi agbọ ona, ọ she zuse ẹgbọ ni ẹa miesuo udu ini e khi mẹ ẹkpá ali ufumhi ni o la usomhi onete oyi iKirisiti, oni lọli ali Eshinegba e li abeghuo tee. <sup>5</sup> Irari khi anye aa ri egbe anye tse abọ, ama iJesu iKirisiti anye rọ ọ tse abọ, khi lọli ọ khi Onomhue, ali khi eni ẹẹ ga enaye ẹ anye khi, irari oyi iJesu. <sup>6</sup> Ebe-no-pfuase ọọ, “Eshinegba ọ gueye ẹkpá o rọte alo ebili gẹ lasele.” Mena oni Eshinegba ọ ri ẹkpá oyọli ẹ gẹ shi elemhi udu oyanye, ni ẹẹ a rọ lẹse khi ufumhi oyelue khi, alo eyi iJesu iKirisiti a te ẹ mẹ ọli.\*

<sup>7</sup> Eri anye li abi akhe afue ni a ri oni ẹpfue onana shi. Ona o rọkhasẹ khi ekpabọ eniemhi, obọ oyi Eshinegba e te ẹ bhale, ọa khi obọ oyanye. <sup>8</sup> Isheghuo a na anye osoli, ama ọa pfuse anye-a. Isheghuo anye mhọli akhokhomhe, ama anye ẹa la okhena. <sup>9</sup> A mẹ anye omi olimhi ama Eshinegba ọa tsua anye pfi-a. A gbe anye de eke, ama anye ẹ ghua. <sup>10-11</sup> Ogbele kpa anye rọ la okhena eghuli itobọ oyi iJesu. Eri onana ni anye ẹ mẹ egbe o li abi irọkhokho eghuli ni iJesu ọ ghu, ẹgheghe aghọ ni ọ ri egbọli khasẹ elemhi agbọ oyanye. <sup>12</sup> Onana o guele khi akanya ni anye gbe ẹ na iJesu, eri o ri anye la okhena eghuli ogbelekpa, ama agbọ onogbọ o rọ ọ na ẹ. <sup>13</sup> Ebe-no-pfuase ọọ, “Irari khi mhi mhọli irudunga mhi rọ ngme.” Oni ayemhe irudunga onana, anye li rọ ngme.† <sup>14</sup> Anye lẹse khi Eshinegba ni ọ rọte eghuli guise iJesu Onomhue le bhale agbọ ọ ya li rọte eghuli guise anye le, o rue anye ali ẹẹ bhale odalo oyọli. <sup>15</sup> Itobọ oyẹẹ a rọ riẹle enana nya, ni ebubu ẹgbọ e lẹse okhale ni Eshinegba o li, isheghọ ni e ke sọ iromhi ikphemhi ri ufumhi na Eshinegba.

### *Agbọ irudunga*

<sup>16</sup> Itobọ onana, egbe ẹa tigbe ya pfo anye-a, ini anye ririẹ kuanọ-a pfo, ama ogbele kpa ekelemhi udu oyanye o rọ ọ khi onogbọ-a shi ọ. <sup>17</sup> Eri ikuku osoli ni ẹa ya tẹse eyi anye, e muno anye egbe ẹ khe ufumhi na agbọagbọ. Lọli o zẹ khi osoli eyi anye e li abi emhi afue shi anye ọ. <sup>18</sup> Emini áá mẹ ẹloe ẹa ya la ọ agbọagbọ, ama emini

§ 3:13 Li zẹ Okiali 34.33 \* 3:16 Li zẹ Okiali 34.34 \* 4:6 Li zẹ Igbae 1.3 † 4:13 Li zẹ Iwolo 116.10

aa ya me ɛloe eɛ la o agboagbo. Loli o ze khi anye ri udu oyanye shi emini aa ya me ɛloe.

## 5

### *Apfe oyawa na iloghie*

<sup>1</sup> Anye lese khi ini idiegbe oyanye ona, na elemhi agbo, ni o li abi okholo, o ghua, anye mholi idiegbe olese ni o rote obo oyi Eshinegba bhale. Ikhi idiegbe no o a ya ghu ni o la iloghie, owa ni o a khi abo a ro mama li. <sup>2</sup> Memena eri anye la oni elemhi idiegbe na agbo ona a to ekperumhe-a, irari khi eri o o ghole anye ni a kpha oni owa na iloghie so anye. <sup>3</sup> Itobo khi ini a roli so anye, anye ea ke ya la irumheba. <sup>4</sup> Irari khi abi anye kie li la idiegbe ona agbo ena, eri anye e to ekperumhe-a abi eni egbe e to. O a khi eri anye ea ke nono ni anye ke la oni idiegbe oyanye ona, ama eri o ghole anye ni a ri idiegbe na iloghie ni o a ya ghu ghue egho so anye. Eghoghe agho ni agbo o to idiegbe ni o o ghu lue elemhi imuole. <sup>5</sup> Eshinegba o ma anye shi agbo na agboagbo ona, loli o gbo ri oni Ayemhe shi anye egbe ni o khi iyobo khi loli ya ri ele emini o ro nga na awa. <sup>6</sup> Irarigho, anye ro o mholi igbedu eghoghe kpa.

Anye gbo lese khi ini anye kha da la apfe elemhi idiegbe oyanye ne, anye ea ke nu Onomhue la. <sup>7</sup> Ama irudunga o ri anye la agbo, o a khi emini anye ri ukpeloe me, o ri anye la agbo. <sup>8</sup> Udu oyanye o migha gbaa shi o, khi, oo kha ti anye ɛloe ni anye lase idiegbe oyanye ona le, ni anye nu Onomhue la apfe. <sup>9</sup> Irarigho, eri anye ro li shi udu oyanye khi anye mema ya ri ele emini o ghole oli, okekha khi anye ke la apfe elemhi idiegbe oyanye o, okekhi anye ea la apfe elemhi idiegbe oyanye. <sup>10</sup> Irari khi awa nya, awa mema bhale ya migha odalo ukpekhomhi iguezọ oyi iKirisiti, ni ogbogbo o ro mie ifata ni o khi oyoli, shi emini o ri ele abi o ro la idiegbe oyoli, shi oni o ti o, shi oni o a ti.\*

### *Akanya iri-egbo ali Eshinegba ri ele*

<sup>11</sup> Irarigho, aborokhia khi anye lese emini inulishi oyi Onomhue o khi egho, loli anye ro roshaka roli e lo egbo esọ. Emini anye khi

\* 5:10 Li ze iRom 14.10

o ga khueghie-a shi Eshinegba o, anye gbo sa khi o gbo ligho khueghie-a shi udu oye, ni o o gue e ezọ. <sup>12</sup> O a khi eri anye titi egbe anye e khas e, ama eri anye ri eghoghe e na e ni a me asha ri anye ke gha. Eghoghe agho ni a me emini a ya so egbo eni e ri emini ri ukpeloe e me e gha, ocho ni e kha ro ri emini e la udu, ke gha. <sup>13</sup> Ini anye ea ke lese emini anye e ri ele, irari oyi Eshinegba lo, anye kha ke lese emini e ri ele o, irari oye e lo. <sup>14</sup> Inono oyi iKirisiti o mhes e na anye, itobo khi anye me oli me khi o gbo otuoghuo o ghu-a na agbo nya, irarigho eri awa li ghu pfa olamhe. <sup>15</sup> Eri iKirisiti o ghua na ogbokpa ini eni e la agbo e khi ke la agbo na egbe we, ama ni e ke la agbo na oni o ghu-a ni a gbo guise le na we.

<sup>16</sup> Itobo igho, rote ana je odalo, anye ea ke ri ukpeloe ni egbo na agbo e ro bino egbo ke bino o gbo khoghuo. Ini o ririe khia khi anye kpe lina ri ukpeloe agbo bino iKirisiti eghoghe ni o dose, anye ea ke ligho. <sup>17</sup> Irarigho, ini o gbo o da she ku ma iKirisiti o ne, o gbo onogbo ni a lese ma o ke khi, agbo onodio o she dose, agbo onogbo o ke la. <sup>18</sup> Eshinegba o ga ri ele eni emhi enana nya. Loli o ri awa ni awa kpe khi ebe oli nu egbe oli ri ele, rote obo oyi iKirisiti. O ri akanya na awa, awa ro ke ri egboese nu lue ri ele. <sup>19</sup> Eri Eshinegba o ri egbo na agbo nya nu egbo i ri ele rote obo oyi iKirisiti, ni o khia khi Eshinegba o a ri olamhe mu ota so we. Igho o she ri usomhi ni a ro ri egbo ali Eshinegba a ri ele nga awa obo. <sup>20</sup> Irarigho eni e to eloli iKirisiti awa ke ri irarigho khi, ni o ro li abine khi eri Eshinegba o rote unu oyawa a lema egbo. Anye lema e na iKirisiti, a ka nu Eshinegba ro ri ele. <sup>21</sup> Eri Eshinegba o ri iKirisiti ni o mholi olamhe mele ona olamhe itobo oyawa, eghoghe agho, ni awa me asha rote iKirisiti mholi ipfuase oyi Eshinegba.

## 6

<sup>1</sup> Abi eni we we ali Eshinegba e ga a gbe akanya oghuo, anye lema e, a khi ze ni a mie okhale oyi Eshinegba shi afue. <sup>2</sup> Irari khi Eshinegba o o li e,  
“Abi eghoghe ni mhi ro ya

riẹlẹ isomhelemhi na ẹ,  
o rọ ramhi,  
mhi ri esọ shi ẹ eke,  
abi ogbẹlẹ imiepfuese  
oyẹẹ o rọ ramhi,  
mhi kpaghiẹ ẹ obọ.”

Mhi gueyẹ ẹ khi memena o khi ẹghẹghẹ  
isomhelemhi, amo khi ogbẹlẹ imiepfuese.\*

<sup>3</sup> Anye ẹa ya pfi ọzuode shi ọgbọkhoghhuo  
ode, ini ẹgbọ e khi mẹ emini ọa ti okhoghhuo  
gue shi akanya oyi Ẹshinẹgba ni anye ẹ  
gbe. <sup>4</sup> Ama abi ighumha eyi Ẹshinẹgba  
ni anye khi, eri anye ri emini anye khi  
khasẹ odekhode, abi anye li ri egbe mie  
osoli ali umhamẹ ali iyese-udu-a. <sup>5</sup> A gbe  
anye itali, a gbo mu anye shi ọgba-ighumha,  
a la onyaghu kuale anye utse, anye gbe  
akanya agbeghua, anye mhue umha-ke-  
lesẹ ali okiamhi.† <sup>6</sup> Ama anye kie la el-  
emhi ipfuase ali ilẹsẹ, ali irabomudu ali  
isomhelemhi, rọte Ayemhẹ-nọ-pfuase ali in-  
ono ni o rọte udu igesikia lasele. <sup>7</sup> Anye  
ẹ ngme ingmemhi igesikia, ali ekpabọ oyi  
Ẹshinẹgba o la anye egbe ẹ gbe akanya.  
Akhegbe oyanye khi igue-ngeli odalo oyi  
Ẹshinẹgba, abi okhọli-okhue ọ liẹ mu itsua  
okhọli mhue obita ali ọgobọ. <sup>8</sup> A ri ekpe  
na anye a gbo yeghe anye-a, a ngme onete  
oyanye, a gbo ngme onobe oyanye. Anye  
ẹgbọ igesikia, a lu anye elo-egbhue, <sup>9</sup> E li anye  
abi eni aa lesẹ, ama a kie lesẹ anye, a li anye  
abine khi eni e ghuloa anye khi, ama, a mẹ  
ọli mẹ khi anye kie la agbọ. A na anye osoli  
ama aa gbolo anye-a, <sup>10</sup> Anye mhọli iyese-  
elemhi-a, ama anye kiele e ghele, anye li  
abi eni ẹa mhue, ama eri anye ri ebubu  
ẹgbọ khi eni e pfue. Anye li abi eni ẹa mhọli  
emhi khoghhuo, ama emhikpa anye mhue.

<sup>11</sup> Ẹgbọ iKoriti, anye she ri igesikia nu  
ẹ ngme, anye khueghie udu oyi anye-a  
gbodogio deba ẹ. <sup>12</sup> Anye ẹa ti egbe je  
ukhokho inono ni anye mhọli na ẹẹ, ẹẹ tse  
àà ke nono anye. <sup>13</sup> Irarighọ, mhi nu ẹ  
ngme abi eniyẹ eyemhẹ, a li mhọli usamhi  
nabi anye sa deba ẹ na anye. A khueghie  
udu oyẹ ẹ-a na anye gbodogio.

<sup>14</sup> Khi zẹ ni u nu ọni ọa miesuọ ke riẹlẹ  
emhi kugbe. Sẹ, igesikia ali ẹgbhọli e li guẹ

la asheghuo kugbe? Elo o ku ákpá ali obili  
gbe? <sup>15</sup> Elo e ku iKirisiti ali Okphaghie? Abi  
elo ọni ọ miesuọ ali ọni ọa miesuọ e mhọli  
kugbe? <sup>16</sup> Ilama-kugbe onoghuo o la Owa  
Oyi Ẹshinẹgba ali ikhumhi ọ? Irari khi Owa  
Oyi Ẹshinẹgba ni ọ la ọ, awa khi, ẹzeze abi  
Ẹshinẹgba ọ ngme ọli khi,

“Mhi ya la wẹ elemhi,  
mhi la wẹ iteva a kia,  
mhi khi Ẹshinẹgba oyewẹ,  
wewẹ e khi ẹgbọ eyemhẹ.”‡

<sup>17</sup> “Irarighọ, a rọte wẹ iteva lasele,  
ni a khi ọda shi wẹ ọ,  
ali a khi ri obọ ti  
emini ọa pfuase,  
egheghẹ aghọ  
ni mhi ti ẹ mama egbe.”

Ẹshinẹgba Onomhue nọ funẹ nya,  
ọ ngme na.§

<sup>18</sup> “Mhi ya khi ita ẹ,  
ẹẹ a khi imimhẹ  
emose ali ikpotso.”

Ẹshinẹgba Onomhue nọ funẹ nya  
ọ ngme na.\*

## 7

<sup>1</sup> Aborokhia khi awa mhọli ishobọ ena,  
emole mhe, awa kpe idiegbe ali ayemhẹ  
oyawa-a, rọte emini e ri ichimhi ẹ shi ọgbọ  
egbe ali ayemhẹ nya. Awa ke rọsheka ini  
awa dobe ramhi irọpfuase pfo nya, itobo  
khi awa a na ulishi Ẹshinẹgba.

*Igbaa oyi eni e mie iJesu iKirisiti suọ e ri  
egbe mu iPolu*

<sup>2</sup> A khueghie udu oyẹ ẹ-a na anye. Anye  
ẹa li ọgbọkhoghhuo onobe, wẹkhi eri anye  
yese ọgbọkhoghhuo udu-a, uke-liẹ khi eri  
anye li ọgbọkhoghhuo le. <sup>3</sup> Ọa khi eri mhi  
ngme ona rọ pfueche ẹ-a, irari khi mhi  
kpe ngme ọli khi ingme oyẹ ẹ o la anye  
elemhi udu ramhi ni anye rọ ya lama nu  
ẹ ghua, okekhi ni anye rọ nu ẹ la agbọ.  
<sup>4</sup> Mhi lolo regbenga ẹ, mhi ma re ẹ gha gba.  
Elemhi osoli ni anye mẹ nya, eri iridushio  
ali oghẹlẹ oyanye o vọ ọ tsuakua.

<sup>5</sup> Irari khi abi mhi rọ lo iMasidonia  
le, idiegbe oyanye ona ọa mhọli iyemhea  
okhoghhuo. Ode-khode a na anye osoli,

\* **6:2** Li zẹ Aza 49.8 † **6:5** Li zẹ Ika 16.23 ‡ **6:16** Li zẹ iLev 26.12; Ezik 37.27; 1 iKori 3.16; 6.19 § **6:17** Li zẹ  
Aza 52.11 \* **6:18** Li zẹ 2 iSam 7.14; 1 Okhe 17.13; Aza 43.6; iJere 31.9

eghuo e nu anye wola, ulishi o la anye udu.\* <sup>6</sup> Ama Eshinegba na irudusho, ni o ri udu e shi oni egbe e pfo-a o, o ri iTatosi ni o bhale ri udu ke shi anye o. <sup>7</sup> Oa khi ibhale oyoli tse o ri udu shi anye o, ama abi a li ri udu shi oli o. O gbo gueye anye abi o lie ghole e ni a me mhe, ali abi a li vie oya, ali abi ingme oyemhe o li mu e egbe. Irarigho, oghelē oyemhe o ro fu dose abi o kpe li ghue.

<sup>8</sup> Ini ebe ni mhi keke ghi e, o ri iyese-udu-a na e, oa limhe egbe abine khi emini oa ti ni mhi rielle. O kie remhe chima, mhi me khi ebe oyemhe o re e yese udu-a ukuku eghēghē. <sup>9</sup> Ama egbe e kiele mu mhe, oa khi itobo khi mhi ri udu oyeē yese-a, ama itobo khi iyese-udu-a oyeē o re e mu pfi. Eri a mhōli iyese-udu-a abi Eshinegba o nono oli shi. Irarigho, oa li e onobe. <sup>10</sup> Irari khi ivie-osoli ni o ghole Eshinegba, eri o ri ogbo o mudu pfi, o roli e nono ni a mie oli pfuese. Onana oa ri ogbo ngomhi obo-a. Ama ini ogbo vie osoli abi egbo na agbo, eghuli o ro o bhale. <sup>11</sup> A lese bino emini ivie-osoli ni o ghole Eshinegba o ro na e. Abi a li roshēka ni a rokhase khi aa mhue umhagueli. Elemhi e bi e. Abo e sha e, ni o re e yila. A gbolo nono ni a so ingme shi ode igesikia! A rokhase khi aa mhōli ashini a te rielle oni ingme do-a, eghēghē kpa.

<sup>12</sup> Irarigho, ini mhi ririe keke ebe ogho ghi e, oa khi irari eni e li ingme wekhi irari eni ea li ingme. Ama eri mhi keke ebe ona ghi e, ni a ba me abi ingme oyanye o li mu e egbe odalo oyi Eshinegba. <sup>13</sup> Enana nya e ri udu shi anye o.

Abi o li ri irudusho na anye, igho egbe ma mu anye abi anye ro me abi iTatosi o li ghele, itobo ayemhe oyoli o ti nge abi ee nya a ri egbe mu oli. <sup>14</sup> Mhi kpe re e tono obo udu khase iTatosi, ama aa ri omama mu mhe. Abi emini anye gueye e nya e li khi igesikia, igho abi anye ree gha khase iTatosi o li ya khi igesikia. <sup>15</sup> Igho inono ni o mhōli na e o li nga shi o, ini oo sato abi a li suo eso na li, ali abi a ri ulishi ali iguomhise-egbe mie loli. <sup>16</sup> O ma remhe ghele gba khi eni e ze ri egbe e nga a khi.

## 8

### *Abi eni e miesuo e lie somhopfa*

<sup>1</sup> Inyoghuo, anye e nono ni a lese afu ni Eshinegba o ro na igbaa nya eyi eni e mie iJesu iKirisiti suo ni e la eke iMasidonia. <sup>2</sup> Eri a rote osoli ni e me mu we fe bino, ama eri e kie ri ukpokpomhi oghelē e somhopfa, abi o riē khia khi ea mhue. <sup>3</sup> Mhi gue oli e ye e egbegbo khi eri e pfue elemhi somhopfa dose ashini e mhue ramhi. <sup>4</sup> E lema anye, anye kpekpe anye ze ni wewe e mhōli okemhi shi oghelē ni o la irikpaghiobo na egbo eyi Eshinegba ni e la eke iJudia.\* <sup>5</sup> Eri e ga rielle dose abi anye sa khi e li ya rielle. E kpe te odode ri egbe we na Onomhue, neni e ke ri egbe we na anye abi Eshinegba o nono ni e li rielle. <sup>6</sup> Irarigho, anye ro lema iTatosi, oni o re e bele oni egbegbi akanya ona, o kpaghie e ni a ri eminete ni a gba eke le ramhi ukpese. <sup>7</sup> Eri a gue e rielle emhikpa dose egboese nya. A toto irudunga ne, a gue e ngme emue ne, a gbo lese ne. A ma nono ni a rue obo-a, a gbo nono ingme oyanye ne. Zobe ni u dose ogbokpa okpokhe ilili.

<sup>8</sup> Oa khi itoto mhi ro mhesē oli na e ama eri mhia mhesē igesikia ni o la inono ni a mhōli bino, abi mhi li roli e khokho omuege ni egboese e mhōli na anye. <sup>9</sup> A lese abi okhale oyi iJesu iKirisiti Onomhue oyawa o li, khi aboriekhia khi oni o pfue o khi, eri o ri egbe oli mele ona umhame-a shi itobo oye e, ni o me asha ri umhame oyoli re e pfue.

<sup>10</sup> Ude ni mhi ya ye e ena, ni o ro ti e egbe lo: O ma ti ini isomhopfa ni a te eke bele aolukpe ni a roli ramhi ukpese, abi a li kpe te odode khi eni e mhōli oghuemhe somhopfa, ni e gbo somhopfa. <sup>11</sup> A zobe ni a pfuse oni akanya gbe pfo, ni abi o li te eke mu e egbe ni a ro somhopfa, ni a ligho somhi oni opfa abi abo e te e. <sup>12</sup> Emini a mhōli oa mu Eshinegba eloe. Emini o mu eloe khi abi a li mhōli oghuemhe ni a rote emini a mhue somhopfa, oa khi oni aa mhue, áá bino.

<sup>13</sup> Oa khi eri mhia mie egbo eghuo itsua shi eke ni mhi ro ri itsua na egboese tsua. Ama ni a ga li abeghuo. <sup>14</sup> Aborokhia khi a mhōli gbeku o memena egho, o ti ni a

\* **7:5** Li ze 2 iKori 2.13 \* **8:4** Li ze iRom 15.26

kpaghie eni ẹa mhuẹ obo. Ini wẹwẹ e ke li mhuẹ gbeku o ẹlẹse, ni ẹẹ aa ke rọ mholi, wẹwẹ e li kpaghie ẹ obo, ishegho o guẹ ti ẹ egbe abeghuo. <sup>15</sup> Abi a li keke ọli shi Ebe-no-pfuase khi,

“Oni o ti ẹ gbili

    ọa ya tigbe mholi gbeku o,  
ama oni o ti ikukuwẹ gbili,  
    emhi khoghuo  
    ọa tigbe ẹ baliku.”†

### *A ghie iTatosi je iKoriti*

<sup>16</sup> Mhi kphemhi na Eshinegba ni o li ri omuegbe onabi mhi mholi na ẹ, shi iTatosi udu. <sup>17</sup> Irari khi ọa khi eri o lese lama shi emini anye lema li o riele tse, ama eri o she kpe la li udu khi loli ẹ bhale deba ẹ. <sup>18</sup> Anye li ghie inyoghuo ooghuo deba li ẹ bhale. Ogbọ ni a ga lolo mu ekpe ẹ na elemhi igbaa oyi eni e mie iJesu iKirisiti suo nya shi akanya itsabo usomhi onete oyi Eshinegba o khi. <sup>19</sup> Oa khi ogho tse, eri eni igbaa nya eyi eni e mie iJesu iKirisiti suo, e ze ọli o deba anye kia abi anye li tsua eni isomhopfa ikpagho ni anye ro ya na ẹ kia. Ikhi ikpaghiobo ni e ya ri ikuẹghie ghi eva oyi oni Onomhuẹ, ni o rokhasẹ khi anye mholi omuegbe roo kpaghiobo.

<sup>20</sup> Anye ẹa nono ni ogbokhoghuo o me emhi akhokhomhe okhoghuo gue shi abi anye li ri isomhopfa ikpagho okpokhe ena kia. <sup>21</sup> Emini o ze khi anye lina riele ọli khi, eri anye roshẹka ni anye rokhasẹ khi anye guẹ ri eni isomhopfa ikpagho ena kia. Oa khi odalo oyi Eshinegba tse ama li shi odalo oyi egbo nya.‡

<sup>22</sup> Anye gbo li ghie inyoghuo olese ma aava ena egbe ẹ ghi ẹ. Anye she mu ọli fe itingmingme, anye me ọli me khi o ma nono ni loli kpaghie obo. Eena o mema ghole ọli o ro kpaghie obo, eena ni o she me khi eni a ri egbe ẹ nga a khi. <sup>23</sup> ITatosi onuzava oyemhe ali oni anye ga a gbe akanya kugbe o khi, ama inyoghuo awa enekpole, etoeloli igbaa nya eyi eni e mie iJesu iKirisiti suo, ni e ri ufumhi na iKirisiti. <sup>24</sup> Irarigho, a ri inono oyee khasẹ eni egbo ena, ali emini o ze ni anye ro reẹ a gha, ni igbaa eyi eni e mie iJesu iKirisiti suo e me ọli.

## 9

### *Ikpaghiobo ni a ro na egbo eyi Eshinegba*

<sup>1</sup> Mhi aa kha ke gbo keke ingme ikpaghiobo ni a nono ni a ro na egbo eyi Eshinegba ni e la eke ifudia shi ebe ghi ẹ. <sup>2</sup> Mhi lese khi oo ghole ẹ ni a ro kpaghie obo, mhi gbo roli reẹ ẹ neta omose khasẹ egbo na obini iMasidonia, khi aolukpe, ẹẹ ni a la Akhaya a te muegbe ni a ro ya kpaghie obo, ali khi omuegbe oyee o she li guise egbo eghuo le, ni e ro li riele ikpaghiobo. <sup>3</sup> Ama eri mhi ghi inyoghuo awa ena ghi ẹ ni a ro mu egbe shi eke, ini eta omose ni anye re ẹ na shi isomhopfa ni a somhi, o khi li abi afue ni anye re ẹ na eta omose, ama ni o kie khi abi anye ẹ khi a li. <sup>4</sup> Irari khi ini onge iMasidonia okhoghuo o deba mhe bhale, ni aa ro mu egbe shi eke, omama o ya mu anye shi abi anye li ligho beshi regbenga ẹ reẹ neta omose. Eẹ omama o ya mu ne. <sup>5</sup> Loli o ze ni mhi ro ghie eni inyoghuo awa ena ralo na mhe, ni e ya muegbe isomhopfa okpokhe oyi ukpagho, ni ẹ khi a ya ro bhale shi eke neni mhi bhale. Eghẹghẹ agho ni a rokhasẹ khi eri o pfo ẹ udu li oni okpokhe ni o a khi oyi ichiobo.

<sup>6</sup> A sato khi oni o chi-obo ri emhi ko khi ukuku o ya me khiesẹ. Oni o ri emhi ko tuo, emini e bu o ya me khiesẹ. <sup>7</sup> Ogbogbo o ri irarigho ke rona abi o pfo ọli udu, ama o khi ri iwolo rona, ali o khi li abine khi oni a ri ekpabo re ẹ riele, irari khi Eshinegba o ma nono oni o ri oghẹ ẹ rue obo-a. <sup>8</sup> Eshinegba o dobe ya ri ikhivose ni o dose oni a nono na ẹ, ni a ro bhale ya ẹ khi a mholi emhikpa gbeku o dose abi a nono ọli shi, ni a ro dobe ke riele eminete khi eminete na egboese eghẹghẹ kpa. <sup>9</sup> Ezeze abi a li keke ọli shi Ebe-no-pfuase, ni oo,

“O li okpokhe tuotuo,

    o somhi eni ẹa mhuẹ opfa,

ogbo ọa ya yele

igue-ngeli oyoli-a ghue

    agboagbo.”\*

<sup>10</sup> Eshinegba ni o ri ukpamhi ẹ na ogbo ro ko, o gbo ri eminale na ogbokpa a le. O ya gbo ri ikpamhi ni a ro o ko ghi ẹ, o gbo rewe ze, o rewe fu ni a me khiesẹ. Ishegho ni onete ni

† 8:15 Li ze Okiali 16.18   ‡ 8:21 Li ze Ekpi 3.4   \* 9:9 Li ze Iwolo 112.9   † 9:10 Li ze Aza 55.10

u ri ele na egbo o mo umomhi ne, ni u pfa le.†  
 11 O ya re e pfue odekhode ni a ke li okpokhe eghenge kpa, ni ebubu egbo e ke kphemhi na Eshinegba ini anye tsua isomhopfa eye ghi we. 12 Oni ugamhi ni a lina ri okpokhe oye e ona ga ena, o a khi egbo eyi Eshinegba na pfa na tse o kpaghie obo, egbo ebubu e ri itobo ona a kphemhi na Eshinegba. 13 Eri akanya ni a gbe na egbo eyi Eshinegba o ri ufumhi na Eshinegba, o rewe kueghie Eshinegba. Ona o rokhase khi eni e mie usomhi onete oyi iKirisiti suo a khi, ni a ri oni usomhi gbe akanya, abi a li li okpokhe na we ali egbo elese. 14 Inono ni e rote ekelemhi udu mholi na e, e te e so iromhi na e, itobo ikhivose ni Eshinegba o re e khivose na we. 15 Awa ke kphemhi na Eshinegba shi isomhopfa oyoli ni unu o a dobe ngme pfo.

## 10

*IPolu o ri akanya aghiusomhi oyoli lo egbo esọ*

1 Eri a roli shi khi eri mhia pfo ini mhi la odalo oye e nu e ngme, ama ini mhi aa nu e migha, mhi nu e e ngme ingmemhi ni e ze. Mena, mhi lema e a ri esọ shi mhe eke, irari khi egbegbi iKirisiti lue o, ona ipfomhe ali ikuegbe-a o khi. 2 Egbo eghuo e lie khi eri mhia ngeli abi egbo na agbo ee li. Irarigho mhi ya ri uruli ni o ze nu we ngme emini mhi nu we ya ngme ini mhi bhale. A kpekpe a khi yeshe mhe ligho ngeli deba e. 3 Irari khi ini o ri riexhia khi elemhi agbo anye la, anye ea ya kholi abi egbo na agbo e lie kholi. 4 Irari khi itsua okholi eyanye, ea khi eni aa me alo gbugbugbu, ama obo oyi Eshinegba e te bhale. E mholi itoto ni e ro dobe e guoghọ ekpabo itoto oyi okphaghie-a. Anye e guoghọ ekhako-a, 5 ali isamhi ighagha nya-a, ni e khi ozuode, ni e ti egbewe nga a dose ilese eyi Eshinegba. Anye e mu isamhi ebe nya iko, anye rewe e nyese ukhomhi na iKirisiti. 6 Anye mu egbe ni anye ro ya na umha-sueso nya osoli ini issueso-negbe oye e o gba se.

7 Oa khi abi emhi o li odagbe a lie bino oli? Onge e okhoghuo o la o ni oo lu egboli onayi iKirisiti, o gbo sa ingme egboli bino, irari khi oyi iKirisiti anye li khi abi loli oli

\* 10:17 Li ze ijere 9.24 \* 11:3 Li ze Igbae 3.1-5,13

khi oyi iKirisiti. 8 Omama o a ya mu mhe shi o, ini mhi riex tono obo udu dose ode shi afu ni Onomhue o ro na mhe, mhi ro kpaghie e obo, ni o a khi oni a ro yese e. 9 Mhi aa nono ni mhi li abine khi eri mhi ri ebe ni mhi keke e nyamhise e alo. 10 Irari khi eri egbo eghuo e lie khi, ebe eyi iPolu e ma kho dose, ama ini o nu awa la ana o pfo-a, ingmemhi eyoli ea ke mu ameh. 11 A ze egbo eghogho lese khi emini anye keke shi ebe ini anye ea la agho, khi wewe anye gbolo e riex, ini anye bhale migha.

12 Anye ea gbudu ya ri egbe anye khokho eni ee titi egbe we. Irari khi eni eri e ri egbewe mheshe egbewe, ni e ri egbewe khokho egbewe, eyeghe e khi. 13 Ama anye ea ya tono obo udu da ode, ama ashini Eshinegba o ri afu na anye ramhi anye ya tono obo udu ramhi, ikhi akanya ni anye gbe ni o ramhi e egbe. 14 Anye ea ya titi egbe anye dose ashini anye kha titi egbe anye ramhi, irari khi anye e mema rue usomhi onete oyi iKirisiti bhale ghi e, ni a ga lese gboo. 15 Anye ea ya ri ikanya ni egboese e gbe ke tono obo udu abine khi anye gbe we. Ochoghọ eri anye ri udu shi khi irudunga oye e o ya ke nga shi o, ni anye gbo dobe gbe akanya ni e fune iteva oye e, abi Eshinegba o mheshe oli ni anye. 16 Ishegho ni anye dobe tsabo usomhi onete obini eke oboese ni o kpe obo na e, ini anye khi tigbe ri ikanya ni a gbe oboese tono obo udu.

17 Oni oo tono obo udu, o ke ri emini Onomhue o riex tono obo udu.\* 18 Irari khi o a khi oni o ti egbe oli nga egbo ee mie khi o ti, ama oni Onomhue o mie, o khi oni a mie.

## 11

*IPolu ali ighiusomhi na kee eyi egbholi*

1 Mhi lema e a kpekpe a roshaka ri egbe mie oyeghe oyemhe ukuku o tse! 2 Ingme oye e o ma mu mhe egbe gba abi o li mu Eshinegba egbe, itobo khi eri a li abi omueshi ni o a me omose ghue, ni mhi she ro nga na omose oghuo, ikhi iKirisiti. 3 Ulishi oo mu mhe ini a ya yese e udu-a ali khi a ya tsua inono na tselele ni a mholi na iKirisiti pfa, ezee abi enye o li ri ikpamhika eyoli di livu.\* 4 Irari khi ini ogboese o bhale deba

ẹ ya ri iJesu ọlese tse abọ ye ẹ, ni mhia rọ tsabọ ye ẹ ghue, okekha khi ayemhe ọlese ni o khi ọda shi oni a kpe mie, a ke mie, okekha usomhi onete ọlese ni o khi ọda shi oni a kpe mie a ke mie, eri a mema nyanya mie ọli.

<sup>5</sup> Mhi aa sa khi mhi kpọ dọse ighiusomhi na kee ena aakemeghwe eye ẹ ni e ghọ mu ẹ ẹloe eghọ. <sup>6</sup> Ini o ri rie khia khi ungmehi ọa lolo bie shi mhe unu, mhia khi ọni ọa lese ebe. Anye she ri ona lo ẹ esọ gboo, odekhode.

<sup>7</sup> Eri mhi ri ona lamhe ni mhi aa rọọ khi oki nga ẹ ike abi mhi rọ gue usomhi onete oyi Eshinegba ye ẹ? Ni mhi rọ ri egbe mhe tiemhie eke ni mhi rọ re ẹ fu? <sup>8</sup> Igbaa nya eyi eni e mie iJesu iKirisiti suọ elese ee falı mhe ota abi mhi rọ la iteva oye ẹ gbe akanya. Mhi mie we rọ zuse na ẹ. <sup>9</sup> Abi mhi rọ la aye ẹ, mhi aa ri ingme ukpago nase ẹ, inyoghuo awa ni e rọte iMasidonia bhale e tsua emhikpa ni mhi i nono ghi mhe. Abi o kpe li ookhokho, ni mhi aa kpe ri itsua na e tsua ighọ o kie ya li odalo.† <sup>10</sup> Ini igesikia oyi iKirisiti o da kie la mhe egbe ne, ogbokhoghuo ọa la ọ ni ọ dobe ya khu mhe mhi khi ke lina tonu obọ udu elemhi eke Akhaya. <sup>11</sup> Ọa khi eri mhi aa nono ingme oye, ini mhi ke da lie khi mhi aa nono ni mhi ri itsua na ẹ tsua. Eshinegba ọ lese khi mhi nono ingme oye.

<sup>12</sup> Mhi ya kie ke rie ẹ emini mhi kie kpe rie ẹ. Eghẹghẹ aghọ, eni ẹ nono ni wewe e lie khi ikanya eyewe ali eyanye khi abeghuo e li, ni mhi rọli khi we unu-a. <sup>13</sup> Emose eghogho, ighiusomhi na kee eyi egholi e khi, ni e ri ikanya ni ẹ gbe ẹ lono egholi, ni ẹ li egbọ ikokoalo, ni e ri egbe we shi khi ighiusomhi na kee eyi iKirisiti wewe e khi. <sup>14</sup> Ọa ke khi emini áá khokho, irari khi eri okphaghie ọ ri egboli mele agheni oyi akpa a li egbọ ikokoalo. <sup>15</sup> Irarighọ, ọa khi emhi oshabọ ini ighiusomhi eyoli, ẹ li ikokoalo ri egbewe mele ighiusomhi ni e migha shi ipfuase. Ikpukhokho, e ya me isọ-ẹzọ oyewe mie.

### *Osoli ni iPolu ọ me na iKirisiti*

† **11:9** Li ze iFili 4.15-18    † **11:23** Li ze Ika 16.23    § **11:24** Li ze iDeut 25.3    \* **11:25** Li ze Ika 16.22; 14.19  
† **11:26** Li ze Ika 9.23; 14.15

<sup>16</sup> Mhi gbo ngme ọli, ogbokhoghuo ọ khi sa khi oyeghe mhi khi, ama ini u ke ligho sa, kie ligho mie mhe abi oyeghe, ni mhi me emhi rọ ke neta omose. <sup>17</sup> Ama ọa khi emini Onomhue ọ kha lie mhi ngme mhia ngme memena. Eri mhi ga ngme abi oyeghe elemhi ingme ineta omose ona. <sup>18</sup> Aborokhia khi eghose e ri emini e rie ẹ ẹ neta omose egho, mhi ya li lana ligho. <sup>19</sup> Ilesingme dọse oye ẹ o ze ni a rọ ri oghẹ mie eyeghe shi iteva oye ena! <sup>20</sup> Egbọ ni ẹ mu ẹ ighumha, ni e ri ikpamhika do ẹ ighiato, ni e ree le emhi, ni e ri ukpeloe e gbe ẹ e gbo pfi ima shi ẹ alo, wewe áá mie. <sup>21</sup> Omama o khi, ni mhi rọ lie khi eri anye pfo alo-a, ni anye a rọ lina ngeli deba ẹ.

O kha khia khi onete o khi ni eni ighiusomhi eyi egholi egho e rọ ke neta omose shi emhi afue ni ẹ rie ẹ deba ẹ, mhi ya li nu we la ana neta omose. Ama a rọli shi udu khi egbọ ni ọ neta omose shi angeli oghogho, khi oyeghe ọ khi.

<sup>22</sup> Ghe khe, e khe khi Iburu wewe e khi, Iburu mhi li khi, ẹe khi iZireni wewe e khi, iZireni mhi li khi. Imimi Aburaamu ni e khi, loli mhi li khi. <sup>23</sup> Ighiusomhi eyi iKirisiti ẹe khi wewe e khi? Mhi la ana ya li oyeghe! Mhi ga ti dọse we e! Mhi ga gbe akanya dọse we. Mhi la owa ighumha itingme ni e bu ne, iti-ingme ni a gbe mhe itali e bu dọse eyewe. Iti-ingme ni eghuli o kha gbe mhe e bu ne.‡ <sup>24</sup> Agbhaghhamhi ishe egbọ iJu e gbe mhe itali oghuo ọa la egbhueva.§ <sup>25</sup> Itese egbọ iRomu e gbe mhe ikpokpo, a tonu mhe eche utoghuo. Itese oko oko oniemi ni mhi lo e kulu, ogbeleghuo ali eliyose nya mhi la ukhomhi oko oniemi, ni o tsua mhe gase, ni mhia me abi mhi li kia.\* <sup>26</sup> Iti ingmi-ingme mhi ye asha, ni mhi kha ri egbe na oko oniemi ali ighiato gbe-a, mhi gbo la okhena oyi egbọ iJu eyemhe, ali iJeta. Mhi li la egbegbi okhena elemhi ifui apfe, mhi la okhena odagbe ifufu, mhi la okhena ukhomhi oko oniemi, mhi gbo la okhena oyi egbọ eghuo, ni e li abi eni e mie Onomhue suọ.† <sup>27</sup> Eghẹghẹ kpa mhi rọ la iroshaka ali akanya agbeghua, mhia

mẹ olesẹ lesẹ ẹlẹ-iyosẹ eni e bu, okiamhi ali okiamẹ o gbe mhe. Eminale eyemhe e pfo mhe isheghuo, isheghuo ulili o gbe mhe, mhi aa mē itsua sọ. <sup>28</sup> Ini a ri obo ri egho shi eke, ogbelekpa usamhi ni mhi sa shi ingme oyi igbaa nya eyi eni e mie iJesu iKirisiti suọ o rọ nase mhe. <sup>29</sup> Oghuo o famhi losẹ ni ọa li pfi olosemhe na mhe? Abi khi ogbokhoghuo ọ lamhe olamhe ni ọa ri egbe lala mhe?

<sup>30</sup> Ini mhi riẹ neta omose, emini e ri olosemhe oyemhe ya khasẹ mhi rọ ya neta omose. <sup>31</sup> Eshinegba ita Onomhue iJesu ọ lesẹ khi ọa khi egbhọli mhia lo. Ikhivose khi eva oyoli agboagbo <sup>32</sup> Abi mhi rọ la ẹoli iDamasikosi, eri igovunọ ni o gbe akanya deba oghie Aretasi ọ ri idogeli kpe khe mhe ode unuekpe ni a te lo oni ẹoli, ni e ba gba mhe mu. <sup>33</sup> Ama eri ogbo rue mhe pfilo ugi rote okele ni o la ugbe ni a khi gasẹ oni ẹoli bena tiemhi, ni mhi rọ mē asha na vu.‡

## 12

### *Irokhase ni iPolu o me*

<sup>1</sup> Mhi ya kie ke neta omose, ama, mhi lesẹ khi ọa mhọli eleli ni o rọ ọ bhale. Irarigho ingme imeke ali irokhase ni Onomhue ọ rọ na mhe mhi ke ya ke ngme nga memena. <sup>2</sup> Mhi lesẹ omose oghuo ni ọ la elemhi iKirisiti ni a rue je idane agbhagbhamhi onuzi-ese, oonokpe-igbene. Ini elemhi idiegbe ọ la o, ini ọa khi elemhi idiegbe o, mhia lesẹ. Ama Eshinegba ọ lesẹ. <sup>3</sup> Abi mhi ngme, mhiẹ khi Eshinegba tse ọ lesẹ ini elemhi idiegbe ọ la, ini ọa la elemhi idiegbe. <sup>4</sup> Eri a rue ọli eke-a zai, ya nga Apfe oyi Eshinegba na iloghie. O suọ emini ẹa ze ya guele, ni aa ya lama shi a gbudu ngme unu le. <sup>5</sup> Oni omose ogho mhi rọ ya neta omose. Ama mhia ya ri egbemhe neta omose, see ni umha mhue ekpabo oyemhe. <sup>6</sup> Ini mhi ri riẹ neta omose, mhia ya riẹle ingme oyeghe, itobo khi igesikia mhia ngme tse. Mhi ya roshaka ini mhi khi ngme da ode. Eghẹghẹ agho ongee okhoghuo ọa ya timhe nga dose abi a kha timhe nga ramhi, rote emini a mē khi mhi riẹle ali emini a suọ khi mhi ngme.

<sup>7</sup> Eri a ri emini o li abi ugba ni o ya ke nase mhe shi mhe egbe ni o khi aghiusomhi oyi

okphaghiẹ, ini mhi khi vuse ike dose shi irokhase ebubu ni mhi mē. <sup>8</sup> Itese mhi lema Eshinegba o mie mhe oni emhi anasemhe ona pfi-a. <sup>9</sup> Ama emini ọ rọ sọ mhe ọ khi, “Ekpabo eyemhe o she bu ẹ, irari khi ini o losẹ, lolu ekpabo eyemhe e rọ mē asha ri egbe ẹ khasẹ.” Irarigho mhi rọ ri oghẹle ri olosemhe oyemhe ya neta omose, ni ekpabo eyi iKirisiti e mē asha remhe gbe akanya. <sup>10</sup> Ini mhi mhue olosemhe, ali ni a rọ tsue mhe, ali ni mhi rọ la umhamẹ ali ni a rọ mu okhọli vule shi mhe ọ, ali ni mhi rọ mhọli iyese-udu-a, o kha da khi itobo oyi iKirisiti, eri o ri egbe ẹ mu mhe. Irari khi ini o losẹ mhe, lolu mhi rọ mhọli itoto.

### *Ingme oyi egbo iKoriti o mu iPolu egbe*

<sup>11</sup> Eri mhi chi ooyeghe-a, ama ẹẹ a yese mhe ẹ chi ọli-a. Ẹẹ a kha ke titi mhe. Ini mhi aa ririẹ khi emhi khoghuo, mhia mhue emhikhoghuo ni mhi te kpo dose eni a lui, “Ighiusomhi na keẹ ena aakemeghue.”

<sup>12</sup> Elemhi iregbemie osoli, mhi rọ la iteva oyeẹ gbe riẹle ọlele onyaloa ali oshabo ni o rokhasẹ khi aghiusomhi na keẹ oyi iKirisiti mhi khi. <sup>13</sup> Eri ikhivose ni igbaa nya eyi eni e mie iJesu iKirisiti suọ elese e mē mie o de ẹ unu-a? Abi mhi aa li ri ingme ikpaghiobo ukpagho nase ẹ lo? A kpekpe, a rọ topfa mhe shi ọ.

<sup>14</sup> Utonuzese na ni mhi rọ mu egbe ni mhi rọ bhale ya bino ẹ. Mhi aa ya mhila ẹ emhi khoghuo. Ẹẹ oyeẹ mhia nono, ọa khi ukpagho oyeẹ. Ọa kpe khi eniye ẹ ri emhi na eni e bia we ẹ le, ama eni e bia eniye e ri emhi na we ẹ le. <sup>15</sup> Irarigho, mhi rọ ya ri oghẹle ri ukpagho ni mhi mhọli nya ali mhemhe nya na ẹ, rọ kpaghiẹ ẹ obo. Inono onikeke a ya mhọli deba mhe ini mhi mhọli inono oniemi na ẹ?

<sup>16</sup> A lama shi ọ khi mhi aa khi itsua na ẹ ni aa tsua. Ama egbo eghuo e ya lie khi ikpamhika mhi rọ ri egbhọli di ẹ mu. <sup>17</sup> Eri mhi ri egbo ni mhi ghie ghi ẹ mu ẹ ma eke? <sup>18</sup> Eri mhi lema iTatosi o ke le, mhiẹ inyoghuo awa onokpole ọ kphase ọli. Eri a ya lie khi eri iTatosi ọ mu ẹ ma eke? Ọa fe ligho. Abi khi aa lesẹ khi usamhi oghuo mhemhe ali lolu anye mhọli shi udu ni anye rọ riẹle emini mhemhe ali lolu anye ga riẹle?

‡ 11:33 Li ze Ika 9.23-25



19 Otse eri a dabi khi eri anye kie kpẹ roshẹka ke khe egbe anye shi ekẹ odalo oye ẹ. Oa khi igho. Ama abi iKirisiti o nono ni anye li ngme, anye li odalo oyi Eshinegba. Emole, eri anye rieḷe emini anye rieḷe nya ro kpaghie ẹ obo. 20 Egbe limhe khi ini mhi ramhi agho khi mhia ya bhale ya me ẹ shi abi mhia nono ni a li, ali khi aa ya me mhe abi a nono ni mhi li. Ulishi o o mu mhe khi mhi ya bhale ya ẹ shi uwola ali ubogbo, ali udu ni o o to, ali ukphe, ali ikemhi ikui-iku, ali iyese egbe eva-a, ali ineta, ali itipfuabonga, ali ozughu iteva oye. 21 Egbe limhe khi ini mhi ke bhale, khi Eshinegba o ya ri omama mu mhe odalo oye. Mhi ya vie na ebubu ẹ ni ẹa kie rote agbo olamhe oyewe mupfi lasele. Ni a kie la angeli efiala, ikhi usamhi irumheba, ali olamhe ighue imumu.

## 13

### *Itse-agua ali otse enekpukhokho*

1 Utonuzese na ni mhia bhale ya bino ẹ. Abi Ebe-no-pfuase o ngme ni o o, "Osele eva, okekhi ese, a ro o mu ma ingme, ni a ro so ezọ."\* 2 Mhi kpẹ tse agua ye ẹ, ẹ ni a kpẹ lamhe olamhe, ali egboese eni e kpole nya. Mhi kpẹ ngme o li ibhale onuzi-eva oyemhe. Memena, mhi gbo ngme o li abi mhi la oboese, mhi tse agua khi ini mhi gbo bhale khi mhi aa ya ze we obo khi mhi aa na we osoli. 3 Onana o ya rokhase ẹ khi iKirisiti mhi ngme ẹ na. Ini o sese ẹ ingme se, a ro ya lese khi o mholi ekpabo iteva oye. 4 Ini o ri rie khia khi oa mhue itoto abi a ro tali ma apfida gbe-a, ekpabo oyi Eshinegba o ro a la agbo. Eri awa aa li mhue itoto abi iKirisiti. Ama a ya me o li khi anye ya ri ekpabo oyi Eshinegba la agbo, ezese abi iJesu o li, ni anye ro ga ẹ.

5 A mhese egbe ẹ bie bino ni a me ini a kie la elemhi irudunga oye ẹ. Ini a mhese egbe ẹ bino ni a ro me khi iJesu iKirisiti oa la agbo oye, a lese khi a she de oni imhesebino. 6 Mhi lese khi a ya me o li me khi anye ẹa de oni imhesebino. 7 Anye lema Eshinegba, a khi rieḷe do-a. Ona oa khi ni anye ro rokhase khi anye she me emini anye ẹ nono mu mhue, ama ni o re ẹ ke

rieḷe emini e gbe akanya ini anye rie li abi eni de. 8 Irari khi anye ẹa ya rieḷe emini o mu okholi vule shi igesikia o, ama emini o ya mu igesikia mhue anye ya rieḷe. 9 Egbe ma mu anye, ini o lose anye ni ẹ a ro mholi itoto. Igho anye gbo lie so iromhi Eshinegba o re ẹ ke ngeli shi eghege, abi o nono ni a li ke ngeli. 10 Loli o ze khi mhia keke ebe ona abi mhia ro nu ẹ la oobo ena. Igho lo, ini mhi khi roli ze mu ẹ, ini mhi bhale deba ẹ. Irari khi eri mhia nono ni mhi ri afu ni Onomhue o ro na mhe gbe akanya, ni mhi ro kpaghie ẹ obo, ni oa khi ni mhi ro bighi ẹ de.

11 Ni mhi ro gbe o li ukhomhi inyoghuo-mhe, Okhila! A mu udu oye ẹ pfi, a su o lema oyemhe, a lama shi egbe ẹ o, a ri opfomhe nu egbe ke la. Eghege agho ni Eshinegba na inono ali opfomhe o nu ẹ la.

12 A ke tse egbe egbegbi otse, a ghele mu egbe. 13 Egbo eyi Eshinegba nya ẹ ẹ tse ẹ.

14 Okhale oyi iJesu iKirisiti Onomhue, ali inono oyi Eshinegba, ali iregbemu onayi Ayemhe-no-pfuase, e ka nu ẹ ẹ nya la.

\* 13:1 Li ze iDeut 17.6; 19.15

## Ebe ni iPoLu o keke ghi egbo IGalesha Eni e miesuo

<sup>1</sup> Mhemhe iPoLu aghiusomhi na kee ni o a khi obo oyi egbo mhi te bhale, wekhi obo oyi ogbo a te ghie mhe, ama obo oyi iJesu iKirisiti ali Eshinegba Ita ni o rote eghuli guise oli le mhi te bhale, mhemhe mhi keke ebe ona. <sup>2</sup> Mhemhe ali inyoghuo ni e miesuo nya ni e nu mhe la, anye ga tse igbaa nya eyi eni e mie iJesu iKirisiti suo ni e la eoli iGalesha nya.

<sup>3</sup> Eshinegba itawa ali iJesu iKirisiti Onomhue oyawa e ka li okhale na e, e ri opfomhe na e. <sup>4</sup> Loli o ri egboli bhale shi iluasobo shi olamhe eyawa ni o ro pfa awa shi eke agbo okholo ali agbo ingmobe ni awa la ena abi o ghole Eshinegba oyawa ni o gbo khi ita awa. <sup>5</sup> Loli a ri ufumhi ya na ya ramhi ele na agboagbo. Atse.

### Usomhi onete olese o ke la o

<sup>6</sup> Abo e sha mhe khi a she gbē kie oni o rote isomhelemhi oyi iKirisiti lu e, a mu egbe nyene e deba usomhi onete olese ni o khili oda, <sup>7</sup> ni o khia khi ea fe ga khi usomhi onete. O rokhase khi egbo eghuo e she pfi e lo omunu ali khi ee dua ni e mu usomhi onete oyi iKirisiti ukhomhi pfi kpoke <sup>8</sup> Ama ini otseku khi aanye, okekhi agheni ni o rote iloghie tiemhile, o ya gue usomhi olese ye e ni o khi oda shi oni anye kpe gue ye e, a ze ni a rue oli shi ogbo ni a she pfa ezō mu je ilimhi iriere.

<sup>9</sup> Abi anye kpe ngme loli mhi gbo riēle ngme memena, khi ini ogbo o bhale ya gue usomhi onete olese ye e ni o khi oda shi oni a miesuo, oni a pfa ezō mu o pfua agboagbo o khi!

<sup>10</sup> Eri mhia nono ni egbo e ba mie shi mhe o abi khi Eshinegba mhia nono ni o mie shi mhe o? Abi khi egbo mhia nono ni mhi ri egbe mu? Ini o khia khi egbo mhi kiele a nono ni mhi ri egbe mu lo, mhi aa kha khi aghiusomhi oyi iKirisiti.

### Eshinegba o lu iPoLu

<sup>11</sup> Mhia nono ni mhi gueye e inyoghuo-mhe khi usomhi onete ni mhi ro o tse abo o a khi obo oyi ogbo o te bhale. <sup>12</sup> Mhi aa rote obo oyi ogbokhoghuo mie oli, wekhi eri a sese mhe lue. Ime-alo mhi te mie oli rote obo oyi iJesu iKirisiti.

<sup>13</sup> Irari khi a she kpe suo mhe eko abi mhi ro la ugamhi oyi egbo iJu, abi mhi li lolo roshēka e mu okholi vule shi ena igbaa oyi eni e mie iJesu iKirisiti suo oyi Eshinegba o. Mhi roshēka ini mhi yese imiesuo oyewe-

a.\* <sup>14</sup> Mhi fu shi oni ugamhi egbo iJu dose ebubu egbo ni anye la otu oghuo, ali mhi mhōli omuegbe shi ishi eyi eni e bia mhe.†

<sup>15</sup> Ama abi Eshinegba ni o rote eke ze mhe kee neni inyemhe o bia mhe, ni o lu mhe rote okhale oyoli. Egbe mu oli khi <sup>16</sup> o ri omioli khasē mhe ni a bhale ya e khi mhi ri oli tsabo ifuabo egbo iJeta. Mhi aa vu ya mhila ogbokhoghuo,‡ <sup>17</sup> wekhi eri mhi je eoli iJerusalemu ya me eni e khi ighiusomhi na kee, neni o ze mhe, ama eri mhi je eke Arebia ali mhi tigbe nyene egbe jele eoli iDamasikosi.

<sup>18</sup> Abi ikpe ese e ro dose se, mhi ro tigbe nga iJerusalemu ni mhemhe ali iPita anye lese egbe, mhi nu oli la ogbele igbeshe.§ <sup>19</sup> Mhi aa me aghiusomhi na kee olese se khi iJemhisi ni o khi inyoghuo Onomhue.

<sup>20</sup> Mhia gueye e ukpeloē Eshinegba khi emini mhi keke e ghi e ea khi egbholi. <sup>21</sup> Elelese, mhi je eke iSiria ali eke iSilisha. <sup>22</sup> Ogbokhoghuo o la elemhi igbaa nya eyi eni e mie iJesu iKirisiti suo na eke iJudia ni o me mhe ukpeloē ghue. <sup>23</sup> Eko ni e lese suo khi: “Oni omose ni o kpe mu okholi vule shi awa o, eri o ke tsabo oni ungmehi irudunga oni o kpe dua ni lue yese-a.” <sup>24</sup> E kuēghie Eshinegba itobo oyemhe.

## 2

### Ighiusomhi na ke e mie IPoLu

<sup>1</sup> Ikpe igbene e dose, mhi nga iJerusalemu. Utona, iBanabasi o deba mhe. Mhi li gbo rue iTatosi.\* <sup>2</sup> Eri mhi nga obo ni mhi ro ri imealo ni mhi me gbe akanya, ali ni

\* **1:13** Li ze Ika 8.3; 22.4-5; 26.9-11 † **1:14** Li ze Ika 22.3  
Ika 9.26-30 \* **2:1** Li ze Ika 11.30; 15.2

‡ **1:16** Li ze Ika 9.3-6; 22.6-10; 26.13-18 § **1:18** Li ze

mhi rokhase we usomhi onete ni mhi ro o tse abo ifuabo egbo iJeta. Ama eri mhi bena rielle ona khase egbo ni e khi eni ee ralo, irari khi ulishi oo mu mhe ini ikanya ni mhi kpe gbe ghue ali ena ikpukhokho eyemhe e ya khi afue. <sup>3</sup> ITatosi ni o nu mhe kia, aa lie khi o mema shele-a, abi o tseku khi ongi iGiriki. <sup>4</sup> Eri ingme oshelle onana o laseli irari khi inyoghwo eghuo ena egbholi e bena lo anye ifuabo, ni e ba me asha guano udi epfua ni iJesu iKirisiti o ro na anye, mu anye ighumha. <sup>5</sup> Ama anye ea tigbe lama na we ukuku eghenge ni a ro bhale ya e khi igesikia oyi oni usomhi onete o nu e kie la.

<sup>6</sup> Egbo eni e bino egbewe khi wewe e mu eloe, ea mu mhe eloe, irari khi Eshinegba oa mhue oni o kpe mhe ne, ali khi abi ogbo li edato oa roli e gue ogbo ezoo. Eni egbo eghogho ea mhue emini e ro ma mhe usomhi onete.† <sup>7</sup> Ama eri e me khi a she ri akanya itsabo usomhi onete ghi egbo iJeta nga mhe obo, ezeze abi a li li ghie iPita ghi egbo iJu. <sup>8</sup> Irari khi abi Eshinegba o li nu iPita e gbe akanya abi aghiusomhi na kee ni a ghie ghi egbo iJu, igho o li nu mhe gbe abi aghiusomhi ni a ghie ghi egbo iJeta. <sup>9</sup> IJemhisi ali iPita ali iJoni ni a lese khi wewe e mu oni igbaa oyi eni e mie iJesu iKirisiti suo mhue, e me khi Eshinegba o ri isomhopfa na ke na mhemhe ali iBanabasi, e ro lama na anye, anye ke tsabo oni usomhi onete oghuo ye egbo iJeta. We we e tsabo ye egbo iJu. <sup>10</sup> Emini e ngme khi anye ke kpaghie egbo ni ea mholi obo, igho mhi li rosheka rielle oli.

### *IPolu o gueye iPita khi oa gue rielle*

<sup>11</sup> Abi iPita o ro bhale Atioki, mhi gueye oli gboo ghemhe ghe e khi oa gue kia, irari khi o lue. <sup>12</sup> Neni egbo ni iJemhisi o ghie usomhi, e bhale, iPita o kpe nu egbo iJeta a le eminale kugbe, ama abi eni egbo e ro bhale, o ti je ukhokho na iJeta egho, irari khi ulishi oyi egbo ni e lie khi ogbo o mema shele-a oo mu oli. <sup>13</sup> Egbo iJu eni e miesuo enekpole e li kuma oli o rielle ikokoalo, ya ramhi khi oni ikokoalo o li ri iBanabasi kuma we o.

<sup>14</sup> Abi mhi ro me khi, ea rote ode igesikia abi oni usomhi onete o ngme, mhi la ukpeloe eni egbo lie iPita, “Ogbo iJu u khi, ama wa ngeli abi ogbo iJeta. Elo o ze ni u ke ro nono ni i ri itoto mu egbo iJeta ke rielle ighuighue eyi egbo iJu?”

<sup>15</sup> “Egbo iJu a bia awa, awa aa khi egbo iJeta ena olamhe,” abi a lu we. <sup>16</sup> Lese khi aa ya pfa na ogbo irari khi o ri ushi a gbe akanya, ama itobo irudunga iJesu iKirisiti. Igho awa li li ri udu nga iJesu iKirisiti ni a ro pfa na awa. Oa khi itobo irushi-gbe akanya, irari khi ogbokhoghuo oa la o ni a ya pfa na irari khi o dobe ri ushi a gbe akanya.‡ <sup>17</sup> “Abi awa lie dua ni awa khi eni a pfa na elemhi iKirisiti, eri o rokhase khi ena olamhe awa khi. Ogho khi eri iJesu o mu e ma olamhe? Iiye o, oa khi igho! <sup>18</sup> Mhi kha rielle emini mhi guogho-a roko, eri mhi rokhase khi ogbushia mhi khi. <sup>19</sup> Irari khi rote ushi mhi te ghu pfa ushi, ni mhi dobe la o na Eshinegba. <sup>20</sup> A she li ta mhe ma apfida abi a li ta iJesu ma apfida, ali khi aa ke khi mhemhe mhi ke la agbo, ama iKirisiti o ke la agbo oyemhe. Agbo ni mhi la elemhi idiegbe oyemhe memena, irudunga Omi Eshinegba mhi te la o, ni o nono ingme oyemhe, ni o ghu-a, ni o ri agbo oyoli na mhe. <sup>21</sup> Mhi aa ri obo gbe isomhelemhi oyi Eshinegba nye, irari khi ini o khia khi itobo iri-ushi-gbe akanya ogbo ro pfuase lo, eghuli afue iKirisiti o ghu!”

## 3

### *Irudunga tse o khi ode imiepfuese*

<sup>1</sup> Ee eyegehe egbo iGalesha! Oghuo o ri ogbho na e le? Ukpeloe oye e a la ri iJesu iKirisiti khase gboo khi eri a ta li ma apfida. <sup>2</sup> Mhia nono ni mhi rote obo oye e lese emhi oghuo. Eri a mie Ayemhe oyi Eshinegba irari khi a ri ushi gbe akanya, abi khi irari khi a mie emini a suo suo? <sup>3</sup> Eeyegehe a gho khi? A kha ri Ayemhe oyi Eshinegba gba ekele se, a tigbe e dua ni a ri ekpabo ogbo gbe oni akanya pfo? <sup>4</sup> Eri a na lina me osoli shi afue? Ini afue a me osoli, <sup>5</sup> Ayemhe oyi Eshinegba ni o ro na e, ali ikanya oshabo ni o gbe iteva oye e, itobo khi a ri Ishi eyi

† 2:6 Li ze iDeut 10.17    ‡ 2:16 Li ze Iwolo 143.2; iRom 3.20,22

iMosisi gbe akanya lo abi khi irari emini a mie ingme oyi iKirisiti suo, o ze ni o ro riele ena?

<sup>6</sup> A sa ingme oyi Aburaamu ghue, “Eri o mie Eshinegba suo ni a ro pfa na li khi o pfuase.”\* <sup>7</sup> A lese oli sho, khi egbo ni e miesuo, e khi imi Aburaamu.† <sup>8</sup> Ebe-no-pfuase o kpe ngme oli shi eke khi Eshinegba o ya rote irudunga oyi egbo ijeta pfa na we, o gue oni ungmehi ye Aburaamu oo li, “A ya rote obo oye khivose na ishishi ena ekagbo nya.”‡ <sup>9</sup> Irarigho, eni e mholi irudunga a ya khivose na abi a li khivose na Aburaamu, ikhi omose irudunga.

<sup>10</sup> Egbo nya ni e ri egbe da iri-ushi gbe akanya, a pfi unu na, irari khi a keke oli khi, “Unu a pfi na ogbo ni o da ri emini a keke shi ebe ushi nya gbe akanya.”§ <sup>11</sup> Mena, aa me ogbokhoghuo ni a pfa na odalo Eshinegba irari khi o ri ushi gbe akanya, itobo khi, “Eni e pfuase, irudunga o re we ya la agbo.”\* <sup>12</sup> Ode irudunga o kioda shi ode ushi, ni oo, “Oni o da ri ushi gbe akanya, ushi o ro ya la agbo.”† <sup>13</sup> Eri iKirisiti o pfa awa shi eke elemhi ipfiunu-a oyi ushi abi o li khi oni a pfi unu na irari oyawa, irari khi a keke oli khi, “Unu a pfi na ogbokpa ni a soli-a shi oora.”‡ <sup>14</sup> Eri o pfa awa shi eke ni ikhivose eyi Aburaamu e ramhi egbo ijeta egbe, rote iJesu iKirisiti, ni awa me ikhivose oyi ishobo Ayemhe-no-pfuase rote irudunga.

### *Oni Ushi ali oni ishobo*

<sup>15</sup> Inyoghwo a ze mhe ri angeli ekekpa rue irokhokho. Ezeze abi ogbokhoghuo o li dobe ya shishi o-a, wekhi eri o dobe ya ro ma ilamasho, ni Eshinegba o nu ogbo lama sho, ni o she gbola migha. Igho oni ingme onana o li. <sup>16</sup> Oni ishobo, Aburaamu ali omioli a shi oli na. Ebe-no-pfuase o li, “Ali imioli,” ni e khi ebubu egbo, ama, “Ali omie,” ni o khi ogbo oghuo, ni o khi iKirisiti. § <sup>17</sup> Emini mhi ri ona ngme khi, ushi ni a tigbe ro lasela abi ikpe egbhue uye ali uye ali igbe (430) e ro dose se, o guoghoni ishobo ni Eshinegba o shi-a, ni a yele oni ekha-a.\*

\* **3:6** Li ze Igbae 15.6; iRom 4.3 † **3:7** Li ze iRom 4.16 ‡ **3:8** Li ze Igbae 12.3 § **3:10** Li ze iDeut 27.26 \* **3:11** Li ze Abak 2.4 † **3:12** Li ze iLev 18.5 ‡ **3:13** Li ze iDeut 21.23 § **3:16** Li ze Igbae 12.7 \* **3:17** Li ze Okiali 12.40 † **3:18** Li ze iRom 4.14 ‡ **3:29** Li ze iRom 4.13

<sup>18</sup> Ini oni ugu o migha shi ushi lo, o a kha ke migha nga ishobo, Ama rote isomhelemhi oyi Eshinegba o ro shi oni ishobo na Aburaamu.†

<sup>19</sup> Elo o ze ni a ro ri ushi bhale? Eri a ri ushi bhale ni a ro rokhase khi awa lamhe. Eri a roli shi eke ramhi egheghe ni omiomi Aburaamu ni a riele ishobo khe o ro ya bhale. Eshinegba o ri oni ushi na igeni tiemhile na iMosisi ni o la iteva ogbo ali Eshinegba. <sup>20</sup> Awa kha da ngme ingme omigha-na ogbo ne, o rokhase khi egbo aava e mema lasela shi agho, Ama Eshinegba lolighuo o shi oni ishobo ona, Eshinegba oghuo, o khi.

### *Emini ushi o migha shi*

<sup>21</sup> Eri ushi o ke a zu ishobo oyi Eshinegba ode? Iiye o! Irari ini eri a ri ushi bhale ni o ri agbo ke na ogbo lo, a kha ri irarigho pfa na ogbokpa ini o ri ushi gbe akanya. <sup>22</sup> Ama Ebe-no-pfuase o ngme ghoni khi ekpabo olamhe o mhesa a na agbo nya, ni a ba bhale ya e khi emini a shobo, ni a ro o na ogbo rote obo oyi iJesu iKirisiti ni a roli na egbo ni e miesuo.

<sup>23</sup> Neni oni irudunga o bhale, eri ushi o mu awa ighumha, o pfi awa okpe ramhi ni irudunga o ro bhale. <sup>24</sup> Eri a ri ushi na awa ni o sese awa ode ramhi ni iKirisiti o ro bhale, ni a rote irudunga pfa na awa. <sup>25</sup> Memena abi egheghe irudunga o ro bhale, ushi o a ke e sese awa ode.

### *Imi Eshinegba*

<sup>26</sup> Ee nya, imi Eshinegba a khi rote irudunga oyi iJesu iKirisiti. <sup>27</sup> Irari khi ee nya ni a batazi elemhi iKirisiti, a she ri iKirisiti so. <sup>28</sup> Ikhioda o la o na ogbo iju ali ogbo ijeta, wekhi ikhioda o la oghumha, ali oni o a khi oghumha, wekhi omose ali okpotso, irari khi ee nya, oghuo a khi shi iJesu iKirisiti o. <sup>29</sup> Ini a khi onayi iKirisiti, egheghe agho imi Aburaamu a khi, a khi eni e mholi okemhi shi oni ishobo.‡

## **4**

<sup>1</sup> Emini mhia ngme khi, ini oni oni ugu o go lu o da kie khi ukuku omone, o kioda

shi oghumha o, ama loli o kie ya mholi eni apfe nya. <sup>2</sup> Eri o kiele ya la obo oyi eni e ri eloe e khu oli, ali eni a ri eni ugu nga obone, ya ramhi egheghe ni itali o shi shi eke, ni o ro ya womhe eloe. <sup>3</sup> Igho o li khi shi awa egbe. Ighumha eyi iyemhe ni e mheshe na agbo nya, e mheshe e na awa neni awa mholi iwomheloe elemhi ayemhe. <sup>4</sup> Ama abi oni egheghe o ro ramhi, Eshinegba o ghie omioli ni okpotso o bia, ni a bia shi egheghe ushi, <sup>5</sup> ni o ro tsumhi egbo ni ushi o mheshe e na, ni awa te eni a lu Imi Eshinegba. <sup>6</sup> Itobo khi a khi imioli, Eshinegba o ro ghie Ayemhe oyi Omioli bhale udu oyawa, Ayemhe ni o tseshe lie, "Itamhe, Itamhe." <sup>7</sup> Itobo ona, wa a ke khi oghumha ama omioli, abi u ke ro khi omioli egho, Eshinegba o she re mie oni ishobo. \*

#### *Omuegbe ni iPolu o mholi na egbo iGalesha*

<sup>8</sup> Egheghe ni o dose ni aa ro kpe lese Eshinegba, a khi ighumha eyi emini e khi ilitsa ni ea khi Eshinegba. <sup>9</sup> Ama memena ni a ke ro lese Eshinegba, ali abi Eshinegba o ke ro lese e ena, elo o ze khi a nono ni a nyene egbe gbo deba iyemhe afue ni ea mhue ekpabo? Elo o ze ni a ro o nono ni e gbo mu e ighumha utonuzi-eva? <sup>10</sup> A ri eloe e shi ogbele na ke ali iki ali egheghe ali ikpe. <sup>11</sup> Ulishi oo mu mhe irari khi o li mhe eloe abine khi eri mhi pfuse egheghe-a shi e egbe shi afue.

<sup>12</sup> Mhia lema e, inyoghuo a li abi mhi li, irari khi eri mhi li abi a li. Aa li mhe ingmobe. <sup>13</sup> A yelee, khi elemhi umha ze mhi la ni mhi ro tse abo usomhi onete ye e odo-ode. <sup>14</sup> Abi o tseku khia khi ughuamhi oyemhe khi eri o li abi anasemhe na e, aa ri eloe gbe mhe, aa kie mhe. Ochogho, eri a kpe abo mie mhe abine khi agheni Eshinegba mhi khi, abi a kha li mie iJesu iKirisiti. <sup>15</sup> Elo o li oghel oye? Mhi dobe ya pfi otsele khi ini o ze ya li lo khi a kha ga vuonyo ikpamhi alo eye e na mhe. <sup>16</sup> Mhi she mele obe e-a irari khi mhi gue igesikia ye e?

<sup>17</sup> Egbo e nono ni e ti e ma egbe, ama oa khia ode ni o ti o khi. Emini e nono khi ni e re e mele epfese-a shi anye o, ni a khi eni e

mholi omuegbe na we. <sup>18</sup> O ti ni ogbo o mholi omuegbe ini o da khi eminente o mholi oli shi, ali ni o ke mholi oli egheghe kpa, oa khi ini mhi da lese la agho tse. <sup>19</sup> Imimhe, egbe e to mhe shi ingme oye, abi okpotso ni oku oo to, ni a ro bhale ya e khi a me iKirisiti agbo oye. <sup>20</sup> Abi a khe khi mhi nu e la, ni mhi mu uruli oyemhe pfi, irari khi egbe e pfo mhe-a shi ingme oye e!

#### *Ega ali iSera*

<sup>21</sup> A gueye mhe ghue, ikhi ee ni a nono ni a khi eni ushi o mheshe a na, a lese abi ushi o ngme? <sup>22</sup> Irari khi a keke oli khi Aburaamu, o bia eniye emose aava, oghuo oo khi omi okpotso oghumha, onokpole o khi omi ogbo. † <sup>23</sup> Omoo ni oghumha o bia na li, eri a bia li rote ode na tse, ama oni egbegbi okpotso o bia, a bia li rote ode ishobo.

<sup>24</sup> Eni ingme ena nya e mholi emini e migha shi, irari khi ikpotso aava ena, ilama na egbe eva e khi. Ilama-negbe oghuo o khi ona ukhomhi ute iSinai, o bia eniye ni e ya khili ighumha. Loli khi Ega. <sup>25</sup> Mena, Ega o migha shi ute iSinai na eke Arebia ni o khili eoli iJerusalemu, irari khi eri o nu imioli khili ighumha. <sup>26</sup> Ama inyoo awa o khi eoli iJerusalemu ni o la odane, omi ogbo o khi. <sup>27</sup> Irari khi a keke oli, e li:

"Ke ghele, yeye aga  
ni oa bia eniye,  
ri oghel tseshe leghe,  
yeye ni oku oa to ghue,  
irari khi okpotso ni a kie,  
o mholi eniye ni e bu  
dose okpotso ni o mholi odo." ‡

<sup>28</sup> Memena, inyoghuo-mhe, eniye ishobo a li khi ezeze abi Aziki o li khi omoo ishobo. <sup>29</sup> Abi o kpe li oni egheghe, ni omoo ni a bia elemhi idiegbe, oo li mu okholi vule shi omoo ni a ri ekpabo Ayemhe oyi Eshinegba bia o, igho o kie li memena. § <sup>30</sup> Ama se Ebe-no-pfuase o ngme? Oo, "Khu okpotso oghumha ali omioli vu, irari khi omi okpotso oghumha oa tigbe ya nu omi egbegbi okpotso kemhi ugu."\* <sup>31</sup> Irarigho, inyoghuo, awa aa khi eniye eyi okpotso oghumha ama eniye eyi okpotso ni o khi omi ogbo.

\* 4:7 Li ze iRom 8.15-17 † 4:22 Li ze Igbae 16.15; 21.2 Li ze Igbae 21.10

‡ 4:27 Li ze Aza 54.1 § 4:29 Li ze Igbae 21.9 \* 4:30

## 5

### *Irueḡle ni o la obḡ oyi iKirisiti*

<sup>1</sup> IKirisiti ḡ she rue awa ḡ le. Irarighḡ, a migha gbaa shi oni irueḡle, a khi ke gbo zḡ ni a gbo ya nyenḡ ri egbe ḡ khi ighumha oyi ushi.

<sup>2</sup> A ghe i! Mhḡmḡ iḡḡlu, mhi gue ḡ yḡ ḡ khi, akanya ni iKirisiti ḡ gbe ḡa ke ya mhḡli elele okhḡghuo na ḡ, ini a ya sheḡḡ-a. <sup>3</sup> Mhi gbo gue ḡ ye ḡḡḡ ni ḡ ḡa zḡ ni a sheḡḡ ḡli-a ne, ḡ mema ya ri ushi nya gbe akanya. <sup>4</sup> Eḡ ni a dua ni a khi eni a pfa na rḡte iri-ushi gbe akanya, aa ke mhḡli obḡ shi ikanya ni iKirisiti ḡ gbe, a she de okhale oyḡli-a. <sup>5</sup> Ama rḡte irudunga awa te lolo migha a khḡ ipfuasḡ ni awa ri udu nga rḡte elemhi Ayḡmḡ-nḡ-pfuasḡ. <sup>6</sup> Irari khi elemhi iJesu iKirisiti, oshḡḡ ali umha-sheḡḡ-a ḡa mhue eleli. Emini o mema mu egbe khi irudunga ni o mhḡli inono.

<sup>7</sup> A kpḡ guḡ ḡ kia. ḡghuo ḡ mu alo nyenḡ ni aa ke rḡ ḡ deba igḡsikia? <sup>8</sup> Oni ḡ lina mu ḡ alo nyenḡ, ḡa rḡte obḡ oyi iKirisiti oni ḡ lu ḡ bhale. <sup>9</sup> “ḡḡḡ ḡbe ḡtuḡghuo ḡ doḡḡ ya yese ḡḡḡ eni e bu-a. Eri ḡ li abi umiesobḡ ḡghuo, ni o ri oili ḡ gbolo enekḡḡle-a.”\* <sup>10</sup> Ama mhi regbenga ḡ khi eyi ḡḡḡmhue a khi. Onana o rḡ mhḡ leḡḡ gbḡḡ khi emini mhi gueye ḡ a ya riḡḡ, khi aa ya riḡḡ emini ḡḡḡḡḡ ḡ gueye ḡ. ḡḡḡ ni ḡḡ nase ḡ, ḡ ya ri ukhomhi kpḡ ḡ, ḡnini ḡ riḡ khi.

<sup>11</sup> Inyḡghuo, ini isheḡḡ-a mhi kiele rḡ tse abḡ ḡ, abi ḡḡḡ ḡghuo ḡḡ ngme, elḡ a mu okhḡli vule shi mhḡ ḡ kḡ shi? Ini o khi ighḡ ḡ, ungmehi apfida ḡa kha ke ri elemhi ke bi. <sup>12</sup> Eḡḡ ni e na ri ingme oshḡḡ a nase ḡ ena, mhi kha ga liḡ e bie wali egbewḡ-a.

### *Agḡ na elemhi Ayḡmḡ*

<sup>13</sup> Eḡ oyḡḡ, inyḡghuo-mhḡ, eri a lu ḡ ni a la elemhi ḡpfua. Ama a khi zḡ ni a ri oni ḡpfua ona ke riḡḡ emini idiegbe olamḡ oyḡ ḡḡ nono. Ochoghḡ a ri inono ke ga egbe ḡ. <sup>14</sup> Irari khi emini a rḡ zḡ ushi nya ukhomhi khi, “Nono ḡnuzava oyḡ abi u li nono egbie.”† <sup>15</sup> Ini a mu okhḡli vule ḡ shi egbe ḡ ḡ, ni a rḡ ḡ khu egbe ḡ, a mhue ḡḡḡ ini a khi a ya pfuse egbe ḡ-a.

<sup>16</sup> Emini mhia ngme khi, a ke kia okiali elemhi Ayḡmḡ, ḡḡḡḡḡ aghḡ aa ya riḡḡ ḡghuḡmḡ oyi idiegbe olamḡ. <sup>17</sup> Irari khi idiegbe, ḡbe Ayḡmḡ o khi, ali khi emini Ayḡmḡ ḡ nono, eri ḡ zu ḡghuḡmḡ idiegbe olamḡ ḡḡ. Wewḡ ava-ava ḡbe e khi shi egbe ḡ, ḡḡli o zḡ khi u waa doḡḡ a riḡḡ emini u wa nono ni u riḡḡ.‡ <sup>18</sup> Ama ini Ayḡmḡ ḡ rḡ ḡ kia, waa tigbe ya riḡḡ ḡghumha oyi ushi.

<sup>19</sup> Emini ikanya idiegbe olamḡ ḡḡ gbe na; Itḡḡḡ, ikanya ichimhi na itḡḡḡ ali angeli efiala, <sup>20</sup> ikhumhi igaga, ali ḡḡḡ ipfipfi, ibiselemhi, umha lama a na egbe, ofuma ikpekpe, ofu imhḡli, ikanya ukpḡ, elemhi ibibi, ikemhi egbe, <sup>21</sup> Idegbe-ḡḡḡḡ, idonyḡ ḡḡḡ, iye-ukue ni a la li itḡḡḡ, ali emhi elese ḡḡḡḡ. Mhi tse agua ye ḡ, abi mhi kpḡ li tse ḡli ye ḡ, khi ḡḡḡ ni e da a ngeli angeli ḡḡḡḡ ne khi ḡa ya mhḡli okemhi shi Eghiele oyi Eshineḡba.

<sup>22</sup> Emini Ayḡmḡ ḡ rḡ ḡ laselle khi; Inono, ḡḡḡḡ, ḡpfḡmḡ, irabḡmudu, isomhelemhi, onete, iḡḡ-ri-egbeda, <sup>23</sup> Ipḡḡmḡ, igue-regbekia. Ushi ḡa ya mu ḡḡḡ shi ḡ ini ḡ riḡḡ enana nya. <sup>24</sup> Eni e khi eyi iJesu iKirisiti e she rḡte idiegbe olamḡ oyḡḡ ali ḡghuḡmḡ eyḡḡ nya ma apfida. <sup>25</sup> Aborḡkhia khi Ayḡmḡ ḡ ri awa a kia ḡḡḡ, awa ke deba ḡḡḡ-awḡ eyḡli. <sup>26</sup> Awa khi ke mu egbawa ḡloe ḡḡḡ ḡḡ, yḡḡ elemhi ke bi egbe, ni o ri awa a ke kpḡ ofuma deba egbe.

## 6

### *A ke riḡḡ onete na ḡḡḡ nya*

<sup>1</sup> Inyḡghuo-mhḡ, a kha bhale ya ḡ khi a mu ḡḡḡḡḡḡ shi olamḡ, ḡḡ ni a la elemhi ayḡmḡ, a kuegbe-a sheshe ḡli shi ḡḡḡ fiḡ. Ama a ke tḡ egbe ḡ ḡkpḡ, ini a khi li de pḡlo imufḡ. <sup>2</sup> A kpaghieḡ egbe ḡ itsua, ini a li ighḡ, a ya riḡḡ ḡghuḡmḡ oyi iKirisiti. <sup>3</sup> Ini ḡḡḡ ḡ dabi khi ḡḡli mu ḡloe, ni a rḡ bhale ya ḡ khi ḡa khi emhikhḡḡḡ, egḡli ḡḡ di. <sup>4</sup> ḡḡḡḡḡ ḡ ke mu angeli eyḡli fḡ ni ḡ bino ini e ti. Oni ḡḡḡḡḡ, ḡ tigbe mḡ asha a titi egḡli. ḡ khi ri egḡli khḡkhḡ ḡḡḡḡḡ. <sup>5</sup> ḡḡḡḡḡ ḡ tsua itsua eyḡli.

\* 5:9 Li zḡ 1 iKḡri 5.6 † 5:14 Li zḡ iLḡv 19.18 ‡ 5:17 Li zḡ iRom 7.15-23

<sup>6</sup> A ke ri eminete nya somhi ọgbọ ni ọọ sẹsẹ ẹ emini Ẹshinegba ọ ngme.

<sup>7</sup> Khi di egbe ẹ. Ọgbọkhọghuo ọa dobe ya ghagha Ẹshinegba. Emini ọgbọ ọ rọ kọ, lọli ọ ya khiẹsẹ. <sup>8</sup> Ini ọgbọ ọ deba ọghuẹmhe oyi idiegbe olamhe oyọli rọ kọ ọ khiẹsẹ epfua. Oni ọ rọ kọ rọ ri egbe mu Ayẹmhe, ọ ya khiẹsẹ agbọ na agbọagbọ. <sup>9</sup> A khi zẹ ni onete iriẹlẹ o khuese awa, irari khi o kha ramhi oni ẹghẹghẹ, awa ya khiẹsẹ, ini ọa da lọsẹ awa. <sup>10</sup> Irarighọ, abi awa da mhọli oni ẹghẹghẹ kpa, awa ke riẹlẹ onete deba ọgbọkpa, tee-tee, ena ọmhuẹ-apfẹ irudunga.

*Itse-agua ni o kpukhokho*

<sup>11</sup> A bino ikpamhi alo ebe eniẹmhi ni mhi ri obọ oyẹmhe keke ghi ẹ. <sup>12</sup> Egbọ ni ẹẹ riẹlẹ abamẹmhe, ẹ dua ni e ri itoto ti ẹ shi ishele-a, emini o zẹ ni e rọ ọ li ighọ khi, ẹa nono ni a mu okhọli vule shi wẹ ọ shi osesẹ oyi apfida oyi iKirisiti. <sup>13</sup> Egbegbi eni e shele-a, ẹa ri ushi ẹ gbe akanya, ama ẹ nono ni a shele ẹ-a, ni e ba mẹ asha ke neta ọmọse khi e rẹ ẹ she shele-a. <sup>14</sup> Ama mhi aa tigbe ri emhikhọghuo ya neta ọmọse, ini ọa li khi ingme oyi apfida oyi iJesu iKirisiti Ọnọmhuẹ ọyawa. Itobọ oni apfida ona, mhi rọ ghu pfa ọghuẹmhe agbọ, ọghuẹmhe agbọ o ghu pfa agbọ oyẹmhe. <sup>15</sup> Ishẹle-a ali umha shele-a ọa mhọli abi o ngme, emini o mu egbe khi, ni a rọ riẹlẹ ọgbọ bia elemhi iKirisiti. <sup>16</sup> Opfọmhe ali ilelemhi e ka nu eni e deba osesẹ onana la elemhi agbọ oyẹwẹ, li shi ẹgbọ iZireni eyi Ẹshinegba.

<sup>17</sup> Ọzukhomhi emhikpa khi, ọgbọkhọghuo ọ khi ke nase mhe, irari khi mhi mhọli ẹmẹli oyi iJesu shi egbe oyẹmhe.

<sup>18</sup> Inyọghuo-mhe, okhale oyi iJesu iKirisiti Ọnọmhuẹ ọyawa, ọ ka nu ayẹmhe oye ẹ nya la. Atse.

## Ebe ni iPolu o keke ghi egbo Efisha Eni e miesuo

*IPolu o tse eni e mie iJesu suo ne la Efesosi*

<sup>1</sup> Mhemhe iPolu, aghiusomhi na kepe oyi iJesu iKirisiti ni Eshinegba o ze mhi khi.\*

Egbo eyi Eshinegba ni e la eke Efesosi, eni e regbenga iJesu iKirisiti mhi keke ebe ona a ghi. <sup>2</sup> Mhi lema Eshinegba ita awa ali iJesu iKirisiti Onomhue, e ka mhu e isomhelemhi na e, e gbo ri ofomhe na e.

*Eshinegba o she te obo oyi iKirisiti riepe eminete na awa*

<sup>3</sup> Awa kueghie Eshinegba. Loli o khi Eshinegba ali ita iJesu iKirisiti Onomhue oyi awa. Loli o ri ikhivose ni o te iloghie bhale na awa, ikhivose oni o kpaghie ayemhe oyi awa obo. Ikugbe ni o ku awa ali iKirisiti gbe o ro riepe ona. <sup>4</sup> Neni Eshinegba o ma agbo, o she kpe ze awa eni e khi egbo eyoli, rote obo oyi iJesu iKirisiti, ini awa khi eni e pfuase ni ea mhu e umha-guekia shi odalo oyi Eshinegba. Itobo khi oo nono ingme oyawa o ro ligho riepe oli. <sup>5</sup> Neni Eshinegba o ma agbo, o she te eke gba li khi loli ya ri awa mele imi oli-a, itobo emini iJesu iKirisiti o riepe, ni o de shi o abi o ghole Eshinegba. <sup>6</sup> Eri o lina riepe oli ini awa kueghie oli shi okhale oniemhi ni o mhu e na awa, itobo emini omi oli otuoghuo kpe ni o nono ingme oyoli, o riepe.

<sup>7</sup> Obo oyi iKirisiti awa te mholi ipfasheke, itobo oia eyoli ni o ku shi eke abi o ro ghua na awa. Ona a te ri olamhe topfa awa. Itobo epfue oyi okhale oyi Eshinegba ni o gbeku o, o ro riepe ona.† <sup>8</sup> Oni okhale ona o tutu ku awa, rote ileasingme ali egbhe o te riepe oli. <sup>9</sup> Eshinegba o khueghie osheli emini o gba shi eke-a khasa awa, ikhi emini o rote obo oyi iJesu iKirisiti ro tse, abi o ghole oli. <sup>10</sup> Emini Eshinegba o gba khi loli ya pfuse riepe khi, ini o ramhi oni eghenge te, o ya ku emhi na agbo ali ena iloghie gbe khi oghuo, o ya ri iKirisiti le oghie wewe nya. <sup>11</sup> Itobo khi Eshinegba o ku anye ali iKirisiti

gbe, anye she mie ugu obo oyi Eshinegba. Irari khi o she kpe te eke gba li khi loli ligho ya riepe oli, o ro ligho riepe oli. O ri emhikpa tse shi abi o ghole oli shi. <sup>12</sup> Ishegho ni anye iJu ni e khi egbo eni odode ni e kpe regbenga iKirisiti, e kueghie Eshinegba shi ufumhi oyoli. <sup>13</sup> Eri a li ku e ma iKirisiti abi a ro suo oni ungmehi igesikia, oni o khi usomhi onete oyi Eshinegba, abi o mie e pfuese. Abi a ro mie iKirisiti suo, Eshinegba o ro shi olepe shi e egbe. Ayemhe-no-pfuase ni O kie kpe ro nga na awa o khi oni olepe. <sup>14</sup> Itobo Ayemhe-no-pfuase ni Eshinegba o kpe ro na awa, awa ro mholi o shi udu khi Eshinegba o ya ri emini o ro nga na egbo eyoli gbo na awa. Eghenge ni Eshinegba o ro pfa awa egbo eyoli shi eke nya, awa ro mholi eni emhi ena. Ona o ya ri egbo eyoli kueghie oli shi ufumhi oyoli.

*IPolu o lema na eni e mie iJesu suo ni e la Efesosi*

<sup>15</sup> Itobo emhi ena nya ni Eshinegba o riepe, ali abi mhi te suo abi a mie iJesu iKirisiti Onomhue suo ni a gbo mholi inono shi egbo eyi Eshinegba nya o, <sup>16</sup> mhia tigbe yemhe ikphemhi-a, ni mhi ri itobo oye e kphemhi na Eshinegba, ini mhi da lema na e. <sup>17</sup> Eri mhia lema Eshinegba oyi iJesu iKirisiti Onomhue oyawa, oni o khi ita awa ni o mholi ufumhi oniemhi, o re e mholi ayemhe ileasingme. O gbo ri egbe oli khasa e ni a lolo lesepe oli egbegbo. <sup>18</sup> Mhi gbo lema Eshinegba o khueghie e udu-a ini a lesepe oni igesikia oyoli, ini a gbo lesepe irudushi ni a regbenga, ni Eshinegba o lu e shi. Ni a gbo me epfue oyi ugu oniemhi oyoli ni eni e mie oli suo e mholi. <sup>19</sup> Mhi gbo lema li o ze ni a lesepe ekpabo ni e fune eyoli, ni ea mhu e irokhokho, ni a ro na awa eni e miesuo. <sup>20</sup> Eni ekpabo ena o ro gbe akanya abi o ro guise iKirisiti eghuli le abi o ro ghua. Wewe o ro ri iKirisiti shito obo ita oyoli obini iloghie.‡ <sup>21</sup> Oobo iJesu iKirisiti o la mhese na ekpabo, ali itoto ali igeni, ghe enete ghe eni ea ti, ghe eni a me agbo ona ne, ghe ena agbo ni aa me ne. <sup>22</sup> Emhi nya Eshinegba o ro shi ufuegepe oyoli ni o mhese shi. Loli o ze iJesu ozukhomhi emhi nya ni

\* 1:1 Li ze Ika 18.19-21; 19.1 † 1:7 Li ze iKolo 1.14 ‡ 1:20 Li ze Iwolo 110.1



o pfoṃhẹ igbaa oyi eni e mie iJesu iKirisiti suọ eyọli egbe. <sup>23</sup> Egbo ni e mie iJesu suọ e khi idiegbe oyi iJesu, iJesu o khi ukhomhi. Ekpabọ ali agbo oyi iJesu iKirisiti o vose agbo eyi eni e mie ọli suọ. Ufumhi oyọli o gasẹ agbo ali emhikpa odekhode nya. §

## 2

### *Okhale oyi Eshinegba o ro mie awa pfuese*

<sup>1</sup> Egheghe ni o dose ni a ro kpe la agbo olamhe, a la agbo umha-suoseso, a khi egbo eni e ghu shi olamhe ni ẹa mhọli Ayemhe oyi Eshinegba. <sup>2</sup> Egheghe agho ingeli agbo a ngeli, a ri ungmehi oyi okphaghie oni o khi oghie ayemhe alo ebili i gbe akanya. Oni ayemhe ona o kiele la agbo oyi egbo ni ẹa ya suọ esọ na Eshinegba a gbe akanya. <sup>3</sup> Igho awa nya awa kpe li ngeli. Awa ri oghuemhe egbe, ali usamhi ebe ni udu oyi awa o gueye awa a riẹle emhikpa. Abi egboese na agbo ni ẹa ya suọ esọ na Eshinegba e li ya pfua, awa kha li pfua. <sup>4</sup> Ama Eshinegba o nono ingme oyi awa gba, igho ilelemhi oyọli oó gbẹdi. <sup>5</sup> Lolọ o ze ni o ro rote obọ oyi iJesu iKirisiti ni o guise le ri agbo ayemhe onogbo na awa, aboriekhia khi eni umha-guekia o kesẹ-a awa khi. Okhale oyi Eshinegba a ro mie e pfuese.\* <sup>6</sup> Eri o ri agbo onogbo oyi iKirisiti na awa, o ri awa nu iKirisiti shito obini iloghie, nu o li e mhesẹ, itobọ emini iKirisiti o riẹle na awa. <sup>7</sup> Rote iJesu iKirisiti Eshinegba o te ri okhale ni o mhọli na awa khasẹ, ogbenako ni egbo e me ashini okhale oyọli o fu ramhi, ni ọa mhọli irokhokho. <sup>8</sup> Okhale oyi Eshinegba a ro mie e pfuese abi u ro miesuọ, ọa khi ingeli enete ni u ngeli e mie e pfuese. Afue-afue o mie e pfuese. <sup>9</sup> Eshinegba ọa ri itobọ ingeli enete ni u ngeli mie e pfuese, ini ogbokhoghuo o khi vuse ike. <sup>10</sup> Eshinegba o ma awa. Ikanya enete o ma awa awa ke gbe abi awa ali iJesu iKirisiti awa ro da ke khi oghuo egho.

### *Eshinegba o she te iKirisiti ku egbo iJu ali egbo iJeta gbe*

<sup>11</sup> A yelege egbo enabi a khi elele, khi aa khi iJu. Egbo iJu e ma kpe ri ukpeloe gbe e, itobọ khi aa shele a, ali itobọ khi aa khi egbo

iJu. Ama ee lu egbe we eni e khi egbegbi egbo, itobọ khi a shele we-a. Oshelẹ ni o khi akanya ni egbo e ri abọ gbe idiegbe. <sup>12</sup> Yelege khi egheghe agho khi aa kpe ku ma iJesu iKirisiti o, a khi opfese shi ishiobọ ni Eshinegba o ro nga na egbo iZireni. A khi eni ẹa mhọli iregbenga ni ẹa mhọli Eshinegba shi elemhi agbo. <sup>13</sup> Ama, memena, ee ni a kpe nuata shi Eshinegba o, o ri ọlia eyi iKirisiti ti e mama egbe.

<sup>14</sup> IJesu iKirisiti o ri egbo iJeta ali egbo iJu riẹle. O rue ugbe ibiselemhi ni o kpe la we iteva ode-a, o rewe mele egbo eghuo-a. <sup>15</sup> Eghuli ni o ghu o ro shishi ishi ni e la we iteva-a, Ini o me asha ri egbo iJu ali egbo iJeta khi egbo enegbo eghuo. Ona o ro rewe riẹle ini e khi ke biselemhi egbe.† <sup>16</sup> Eghuli ni o ghu-a shi ọra apfida o ro ku egbo ena gbe, o gbo rewe ali Eshinegba riẹle. Agho ibiselemhi egbewe o pfo shi.‡ <sup>17</sup> Usomhi onete oyi Eshinegba oyi opfoṃhẹ, iJesu o bhale ya tse abọ gueye egbo iJeta ni e nuata shi Eshinegba o, ali egbo iJu ni e timama Eshinegba. § <sup>18</sup> Obọ oyi iJesu iKirisiti awa te mhọli Ayemhe oghuo ni o ze khi awa ga ro dobe a le deba Eshinegba.

<sup>19</sup> Itobọ igho ee egbo iJeta, aa ke khi epfese, ama a she ku ma egbo eyi Eshinegba. Ena omhue-apfe oghuo a ke ga khi. <sup>20</sup> Oni idiegbe owa a li khi. Ighiusomhi na ke ni iKirisiti o ze ali emekeguele eyi Eshinegba e khi igbaekele oyi oni owa. IJesu iKirisiti o mu oni owa mhue. <sup>21</sup> IKirisiti o ze ni eche ni a ro ma oni owa nya e ro toma, ni oni owa o ro mele owa oniemi a. O ro li khi oni o pfuase na Onomhue. <sup>22</sup> Itobọ khi a ku ma iJesu o, o ro re e ma eni e mie ọli suọ. U ya mele owa ni Ayemhe oyi Eshinegba o ya ke la-a.

## 3

### *Eshinegba o ghi iPolu ghi egbo iJeta*

<sup>1</sup> Itobọ ona, mhemhe iPolu mhi ro lema na e. Mhemhe ni a ri itobọ khi mhia gbe akanya na iJesu iKirisiti mu shi owa ighumha. Akanya abi mhi lie tse abọ usomhi onete oyi Eshinegba ye e egbo iJeta. <sup>2</sup> O limhe eloe khi ee egbo iJeta, khi a she

§ 1:23 Li ze Iwolo 8.6; iKolo 1.18 \* 2:5 Li ze iKolo 2.13 Li ze Aza 57.19

† 2:15 Li ze iKolo 2.14 ‡ 2:16 Li ze iKolo 1.20 § 2:17

kpe suọ khi Eshinegba ọ ghie mhe ghi e mhi bhale ya tse abọ ye e. Itobọ okhale oyọli ọ rọ ghie mhe usomhi ona, ni mhi kpaghie e obọ. <sup>3</sup> Oni usomhi khi, ugbamhi ni Eshinegba ọ gba ni o khi oyi osheli, ni ọ khueghie-a khase mhe. Mhi kpe khueghie ukukuọ li-a khase e elemhi ebe ni mhi kpe keke ghi e. <sup>4</sup> Ini a ze ebe onana, a ya me emini mhi lese osheli oniemhi ni o khi osheli na iJesu iKirisiti, ni Eshinegba o gba. <sup>5</sup> Eshinegba ọa kpe khueghie osheli emini ọ ya riele ni ọ gba shi eke khase egbo na agbo ena elele. Ama ọ she rote elemhi Ayemhe-nọ-pfuase khueghie ọli-a khase ighiusomhi na kee ali emekeguele eyi Eshinegba. <sup>6</sup> Emini Eshinegba ọ gba khi, a ya rote itsabọ usomhi onete oyi iJesu iKirisiti ri egbo iJeta ni e miesuo nu egbo iZireni ni e miesuo le ugu oghuo, abi egbo ni e khi idiegbe oghuo. Eghẹghẹ agho ni a bhale ya e khi ee ni aa khi egbo iJu, a nu egbo iJu mhuẹ obọ shi emini Eshinegba ọ rote iJesu iKirisiti rọ nga na iJu.\*

<sup>7</sup> Eshinegba ọ ri akanya ni mhi rọ ọ tse abọ usomhi onete oyọli na mhe. Itobọ okhale oyọli ọ rọ ri oni akanya na mhe. Ọ ri ekpabọ eyọli re mhe e gbe oni akanya. <sup>8</sup> Ini Eshinegba ọ pfi ukpeloe bino uwali ogbo ni mhi kpe khi elele lo, ọa kha ze mhe, mhi ke tse abọ usomhi onete oyọli. Ama itobọ okhale oyọli ọ rọ ri akanya ona na mhe mhi ka tse abọ usomhi onete oyi upfuemhi ni o la iKirisiti ye e egbo iJeta. Upfuemhi ni ogbo ọa dobe lese udi ọli e pfo. <sup>9</sup> Ọ gbo ze mhe mhi ka khueghie-a khase agbo kpa abi ọ li ri oni osheli ni ọ gba nya ya tse. Eshinegba ni ọ ma emhi nya ọ kpe rọ te igbaekele ri osheli ona sheli agbo nya. <sup>10</sup> Eri Eshinegba ọọ nono ni loli rote igbaa oyi eni e mie iJesu iKirisiti suọ ri ilisingme ode ebubu eyelue khase igeni ali ekpabọ na idane. <sup>11</sup> Ina Eshinegba ọ te eke gba li neni ọ ma agbo. Rọ te iJesu iKirisiti Onomhuẹ oyi awa ọ te roli tse. <sup>12</sup> Itobọ khi awa mie iJesu suọ, ali khi awa gbo ku gbe ọli ọ, awa rọ a mhuẹ igbedu rọ a lo deba Eshinegba. <sup>13</sup> Itobọ igho, a khi ze ni egbe pfo e-a ini a suọ abi mhi lie me osue shi itobọ khi mhia tse abọ usomhi onete oyi Eshinegba ye e. Ochoghọ, a ze ni

osue ni mhia me o ri ufumhi oyi Eshinegba ghi e.

<sup>14</sup> Loli o ze ni mhi rọ wugha odalo oyi Eshinegba ni ọ khi ita awa a sọ iromhi na e. <sup>15</sup> Rọ te ayi ọli unuekpe nya ni e la agbo ali iloghie e te le eva. <sup>16</sup> Eshinegba ọ mhọli ikhivose eniemhi ni ọ rọ ọ na egbo eyọli, itobọ igho mhi rọ lema li, ọ ri Ayemhe oyọli ri udu oye e toto a, <sup>17</sup> ini iKirisiti ọ lo e udu shito kpe abi a mie ọli suọ. Mhi gbo lema Eshinegba ọ re e migha abi ọora ni o pfi imhili lo eke egbegbo, ni a nono ingme oyi Eshinegba ali ingme egbe e, ini a khi de. <sup>18</sup> Mhi gbo lema Eshinegba ọ ze ni ee ali egbo eyi Eshinegba nya a dobe lese abi inono oyi Eshinegba o gba ramhi. <sup>19</sup> Eshinegba ọ ze ni a lese inono ni iKirisiti ọ nono awa, inono ni o ghọ fu dose ode ni ọa mhọli ukpese, eghẹghẹ agho ni ingeli eyi ee, e li abi eyi Eshinegba.

<sup>20</sup> A kphemhi na Eshinegba ni ọ mhọli ekpabọ rọ riele emhi eniemhi, eni e fu dose emini awa mhila li, ali emini awa da dobe sa. Ekpabọ eyọli eni e la awa ayemhe e gbe akanya, ọ deba a riele eni emhi na awa. <sup>21</sup> A ze ni awa egbo eyọli ni awa ali iJesu iKirisiti e khi oghuo, e kuẹghie Eshinegba, ogbe na akọ ali agboagbo, ya ramhi ukpese. Atse.

## 4

### *Ikugbe onayi eni e miesuo*

<sup>1</sup> Mhemhe ni mhi ri itobọ khi mhia ga Onomhuẹ la owa ighumha, mhi lema e, a ke ngeli ingeli enete, enabi Eshinegba ọ ọ a ke ngeli eghẹghẹ ni ọ rọ lu e. <sup>2</sup> Emini a riele nya, a ke ti egbe e tiemhi eke, a ri ofie ali ikuegbe-a nu egbe ke ngeli. A ri inono ni a nono egbe ri ipfomhe-udu ke ngeli.\* <sup>3</sup> A roshaka mu ikugbe ni Ayemhe-nọ-pfuase o ku awa gbe mhuẹ ali elemhi opfomhe ni o genọ awa kugbe. <sup>4</sup> Idiegbe oghuo awa khi, Ayemhe-nọ-pfuase oghuo ọ la awa egbe, Igho awa gbo li ri eloe shi eke e khe iregbenga oghuo oyi imiepfuese ni Eshinegba ọ rọ nga na awa abi ọ rọ lu awa. <sup>5</sup> Onomhuẹ oghuo ni ọ khi iKirisiti, ali irudunga oghuo, ali ibatizi oghuo, awa mhọli. <sup>6</sup> Eshinegba ni ọ khi itawa nya, awa a ga, loli ọ mhesa a na

\* **3:6** Li ze iKolo 1.26-27 \* **4:2** Li ze iKolo 3.12-13

awa nya, loli o ri awa a gbe akanya oyoli, loli o gbo la agbo oyawa nya.

<sup>7</sup> Ama iKirisiti o kemhi afu ododa ke a na ogbogbo ni o ro ke gbe akanya oyoli. Lolighuo o mhesa abi o li kemhi we. <sup>8</sup> Ona o ze ni ungmehi oyi Eshinegba o ro o. "Abi o ro kholi ebe oli pfuse-a nya, o nga obini o yagha ne nya, o ri ebe oli ni o mu o le la orolo, ee deba li ukhu-khokho abi eni a mu okholi. O tigbe kemhi isomhopfa enete na egbo."† <sup>9</sup> Emini a ri ungmehi oyi Eshinegba ona ngme, ni oo, "O nga obini o yagha," loli khi, eri iKirisiti o kpe tiemhie agbo ona, neni o nga idane obini o yagha. <sup>10</sup> Ijesu iKirisiti oni o tiemhie agbo ona, o gbo nga obini idane iloghie ni o yagha ne nya, ini o ze emhikpa ukhomhi ni e gu ga ti. <sup>11</sup> IKirisiti o kemhi afu na ke na ogbogbo. O ze eghuo ighiusomhi na ke eyoli, o ze eghuo emekeguele eyi Eshinegba, O ze eghuo eni e kia tse abo ungmehi oyi Eshinegba, o ze eghuo eni eri ukpeloe e khu egbo eyi Eshinegba ali eni e sese we. <sup>12</sup> Eri o lina kemhi afu na we ni e rewe ke gbe ikanya eyoli, ini eni e khi idiegbe oyoli e ke fu sho, ishegho ni idiegbe oyi iKirisiti o totoa elemhi ugamhi oyoli. <sup>13</sup> Ina a li ya ke me oli, ramhi eghenge ni awa nya awa ro kugbe e khi oghuo (abi awa mie Eshinegba suo, ni awa gbo lese omi oli), ya ramhi ni awa ro fu shi imiesuo mele eni e womhelo shi imiesuo, ramhi ni awa ro ya womhelo nya abi iKirisiti. <sup>14</sup> Eghenge agho awa aa ke ea li abi eniye, ini egbo eni e di egbo e khi dobe di awa ya mie emini ea khi egbegbingme suo. Awa aa ke ya li abi oko-okonienhi ni akpekpeli onienhi o tsua gasa ukhomhi okonienhi, <sup>15</sup> ni awa ri ochogho ke ngme igesikia elemhi inono, ni awa womhelo shi emhikpa, ni awa li abi iKirisiti Onomhue, oni o li abi ukhomhi, awa li abi idiegbe oyoli. <sup>16</sup> IKirisiti o ku egbo eyoli nya gbe abi idiegbe ogbo o tono elamhi manoh khi oghuo, ni uguabo ogbogbo o lie gbe akanya oyoli. Eghenge agho oni idiegbe nya o fu, o totoa, o womhelo shi o, egbo e mholi inono na egbe.‡

### Awa mu ingeli eyi awa pfi

<sup>17</sup> Itobo ona, mhi lo ye e ude, itobo eva oyi Onomhue, a khi gbo ngeli abi egbo ni ea lese Eshinegba, ni usamhi ni esa o mu ame. <sup>18</sup> Egbo eghogho ea ya dobe lese udi emhi eyi Eshinegba gboo. Ea mhue obo shi agbo onogbo oyi Eshinegba, itobo umha lese Eshinegba oyewe, igbe udu oyewe o tsua ghi we. <sup>19</sup> Egbe ea ke lili we ini e riele ingme ebe. E she ri egbe we na ikanya ebe eni e ghole we de. Ingeli khi ingeli eyi itsebo esa ngeli. Ingeli eghogho e ghole we eghenge kpa e ke ngeli.

<sup>20</sup> Ama, oa khi ina a sese e a li ke ngeli abi a ro lese mie iKirisiti suo. <sup>21</sup> Mhi lese khi a she suo ingme oyoli, a gbo sese e igesikia ni o la ingme oyoli. <sup>22</sup> Emini a sese e khi, a khi ke ngeli eni ingeli ni a kpe ngeli, ni oghumhe egbe ni ea ti egho e re e ngeli, ni e yese e agbo-a. § <sup>23</sup> A ze ni Eshinegba o mu isamhi ali ingeli eyi e pfi ya khi enegbo. <sup>24</sup> Eshinegba o she ri ingeli enegbo enabi eyoli na e. Itobo igho a ke ngeli abi Eshinegba, elemhi ingeli enete ali ipfuase.\*

<sup>25</sup> Irarigho, a khi ke gbo lo egbholi, ama a ke gue igesikia ye egbe, itobo khi eri awa li abi iguabo ododa eyi idiegbe oghuo.† <sup>26</sup> Ini u me elemhi ibibi, khi lamhe, khi ze obili o bi ya e elemhi-ibibi oye shi e elemhi,‡ <sup>27</sup> Khi ri eghenge na okphaghi ni o mu e fe. <sup>28</sup> Oni o kpe e do ughiat o khi ke gbo do, ama o ri abo eyoli ke gbe akanya ni o te me e ke le, ni o gbo te me e ke kemhi na eni ea mholi.

<sup>29</sup> A khi ke ngme ingmemhi ichimhi unu, ama a ke ngme ungmehi onete ni e ri egbe e mu ogbo ni e ri ogbo e fu shi imiesuo. Zobe ni ungmehi oyi e o gu ke de shi eghenge ni a kha ro ngme oli, ni o mholi ikpaghiobo na eni e suo li. <sup>30</sup> A khi ri egbe pfo Ayemhe-no-pfuase oyi Eshinegba-a. Itobo khi Ayemhe-no-pfuase khi olele ni Eshinegba o shi shi e egbe, ni o re lese oli shi udu gboo khi ogbele oo bhale ni o ya pfa e olamhe eye e shi eke. <sup>31</sup> Zobe ni, iyese-a, ofu, elemhi ibibi, okholi, ali iyese egbe eva, ghe imuegbe obe kpa, ali ikanya ebe nya, e lase e udu le. <sup>32</sup> A ke mholi ilelemhi na egbe

† 4:8 Li ze Iwolo 68.18 ‡ 4:16 Li ze iKolo 2.19 § 4:22 Li ze iKolo 3.9 \* 4:24 Li ze Igbae 1.26; iKolo 3.10 † 4:25 Li ze iZaka 8.16 ‡ 4:26 Li ze Iwolo 4.4 § 4:32 Li ze iKolo 3.13

ẹ. A rọ ke topfa egbe abi Eshinegba ọ ri itobọ iKirisiti rọ topfa ẹ. §

## 5

### *Angeli oyi oni ọ miesuo*

<sup>1</sup> Irarigho, a roshẹka ke khonya Eshinegba abi a rọ da khi imi ọli ni ọ nono egbegbo egho. <sup>2</sup> A la agbo inono, ezeze abi iKirisiti ọ nono awa ni ọ rọ ghu-a na awa abi iluasobo ni ẹ kphela ni e ghole Eshinegba.\*

<sup>3</sup> Abi a rọ khi egbo eni e pfuase egho, a khi riẹle emini ọa gbe akanya nabi itsebo, ukeliẹ emini ọọ pfi omama. A khi khi ena-emhi-ituegbe. Emhi enana ẹa khi emini a suo khi a me iteva oye ẹ egbo eyi Eshinegba ni e khi eni e pfuase. <sup>4</sup> A khi gbo ngme ingmemhi omama ali ungmehi oyege unu, we khi eri a gbudu li iweghie ali iba izeze ni e we-a. Ochoghọ, a ke kuẹghie Eshinegba. <sup>5</sup> A lese khi, ghe egbo ena itsebo, ali ọna ingeli omama, ali ọna emhi ituegbe, khi ẹa ya mhọli okemhi shi iloghie oyi iKirisiti ali oyi Eshinegba. Eri ọna emhi-ituegbe ọ li abi oni ọọ ga ikhumhi.

<sup>6</sup> A khi ze ni ogbokhoghuo ọ ri ingmemhi afue di ẹ, itobọ khi egbo eni ẹ ngeli ingeli olamhe eghoghọ, Eshinegba ọ ya na we ali egbo ni ẹa ya suo esọ na li osue. <sup>7</sup> Irarigho, khi ku ma egbo eni ẹ ngeli ingeli olamhe eghoghọ ọ. <sup>8</sup> Elele a kpe la alo ebili, ama memena elemhi akpa a ke la, itobọ khi, a ku ma Onomhue ọ. Irarigho, a ke ngeli abi eni e la elemhi akpa. <sup>9</sup> Itobọ khi onete ali ipfuase, ghe igesikia e khi umomhi ni akpa o rọ lasele. <sup>10</sup> Roshẹka ni u wena emini ẹ ti Onomhue ẹloe, ni u ke riẹle we. <sup>11</sup> Khi ke nu egbo na alo ebili gbe ikanya afue na alo ebili, ni ẹa mhue eleli. Ri ochoghọ ke khueghie osheli oyewe-a. <sup>12</sup> Emhi omama ọọ khi, ini a ta unu emini egbo ena alo ebili ẹ riẹle elemhi osheli. <sup>13</sup> Ama, ini akpa o khueghie ikanya eghoghọ-a gbo o, egbo e ya lese emini e khi, <sup>14</sup> itobọ khi akpa ọọ khueghie emhi nya-a, ni a ke me gbo o. Lọli Ebe-no-pfuase o rọ, "A guale eni ẹ lese a, a khi li abi oni ọ ghua, ni akpa oyi iKirisiti o la ẹ egbe ke ge."

<sup>15</sup> Itobọ igho lese abi u ke li ya ke ngeli. Khi ke ngeli abi oyege, ama ke ngeli abi olesingme. <sup>16</sup> Ini u da mhọli egege ro ya riẹle onete ne, nyanya riẹle ọli, itobọ khi agbo ingme-obe awa ke la.† <sup>17</sup> Itobọ igho a khi khi eyege, ama a ze ni a lese emini ẹ ghole Onomhue ni a ke riẹle. <sup>18</sup> Khi da onyo pfueche egbe-a, ochoghọ ze ni Ayemhe-no-pfuase o ke vo agbo oye. <sup>19</sup> A ke to iwolo ena irudunga khasẹ egbe, ke to uwolo eni e te ẹ udu lase ke kuẹghie Onomhue. <sup>20</sup> Egege kpa, ke kuẹghie Eshinegba ita awa shi emhikpa, itobọ ifesu iKirisiti Onomhue oyi awa.‡

### *Ingeli oyi emose ali ikpotso ni e la ughue*

<sup>21</sup> A ri egbe tiemhie na egbe ẹ pfo nya itobọ khi u mu ekpe na iKirisiti. <sup>22</sup> Eẹ ikpotso ni a la ughue, a ri egbe ẹ tiemhie na ọdo ẹ, abi u li ri egbe ẹ tiemhie na Onomhue.§ <sup>23</sup> Itobọ khi emose ọ khi ukhomhi oyi ikpotso oni ọ rọ shi ughue, ezeze abi iKirisiti ọ khi ukhomhi oyi igba oyi egbo eni e mie ọli suo. Eni e mie ọli suo e khi idiegbe oyoli ni ọ mie pfuese. <sup>24</sup> Itobọ igho ikpotso ogbogbo ni ọ mhue ọdo, ọ nyese ukhomhi na ọdo li pfo, elemhi emhi nya, abi igba oyi eni e mie iKirisiti suo e li ri egbe we na li.

<sup>25</sup> Eẹ emose eni e ri ikpotso shi, a mhọli inono ni o te eke elemhi udu lasese shi ighue ẹ ọ, ezeze abi iKirisiti ọ nono igba oyi eni e mie ọli suo, ni o ze khi ọ ghua na we.\* <sup>26</sup> Ọ ri itoto oyi ungmehi oyi Eshinegba ri eni e miesuo khi eni e pfuase, ọ ri amẹ khuese we-a ni e dala. <sup>27</sup> Eri ọ riẹle ona na igba oyi eni e mie ọli suo, ni ọ rọ ri ewe somhi otse, ni e ze ọli rọ migha odalo oyoli, ni e khi egbo ni uchimhi ọa ta ma egbe, wekhi eni e mhọli ichinya, u ke liẹ khi emhi olese ni ọa ti, ama ni e khi eni e pfuase ni ẹa mhọli umha-guekia. <sup>28</sup> Ina, ẹẹ emose e li nono ingme oyi ughue we abi e nono ingme oyi idiegbe oyewe. Oni ọ nono ingme oyi ughue ọli ingme egbe ọli ọ nono. <sup>29</sup> Ini a mema bino ọ bie, a ya me khi ogbokhoghuo ọa ya biselemhi egbe ọli, ama eri ọ ri emhi na egbe ọli ẹ le, ọ ri ukpelo ẹ khu egbe ọli, ezeze abi iKirisiti o

\* 5:2 Li ze Okiali 29.18; Iwolo 40.6 † 5:16 Li ze iKolo 4.5 ‡ 5:20 Li ze iKolo 3.16-17 § 5:22 Li ze iKolo 3.18; 1 iPit 3.1 \* 5:25 Li ze iKolo 3.19; 1 iPit 3.7

li ri ukpelo e khu igba oyi eni e mie oli suo oyoli. <sup>30</sup> Uguabo idiegbe oyi iKirisiti awa khi. <sup>31</sup> “Onana o ze ni omose o ro ri ita li ali inyo li e shi eke, o ya toma ughue oli o, egheghe agho wewe aava e mele ogbo oghuo a.”† <sup>32</sup> Ukpokpomhi osheli na ni mhi gue e le, ni o la iteva iKirisiti ali igba oyi eni e mie oli suo. <sup>33</sup> Ama, ni mhi ro gbe oli ukhomhi, omose ogbogbo o lolo nono ingme oyi ughue oli abi o li nono ingme egbe oli, yeye okpotso ni u la ughue, lolo mu ekpe ke na odo e.

## 6

### *IPolu o ye eniye ali eni e bia we ude*

<sup>1</sup> Eniye, a ri ungmehi oyi eni e bia e ke gbe akanya, itobo khi loli o ti ni eni e mie Onomhwe suo e ke rieje.\* <sup>2</sup> “Mu ekpe na ita e ali inye e.” Ona o khi ushi oni odode ni Eshinegba o shi ni o ri ishiobo ma. <sup>3</sup> “Ini u mu ekpe na eni e bia e, agbo oye o ya ke je odalo egbegbo, u ya gbo li agbo tese agbo ona.”† <sup>4</sup> Ee ita eniye, a khi rieje emini o ri elemhi e ke bi imie, a ri ochogho ke ri ukpelo khu we, a ke sese we ode oni o ghole Onomhwe.‡

### *IPolu o ye ighumha ali eni e mholi we ude*

<sup>5</sup> Ee ighumha, a ri ungmehi oyi oni o mholi e ni o la agbo ona ke gbe akanya. A rote ekelemhi udu ke mu ekpe na we. A ri ukpelo oni o fu ke bino we abi a kha li ri ungmehi oyi iKirisiti gbe akanya. <sup>6</sup> A ke ri ingme oyi ewe gbe akanya egheghe kpa, o a khi ini e bino e tse a ro ri ingme oyewe ke gbe akanya ini e ba ke kueghe e. Ama a ke li abi ighumha eyi iKirisiti e li mu ekpe e na li, ikhi eni e rote ekelemhi-udu oyewe e rieje emini Eshinegba o o a ke rieje. <sup>7</sup> Rote elemhi udu oye ke gbe akanya abine khi Onomhwe wa ga, itobo o a khi egbo tse awa ga. <sup>8</sup> Roli shi udu khi Onomhwe o ya somhi ogbogbo opfa shi ikanya enete ni o gbe, shi oghumha o, shi oni o a khi oghumha.§ <sup>9</sup> Ee eni e mholi ighumha, a li gue ke ngeli deba ighumha eyi ee, A khi so we ulishi khi a ya nase we. A lese khi oni o mholi e, mholi

ighumha eyi ee, o la iloghie. Loli o khi oni o a mhue khi ona o kpe mhe dose ogho.\*

### *Abi eni e miesuo e li nu okphaghe e kholi*

<sup>10</sup> Ni mhi ro gbe oni ungmehi oyemhe ukhomhi, a rote obo oyi Onomhwe mie itoto eniemhi. Rote ekpabo eniemhi eyoli mie itoto. <sup>11</sup> Rue itsua okholi nya ni Eshinegba o ro ne so, ni u dobe nu (ekpabo ali ode ebubu ni okphaghe o rote e lasese shi ogbo o) khe abo pfuse a. <sup>12</sup> Itobo khi o a khi egbo nabi awa, awa nu e kholi, ama itoto ali ekpabo ali ighie eyewe ni e mhesa agbo ona alo ebili, ali ayemhe ebe eyi okphaghe ena irarogbe ni awa a ya me. <sup>13</sup> Itobo igho ri itsua okholi eni Eshinegba o ro ne nya so, ini u dobe kholi ele ni ekpabo ebe e mu okholi e vule shi e o. Ini u kholi se nya, gbe lighi.

<sup>14</sup> Mu egbe ni u ro kholi okholi elemhi ayemhe. Egheghe kpa, mie emini e khi igesikia suo. Eri ona o li abi ogbene ni okholi-okhue o ro mu oku. Ke ngeli ingeli eni e migha shi ipfuase odalo oyi Eshinegba. Ona o migha shi awulu akhuli ni a ro mu aye ini a ya kholi.† <sup>15</sup> Ke mu egbe egheghe kpa ni u ro gue usomhi onete oyi Eshinegba oyi opfomhe le, onana o li abi eku e ni okholi-okhue oo so shi awe.‡ <sup>16</sup> Ke regbenga Eshinegba, ona o ya khukhu e obo oyi ikuatse ni okphaghe oo nono ni loli kualie, eri ona o li abi ofiasa ni okholi-okhue o ro mholi obo ro ke fiase ote-osue erali kua. <sup>17</sup> Yelele khi Eshinegba o mie e pfuese. Onana o li abi arula akhuli ni okholi-okhue o ro rughu e ye okholi. Rue ungmehi oyi Eshinegba ni Ayemhe-no-pfuase o ro ne mhue obo ke kholi, eri o li abi ogbhoro ni a ro kholi okholi.§ <sup>18</sup> Ro te elemhi Ayemhe no pfuase ke lema egheghe kpa. U kha lema, ke so iromhi ododa. Ke lie Eshinegba o kpaghie e obo. Abi u lie lema, ke tokpe. Ke lema na egbo eyi Eshinegba egheghe kpa. <sup>19</sup> A gbo li ke lema na mhe ni Eshinegba o ri ungmehi shi mhe unu egheghe kpa ini mhi ya khueghie unu a ngme, ni mhi dobe khueghie osheli ni o la usomhi onete oyi Eshinegba-a khasa egbo, ini mhi khaa ngme, ni ulishi o khi mu mhe. <sup>20</sup> Oni o

† 5:31 Li ze Igbae 2.24 \* 6:1 Li ze iKolo 3.20 † 6:3 Li ze Okiali 20.12; iDeut 5.16 ‡ 6:4 Li ze iKolo 3.21 § 6:8 Li ze iKolo 3.22-25 \* 6:9 Li ze iDeut 10.17; iKolo 3.25; 4.1 † 6:14 Li ze Aza 11.5; 59.17 ‡ 6:15 Li ze Aza 52.7 § 6:17 Li ze Aza 59.17

to-ẹoli iKirisiti ẹ tse abọ usomhi onete oyi Eshinegba ona mhi khi. Ona o zẹ ni mhi rọ la owa ighumha. Itobọ ighọ, a ke lema na mhe ni Eshinegba ọ ri udu na mhe ke tse abọ usomhi onete oyọli abi mhi kha li tse ọli.

*IPọlu ọ lema Eshinegba ọ khivọse na eni e miesuọ*

<sup>21</sup> Inyọghuo awa ni awa nono ingme oyọli, ni ọ gbe akanya oyi Ọnọmhuẹ te ode igesikia, iTakikọsi ọ khi. Ọ ya gue ingme eyemhe nya ye ẹ, ni a rọ gbo lese abi o li mhe egbe ali emini mhia rieḽ.\* <sup>22</sup> Itobọ ighọ mhi rọ ghie ọli ghi ẹ, ni a rọ lese abi anye li la ọ shi, ni ọ gbo ri udu shi ẹ ọ.† <sup>23</sup> Eshinegba ita awa ali iJesu iKirisiti Ọnọmhuẹ, e ri opfomhe na ẹ ni a miesuọ. E ka re ẹ nono ingme egbe ẹ, ali ni a kie ke mie iJesu suọ <sup>24</sup> Eshinegba ọ ka li okhale na egbo nya ni e nono ingme oyi iJesu iKirisiti Ọnọmhuẹ oyi awa, ikhi inono ni ọa ya pfo ghue.

\* 6:21 Li zẹ Ika 20.4; 2 iTimo 4.12 † 6:22 Li zẹ iKolo 4.7-8

## Ebe ni iPolu o keke ghi egbo iFilipia Eni e miesuo

<sup>1</sup> Mhemhe iPolu ali iTimoti eni ee ga eyi iJesu iKirisiti anye ga khi.\*

Mhemhe mhi keke ebe ona a ghi egbo ni e mie iJesu iKirisiti suo nya ni e la eke iFilipi shi eni e ri ukpeloe e khu eyi igbaa oyi eni e mie iJesu iKirisiti suo ali eni e la agho o kpaghie obo.

<sup>2</sup> Eshinegba Ita awa ali iJesu iKirisiti Onomhue e ka li okhale na e, e gbo ri opfomhe ghi e.

<sup>3</sup> Egheghe kpa ni mhi ro da sato e egbe ne, eri mhia kphemhi na Eshinegba. <sup>4</sup> Egheghe kpa ni mhi ro da a so iromhi na e nya ne, eri oghelē o o la mhe udu ke so iromhi. <sup>5</sup> Irari ode ni a te nu mhe ri oni usomhi onete kia, rote ele nodode ya ramhi amo. <sup>6</sup> Mhi ro sho khi, Eshinegba ni o gba ikanya enete eke le shi agbo oyeē, lo li o ya nu e tsua li ramhi ele ni iJesu iKirisiti o ro ya nyene egbe bhale.

<sup>7</sup> O ti ni mhi lina ke saa ingme oyeē egheghe kpa irari khi ingme oyeē o la mhe udu. O kha ririe khi ighumha mhi la, okekhi ini mhia khe oni usomhi onete shi eke, ali ini mhia pfi otselē ro lama shi emini oni usomhi onete o riēle. Irari khi eri Eshinegba o ri oni afu ona ga na awa, ni awa ro gue oni usomhi onete le. <sup>8</sup> Eshinegba o khi otselē oyemhe khi igesikia mhia ngme ini mhiē khi inono ekelemhi udu ona iJesu iKirisiti mhi mhue na e.

<sup>9</sup> Iromhi ni mhia so na e khi, inono ni a mhue ena, o ke nga sho, rote ilēsingme ali ilēse udi ingme, <sup>10</sup> ni a ro dobe ke ze emini o ti ne. Ini a pfuase, ni a khi eni ea mhue umha-guekia ya ramhi ele ni iKirisiti o ya nyene egbe bhale. <sup>11</sup> Ni agbo oyeē o vo ingeli ipfuase ni e rote obo oyi iJesu iKirisiti bhale. Ni a ro me asha ri ufumhi ali ikueghie na Eshinegba.

### *iKirisiti a la agbo o na*

<sup>12</sup> Mena, mhia nono ni a lese khi emini mhi me khi eri o kpaghie obo ti usomhi

onete je odalo. <sup>13</sup> Irarigho, ekhe-khe na agbala nya e she lese khi itobo khi mhi khi aghiusomhi oyi iKirisiti a ro mu mhe shi owa ighumha.† <sup>14</sup> Ogba ighumha ni a mu mhe shi o she ri inyoghwo awa ebubu regbenga Onomhue, ni a ro bhale ya e khi e zese udu-a egheghe kpa ro gue usomhi onete oyi Eshinegba le, ni o khia khi ulishi o mu we.

<sup>15</sup> Egbegbo lo, khi, rote ayemhe ubogbo ali ofuma, egbo eghuo e ro ri iKirisiti e tse abo, ama eghuo e rote udu igesikia ro li e tse abo. <sup>16</sup> Eni e rote udu igesikia a tse abo, ayemhe inono e ro o riēle o li, irari khi e lese khi itobo igho Eshinegba o ro remhe shi akana ni mhi migha ke khe oni usomhi onete shi eke. <sup>17</sup> Elese e rote udu aro-timhenga ri iKirisiti e tsabo. Oa khi ode igesikia e te ro li e tse abo. Eri o li we egbe abine khi e kha me asha to ingme shi eke na mhe abi mhi la owa ighumha ena. <sup>18</sup> Abiabi e li ri iKirisiti tsabo kpa, o mhue abi o ngme. O ke khi ode egholi o, o khi egbegbi ode oo, mhi mema ya ke ghele shi o.

Igho lo e, mhi mema ya ke ghele shi o. <sup>19</sup> Itobo khi mhi lese khi rote iromhi ni a so, ali ikpaghiobo ni o rote Ayemhe oyi iJesu iKirisiti bhale, a ya rue mhe elemhi owa ighumha ona lasele. <sup>20</sup> Mhi ma to eloe eke, mhi gbo mhue irudushi o khi, mhi aa ya tigbe ze ni akanya oyemhe o ba mhe ku. Ama egheghe kpa ali memena mhi ya ri igbedu ke ngme ni mhi ke ri ufumhi ghi iKirisiti rote angeli oyemhe, mhi la agbo oo, okekhi ini mhi ghua. <sup>21</sup> Irari ini e oyemhe, agbo ni mhi la, iKirisiti mhi la o na. Mhi kha ghua, eleli o khi na mhe. <sup>22</sup> Ama ini mhi kie la agbo a le, mhi kha kie mholi ikanya enete ni mhi kha gbe na iKirisiti. Ama onoghwo o, mhi kha ze mena? Mhi aa lese e! <sup>23</sup> Udu o ze mhe eva, mhi aa lese oni mhi ya ze o. Mhi ga nono ni mhi deba iKirisiti ni mhi lase agbo le. Ona o ga ti mhe egbe ne. <sup>24</sup> Ama itobo oye e, o ti ni mhi la agbo. <sup>25</sup> Mhi lama shi ona, mhi lese khi mhi ya la agbo. Mhi ya nu ee nya la agbo ni a ke je odalo, ali ni a mholi oghelē ni o la irudunga. <sup>26</sup> Ni a ro bhale ya e khi ini mhi nyene egbe bhale gbo nu e la, a ya me asha

\* 1:1 Li ze Ika 16.12 † 1:13 Li ze Ika 28.30

ke titi egbe irari oyemhẹ, rote elemhi agbo oyẹẹ ni o kuma iJesu iKirisiti ọ.

<sup>27</sup> Abibi o riẹ li, ke ngeli abi ungmehi oyi iKirisiti o ngme. Ni a rọ bhale ya ẹ khi, mhi bhale ya mẹ ẹ o, okekhi eri mhi suọ eko ẹ o, mhi kẹ lẹsẹ khi a kie migha egbegbo elemhi ayemhẹ oghuo. A khọli okhue usomhi onete elemhi ikudugbe abi ogbo oghuo. <sup>28</sup> A khi zẹ ni ulishi ebe ẹ o mu ẹ, ona o ya rẹ wẹ lẹsẹ khi a ya mhue eleli, ama wewe e ya pfua, irari khi Eshinẹgba loli o ri imuole na ẹ. <sup>29</sup> Irari khi a she ri eghẹghẹ na ẹ ni a rọ ga iKirisiti, ni ọa khi irari khi a lẹsẹ ya miesuọ tse, ama ni a rọ li ya mẹ osue na li. <sup>30</sup> Memena, a li kuma mhe ọ shi oni okhọli. Oni a mẹ khi mhii khọli eghẹghẹ ni o dọsẹ, ni mhi kiele ẹ khọli memena.‡

## 2

*A ke khonya iregbe-tiemhie onabi oyi iJesu*

<sup>1</sup> Agbo oyẹẹ ni o kugbe iKirisiti ọ, o zẹ ni a rọ toto. Inono ni ọ mhue na ẹ o ri udu shi ẹ ọ. Eẹ ali Ayemhẹ oyọli a mhue ikugbe. A gbo mhue isomhelemhi ali ilelemhi na egbe ẹ. <sup>2</sup> Irarigho, mhia nono ni a remhẹ ke ghele shi abi a mhue isamhi eghuo, ni a riẹle inono na egbe, a gbo khili oghuo elemhi ayemhẹ ali udu. <sup>3</sup> A khi ri ayemhẹ a ba timhẹ nga ali ni a ba mẹ asha ke tono obọ udu, riẹle emhikhoghuo. Ama a nyese ukhomhi na egbe. A bino khi ogboese ọ somhi dọsẹ ẹ. <sup>4</sup> A nono onete oyi egbe ẹ, ọa khi onete oyi yeyeghuo tse.

<sup>5</sup> Mhue angeli nabi iJesu iKirisiti ọ mhue.

<sup>6</sup> Abi o riẹ khia khi eri iKirisiti ọ li abi Eshinẹgba.

Ọa tigbe sa li khi otu loli ali Eshinẹgba e khi.

<sup>7</sup> Ochoghọ, eri ọ rote udu oyọli rue emini ọ mhue nya obọ-a, ọ mele oni ọọ ga ogbo-a.

Ọ mele ogbo-a, ọ ri ekue ogbo ku egbe bhale.

<sup>8</sup> Ọ ri egbọli tiemhile, ọ kia okiali issuesọ ya ramhi ni ọ rọ ghua, ikhi eghuli oyọli na apfida.

<sup>9</sup> Itobọ ona, Eshinẹgba ọ yase ọli

nga obini o yagha nẹ nya.

Ọ ri eva ni o fu dọsẹ eva nya nali,

<sup>10</sup> ni a rọ bhale ya ẹ khi

ashiashini a da la lu eva oyi iJesu ne,

ikhomhẹgbhẹ nya e nyese

ghe emhi nya ni e la idane

ali eni e la eke, ali eni e la elemhi eke,

<sup>11</sup> emhi nya e ya pfi otsẹle

khi iJesu iKirisiti ọ khi Onomhue,

ni a rọ ri ufumhi

na Eshinẹgba Ita.\*

<sup>12</sup> Itobọ igho, emole mhe, abi a lie sueso ukpeloe oyemhẹ a gbo ligho ke sueso odukhokho oyemhẹ. A ri ulishi ali ikpheli ke gbe ikanya, ni irudunga oyẹẹ o gba pfo.

<sup>13</sup> Itobọ khi eghẹghẹ kpa Eshinẹgba ọ rọ la ẹ egbe ẹ gbe akanya ni ọ rẹ ẹ mhue oghuemhẹ, ni a gbo dobe ke riẹle emini o de shi omhese onete oyọli.

<sup>14</sup> A khi ri awolo wẹ ekhako riẹle emhikhoghuo. <sup>15</sup> Ni a khi egbo ni ẹa mhue umhaguekia, ni e pfuse abi imi Eshinẹgba ni e gba pfo, elemhi agbo ni egbo ali ena ikanya ichimhi e la. A mema la wẹ iteva ke gẹ abi ikpetata ni e la idane,† <sup>16</sup> abi a lie gue ungmehi agbo ke ye wẹ. Ini a li ghọ, mhi ya mẹ asha ke rẹ ẹ titi egbe ẹle ni iKirisiti ọ ya nyene egbe bhale. Irari khi eri ona o ya rokhasẹ khi iroshẹka ni mhi roshi ali ikanya ni mhi gbe, ẹa khi afue.

<sup>17</sup> Ini a tseku ku ọlia eyemhẹ abi onyo shi iluasobo ali ikanya enete ni o rote irudunga oyẹẹ lasele, eri egbe e mu mhe shi ọ, mhi nu ẹ ghele. <sup>18</sup> Irarigho, egbe e li ke mu ẹ, a li nu mhe ke ghele.

*ITimoti ali Epafuroditusi*

<sup>19</sup> Ini o ghole Eshinẹgba, mhi khokho khi mhi ya dobe kele ghie iTimoti ghi ẹ. Ni mhi rọ suọ eko ẹ, ni mhi mhue oghẹle ini ọ jele.

<sup>20</sup> Lolighuo kpe ọ lẹsẹ abi o li mhe egbe, ni ingme oyẹẹ o gbo mu egbe. <sup>21</sup> Egbọ eni e kpole nya, eleli oyewe e na khu, ama ọa khi eleli oyi iJesu iKirisiti. <sup>22</sup> Ama, eẹ, a lẹsẹ abi iTimoti ọ li ri egbọli khasẹ ẹ abi ọ la ọ shi. Abi mhemhẹ ali lue anye li kugbe gbe akanya oyi usomhi onete oyi Eshinẹgba abi ita ali omọ eẹ li. <sup>23</sup> Mhi ya kele ghie ọli ghi ẹ

‡ 1:30 Li zẹ Ika 16.19-40 \* 2:11 Li zẹ Aza 45.23 † 2:15 Li zẹ iDeut 32.5



ini mhi da leşe abi o ya li mhe egbe. <sup>24</sup> Mhi ri egbe da Onomhue khi mhi ya keleş bhale.

<sup>25</sup> Mhi kie gbo li khokho khi o ti ni mhi ghie inyoghuo awa ghi e, ikhi Epafuroditusi ni o she gbe akanya deba mhe, ni o she gbo nu mhe gbe akanya ode-khode. Ni o gbo khi aghiusomhi oye e ni o kpaghie mhe obo. <sup>26</sup> Egbe e kphakpha li ni o ro me e. Egbe e a ke sheshe o li itobo khi a suo khi o ghua. <sup>27</sup> Egbegbo lo, o ghua gba, ukuku o kpoli eghuli le. Ama Eshinegba o mhu e ilelemhi na li. Oa khi lolighuo Eshinegba o mhu e ilelemhi na tse, o li mhu e na mhe, o tsumhi mhe elemhi osue ni o to-nga osoli. <sup>28</sup> Mhemhe egbe e kphakpha ne ni mhi ro ghie o li ghi e. Ni a gbo mhu e oghel e ini a me o li, ni osoli oyemhe o kelea. <sup>29</sup> A ri oghel e kpe abo mie o li abi inyoghuo na elemhi oni irudunga. A mu ekpe nofun e na e gbo nya nabi lo li. <sup>30</sup> Itobo khi o ri agbo oyoli shi okhena, ukuku o kpole suii ni o kha ro ghua shi akanya oyi iKirisiti, ini o me asha ri ikpaghiobo na mhe ni e e aa dobe rona mhe.

### 3

#### *Angeli ni o migha shi ipfuase*

<sup>1</sup> Ni mhi ro gbe o li ukhomhi, inyoghuo, a ke ghele shi abi a li kuma Onomhue o. Oa mhu e abi o ngme mhe ini mhi ri e le emini mhi kpe keke ghi e gbo keke, lo li o ya ti e egbe ne.

<sup>2</sup> A mu egbe e shi e gbo egho ni e li abi ewa, ni e e gbe ikanya ebe. Ikhi eni e lie khi o gbo mema shele-a neni imiepfuese oyoli o gba pfo. <sup>3</sup> Anye ena, a shele egbegbi ishele-a, irari khi anye te ode ayemhe e ga Eshinegba. Anye mholi oghel e shi elemhi agbo oyi anye khi anye kuma iJesu iKirisiti o, ni anye ea ri egbe da ikanya idiegbe. <sup>4</sup> Ama mhemhe mhii kha ri egbe da ikanya idiegbe eghogh o ne.

Ini aa nono o gbo ni o kha regbeda ikanya idiegbe eghogh o lo, mhemhe o kha khi. <sup>5</sup> Irari khi ele-nuzi-elele ni a ro bia mhe, a ro shele mhe-a. Ongi iZireni a bia mhe, mhi ro te unuekpe oyi iBejami lasele, egbegbi ongi lburu. Ini e e, iri ushi oyi e gbo iJu gbe akanya, iFarisi mhi khi.\* <sup>6</sup> Mhi mhu e

omuegbe ramhi ni mhi ro mu okholi vule shi igbaa oyi eni e mie iJesu iKirisiti suo o. Ini e e abi o gbo o lie pfuase, ode irushigbe akanya, mhi aa mhu e ashini o kp o mhe shi.†

<sup>7</sup> Ama emhi eghogh o ni mhi kha leli shi eleli, mhi rewe shi afue, itobo oyi iKirisiti. <sup>8</sup> Oa khi egho tse, mhi lama emhikpa o limhe opfu-a, itobo ufumhi ni o la ilese ni mhi lese iJesu iKirisiti Onomhue oyemhe. Itobo oyoli mhi ro tsua emhi nya kua. Eri mhi ga bino we shi iku, ni mhi me asha mhu e iKirisiti, <sup>9</sup> ali ni mhi ga toma li o pfo. Mhi aa ke mhu e angeli no migha shi ipfuase oyemhe, angeli ipfuase onabi mhi ri itobo khi mhi ri ushi e gbe akanya mholi. Ama angeli ni o migha shi ipfuase ni a ro te irudunga oyi iKirisiti ro na mhe mhi ke mholi memena, angeli ipfuase ni o ro te obo oyi Eshinegba bhale, ni o ro te irudunga bhale. <sup>10</sup> Emini mhia nono ni mhi lolo lese khi iKirisiti ali ekpabo ni o ro te eghuli guise o li le. Ni mhi ro nu o li me osoli ni o me, ni mhi nu o li ghu eghuli onabi o ghu. <sup>11</sup> Itobo khi mhi mholi o li shi udu khi a ya li ro te eghuli guise mhe le.

#### *Roshaka na ya ramhi ukpese elemhi irudunga*

<sup>12</sup> Mhi a lie khi mhi she ramhi ashini mhia nono ni mhi ramhi ne, wekhi eri mhi she gba pfo. Ama eri mhi roshaka ni mhi li abi iKirisiti. Onana o ze khi iKirisiti o pfi obo rue mhe. <sup>13</sup> Igesikia, inyoghuo, mhi aa bino egbemhe shi oni o she lo owa ne. Emhi oghuo ni mhia li, khi, ni mhi ro rue eloe emini e je ikhokho a, ni mhi roshaka ri obo ramhi emini e la odalo. <sup>14</sup> Irarigho, eri mhi na le talala, ni mhi ro mhu e ifata, ni o khi ulumhi ni Eshinegba o lu mhe, ro te iJesu iKirisiti je agbo ni o la iloghie.

<sup>15</sup> Awa nya ni awa mholi iwomheloe shi elemhi ayemhe, awa li mhu e udu onana. Ama ini eghuo elemhi e, e mhu e udu oda shi ingme onana, Eshinegba o ya roli khase e. <sup>16</sup> Abibi o ya li, awa ke je odalo shi ushi oghuo ni awa deba ramhi ana.

<sup>17</sup> A ke khonya mhe inyoghuo. A ri es o shi e gbo ni e deba oni ode onete ni anye ro shi

\* 3:5 Li ze Ika 23.6; 26.5; iRom 11.1 † 3:6 Li ze Ika 8.3; 22.4; 26.9-11 ‡ 3:17 Li ze 1 iKori 4.16; 11.1

eke na e.‡ 18 Mhi she kpe gueye e ne, mhi gbolo ri evie shi alo a gueye e memena, khi egbo eghuo e la no khia khi uwali agbo ni e la, o she re we khi obe oyi eghuli ni iKirisiti o ghu shi apfida. 19 Owa ere ee je, irari khi oghumhe idiegbe oyewe o khi olitsa oyewe. Eri ee titi egbe shi emini e kha ro shi omama. Usamhi emhi agbo ona e lese e sa. 20 Ama awa, udiokute oyawa o la iloghie, awa lolo ri alo shi eke ke khe Omiepfuese ikhi iJesu iKirisiti ni o rote iloghie jele. 21 O ya ooghie idiegbe oyawa ona ni oo ghu, o ri idiegbe oyi ufumhi onabi oyoli to-eloli oli. Itoto ogho ni o ro dobe ri emhikpa bhale omheso oyoli o ro ya ri ele we.

## 4

### *Ungmemhi irudusho*

1 Itobo igho, inyoghuo, ingme oyeo oo mu mhe egbe gba. Eloli e, o she nga mhe. A ma ri egbe a mu mhe, mhi gbo re e titi egbe, igho o ti ni a kha li migha agbo oyeo na Onomhue.

2 Mhi lema Euodia ali iSitaiki, a kpekpe a lama na egbe abi inyoghuo ni e mie Onomhue suo. 3 Ali yeye onuzava oyemhe, iSizigusi, kpaghie eni ikpotso ena obo irari khi e she nu mhe me osue shi itsabo usomhi onete ona kia kia. Ghe iKilemeti ali eni anye ga gbe akanya kugbe ali elese nekpole, eni eva oyewe o la ebe ni a keke eva oyi eni e ya mholi agbo na agboagbo.

4 Eshinegba o ze ni a ke mholi oghelo eghenge kpa irari khi a kugbe Onomhue o. Mhi gbolo e i, a ke ghelo! 5 Ze ni ogbokpa o ke me igue ri ele emhi shi eghenge oye gboo. Irari khi Onomhue o kele ya bhale.

6 A khi ze ni emhikhoghuo o mu e egbe dose. Ama, emhikpa, a ri udu ikphemhi ke so iromhi mhila Eshinegba emini u wa nono. 7 Ni opfomhe oyi Eshinegba ni o dose ilese oyi ogbonye, o ri igbe udu ali ayemhe ni o migha na e, irari ikugbe ni a kugbe iJesu iKirisiti o.

8 Ni mhi ro gbe oli ukhomhi i, inyoghuo-mhe, a ze ni isamhi eminete ni a kuoghie ogbonye shi e vo e udu, li shi emini e khi egbegbo, ni e mu eloe, ni e rote ode ipfuase bhale, ni e khi eyi inono, ni a mu ekpe shi.

9 A ri emini a wena obo oyemhe ali eni a mie obo oyemhe, okekhi eni a me agbo oyemhe ke gbe akanya. Shi eni mhi ri unu ngme ali eni mhi ri ele. Eshinegba ni o ri opfomhe e na ogbonye ya nu e la.

### *IPolu o tse obode shi isomhopfa*

10 Abi ogbonye ni o mie Onomhue suo, egbe ma mu mhe shi o gba, khi, abi o tseku tese, khi a kie gbo me asha ri inono ni a mhue na mhe khaso mhe. Oa ke khia khi eri mhi ri ona lie khi aa ke kpe ri eloe e khu mhe, ama eri aa ke kpe me asha kpaghie mhe obo. 11 Oa khi eri mhia ngme ona irari khi o limhe egbe abine khi a pfi mhe eso-a, itobo khi abi oni mhi mhue o lie khuese mhe o she ma mhe-a. 12 Mhi lese abi oo li egbe ini ogbonye la umhamo ali abi oo li ini ogbonye la osuemhe. Mhi she wena osheli ona ni a ro bhale ya e khi oni mhi mhue o bu mhe. Obiobini o khi oo, ashiashini o khi oo, mhi le khue oo, o ke khia khi okiamhi oo gbe mhe. 13 Mhi dobe ri ele emhikpa rote itoto ni iKirisiti o ro na mhe.

14 A ma khale, abi a li kpaghie mhe obo abi mhi ro la omunu. 15 Ee egbo iFilipi, a lese khi abi mhi ro rote eke iMasidonia vu, ni mhi ro lese gba akanya itsabo usomhi onete le, eghuo kpe a khi eni e miesuo ni e kpaghie mhe obo elemhi irona ali imemie. 16 Oa khi utoghuo tse, a kpaghie mhe obini eke iTesalonika abi mhi ro nono ikpaghiobo.\*† 17 Oa khia khi isomhopfa mhi lese nono, ama emini a ya keke shi ekuo oye na iloghie mhia nono. 18 A she fali mhe ota gba pfo, e gbo gba nga o. A she ri itsua ghi mhe ni e vo mhe eke, abi mhi ro mie Epafuroditusi emini a rona li ghi mhe ena, eri e li abi irona ni ee kphela, ikhi iluasobo ni a mie, ni e ti Eshinegba eloe.‡ 19 Eshinegba oyemhe o ya ri emini e ghole e nya na e. Epfue ni o fune ni o la iJesu iKirisiti onayi oli o te ya ri ele oli.

20 Ufumhi o khi oyi Eshinegba Ita awa ya ramhi ele ni agboagbo, Atse!

### *Otse ni o kpukhokho*

21 Mhia tse ogbokpa ni o khi Omi Eshinegba ni o khi oyi iJesu iKirisiti. Inyoghuo nya ni e nu mhe la ana ee tse e.

\* 4:16 Li ze Ika 17.1 † 4:16 Li ze 2 iKori 11.9 ‡ 4:18 Li ze Okiali 29.18

<sup>22</sup> Egbọ eyi Eshinẹgba ni e la ana nya ẹẹ tse ẹ, ghe eni e la agbala oyi iSiza.

<sup>23</sup> Okhale oyi iJesu iKirisiti Onomhuẹ o ka nu ayemhẹ oye ẹ la. Atse.

## Ebe ni iPolu o keke ghi egbo iKolosha Eni e miesuo

<sup>1</sup> Mhemhe iPolu, aghiusomhi na kee oyi iJesu iKirisiti ni Eshinegba o ze abi o ghole oli shi mhi khi, li shi inyoghuo awa iTimoti.

<sup>2</sup> Mhemhe mhi keke ebe ona ghi egbo eyi Eshinegba ni e la eoli iKolose, ikhi inyoghuo awa ni e pfuase ni a ri egbe e nga elemhi iKirisiti.

Eshinegba Ita awa o ka li okhale na e, o ri opfomhe na e.

### *Iromhi ali ikphemhi*

<sup>3</sup> Egheghe kpa anye ro kphemhi na Eshinegba, Ita iJesu iKirisiti Onomhue oyawa, ini anye e so iromhi na e. <sup>4</sup> Itobo khi anye she suo abi a migha shi irudunga oyi iJesu, ali abi a li nono ingme oyi egbo eyi Eshinegba nya. <sup>5</sup> Emini Eshinegba o ro shi eke e khe e obini iloghie, o re e mholi irudunga ali inono ona, ikhi emini a she suo elemhi ungmehi igesikia, ikhi usomhi onete oyi iJesu iKirisiti ni a she gueye e. <sup>6</sup> Oni usomhi onete ona o she ri umomhi e lasese, o gbolo fu e shi o elemhi agbo nya, abi o kie kpe e li iteva oye e rote ogbele ni a te lese igesikia ni o la ukpokpomhi okhale ni Eshinegba o li. <sup>7</sup> Obọ oyi Epafurasi a te suo oni okhale oyi Eshinegba, oni o khi otuoghuo elemhi anye, ni oo gbe akanya oyi iKirisiti te ode igesikia ni o to eloli anye.\* <sup>8</sup> Loli o gbo gueye anye abi oni Ayemhe o li re e mholi inono na egbo eyi Eshinegba.

<sup>9</sup> Abi anye te lina suo eso onete oyi angeli oye e, anye e tigbe yemhe iromhi isoso-a, ni anye so o na e. Anye e so iromhi, Eshinegba o rote ilensingme ali lese elemhi Ayemhe-n-pfuase kpaghie e obo, ni a lese oghuemhe oyoli, ni a rie e oli. <sup>10</sup> Eri anye lina so iromhi na e, ni a gue ke ngeli abi egbo eyi Onomhue e e li, ni a ri egbe ke mu oli, a ri imomhi eyi onete iriele lasese, a gbolo e lese Eshinegba gbo shi o. <sup>11</sup> Anye gbolo e lema li, o ri itoto na e, ni a ke ri ekpabo eyoli nya gbe akanya, ni a mholi ukpokpomhi

iregbemie ali irabomudu ali oghere. <sup>12</sup> Ni a ke kphemhi na Eshinegba Ita, ni o li re e fu te eni e li mholi okemhi shi ugu oyi egbo eyi Eshinegba, eni e la akpa, ni o roo khe e. <sup>13</sup> Eshinegba o she rue awa obo oyi ekpabo alo ebili eyi okphaghie lasese, o rue awa bhale iloghie oyi omi oli ni o nono. <sup>14</sup> Obọ oyoli awa te mholi ipfasheke, ni o ri olamhe topfa awa.†

### *iKirisiti o fu ne nya*

<sup>15</sup> iKirisiti khi irokhokho oyi Eshinegba ni ogbo aa ya me eloe. Loli o khi oni odode emini Eshinegba o ma nya. <sup>16</sup> Irari khi obo oyoli a te ma emhikpa, ikhi emini e la ukhuli ali eke, ghe eni a me ali eni aa ya me, okekhi ikpekhomhi eghiele o, o khi ekpabo o, o khi ighie o, okekhi ena omhese o, loli o ma emhikpa, o ma we na egboli. <sup>17</sup> O kpe la o neni a ma emhi nya, loli o ze ni emhi nya e ro kugbe khi oghuo. <sup>18</sup> Loli o khi ukhomhi oyi idiegbe, ikhi igbaa oyi eni e mie iJesu iKirisiti suo. Loli o khi igbaekele, itobo khi loli Eshinegba o kpe guise le, ni o ke gbo ya ghu ghue, egheghe agho ni lolighuo o ri obo nga emini e la agbo nya ke mhese shi.‡ <sup>19</sup> Irari khi eri o ghole Eshinegba ni emini o khi nya o la agbo oyi Omi oli. <sup>20</sup> Ishegho ni o me asha rote obo oyi oni Omi oli nu emhikpa mhue iro-riele, o khi emhi na agbo ona okekhi ena idane. Olia eyoli ni o ku abi o ro ghu-a shi ukhomhi apfida o ro rie e ona.§

<sup>21</sup> Egheghe ni o dose ni aa ro kpe lese Eshinegba, eri a nuata shi oli o. A khi ebe oli elemhi udu oye e, itobo angeli obe ni a ngeli. <sup>22</sup> Ama Eshinegba o she re e nu egboli ro rie e. Eghuli oyi iKirisiti o ro re e khi eni e pfuase shi odalo oyoli, ni aa ke mholi ichimhi, ni a pfue umhaguekia. <sup>23</sup> Ini a da kie la elemhi irudunga oye e, ni a ro migha gbagbagba shi o, ni aa ro ze ni irudushi ni a mholi o nighise, ikhi oni a mholi shi emini Eshinegba o ro shobo na e elemhi usomhi onete oyoli. Oni usomhi onete ona ni a she ro tse abo khasa ogbokpa elemhi agbo ona, loli a ze me iPolu shi abi aghiusomhi, mhi roli ke tse abo.

\* 1:7 Li ze iKolo 4.12; iFile 23 † 1:14 Li ze Efi 1.7 ‡ 1:18 Li ze Efi 1.22-23 § 1:20 Li ze Efi 2.16

*Ikanya ni iPolu o gbe na igbaa oyi eni e mie iJesu iKirisiti suo*

<sup>24</sup> Memena, egbe ga a mu mhe shi osoli ni mhi me e na e elemhi idiegbe oyemhe. Eri mhi ri oni osoli ona pfuse ikanya eni e kpole gbe, abi iKirisiti o o me osoli na idiegbe oyoli, ikhi igbaa oyi eni e mie iJesu iKirisiti suo. <sup>25</sup> Eshinegba o she remhe khi oni o o ga oyi igbaa oyi eni e mie iJesu iKirisiti suo oyoli, ni mhi ya tse-abo oni usomhi oyoli nya ye e. <sup>26</sup> Ona o khi osheli ni o kpe ro sheli na egbo rote igbaekele ramhi egheghe ana. Ama, loli o tigbe khueghie a khashe egbo eyoli ena. <sup>27</sup> Eri Eshinegba o riele ona ni eni egbo eyoli e lese epfue oniemhi ni o la oni osheli ona. Oni osheli khi, iKirisiti ni o la agbo oye e, ni o re e mholi irudusho khi, a ya nu oli mholi okemhi shi ufumhi oyi Eshinegba.

<sup>28</sup> Loli o ze ni anye ro ri iKirisiti e tse abo khashe ogbokpa. Rote eghali ni anye mholi nya anye te e tse agua ye ogbo, anye gbolo e sese we ni anye ro rue we bhale odalo oyi Eshinegba abi egbo ni e mhuwe iwomhelo, ni e toma iKirisiti o. <sup>29</sup> Ni a bhale ya e khi ona o ze ukhomhi, eri mhi ri ekpabo eyi iKirisiti nya ni e la mhe egbe roshaka gbe akanya.

## 2

<sup>1</sup> Mhia nono ni mhi gueye e abi mhi li roshaka a kpaghie e ali eni e miesuo ni e la eoli iLaodisha ali egboese ni ea me mhe ukpelo ghue obo. <sup>2</sup> Emini o ze ni mhi ro o riele ona khi ni a ro ri udu shi we o, ali ni e kugbe elemhi inono, ini e mholi epfue ni o gba pfo ni ilese o ro o na ogbo. Egheghe agho ni e lese osheli ni Eshinegba o gba, ni o khi iKirisiti. <sup>3</sup> Lolighuo kpe o khi okpe ni o o khueghie epfue-a ni o la ileasingme ali ilese eyi Eshinegba.

<sup>4</sup> Eri mhi gue ona a ye ini ogbokhoghuo o khi ri osese eghali bhale ya di e, abibi eni osese e ririe dala eso ramhi. <sup>5</sup> Irari khi, ini mhi aa ririe nu e la agho, ayemhe oyemhe o nu e la agho. Mhi nono ni mhi bhale ya me e abi a gue la kuete, ni irudunga ni a mholi shi iKirisiti o o li nighise.

<sup>6</sup> Aborokhia khi a she rue iJesu iKirisiti abi Onomhue, a nu oli ke ngeli kugbe, <sup>7</sup> a gbelighi migha, a gbo ro ma imiesuo ni a mie iKirisiti suo, a kie mholi oli shi udu khi emini a sese e ikhi ingme eyi iKirisiti khi igesikia e khi. A kphemhi e na Eshinegba egheghe kpa.

<sup>8</sup> Khi ze ogbokhoghuo di e mu lama shi osese afue ali eyi ikpamhika. Ikhi osese ni e migha nga angeli ali eghali oyi agbo, ni ea rote obo oyi iKirisiti bhale.

<sup>9</sup> Irari khi emini Eshinegba o khi nya e la idiegbe oyi iKirisiti. <sup>10</sup> Irari khi a kugbe iKirisiti o, a ro mholi agbo ni o gba pfo elemhi ayemhe. Loli o o kpeda nya elemhi ekpabo ali omhese ali afu nya na elemhi ayemhe. <sup>11</sup> Itobo khi a kugbe iKirisiti o, o ro rue e oghuemhe idiegbe udu lasese, ezese abi a lie shele ogbo epfi-a. <sup>12</sup> Ezese abi a li ri iKirisiti to abi o ro ghua, ni a gbo guise oli le, igho a li pfi e lo elemhi okpe gbo mu e vule, elemhi ibatizi. A guise e le bhale agbo irari khi a mholi irudunga shi ekpabo oyi Eshinegba ni o rote eghuli guise iKirisiti le.\*

<sup>13</sup> Eri a kpe ghu-a shi elemhi ayemhe egheghe no dose, irari khi a la agbo olamhe. Ama memena, Eshinegba o she ri iKirisiti re e gbo mholi agbo. O ri olamhe eyawa nya topfa awa.† <sup>14</sup> Abi Eshinegba o ro shishi ishi ni a ze shi awa egbe-a se, ikhi eni e migha zu awa ode, o rue we awa ode-a, o ta we ma apfida abi iJesu o ro ghua.‡ <sup>15</sup> Abi o ro mie iyemhe okphaghie ekpabo se, o re we lasese gboo yeghe-a abi o ro ghu-a shi apfida.

<sup>16</sup> Irarigho, khi ze ni ogbokhoghuo o gue e ez o shi emini u wa le ali oni u wa da, ukeneta ushi imu Uki Onogbo ali ogbele ne pfuase ali Ogbele iyemhe oyi iJu. § <sup>17</sup> Enana nya, irokhokho oyi emini e ya bhale ikpukhokho agbo e khi, iKirisiti o khi ozukhomhi we nya. <sup>18</sup> Khi ze ni ogbokhoghuo ni o riele iregbe-tiemhie eyi ikpamhika, ni o o ga igeni, o di e dobe eleli oye-a. Emini egbo eghogh o me e la ton o ali udu oyewe ni imiesuo o roli e vuse ike shi isamhi afue. <sup>19</sup> Ogbo oghogh o ke kugbe iKirisiti o, ni o khi Ozukhomhi oyi oni idiegbe, ikhi igbaa oyi eni e mie iJesu

\* 2:12 Li ze iRom 6.4 † 2:13 Li ze Efi 2.1-5 ‡ 2:14 Li ze Efi 2.15 § 2:16 Li ze iRom 14.1-6

iKirisiti suo miesuo. Ezeze abi ukhomhi oyi ogbo o lie gueye idiegbe abi o lie kia, igho omhese oyi iKirisiti o lie mhese na egbo eyoli nya, rewe gbe akanya kugbe abi idiegbe ogbo o tono elamhi ali ikpese egbe mano, khi oghuo. Eghenge agho oni idiegbe nya o fu abi Eshinegba o nono oli shi.\*

<sup>20</sup> Aborokhia khi u she nu iKirisiti ghua, ni ushi agbo o ke ro mhese ne egho, elo o ze khi u kie ri egbe e na we, ni u ro ri ushi eyewe gbe akanya, ni ee lie, <sup>21</sup> “Khi mu ona mholi obo,” “Khi to elemhi ogho bino,” “Khi ri obo ti onana?” <sup>22</sup> Enana nya, emini e ya mele afue-a e khi, ini a rewe ri ele emini a rewe ya ri ele se. Irari khi ishi ali omhese ni egbo e mhese lo. <sup>23</sup> Eri omhese eghogho e li abine khi ilisingme e la o, ikhi eni e ri itoto ri egbo ga ugamhi ikpamhika ali iregbe-tiemhile oyi ikpamhika, ali inaidiegbe-osoli, ama eni e ri ele ena ea rewe lase olamhe le.

### 3

#### *Angeli ni o ghole Eshinegba*

<sup>1</sup> Aborokhia khi a she rote eghuli guise e ali iKirisiti le bhale agbo egho, ri udu oye shi emini e la obini iloghie obini iKirisiti o shito obita Eghiele oyi Eshinegba.\* <sup>2</sup> Ri udu oye shi emini e la obini iloghie, khi roli shi emini e la agbo ana, <sup>3</sup> irari khi u she ghua, elemhi iKirisiti u ke la, ni o la elemhi Eshinegba. <sup>4</sup> Egbegbi agbo oye, elemhi iKirisiti o la. O kha da feli lasele, ye ye, u li ya nu oli la akagho, u li nu oli mholi okemhi shi ufumhi oyoli.

<sup>5</sup> Irarigho, ze ni oghumhe oyi emhi agbo ni o kpe la agbo oye o ghua. Enabi itsebo, ali angeli ichimhi, ali isamhi ebe, ali oghumhe ni ea ti, ali emhi-itoegbe ni o li khi ikhumhi igaga. <sup>6</sup> Itobo enana, elemhi e ro bi Eshinegba deba egbo ni ea ya suo eso na li. <sup>7</sup> Ee, a kpe li lina ngeli elele, abi a ro la ifuabo eyi egbo eghogho. <sup>8</sup> Ama, memena a ze ni emhi eghogho nya e lase e egbe le. Emhi nabi elemhi-ibibi, ali ofu imholi, ali imuegbe obe, ali iyesegebe-eva, ali ingmemhi iditse, ali itono obo udu.

<sup>9</sup> Akhi ke lono egholi khasa egbe aborokhia khi a she gueghie ingeli ali idiegbe onodio shi eke egho,† <sup>10</sup> ni a shi ri idiegbe enegbo ku egbe, ni Eshinegba Ima o ro ya mele onogbo-a, ni o li abi oyoli. Ini o me asha re e mholi ilese oyoli.‡ <sup>11</sup> Itobo ona, azolomhe o ke la iteva eni e khi iJu ali egbo iJeta, we eni a shele-a ali eni aa shele-a, we egbo eni ea fialo-a ali egbo eni e rote ifui ishemhi lasele, we oghumha ali omi ogbo. Ama iKirisiti o khi oni o mu egbe ne.

<sup>12</sup> Irarigho, abi a ro da khi eni Eshinegba o ze, ni e pfuase ni o nono ingme oyewe egho, a ri ilelemhi, isomhelemhi, itiegbe-tiemhi, ali ipfomhe ali irobomudu so abi awulu. <sup>13</sup> A ke ti eni e miesuo nabi ee ma egbe. Ini a lue na egbe, a ro ke topfa egbe e. A ro topfa abi Onomhue o li ro topfa e.‡\* <sup>14</sup> Emini u gbo ro ya ma eni ingeli enete ena nya khi, inono ni o gono eni ingeli ena nya kugbe, elemhi ikugbe ni o gba pfo.

<sup>15</sup> Zobe ni opfomhe oyi iKirisiti o mholi omhese shi udu oye, aborokhia khi egbo ni e kugbe elemhi idiegbe oghuo a khi egho, aa kphemhi. <sup>16</sup> A ze ni ungmehi oyi Onomhue o la agbo oye e, abi a lie sese egbe, ni a ri ilisingme e ye egbe ude. A gbo ligho ke to iwolo ena irudunga, ni a rote elemhi ayemhe e to ke lasele. A ri ayemhe ikphemhi e to uwolo kuoghi Eshinegba.† <sup>17</sup> Emhikpa ni u wa ri ele ni u wa ngme, ri eva oyi iJesu Onomhue ri ele we. U gbolo ri eva oyoli e kphemhi na Eshinegba Ita.

#### *Abi eni e miesuo e li ya ke ngeli*

<sup>18</sup> Ee ikpotso ni a la ughue, a ri egbe e na odo e pfo, irari khi ina ee eni e miesuo e ke li.‡

<sup>19</sup> Ee edo, a nono ingme oyi ughue e, a khi ri obo ni o toto dose mu we.‡

<sup>20</sup> Eniye, a ke suo eso na eni e bia e odekhode, irari khi onana o ti Eshinegba eloe.\*

<sup>21</sup> Ita eniye, a khi ri ele emini e ya ri elemhi bi imi e, irari khi o ya ri egbe pfo we a.†

<sup>22</sup> Ee ighumha, a ri ungmehi oyi oni o mholi e ni o la agbo ona ke gbe akanya.

\* 2:19 Li ze Efi 4.16 \* 3:1 Li ze Iwolo 110.1 † 3:9 Li ze Efi 4.22 ‡ 3:10 Li ze Igbae 1.26; Efi 4.24 § 3:13 Li ze Efi 4.32 \* 3:13 Li ze Efi 4.2 † 3:16 Li ze Efi 5.19-20 ‡ 3:18 Li ze Efi 5.22; 1 iPit 3.1 § 3:19 Li ze Efi 5.25; 1 iPit 3.7 \* 3:20 Li ze Efi 6.1 † 3:21 Li ze Efi 6.4

Oa khi ini e nu ẹ la agho tse a ro ri ungmemhi oyewe ya ke gbe akanya ini e ba somhi-elemhi ẹ. Ama ri udu oghuo ke gbe akanya irari khi u mu ekpe a na Onomhue. <sup>23</sup> Emiemini u wa riẹle nya ri omuegbe ni o rote udu oye nya lasele ke riẹle ọli, abine khi Onomhue u gbe akanya a na, ni ọa khi ogbo. <sup>24</sup> Lina ke ngeli abi u ro da lese khi u ya rote obọ oyi Onomhue me eleli egho. <sup>25</sup> Eshinegba o ya fali oni o li onobe ota, ọa ya gbe ogbokhoghuo azeba.†§

#### 4

<sup>1</sup> Ee ega, a gue ke riẹle deba ighumha eye ẹ abi o ti shi, a ri igesikia deba we. Sato khi yeye u li mhọli Oga shi iloghie.\*

#### *Emini o gbo mhese na we*

<sup>2</sup> A lolo ke so iromhi, a to ẹloe eke, a tse Eshinegba uwegbe. <sup>3</sup> A gbo li ke so iromhi na anye, ni Eshinegba o khueghie ode-a na anye ini anye me asha gue ungmemhi oyoli le. Ikhi ungmemhi onayi osheli oyi iKirisiti, ni o ze khi mhi la ogba ighumha memena. <sup>4</sup> A lema na mhe, ni mhi gue oni usomhi le gboo ni egbo e suo li. <sup>5</sup> Ri ilesingme nu egbo eni ẹa miesuo ke ngeli. Eghẹghẹ ni u mhọli nya, roli riẹle onete.† <sup>6</sup> Ze ni ilesingme o la ungmemhi ni u wa ngme, u gbolo ẹ ngme ingmemhi eni ẹẹ ti eso, eghẹghẹ agho ni u lese emini u ya ke so shi ogbokpa ingme.

#### *Otse ni o kpukhokho*

<sup>7</sup> ITakikosi o ya gue ingme eyemhe nya ye ẹ. Egbegbi inyoghuo ni oo gbe akanya oyi Eshinegba te ode igesikia, ni mhi nono ingme oyoli o khi. Oni anye ga kugbe ẹẹ ga Onomhue o li khi. <sup>8</sup> Ni a ro lese abi anye li la o shi memena mhi ro ghie ọli ẹ ghi ẹ, ali ni o gbo ri udu shi ẹ o.‡ <sup>9</sup> Loli ali Onesimusi mhi ga ghie ẹ ghi ẹ. Inyoghuo anye oni oo gbe akanya oyi Eshinegba te ode igesikia ni anye nono ingme oyoli o li khi. Onge ẹoli oye ẹ o khi. E ya gueye ẹ emini áá me oola nya.§

<sup>10</sup> Arisitakusi ni anye ga la owa ighumha, oo tse ẹ. IMaki ni loli ali iBanabasi e khi inyoghuo, ẹẹ tse ẹ. Ini iMaki o bhale a kpe

abọ mie ọli abi a li mhese ọli na ẹ.\* <sup>11</sup> Ijesu ni akiseva oyoli o khi ijositosi, o li tse ẹ. Eni egbo aase ena e khi egbo iJu tse eni e nu mhe ẹ gbe akanya iri-ungmemhi oyi Eghiele oyi Eshinegba ke kia gase. Eri e ga ri egbe ẹ mu mhe. <sup>12</sup> Epafurasi ni o khi onge ẹoli oye ẹ, ni o khi oni oo ga iJesu iKirisiti, o li tse ẹ. Eghẹghẹ kpa o ro o do ogbo elemhi iromhi isoso itobo oye ẹ, ni a migha gbagbagba, ni a womheloe shi elemhi oghuemhe oyi Eshinegba. Ali ni a gbo mhọli ọli shi udu khi Eshinegba o ya riẹle emini oo khi loli ya riẹle.† <sup>13</sup> Mhi pfi otsele na li khi o ma a gbe akanya egbegbo itobo oye ẹ, ali egbo ni e miesuo ni e la iLaodisha ali Erapolisi. <sup>14</sup> ILuku omole anye ni o khi idokita, ali iDemasi ẹẹ tse ẹ.‡ <sup>15</sup> A li nu mhe tse eni e miesuo ni e la iLaodisha, ali iNifa ali igbaa oyi eni e mie iJesu iKirisiti suo ni e la owa oyoli.

<sup>16</sup> Ini a ze ebe ona se, a ze ni a li ze ọli ye igbaa oyi eni e mie iJesu iKirisiti suo ni o la ẹoli iLaodisha. Zobe ni a li mie egbo iLaodisha ebe ni mhi keke ghi we li ze.

<sup>17</sup> Gueye Achiposi khi mhi ọli o roshẹka pfuse akanya ni Onomhue o ro nga li obo gbe pfo.§

<sup>18</sup> Mhemhe iPolu mhi ri ugba ma ebe ga keke otse ona ghi ẹ. A khi yele-a khi eri a so mhe igha. Okhale oyi Eshinegba o nu ẹ la.

‡ 3:25 Li ze iDeut 10.17; Efi 6.9

§ 3:25 Li ze Efi 6.5-8

20.4; 2 iTimo 4.12; Efi 6.21-22

§ 4:9 Li ze iFile 10-12

15.37-39

† 4:12 Li ze iKolo 1.7; iFile 23

‡ 4:14 Li ze 2 iTimo 4.10,11; iFile 24

§ 4:17 Li ze iFile 2

\* 4:1 Li ze Efi 6.9 † 4:5 Li ze Efi 5.16 ‡ 4:8 Li ze Ika

\* 4:10 Li ze Ika 19.29; 27.2; iFile 24; Ika 12.12,25; 13.13;

## Ebe onodode ni iPọlu o keke ghi egbo ITēsalonia Eni e miesuo

<sup>1</sup> Mhēmhe iPọlu ali iSalasi ali iTimoti anye ri ebe ona ghi ẹ igbaa oyi eni e mie iJesu iKirisiti suo ni o la eke iTēsalonika, ni e khi egbo eyi Ẹshinẹgba Ita awa ali iJesu iKirisiti Onomhufe.

Okhale ali opfomhe oyi Ẹshinẹgba e ka nu ẹ la.

### *Angeli ali irudunga oyi egbo iTēsalonika*

<sup>2</sup> Anye maa tse Ẹshinẹgba uwegbe egheghe kpa shi itobọ oyi ẹ ẹ nya, igho anye gbo lie teva ẹ elemhi iromhi isoso oyi anye.

<sup>3</sup> Anye ma la odalo oyi Ẹshinẹgba oyawa ali Ita awa sato ikanya eye ẹ ni iregbenga oye ẹ, o re ẹ gbe. Abi inono ni a mhufe na egbe ẹ o li re ẹ toto obọ akanya, ali abi irudunga ni a mhufe na iKirisiti Onomhufe o li migha.

<sup>4</sup> Inyoghuo anye, anye lese khi Ẹshinẹgba o nono ingme oye ẹ, o she gbo ze ẹ ni a khi egbo eyoli. <sup>5</sup> Irari khi eri anye ri usomhi onete bhale ghi ẹ. Oa khi ungmehi unu tse anye ro roli bhale, ama li rote elemhi ekpabo ali Ayemhe-no-pfuase. Anye li ri igesikia oyoli lo ẹ esọ egbegbo. A lese abi anye li ngeli abi awa ro ga la kugbe, irari ni o ro ti na ẹ anye ro ligho ngeli. <sup>6</sup> Áá khonya anye ali Onomhufe abi o tseku khia khi a me osoli egbegbo, a ri oghelẹ mie oni usomhi ni o rote Ayemhe-no-pfuase bhale.\* <sup>7</sup> Itobo igho, eni khonya a ngeli a ke khi shi egbo ni e miesuo na eke iMasidonia ali Akhaya o. <sup>8</sup> Irari khi aa khi eri usomhi oyi Onomhufe o lese rote ẹ unu fiẹ lase ya je eke iMasidonia ali Akhaya tse, ama, iregbenga ni a mhufe na Ẹshinẹgba o she ramhi asha kpa. Itobo ona, anye a ke mhufe ingme olese ni anye ke ya ngme. <sup>9</sup> Egbo egho nya e ngme oli abi a li ri eloe e khu anye abi anye ro ku shi na ẹ. Ali abi a li tsua ikhumhi kua bhale deba Ẹshinẹgba, ni áá gá egbegbi oni Ẹshinẹgba ni o la o. <sup>10</sup> A gbo gueye anye abi a li migha a khe Omioli ni o rote iloghie ya bhale, ikhi

iJesu ni o rote eghuli guise le, ni o mie awa pfuese ofu oyi Ẹshinẹgba ni o o bhale.

## 2

### *Ikanya eyi iPọlu elemhi eoli iTēsalonika*

<sup>1</sup> Inyoghuo anye eni emose ali eni ikpotso, ẹ ẹ a lese khi ifeli ni anye bhale ya feli ẹ, oa khi afue. <sup>2</sup> A lese abi anye li me osoli ni a li tsue anye obini eke iFilipi neni anye bhale deba ẹ eke iTēsalonika. Abi o tseku khia khi anye me ukpokpomhi ozuode, Ẹshinẹgba oyawa o ri igbedu na anye ni anye kiele rue usomhi onete ni o rote obọ oyoli bhale ghi ẹ.\* <sup>3</sup> Olema ni anye lema ẹ oa khi ode ni oa gbe akanya, wekhi rote usamhi ni oa ti, wekhi eri anye e nono ni anye di ẹ. <sup>4</sup> Ochoghọ, eri anye a ngme abi Ẹshinẹgba o anye li ngme. Irari khi o she bino anye shi egbo ni e nga obọ ni o ri oni usomhi onete ona a te obọ. Oa khi eri anye roshẹka ni anye ba ri egbe ke mu egbo, ama Ẹshinẹgba anye roshẹka ri egbe a mu. Loli o she bino isamhi udu eyi anye bie. <sup>5</sup> Ẹ ẹ a lese khi oa khi ingmemhi udimhi anye ro bhale deba ẹ, wekhi eri anye ri ingmemhi ikokoalo ẹ guese ukpokọ. Ẹshinẹgba o khi otsele oyi anye. <sup>6</sup> Oa khi eri anye ẹ dua ni ẹ ukeliye ogboese o kueghie anye, ukeliye khi eri anye nono oli obọ oye ẹ wekhi obọ oyi egboese.

Abi ighiusomhi na ke ẹ eyi iKirisiti, anye te o ni anye kha mhila ẹ emhi obọ. <sup>7</sup> Ama abi anye ro nu ẹ la, eri anye ku egbe a abi inyọ o li ri eloe ẹ khu eniye eyoli. <sup>8</sup> Itobo inono ni anye mhufe na ẹ, oa khi usomhi onete oyi Ẹshinẹgba ona tse anye lese nono ni anye ro ghi ẹ. Ama li shi agbo oyi anye. Irari khi ingme oye ẹ o mu anye egbe gba. <sup>9</sup> Inyoghuo, a ga sato abi anye toto obọ gbe ikanya ali omunu ni anye me. Eri anye e gbe ikanya ogbele kpa, ini anye khi nase ongee abi anye li i gue usomhi onete oyi Ẹshinẹgba ye ẹ.

<sup>10</sup> Ẹ ẹ ali Ẹshinẹgba a khi otsele eyi anye, khi angeli oyi anye khi eri o pfuase, o ti, oa mhufe umhagueli abi anye ro la ẹ ẹ eni e miesuo iteva. <sup>11</sup> Anye ri ele deba ogbo gbo abi ita o li ri ele a deba omọ. <sup>12</sup> Anye ye ẹ ude, anye yese ẹ, anye ri udu u shi ẹ o, ni a ke ngeli angeli ni o ri egbe a mu Ẹshinẹgba

\* **1:6** Li ze Ika 17.5-9      \* **2:2** Li ze Ika 16.19-24; 17.1-9



ni ọ lu ẹ, ni a mhuẹ okemhi shi eghiele ali ufumhi onayi ọli.

<sup>13</sup> Emhi olese ni o gbo ri anye a kuẹghie Ẹshinẹgba khi, abi anye rọ ri usomhi oyi Ẹshinẹgba bhale ghie ẹ, a suọ a kpe abọ mie ọli. Aa mie ọli abi usomhi oḡbọ ama eri a mie ọli abi usomhi oyi Ẹshinẹgba ni o khia khi ighọ o khi. Irari khi ungmehi oyi Ẹshinẹgba o la ẹ ni a miesuọ egbe ẹ akanya. <sup>14</sup> Inyoghuo, eri a ga li abi igbaa nya eyi eni e mie iJesu iKirisiti suọ eyi Ẹshinẹgba ni e la eke ijudia, ni e khi ẹgbọ eyi iJesu iKirisiti. Abi e li mẹ ajilimhẹ obọ oyi ẹgbọ iJu eyewẹ, ighọ a li li mẹ ajilimhẹ obọ oyi ẹgbọ eye ẹ.† <sup>15</sup> Eni ẹgbọ ena, e gbe iJesu Onomhuẹ ali emekeguele-a. E tigbe khu anye ya fiẹ. E ma ri elemhi a bi Ẹshinẹgba. E khi ọbe oḡbọkpa.‡ <sup>16</sup> Eri e ga rọsheka ni wewẹ e zu anye ode ini anye khi mẹ asha gue usomhi oyi Ẹshinẹgba ye ẹgbọ iJeta, ikhi ungmehi ni o ri imiesuọ ọ ghi wẹ. Ode ona e te buse olamhẹ ni ẹẹ lamhẹ-a. Mena, elemhi ibibi oyi Ẹshinẹgba o she tiemhile shi wẹ ọ.

*IPolu ọ nono ni ọ gbo ya bino ẹgbọ iTɛsalonika*

<sup>17</sup> Inyoghuo, abi a rọ vase anye ali ẹẹ-a ukuku ẹghẹghẹ, (elemhi idiegbe ọa khi usamhi), eri ẹloli ẹ o nga anye. Anye dua ini anye gbo mẹ ẹ. <sup>18</sup> Anye nono ni anye gbo deba ẹ. Mhẹmhẹ oyemhẹ mhi dua ni mhi bhale iti-ingmi-ingmẹ, ama ọkphaghie ọ zu anye ode. <sup>19</sup> Ini a bino ọ, ẹẹ a zẹ ni anye rọ mhọli irudushi ali oghẹlẹ, ni a gbo zẹ khi anye rọ ọ tonon obọ udu shi imuole ni anye ya mhuẹ odalo oyi iJesu, ini ọ bhale. <sup>20</sup> Igẹsikia, ẹẹ a khi ititiegbe ali oghẹlẹ ni anye mhọli.

### 3

<sup>1</sup> Abi anye ẹa ke rọ doḡe ri egbe mie, anye ke bie rọ shito obini ẹoli Ateni.\* <sup>2</sup> Lọli o zẹ ni anye rọ ghie iTimoti inyoghuo anye ni ọ nu anye ẹ gbe akanya na Ẹshinẹgba, ikhi akanya itse-abọ usomhi onete oyi iKirisiti. Anye ghie ọli ghi ẹ ni ọ zese ẹ-a, ni ọ gbo kpaghie irudunga oyẹẹ obọ, <sup>3</sup> ini onḡe ọ khi nyene egbe ukhokho irari ajilimhẹ enana. Ẹẹ oyẹẹ a leḡe khi ajilimhẹ eghoḡhọ

e li la emini e ghọle Ẹshinẹgba khi awa ya mẹ. <sup>4</sup> Irari khi abi anye rọ nu ẹ la, anye kpe gue ọli ye ẹ shi eke khi a ya mu okhọli vule shi anye ọ, a leḡe khi ighọ o kie tḡe. <sup>5</sup> Lọli o zẹ ni mhi rọ ghie iTimoti. Itobọ khi mhi a ke doḡe ri egbe mie, mhi rọ ghie ọli ọ bhale ya bino abi irudunga oyẹẹ o ke laọ shi. Eri udu o nase mhẹ khi ọkphaghie ọ doḡe ya mu ẹ fe, o li abinẹ khi akanya ni anye gbe nya e ya mele afuẹ-a.

*Emini o ri egbe ẹ mu ni iTimoti ọ guele*

<sup>6</sup> Mena, iTimoti ọ she jele ya gue usomhi onete oyi irudunga ali inono oyẹẹ ye anye. Ọ she gueye anye abi a lie sa usamhi onete oyi anye ali abi o li ẹ ghọle ẹ ni a mẹ anye, abi anye lie nono ni anye li mẹ ẹ.† <sup>7</sup> Itobọ ona inyoghuo, irudunga oyẹẹ o she ri udu shi anye ọ, abi a riẹ mu okhọli vule shi anye ọ ni anye la osoli. <sup>8</sup> Eri ayemhẹ oyanye o mhọli itije-odalo abi anye rọ suọ abi a li kie migha shi ikugbe ni ẹẹ ali Onomhuẹ a kugbe. <sup>9</sup> Mena seḡ anye lie doḡe kphemhi na Ẹshinẹgba shi oghẹlẹ ni a rọ ghi anye? <sup>10</sup> Ni o gbe no bi anye rọ ri udu oyanye nya mhila li, ọ zẹ ni anye mẹ ẹ ẹloe ni anye ri emini e kpo ẹ irudunga le na ẹ.

<sup>11</sup> Ẹshinẹgba oyawa ali Ita awa lolighuo ali iJesu Onomhuẹ e ka be ode na anye ni anye rọ bhale deba ẹ. <sup>12</sup> Onomhuẹ ọ ka zẹ ni inono ni a mhuẹ na egbe ẹ ali ẹgbọ kpa e ke fu shi ọ, ni o fu abi inono ni anye mhuẹ na ẹ. <sup>13</sup> Ode ona ọ te ya zese ẹ udu-a, ni a khi eni e gba pfo, ni e pfuase shi odalo oyi Ẹshinẹgba oyawa ali Ita awa, ini iJesu Onomhuẹ ali eni e khi eyọli e bhale.

### 4

*Angeli ni o ghọle Ẹshinẹgba*

<sup>1</sup> Ni mhi rọ gbe ọli ukhomhi inyoghuo, anye e seḡ ẹ abi a li ya ke ngeli ni o ya ghọle Ẹshinẹgba. A she lighọ ọ ngeli. Mena anye ri eva oyi iJesu Onomhuẹ gbo lema ẹ, a kie lina ke ngeli. A gbo khi ma ọ. <sup>2</sup> Irari khi a leḡe oseḡe ni anye seḡ ẹ rọte afu ni iJesu Onomhuẹ ọ rọ na anye.

<sup>3</sup> Eri Ẹshinẹgba ọọ nono ni a re ẹ khi eni a khuḡe pfuase ni a pfi angeli itseḡo shi eke, <sup>4</sup> khi omose oḡbọḡbọ ọ gue ri egbọli

† 2:14 Li zẹ Ika 17.5 ‡ 2:15 Li zẹ Ika 9.23,29; 13.45,50; 14.2,5,19; 17.5,13; 18.12 \* 3:1 Li zẹ Ika 17.15 † 3:6 Li zẹ Ika 18.5

ke kia ọ gbo guẹ ngeli deba ughuẹ-ọli, ode ipfuase ali ekpe. <sup>5</sup> A khi mholi oghuemhe oyi efiala ona itsebo deba egbe, abi eni ẹa lese Eshinegba ẹẹ li. <sup>6</sup> Emini a ngme ena khi, ogbokhoghuo ọ khi kia onuzava oyoli ni e ga mie iKirisiti suọ okiengme. Ọ khi li ọli le irari khi ọọ da ne ọli. Anye she kpe gue ona ye ẹ anye roli tse agua ye ẹ khi Onomhue ọ ya na egbo eghoghọ osue. <sup>7</sup> Eshinegba ọa lu awa shi ikanya itsebo, ama eri ọ lu awa ni awa khi eni e pfuase. <sup>8</sup> Itobo ona, ogbọ ni ọ da kie osese ona ne, ọa khi osese oyi ogbọ ọ kie ama oyi Eshinegba ọ kie ni ọ ri Ayemhenon-pfuase na awa.

<sup>9</sup> Ọa khi oni anye ya gbo keke ebe ghi ẹ, a nono ingme oyi eni e miesuo enabi ẹẹ. Irari khi Eshinegba lolighuo ọ she sese ẹ abi a li ya nono ingme egbe ẹ. <sup>10</sup> Igesikia, igho a kie li ẹ ngeli deba inyoghuo ẹ ni e la eke iMasidonia. Irarigho, inyoghuo, anye lema ẹ a gbo khi ma oni angeli.

<sup>11</sup> Rosheka la agbo ni o pfomhe. Ke mu alo shi akanya oye, u ri abo eye ẹ gbe akanya, abi anye kie kpe gueye ẹ. <sup>12</sup> Ini a da lina ne, o ya ri ekpe shi ẹ egbe odalo oyi egbo ni ẹa miesuo. Eghẹghe agho wa ya ri egbe da ogbọ shi emini e to ẹ.

### *Inyengbe bhale oyi Onomhue*

<sup>13</sup> A ghe i inyoghuo, anye ẹ nono ni a lese igesikia ni o la ingme oyi egbo ni e ghua, ini egbe e khi pfo ẹ-a abi egbo ni ẹa mhue irudushi <sup>14</sup> Irari khi ini awa miesuo khi iJesu ọọ ghu-a ọ gbo guale. Awa li miesuo khi ini Eshinegba ọ rue iJesu nyene ẹ bhale, ọ ya li rue eni e mholi irudunga shi iJesu ọ ramhi ni e ro ghua, ma li egbe bhale. <sup>15</sup> Osese ni anye ẹ sese ẹ ena, osese oyi Onomhue lo. Awa ni awa la agbo awa aa ya ralo na eni e ghu-a, ele ni Onomhue ọ ya bhale. <sup>16</sup> A ya mhese leghe, uruli oyi aḡeni ni ọ kpeda nya o pfi leghe, a pfi akala oyi Eshinegba. Onomhue ọ ya rote iloghie tiemhile irarogbe. Egbo ni e ri udu nga iKirisiti ramhi ni e ro ghua, e kpe ya guale bhale agbo. <sup>17</sup> Awa ni awa la agbo oni eghẹghe, a tigbe rue awa nga idane vui, ya ma we egbe deba Onomhue irarogbe elemhi otughunu. Igho awa ke lie

nu Onomhue la agboagbo.\* <sup>18</sup> Irarigho, a ri ingmemhi ena ke ri udu shi egbe ẹ ọ.

## 5

### *A mu egbe khe ibhale oyi Onomhue*

<sup>1</sup> Inyoghuo, ọa khi oni a ke gbolo ẹ keke ebe ghi ẹ shi ingme eghẹghe ali oni ogbele ni a ya me ingme enana nya. <sup>2</sup> Irari khi ẹẹ oye ẹ ga lese egbegbo khi ogbele iguezo oyi Onomhue eri o ya li abi oghiatọ ọ lie bhale eliyose.\* <sup>3</sup> Ini egbo e da lie. “Emhikpa o she pfomhe, ingme okhoghuo ọa ke la ọ ne.” Eghẹghe agho opfuse o ro ya de rughu we. Eri o ya bhale udemhija abi oku o lie to okpotso. Egbo ẹa ya pfue oni iguezo.

<sup>4</sup> Ama ẹẹ inyoghuo aa la alo ebili nabi oni ogbele o ya bhale guo shi ọ abi oghiatọ. <sup>5</sup> Irari khi ẹẹ nya egbo ni e khi eyi akpa a khi. Eyi ele oguota a khi. Awa a khi egbo na eliyose wekhi egbo alo ebili. <sup>6</sup> Itobo igho awa khi ke lese abi egboese, a bino angeli bie ke ngeli, aa ke tokpe. <sup>7</sup> Elyose egbo e ro lese, eliyose onyo o roo gbe egbo. <sup>8</sup> Aborokhia khi egbo ena ele oguota awa khi egho, awa bino angeli bie ke ngeli. Awa mema ya ri irudunga ali inono so abi awulu akhuli ni okholi-okhue ọ roo mu aye, awa ri irudushi oyi imiepfuese rughu abi arula akhuli ni okholi-okhue ọ ro rughu.† <sup>9</sup> Irari khi Eshinegba ọa ze awa shi eni a ya pfuse-a, ama eni iJesu iKirisiti Onomhue ọ ya mie pfuese. <sup>10</sup> Eri ọ ghu-a na awa, ni awa nu ọli la, awa la agbo ọ, okekhi ini awa ghua. <sup>11</sup> Itobo ona, awa ri udu shi egbe awa ọ, awa a kpaghie egbe awa obo, abi a kiele ẹ li ena.

### *Ungmemhi ali otse ni e kpukhokho*

<sup>12</sup> A ghe ii, anye lema ẹ inyoghuo, a ze ni a ke mu ekpe na eni e totobo ọ gbe akanya egbegbo ifuabo oye, ni ẹẹ sese ẹ ode ni a te ya khi eni e miesuo. <sup>13</sup> A ga ri ekpe ali inono onofune ke na we, itobo akanya ni ẹẹ gbe. A nu egbe ẹ ẹ ngeli angeli opfomhe. <sup>14</sup> Anye gbo lema ẹ inyoghuo, a ke tse agua ye egbo olemhe. Aa ye eni ulishi ọọ mu ude. Aa kpaghie eni ẹa mhue ekpabo obo. A mhue irabomudu ke deba ogbokpa. <sup>15</sup> A khi ze ni

\* 4:17 Li ze 1 iKori 15.51-52 \* 5:2 Li ze iMat 24.43; iLuk 12.39; 2 iPit 3.10 † 5:8 Li ze Aza 59.17; Efi 6.13-17

ogbo ọ ri onobe fata onobe, ama ẹghẹghẹ kpa a zẹ ni a rọshẹka ke riẹlẹ onete na egbe ẹ ali ọgbọkpa.

<sup>16</sup> Egbe e ke mu ẹ ẹghẹghẹ kpa. <sup>17</sup> Aa sọ iromhi ẹghẹghẹ kpa. <sup>18</sup> A ke tse uwegbe shi emiemini a me kpa. Ona o khi emini Ẹshinẹgba ọọ nono obọ oyẹẹ, abi yeyẹ ali iJesu iKirisiti a rọ ga kugbe egho.

<sup>19</sup> Khi ke pfuse erali Ayemhẹ-nọ-pfuasẹ a.

<sup>20</sup> A khi ri ẹloe gbe ungmehi imekẹguele.

<sup>21</sup> A ke mu emhikpa fe bino, à rue onete ni o laọ. <sup>22</sup> Ti egbe emhi obe nya le.

<sup>23</sup> Ẹshinẹgba lẹlighuo ni ọ khi Ẹshinẹgba ọna opfomhẹ, ọ ka rẹ khi ọni ọ pfuasẹ odẹ khi odẹ. O ri yeyẹ nya, ghe ayemhẹ ali agbo ali idiegbe eyẹ khi eni e gba pfo ni ẹa mhọli umha-guẹkia, ya ramhi ẹghẹghẹ ni iJesu iKirisiti ọyawa ọ rọ ya bhale. <sup>24</sup> Lọli ni ọ lu ẹ, ọ ya riẹlẹ ọli, irari khi ọni ọ zẹ ri egbe ẹ nga ọ khi.

<sup>25</sup> A ke sọ iromhi na anye inyoghuo. <sup>26</sup> A ke tse ẹgbọ ni e miesuọ egbegbi otse, a ghele ẹ mu we. <sup>27</sup> Mhi ri afu ni mhi mhue obọ oyi Ọnọmhue lema ẹ, a zẹ oni ebe ona khasẹ ẹgbọ ni e miesuọ nya.

<sup>28</sup> Okhale oyi iJesu iKirisiti Ọnọmhue ọyawa o ka nu ẹ la.

## Ebe onuzi-eva ni iPọlu o keke ghi egbo ITēsalonia Eni e miesuo

<sup>1</sup> Mhēmhẹ iPọlu ali iSalasi ali iTimoti anye ri ebe ona ghi igbaa oyi eni e mie iJesu iKirisiti suo ni o la eke iTēsalonika, ni e khi egbo eyi Eshinēgba Ita awa ali iJesu iKirisiti Onomhūe.\*

<sup>2</sup> Mhi lema Eshinēgba Ita awa ali iJesu iKirisiti Onomhūe e mhūe isomhelemhi na e, e ri opfomhẹ na e.

### Ikphēmhi ali Iromhi isoso

<sup>3</sup> Inyoghūo, anye mema ya ke tse Eshinēgba uwegbe na e egheghe kpa. O ti ni anye ke ligho, irari khi irudunga oyeē o o fu sho egheghe kpa. Inono ni a mhūe na egbe o o fu sho. <sup>4</sup> Loli o ze ni anye ro re e la iteva igbaa nya eyi eni e mie iJesu iKirisiti suo eyi Eshinēgba a neta omose. Eri anye re e neta omose itobo abi a li dobe ri obo mu udu migha irudunga oyeē elemhi okholi ali imufe nya ni a mu vule shi e o.

<sup>5</sup> Enana nya e rokhasẹ khi ezọ oyi Eshinēgba o migha shi ipfuase. Itobo igho Eshinēgba o ya leli e shi eni e te o, ni e ya lo iloghie oyoli ni a me osoli e shi. <sup>6</sup> Eshinēgba o ya gbe azeba, o ya ri osoli fali eni e na e osue ota. <sup>7</sup> O ya ri iyemhea na ee ni a me osue, o gbo li ri oni iyemhea na anye. O ya rieḗ ona ini iJesu Onomhūe o da feli lasese shi idane elemhi avuerẹ, loli ali igeni eniemhi eyoli. <sup>8</sup> O ya na egbo ni ea lese Eshinēgba osue, ali eni ea ri usomhi onete oyi iJesu Onomhūe gbe akanya. <sup>9</sup> E ya me osue. E ghu tiemhi ilimhi irierie. A rue we odalo oyi Onomhūe ali ufumhi oniemhi oyoli le.† <sup>10</sup> Ele ni a ya me ona khi, ogbele ni Onomhūe o ya bhale, ni eni e ri udu nga li e ri ikueghie ali ekpe na li. Li shi ee lo, itobo khi a she mie ungmehi ni anye gueye e suo.

<sup>11</sup> Loli o ze ni anye ro so iromhi na e, Eshinēgba o ze ni a li khi eni e ya la

agbo ni oo ghole oli. Ali o ri ekpabo eyoli ri ugbamhi onete ni a mholi bhale ya tse na e, li shi onete ni irudunga oyeē o re e rieḗ. <sup>12</sup> Itobo okhale oyi Eshinēgba oyawa ali oyi iJesu iKirisiti Onomhūe oyawa, a ya rue ufumhi ghi eva oyi iJesu Onomhūe oyawa, o li ri ufumhi ghi e.

## 2

### Ona okholo

<sup>1</sup> Inyoghūo, ingme ibhale oyi iJesu iKirisiti Onomhūe oyawa, ali abi awa li ya kuma li egbe,\* <sup>2</sup> a khi ze ni usamhi oyeē o nyanya ghagha ku ni a yila. Ini ogbokhoghūo o ririe khi imeke loli me, okekhi usomhi ona ke o guele, okekhi eri oo khi ebe ni anye keke ghi loli lue rote ze oli khi ogbele oyi Onomhūe o she bhale, <sup>3</sup> a khi ze ni ogbokhoghūo o te ode okhoghūo di e. Irari khi oni ogbele o ya bhale ini aa li me ukpokpomhi imuokhue-vule shi Eshinēgba o ali ini ona umhasuo-eso ni o khi ogbo obe o ya feli lasese gboo, ikhi oni a mhese owa ere na. <sup>4</sup> O ya mu okholi vule shi emhikpa ni egbo e lu Eshinēgba, ilitsa ali emhikpa ni egbo ee ga o, o ri egboli fu dose we nya. O gbo ga vu ya shito Owa oyi Eshinēgba oyi Eshinēgba oo lie khi loli ke khi Eshinēgba.†

<sup>5</sup> Aa ke sato khi mhi gue ingme ena nya ye e abi mhi ro nu e la? <sup>6</sup> Ee a lese emini o ze khi aa roli lasese khasẹ ne, ini egheghe oyi ona okholo ona o da ramhi, a ya roli lasese khasẹ. <sup>7</sup> Ama eni ikhiakhiamhi ekpabo okholo ena e she bele e gbe ikanya eyewe, ama oni o mu oli gbaga. Ama oni ona okholo o ya feli lasese ini oni o mu oli gbaga o ya li lasese ode-a. <sup>8</sup> Egheghe agho a ya ri ona okholo khasẹ, oni iJesu Onomhūe o ya ri ungmehi ni o rote oli unu lasese pfuse-a. Ugemhi oyoli ini o nyene egbe bhale o ya ga pfuse oli-a nya.‡ <sup>9</sup> Ona okholo ona, o ya ri ekpabo oyi Okphaghie bhale, oo gbe onyaloa egbhue ali oshabo ododa.§ <sup>10</sup> O ri udimhi ododa ni e kholo di egbo ni ee pfua. E ya pfua irari khi ea lama mie wekhi eri e nono igesikia, ni o kha mie we pfuse. <sup>11</sup> Itobo igho, Eshinēgba o ro ghie ayemhe egbholi ghi we, ni ee ro mie emini e khi egbholi suo. <sup>12</sup> A ya pfa ezọ

\* **1:1** Li ze Ika 17.1 † **1:9** Li ze Aza 2.10 \* **2:1** Li ze 1 iTesa 4.15-17 † **2:4** Li ze iDan 11.36; Ezik 28.2 ‡ **2:8** Li ze Aza 11.4 § **2:9** Li ze iMat 24.24

mu ɔgbɔ ni ɔa da mie igɛsikia suɔ ne, ni ɔ da mhuɛ ɔghuɛmhuɛ shi olamhuɛ.

### *A migha gbagbagba*

<sup>13</sup> Anye mema ya ke tɛ Ɛshinɛgba uwegbe ɛghɛghɛ kpa na ɛ, inyɔghuo ni Ɔnɔmhuɛ ɔ nono. Irari khi ɛɛ Ɛshinɛgba ɔ kpe zɛ ni a ya mie pfuese. Ayɛmhuɛ oyɔli o rɛɛ khi eni e pfuase, ali eni e mie igɛsikia suɔ. <sup>14</sup> Rɔte usomhi onete oyanye, Ɛshinɛgba ɔ te lu ɛ shi ona. Eri ɔ lu ɛ ni a rɔ mhuɛ okemhi shi ufumhi oyi iJesu iKirisiti Ɔnɔmhuɛ oyawa. <sup>15</sup> Irarighɔ, inyɔghuo, a migha gbagbagba, a mu eni igɛsikia ni anye sɛsɛ ɛ mhuɛ abi anye rɔte itsabɔ ali elemhi ebe ni anye kɛkɛ gue ɔli yɛ ɛ.

<sup>16</sup> IJesu iKirisiti Ɔnɔmhuɛ oyawa luɛghuo ali Ɛshinɛgba Itawa ni ɔ nono ingme oyawa, ni ɔ rɔte okhale oyɔli ri udu shi awa ɔ, ni ɔ gbo ri irudushi ni ɔa ya nighise na awa, <sup>17</sup> e ka ri udu shi ɛ ɔ, e gbo zese ɛ a shi ikanya ali ingmemhi enete.

## 3

### *IPolu ɔɔ, a sɔ iromhi na wɛwɛ*

<sup>1</sup> Ni mhi rɔ gbe ɔli ukhomhi inyɔghuo, a ke sɔ iromhi na anye. A sɔ iromhi ni ungmehi oyi Ɔnɔmhuɛ o nyanya ke ga asha kpa, ni ɛgbɔ e gbo mie ɔli, ni e ri ufumhi ke ghi Ɛshinɛgba, abi a li mie ɔli abi o rɔ la ɛ iteva. <sup>2</sup> A gbo ke sɔ iromhi Ɛshinɛgba ɔ rue anye obɔ oyi ɛgbɔ ebe ali ena ɔkhɔlɔ lasele, irari khi ɔa khi ɔgbɔkpa ɔ miesuɔ.

<sup>3</sup> Ama ɔni a ri egbe ɛ nga Ɔnɔmhuɛ ɔ khi. Ɔ ya ri itoto na ɛ ɔ khukhu ɛ obɔ oyi ɔna ɔkhɔlɔ. <sup>4</sup> Anye regbenga Ɔnɔmhuɛ khi a riɛɛ ali khi a kiele ɛ ke riɛɛ emini anye sɛsɛ ɛ. <sup>5</sup> Mhi lema, Ɔnɔmhuɛ ɔ ka udu oyɛɛ lɛsɛ inono ni o funɛ ni Ɛshinɛgba ɔ mhuɛ ali ni iKirisiti ɔ rɛɛ migha egbegbɔ.

### *Ɔgbɔgbɔ ɔ ke gbe akanya*

<sup>6</sup> Inyɔghuo, anye ri eva oyi iJesu iKirisiti Ɔnɔmhuɛ oyawa mhɛsɛ na ɛ, a ti kia na inyɔghuo ɔkhɔghuo ni ɔ la agbɔ ɔwaza ni ɔa ya deba osɛsɛ ni anye ɛ sɛsɛ ɛ. <sup>7</sup> Eɛ oyɛɛ a lɛsɛ khi o ti ni a ke li abi anye ɛ li. Anye ɛa li ɔwaza abi anye rɔ nu ɛ la, <sup>8</sup> wɛkhi eri anye mie ɔgbɔkhɔghuo emhi le ni anye a fali ota shi. Eri anye ri ochoghɔ gbe akanya, ɔpfo o

ta anye ghe ɛɛ ɔguota ali ɛɛ iyɔsɛ, ini anye khi ya khi itsua na ɔngɛɛ tsua. <sup>9</sup> Ɔa khi itobɔ khi anye ɛa tɛ eni ɛ mhila ɛ ikpaghiobɔ, anye rɔ lighɔ ngeli. Eri anye lighɔ, ni anye khi irokhɔkhɔ ni áá ke deba. <sup>10</sup> Abi anye rɔ nu ɛ la, anye gueye ɛ khi, “Ɔgbɔ ni ɔa lama gbe akanya ɔ khi le eminale.”

<sup>11</sup> Eri anye ngme ona itobɔ khi anye suɔ khi ɛgbɔ eghuo e la ɛ iteva ni ɛa lama gbe akanya, ni ɛa ya li emhikhɔghuo ama ikanya eyi ɛgbɔ elese ɛɛ sɔnɔ unu ke pfuɛɛɛ-a. <sup>12</sup> Anye ri eva oyi iJesu iKirisiti Ɔnɔmhuɛ mhɛsɛ na ɛgbɔ eghoghɔ, anye gbo tse agua yɛwɛ e ke ngeli angeli ni o te oɔɔ. E ke gbe akanya ni e te mɛ emhi ya ke le. <sup>13</sup> Ama ɛɛ inyɔghuo a khi zɛ ni onete iriɛɛ ɔ susu ɛ.

<sup>14</sup> Ini ɔgbɔkhɔghuo ɔ la ɔ ni ɔa ya ri omhɛsɛ ni a kɛkɛ shi ebe ona gbe akanya, a lolo tɔ ɔgbɔ ɔghoghɔ ɔkpe. A khi kugbe ɔgbɔ ɔghoghɔ ɔ, ni omama o mu ɔli. <sup>15</sup> Ama a khi ngeli deba li abi ɔbe ɛ, ama a ri ochoghɔ tse agua ye ɔli abi inyɔghuo.

### *Ingmemhi ni e kpe ukhokho*

<sup>16</sup> Ɔnɔmhuɛ luɛghuo ni ɔ khi oɔɔ ɔpfo mhuɛ oyawa ɔ ka ri ɔpfo mhuɛ na ɛ ɛghɛghɛ kpa ali oɔɔ khi oɔɔ. Ɔnɔmhuɛ ɔ ka nu ɛ la.

<sup>17</sup> Mhɛmhuɛ iPolu mhi ri obɔ oyɛmhuɛ kɛkɛ ebe ona ghi ɛ. Mhi tɛ ɛ. Ina mhi liɛ kɛkɛ eva oyɛmhuɛ shi ebe ni mhi kɛkɛ kpa. Ina mhi liɛ kɛkɛ ebe.

<sup>18</sup> Okhale oyi iJesu iKirisiti oyawa o ka nu ɛ la nya.

## Ebe onodode ni iPolu o keke ghi ITimoti

<sup>1</sup> Mhemhe iPolu aghiusomhi na kee oyi iJesu iKirisiti, rote omhese oyi Eshinegba ni o mie awa pfuase ali iJesu iKirisiti ni o khi irudushi oyawa.

<sup>2</sup> Mhemhe mhi keke ebe ona ghi iTimoti, ni o khi egbegbi omimhe elemhi imiesuo, okhale ali ilelemhi ali opfomhe enayi Eshinegba e ka khi eye.\*

### *Mhue egbhe shi ena osese egbholi egbe*

<sup>3</sup> Mhia nono ni u la eoli Efesosi abi mhi kie kpe gueye abi mhi ro lee iMasidonia, ni u me asha gueye egbo eghuo ni e la oobo o sese osese egbholi e mu migha. <sup>4</sup> Gueye we, e tsua okhe igbaekele oyi egbo enede ali ida-echere ku-a ni o khia khi ekhako o lese roo bhale, ea ya kpaghie akanya oyi Eshinegba ni o rote irudunga bhale obo. <sup>5</sup> Emini o ze ni a ro mhese omhese ona khi, ni a ro guise inono, ni o rote udu no pfuase bhale le, ali oni o rote udu-onete ni o gue ogbo ezọ ali egbegbi irudunga bhale. <sup>6</sup> Egbo eghuo e she rote enana lasela, nyene egbe je ingmemhi afue. <sup>7</sup> Ee nono ni wewe e khi esese Ishi eyi iMosisi eyi Eshinegba, ama ea lese emini e ngme wekhi eri e lese emini e ri itoto ge ma gue gagaga.

<sup>8</sup> Awa lese khi ushi o ti ini awa gue deba li abi awa kha li. <sup>9</sup> Awa lese khi o a khi itobo egbo enete a ro shi ushi, ama itobo egbo ni ee gbe ushi-a ali ighiatọ ali eni ea mhue ulishi Eshinegba ali ena olamhe, ali egbo ni ea lese ugamhi, ni ea mu ekpe e na emhi eyi Eshinegba, ali egbo ni ee gbe itawe ali inyewe-a, ali egbo ni ee gbe ugbeli. <sup>10</sup> A shi ushi na egbo okia ali eni nu emose nabi wewe ali ikpotso nabi wewe ee gbhe, ali egbo ni e muno egbo o de, ali egbo ni e lo egbhue ali eni ee pfi otsele egbhue, ali emhi elese ni ea de shi egbegbi osese, <sup>11</sup> ni o khi osese ni o de shi usomhi onete oni o mholi ufumhi oyi Eshinegba, ni o mholi ikhivose ni a ro nga mhe obo.

### *Ikphemhi shi ilelemhi oyi Eshinegba*

<sup>12</sup> Mhi kphemhi na iJesu iKirisiti Onomhue oyawa ni o ri itoto na mhe, ni o me khi mhi te o ni o ro ze mhe shi akanya oyoli. <sup>13</sup> Abi o tseku khia khi egheghe ni o dose khi mhi pfi unu-a deba Eshinegba, ali ni mhi i jili egbo ni e miesuo, ni mhi nu we kholi, oo mholi ilelemhi na mhe irari khi umhalese ali umha miesuo o remhe li gho.† <sup>14</sup> Onomhue oyawa o ya tutu okhale ku mhe. O ri irudunga ali inono na mhe ni e khi eyawa irari ikugbe ni awa ali iJesu iKirisiti awa kugbe.

<sup>15</sup> Egbegbi ungmehi na, ni awa kha mie shi nya, khi eri iJesu iKirisiti o bhale agbo ya tsumhi ena olamhe, ni o khia khi mhemhe mhi ga kholo ne nya. <sup>16</sup> Ama eri Eshinegba o mhue ilelemhi na mhemhe ni o kholo ne ena olamhe nya, ni a ro bhale ya e khi irabomudu oniemhi ni iJesu o mhue na mhe o khi irokhokho shi egbo ni e ke ya mie oli suo o, ali eni e ya mhue agbo na agboagbo. <sup>17</sup> Ekpe ali ufumhi o khi oyi Oghie na agboagbo, ni o a ya ghu, ni aa ya me, Eshinegba ni o khi oghuo kpe, rote agboagbo ya je agboagbo! Atse.

<sup>18</sup> Yeye iTimoti omimhe, ena e khi omhese ni mhi ro ne, ni e de shi abi a li me ekpe shi e egbe egheghe ni o dose. Ke ri omhese ena gbe akanya, irari khi itsua-okhue e khi ne, ni u ro dobe ya kholi okholi onete, <sup>19</sup> kie mu irudunga oye ali udu onete ni o gue ogbo ezọ oye mhue. Egbo eghuo ni ea ke ri ele emini udu onete ni o gue ogbo ezọ oyewe o gueye we e ri ele, eri irudunga oyewe o de guoghọ-a abi oko-oke oniemhi. <sup>20</sup> Egbo enabi eghoghọ iManiusi ali Alezada e khi, ni mhi wolọ abo na okphaghie ni o sese we ingme, ini e khi ke ngme ungmehi ipfiunu-a deba Eshinegba.

## 2

### *Ugamhi igbaa oyi eni e mie iJesu iKirisiti suo*

<sup>1</sup> Mhi gueye e, a kpe te odode so iromhi na egbo kpa. Abi u lie gue emini e to e le, lema Eshinegba shi ilelemhi na we, u kphemhi na Eshinegba na we. <sup>2</sup> U li so iromhi na enighie ali eni ee mhese ni awa,

\* 1:2 Li ze Ika 16.1 † 1:13 Li ze Ika 8.3; 9.4-5

ni e rọ doḅe ke la agbọ na tsuke ali opfomhe, elemhi ekpe oyi Eshinegba rọte igue-ngeli. <sup>3</sup> Ona oo ti, o ma ri egbe a mu Eshinegba otsumhi oyawa. <sup>4</sup> Ni o nono ni ogbokpa o mholi imiepfuese, ni o gbo lese igesikia. <sup>5</sup> Irari khi Eshinegba oghuo o la, ali omigha iteva ogbo ali Eshinegba oghuo, omose ni a lu iJesu iKirisiti. <sup>6</sup> Ni o ri egboli bhale shi otoeloli, ni o rọ mie egbo nya pfuese. Ona o khi usomhi ni Eshinegba o nono ni loli gueye ogbokpa ni o gue de shi egheghe oyoli. <sup>7</sup> Ona o ze ni a rọ ghie mhe abi aghiusomhi na kee ni iKirisiti o ze ali ose oyi iJeta ni mhi rọ gue usomhi irudunga ali igesikia le. A khi egbhue mhia lo, igesikia mhia guele.\*

<sup>8</sup> Ini a ye ugamhi, mhia nono ni emose e tsua abo eke shi iromhi isoso ni o mhue elemhi ibibi wekhi ekhako. <sup>9</sup> Mhi lili e nono ni eni ikpotso e gue ke so itsua ni e gbe akanya, a khi khue akhue abamemhe, wekhi ie-itsu dolodolo shi ukhomhi, wekhi iri-igolu khue akhue ali ifefe isoso wekhi itsua ni e lolo ghale isoso.† <sup>10</sup> Ama e ke gbe ikanya enete, ni o ye ni ikpotso ni ee khi wewe a ga Eshinegba e gbe.

<sup>11</sup> Ikpotso e ke ri iregbe-tiemhile ke ku eso-a wena. <sup>12</sup> Mhi aa ze okpotso ni o sese, we khi eri o ya mhue omhese shi emose ukhomhi. O ke tsaghie-a. <sup>13</sup> Itobo khi Adamu a kpe ma neni a ma Ivu.‡ <sup>14</sup> Oa khi Adamu okphaghie o di, ama okpotso a di ni o gbe ushi oyi Eshinegba-a.§ <sup>15</sup> Ama a ya tsumhi okpotso rọte eniye ibiabia, ini o kiele e deba irudunga ali inono ali ipfuese, ni o rọ mu ekpe shi egboli egbe.

### 3

*Eni e mhes elemhi igbaa oyi eni e mie iJesu iKirisiti suo.*

<sup>1</sup> Oni ungmehi ona oo gbe akanya gba. Ini ogbo o nono ni loli khi oni o ri eloe e khu egbo eyi Eshinegba, eminete lo ni o ghole oli. <sup>2</sup> Oni o ri eloe a khu eni e miesuo o mema ya khi ogbo ni o fu dose umhagueli, o khi odo okpotso oghuo, o mhue ikuegbe-a, o mu ekpe shi egboli egbe, o khi oni a mu ekpe a na, o mema ya ke kpe abo mie epfese lo apfe oyoli le, o mema ya doḅe ke sese ose.

<sup>3</sup> O khi khi odonyo, we ogbo okholi, ama o pfomhe, o khi khi ogbo uwola, o khi nono ingme ukpago dose. <sup>4</sup> O mema khi oni o gue ri eloe e khu omhue-apfe oyoli. O khi oni imioli e mu ekpe e na, ee suo eso na li egbegbo. <sup>5</sup> Itobo khi ini ogbo o gue ri eloe e khu omhue-apfe oyoli, se oli ya doḅe ri eloe khu igbaa oyi eni e mie iJesu iKirisiti suo? <sup>6</sup> O khi khi oni o lese miesuo ni ode o nua ne ini itiegebe e khi vo li egbe ni o tigbe ya de pfilo epfua nabi okphaghie o de pfilo. <sup>7</sup> O mema khi ogbo ni o mholi eva onete iteva oyi ena edato, ini o khi yeghe-a ni o de ya pfilo igha okphaghie.\*

<sup>8</sup> Eni ee kpaghie elemhi owa ugamhi, e khi egbo ni a mu ekpe e na, e khi egbo ni a ri egbe e nga. E khi khi eni e da onyo o dose wekhi eni ee li oyamhi ukpago. <sup>9</sup> E ri udu-onete ni o gue ogbo ez o mu igesikia ni a rokhasa ni e la irudunga mhue. <sup>10</sup> A kpe mu we fe bino, ini o khia khi e gue gbe, a tigbe ze we obo o gbe akanya oni o ga. <sup>11</sup> Ighuewe e mema ya mhue ingeli enete. E khi khi eni ee le egbo itsa uruli kiakia, e mholi ayemhe ni o pfomhe, e khi eni a ri egbe e nga shi emhikpa. <sup>12</sup> Omose okpaghio o mema ya khi oni o rue okpotso oghuo shi, o khi oni o gue e sese eniye eyoli ode, o gue ri ukpeloe a khu omhue-apfe oyoli. <sup>13</sup> Ekpaghie-obo eni e gue ga, e she roli mie ashini o mu eloe, ali e doḅe ri igbedu e ngme ingme oyi irudunga oyi iJesu iKirisiti ni e mhue.

*Osheli ni o la irudunga oyawa*

<sup>14</sup> Aboriekhia khi mhi ririe mholi oli shi udu khi mhi ya kele bhale ya bine, mhi rọ kie keke eni omhese ena ghi e. Egege agho ni a bhale ya e khi, <sup>15</sup> ini o khia khi mhi tese dena, ebe ona o ya sese e abi o ti ni egbo e li ke ngeli elemhi omhue-apfe oyi Eshinegba, ni o khi igbaa oyi eni e mie iJesu iKirisiti suo oyi Eshinegba ni o la agbo. Ikhi igbaa oyi eni e mie iJesu iKirisiti suo ni o khi oche ali irogbekere ni a ma igesikia nga. <sup>16</sup> Igesikia ni o la osheli oniemhi ni o la irudunga oyawa o fu dose oni ogbokhoghuo o mhue ekhako e shi. IJesu o bhale agbo abi ogbo,

\* 2:7 Li ze 2 iTimo 1.11 † 2:9 Li ze 1 iPit 3.3 ‡ 2:13 Li ze Igbae 2.7,21-22 § 2:14 Li ze Igbae 3.1-6 \* 3:7 Li ze iTato 1.6-9

Ayemhẹ ọ rọli khasẹ  
khi ọ ghọle Ẹshinẹgba,  
igẹni e mẹ ọli  
A rọli tşẹ abọ gasẹ  
ushishi nya,  
ẹgbọ e mie ọli suọ  
elemhi agbọ nya  
a rue ọli nga iloghie.

#### 4

##### *Ena Osẹşẹ ẹgbhọli*

<sup>1</sup> Ayemhẹ ọ guele gboo khi, ikpukhokho agbọ, ẹgbọ eghuo e ya tsua irudunga pfi-a. Ẹ deba iyemhẹ ni ẹẹ di agbọ, ẹẹ deba osẹşẹ ni ayemhẹ ọkphaghie e tsua lasele. <sup>2</sup> Osẹşẹ eghoghọ, obọ oyi elo-ẹgbhue ena ikokoalo e te ẹ bhale, eni udu-onete ni ọ gue ọgbọ ẹzọ oyewẹ o she ghua dishi. <sup>3</sup> Ẹgbọ eghoghọ ẹ şẹşẹ ẹgbọ e khi rue ọkpotso, eni ikpotso e khi ye ughue, e gueye wẹ e khi ke le eminale eghuo. Ama eri Ẹshinẹgba ọ ma eminale eghoghọ, eni e miesuọ ni e leşẹ igesikia e ke ri ikphemhi mie wẹ le. <sup>4</sup> Emhikpa ni Ẹshinẹgba ọ ma o ti, a khi mẹ emini a kie, ama a ke ri ikphemhi mie emhikpa. <sup>5</sup> Irari khi ungmehi oyi Ẹshinẹgba ali iromhi isosọ a rọ rẹwẹ ẹ shi eni e pfuase.

<sup>6</sup> Ini u ri oni omhẹşẹ ona na eni e miesuọ, u ya khi oni ọ gue gbe akanya ugamhi oyi iJesu iKirisiti, ni a kuele vule rọte igesikia na irudunga ali osẹşẹ enete ni u wa deba. <sup>7</sup> Khi mhọli emini u ri okhẹ oyi ẹgbọ nẹde, ali okhẹ ikpotso egbhali ẹ riele. Ke ngeli riele ọghuemhẹ oyi Ẹshinẹgba. <sup>8</sup> Inisegbe-a o mhọli ukuku eminete ni o riele a na ọgbọ, ama ni a rọ suọ esọ na Ẹshinẹgba, eri o ti odekhode, itobọ khi o mhọli ishobọ na awa memena ali agbọ ni o ke ẹ bhale.

<sup>9</sup> Ungmemhi igesikia na ni o ti ni a mieshi, ni a gbo lama shi ọ. <sup>10</sup> Onana o ri anye roşeka a gbe akanya egbegbọ, irari khi awa she ri irudushi oyawa shi Ẹshinẹgba obọ, oni ọ laọ ni ọ khi Omiepfuese oyi ọgbokpa, eni e miesuọ kpaashi.

<sup>11</sup> Mhẹşẹ, u gbo şẹşẹ ena nya. <sup>12</sup> Khi zẹ ni ọgbokhoghuo ọ ri eloe gbe ẹ irari khi ozele u khi, ama rọte ungmehi oye, ali agbọ oye, ali inono oye, elemhi irudunga ali ipfuase oye khili irokhase na eni e miesuọ. <sup>13</sup> Ya ramhi eghẹghẹ ni mhi rọ ya bhale, ri eloe

shi ọ kie ke zẹ Ebe-no-pfuase khasẹ igbaa, u kie le ẹ tse-abọ oni ungmehi, wa şẹşẹ wẹ.

<sup>14</sup> Khi ri obọ gbe isomhopfa ni Ẹshinẹgba ọ rọ nẹ nyẹ. Oni a rọ nẹ abi a rọ mekeguele shi ẹ egbe ali abi eni egbhali e rọ ri abọ nge egbe.

<sup>15</sup> Ke ri eloe shi eni emhi ena egbegbọ, u ri egbe ẹ na wẹ pfo ni ẹgbọ nya e ke mẹ ije-odalo oye. <sup>16</sup> Ri eloe shi egbe ẹ egbe ali osẹşẹ oye. Kie ke riele emhi ena, irari khi ini u wa lighọ u ya tsumhi egbe ẹ ali eni ẹ suọ ẹ.

#### 5

##### *Abi ẹẹ a ke li esamhi-olimhi, ali egbhali ali ighumha*

<sup>1</sup> Khi dese ọgbhali, ri ipfomhẹ uruli nu ọli ngme abine khi ite ọ khi. Ke riele deba ozele abine khi inyoghuo ẹ u ngeli ẹ deba. <sup>2</sup> U riele deba ikpotso eni egbhali abine khi inye e khi. Ke ngeli deba ozele ikpotso abi inyoghue ni ikpotso.

<sup>3</sup> Khi ri eloe gbe esamhi-olimhi ni e khi esamhi-olimhi egbegbọ, ni e mhọli ọtomhẹ. <sup>4</sup> Ini oni osamhi-olimhi ọ bia eniye, o ke khia khi ọ mhue imimi, eni eniye e kpe ke ri emini e wena imiesuọ gbe akanya, abi e li ri eloe ẹ khu omhue-apfe oyewẹ. Ini e lina, eri ẹ feli eni e bia wẹ ali itita wẹ eghọ, irari khi onana o ma ri egbe a mu Ẹshinẹgba. <sup>5</sup> Oni ọ khi osamhi-olimhi igesikia ni ọa ke ye ughue, ni lolighuo ọ la, ọ she regbenga Ẹshinẹgba, ọ sọ iromhi ẹ mhila li ikpaghiobọ obọ, eleogwota ali ele iyose. <sup>6</sup> Ama osamhi-olimhi ni ọ ri egboli shi aruele agbọ, ọ she ghu-a ini ayemhẹ oyoli o kie tseku laọ. <sup>7</sup> Mhẹşẹ enana na wẹ ini a khi mẹ gue shi wẹ egbe. <sup>8</sup> Irari khi ini ọgbọ ọa ri ukpeloe khu ena omhue-apfe oyoli, tete imi ọli ali ughue ọli, ọ she kie oni irudunga. Ọ khọlo doşẹ oni ọa miesuọ.

<sup>9</sup> Khi keke eva oyi osamhi olimhi kuma eva eyi esamhi-olimhi se ni ọ she doşẹ ikpe egbhueşẹ, oni o khia khi utoghuo-kpe ọ kpe leşẹ ye ughue. <sup>10</sup> Ọ khi oni a suọ eko shi ikanya enete, ọkpotso ni ọ gue kuele imioli. Ni ọ mie epfese ẹ shi owa. Ọ gue a gbe ikanya deba eni e miesuọ, ni ọọ kpaghie ẹgbọ ni e la omunu obọ ni o ri egboli shi onete ododa iriele.

<sup>11</sup> Ama khi ri eva oyi ozele esamhi-olimhi shi ebe. Irari khi ini ọghuemhẹ idiegbe



oyewẹ o nga wẹ ukhomhi le dọse ugamhi ni e ga iKirisiti, e vu ya ngeli. <sup>12</sup> Eri e rọte agho lue, irari khi e she gbe ironga ni e kpe te eke ro nga ni iKirisiti-a. <sup>13</sup> Egbọ owaza e khi ni e e kia ifui owa. Oni o kholo ne nya khi e e le egbọ itsa uruli kia kia, e e sono unu ingme ni aa fe lu wẹ shi, e e ngme ungmehi ni ea kha ngme. <sup>14</sup> Itobo igho, o ghole mhe ni ozele isamhi olimhi e ye ughue, e bia eniye, e ri eloe e khu omhue-apfe oyewẹ. Ini awa khi ri eghẹghẹ na ebe awa me asha yese awa eva-a. <sup>15</sup> Eni esamhi-olimhi eghuo e she lase ode oyi iKirisiti le deba okphaghiẹ. <sup>16</sup> Ama ini okpotso okhoghuo ni o miesuo o mhue osamhi-olimhi she unuekpe oyoli, o mema ya ke ri eloe khu oli, o khi rue oli ghi igbaa oyi eni e mie iJesu iKirisiti suo ke tsua, ni e dobe ri eloe ke khu eni e khi egbegbi esamhi-olimhi ni e mholi otomhe.

<sup>17</sup> A ke fali eni egbhali ni e ri igbaa oyi eni e mie iJesu iKirisiti suo e kia ni e guẹ gbe akanya egbegbo ifata agbhagbhamhi eva, tete eni e mema lolo toto obọ itse-abọ ali osese ungmehi oyi Eshinegba. <sup>18</sup> Irari khi ebe o ngme oli, u khi ge ena unu ini u roli e kpishi ikpamhi emhi. A ke fali egbakanya ifata eyewẹ.\* <sup>19</sup> Khi roli shi egbegbi ingme ini ogboghuo a bhale ya ngme ingme shi ogbhali egbe, se ini e gbe aava okekhi aase.† <sup>20</sup> La odalo egbo kpa ke dese eni e lamhe ni o tse agua ye enekpole.

<sup>21</sup> Mhi la ukpelo onayi Eshinegba ali iJesu iKirisiti ali oyi igeni ni e pfuase mhesẹ ne, u ri omhesẹ ena gbe akanya, khi rọte ode oshili wẹ azẹba riẹle emhikhoghuo.

<sup>22</sup> Khi tigbe kele ri obọ nga ogbo egbe roli nga akanya ugamhi oyi Onomhue, u khi ya nu oli mhue okemhi shi olamhe oyi oli. Ri egbe e shi ipfuase.

<sup>23</sup> Khi ke da amẹ tsee, ama ke da ukuku onyo ni eminale e kele ke daghie-a shi e elemhi, abi o ro khia khi u ma kele e ghua egho.

<sup>24</sup> Eri a ga egbo eghuo zu olamhe eyewẹ, neni a re ramhi iguezọ, ama olamhe oye egboese elelese e ya lasele. <sup>25</sup> Igho a lie me ikanya enete gboo. Shi eghuo ni aa ya me memena, ea ya sheli okhesẹ.

## 6

<sup>1</sup> Eni e khi ighumha e ke ri ekpe na ega eyewẹ eghẹghẹkpa ini ogbokhoghuo o khi ze emuebe na eva oyi Eshinegba ali osese oyawa. <sup>2</sup> Ighumha e khi ri eloe gbe ega eyewẹ ni e miesuo, ni e mholi wẹ, irari khi inyoghuo egbe e ga khi ni e deba iKirisiti, oni iKirisiti o nono ingme oyewẹ. Ochoghọ e ke ga wẹ dọse abi e kpe li a ga wẹ, Eni ingme ena e khi eni u ya ke sese wẹ, u gbo rewe e ye wẹ ude.

<sup>3</sup> Ogbo ni o da sese osese olese ne, oa lama shi egbegbi osese oyi iJesu iKirisiti Onomhue oyawa ali ugamhi oyawa, <sup>4</sup> eri itipfuabo-nga o she vo li egbe ni oa ke lese emhikhoghuo. O mhue oghuemhe obe na ekhako ali uwola shi ingmemhi ni e pfi ofuma ali uwola ali itsue ali ireloevioba. <sup>5</sup> E gbolo e pfi ekhako shi iteva egbo ni isamhi udu oyewẹ oa ya gbe akanya te ode, ni igesikia o she wa wẹ-a. Eri e dabi khi ugamhi khi epfue a roli e nono.

<sup>6</sup> Egbegbo lo khi ugamhi o ri ogbo o mhue epfue egbegbo, o ri emini u mhue khuese e. <sup>7</sup> Irari khi awa a kpe tsua emhikhoghuo bhale agbo ona. Igho awa a li rọte agbo ya tsua emhikhoghuo vu. <sup>8</sup> Irari onana, ini awa da mhue eminale ali itsua na so ne, o khuese awa. <sup>9</sup> Ama eni e nono ni wewe e pfue eri e de pfilo imufe ali igha ali oghuemhe eyi oyeghe ni e kuale ogbo utse, ni o pfi egbo pfilo epfua ali oyese. <sup>10</sup> Irari khi rọte oyamhi ukpago iwali onobe nya e te e ze lasele. Egbọ eghuo e she kphakpha egbe ini e mhue ikpago, ni o she rewe kia lase ode irudunga le. E she ri ebubu oya yese egbe wẹ udu-a.

### *Agbo ni o ti ni oni o miesuo o la*

<sup>11</sup> Ama yeye Omose oyi Eshinegba, ti egbe emhi enana nya le, na ke khu ipfuase, ali iriele emini o ti Eshinegba eloe, ali irudunga, ali inono, iregbemie ali angeli ipfomhe. <sup>12</sup> Ga ri itoto eye nya na unamhi oni irudunga oye, ni u mie eleli agbo na agbogbo. Itobo khi oni agbo onana Eshinegba o lu e shi abi u ro pfi otsele shi irudunga oye odalo ebubu egbo. <sup>13</sup> Odalo oyi Eshinegba ni o ri agbo na emhi nya ali

\* 5:18 Li ze iDeut 25.4; iMat 10.10; iLuk 10.7 † 5:19 Li ze iDeut 17.6; 19.15 \* 6:13 Li ze iJon 18.37

odalo oyi iJesu iKirisiti, ni ọ pfi ọtsele odalo iPọtiusi iPaleti, mhi la mhesẹ ne ena,\* <sup>14</sup> u ri omhesẹ enana gbe akanya, ri igesikia mu we mhue gbaa ya ramhi ele ni iJesu iKirisiti Onomhue oyawa ọ ro ya bhale. <sup>15</sup> Oni ibhale oyoli o ya tse shi eghẹghẹ ni Eshinegba ọ mhesẹ oli shi te, loli ọ khi Oghie ọghuo kpele ni a khivose na, Oghie oyi ighie nya, ali Onomhue oyi ekhemhue nya. <sup>16</sup> Lolighuo kpele ọ lese la ọ le agboagbo. Eri ọ la akpa ni ọgbokhoghuo ọa gbudu a ti mama. Oni ọgbokhoghuo ọa me ghue wekhi eri ọgbo tigbe dobe ya me oli ghue. A ri ufumhi ali ekpabo oniemhi nali. Atse.

<sup>17</sup> Mhesẹ na egbọ ni e pfue shi elemhi agbo ona, e khi ke ti-ipfuabo nga, a e khi ri udu shi epfue ni ẹa ze ri egbe ẹ da, ama e mhue irudushi na Eshinegba ni ọ ri emhikpa somhi awa opfa tuo, awa ro ke li agbo. <sup>18</sup> Mhesẹ na we e ke riele onete, e khili eni e pfue shi elemhi onete iriele, e ke somhi egbọ opfa, e ke rote emini e mhue rue obo-a. <sup>19</sup> Ini e da li na ne, e ya ti epfue ma na egbewe abi irogbekẹ ni o migha, elemhi agbo ni ọo bhale, ni e la agbo ni Eshinegba ọ nono ni e la.

<sup>20</sup> ITimoti, ri eloe khu emini a ro shi e obo. Khi kuma ingmemhi ni ẹa khi eyi Eshinegba ali ekhako eyeghe ni egbọ eghuo e ri egbhọli ẹ lu ilese, <sup>21</sup> ni egbọ eghuo e deba ni o rewe lase ode irudunga oyewe le.

Okhale oyi Eshinegba o ka nu ẹẹ nya la.

## Ebe onuzi-eva ni iPoḷu o keke ghi ITimoti

<sup>1</sup> Mhemhe iPoḷu ni mhi khi aghiusomhi na kee oyi iJesu iKirisiti abi o ghole Eshinegba shi. Mhemhe mhi keke ebe ona. Mhemhe ni o ghie mhi ka ri agbo ni o la iJesu iKirisiti ni Eshinegba o ro shobo na awa tse abo guele.

<sup>2</sup> ITimoti mhi keke ebe ona ghi. Okhale ali ilelemhi ali opfomhe eyi Eshinegba ali eyi iJesu iKirisiti Onomhue oyawa e ka khi eye.\*

<sup>3</sup> Mhi tse Eshinegba ni mhi ri udu no pfuase e ga abi eni e bia mhe e li ga. Eri mhi a tse Eshinegba uwegbe ini mhi la iromhi isoso sato e egbe, ele-iyose ali ele oguota.

<sup>4</sup> Mhi aa sato evie oye, mhi aa nono ni mhi me e, egheghe agho ni oghela oyemhe o vo.

<sup>5</sup> Mhi aa sato egbegbi irudunga ni u mhue. Irudunga onabi inyinye o mhue ikhi iLoisi ali ni inyeyi Yunisi o li mhue. Mhi mie shi o khi oni irudunga o li le egbe.†

<sup>6</sup> Irari ona, mhia ye e ude u guise isomhopfa ni Eshinegba o ro ne le ke gbe akanya egbegbo, eni u mie abi mhi ro ri abo nge ukhomhi.

<sup>7</sup> Irari khi Eshinegba o ri ayemhe ulishi na awa, ama ayemhe ekpabo ali inono ali igue ri egbe kia.

<sup>8</sup> Itobo ona, khi ze ni omama o mue ni u ro pfi otsela na Onomhue oyawa, wekhi omama mhe ni mhi khi oghumha itobo iKirisiti. Ama kuma mhe o shi osoli imeme shi iri usomhi onete tsabo, rote ekpabo oyi Eshinegba, <sup>9</sup> ni o tsumhi awa, o lu awa ni awa nu oli la agbo ipfuase ni o khia khi oga khi irari emhikhoghwo ni awa riela, ama abi o li gba li ali irari okhale oyoli. Eri a li oni okhale ona na awa rote obo oyi iJesu iKirisiti neni egheghe o gba eke le. <sup>10</sup> Ama mena, a she roli khase awa rote ibhale oyi Omiepfuese, iJesu iKirisiti ni o pfuעה eghuli-a, ali ni o ri agbo bhale, ni o rote usomhi onete ri agbo ni oga ya ghu khase gboo. <sup>11</sup> Oni usomhi onete ona Eshinegba o ze mhe shi mhi ke guele abi aghiusomhi na kee oyi iJesu, ali oni oo sese.‡ <sup>12</sup> Itobo ona o

ze ni mhi ro me osue abi mhi li ena. Abi o tseku li, omama oga mu mhe irari khi mhi lese oni mhi miesuo ali khi mhi mie shi o khi o dobe ya ri eloe khu emini mhi rongali obo shi ogbe ni elegho.

<sup>13</sup> Emini u rote unu oyemhe suo, mu we mholi ni e khi ete-awe ni u ro ya ke sese osese ni o dala. Gbo sato ke la elemhi irudunga ali inono ni u mhue elemhi iJesu iKirisiti. <sup>14</sup> Ri eloe khu osese onete ni a ro nga e obo, rote ikpaghiobo oyi Ayemhe-nopfuase ni o nu awa la ini ogbo khi dobe pfi oli ukhomhi kpoke.

<sup>15</sup> U lese khi egbokpa ni e la eke Esha e she me mhe na, li shi iFigelusi ali Emogense.

<sup>16</sup> Eshinegba o ka mhue ilelemhi na unuekpe oyi Onesiforosi, irari khi eri o ri egbe e mu mhe egheghe kpa, oga na omama iweghe ni a so mhe. <sup>17</sup> Ni mhi ro ma o, abi o ro bhale iRomu, o nono mhe ya ramhi ni o ro me mhe. <sup>18</sup> Eshinegba o ka ze ni o me ilelemhi oyi Eshinegba ogbele elegho. U ga lese gboo abi o li kpaghie mhe obo abi mhi ro la Efesosi.

## 2

### Abi a lie khi Okhali-okhue oyi iJesu iKirisiti

<sup>1</sup> ITimoti omimhe, ze ni u toto shi okhale ni o rote obo oyi iJesu iKirisiti bhale.

<sup>2</sup> Emini u suo khi mhi ngme ukpeloe otsela ebubu, rewe nga egbo ni a dobe ri egbe e nga obo, ni e ya dobe sese egboese. <sup>3</sup> Nu mhe ri egbe mie osoli abi okhali-okhue onete oyi iJesu iKirisiti. <sup>4</sup> Ogbo ni oo gbe akanya okhali-okhue, oga ya ku abo lo emhi agbo, irari khi oga oyoli oo ke dua ni loli ri egbe ke mu. <sup>5</sup> Igho o li khi, ini ogbo o kuma eni e ya na, aa ya rughu oli arula oghie khi o lo owa, ini oga li deba ushi ni o la unamhi. <sup>6</sup> O ti ni oghiale ni o toto obo gbe akanya, o kpe khi onodode ni o le emhi ekomhi ni o gua. <sup>7</sup> Sa shi emini mhi ngme ena irari khi Onomhue o ya re lese udi emhi ena nya.

<sup>8</sup> Sato iJesu egbe ni a rote eghuli guise le, ni o khi unuekpe oyi iDefidi. Onana o khi usomhi onete ni mhi ro a tse abo, <sup>9</sup> ni o re mhe a me osoli ramhi ni a ro ri igha shi mhe abo abi ogbo usueso-akhue. Ama, ungmehi oyi Eshinegba oga ze e so igha.

\* 1:2 Li ze Ika 16.1 † 1:5 Li ze Ika 16.1 ‡ 1:11 Li ze 1 iTimo 2.7

10 Irarigho, mhi ro ri egbe mie emhikpa irari egbo ni Eshinegba o ze ni wewe e li mie imiepfuese ni o te obo oyi iJesu IKirisiti bhale, li shi ufumhi na agboagbo.

11 Egbegbi ungmehi ni a ri egbe a da na.

Ini awa nu oli ghua,  
awa gbo li ya nu oli la agbo.

12 Ini awa ri egbe mie,  
awa ya nu oli ke mhesese.

Ini awa kie oli,  
O ya kie awa.\*

13 Ini awa a ya gbe akanya  
te ode igesikia,  
Ona igesikia o kiele khi.  
Irari khi o ya ya kie egboli.

#### *Ogbakanya ni o ghole Eshinegba*

14 Ke yele egbo eye enana le. U gbo tse agua ye we ukpeloe Eshinegba, e khi wola shi ingmemhi, ni o mholi eleli, eri o lese e yese eni e suo oli-a. 15 Roshaka ni u ri egbee na Eshinegba abi, ogbakanya ni o mie ni omama o ya mu, ni o gue e sese ungmehi igesikia. 16 Nuata shi ingme afue ni ea mholi eleli, irari khi egbo ni e so egbe ingme eghogho, eri e ri egbo nuata shi Eshinegba o. 17 Osese oyewe, o ya ke ge abi ugboko. Egbo eghogho khi Ameneusi ali iFiletusi. 18 E she zobe ode igesikia obo. E khi irote eghuli guale o she bhale ya dose, e yese irudunga oyi egbo eghuo-a. 19 Abi bi o tseku li, irogbeke ni Eshinegba o ro gbe eri o migha gbaa, ni a keke ena ro shi oli olele khi: "Onomhue o lese egbo ni e khi eyoli." Ali, "Onini o da guele khi oyi Onomhue loli khi ne, o mema ya ti egbe okholo iriele le."†

20 Ukpokpomhi owa o ya lese mhue itasa igolu ali eyi elomho tse, ama o li mholi eyi era ali eme, eghuo, e khi eni e mu eloe, eghuo, e khi eni ea mu eloe. 21 Ini ogbo khuese egboli-a pfuase lase emhi ebe le, a ya roli riele egbegbi emhi. A roli pfuase, oga oyoli o roli li emhi, ali khi o ya riele oli shi oni a ro ke gbe ikanya enete.

22 Me ogueme ebe oyi ozele na, ke na khu igue-ngeli ali irudunga, ali inono ali opfome. Kuma egbo ni e ri udu ni o pfuase e lu eva oyi Onomhue o. 23 Khi mholi emini u ri ekhako oyeghe ali umhalese li, irari

khi u lese khi uwola e pfi. 24 Oni oo ga Eshinegba o gbudu wola. O mema khi oni oo riele isomhelemhi deba ogbokpa, o khi osese onete ni o ri abo o mudu. 25 O ri ofie sese eni e nu oli khako. O mholi oli shi udu khi Eshinegba o ya khueghie ode-a na we ro mu pfi ni o ya rewe bhale ya lese igesikia, 26 ali khi egbhali oyewe o ya tiemhile, e na pfue igha ni okphaghe o kpe khe we. Oni o she mu we ighumha e ke riele ogueme oyoli.

### 3

#### *Angeli oyi egbo ikpukhokho agbo*

1 Ke bino oli khi eghenge omunu o ya la o ogbele ni e kpe ukhokho. 2 Egbo e ya ke nono ingme oyi egbe wewe-ghuo tse, e mholi ogueme ebe na ukpagho, ee tono obo udu, ee titiege, ee weghie egbo, ee riele umha-sueso deba eni e bia we, ea mholi itsuwegbe wekhi itsobode, e khi egbo ni ea mu ekpe na emhi Eshinegba. 3 Ea mhue isomhelemhi, ea mhue igbekua na ogbo, e ri unu e pfueche egbo-a, ea mholi igue-regbekia, wekhi ilelemhi, ea nono eminete. 4 E ri egbewe e de, ee li umumume, ee ti ipfuabogha, e mholi ogueme na agbo ilili, ocho ni e kha ro mholi inono na Eshinegba. 5 E riele abine khi eri e miesuo, ama e kie ekpabo ni o la imiesuo. Khi mholi emini u ri egbo eghogho li.

6 Egbo eghogho e bena lo owa deba ikpotso ni ea mhue egbhali, eni usamhi oyi olamhe eyewe enedio e nase, ali ni ogueme khi ogueme oo gua. 7 Eri ikpotso eghogho ee nono ni e wena, ama ea dobe e lese igesikia. 8 Ezeze abi iJanesi ali iJabiresi e mu okhue vule shi iMosisi o, igho eni egbo ena e li mu okhue vule shi igesikia o. Egbo ni o khia khi usamhi oyewe o ya ke a gbe akanya ni e she de ode irudunga-a.\* 9 Ama ea ya kia nuata, itobo khi oyeghe oyewe o ya ri egbe khase ogbokpa, abi o ke li eni emose aava egho egbe.

#### *Omhesse ni iPolu o ro na iTimoti*

10 Ama u she lese osese oyeme nya ali abi mhi lie ngeli, U lese emini mhi la agbo shi, u lese irudunga, ali irabomudu ali inono ali

\* 2:12 Li ze iMat 10.33; iLuk 12.9 † 2:19 Li ze iNoba 16.5 \* 3:8 Li ze Okiali 7.11

iregbemie eyemhe. <sup>11</sup> U lese okhōli ni a mu vule shi mhe ọ, ali osoli ali emini mhi me egbe obini ẹoli Atioki, ali ẹoli iKoniomu ali ẹoli iLisitira. Okhōli oniemi a mu vule shi mhe ọ ni mhi ri egbe mie. Ama Onomhue ọ rue mhe ọ le nya.† <sup>12</sup> Egbegbo lo khi, ọgbokpa ni ọ da nono ni lue la agbo ipfuase oyi iJesu iKirisiti ne, a ya mu okhōli vule shi ọli ọ. <sup>13</sup> Egbō okhōlo ni ẹ ri egbe we khi emini ẹa fute e ya ke rieḷe onobe ke khi ma ọ, ẹẹ di egbo, a lili ẹ di we. <sup>14</sup> Ama yeye oye, toto obō emini u wena ni u she mie shi, irari khi u lese obō oyi eni u te wena we, <sup>15</sup> Ali abi u te rote omofe lese Ebe-no-pfuase ni e doḅe ya re khili olesingme shi irudunga ni u mhōli na iJesu iKirisiti ni u khi oni a mie pfuese. <sup>16</sup> Emini a keke shi Ebe-no-pfuase nya, ungmehi oyi Eshinegba lo. E ti ni a ro ọ sese emini e khi igesikia, ali ni a ro ọ tse agua ye ọgbō shi iriḷe do-a, ali ni a ro ọ sheshe ọgbō shi ode rote umhagueli, ali ni a ro ọ sese ọgbō igue-ngeli. <sup>17</sup> Ni ro a bhale ya ẹ khi a sese Omose oyi Eshinegba egbegbo ni ọ gue ke gbe ikanya enete ododa.

## 4

<sup>1</sup> Ukpeloe oyi Eshinegba ali iJesu iKirisiti, ni ọ ya gue egbo ni e lao ali eni e ghu-a ẹzo, ali oni ọ bhale ya mhese abi Oghie, mhi la ri oni omhese onana ne. <sup>2</sup> Ke tse abo oni ungmehi, ke mu egbe egheghe kpa ni u ro ke tse ọli, o khi egheghe ni o ti, o ke khi egheghe ni ọa ti, ke sheshe egbo, wa dese we ali u ri udu ẹ shi we ọ. U ri iregbemie ri ofie sese we. <sup>3</sup> Irari khi egheghe ọo bhale ni egbo ẹa ke ro ya ri eso shi egbegbi oseḷe. Ama ni e ba ke suo emini ẹ ti we eso, e ya ri ochoghō ti esese gbili gase egbe ni e ya ke ngme emini eso ni ẹ rieḷe we ẹ nono ni wewe e ke suo. <sup>4</sup> E ya rue eso egbegbi ungmehi le, e ri eso shi okhe nede. <sup>5</sup> Ama yeye oye, u mema ya ku egbe-a abibi o rieḷe li. U ri egbe mie osoli, ri abo mu udu ini u wa a me osoli. Ke gbe akanya oyi oni ọ ri usomhi onete a tse abo, u ri ẹloe shi ikanya eye e gbe abi oni ọo ga oyi Eshinegba.

<sup>6</sup> Irari khi a she ku mhe abi onyo ni a ku shi iluasobo, ali oni egheghe o she bhale ni mhi ro ya ghua. <sup>7</sup> Mhi she khōli oni okhōli onete, mhi she na oni unamhi pfo, mhi mu oni irudunga mhue ya to. <sup>8</sup> Mena, a shi ri arula igue-ngeli shi na mhe, ni Onomhue ni ọ pfuase ni ọ khi ọso-ẹzo ọ ro ya na mhe ogbe na ẹḷgho. Ọa khi mhemheghuo tse a ya roli na, ama li shi egbo ni e nono inyene egbe bhale oyoli.

### *IPolu ọo ghie iTimoti usomhi*

<sup>9</sup> Roshaka ni u kele ramhi mhe egbe. <sup>10</sup> Irari khi iDemasi ọ mhōli inono na oni agbo ona. Ọ she tsua mhe pfa je ẹoli iTsalonika. iKiresenisi ọ she je eke iGalesha, iTatosi ọ je ẹoli iDalimatia.\* <sup>11</sup> ILuku luḷghuo kpe ọ ke lese nu mhe la akana. Rue iMaki mhōli obō bhale, irari khi ọ mhōli ikpaghiobō na mhe oni akanya.† <sup>12</sup> Mhi ghie iTakikosi je ẹoli Efesosi.‡ <sup>13</sup> Ini u wa bhale rue awulu ugbakpi ni mhi ro shi obō oyi iKaripusi obini ẹoli iTiroasi ali ebe eyemhe mhue obō bhale. Tete ekuḷe ẹlamhi ni a keke emhi shi.§

<sup>14</sup> Alẹzada oni ọo lumhi ikhuli, ọo li mhe onobe gba. Onomhue ọ ya fali ọli ota shi emini ọ rieḷe.\* <sup>15</sup> Yeye li mu egbe ẹ shi ọli egbe, irari khi eri ọ lolo mu okhue vule shi usomhi ni awa ro ọ tse abo ọ.

<sup>16</sup> Abi mhi ro kpe tode pfa egbe mhe shi eke, ọgbokhoghuo ọa nu mhe migha, eri wewe nya e na tsua mhe pfa. Eshinegba ọ khi roli mu ota so we. <sup>17</sup> Ama eri Eshinegba ọ migha kpesḷe mhe, ọ ri ekpabo na mhe ni a bhale ya ẹ khi, rote obō oyemhe, oni ungmehi o lolo ze guele ni egbo iḷeta e suo li. Ali ni a ro tsumhi mhe obō oyi eghuli abine khi a mie ọgbō unu oyi idumhi. <sup>18</sup> Onomhue ọ ya pfuese mhe okhōli obe ni o vule shi mhe ọ, ali khi ọ ya rue mhe bhale iloghie oyoli tselele. Loli ọ mhōli ufumhi ẹḷe na agboagbo ya je agboagbo. Atse.

### *Otse ni o kpe ukhokho*

<sup>19</sup> Tse iPisilia ali Akuila ali omhue-apfe oyi Onesiforosi na mhe.† <sup>20</sup> Erasitosi ọ la ẹoli

† 3:11 Li ze Ika 13.14-52; 14.1-7,8-20 \* 4:10 Li ze iKolo 4.14; iFile 24; 2 iKori 8.23; iGal 2.3; iTatō 1.4 † 4:11 Li ze iKolo 4.14; iFile 24; Ika 12.12,25; 13.13; 15.37-39; iKolo 4.10 ‡ 4:12 Li ze Ika 20.4; Efi 6.21-22; iKolo 4.7-8 § 4:13 Li ze Ika 20.6 \* 4:14 Li ze 1 iTimo 1.20; Iwolo 62.12; iRom 2.6 † 4:19 Li ze Ika 18.2; 2 iTimo 1.16-17 ‡ 4:20 Li ze Ika 19.22; iRom 16.23; Ika 20.4; 21.29

iKoriti, ali mhi ze iTirofimosi obọ shi ẹoli  
iMilētusi irari khi ọọ ghua.‡ <sup>21</sup> Rọshẹka ni u  
kele ramhi ana neni orue ọọ pfi. Ebulusi  
ọọ tse ali iPudenisi ali iLanusi ali iKilaudia,  
ali eni e miesuọ nya e ga tse. <sup>22</sup> Onomhue ọ  
nu ayemhe oyẹ la. Okhale oyi Ẹshinegba o  
nu ẹ la.

## Ebe ni iPoḷu o keke ghi ITaṭosi

### Otse

<sup>1</sup> Mhemhe iPoḷu ni a ze abi oni oḷo ga oyi Eshinegba ali aghiusomhi na keke oyi iJesu iKirisiti, mhi keke ebe ona. Eri a ghie mhe ni mhi ya zese irudunga oyi eni Eshinegba o ze-a, ali ni mhi rewe khase igesikia ni o ya sese we abi e li ya la agbo ni o ri egbe e mu Eshinegba. <sup>2</sup> Oni irudunga ali ilese ona o migha nga irudushi oyi agbo na agboagbo, ni Eshinegba ni o ya lo egbholi o ri nga na awa neni a me igbaekele oyi agbo. <sup>3</sup> Egheghe ni o ghole Eshinegba, o la rote ungmehi oyoli ni o ro nga mhe obo ri usomhi oyoli khase gboo. Eshinegba oni o mie awa pfuese o ligho mheso o li.

<sup>4</sup> Mhi keke ebe ona ghi iTaṭosi omimhe esheshi elemhi irudunga, ni mhemhe ali loli anye ga la elemhi imiesuo oghuo.

Eshinegba Ita iJesu iKirisiti oni o mie awa pfuese o ka li okhale ne, o ri opfomhe ne.\*

### Akanya ni iTaṭosi o ya gbe eoli iKireti

<sup>5</sup> Emini o ze ni mhi ro ze obo shi iKireti khi, ni u me asha pfuse ikanya ni e kpole nya gbe, ali ni u ze egbhali shi igbaa nya eyi eni e mie iJesu iKirisiti suo na ukhomhi eoli ni e la iKireti nya. Sato abi mhi gueye khi: <sup>6</sup> Oni o khi ogbhali shi elemhi igbaa oyi eni e mie iJesu iKirisiti suo o mema ya khi ogbo ni o gue e ngeli, ini a khi me asha gue ezoo shi o li egbe. O mema ya khi oni o rue okpotso oghuo shi. Imi o li e khi eni e miesuo ni ea khi eniye ni e gbakaa ni ea ya suo esoo. <sup>7</sup> Aborokhia khi eri a ri akanya oyi Eshinegba nga oni o ralo na igbaa oyi eni e mie iJesu iKirisiti suo nya obo egho, oḷo mema khi ogbo ni o gue e ngeli ini a khi gue ezoo shi o li egbe. O khi khi ogbo ni o ri imebie e ngeli deba egbo. O khi khi oni elemhi e kele e bi. O khi khi ogbo ni o da onyo pfueche egbe-a. O khi khi ogbo ni o kele e pfi obo, wekhi ogbo ni ingme ukpagho o ghoo mu egbe dose ode. <sup>8</sup> Ochogho o khi oni o ghele e mu egbo, ni oḷo nono eminente. O khi ogbo ni o gue ri

egboli e kia. O khi ogbo igesikia, ali ogbo ni o pfuase. O khi ogbo ni o mu ekpe shi egboli egbe. <sup>9</sup> O mema mu oni usomhi onete ni o mholi iregbenga mhue jijiji, abi a li sese o li. Loli o ro dobe ya ri osese igesikia ni oḷo sese egboese ke ri udu shi we o, ali ni o gbo ri ida-ode oyi eni e nu we e khako khase, khi egbholi ee lo.†

<sup>10</sup> Irari khi egbo iju ebubu eghuo ni e miesuo ni e pfi ozughu, e la o, ni ee ngme ingmemhi afue ni ee di egbo. Wewe e sese ode egbholi khi a mema shele ogboa neni o khi oni o miesuo. <sup>11</sup> O ti ni a pfi we okpe unu, itobo khi eri e ri emini e sese yese udu oyi omhue-apfe ebubu-a. Itobo ini e ba me asha ke ti ukpagho ma, e ro ligho sese. <sup>12</sup> Egbegbi omekeguele oyewe, o ke ngme o li ghue, oo, "Egbo iKireti, egbo egbholi, ali egbo ebe ali egbo iwaza elemhi-gbidi-a, a khi." <sup>13</sup> Igesikia oni ungmehi ona o khi. Irarigho, ga lolo gbe omama ku we, ni irudunga oyewe o me asha migha. <sup>14</sup> Egheghe agho, ea ke ke ri esoo shi okhe afue oyi egbo iju ali ishi eyi egbo eni e kie igesikia. <sup>15</sup> Eri emhi nya e pfuase shi odalo oyi egbo ni e pfuase. Ama emhikhoghoo o ya pfuase shi eloe oyi egbo ni ea pfuase ni ea miesuo, irari khi a she kesee we udu ali isamhi-a. <sup>16</sup> E ma lie khi wewe e lese Eshinegba, ama eri angeli oyewe o rokhaso gboo, khi ea lese o li. Egbo ni aa ti e mama ali egbo umha-sueso e khi, ni ea ti okie we itoto.

## 2

### Oseso ni a ya ke sese iku egbo ododa

<sup>1</sup> Ghe i! Yeye oye, u mema ya ke sese emini o lama shi egbegbi osese o. <sup>2</sup> Sese emose ni e she khi egbhali, e ke ri abo mu udu. E khi eni a mu ekpe na, e khi egbo ni e gue ri egbewe kia. E ze ni irudunga ali inono ali iregbemie oyewe o lolo mu eke.

<sup>3</sup> Gbo ligho sese ikpotso eni egbhali e ke ngeli abi ikpotso egbhali ni e la agbo ipfuase. E khi khi eni e ri unu e yese egbo a, e khi ditse onyo idada a, ama e ke sese egbo ingeli enete. <sup>4</sup> Ishegho ni e ke sese izele ikpotso e nono ingme oyi oḷo we ali imi we. <sup>5</sup> E khi egbo ni e gue ri

\* 1:4 Li ze 2 iKori 8.23; iGal 2.3; 2 iTimo 4.10 † 1:9 Li ze 1 iTimo 3.2-7

egbewẹ ẹ kia, e khi eni e pfuase. E khi shito ni ẹa mhọli oni ẹẹ gbe owa. E khi eni e mhọli isomhelemhi. E ke nyese ukhomhi na odo we pfo. Ini ogbokhoghuo o khi me asha ngme ungmehi imebie deba usomhi onete oyi Eshinegba.

<sup>6</sup> Gbo li ligho gueye eni izo e khi egbo ni e gue ri egbewẹ ẹ kia. <sup>7</sup> Ze ni emini u wa riye nya e khi eminete ni egbo nya e ya ke khonya. Ri igesikia ali omuegbe ke khasẹ elemhi osese ni u wa sese. <sup>8</sup> Ke ri ingmemhi ni e gba pfo ni ogbokhoghuo o me te ya ke ze ifue ngme ungmehi oye. Ini ebe awa e khi me emini o ti okhoghuo ngme shi awa egbe, ni omama o mu we.

<sup>9</sup> Sese ighumha e ri egbewẹ na ega eyewe pfo nya, e ga ke riye emini o ri egbe ẹ ke mu we odekhode. E khi ke solo shi we o ini e nu we ẹ wola. <sup>10</sup> E khi bena ke do we ughiatọ. E ri ochogho ke rokhase khi egbo enete ni ẹ gbe akanya te ode igesikia wewe e khi. Eghẹghe agho ni e ri osese ungmehi oyi Eshinegba ni o mie awa pfuese ke ghole.

<sup>11</sup> Irari khi okhale oyi Eshinegba ni o ri imiepfuese bhale o she ri egbo khasẹ ogbokpa. <sup>12</sup> Loli o sese awa, awa ke kie ingeli ni ẹa ghole Eshinegba ali ogueme oyi emhi agbo, ni ogbogbo o ke nu egbo ngme. Awa a ngeli angeli ni o migha shi ipfuase eghẹghe ni awa la memena. <sup>13</sup> Abi awa li ri ukpeloe shi eke ẹ kẹ ogbele ni Eshinegba ni o fune Omiepfuese iJesu iKirisiti oyawa o ro ya nyene egbe bhale. <sup>14</sup> IJesu iKirisiti ni o ri egbo bhale ro pfa awa shi eke rote obo oyi okholo nya lasese, ali ni o ro khuşe egbo eyoli-a, ikhi egbo ni ikanya enete igbegbe ẹ ghole.\*

<sup>15</sup> Enana e khi emini u wa ke sese. Ri afu ni mhi ro ne ke ri udu shi we o, u gbo tse agua ye we. Khi ze ni ogbokhoghuo o ri ukpeloe gbe ẹ.

### 3

#### *Abi eni e miesuo e liẹ ke ngeli*

<sup>1</sup> Ke yele eni egbo le, e ke nyese ukhomhi na enighie ali eni ẹ mhese, ali e ri ungmehi oyewe ke gbe akanya. E mu egbe ni e ro ke gbe ikanya enete. <sup>2</sup> E khi lo

egbholi yese ogbokhoghuo eva-a, e khi egbo opfome, e khi nu egbewẹ ke wola, ama e khi eni e ri ikuegbe-a a ngeli deba ogbokpa.

<sup>3</sup> Irari khi awa kpe li riye ingme oyeghe ali umha-sueso. Awa khi eni a di, ni a ri ogueme egbe, ali aruele mu shi igha. Awa la angeli ubogbo ali ofuma ikpekpe. Aa biselemhi awa, awa gbolo biselemhi egbe. <sup>4</sup> Ama abi isomhelemhi ali inono oyi Eshinegba Omiepfuese oyawa o ro feli lasese. <sup>5</sup> O mie awa pfuese, ni o a khi itobo ingeli ni e migha shi ipfuase ni awa ngeli, ama itobo ilelemhi oyoli. O rote iriye bia ali ikhuşe-pfuase oyi Ayeme-no-pfuase tsumhi awa. O ri agbo onogbo na awa. <sup>6</sup> Eri Eshinegba o tutu Ayeme-no-pfuase ku awa tuo itobo emini iJesu iKirisiti o riye na awa. <sup>7</sup> Eghẹghe agho, awa kha khi eni o rote okhale oyoli ro pfuase se, awa mele imi oli a ni e mhọli oli shi udu khi e mhue obo shi ugu agbo na agbogbo. <sup>8</sup> Egbegbi ungmehi ni a ri egbe ẹ nga ona o khi.

Mhia nono ni u lolo gue oli ye we jijji, ini eni e she kpe regbenga Eshinegba, ni e kuegbe-a ke gbe ikanya enete. Eni emhi ena e ma ti gba irari khi e ma ri eleli ẹ na ogbokpa.

<sup>9</sup> Khi nu egbo kẹ akọ shi ingme afue, ali itono uteto oyi echeli idada. Khi wola ali khi kholi shi ingme Ishi eyi iMosisi, itobo khi afue ali emini ẹa ri eleli a bhale e khi. <sup>10</sup> Kpe tse agua ye ogbo ozughu iteva, ini o kie suo, u ti gbe me oli na, ini emikhoghuo e khi ku ẹ gbe. <sup>11</sup> Loli u ro ya lese khi egbo enana e she de ode khi ode, olamhe e ke la. Angeli oyewe o she pfa ezọ mu we.

#### *Omhesẹ ni o kpukhokho*

<sup>12</sup> Mhi kha da lese ghie Atemasi ghi ẹ ne o ke khi iTakosi, rosheka ni u bhale ya ẹ me iNikapoli irari khi mhi she ri oli shi udu khi oobo mhi ya la eghẹghe oruame.\* <sup>13</sup> Abibi o riye li, rosheka kpaghie iZenasi oni o khi iloya ali Apolosi obo, ini ẹ vu. Ri emini ẹ nono nya na we.† <sup>14</sup> Egbo eyawa e khi eni e wena abi a liẹ gbe akanya enete, ni e dobe ke riye emini ẹ nono elemhi ogbele na egbewẹ, ini e khi la agbo ighalaba.

\* **2:14** Li ze iwolo 130.8; Okiali 19.5; iDeut 4.20; 7.6; 14.2; 1 iPit 2.9    \* **3:12** Li ze Ika 20.4; Efi 6.21-22; iKolo 4.7-8; 2 iTimo 4.12    † **3:13** Li ze Ika 18.24; 1 iKori 16.12



<sup>15</sup> Ẹgbọ ni e nu mḥe la ana nya e ga tṣe ẹ.  
A tṣe eni e li miesuọ ali eni e nono ingme  
oyi anye.

Okhale oyi Ẹshinẹgba o ka nu ẹ la.

## Ebe ni iPọlu o keke ghi iFilemọ

<sup>1</sup> Mhemhe iPọlu ni a ri itobo khi mhi a gbe akanya na iJesu iKirisiti mu shi ogba ighumha, mhi keke ebe ona, ali iTi-moti. iFilemọ omole anye ni anye ga a gbe akanya, a keke oli ghi, <sup>2</sup> li shi igbaa oyi eni e mie iJesu iKirisiti suo ni o la owa oye ali inyoghuo awa ni okpotso na lui Apfia ali Achiposi ni anye ga khi ekholi-okhue eyi Eshinegba.\* <sup>3</sup> Eshinegba Ita awa ali iJesu iKirisiti Onomhue e ka li okhale na e, e ri ofomhe na e.

### *Inono ali iregbenga ni iFilemọ o mhọli*

<sup>4</sup> iFilemọ, eghẹghẹ kpa mhi ro kphemhi na Eshinegba ini mhia so iromhi ne. <sup>5</sup> Irari khi mhi suo inono ni u mhọli na egbo eyi Eshinegba nya ali irudunga ni u mhue shi iJesu Onomhue. <sup>6</sup> Iromhi ni mhia so khi, o ze ni ilakugbe oyawa abi eni e mhọli irudunga oghuo, o ri awa lese ikhivose nya, ni awa mhọli irari khi awa kugbe iKirisiti o. <sup>7</sup> Inono oye i, inyoghuo-mhe, o she ri ukpokpomhi oghẹghẹ ghi mhe, o gbo ri udu shi mhe o! U gbo guise udu oyi eni e miesuo le.

### *IPọlu o so iromhi na Onesimusi*

<sup>8</sup> Itobo igho, ini o rie khia khi mhi kha dobe mhesẹ ne emini o ti ni u riele abi inyoghuo elemhi iKirisiti, <sup>9</sup> mhi ya ri itobo inono lema e, abi mhemhe iPọlu ni o she khi ogbhali ni mhi gbo khi oni o o ga oyi iJesu iKirisiti memena. <sup>10</sup> Mhi lema e shi itobo oyi Onesimusi ni o la elemhi ogba ighumha ana mele omimhe-a.† <sup>11</sup> Ni o khia khi waa ke kpe mhue emini a roli e riele, ama memena, o she mhue emini awa roli ya riele.

<sup>12</sup> Mhi ghie oli nyene egbe e ghi e, rote ekelemhi udu inono oyemhe. <sup>13</sup> Mhii kha ze oli obo ni o nu mhe la akana ni o to eloli e ke ri eloe khu mhe abi mhi li la ogba oghumha ena shi usomhi onete oyi Eshinegba. <sup>14</sup> Ama mhi aa nono ni mhi riele emhi okhoghuo

ni u waa lama shi, ni a ro bhale ya e khi ikanya enete ni u gbe, eri u rote elemhi udu gbe we. Ni o a khi eri a tan o e abo shi o. <sup>15</sup> A dobe e me khi eri Onesimusi o rote e obo vu ukuku eghẹghẹ, ni o kha ke jele deba e, o nu e la agboagbo. <sup>16</sup> Oa ke khi oghumha tse, ama o fu dose oghumha, inyoghuo awa elemhi iKirisiti o ke khi. Oni awa nono ingme oyoli egbegbo o khi, abi ogbo ali inyoghuo, elemhi Onomhue.

<sup>17</sup> Ini o khia khi u lese mhe shi onuzava oye, gbo mie oli abi u kha li mie mhe. <sup>18</sup> Ama ini o khia khi o lue ne, okekha khi eri o lo e ota, ku ota eyoli lo eku e oyemhe. <sup>19</sup> Mhemhe iPọlu mhi ri obo oyemhe e keke ebe ona. Mhie ye khi mhi ya fali e ewe. Mhia ke khi oni o ke gbolo e yele e le khi mhemhe mhi mhọli agbo oye nya. <sup>20</sup> Irarigho, inyoghuo, ri ikpaghiobo ona na mhe itobo Onomhue, abi inyoghuo ni awa ga mie iKirisiti suo ri oghẹghẹ shi mhe udu. <sup>21</sup> Mhi lese gboo khi abi mhi lie keke ebe ona ghi e, khi u ya riele emini mhie u riele, mhi ga lese khi u ya riele dose abi mhie u li riele.

<sup>22</sup> Gbo li riele elemhi owa oghuo shi eke ke mhe. Irari khi mhi lese khi a ya rue mhe obo a na e, ni o ri iromhi ni a so bhale ya tse.

<sup>23</sup> Epafurasi ni anye ga khi eni ee ga eyi iJesu iKirisiti, oo tse e.‡ <sup>24</sup> Igho li khi iMaki ali Arisitakusi ali iDemasi ali iLuku ni anye ga gbe akanya, ee tse e.§

<sup>25</sup> Okhale oyi iJesu iKirisiti Onomhue o ka la ayemhe oyi ee nya.

\* **1:2** Li ze iKolo 4.17 † **1:10** Li ze iKolo 4.9 ‡ **1:23** Li ze iKolo 1.7; 4.12 § **1:24** Li ze Ika 12.12,25; 13.13; 15.37-39; 19.29; 27.2; iKolo 4.10,14; 2 iTimo 4.10,11

## Ebe ni a keke ghi egbo Iburu Eni e miesuo

*Ungmemhi oyi Eshinegba ni o rote obo oyi Omioli bhale*

<sup>1</sup> Agbo-neḡe, ebubu eḡeḡe ali ode ododa Eshinegba o te ri emekeḡuele nu ititawa ngme. <sup>2</sup> Ama omioli ni o ze ni o le ugu emhikpa o ke ro nu awa ngme ogbele ikpukhokho ni awa la memena. Obọ oyoli o gbo rote ma agbo <sup>3</sup> Loli o ri ufumhi oyi Eshinegba khase. Eri o gbo li abi Eshinegba o li tee. Loli o ri ungmehi ni o tsua ekpabo oyoli mu agbo nya mholi. Abi o ro khueso awa olamhe-a se, o shito ukiekie obita na Eghiele oyi Eshinegba ni o mholi ekpabo ni o fune nya.

*Ufumhi oyi Omi Eshinegba*

<sup>4</sup> A ri oni omioli fu dose igeni abi eva ni Eshinegba o ro na li o li fu dose oyewe.

<sup>5</sup> Aḡeni onoghwo Eshinegba o tigbe lie oli,  
“Omimhe u khi  
amo mhi te khi Ite?”  
Ali onoghwo o gbolo oli;  
“Mhi ya khi Ita e,  
yeye u khi Omimhe?”\*

<sup>6</sup> Ama abi Eshinegba o ro ya ghie Omioli oghwo kpe je elemhi agbo, oo,  
“Iḡeni eyi Eshinegba nya  
e mema nyese ukhomhi ga li.”†

<sup>7</sup> Abi o ro o ngme ingme oyi igeni, oo,  
“O ma igeni eyoli  
abi akpekpeli,  
o ma eni ee ga eyoli  
abi elemhi ere.”‡

<sup>8</sup> Ama abi Eshinegba o ro o ngme ingme oyi Omioli, oo,  
“Eshinegba u khi!  
Omheso oye,  
agboagbo o ya la o.

Ipfuase ali igesikia  
u ro ya ke mhese  
na egbo eye.

<sup>9</sup> Ipfuase u nono,

ingmobe o a ghole e,  
irarigho Eshinegba u khi!  
Eshinegba oye, o she re  
fu dose etu-e,

itobo khi o ri  
oili oghole to e ukhomhi.”§

<sup>10</sup> O gbolo lie,  
“Yeye Onomhue,  
rote igbaekele,  
u te ma agbo.

Abọ eye u ro ma ukhuli.

<sup>11</sup> Wewe nya e ya pfua,  
ama yeye u kiele e la o.

E ya taa abi itsua ni a so.

<sup>12</sup> U khili we abi ide,  
e ya oghie abi a lie  
oghie itsua ni a so.  
Ama abi u li u kiele e li,  
agbo oye o a tigbe  
ya mholi ukpese.”\*

<sup>13</sup> Aḡeni onoghwo Eshinegba o tigbe lie oli,

“Shito mhe ukiekie obita omheso,  
ramhi ni mhi ro ya ri ebe e  
mele ukpekhome akphawe-nga oye-a?”†

<sup>14</sup> Oa khi iyemhe eni ee ga Eshinegba igeni  
nya e khi, ni Eshinegba oo ghie e ke ga eni e  
ya le ugu imiepfuese?

## 2

*Ukpokpomhi imiepfuese*

<sup>1</sup> Irarigho a ze ni awa lolo mu igesikia ni awa suo mhue, ini a khi tsua awa ibe vu. <sup>2</sup> Irari khi ini usomhi ni igeni e bhale ya guele, o khi egbegbo, ni a ya na egbo ni ea roli gbe akanya osoli to shi; <sup>3</sup> see awa li ya pfue oni osoli ona, ini awa ri eloe gbe ukpokpomhi imiepfuese oghogho ni Onomhue lolighwo o te odode gue le, ni eni e suo li, e gweye anye khi igesikia lo? <sup>4</sup> Oni usomhi ona ni Eshinegba o gbo ri olele, ali ikanya oshabo ali onyaloa ododa ze otsele shi, li shi isomhopfa eyi Ayemhe-no-pfuase ni o kemhi abi o li ghole oli shi.

*Ijesu o bhale agbo abi ogbo*

<sup>5</sup> Eshinegba o a ri omheso oyi agbo ni oo  
bhale nga igeni obo, ikhi agbo ni awa ngme

\* 1:5 Li ze Iwolo 2.7; 2 iSam 7.14; 1 Okhe 17.13 † 1:6 Li ze iDeut 32.43 ‡ 1:7 Li ze Iwolo 104.4 § 1:9 Li ze Iwolo 45.6,7 \* 1:12 Li ze Iwolo 102.25-27 † 1:13 Li ze Iwolo 110.1

ena. <sup>6</sup> Ama, a mhọli ashini a ngme ọli shi elemhi Ebe-no-pfuase, ni ọọ.

“Elọ ọgbọ fẹ khi,  
ni ingme oyọli o rọ na mu  
yeye Ẹshinegba egbe,  
elọ ọ khi ni u rọ  
lina ri ẹloe ẹ khu ọli?”

<sup>7</sup> U ma li kpọke  
na igeni dene,  
u ri ufumhi  
ali ekpe rughu ọli,  
u rọli loghie nga  
emini u ma nya.

<sup>8</sup> U rọli loghie  
emhi nya.”\*

Ẹshinegba ọ she ri emini ọ ma nya na li ọ rọ ke mhese shi. Ọa kese emhikhoghuo le ni ọa rọ shi ọli omhese. Ama memena, awa aa kie me eni emhi nya pfo ne ni ọ rọ nali ọ ke mhese shi. <sup>9</sup> Ama iJesu awa a me, ni a kpe ma kpoke na igeni ukuku ọ dene. Oni a ri ufumhi ali ekpe rughu memena itobo eghuli ni ọ ghu. Igho lo, okhale oyi Ẹshinegba o rọli ghu-a na egbokpa.

<sup>10</sup> Ni Ẹshinegba, ni ọ ma emhi nya ni ọ mu we mhọli, ọ me asha ri oni ufumhi ona na ebubu egbo, ọ rọ ri iJesu khi oni ọ gba pfo rọte osoli ni ọ me. Irari khi iJesu ọ re egbo nya bhale imiepfuse.

<sup>11</sup> Ghe oni ọ ri egbo pfuase ali eni a rọ pfuase nya, unuekpe oghuo e ke ga khi. Lọli o ze khi omama ọa mu iJesu ni ọ rọ lu we inyoghuo. <sup>12</sup> Ọọ Ẹshinegba,

“Mhi ya gueye  
inyoghuo-mhe  
emini u she riele,  
Mhi ya la ilegba oyewe  
to uwolo ikuẹghie oye.”†

<sup>13</sup> Ọ gbolo ẹ,  
“Mhi ya regbenga  
Ẹshinegba.”

Ọ gbolo ẹ,  
“Ghe mhemhe ali eniye  
ni Ẹshinegba ọ rọ na mhe.”‡

<sup>14</sup> Aborokhia khi imi Ẹshinegba, egbo ni e ze idiegbe ogbo ali ọlia e khi, lọli iJesu Omiọli ọ rọ li mele ogbo ni ọ mhọli idiegbe ali ọlia-a. Eri ọ lina ini ọ me asha rọte eghuli ni ọ ghu pfuse Okphaghie-a ni ọ

kpe mu ekpabo oyi eghuli mhue, <sup>15</sup> ni ọ me asha pfuese egbo ni ulishi eghuli ọọ mu ẹlekhẹle. <sup>16</sup> Egbegbo lo khi ọa khi igeni ọ bhale ya kpaghie obo, ama imimi Aburaamu. § <sup>17</sup> Itobo ona a rọ rọli li abi inyoghuo ọli nya odekhode. Ni ọ me asha khi Okpodalo-ugamhi oyi Ẹshinegba ni ọ kpeda nya, ni ọ mhọli igesikia ali ilelemhi shi elemhi ugamhi oyi Ẹshinegba, ni ọ me asha shishi olamhe eyi egbo-a. <sup>18</sup> Irari khi ọ li me osoli abi a rọ mu ọli fe, ọ li dobe ẹ kpaghie eni a lili ẹ mufe obo.

### 3

#### *Ijesu ọ fu dose iMosisi*

<sup>1</sup> Irarigho, inyoghuo-mhe ni Ẹshinegba ọ ze ni e khi egbo ni e pfuase eyoli, a sa ingme oyi iJesu ni awa lui aghiusomhi na kee, ali Ọga oyi ekpodalo ugamhi nya. <sup>2</sup> Eri ọ ri igesikia deba Ẹshinegba, ni ọ ze ọli ọ ke gbe akanya eyoli, ezeze abi iMosisi oni ọọ ga ọ li ri igesikia gbe akanya elemhi Owa oyi Ẹshinegba.\* <sup>3</sup> A she me khi iJesu ọ mhue imueloe ni o fu dose oyi iMosisi, ezeze abi atsona ọ lie mhọli imueloe ni o fu dose owa ni ọ to. <sup>4</sup> A kie kpe lese khi ogbo ọọ to owa kpa, Ẹshinegba ọ ma emhikpa. <sup>5</sup> iMosisi ọ khi ogbo igesikia elemhi Owa oyi Ẹshinegba abi oni ọọ ga. Akanya ni ọ gbe o khi otsela oyi igesikia oyi emini a ya ngme ogbe na ako. <sup>6</sup> Ama iKirisiti ọ khi Omi Ẹshinegba ni ọ mhese ẹ shi Owa ugamhi oyoli. Owa oyoli awa khi ini awa da kie mu igbedu ali irudushi oyawa ni awa regbenga mhue ne.

#### *Iyemhea ni a rọ na Egbo eyi Ẹshinegba*

<sup>7</sup> Irarigho, abi Ayemhe-no-pfuase ọ ngme, ni ọọ,

“A kha suo uruli  
oyi Ẹshinegba amo,  
<sup>8</sup> a khi zese udu-a,  
abi eni e bia ẹ e li  
egheghe ni e rọ ọ riele  
umha-sueso deba Ẹshinegba.

Egheghe ni a rọ la  
odagbe ifufu mu we fe,

<sup>9</sup> ikhi obini ita ẹ e la  
mu mhe fe, mhese mhe bino,  
e me emini mhi riele

\* 2:8 Li ze Iwolo 8.4-6 † 2:12 Li ze Iwolo 22.22 ‡ 2:13 Li ze Aza 8.17,18 § 2:16 Li ze Aza 41.8-9 \* 3:2 Li ze iNoba 12.7

elemhi ikpe egbhueva  
 10 Lọli o zẹ ni elemhi e rọ bi mhe  
 deba oni agbhotu ogho,  
 ni mhi rọ liẹ, 'Egheghe kpa  
 udu oyewe o rọ rẹwe lo ebuli,  
 ẹa lẹse ode eyemhe.'

11 Irarigho, mhi rọ ri  
 elemhi-ibibi shi-emue liẹ,  
 'Ea ya tigbe lo  
 iyemhe oyemhe.' †

12 Inyoghwo, a mu egbe ẹ ini onge ẹ o khi  
 mholi udu umha-miesuo, ni o ya lase ode  
 oyi Eshinegba ni o la o le. 13 Ochoghwo a ke ye  
 egbe ẹ ude, itobọ khi, "Amo." Oni egheghe  
 o kie la o, ni a rọ o mu pfi, ini udimhi ni  
 olamhe o o di ogbo o khi ri onge ẹ zese udu-  
 a. 14 Eni e kuma iKirisiti o awa khi ini awa  
 lolo mu igbedu ni awa rọte eke mholi mhuẹ  
 ya ramhi ukpese. 15 Abi Ebe-no-pfuase o  
 ngme.

"Ini u suo uruli  
 oyi Eshinegba amo,  
 a khi zese udu-a,  
 abi eni e bia ẹ e li  
 egheghe ni e rọ o riẹle  
 umha-sueso deba Eshinegba." ‡

16 Eghuo e khi eni egbo ni e suo uruli  
 oyi Eshinegba ni e riẹle umha suo eso deba  
 li? Oa khi eni iMosisi o rọte eke iJipiti rue  
 lasela? 17 Eghuo o biselemhi deba ikpe  
 egbhueva? Oa khi eni e lamhe, ni e ghuloa  
 shi odagbe ifufu? 18 Eghuo Eshinegba o shi  
 emue deba khi ẹa ya tigbe lo iyemhe, oa khi  
 eni ẹa suo eso na li? § 19 Irarigho, awa me  
 khi itobọ umha-miesuo oyewe ẹa rọ dobe  
 lo.

## 4

### *Iyemhe ni a shobo na egbo eyi Eshinegba*

1 Aborokhia khi ishobo ni awa rọ ya lo  
 iyemhe khi o kie la o, awa mu egbe awa  
 ini o khi de onge ẹ obo-a. 2 Awa she li suo  
 oni usomhi onete abi wewe e ke li suo oli.  
 Ama oni usomhi oa mu we ẹloe irari khi ẹa  
 ri irudunga mie oli. 3 Awa ni awa mhuẹ  
 irudunga, awa ya lo oni iyemhe. Ama eni  
 ẹa miesuo, Eshinegba o o liẹ  
 "Elemhi ibibi

mhi rọ shi-emue,  
 khi 'Ea ya tigbe lo  
 asha iyemhe oyemhe.' "

Aboriekhia rọte abi o te ma agbo o te  
 riẹle oni iyemhe ona shi eke.\* 4 A ngme  
 na shi Ebe-no-pfuase abi o rọ ngme in-  
 gme ogbele onuzi-ishilua khi, "Eshinegba o  
 yemhe ikanya-a nya-a ẹlenizu-ishilua." † 5 A  
 gbo ngme oni ingme onana khi. "Ea tigbe  
 ya lo iyemhe oyemhe." ‡

6 Elese e la o ni a ya ri egheghe na ni e rọ  
 lo oni iyemhe. Irari khi eni e kpe suo oni  
 Usomhi Onete ẹa lo oni iyemhe ogho, itobọ  
 khi ẹa miesuo. 7 Irarigho, Eshinegba o rọ gbo  
 ri ẹlelese shi eke ni a rọ ya lo iyemhe oyoli,  
 ni o lu Amo. Ezeze abi o rọte unu oyi iDefidi  
 ngme oli ẹlelese abi a kpe li ngme oli, ni o o:  
 "A kha suo uruli oyoli Amo,

a khi zese udu-a." §

8 Ini iJoshua o o ri iyemhe na we lo,  
 Eshinegba oa kha gbo te ikpukhokho ri  
 ogbele olese shi eke na we.\* 9 Abi o li  
 ena, Ogbele iyemhe o kie la o, ni egbo eyi  
 Eshinegba e la yemhe-a 10 Itobọ khi oni o da  
 lo iyemhe oyi Eshinegba ne, eri o li yemhe  
 ikanya eyoli-a, abi Eshinegba o li yemhe  
 eyoli-a. † 11 Irarigho, awa rosheka ini awa  
 dobe lo oni iyemhe ogho, ini awa khi de  
 itobọ khi awa khonya we riẹle umha-sueso.

12 Irari khi eri ungmehi oyi Eshinegba  
 o mholi agbo, o o gbe akanya. O mu dose  
 itakobi ozalo eva kpa, ni o o gbese lo ogbo  
 udu, o khueghie oli-a, ni o o guan o emini  
 e la usamhi ali ayemhe, o gbo li gbese lo  
 ikpese ali ikhoro na elemhi igua. O dobe  
 ẹ khueghie ingeli ali isamhi na ekelemhi  
 udu-a. 13 Emhikhoghwo oa la emini a ma  
 nya ni o sheli shi oli o. Eri emhikpa e na  
 khueghie-a shi ukpeloe oyi Eshinegba, ikhi  
 oni awa ya ri abo khase abi awa li gbe.

*Ijesu o khi Oga Okpodalo-ugamhi Oniemhi  
 Oyawa*

14 Irarigho, a zẹ ni awa lolo mu irudunga  
 ni awa mholi mhuẹ, abi o rọ da khia khi  
 awa mholi Oga oyi ekpodalo ugamhi ni o  
 Funẹ ni o she je odalo oyi Eshinegba. Lọli o  
 khi ijesu Omi Eshinegba. 15 Oa khi Oga oyi

† 3:11 Li zẹ Iwolo 95.7-11 ‡ 3:15 Li zẹ Iwolo 95.7-8 § 3:18 Li zẹ iNoba 14.1-35 \* 4:3 Li zẹ Iwolo 95.11 † 4:4  
 Li zẹ Igbae 2.2 ‡ 4:5 Li zẹ Iwolo 95.11 § 4:7 Li zẹ Iwolo 95.7-8 \* 4:8 Li zẹ iDeut 31.7; iJosh 22.4 † 4:10 Li  
 zẹ Igbae 2.2

ekpodalo ugamhi ni ọa ya lẹlemhi awa shi emini awa dọ-a riẹlẹ. Ama ọni a she mu fẹ abi awa, odekhode ọ khi, ama ọa tigbe lamhẹ. <sup>16</sup> A zẹ ni awa ri igbedu ti deba Ẹshinegba ni ọ mhọli isomhelemhi. Aghọ awa te ya mie ilẹlemhi ali isomhelemhi ni o ya kpaghiẹ awa obọ eghẹghẹ ni awa rọ ọ nono ikpaghiobọ.

## 5

<sup>1</sup> Oga oyi ekpodalo ugamhi, ni a da rọte elemhi egbọ zẹ kpa, eri a zẹ ọli ni ọ ke migha na wẹ ingme ugamhi eyi Ẹshinegba. Ni ọ ke riẹlẹ irọna ali iluasobo na wẹ shi olamhẹ eyẹwẹ. <sup>2</sup> Ofiẹ ọ rọọ deba eni ẹa lẹsẹ emini aa li, ni ẹẹ da ode, itobọ khi lọli ọ li mhọli ode ni ọa te li gba pfo. <sup>3</sup> Onana o zẹ khi egbọli ọ kpe luasobo a na shi olamhẹ eyọli, neni ọ luasẹ na egbọ nya shi olamhẹ oyẹwẹ.\* <sup>4</sup> Ogbọkhoghuo, ọa ya rue oni okhale ona ni a rọ lu ogbọ shi Oga oyi ekpodalo ugamhi. Ẹshinegba lolighuo tse ọọ lu ogbọ, ọ rọli khi Oga oyi ekpodalo ugamhi, ezeze abi a li lu Erọni.†

<sup>5</sup> Ighọ iKirisiti ọa li mie oni okhale rọ lu egbọli Oga oyi ekpodalo ugamhi. Ama Ẹshinegba ọọ li,

“Omimhẹ u khi,

Amo mhi te khi Itẹ.”‡

<sup>6</sup> O gbo ngme ọli shi ashese,

“Okpodalo-ugamhi oyi Ẹshinegba u khi agbọagbọ,

ezeze ọnabi iMekizedeki.”§

<sup>7</sup> Abi iJesu ọ rọ la agbọ, atsese ali iku-ame-eviẹ alo iJesu ọ rọọ sọ iromhi lema Ẹshinegba, ọni ọ kha tsumhi ọli obọ eghuli. Itobọ khi eri ọ ri egbọli tiemhile, ri egbọli na Ẹshinegba pfo, lọli ọ rọ suọ iromhi eyọli.\*

<sup>8</sup> Abi o riẹ khia khi Omi Ẹshinegba ọ khi, osoli ni ọ mẹ, o rọli wẹna issuesọ na Ẹshinegba.

<sup>9</sup> Abi a rọ rọli gba pfo se, obọ oyọli eni e suọ esọ nali e ke rọte mhọli imiepfuese na agbọagbọ. <sup>10</sup> Ẹshinegba ọ zẹ ọli Oga oyi ekpodalo ugamhi, ọnabi iMekizedeki.

### *Ogbọ khi pfi irudunga ona shi eke*

<sup>11</sup> Emhi ebubu e la ọ ni awa ya ngme shi eni ingme enana, ama o ma a munu ni a

rọ zọlọ wẹ-a lo ẹ esọ, itobọ khi aa mhọli oghuemhẹ ni a rọ suọ. <sup>12</sup> Abi o riẹ khia khi a she ramhi eni ẹẹ esese egbọese, ni a rọ kie khi eni a sese owena eni odode eyi ingme Ẹshinegba eghọ, ẹnẹli o ti ẹ egbe a ẹ eminale ni o toto ne. <sup>13</sup> Onini ọ da kiele ẹ nye ẹnẹli ne, eri ọ li abi omọ ni ọa lolo mhọli ilẹsẹ shi osese igue-ngeli.† <sup>14</sup> Ama eminale ni e toto, eni e womhẹ ẹloe ẹẹ le. Ikhi eni e ri itobọ eni eminale ni e toto ni ẹẹ le eghẹghẹ kpa lẹsẹ ikhioda shi emini o migha shi onete ali onobe.

## 6

<sup>1</sup> Irarighọ, a zẹ ni awa je odalo shi osese ni e womhẹloe ni awa pfi osese ni a rọ gba ingme eyi iKirisiti eke le. Awa khi ke gbo tiemhi eke je osese ena imupfi rọte ikanya ebe lasese, ali osese ena irudunga Ẹshinegba, <sup>2</sup> ali osese ibatizi, ali irobọ-nga ogbọ egbe, ali irote eghuli guale oyi eni e ghua, ali osese oyi iguezo ni ogbọ la je obini ọ ya la agbọagbọ. <sup>3</sup> O kha ghọle Ẹshinegba awa ya je odalo elemhi owena.

<sup>4-6</sup> Egbọ ni e she kpe mẹ akpá, ni e she kpe mie isomhopfa oyi iloghie ghue, ni e kpe mie Ayemhẹ-no-pfuase, ni e she lẹsẹ onete ni o la ungmehi oyi Ẹshinegba ali ekpabọ oyi agbọ ni ọọ bhale, ni e tigbe tsua irudunga oyẹwẹ pfi, ọa ke zẹ ẹ riẹlẹ ni a dobe nyene wẹ gbolo bhale imiesuọ, aborokhia khi eri e she gbolo ta Omi Ẹshinegba ma apfida utonuzi-eva, ri omama mu ọli gboo.

<sup>7</sup> Eri awa egbọ awa li abi eke. Ini amẹ o ruẹ shi eke ni emhi ekomhi e rọ zẹ na oghiale, ikhivose oyi Ẹshinegba o khi. <sup>8</sup> Ama ini o zẹ igba ali ebuli-a, ogbọ ọa mhọli emini a rọli ya riẹlẹ, o ya la okhena ipfiunu-a oyi Ẹshinegba ali khi a ya ri erali tose ọli-a.\*

<sup>9</sup> Emọle mhẹ, ini anye riẹ lina a ngme i, anye lẹsẹ khi ọa khi ẹ ẹ o nu ngme, anye lẹsẹ gboo khi emini e ti egbegbọ a riẹlẹ, enabi egbọ ẹẹ riẹlẹ ini a mie wẹ ẹ pfuese. <sup>10</sup> Ẹshinegba ọa ya gbe ogbọ azẹba. Ọa ya yele ikanya ni u gbe-a ali inono ni u rọkhasẹ khi u nono ọli abi u li ri ikpaghiobọ na egbọ eyọli ni u kiele ẹ kpaghiẹ wẹ. <sup>11</sup> Anye ẹ nono ni ogbogbọ ọ mu omuegbe ni ọ mhọli mhue

\* 5:3 Li zẹ iLev 9.7 † 5:4 Li zẹ Okiali 28.1 ‡ 5:5 Li zẹ Iwolo 2.7 § 5:6 Li zẹ Iwolo 110.4 \* 5:7 Li zẹ iMat 26.36-46; iMak 14.32-42; iLuk 22.39-46 † 5:13 Li zẹ 1 iKori 3.2 \* 6:8 Li zẹ Igbae 3.17-18

ya ramhi ukpese, ni o rokhase abi irudushi oyoli o toto ramhi. <sup>12</sup> Anye ea nono ni a mele ewaza-a, ama ni a ke khonya eni e rote irudunga ali irobomudu mie ishobo oyi Eshinegba.

### *Ekha oyi Eshinegba o ya fiakua*

<sup>13</sup> Abi Eshinegba o ro tse ekha na Aburaamu, Eshinegba o romhi egboli aborokhia khi ogboese o ke gbo fu dose oli ni o ke ya romhi. <sup>14</sup> Oo li, "Mhi mema ya khi vose ne, mhi ya re mholi eniye ali imi-imi ni e bu."† <sup>15</sup> Aburaamu o ri abo mu udu, irarigho o me emini Eshinegba o ro tsekha nali mie. <sup>16</sup> Ini ogbo o tse ekha, ogboese ni o fu dose oli oo romhi ni o mu oni ekha migha, eghenge akhokhomhe o ke la o, oni ekha o migha. <sup>17</sup> Eri Eshinegba o romhi isheli ro roli khase eni o tse ekha na gboo, khi emini loli ro tse ekha khi loli ya riele oli, khi o ya fiakua. <sup>18</sup> Irarigho, Eshinegba o ro ri emhi eva ena shi eke; ekha ali isheli ni o romhi. Eni emhi eva ena ea ze mupfi irari khi Eshinegba o ya tigbe ya lo egbholi ghue. Irarigho awa ni awa she na deba li shi akhukhu, awa ya mholi iregbada abi awa li mu irudushi oyoli ni o la odalo mhue. <sup>19</sup> Eri oni irudushi ona o li abi azu ni o toto ni o migha gbaa, ni ayemhe oyawa o mhue. Onana o ri awa dobe dose ode ugbakpi ni a ro pfa ode ni o lo ashini o pfuase ne nya-a.‡ <sup>20</sup> Ijesu o she ralo itobo oyawa, o mele Oga oyi ekpodalo ugamhi na agboagbo-a, onabi iMekizedeki. §

## 7

### *iMekizedeki okpodalo-ugamhi oyi Eshinegba*

<sup>1</sup> Oni iMekizedeki ona, oghie oyi eoli iSalemu o khi, o gbo khi okpodalo-ugamhi onayi Eshinegba ni o Yagha ne nya. Abi Aburaamu o ro rote okhohi ni o la gbe ighie okhohi jele, iMekizedeki o ya ee oli ode, o so iromhi khivose na Aburaamu. <sup>2</sup> Igho Aburaamu o rote itsua ni o rote okhohi ti nya ze aze-oghue-igbe na li. Emini a ri iMekizedeki ngme khi, "Oghie Igue-ngeli," emini a ri oghie iSalemu ngme khi, "Oghie opfomhe."\* <sup>3</sup> Oa mhue ita wekhi inyo, wekhi eri o mholi unuekpe ni o te lasese, wekhi eri

a mhue ashini a keke abi a li bia li ali abi o li ghu-a shi. Abi Omi Eshinegba, Okpodalo-ugamhi oyi Eshinegba na agboagbo o khi.

<sup>4</sup> Waá me ashini o fu ramhi. Egbegbi Aburaamu oni o gba ushishi egbo iZireni eke le, o ze aze-oghue-igbe epfue ni o tsua rote okhohi ni o ye na li. <sup>5</sup> Eri ushi oo Imi iLiva ni e khi ekpodalo-ugamhi eyi Eshinegba e ke mieno egbo iZireni ni e khi inyoghue we, aze-oghue-igbe, aboriekhia khi imi-imi Aburaamu e ga khi.† <sup>6</sup> iMekizedeki o ya khi omi iLiva, ama o mie Aburaamu aze-oghue-igbe, so iromhi khivose na li, ikhi omose ni o mie ekha ni Eshinegba o shi na li. <sup>7</sup> Akhokhomhe o ke la o khi ogbo oni kpeda, oo so iromhi ikhivose na oni o kpoke. <sup>8</sup> Eralo-ugamhi eyi Eshinegba ni ee mie aze-oghue-igbe, egbo ni ee ghu-a e khi. Ama iMekizedeki ona o fu dose we nya itobo khi a gueye awa khi agboagbo o la o le. <sup>9</sup> Ogbo dobe e lie khi imi imi iLiva ni ee mie aze-oghue-igbe, e she li ze oni aze-oghue-igbe ona rote obo oyi iti-iti itawe Aburaamu. <sup>10</sup> Itobo khi eghenge ni iMekizedeki o ro me Aburaamu, iLiva o kie la elemhi oyi Aburaamu. Ogbo a bia li ne.

### *Abi ijesu ali iMekizedeki e li kho egbe*

<sup>11</sup> Irari khi ini akanya eghiele ekpodalo-ugamhi eyi Eshinegba, ni Ushi oyi iMosisi o ro migha, ni imi imi iLiva ee gbe, o dobe ri ogbokhoghuo gba pfo lo, aa kha ke gbo ri okpodalo-ugamhi oyi Eshinegba olese lasese, oni o li abi iMekizedeki, ni o ke khi unuekpe oyi iLiva wekhi oyi Eroni. <sup>12</sup> Irari khi ini a mu eghiele ona ekpodalo-ugamhi eyi Eshinegba pfi, a mema li ya mu ushi pfi. <sup>13</sup> Onomhwe oyawa ni a ngme ingme oyoli ena, edeli olese o te lasese. Ogbokhoghuo o ya rote oni edeli oyoli gbe akanya okpodalo-ugamhi oyi Eshinegba ukhomhi atete ghue. <sup>14</sup> Awa ga lese gboo khi Onomhwe, edeli ijuda o te lasese. iMosisi o ya teva oni edeli abi o ro o ngme ungmehi oyi ekpodalo-ugamhi eyi Eshinegba.

<sup>15</sup> Ibhale ni okpodalo-ugamhi oyi Eshinegba olese ni o li abi iMekizedeki o bhale, o rokhase gboo khi ushi oyi Eshinegba o she mu pfi. <sup>16</sup> Oa khi itobo khi o rote edeli

† 6:14 Li ze Igbae 22.16-17 ‡ 6:19 Li ze iLev 16.2 § 6:20 Li ze Iwolo 110.4 \* 7:2 Li ze Igbae 14.17-20 † 7:5 Li ze iNoba 18.21

oyi iLiva lasele abi ushi oṣo a ke li, lṣli a rṣ zṣ ṣli ṣkpodalo-ugamhi ṣyi Ṙshinṣgba, ama itobṣ khi lṣli ṣ mṣhṣli ekpabṣ ni ṣ rṣ ṣ la agbṣ agbṣagbṣ. <sup>17</sup> Itobṣ khi Ebe-no-pfuasṣ o ngme ṣli khi,

“Ṗkpodalo-ugamhi  
ṣyi Ṙshinṣgba  
ṣlṣ na agbṣagbṣ u khi,  
ṣnabi iMṣkizṣdṣki.”<sup>‡</sup>

<sup>18</sup> Eri a ri obṣ gbe ushi oni ṣlṣlṣ nyṣ, itobṣ khi ṣa mṣhṣli ekpabṣ wṣkhi eri o gbe akanya. <sup>19</sup> Irari khi Ushi ṣyi iMṣsisi ṣa dobṣ ri emhikhṣghuo gba pfo. Memena irudushi oni o ti nṣ a ke rṣ na awa, ni o ri awa dobṣ ti bhale mama Ṙshinṣgba.

<sup>20</sup> Ṙshinṣgba ṣ gbo romhi ishe ma ṣ khi iKirisiti khi ṣkpodalo-ugamhi ṣyi Ṙshinṣgba ṣ ya khi agbṣagbṣ. Ṗa romhi isheli abi a rṣ ri ṣgbṣṣe ya le oghie ekpodalo-ugamhi eyi Ṙshinṣgba. <sup>21</sup> IJesu tṣṣ a romhi isheli rṣ le eghie abi Ṙshinṣgba ṣ rṣ.

“Mṣmṣṣ Ṗṣṣmṣṣ  
mhi she shi-ṣmṣṣ, khi  
‘Ṗkpodalo-ugamhi ṣyi Ṙshinṣgba  
u ya khi agbṣagbṣ.  
Mhi aa ya da ṣ ghue.’ ”<sup>§</sup>

<sup>22</sup> Itobṣ oni ṣmṣṣ ni Ṙshinṣgba ṣ shi, iJesu ṣ rṣ khili oni iregbenga ni ṣ ri awa mṣhṣli ishobṣ onogbṣ ni o tinṣ.

<sup>23</sup> Ikhiṣda olese ni o gbo la akaghṣ khi, ekpodalo-ugamhi eyi Ṙshinṣgba ebubu elese e la ṣ ṣghṣghṣ ishobṣ onodiṣ. Ṙghṣghṣ aghṣ ini ṣkpodalo-ugamhi ṣyi Ṙshinṣgba ṣ ghua, ṣlese ṣ to ṣlṣli ṣli. <sup>24</sup> Ama eri iJesu ṣ la ṣ agbṣ lṣ agbṣagbṣ, akanya ṣkpodalo-ugamhi ṣyi Ṙshinṣgba oyṣli, eri o migha agbṣagbṣ ni ṣa zṣ ṣ kpe na ṣgbṣṣe. <sup>25</sup> Irarighṣ, ṣ dobṣ ya tsumhi eni e ri eva oyṣli bhale deba Ṙshinṣgba zeghele. Itobṣ khi eri ṣ la ṣ agbṣagbṣ, ṣṣ lema na wṣ.

<sup>26</sup> IJesu ṣ khi ṣni Ṗkpodalo-ugamhi ṣyi Ṙshinṣgba ni ṣ kpṣda, ni ṣ ri emini awa nono na awa. Ṗni ṣ pfuasṣ ṣ khi, ṣa mṣhṣli umhaguṣkia wṣkhi olamṣṣ shi egbe. A she zṣlṣ li iteva ena olamṣṣ lasele, a yasṣ ṣli nga yagha dṣṣṣ idane. <sup>27</sup> Ṗa li abi Ega eyi ekpodalo-ugamhi eyi Ṙshinṣgba elese ni e kpṣ luasṣ obṣ ṣyi igbe-olamṣṣ kua

na egbewṣ ṣlṣkṣlṣ, neni e tigbe ṣ luasṣ na ṣgbṣṣe. Iluasobo oghuo iKirisiti ṣ lṣṣ luasṣ utoghuo kpele shi olamṣṣ ṣyi ṣgbṣṣe abi ṣ rṣ ri egbṣli luasobo.\* <sup>28</sup> Ṙgbṣ eni mṣṣṣ ashini o kie kpṣ wṣ le shi, Ushi ṣyi iMṣsisi oo zṣ shi Ṗga ṣyi ekpodalo ugamhi, ama ishobṣ ni Ṙshinṣgba ṣ ri isheli shi, ni o kpe ukhokho bhale khṣ Ushi ṣyi iMṣsisi, ṣ rṣ zṣ Omi Ṙshinṣgba, ni a she rṣ khi ṣni ṣ gba pfo agbṣagbṣ.

## 8

### *Oga ṣyi ekpodalo ugamhi ṣna Ishobṣ onogbṣ*

<sup>1</sup> Ṗzukhomhi emini anye ṣ ngme na. Awa mṣhṣli Ṗga ṣyi ekpodalo ugamhi, ni ṣ shitṣ ukiṣkiṣ obita omṣṣṣ ṣyi Ṙshinṣgba ni ṣ mṣhṣli ekpabṣ nya na obini iloghie agbṣagbṣ,\* <sup>2</sup> ni ṣṣ ga abi Ṗga ṣyi ekpodalo-ugamhi eyi Ṙshinṣgba elemhi Okholo ni a ri ode ghi ni o khi egbegbi igholo ni o la iloghie, oni Ṗṣṣmṣṣ lṣlighuo ṣ tṣ, ni ṣa khi abṣ eyi ṣgbṣ a rṣ tṣ li.

<sup>3</sup> Eri a zṣ eni e kpṣda na ekpodalo-ugamhi eyi Ṙshinṣgba kpṣ ni e ri isomhopfa ali iluasobo ke luasṣ. Lṣli o zṣ khi Ṗni ṣ kpṣda na ekpodalo-ugamhi eyi Ṙshinṣgba oyawa, ṣ mema mṣhṣli emini ṣ li rṣ ya luasṣ. <sup>4</sup> Agbṣ ṣ kha la lṣ, ṣa kha fṣ khi ṣkpodalo-ugamhi ṣyi Ṙshinṣgba, aborṣkhia khi ekpodalo-ugamhi eyi Ṙshinṣgba ni ṣ deba ushi ṣyi ṣgbṣ iJu e la aghṣ eghṣ. <sup>5</sup> Okholo ni a ri ide tṣ ni e la ga, irṣkhṣkhṣ ali aroro ṣyi emini e la iloghie e khi. Lṣli o zṣ khi abi iMṣsisi ṣ rṣ ya tṣ oni igholo, khi Ṙshinṣgba ṣṣ li, “Zobṣ ni a bhale ya ṣ khi abi a li rṣ wṣ khasṣ ukhomhi ute, u li ya riṣlṣ wṣ tee.”<sup>†</sup> <sup>6</sup> Ama, memena, akanya ṣkpodalo-ugamhi ni a rṣ na iJesu, o mu ṣloe dṣṣṣ oni a rṣ na ekpodalo-ugamhi enediṣ, ṣzṣṣ abi ishobṣ ni ṣ migha shi rṣ gbe akanya o li mu ṣloe dṣṣṣ onodiṣ, itobṣ khi o migha nga irṣṣga eni e ti nṣ.

<sup>7</sup> Ini ishobṣ oni ododṣ ṣa mṣhṣli ashini o kpṣli le shi lṣ, ṣgbṣ ṣa kha ke mṣhṣli emini a ri ishobṣ olese ṣ riṣlṣ. <sup>8</sup> Ama Ṙshinṣgba ṣ mṣ ashini ṣgbṣ eyṣli ṣa kie te gba pfo, lṣli ṣ rṣ.

<sup>‡</sup> 7:17 Li zṣ Iwolo 110.4    <sup>§</sup> 7:21 Li zṣ Iwolo 110.4    \* 7:27 Li zṣ iLṣv 9.7    \* 8:1 Li zṣ Iwolo 110.1    † 8:5 Li zṣ Okiali 25.40



“Oni ogbẹlẹ ọọ bhale,  
ni mhi rọ ya shobọ onogbo  
na egbo iZireni  
ali egbo iJuda.

<sup>9</sup> Ọa ya li abi ishobo  
ni mhi nu iti-itita wẹ shi,  
ogbẹlẹ ni mhi mu wẹ oobo  
rote eke ijipiti ya fiẹ.  
Ea ri igesikia deba  
oni ishobo ni mhi nu wẹ shi,  
itobo igho mhi rọ  
rue wẹ ẹloe egbe-a.

<sup>10</sup> Onomhufe ọọ,  
ogbẹlẹ ni ọọ bhale,  
Ishobo ni mhi ya shi  
na egbo eyi iZireni na,  
Mhi ya ri ishi eyemhe  
shi wẹ isamhi,  
mhi keke ọli shi wẹ udu.  
Mhi ya khi Eshinegba oyewe,  
wewe e khi egbo eyemhe.

<sup>11</sup> Ongewe ọa ke ke sese  
onuzava oyoli, wexhi eri  
ọ ya lie inyoghuo ọli,  
'Lese Eshinegba.'  
Itobo khi wewe nya  
e ya lese mhe,  
rote oni ọ kpoke nya  
ya je oni ọ fune nya.

<sup>12</sup> Mhi ya ri olamhe topfa wẹ,  
mhi aa ke gbo ya sato  
ipfido oyewe.”‡

<sup>13</sup> Abi ọ rọ da lu ishobo onana, “Onogbo”  
egho, o she ri oni odode mele onodio-a.  
Emini o da mele onodio-a ni o she ẹ womhe,  
o kele ya kele-a.

## 9

### *Ugamhi na iloghie ali eke agbo*

<sup>1</sup> Ishobo onodode o mholi ishi ni a rọ ọ  
ga ugamhi, o gbo mholi igholo ni a ri ide  
ghi shi eke agbo. <sup>2</sup> A to okhoro ni a ri ide  
ghi gashe shi elemhi oni igholo. Elemhi owa  
eva e la ọ oni okhoro. Elemhi owa ni a kpe  
ramhi aa lui, Asha no Pfuase. Akaghọ a ri  
emini a ri akpa ru ẹ nga shi, ali itebu ni a

ri ibuledi ni o pfuase ẹ nga.\* <sup>3</sup> Elemhi owa  
onuzi-eva ni o kpe oobo na ode ugbakpi ni  
a rọ pfa ode-a, a lui Ashini o Pfuase ne nya.†  
<sup>4</sup> Agho adido igolu ni a la tose ituale afu era  
ni ẹ pfie o la. Akpati ishobo ni a ri igolu ku  
o li la Ashini o Pfuase ne nya. Oni akpati  
ona, omi utasa igolu o la ọ ni a ri ibuledi  
imana a shi.‡ Agho a li ri orokpo oyi Eroni  
ni o ze ukhuli shi, ali ipemhi eche eva ni a  
keke ishi shi.§\* <sup>5</sup> Ikpeda na oni akpati ona,  
a ma emhi eva ni e li abi igeni ni e ze ipfua  
shi, ni e so alo ghue ufumhi oyi Eshinegba.  
E naghie ipfua eyewe-a guese ashini a la ri  
olamhe ẹ topfa. Ama ọa khi memena awa  
ya me eghẹghẹ rọ ke tonọ eni emhi ena nya  
ramhi udi wẹ pfo.†

<sup>6</sup> A kha da she lina ri emhi ogbogbo nya  
shi ashini a roli ẹ shi se, loli eni ẹ ralo  
ugamhi e rọ ọ lo elemhi owa onodode  
ya gbe akanya ododa eyewe ogbẹlẹ kpa.‡  
<sup>7</sup> Ama Ọga oyi ekpodalo ugamhi lolighuo tse  
ọ dobe ẹ lo elemhi Owa Ni o pfuase ne nya  
ni o la ọ. Utoghuo elemhi ukpe ọ lese ẹ  
lo akaghọ. Olia eni ọ rọ luasobo na egbo  
ali egboese shi olamhe ni e lamhe elemhi  
umhalesẹ, ọọ rue ẹ mholi obo lo akaghọ.§  
<sup>8</sup> Eri Ayemhe-no-pfuase ọ ri onana guele khi,  
ogbo ọa khueghie ode ni o lo elemhi Owa  
ni o Pfuase ne nya-a, na ogbokhoghuo ne,  
ini okhoro onodode o kie migha. <sup>9</sup> Eri emhi  
enana e khi irokhokho na awa eghẹghẹ ana.  
Emini onana o ngme khi irona ali iluasobo  
eyi elamhako ni a luase ukpe khi ukpe khi,  
ea dobe khuese eni e bhale ya ga Eshinegba  
udu-a pfuase, rewe gba pfo. <sup>10</sup> Ingme emi-  
nale, ali onyo ali ikpegbe-a enana e migha  
shi, ni e khi ushi na elele. Eri ushi onana o  
gbe akanya ramhi eghẹghẹ ni Eshinegba ọ rọ  
ri ushi onogbo shi eke.

### *Olia eyi ijesu*

<sup>11</sup> Ama iKirisiti ọ she bhale abi Ọga oyi  
ekpodalo ugamhi, ni ọ khi oyi eminete ni  
e she bhale. Ọ she lo elemhi Okhoro ni  
a ri ode ghi ni o fune ogho ni o gba pfo,  
ni o la iloghie, ni ogbo ọa ri abo to wexhi

‡ 8:12 Li ze iJere 31.31-34 \* 9:2 Li ze Okiali 26.1-30; 25.31-40,23-30 † 9:3 Li ze Okiali 26.31-33 ‡ 9:4 Imana  
khi eminale ni Eshinegba ọ rote idane ruese kule abi amẹ na eniye iZireni abi e rọ rote ijipiti vu je eke ishobo, ni a lu  
iKena § 9:4 Eri orokpo onayi Eroni ni a ngme ena ni o she khakha o kie ze ukhui onogbo. \* 9:4 Li ze Okiali  
30.1-6; 25.10-16; 16.33; iNoba 17.8-10; Okiali 25.16; iDeut 10.3-5 † 9:5 Li ze Okiali 25.18-22 ‡ 9:6 Li ze iNoba 18.2-6  
§ 9:7 Li ze iLev 16.2-34

eri o la eke agbo. <sup>12</sup> Abi iKirisiti o rote elemhi oni okhologo lo oni elemhi Owa ni o Pfuase ne nya, o ruo oia eyi elamhi ali ena ya luase obo, ama oia eyi lolighuo o ruo utoghuo kpele ro mie ipfasheke na agboagbo na awa. <sup>13</sup> Eri oia eyi elamhi ali ena, ali emue eyi ozele ena ni a tose-a, ni aa miatse ku egbo ni ea pfuase, o rewe khi eni e pfuase idiegbe.\* <sup>14</sup> See oia eyi iKirisiti ea ke lie li dobe khuese udu oyawa-a pfuase, rote ikanya ni ee pfi eghuli. Ikhi oni o rote ekpabo Ayemhe oyi Eshinegba ri egboli na Eshinegba abi iluasobo ni o gba pfo itobo olamhe eyawa-a, ni awa dobe ke ga Eshinegba ni o la o agboagbo. <sup>15</sup> Itobo ona iKirisiti o ro migha iteva Eshinegba ali egbo ri ishobo onogbo ona gbe eke, eghenge agho ni eni Eshinegba o lu, e li mie ugu na agboagbo ni Eshinegba o ro nga. Onana o ya ze li, itobo khi o ghu eghuli ni o ro gbe olamhe ni egbo e lamhe eghenge ishobo onodode kua. <sup>16</sup> Ini ogbo o keke shi eke abi a li ya kemhi ugu oyoli se, ni o ro ghua, a mema ya me oli me gbo khi o she ghu-a neni ogbokhoghuo o ya me emhikhoghhuo le ugu. <sup>17</sup> Irari khi emhi afue oni ebe ni a keke abi a li ri ugu ya kia o ya khi, ini oni o keke oli o da kie la agbo ne. Ama ini o ghu-a se, a ro tigbe ri oli e gbe akanya. <sup>18</sup> Ona o ze khi ishobo onodode o kha ze ro gbe akanya ini oia o ma o lo. <sup>19</sup> Abi iMosisi o ro ze ishi eyi Eshinegba ye eni egbo se, o ruo oia eyi ena ali elamhi, o ku ameh shi o. O ruo uguabo oora ni a khili oolu opfopfo shi, o roli miatse eni oia shi oni emini a keke ishi nya shi, o gbo li miatse ku egbo nya. <sup>20</sup> Oo we, "Oia eyi oni ishobo na, ni Eshinegba oo awa ro ghue."† <sup>21</sup> Igho o gbo li miatse eni oia shi oni owa ugamhi ali emhi nya ni a ro la o riele ugamhi.‡ <sup>22</sup> Abi o li, khi, eri ushi oo a ri oia ri emhi nya khi eni e pfuase, ali khi ini aa li ri oia luase, irolamhe-topfa o la o. §

<sup>23</sup> Owa Oyi Eshinegba na eke agbo ni a lina ri oia ro khi oni o pfuase, irokhokho oyi owa ugamhi na obini iloghie o khi. Ama emini e la obini iloghie, iluasobo oni o tine a mema ro ya rewe shi ipfuase. <sup>24</sup> IKirisiti o lo elemhi okhologo ni a ri ode ghi ni

egbo e ri abo ma ni o khi irokhokho eyi egbegbewe. Ama iloghie o ri ochogho ya lo, ni o la migha odalo oyi Eshinegba na awa memena. <sup>25</sup> Wekhi eri iKirisiti o lo iloghie ya ri egboli luasobo iti-ingmingme, abi Oga oyi ekpodalo ugamhi o lie tsua oia eni ea khi eyoli e lo elemhi Owa ni o Pfuase ne nya, ukpe-khi-ukpe ya luase. <sup>26</sup> Igho o kha khi lo, eri iKirisiti o kha me osue iti-ingmingme abi a te ma agbo. Ama o khi igbo. Eri o bhale utoghuo tse abi oni eghenge o ro gba, ni o ro ri egboli luasobo ro ruo olamhe ode-a. <sup>27</sup> Ezeze abi ogbo o lie ghu-a utoghuo tse, o kha da ghu-a se, o bhale shi iguezo. <sup>28</sup> Igho a li ri iKirisiti luasobo utoghuo kpele ni a ro shishi olamhe oyi ebubu egbo-a. O ya gbo bhale utonuzieva. Oa khi ni o ro gbo tsua olamhe, ama ni o ro tsumhi eni e migha a khe oli.\*

## 10

### *Iluasobo utoghuo kpele oyi iKirisiti*

<sup>1</sup> Ugamhi onodio ni a ga eghenge Ushi oyi iMosisi, aroro oyi eminete ni e bhale e khi. Ea khi wewe e khi egbegbewe we. Eni iluasobo ni a kpe luase eghenge agho ukpe kpa, ea tigbe dobe ri ipfuase ni o gba pfo na eni bhale odalo oyi Eshinegba ya ga ugamhi. <sup>2</sup> Ini eni iluasobo ee dobe ri eni egbo pfuase lo, a kha yemhe eni iluasobo a? Irari khi e kha ri eni e bhale ya ga pfuase utoghuo kpele, ni udu oyewe o ke mholi umhaguekia. <sup>3</sup> Ama eri eni iluasobo e yeke egbo olamhe eyewe le ukpe khi ukpe. <sup>4</sup> Irari khi oia eyi ena ali elamhi ea dobe ruo olamhe ode-a.

<sup>5</sup> Irarigho, abi iKirisiti o ro ya bhale agbo, oo Eshinegba,

"Iluasobo ali isomhopfa  
ea ghole e.

Ama u she ri idiegbe na mhe,  
ni mhi ri ungmehi oye  
gbe akanya.

<sup>6</sup> Iluasobo eni a tose  
ali iluasobo igbe-olamhe kua  
ea tigbe ti e eloe.

<sup>7</sup> Igho mhi re,  
'Ghe mhe ana,

\* **9:13** Li ze iLev 16.15-16; iNoba 19.9,17-19 † **9:20** Li ze Okiali 24.6-8 ‡ **9:21** Li ze iLev 8.15 § **9:22** Li ze iLev 17.11 \* **9:28** Li ze Aza 53.12 \* **10:7** Li ze Iwolo 40.6-8

Eri mhi bhale ya rięle  
oĝhuęmhe oye, Eshineęba.’ ”\*

8 O te eke ya ngme, o, “Iluasobo ali isomhopfa ęa ghole e, wekhi iluasobo eni a tose ali iluasobo igbe-olamhe kua e ghole e, wekhi eri e ti e ęloe.” Ama khi a lese khi eri ushi o a mema ligho ke rięle we. 9 Igho o ke re, “Ghe mhe ana Eshineęba, eri mhi bhale ya rięle oĝhuęmhe oye.” Eri o ri obo ri iluasobo eni ęlele shi eke, o ri iluasobo oyi iKirisiti to ęloli we. 10 Itobo khi iJesu iKirisiti o rięle oĝhuęmhe oyi Eshineęba, loli o ze ni a ro ri iluasobo ni o ri idiegbe oyoli luase utoghwo kpele khuęse awa nya olamhe-a pfuase.

11 Ekehęle, ekpodalo-ugamhi eyi Eshineęba nya e ro gbe ikanya ugamhi eyewe, eri e rięle eni iluasobo gbo rięle iti ingmi-ingme, ama ęa tigbe dobe rue olamhe ode-a.† 12 Ama abi iKirisiti, oni okpodalo-ugamhi oyi Eshineęba ona, o ro luasobo utoghwo kpele oyi igbe-olamhe-kua ni o khi oyi ona agboagbokpa, ni o ro shito obita oyi Eghiele oyi Eshineęba. 13 Agho o ke shito migha a khe eghęhe ni Eshineęba o ro ya ri ebe oli mele akphawęnga eyoli-a.‡ 14 Irari iluasobo utoghwo kpele ni o luase o ro ri egbọ eni o rote olamhe pfuase khi eni e pfuase agboagbo.

15 Ayemhe-no-pfuase o gbo pfi otsęle shi ona ye awa. Oni odode, o,

16 “Ishobo ona mhi ya nu we shi.

Onomhue o ngme ghọ khi,

oni eghęhe ogho o kha ramhi,

mhi ya ri ishi eyemhe shi we udu,

mhi keke oli shi we ayemhe.”§

17 O ke gbo ro ma o khi, “Mhi aa ke ya sato olamhe ali ikanya ebe eyewe.”\* 18 Irarigho, a kha she da ri ena topfa se, ogho o ke gbo mhọli emini a ri iluasobo irue-olamhe ode-a ya rięle.

### *A ze ni awa ti bhale deba Eshineęba*

19 Irarigho, inyoghwo-mhe, aborokhia oia eyi iJesu e ri igbedu na awa ro lo Ashini o Pfuase ne nya egho, 20 ikhi ode onogbo

ni o mhọli agbo, ni o ri awa te ode ug-  
bakpi ni a ro pfa ode-a a dose. 21 Abi  
o ro gbo li khia khi awa mhọli okpodalo-  
ugamhi oyi Eshineęba oniemhi ni o mhe-  
shi Owa ugamhi oyi Eshineęba na iloghie  
egho, 22 awa ri udu igesikia ali irudunga  
ni o migha gboo ti bhale deba Eshineęba.  
Awa gbo mhọli udu ni a ri imiatse oia  
eyi iKirisiti ro khi ipfuase ni ęa ke mhọli  
umhaguękia, ali awa mhọli idiegbe ni a ri  
ame khuęse-a pfuase.† 23 Awa mu irudushi  
ni awa guele khi awa mhọli mhue gagaga,  
irari khi Eshineęba ni o shobo na awa, oni a  
ri egbe e nga o khi. 24 Awa ke sa abi awa  
li ya ke ri udu shi egbe o, ni awa ke rięle  
inono ali awa gbe ikanya enete. 25 Awa khi  
ti egbe ilona oyi egbawa je ukhokho, abi  
egbo eghwo ęe li, ama, awa totobo ke ri udu  
shi egbe o, aborokhia khi u me khi Ogbęle  
oyi Onomhue o shi ti e bhale.

26 Irari khi iluasobo olese o ke gbo la  
ni o ya rue olamhe ode-a, ini awa mema  
famhi e lamhe, ikpukhokho khi a she kpe  
gue oni igesikia ye awa ne. 27 Emini egho  
eghwo e ke ya shito ke khe khi iguezo ni  
o ri ulishi e mu ali erali na biobiobio, ni o  
ya pfuse eni ęa ya suo esọ na Eshineęba-a.‡  
28 Onini o da gbe Ushi oyi iMosisi-a, ni a ro  
da ri oli gue ęzo, ni o ro da lue ne, ni a ro me  
otsęle egho aava okekhi aase, eri a gbe oli-a,  
ni o mhọli ilelemhi.§ 29 Se u sa khi a kha li  
nase eni e ri awe wu Omi Eshineęba eke-a, ni  
e ri ukpeloe gbe oia ni Eshineęba o ro rięle  
ishobo, ikhi oia ni o khuęse we olamhe-a  
pfuase, ali eni o khia khi eri e ze emuebe na  
Ayemhe Okhale? 30 Irari khi awa lese oni  
o, “Mhemhe mhi ya nase eni e lina ngeli,  
Mhi ya fali oru,” ali oni o gbolo e, “Onomhue  
o ya ri egho eyoli gue ęzo.”† 31 Irari khi emhi  
okhena o khi ni ogho o ro ya pfi obo lo ingme  
oyi Eshineęba ni o la o.

32 A ke sato eghęhe ni a ro lese mie oni  
akpa, ni a ro migha mu imiesuo oye e mhue,  
aboriekhia khi aa na e ukpokpomhi osoli  
shi o. 33 Isheghwo, eri egho e ga la igbaa a  
pfi itsue manya e, a mu okhọli vule shi e  
o. Isheghwo, a kugbe egho elese ni a ligho

† 10:11 Li ze Okiali 29.38 ‡ 10:13 Li ze Iwolo 110.1 § 10:16 Li ze iJere 31.33 \* 10:17 Li ze iJere 31.34 † 10:22  
Li ze iLev 8.30; Ezik 36.25 ‡ 10:27 Li ze Aza 26.11 § 10:28 Li ze iDeut 17.6; 19.15 \* 10:29 Li ze Okiali 24.8  
† 10:30 Li ze iDeut 32.35,36

mu okhòli vule shi ọ. <sup>34</sup> Elemhi eni e la ọgba ighumha ee ala ẹ. Abi a rọ ri itoto mie ẹ itsua, aa khako, a ri oghẹle rue wẹ obo-a na wẹ, itobọ khi a lẹse khi a mhọli itsua eni e tinẹ ni e ya la ọ agboagbo.

<sup>35</sup> A khi tsua igbedu oyẹẹ pfi, irari khi o ma mhọli eleli oniẹmhi. <sup>36</sup> A mhọli iregbe-mie, ni a bhale ya ẹ khi ini a dobe riẹle ọghuẹmhe oyi Ẹshinẹgba se, ni a mie emini ọ rọ nga na ẹ. <sup>37</sup> Irari khi Ebe-no-pfuase o ngme ọli khi,

“Ini o riẹ tẹse ukukuọ,  
Oni ọ ya bhale ọ ya bhale,  
ọ ya tẹse.

<sup>38</sup> Ama eni Ẹshinẹgba ọ pfa na, irudunga e rọ ya ke la agbo, ama ini ọngewẹ ọ nyenẹ egbe ukhokho, elemhi ẹa ya timhe deba li.”‡

<sup>39</sup> Awa aa li abi eni ẹẹ nyenẹ egbe ukhokho ni e ya pfua, ama eni e miesuọ ni a mie pfuese awa khi.

## 11

### *Irudunga*

<sup>1</sup> Mena, irudunga khi, ini ọgbọ ọa mhọli akhokhomhe shi udu shi emini ọ ri udu shi eke ẹ khe, ali ni ọgbọ rọ mhọli ọli shi udu guẹguẹguẹ khi emini aa me ne khi e la agho.

<sup>2</sup> Irudunga ona, o ri ẹgbọ enedẹ le eva onete odalo oyi Ẹshinẹgba.

<sup>3</sup> Awa lẹse khi irudunga ona, Ẹshinẹgba ọ rọ ri ungmehi oyọli ma emini awa me ẹloe nya. Ni a rọ bhale ya ẹ khi, a rọte emini aa ya me ẹloe riẹle emini a me ẹloe.\*

<sup>4</sup> Irudunga, o ri Ebẹli ri iluasobo ni e ti dose eyi iKeni na Ẹshinẹgba. Rote irudunga oyọli, Ẹshinẹgba ọ rọ mie obọ shi ọ khi ọgbọ ni ọ mhọli angeli onete ọ khi, abi Ẹshinẹgba ọ rọ ngme onete irona eyọli. Irudunga ona o ri Ebẹli kiele ngme, abi ọ rọ ririẹ ghua.†

<sup>5</sup> Irudunga a rọ rue Enọki agbo vu, ini ọ khi me eghuli. Ọgbọ ọa ke me ọli, irari khi eri Ẹshinẹgba ọ rue ọli nga idane. Neni a rue ọli vu, ọ mhọli ọtsẹle khi ọgbọ ni ọ ri egbe mu Ẹshinẹgba ọ khi.‡ <sup>6</sup> Ọgbokhoghuo ọa dobe ya riẹle emini e ri egbe ẹ mu Ẹshinẹgba,

ini ọa mhọli irudunga. Irari khi neni ọgbọ ọ ya bhale deba Ẹshinẹgba, ọ mema mhọli irudunga khi ọ la agho, khi lọli ọ somhi eni e kuegbe-a nono ọli opfa.

<sup>7</sup> Irudunga o ri iNoa, abi ọ rọ suọ agua ni Ẹshinẹgba ọ tse ye ọli shi emini aa me ne, rọli ri ikuegbe-a ali ulishi oyi Ẹshinẹgba, khali ọko-oke oniẹmhi ni o pfuese apfe ọli. Irudunga oyọli o ri umha miesuọ oyi eni ẹgbọ na agbo khase gboo, ni ọ rọ mie ikhivose itobọ khi irudunga oyọli o ti Ẹshinẹgba ẹloe. § <sup>8</sup> Irudunga o ri Aburaamu vule abi Ẹshinẹgba ọ rọ lu ọli ọ vule ke je ashini lọli shobọ khi lọli rọ ya na li le ugu. Ọ rọte eke oyọli vu, abi otseku khia khi ọa lẹse obini ọọ je.\* <sup>9</sup> Irudunga o rọli ngeli eke ishobọ abi ọpfese. Ọọ la ifui okhọlo, igho li khi Aziki ali iGiekọpu, ni e ga le ugu oni ekha oghuo. † <sup>10</sup> Irari khi eri ọ ri ẹloe shi eke khe ẹoli oni o mhọli irogbekẹ, ni Ẹshinẹgba ọ vi ali ni ọ gbo khi atsona oyọli. <sup>11</sup> Irari irudunga a rọ ri Aburaamu dobe khi ita eniye abi ọ rọ ririẹ rọ she dose oni eghẹghẹ ni ọ kha la dobe bia ọmọ ali ni iSera ọ rọ khi aga. Irari khi ọ lẹse khi Ẹshinẹgba ni ọ shobọ nali khi ọna igesikia ọ khi lo. ‡ <sup>12</sup> Rote obọ oyi Aburaamu, ni ọ li abi oni oyọli o she pfo se, a te me imimi ni ẹa ze leli abi ikpetata na idane ali ekhashe na ese oke oniẹmhi. §

<sup>13</sup> Agbo irudunga ẹgbọ ena e kie la ramhi ni e rọ ghua. E kie miesuọ khi wewe e ya mie emini a rọ shobọ na wẹ. Eri e lẹse li rọte odonue pfi alo o me wẹ odalo, o ri egbe mu wẹ. E lama shi ọ khi ena ẹoli oboese ali epfese wewe e khi shi elemhi eke agbo.\* <sup>14</sup> Ini ẹgbọ e da lina ngme ne, eri o rọkhashe khi ẹoli oni e ya ke lu oyewe ẹẹ nono. <sup>15</sup> Ini eri ẹoli ni e rọte vu kha o la wẹ udu lo, e kha mhọli eghẹghẹ rọ mu egbe pfi je obini e te vu. <sup>16</sup> Eri ẹoli ni o tinẹ o ri okiamhi i gbe wẹ, oni o khi ona iloghie. Irarigho, ọa ri omama mu Ẹshinẹgba khi ee lu lue Ẹshinẹgba oyewe, irari khi ọ she mu egbe ẹoli shi eke khe wẹ. <sup>17</sup> Irudunga o ri Aburaamu ri Aziki luasobo, abi Ẹshinẹgba ọ rọ mu ọli fe bino. Lọli ni ọ she mie oni ekha, ọọ nono ni lọli ri

‡ 10:38 Li ze Abak 2.3-4 \* 11:3 Li ze Igbae 1.1; Iwolo 33.6,9; iJon 1.3 † 11:4 Li ze Igbae 4.3-10 ‡ 11:5 Li ze Igbae 5.21-24 § 11:7 Li ze Igbae 6.13-22 \* 11:8 Li ze Igbae 12.1-5 † 11:9 Li ze Igbae 35.27 ‡ 11:11 Li ze Igbae 18.11-14; 21.2 § 11:12 Li ze Igbae 15.5; 22.17; 32.12 \* 11:13 Li ze Igbae 23.4; 1 Okhe 29.15; Iwolo 39.12 † 11:17 Li ze Igbae 22.1-14

omi ọli ọtuoghwo kpe luasobo,† 18 aboriekhia khi Eshinegba ọ gueye ọli khi, “Rote Aziki u te ya mholi imi imi e.”‡ 19 Eri Aburaamu ọ sa li shi udu khi Eshinegba ọ dobe ya rote eghuli guise ogbo le. Eri o li abine khi eri oni Aziki ọ ghu-a egho, ni o ro li abine khi eri Aburaamu ọ rote eghuli gbo mie Aziki.

20 Irudunga o ri Aziki ku isemhe na iGiekopu ali iso shi emini a ya me odalo.§

21 Irudunga o ri iGiekopu abi ọ ro ya ghu-a so iromhi na imi iJosefu ava-ava, ọ da abo na Eshinegba abi ọ li kie ri egbe da orokpo oyoli.\*

22 Irudunga o ri iJosefu, abi ọ ro ya ghu-a ngme ingme abi eniye iZireni e li rote eke ijipiti ya vu shi eke. Ọ guele shi eke abi a ya li igua eyelue.†

23 Irudunga o ri eni e bia iMosisi roli sheli ramhi iki ese abi a ro bia li se, irari khi ọa khi omọ na tse, ulishi ọa mu we ni e ro ri ukpeloe gbe omhese oyi oghie.‡

24 Irudunga o ze khi abi iMosisi ọ ro fu vule se, khi ọa lama a ke lu lue omi omi iFero onokpotso.§ 25 Ọ lama khi lolu ya nu egbo eyi Eshinegba me osoli, ocho ni lue ro ya li agbo olamhe ukuku egheghe. 26 Ọ bino ọli khi, omama ni ogbo ọ ri itobo iKirisiti ee me o mu eloe dose pfue na ijipiti nya. Itobo khi eleli ni o la odalo ọ ri ukpeloe shi.

27 Irudunga o roli rote ijipiti vu, ni o khia khi ulishi elemhi ibibi oyi oghie ọa mu ọli. Itobo khi o li abine khi eri ọọ me Eshinegba ni aa ya me eloe, lolu ọa ro mu egbe pfi.

28 Irudunga o roli ri Ukpe iPasova na iri-olia to ogbhele ko, ni ọ re, eniye iZireni e miatse ọlia ku shi ogbhele, ini agheni eghuli ọ khi gbe emodiọ eyewe-a.\*

29 Irudunga o ri egbo iZireni dobe da oke oniemhi ni a lu Okẹ Ifulo, abine khi eni e rote eke ifufu dose. Abi egbo ijipiti e ro li mu ọli fe, khonya we, oni oke o to we lue.†

30 Irudunga o ri ugbe ni a khi gasẹ iJeriko de ya gbe abi egbo iZireni e ro kia gasẹ ọli se ogbele ishilua.‡ 31 Irudunga a ro tsumhi

iRé-àbu ni ọ khi adegbe ni ọa ro nu eni ẹa suọ eso na Eshinegba pfua. Irari khi egbo iZireni ni a ghie e ka bena tokpe oni eke bino, ọ mie we shi owa.§

32 See mhi ke gbo ya ngme ma ọ? Mhi kie ke zono we? Eghẹghe ọa la ọ na mhe ni mhi ro ya ngme ingme oyi iGidioni, iBaraki, iSamusi, iJefita, iDefidi, iSamueni ali emekẹguele eyi Eshinegba.\* 33 Irudunga e ro mu omhese eyi ighie le, e mhesẹ na egbo abi Eshinegba ọọ li nono ọli shi. E mie emini Eshinegba ọ tse ekha na we. E guese inu eyi idu,† 34 e pfuse erali ebe-a, e na pfue eghuli ogbhorọ. O lose we, ama e toto-a, e khi idenomo elemhi okholi, e pfue ekholi-okhue eyi ọli oboese-a.‡ 35 Irudunga, ikpotso e ro gbo mie egbo eyewe ni a rote eghuli guise le bhale agbo.§

Egbo elese e ri egbe mie ugbemhi obe, ẹa lama a wolo we we abo-a, ama e ghu-a shi ugbemhi obe, itobo khi e ri udu shi irote-eghuli-guale bhale agbo ni o tine. 36 Eghuo ọ, a rewe li egia, a gbe we itali, a so eghuo igha ro shi ogba ighumha.\* 37 A tono we eche, a ri iso kie we shi asha eva, a ri ogbhorọ gbolo we-a. E ri ekuẹ elamhi ali isumha ku egbe, e khi ena umha me, a nase we, a li we umumume.† 38 Egbo ni agbo ẹa lu emhi eni egbo ena e khi. E dudu kia kia ifui odagbe ifufu ali ikhomhi ite abi eni ẹa mholi apfe, ee la elemhi irui ali ifui ese na elemhi eke.

39 Itobo irudunga oyi enana a ro kuẹghie we, ama ongewe ọa kie mie emini Eshinegba ọ shobo. 40 Itobo khi Eshinegba ọ she mhesẹ emini o tine shi eke e khe awa, egheghe agho e kha kugbe awa ọ, ọ ri awa ali we we gba pfo.

## 12

1 Aborokhia khi ebubu otselẹ eyi ingme agbo irudunga e she lina le gasẹ awa ena, awa tsua emini ee zu awa ode ku-a ali olamhe ni e kele ti awa je ukhokho. Awa ze ni awa ri iregbemie ke na oni unamhi

‡ 11:18 Li ze Igbae 21.12 § 11:20 Li ze Igbae 27.27-29,39-40 \* 11:21 Li ze Igbae 47.31; 48.1-20 † 11:22 Li ze Igbae 50.24-25; Okiali 13.19 ‡ 11:23 Li ze Okiali 2.2; 1.22 § 11:24 Li ze Okiali 2.10-12 \* 11:28 Li ze Okiali 12.21-30 † 11:29 Li ze Okiali 14.21-31 ‡ 11:30 Li ze iJosh 6.12-21 § 11:31 Li ze iJosh 2.1-21; 6.22-25 \* 11:32 Li ze Eguezo 6.11-8.32; 4.6-5.31; 13.2-16.31; 11.1-12.7; 1 iSam 16.1-1 Ighie 2.11; 1 iSam 1.1-25.1 † 11:33 Li ze iDan 6.1-27 ‡ 11:34 Li ze iDan 3.1-30 § 11:35 Li ze 1 Ighie 17.17-24; 2 Ighie 4.25-37 \* 11:36 Li ze 1 Ighie 22.26-27; 2 Okhe 18.25-26; iJere 20.2; 37.15; 38.6 † 11:37 Li ze 2 Okhe 24.21

ni a roshi awa odalo. <sup>2</sup> Awa ri eloe shi iJesu egbe ke bino oli, oni o khi igbaekele ali oni o ri irudunga oyawa gba pfo. Oni o ri itobo oghelẹ oni a ro shi eke e khe oli, ri egbe mie eghuli na apfida, o ri ukpeloe gbe omama ni o la apfida ya me. Mena, o she shito obita ukpekhomhi Eghiele oyi Eshinegba. <sup>3</sup> Pfi ukpeloe ke bino loli ni o ri egbe mie ibiselemhi ni me obo oyi egbo olamhe, ini o khi losẹ e ni o pfanọ ku e alo.

<sup>4</sup> Inu-olamhe khe abo oye, o kie re ramhi oyi eghuli ne. <sup>5</sup> Eri a she yeke ungememhi iyude ni Eshinegba o nu e ngme-a, abi imi oli eni emose ali eni ikpotso? Ni o le.

“Omi mhe, khi ri  
eloe gbe isheshe shi ode  
oyi Onomhue,

ali a khi ze ni  
egbe pfo e-a  
ini o sheshe e shi ode,

<sup>6</sup> Irari khi eni Onomhue  
o nono ingme oyewe  
oo sheshe shi ode,  
ogbokpa ni o lama  
khi omioli lue khi  
oo na osoli.”\*

<sup>7</sup> Ri egbe mie ini a sheshe shi ode, eri Eshinegba oo riele e abi imi oli. Mhie ii, omọ onoghwo itali o ya sheshe shi ode? <sup>8</sup> Ini aa sheshe e shi ode abi a lie sheshe omọ kpa shi ode, eri o rokhase khi waa khi egbegbi omioli ama omọ ni aa lese oni o bia li u khi. <sup>9</sup> Itawa ena agbo ea ya sheshe awa shi ode, ni awa ro kiele e mu ekpe na we? Elo o ze ni awa aa ke ro lili e ze ni oni o khi Itawa elemhi ayemhe o li sheshe awa ni awa mholi egbegbi agbo? <sup>10</sup> Ukuku eghelẹ itawa ena agbo ee sheshe awa shi ode abi o ti we eloe shi, ama itobo onete oyawa Eshinegba o ro sheshe awa shi ode, ini awa nu oli mholi okemhi shi ipfuase oyoli. <sup>11</sup> Isheshe shi ode okhoghuo o ya violọ egbe, ama eri oo to. O kha ke denẹ, o ri oni a ligho sese ingme e ngeli angeli enete, ali o gbo mholi opfomhe. <sup>12</sup> Irarigho, abo eye e ni o losẹ ali ikhomhegbhe eye

e ni ee kpheli rerere, a zese we-a.† <sup>13</sup> A ke kia ode ni o sheshe talala, ni a ri eni e cheghelẹ awe-a ze, ocho ni e ro ya de.‡ <sup>14</sup> A roshaka odekhode ni a nu ogbokpa la agbo opfomhe, ni a gbo la agbo ipfuase, irari khi ogbokhoghuo ni o mholi ipfuase o ya me Onomhue. <sup>15</sup> A roshaka ini ongee o khi khi oni okhale oyi Eshinegba o ramhi obo ali a khi ze ni iyese-elemhi-a o ze shi e iteva ni oo pfi ingme obe ro pfueche egboese-a.§ <sup>16</sup> Ogbokhoghuo o khi khi oni oo ku itsebo, we ongee okhoghuo o li abi iso ni o mholi ayemhe oyi Eshinegba, ni o ri itobo eminale utoghwo kpele ri ugu odiọ oyoli de.\* <sup>17</sup> A lese khi elelese, abi o ke ro o nono ni loli mie oni ikhivose, a kie oli. Itobo khi o ke me asha mu udu pfi, abi o tseku ke ri amẹ evie nono oli.†

<sup>18</sup> Irari khi aa bhale ute ni a dobe ri obo o ti, onabi ute iSinai ni egbo iZireni e ke bhale, ni elemhi erali o la a de biobiobio, ni obili ulishi o la, ali ni okiki olitsa o la khili eke, <sup>19</sup> ali ni akala o la de limhilimhi, ni uruli oniemi o la a ngme, ni egbo ni e suo oni uruli e ro lema oni ungememhi o kpesẹ agho.‡ <sup>20</sup> Itobo khi ea dobe ri egbe mie ushi ni a shi na we ni oo, “Ini o rie khia khi elamhako o ri egbe ti oni ute, a mema ya tono oli eche gbe-a.”§ <sup>21</sup> Eri emini a me agho o lolo ri ulishi mu ramhi ni iMosisi o re, “Ulishi oniemi o ga mu mhe!”\*

<sup>22</sup> Ama, mena, a she bhale ute iZayo, ali eoli oyi Eshinegba oni o la o, iJerusalemu ona iloghie ali obini ilegba oghelẹ oyi igeni upfoleli. <sup>23</sup> A she bhale igbaa oyi eni e mie iJesu iKirisiti suo oyi emodiọ eyi Eshinegba, eni a keke eva oyewe shi iloghie. A she bhale deba Eshinegba ni o khi oso-ezo oyi egbo kpa, ali a gbo bhale deba ayemhe oyi egbo enete ni a ro khi eni e gba pfo. <sup>24</sup> A she bhale deba iJesu oni o ri ishobo onogbo ko, a gbo bhale deba oia ni a miatse ku, ni ee ngme emini e ti dose emini oia eyi Ebeli e ngme.†

<sup>25</sup> A mu egbe e ini a khi kie ungememhi oyi oni o nu ee ngme. Ini eni egbo ea dobe pfue o, abi ea ro ri ungememhi oyi oni o la

\* 12:6 Li ze iJobu 5.17; Ekpi 3.11-12 † 12:12 Li ze Aza 35.3 ‡ 12:13 Li ze Ekpi 4.26 § 12:15 Li ze iDeut 29.18

\* 12:16 Li ze Igbae 25.29-34 † 12:17 Li ze Igbae 27.30-40 ‡ 12:19 Li ze Okiali 19.16-22; 20.18-21; iDeut 4.11-12; 5.22-27 § 12:20 Li ze Okiali 19.12-13 \* 12:21 Li ze iDeut 9.19 † 12:24 Li ze Igbae 4.10

agbọ tse agua ye wẹ gbe akanya, sẹ u sa khi awa li ya pfue ọ, ini awa aa ri ungmehi oyi ọni ọ rọte idane tse agua ye awa gbe akanya. † 26 Eri uruli oyi Ẹshinẹgba o nighise ekẹ agbọ ẹghẹghẹ agho, ama mena, ọ she shobọ, ọọ, “Ọa khi ekẹ agbọ tse mhi gbo ya nighise utoghwo shi ọ, ama li shi ukhui.” § 27 Eri ungmehi ni ọọ, “Utoghwo shi ọ,” o rokhasẹ gboo khi emini a ma nya, khi a ya nighise wẹ, a rue wẹ ode-a, ni a bhale ya ẹ khi emini ẹa zẹ nighise e kẹ kpọle.

28 Irarigho, aborokhia khi awa a mie omhẹsẹ ni ọa zẹ nighise egho, a zẹ ni awa ke kphẹmhi, awa ri ekpẹ ali ulishi ga Ẹshinẹgba abi o ti shi, 29 irari khi Ẹshinẹgba oyawa erali opfuse ọ khi.\*

## 13

### *Ugamhi ni o ghole Ẹshinẹgba*

1 A kie ligho ke nono ingme oyi egbe ẹ abi inyoḡhuo. 2 A ke sato mie epfese shi owa, a mu wẹ epfese. Irari khi ẹgbọ eghuo ee ke ligho, ni e rọ mu ẹgbọ eghuo epfese, ni ẹa lẹsẹ khi igeni e khi ni wẹwẹ e mu epfese.\* 3 A ke sato eni a mu shi owa ighumha egbe abinẹ khi eri a nu wẹ la agho. A ke sato ẹgbọ eni a na osoli egbe abinẹ khi eri a li nu wẹ mẹ oni osoli.

4 Omose ali ughue ọli e mu ekpẹ shi angeli oyewe. Omose ali ughue ọli e khi li egbe le. Irari khi Ẹshinẹgba ọ ya gue eni ẹ ku itsẹbo ali eni ẹ kia okia ezọ.

5 Zobẹ ni agbọ oye o nuata shi oghuẹmhe ukpaghọ, zẹ ni emini u mhọli o ke khuese ẹ. Irari khi Ẹshinẹgba ọọ liẹ,

“Mhi aa tigbe ya zẹ obọ,  
mhia ya tsue pfia ghue.”†

6 Lọli o zẹ ni awa rọ ya ri igbedu liẹ,

“Onomhue ọ khi  
okpaghiobọ oyemhe,  
mhia ya tigbe na ulishi.

Elo ogbọ dobe ya li mhe?”‡

7 A pfi ẹloe bino eni e ralo na ẹ ena ẹlele. Eni e ri irudunga gue ungmehi oyi Ẹshinẹgba ye ẹ. A sa je abi e li ngeli ramhi ni

e rọ ghua, ni a ke khonya irudunga oyewe. 8 Ijesu iKirisiti, abeghuo ọ khi, ode, amo, ali agbọagbọ.

9 Khi zẹ ni osesẹ ẹgbhọli ọdoda e tsua ẹ udu vu. Irari khi okhale o ri udu oyawa ze-a, ọa khi ni a ri ushi eminale gbe akanya, ni ọa kpaghiẹ eni e rewe gbe akanya obọ. 10 Ama awa mhọli atete ni ekpodalo-ugamhi eyi Ẹshinẹgba na elemhi owa ugamhi oyi ẹgbọ iju ẹa mhọli afu ya rọte le emhi iluasobo. §

11 Eri Oni ọ kpeda na ekpodalo-ugamhi eyi Ẹshinẹgba oyi ẹgbọ iju ọọ tsua ọlia eyi elamhako lo elemhi Asha-no-Pfuase ne nya ya rọ luase obo shi olamhe irọtopfa, ama eri a rue eni idiegebe eyi eni elamhako fiẹ ifui apfe je odagbe ya tose-a.\* 12 Onana o zẹ ni ijesu ọ rọ li ghu-a shi ikhokho apfe, ni ọ rọ ri ọlia eyoli ri ẹgbọ khi eni e pfuase.

13 Irarigho, a zẹ ni awa lẹ deba li ikhokho apfe ni awa nu ọli mẹ omama ni ọ mẹ.

14 Irari khi agbọ oola, awa aa mhọli ẹoli ni o lao agbọagbọ, ama ẹoli ni o ya bhale awa ri ukpelo shi ekẹ ẹ khe. 15 Awa ri irarigho rọte ijesu ke ri iluasobo ikuẹghie na Ẹshinẹgba. Ini awa ligho, eri awa pfi otselẹ shi ọ khi loli ọ khi Onomhue. 16 A khi yele onete iriele-a, ali ni a gbo ke kpaghiẹ egbe obọ, irari khi enana khi iluasobo ni e liẹ ti Ẹshinẹgba ẹloe.

17 A ke suo esọ na eni e ralo na ẹ, a ri egbe ẹ tiemie na omhẹsẹ oyewe. Eri e ri ukpelo shi ẹ egbe abi eni e ya rokhasẹ abi e li gbe. A ke suo esọ na wẹ ni akanya ni ẹẹ gbe o ri oghelẹ na wẹ, ini o khi khi itsua na wẹ, irari khi u wa mhọli eleli ni u ya mẹ ọ. 18 A ke lema na anye. Anye lẹsẹ khi udu oyanye o pfuase, anye gbolo ẹ ngeli ke mu ekpẹ shi egbe anye egbe odekhode. 19 Mhi gbo ga lolo lema ẹ, a lolo lema Ẹshinẹgba ọ gbo remhe kele nyene egbe bhale deba ẹ. 20 Mhi lema Ẹshinẹgba ọna opfomhe, oni ọ ri ọlia oyi ishobọ na agbọagbọ rọte eghuli guise ijesu Onomhue le, ikhi Orisumha-kia oniemhi oyi isumha ogho. 21 Ọ ri eminente nya shi ẹ egbe ni a rọ ke riele oghuẹmhe oyoli. Ọ gbo gbe

‡ 12:25 Li zẹ Okiali 20.22 § 12:26 Li zẹ Agai 2.6 \* 12:29 Li zẹ iDeut 4.24 \* 13:2 Li zẹ Igbae 18.1-8; 19.1-3

† 13:5 Li zẹ iDeut 31.6,8; iJosh 1.5 ‡ 13:6 Li zẹ Iwolo 118.6 § 13:10 Emini onana o ngme khi, ‘Awa mhọli atete ni o khi apfida ni ijesu ọ la ri idiegebe oyoli luasobo. Ama ẹgbọ ni ẹẹ sa khi iluasobo ni a luase elemhi owa ugamhi oyi ẹgbọ iju, e te ya mhọli imiepfuese, ẹa mhọli okemhi shi oni atete ona.’ \* 13:11 Li zẹ iLev 16.27

ikanya eni e ti ọli ẹloẹ shi awa egbe, rọte obọ oyi iJesu iKirisiti, ni ọ mhọli ufumhi na agbọagbọ. Atẹ.

<sup>22</sup> Inyọghuo-mhẹ, mhi lema ẹ, a kuegbe-a ri esọ shi oni usomhi irudushọ ona, irari khi ebe ni mhi kẹkẹ ghi ẹ ena ọa lolo nuata.

<sup>23</sup> Mhia nono ni a lẹsẹ khi a she rue iTimoti inyọghuo awa ọgba ighumha lasele. Ini ọ kẹlẹ bhale, mhi ya rọli bhale ya mẹ ẹ.

<sup>24</sup> A tẹ eni ẹẹ ralo na ẹ nya, ali ẹgbọ eyi Ẹshinẹgba nya. Inyọghuo awa eni e la Itili ẹẹ tẹ ẹ.

<sup>25</sup> Okhale oyi Ẹshinẹgba o ka nu ẹ nya la. Atẹ.



## Ebe ni Ijemhisi O keke

<sup>1</sup> Mhemhe ijemhisi ni mhi khi oni o o ga oyi Eshinegba ali oyi iJesu iKirisiti Onomhue mhia keke ebe ona ghi egbo eni e miesuo, ni e la edeli igbeva eyi egbo iZireni, ni e gbhiaku elemhi eke agbo nya.\*

Mhi tse e.

### *Ke ghele elemhi imufe*

<sup>2</sup> Inyoghuo-mhe, leli oli shi emhi oghela ini imufe ododa e bhale debe. <sup>3</sup> Irari khi u lese khi ini a da mu irudunga oye fe bino ne, iregbemie oye o ya me asha fu-a shi o. <sup>4</sup> Zobe ni iregbemie oye o gbe akanya oyoli pfo, ni a mholi iwomhelo, ni o gba pfo, ni a khi eni ingeli enete ea baku. <sup>5</sup> Ama ini ongee o o nono egbhali, o mhila Eshinegba ni o pfo elemhi ro o na ogbokpa, ni o ya me umha-guekia oyi ogbo. O ya roli na li. <sup>6</sup> Ama ini o o mhila, o mholi irudunga ni o mhue akhokhomhe, irari khi oni mholi akhokhomhe, eri o li abi izughuse oyi oke oniemhi ni akpekpeli o pfi e kia. <sup>7</sup> Ogbo oghogho o khi sa khi loli me emhikhoghuo ya mie obo oyi Onomhue. <sup>8</sup> Ogbo ozidu eva o khi, o ya riela emini o mu ameh.

### *Epfue ali umhame*

<sup>9</sup> Eni e mie iJesu iKirisiti suo ena umhame e ke ghele irari khi e ma ghale ukpeloe oyi Eshinegba. <sup>10</sup> Igbaa oyi eni e mie iJesu iKirisiti suo ni e pfue, e ke ghele ini agbo o ke ti we tiemhile. Irari khi eri epfue e ta a kua abi udodo. <sup>11</sup> Irari khi ini ovoo o ngale khi oo to, eri oo tose ebuli a, e khakha-a, idodo eyewe e de kua, isomhotse eyewe o yese a. Igho, oni o pfue o li ya ta kua, abi o li na ya nga na ya tiemhi shi akanya oyoli.†

### *Imhese-bino ali imufe*

<sup>12</sup> Ikhivose o khi na ogbo ni o kie migha ini o mholi imufe, irari khi ini o dobe ri egbe mie, o ya mie arula oghie oyi agbo na

agboagbo, ni Eshinegba o she shobo khi loli ya ro na eni e nono ingme oyelue.

<sup>13</sup> Ini a mu ogbo ligo fe bino, o khi lie khi, "Eshinegba o mu mhe e fe." Irari khi ogbo o ri onobe ya dobe mu Eshinegba fe, wekhi eri loli o mu ogbokhoghuo e fe bino. <sup>14</sup> Ama oghuemhe eyawa ni e di awa mu, e ri awa mholi imufe. <sup>15</sup> Egheghe agho oni oghuemhe o kha me, o bia olamhe, ini olamhe o fu, khi o te, o bia eghuli.

<sup>16</sup> Inyoghuo-mhe a khi ze ni a di e. <sup>17</sup> Isomhi-opfa onete kpa ni o gba pfo, idane o te bhale, obini oyi Ita ni o ma ikpa na idane, o rote e tiemhile. Oni o ya mu pfi abi aroro ni oo je oola je oobo. <sup>18</sup> Oghuemhe oyoli o ro ri ungmehi igesikia oyoli ri awa bhale agbo, ini o me asha ri awa khi imomhi eni odode elemhi emini o ma nya.

### *Isuo-ungmemhi oyi Eshinegba ali iroli-gbe akanya*

<sup>19</sup> A sato ona inyoghuo-mhe, ogbokpa o kele ke suo ungmehi, ama o khi kele ke ngme unu, o khi gbo kele ke mhue elemhi ibibi. <sup>20</sup> Irari khi elemhi ibibi oyi ogbo o ri ogbo o mholi igue-ngeli oyi Eshinegba <sup>21</sup> Irarigho, a ti egbe ingeli ichimhi-a ali ingeli ingmobe ni e sha e ma-a. A ri egbe e tiemhile na Eshinegba, a ri eloe shi ungmehi oyoli, ikhi oni a ro ko e udu, ni o dobe ya mie e pfuese. <sup>22</sup> A khi khi eni e lese ri eso suo tse ni ee di egbe we, a ri ochogho ke ri emini a suo gbe akanya. <sup>23</sup> Oni o ri eso suo oni ungmehi ni o riela emini o ngme, eri o li abi oni o le ya bino egboli ughegbe abi loli li. <sup>24</sup> O kha bino egboli se, o vu agho le, aghoagho o yele abi o li-a. <sup>25</sup> Ama ogbo ni o bino elemhi ushi ni o gba pfo ni oo rue ogbo o le, ni o kiele e riela emini o ngme, ni o ya yele-a abi oni ushi o ngme, a ya khivose na li emiemini oo riela kpa.

<sup>26</sup> Ini onge e o rue egboli khi ona ugamhi loli khi, ni o ro lolo mu elemhi oyoli mhue kpere, egboli oo di. Ugamhi afue oo ga. <sup>27</sup> Ugamhi ni o pfuase ni o mholi ifue ni Eshinegba Ita awa oo mie loli o khi, ni u ro ri ukpeloe khu imi-olimhi ali esamhi-olimhi

\* 1:1 Li ze iMat 13.55; iMak 6.3; Ika 15.13; iGal 1.19 † 1:11 Li ze Aza 40.6-7

ini ẹẹ me osoli. Ali ni ọgbọ ọ mu egbọli ini agbọ o khi ri ichimhi mu ọli.

## 2

### *A khi zọlọ egbe ẹ*

<sup>1</sup> Inyoghuo-mhẹ, ini u mie iJesu iKirisiti Onomhuẹ oyawa ni ọ mhọli ufumhi oniẹmhi suọ, a khi riẹlẹ khi ọnana ọ kpe mhẹ nẹ. <sup>2</sup> Ini a fẹ bhale ya ẹ khi ọgbọ ni ọ pfue ni ọ sọ ukpekhuili oyi igolu ali ide eni e somhotse, ọ lo ilegba oyẹẹ le, ali ni a rọ gbo mẹ khi ọna umhamẹ ọ sọ ijejẹ ide li lole. <sup>3</sup> Ini u ri ekpẹ na ọni ọ sọ itsua ni e somhotse nẹ, ni u rọ liẹ ọli, “Bhale ya shito ashini o ti nẹ,” ni u rọ liẹ ọna umhamẹ, “Migha oobọ,” okekha khi eri u wẹ ọli, “Shito ekekhe epfe awẹ eyemhẹ.” O fẹ ti ghọ? <sup>4</sup> Aa she riẹlẹ azọlọmhẹ deba egbe ẹ eghọ? Aa gbolo ri isamhi ebe ẹ gue egbe ẹ ezọ eghọ?

<sup>5</sup> A ri esọ shi mhẹ eke inyoghuo-mhẹ, ọa khi eri Eshinẹgba ọ she zẹ ena umhamẹ ukpẹloe agbọ, ni e mhọli epfue oyi irudunga, ali ni e mhọli okemhi shi ugu eghiele ni ọ rọ shobọ na eni e nono ingme oyọli? <sup>6</sup> Ama u she mẹ ena umhamẹ bie. Ọa khi eri eni epfue e li ẹ le? Ọa khi wẹwẹ e rẹ ẹ ye ikotu? <sup>7</sup> Ọa khi wẹwẹ ẹ ri unu ẹ yese eva onete oyi iJesu iKirisiti-a ọni a kugbe ọ?

<sup>8</sup> Onete wa riẹlẹ ini u ri ushi ni o mu egbe nẹ nya, ni o la Ebe-no-pfuasẹ gbe akanya, ni ọọ, “Nono ingme oyi ọnuzava oyẹ abi u li nono ingme egbe ẹ.”\* <sup>9</sup> Ama ini u riẹlẹ azọlọmhẹ, u she lamhẹ, ushi o gbo pfa ezọ mu ẹ khi ọni ọ gbe ushi-a u khi. <sup>10</sup> Irari khi ọnini ọ da ri ishi nya ghue ni ọ pfi dọ elemhi ushi oghuo tse, ishi enekpọle nya ọ gbe-a. <sup>11</sup> Irari khi ọni ọọ, “Khi kia okia.” Lọli ọ gbolo ẹ, “Khi gbe ugbeli.” Ini u wa ririẹ kia okia, ni u rọ da gbe ugbeli ne, ọgbushia u khi.†

<sup>12</sup> A ke ngme ungmehi, àà ngeli abi ẹgbọ eni a ri ushi inono ya gue wẹ ezọ, ikhi ushi oni o ri epfua a na ọgbọ. <sup>13</sup> Irari khi Eshinẹgba ọa ya mhọli ilẹlemhi na ọgbọ ni ọa ya mhọli ilẹlemhi, ẹlẹ ni Eshinẹgba ọ rọli ya gue ezọ. Irari khi ini u mhọli ilẹlemhi, eri u ya ke ghele ini a rẹ ẹ gue ezọ.

### *Irudunga ali iro-gbe akanya*

<sup>14</sup> Inyoghuo-mhẹ ini ọgbọ guele khi lọli mhọli irudunga, ni ọa rọ mhọli iro-gbe akanya, onete onoghuo o ya li nali? Imiesuọ oghoghọ ọa ya dobe tsumhi ọli? <sup>15</sup> Ini a fẹ bhale ya ẹ khi inyoghuo awa ọni omose okekhi ọkpoto ọa mhọli itsua ni a sọ ali eminale ni ọ ya le ogbele. <sup>16</sup> Ni ọngẹ ọ rọ gueye ọli, “Ke vu, o ya ti nẹ, Eshinẹgba ọ khi zẹ ni ulili ali okiamhi o nẹ osoli”, ni ọa rọ mhọli emhi khoghuo ni ọ riẹlẹ na, ighe onete ni o riẹlẹ? <sup>17</sup> Eri o li abinẹ khi ọgbọ mhọli irudunga ni ọa rọli gbe akanya. Irudunga luẹghuo tse ni a ri akanya ma, irudunga oni o ghu-a o khi.

<sup>18</sup> Ama a dobe ya mẹ khi ọgbọ ọọ li, “U mhọli irudunga, mhemhẹ mhi gueye ọli khi iro-gbe-akanya mhi mhọli.” Ri irudunga oyẹ khasẹ mhẹ ni ọa mhọli akanya igbegbe, mhemhẹ mhi ya ri emini mhi riẹlẹ rọ ri irudunga oyemhẹ khasẹ ẹ. <sup>19</sup> U miesuọ khi Eshinẹgba ọghuo ọ khi, oo ti gba. Egbegbi ayemhẹ eyi ọkphaghie e mie ona suọ, ẹẹ na ulishi, ẹẹ guọ. <sup>20</sup> Yeye omose ọoyeghe, eri u wa nono ni a gbo gue ọli ke ye, khi irudunga ni ọa mhọli akanya igbegbe, khi afue o khi? <sup>21</sup> Ọa khi emini ititawa Aburaamu ọ riẹlẹ a rọ rọli liẹ khi ọni ọ pfuasẹ ọ khi, abi ọ rọ ri omi ọli Aziki luasẹ obo ukhomhi atete?‡ <sup>22</sup> U mẹ ọli khi irudunga ali iro-gbe-akanya oyọli e ga gbe akanya kugbe, emini ọ riẹlẹ o ri irudunga oyọli gba pfo. <sup>23</sup> Lọli o zẹ khi emini Ebe-no-pfuasẹ o ngme o rọ bhale ya tse ni ọọ, “Aburaamu ọ mie Eshinẹgba suọ, a leli ọli nali shi ipfuasẹ”, A lu ọli omole Eshinẹgba.§

<sup>24</sup> U mẹ ọli eghọ khi emhi ni ọgbọ ọ riẹlẹ a rọ liẹ khi ọgbọ ọna ipfuasẹ ọ khi, ọa khi irudunga tse ọgbọ ọ rọ khue pfuasẹ. <sup>25</sup> Ighọ o gbo li egbe oyi iRé-àbu ni ọ khi adegbe. Emini ọ riẹlẹ o rọli khue pfuasẹ odalo oyi Eshinẹgba. Abi ọ li mu ẹgbọ iZireni ni e bhale ya tokpẹ eke bino epfese. Ni ọ gbo kpaghie wẹ obọ ni e rọ mẹ asha na rọte odẹ oboese vu.\*

<sup>26</sup> Irarighọ, abi idiegbe ni ọa mhọli ayemhẹ o li khi oni ghua, ighọ irudunga ni ọa mhọli akanya o li khi oni ghua.

\* 2:8 Li zẹ iLev 19.18 † 2:11 Li zẹ Okiali 20.13,14; iDeut 5.17,18 ‡ 2:21 Li zẹ Igbae 22.1-14 § 2:23 Li zẹ Igbae 15.6; 2 Okhe 20.7; Aza 41.8 \* 2:25 Li zẹ iJosh 2.1-21

### 3

#### *Ekpabọ oyi eḷemhi*

<sup>1</sup> Emọle mhe, eḷ nya a khi ya khi eni eḷ seḷe, irari khi a leḷe khi anye ni anye khi eni eḷ seḷe eḷgbọ, a ri ezo oni o ze ne nya na ya gue. <sup>2</sup> Awa nya awa mholi ashini awa te pfi do. Ama ini oḷgbọ ọa pfi do elemhi ungmehi oyoli ghue, oḷgbọ oni o gba pfo o khi, ni o doḷe e mheḷe ni idiegbe oyoli nya.

<sup>3</sup> Eri a so achi aghekpe unu ni o ke suo eso na awa, loḷi o ze khi awa doḷe nga li e je obini o ghole awa. <sup>4</sup> Gbo li sa ingme oko oko oniemi bino, ashini o gbedi ramhi egho, ni o khia khi akpekpeli oniemi o kha rie e li, ukuku akhuli, oni oo gua li o ro mu oli ukhomhi e pfi je obiobini o ghole oli. <sup>5</sup> Igho eḷemhi o li li. Ashini o she ramhi elemhi idiegbe oyi oḷgbọ, o ma pfi okhorobo.

Sa o ghue, abi ukuku akhuere o lie ma ere osha. <sup>6</sup> Eri eḷemhi o li abi erali. Emhi obe o khi ni o la elemhi idiegbe oḷgbọ. Eri oo yese oḷgbọ-a nya ode khi ode. Ilimhi iriere oni erali ogho o te bhale eḷemhi.

<sup>7</sup> Elamhako nya e ze e mu abo, ghe ipfeli o, ghe eni e tialo akpidi eke o, ghe elamhako ena oko o, oḷgbọ o doḷe e mu we abo. <sup>8</sup> Ama oḷgbọ khoghuo ọa doḷe ya mu eḷemhi abo. Eri o li abi osue enye obe ni oo gbe.

<sup>9</sup> Oni eḷemhi awa ro o kueghie Ita awa Onomhue. Loḷi awa gbo ro o ku itse na eḷgbọ ni a ro khokho Eshinegba ma.\* <sup>10</sup> Ikuēghie ali itse ikuku e roḷe unu oghuo e lasele. Oa kha khi igho inyoghuo-mhe. <sup>11</sup> Ame eni e ti unu ali ame ni ea ti unu ea doḷe ya roḷe unupfie oyi oko oghuo ke chocho lasele. <sup>12</sup> Inyoghuo-mhe, okhua-eni o fe doḷe ya mo udumhi olivu? Wekhi eri olomu iba o doḷe ya mo udumhi okhua-eni? Igho oko oni oo chocho ame ugbheli, ọa doḷe ri ame eni e ti unu ya lasele.

#### *Iku ileḷingme eva*

<sup>13</sup> Oghuo o elemhi e o khi otsegbhe ni o mholi ilese? Oni oḷgbọ o ri angeli onete oyoli roli khase, ikhi onete ni o ri iregbe-tiemhile ni o roḷe ileḷingme bhale riḷe. <sup>14</sup> Ama ini u mholi ayemhe ubogbo ali emhi-itoegbe shi udu oye, khi vuse ipfua shi o, ni u roli

khi oni igesikia. <sup>15</sup> Ileḷingme oghoghọ ọa khi iloghie o te bhale, ama onayi agbo ona o khi, ni ọa roḷe Ayemhe-no-pfuase bhale, elemhi ayemhe oyi okphaghie o te lasele. <sup>16</sup> Ashini ubogbo ali emhi ituegbe o da la ne, ozughu ali emhi ebe ododa, e ma la akaghọ. <sup>17</sup> Ama eḷgbhe ali ilese ni o te idane bhale, eri o kpe te eke pfuase, o nono opfomhe. Eri oo kuegbe-a, o ri egbe oli e tiemhile na oḷgbokpa pfo, o mholi elemhi-iamhe, o ri umomhi angeli onete e khase. Oa ya gbe azeba, o mholi igesikia. <sup>18</sup> Eni e nono opfomhe ni e ri ayemhe opfomhe ri onete ko, ikhiese oyi ipfuase ee me.

### 4

#### *A ri egbe e na Eshinegba pfo*

<sup>1</sup> Elo oo pfi okhọli ali uwola a na e? Oa khi itobọ oghuemhe, ni e la e udu nu e a khọli o ze ni a ro nu egbe e khọli? <sup>2</sup> Emhi oo ghole e, ama aa mholi oli. A gbe ugbeli, a mholi eloe-iamhe ama a doḷe mholi emini ee ghole e. A kha wola, a khọli. Aa ya mholi emini a nono, irari khi aa mhila Eshinegba. <sup>3</sup> A kha mhila, aa ya me mie, irari khi usamhi obe a ro shi udu ke mhila, ini a ba me asha ri emini a mhila ro li agbo shi egbe.

<sup>4</sup> Ee ni a khi eḷgbọ ni e li abi okpotso ni oo kia okia, eri aa leḷe khi ini emhi agbo o ghole e dose, khi obe Eshinegba a khi? Oni o da ze agbo ona omole ne, obe Eshinegba o khi. <sup>5</sup> Eri u dabi khi afue Ebe-no-pfuase o ngme oli khi, eri ayemhe ni Eshinegba o ro shi awa egbe oo kpe ofuma eḷgbegbo, ni o khia khi eri oo nono ni awa khi oyi Eshinegba pfo nya. <sup>6</sup> Ama eri Eshinegba o khi ma okhale na awa. Onana o ze ni Ebe-no-pfuase o ro lie,

“Eri Eshinegba  
o mu okhọli e vule shi  
oni o ti egbe oli e nga o.

Oo somhi elemhi

oni o ti egbọli e tiemhile.”\*

<sup>7</sup> Ri egbe e tiemhile na Eshinegba pfo nya. Tseḷe ku okphaghie o ti kia ne, khi o ya na ne. <sup>8</sup> Ti bhale deba Eshinegba, khi o ya ti bhale deḷe. A kpe abo eye e-a, ee ena olamhe, a ri udu oye e shi eni e pfuase, ee ezidu-eva. <sup>9</sup> Viḷe osoli, viḷe oya, mu egia oye mele evie-a,

\* 3:9 Li ze Igbae 1.26 \* 4:6 Li ze Ekpi 3.34

u gbo mu oghelẹ oye pfi bhale iyese udu-a. <sup>10</sup>Ti egbe ẹ tiemhile odalo oyi Ọnọmhuẹ, khi ọ ya ti ẹ nga.

<sup>11</sup>A khi ke yese egbe eva inyoghuo-mhẹ. Ini u da yese ọnuzava oye ni a ga mie iKirisiti suo eva-a ne, ni u ro da gue ọli ẹzo, ushi wa ze ifue, ni u wa gue ẹzo. Ini u gue ushi ẹzo, wa ke khi ọni ọ ri ushi ẹ gbe akanya! Ama ọni ọ gue ọli ẹzo u ke khi. <sup>12</sup>Ẹshinẹgba lẹlighuo tse ọ khi ọni ọ rue ushi na agbo ni ọọ gue ọgbọ ẹzo egbe-a. Lẹlighuo tse ọ dobe a tsumhi, ni ọ dobe a gbe-a. Ọghuo u sa khi u khi ni u wa gue ọgbọese ẹzo?

### *Awa khi ke tonu obọ udu*

<sup>13</sup>A suo mhẹ, yeye ni u we, “Amo okekhi akọ awa ya ye ẹoli ona okekhi ogho, awa ya la oobọ elemhi ukpe oghuo, awa la oobọ gbe akanya ona ali ogho, awa gbe ukpago tima.” <sup>14</sup>Waa lese emini ogbe na akọ o ngme ne, wekhi emini a ya me akọ. Se u lese abi agbo oye o ya li? Eri u li abi otughunu ele uzogbe ni ọọ lasele ukuku eghẹghe, o gbo kala-a.† <sup>15</sup>Eri u kha ri ochoghọ lie, “Ini o ghole Ọnọmhuẹ, awa ya la agbo, awa li ona ali ogho.” <sup>16</sup>Mena eri u wa tonu obọ udu, waa ti ipfuabọ nga. Itonobọ-udu eghoghọ nya ẹa gbe akanya.

<sup>17</sup>Irarigho, ọnini ọ da lese onete ni ọ kha rieḽe ni ọa ro da rieḽe ọli ne, olamhe o khi na li.

## 5

### *A tse agua ye eni e pfue, ni ẹẹ nase eni ẹa pfue.*

<sup>1</sup>Ghe ii, ẹẹ eni a pfue, a vie, a vie oya irari osoli ni ọọ bhale na ẹ. <sup>2</sup>Ẹpfue eye ẹ, e she ke a, ali khi esele e she re ẹ ide le. <sup>3</sup>Igolu ali elomho eye ẹ, e she mu ọghuoghua. Ọghuoghua ni e mu, e ya pfi ọsele mu ẹ, a ya na ẹ osoli to ọ irari khi u ti ikpago ma leghe na egbe ẹ ya ramhi memena.\* <sup>4</sup>Waa fali ẹgbọ eni e gbe ikanya ishemhi oye ne ifata ne. Ẹẹ vie, ẹẹ wolo. Evie oyi eni e nu ẹ khiḽe itsua ishemhi, o she ramhi eso eyi Ẹshinẹgba ni ọ fune nya ni ọ mhue ekholi-okhue na iloghie.† <sup>5</sup>Eri u la agbo ẹ li agbo nyafunafu, u li agbo ọ tsua kua. Wa le

okpo, ali ofolo, u gbẹdi-a looghọ abi elamhi ni a mu ya gbe-a. <sup>6</sup>U she pfa ẹzo ugbeli mu ẹgbọ eni ẹa mhue abi e li, u gbolo we-a. We we na, ẹa dobe lie khi we we a lama shi ẹ ọ.

### *Irabomudu elemhi osoli*

<sup>7</sup>Irarigho, inyoghuo, ri abọ mudu ramhi ibhale oyi Ọnọmhuẹ. Bino ghue abi oghiale ọ lie migha khe eghẹghe ni ishemhi e la bie. Abi ọ li ri abọ mudu ni otsukpe o de, ni oruame o ro le. <sup>8</sup>Yeye li ligho ri abọ mu udu abi oghiale. Lolo ri ukpeloe shi eke, u migha gbagbagba irari khi ibhale oyi Ọnọmhuẹ o ti bhale.

<sup>9</sup>A khi ke me umha-gueli oyegbe inyoghuo-mhẹ, ini a khi gue ẹ ẹzo. Ọsozo ọ ga ti mama awa memena.

<sup>10</sup>Inyoghuo-mhẹ, a ke khonya emekeguele ni ẹẹ ngme na Ọnọmhuẹ. Eri e ri abọ mudu ini o rie khi e ya me osoli. <sup>11</sup>A she kpe lese khi eni a khivose na, anye ẹ lu ẹgbọ eni e ri egbe ẹ mie. A she kpe suo eko iJobu abi ọọ ri egbe mie tese. A me emini Ẹshinẹgba ọ rieḽe na li ikpukhokho. Ọnọmhuẹ, ona ilelemhi ọ khi.‡

<sup>12</sup>Inyoghuo-mhẹ, oni o mu egbe ne nya khi, khi romhi iloghie ali eke agbo ali emhese. Ze ni, “Ii oye o khi ii, u ze ni iye oye, o khi iye.” Ini a khi me asha pfa ẹzo mu ẹ.§

### *Iromhi ni a ri irudunga so*

<sup>13</sup>Ini onge ọ la elemhi ọmunu, ọ lema Ẹshinẹgba. Ini onge ọọ ghele, ọ to uwolo ikueghie. <sup>14</sup>Ini onge ọọ ghua, ọ ka lu egbhali ni e la igbaa oyi eni e mie iJesu iKirisiti suo, ni e so iromhi na li, e ri eva oyi Ọnọmhuẹ ri oili to ọli egbe.\* <sup>15</sup>Eghẹghe agho, ni iromhi ni e ri irudunga so, ni o ri ọli ze. Ni Ọnọmhuẹ ọ rote ughuamhi mu ọli vule. Ini ọ lamhe olamhe, Ọnọmhuẹ ọ ya ro topfa li. <sup>16</sup>Irarigho, a zono olamhe eye ẹ ye egbe ẹ, a lema na egbe, ni a re ẹ ze. Eri iromhi oyi ọgbọ ni ọ la ipfuaḽe o migha a gbe akanya egbegbo.

<sup>17</sup>Ọgbọ onabi awa, Elaja ọ khi. Eri ọ te ekelemhi udu lema egbegbo. Ọọ amẹ o khi rue, amẹ o mu oni eke elemhi ikpe ese ali

† 4:14 Li ze Ekpi 27.1 \* 5:3 Li ze iMat 6.19 † 5:4 Li ze iDeut 24.14-15 ‡ 5:11 Li ze iJobu 1.21-22; 2.10; Iwolo 103.8 § 5:12 Li ze iMat 5.34-37 \* 5:14 Li ze iMak 6.13 † 5:17 Li ze 1 Ighie 17.1; 18.1 ‡ 5:18 Li ze 1 Ighie 18.42-45

ukhukhui.† <sup>18</sup> Ọ gbo lema, ọọ amẹ o ruẹ,  
amẹ o ruẹ, eke o ri emhi ẹkọmhi zẹ lasele.‡

<sup>19</sup> Ini ọngẹ ẹ ọ pfi egbegbi ode oyi  
Eshinegba shi eke, no ọgboese ọ rọ mu ọli  
nyene bhale ukhokho, <sup>20</sup> sato ọ khi, ọnini ọ  
mu ọna olamhe rọte ode ẹgbhọli oyọli pfi, ọ  
ya tsumhi ayemhe oyọli obọ eghuli, ọ guese  
olamhe ebubu na li. §

## Ebe onodode ni iPita O keke

<sup>1</sup> Mhemhe iPita aghiusomhi na keke oyi iJesu iKirisiti mhi keke ebe ona ghi e egbo ni Eshinegba o ze, ni a khi epfese shi elemhi eke agbo, ni a miatse ku asha khi asha eke iPontusi, ali iGalesha ali iKapadosha ali Esha, ali iBitinia. <sup>2</sup> Eri Eshinegba ita o ze e abi o li ghole oli shi, o rote ikanya eyi Ayemhe-no-pfuase khuese-a pfuase ni a ke suo eso na iJesu iKirisiti ali ni o ri oia eyi iKirisiti re e khi egbo oda shi ugamhi oyoli.

Opfomhe ali okhale ni e gbeku o, e ka nu e la.

*A kueghie Eshinegba shi Irudushi ni o mhuē agbo*

<sup>3</sup> Awa kueghie Eshinegba, ita iJesu iKirisiti Onomhuē. Itobo ilelemhi oniemi ni o mholi na awa o ro rote eghuli guise iJesu iKirisiti le. Onana o ri agbo onogbo ali irudushi ni o mhuē agbo na awa. <sup>4</sup> Loli o li ri awa ri eloe shi eke e ke ugu ni Eshinegba o ro shi agho o ke egbo eyoli. Iloghie o re we shi ne, ni o khi asha ni ea la ke-a, ni ea la pfueche, wekhi eri e ya taa. <sup>5</sup> Eye e eni ugu ena e khi, ikhi ee ni a mholi iregbenga, ni Eshinegba o ri ekpabo eyoli khukhu shi e ke imiepfuese, ikhi imiepfuese ni a ya rokhase ikpukhokho agbo. <sup>6</sup> A ze ni onana o ri egbe ke mu e ini o tseku khia khi a ya mholi iyeseudu-a ukuku eghenge irari imhese bino ebubu ni a ya me. <sup>7</sup> Eri a ri ena mu e fe bino ni a me ini egbegbo irudunga oye e o khi. Igotu ni o li opfu-a, erali a ro o mhese oli bino ni a me ini egbegbo o khi. Igho a ya li mhese irudunga oye ni o mu eloe dose igolu bino, ni a me asha mie ekpe ali ikueghie ali ufumhi ele ni iJesu o ya nyene egbe bhale. <sup>8</sup> A nono ingme oyoli, a gbo mie oli suo, aboriekhia khi aa me oli eloe ghue. A mholi oghelē oniemi ni unu o dobe e ngme. <sup>9</sup> Itobo khi u mholi imiepfuese elemhi ayemhe oye, o ze khi a miesuo, a regbenga li.

<sup>10</sup> Eri emekeguele ngme ingme okhale ni o bhale deba e, e kuegbe-a guano bie abi Eshinegba o li ya mie egbo eyoli pfuese, onana o ze ni e ro ngme angme-shi-ekē oyi oni imiepfuese ona. <sup>11</sup> Ayemhe oyi iKirisiti ni o la emekeguele udu o gueye we abi iJesu o li ya me osoli, neni o ya me ufumhi oniemi, eghenge ni e ro ngme ungmehi ameguele. E rosheka guano ni e lese oghuo o ya khi oni iKirisiti ali abi eni ingme e ga li ya de nyaa. <sup>12</sup> Eshinegba o rokhase eni emekeguele khi o a khi itobo eleli oye a ro ri emhi ena khase we ama irari oye e. Memena, eni emekeguele e she gue eni ingme ena nya ye e, abi ekpabo Ayemhe-no-pfuase ni o rote iloghie bhale o li gue we ye we. Eri igeni e lili nono ni wewe e li me eni ingme ena.

*A ke la angeli ipfuase*

<sup>13</sup> Irarigho, a bino angeli bie ke ngeli ni a mu egbe shi ugamhi oyi Eshinegba, a ke te eloe eke, a ri udu oye e shi isomhelemhi ni a ya me ogbele ni a ya ri iKirisiti khase. <sup>14</sup> Abi eniye ni ee suo eso na Eshinegba ni o la iloghie, a khi nyene egbe ukhokho je angeli ni u kpe ngeli neni a lese ungmehi oyi Eshinegba. <sup>15</sup> Lese khi Eshinegba ni o lu e, o ma pfuase ni a li gho mholi ingeli ni e pfuase shi emiemi a riele nya. <sup>16</sup> Ebe-no-pfuase oo, "Ze ni u khi oni o pfuase, itobo khi mhemhe mhi pfuase."\*

<sup>17</sup> Ini o khia khi Ita wa lu Eshinegba ini u wa so iromhi, ikhi ita ni o a ya gbe azeba ini o gue ezō, ri ekpe ali ulishi ke ga li aborokhia khi opfese eke agbo u khi egho. <sup>18</sup> Irari khi a lese khi o a khi emhi nabi igolu ali elomho ni ee li opfu-a a ro pfa e shi eke, lase elemhi imu ali angeli afue le, ni eni e bia e e roshi eke na e. <sup>19</sup> Oia ni e ghale eyi iJesu iKirisiti, ni o khi omi osumha ni o a mhuē ichimhi, a ro luase obo na awa. <sup>20</sup> Eshinegba o ze oli neni a ma agbo, o gbo ri oli lasele khase egbo ikpukhokho agbo ni awa la ena, irari oye e. <sup>21</sup> Obo oyi iJesu a te mie Eshinegba suo ni o te eghuli guise oni iJesu le, ni o gbo ri ufumhi oniemi na li, irarigho a mholi irudunga ali irudushi na Eshinegba.

\* **1:16** Li ze iLev 11.44,45; iLev 19.2; iLev 20.7

<sup>22</sup> Aborokhia khi a she ri udu eye e khi eni e pfuase egho, abi a ri ungmehi igesikia a gbe akanya, ni a ro mholi inono na egbe e abi a ga miesuo, a kie ligho ke nono ingme egbe e. <sup>23</sup> Irari khi ungmehi oyi Eshinegba ni o mhue agbo na agboagbo a ro riele e bia, o a khi emini ee pfua a ro riele bia. <sup>24</sup> Ebe-no-pfuase o ngme ghohi,

“Eri egbo nya

e li abi ebuli.

Eri isomotse oyewe

o li abi udodo.

Ini ebuli o khakha-a,

udodo e de o kua.

<sup>25</sup> Ama eri ungmehi

oyi Eshinegba o lao agboagbo.”†

Ona o khi usomhi onete ni a tse abo ye e.

## 2

### *Eche ni o mholi agbo ali ushishi no pfuase*

<sup>1</sup> A she riele e bia, irarigho, khi kono onobe shi elemhi deba ogbo, khi ke lo eghohi, khi ke ngeli ingeli abamemhe, khi ke do ogbohoghuhuo okonyo ali khi ke ngme ungmehi yese ogbo-a. <sup>2</sup> Ochoghohi, ze ni angeli oye e e li abi oyi emofe. Okiamhi egbegbi ameh inyeli eyi ayemhe ni o khi ungmehi oyi Eshinegba, o ke gbe e. Eni a kha da, o ree fu shi imiepfuese, <sup>3</sup> mena ni a she mu Onomhuhue fe bino ni a me oli me khi o o ti.\*

<sup>4</sup> Abi a li bhale deba Onomhuhue ni o khi eche no mhue agbo, ni egbo e kie, ama Eshinegba o ze oli, o mu oli eloe. <sup>5</sup> Igho, ee abi eche ni e mhue agbo, a ro to owa ayemhe, ni a khi ekpodalo-ugamhi eyi Eshinegba ni e pfuase, ni a ke luasobo ena ayemhe eni e ghole Eshinegba, rote obo oyi iJesu iKirisiti.

<sup>6</sup> Irari khi Ebe-no-pfuase oo,

“A bino khi mhi ri

eche gbe eke shi iZayo,

echeli ebe ni o mu owa mhue,

ni mhi ze ni o mu eloe.

Oni o da ri egbe da li ne,

o a ya me omama.”†

<sup>7</sup> Irari khi eche ona oni o mu eloe o khi na ee ni a mie oli suo. Ama eni ea mie oli suo, o khi,

“Eche ni itsona e kie,

ni o tigbe mele oni

o mu eloe ne nya-a.”‡

<sup>8</sup> “Onana o kie gbo khi

eche ni ebubu egbo

e ya kholo awe shi

ukpokpomhi eche

ni o ya pfi we gbe.”

Itobo khi ea ri ungmehi oyi Eshinegba gbe akanya e ro de. Abi o kha li we o li egho. §

<sup>9</sup> Ama eni Eshinegba o ze a khi, ni a khi ekhemhuhue ni ee ga Eshinegba, ushishi na ipfuase, egbo enayi Eshinegba, ni a ro me asha ri ikueghie na oni o rote alo ebili lu e lasese bhale akpa ni o somhotse oyoli.\*

<sup>10</sup> Eghoghe ni o dose aa kpe khi egbo eyi Eshinegba, ama memena, egbo eyi Eshinegba a ke khi, aa kpe mholi ilelemhi na e, ama memena Eshinegba o she mholi ilelemhi na e.†

### *Ighumha eyi Eshinegba*

<sup>11</sup> Emole mhe, mhi lema e, ee abi epfese ni a la elemhi agbo ona, a lase oguhemhe ni e khi eyi olamhe le, ni e mu okhohi e vule shi isamhi eye e o. <sup>12</sup> A kie ke ngeli ingeli enete elemhi ifuabo oyi egbo ni ea miesuo. Ini e tseku e ze e unu, e kie ke me ingeli enete ni a ngeli, ni e ke kueghie Eshinegba, ogbele ni o ya bhale deba awa.

### *Iregbe-tiemhie na Enighie ali Ega eyawa*

<sup>13</sup> A ri itobo Onomhuhue ke ri egbe e tiemhie na eni ee mhesa nya ni a mu vule shi iteva egbo. Okekhi oghie ni o fune, <sup>14</sup> okekhi igovunohi ni oni oghie oo ghie o ke nase eni e pfido, ali e ke kueghie eni e riele onete. <sup>15</sup> Irari khi eri Eshinegba oo nono ni a pfi egbo okhohi okpe unu, rote angeli enete ni a ya ke ngeli. <sup>16</sup> A ke ngeli abi egbo ni ea mholi ozuode, ama a khi zudigba umha mholi ozuode oyee ke ngeli ingeli ebe. A ke ngeli abi eni ee ga Eshinegba. <sup>17</sup> A ke ri ekpe na ogbokpa. A nono ingme oyi egbo ni a ga ro khi ena irudunga. A ke na ulishi oyi Eshinegba. A gbo mu ekpe e na oghie.

<sup>18</sup> Ee ni a khi eni ee ga, a ri egbe e tiemhie eke na eni e khi ega eye e. O a khi ega ni

† 1:25 Li ze Aza 40.6-9 \* 2:3 Li ze Iwolo 34.8 † 2:6 Li ze Aza 28.16 ‡ 2:7 Li ze Iwolo 118.22 § 2:8 Li ze Aza 8.14-15 \* 2:9 Li ze Okiali 19.5-6; Aza 43.20,21; iDeut 4.20; 7.6; 14.2; iTato 2.14; Aza 9.2 † 2:10 Li ze Osia 2.23

eri opfomhẹ ngeli deba ẹ tse ama li shi eni ẹ ngeli angeli ni o ze deba ẹ. <sup>19</sup> Eshinegba o ya khivose ne ini u ri egbe mie osoli anasemhẹ ni u wa kha me, itobo khi u lese oghumhẹ oyi Eshinegba. <sup>20</sup> Eleli onoghwo o la o ini ogbo o me osoli shi umha-sueso ni o riele? Ama ini u wa me osoli shi onete ni u riele, ni u ro ri egbe mie oli, Eshinegba o ya khi vose ne shi o. <sup>21</sup> Irari onana Eshinegba o ro lu e, abi iJesu o ro me osoli na e ro ri angeli irokhokho shi eke na e ni a ke deba. A roshaka ke deba oni angeli. <sup>22</sup> Oa lamhẹ olamhẹ okhoghwo, wekhi eri a me khi o ngme ungmehi egbholi.† <sup>23</sup> Abi egbọ e ro tseku u tsue oli, oa tsue we shi o. Abi o ro tseku me osoli oa tsekha we. Ama eri o ri egboli mhọli Eshinegba obo, oni o guẹ so ezo shi ode igesikia.‡ <sup>24</sup> IKirisiti lolighwo o tsua olamhẹ eyawa shi egbe je apfida, ini awa khi ghu eghuli olamhẹ, ama ni awa la agbo igue-ngeli elemhi ipfuase. Utse ni a kuale oli o ri awa ze.\* <sup>25</sup> Eri a kpe la agbo abi osumha ni o waa, ama a she mu pfi deba Oni Orisumha-kia ni o khi oni o khekhe ayemhẹ o ye.†

### 3

#### *Angeli oyi ikpotso ni e la ughue ali odo we*

<sup>1</sup> Ee ni a khi ikpotso, a nyese ukhomhi na edo e, ishegho a khi me ongewe ni oa mie ungmehi oyi Eshinegba suo, ni eni edo e ri itobo ekpe ni a mhọli a na we ali angeli eyi e mu udu pfi, ini aa ke tseku ngme ungmehi unu lasela,\* <sup>2</sup> ini ee me angeli ipfuase ali angeli ekpe ni a ngeli. <sup>3</sup> Khi ze ni isomhotse oye o rote akhue idiegbe ri egbe khasa, ni a la do itsu shi ukhomhi dolodolo, ali ena igolu isoso ali igbano itsua ni e somhotse.† <sup>4</sup> Ochogho, ze ni isomotse oye o khi ona ekelemhi udu. Isomhotse ni oa ya taa, ni o khi ona ikuegbea ali ayemhẹ no pfomhẹ, ni o ghole Eshinegba ne nya. <sup>5</sup> Ina ikpotso eni elele ni e ri egbe da Eshinegba, e li ri egbe we shi isomotse, irari khi e nyese ukhomhi na edo we. <sup>6</sup> Abi iSera o li mu ekpe na odoli Aburaamu ramhi ni o ro lu oli, onomhuhẹ. Imi oni iSera a khi, ini a

da ngeli ingeli enete ne, ni aa ro da ze ni ulishi o mu e.‡

<sup>7</sup> Igho, ee edo, a guẹ ke ngeli deba ighue e. A ri iwomhelo nu we ke ngeli. A lese khi ea mhue ekpabo abi ee. A gbo lese khi eni e nu e mhọli okemhi shi isomhopfa oyi isomhelemhi oyi Eshinegba ni o mhọli agbo onogbo e li khi. A guẹ ri eloe ke khu we, ini emhikhoghwo o khi zu iromhi oyeede.‡

#### *Ime-osoli shi onete iriele*

<sup>8</sup> Ozukhomhi ungmehi oyemhẹ khi, ee nya a mhọli udu oghwo, a mhọli ilelemhi na egbe, a nono ingme egbe abi inyoghwo, a vie osoli ke na egbe, a ke ri egbe e tiemhile.

<sup>9</sup> Khi ri onobe fata onobe. Ini ogbo o tsue e, khi tsue oli shi o, ochogho so iromhi onete na li. Itobo khi eri Eshinegba o lue ni u khi ogbo oyoli, ni u le ikhivose ugu. <sup>10</sup> Irari khi, oni o da a nono

ni loli me agbo li  
ali ni loli mhọli  
ebubu ogbele enete,  
o khi ke ri elemhi oyoli  
ngme ingmemhi ebe,  
ali ingmemhi egbholi.

<sup>11</sup> O mema ya me  
ingmobe na,  
oo riele onete.

Oo mema ya ke  
nono opfomhẹ,  
o na khu oli.

<sup>12</sup> Irari khi eri ukpeloe  
oyi Onomhue o la  
egbo eni e guẹ ngeli egbe,  
eso eyoli e khueghie-a  
shi iromhi ni e so,

ama elemhi e ma bi  
Onomhue deba egbọ okhọlo.\*

<sup>13</sup> Oghwo o ya ri emhi obe li e, ini onete iriele o mema ghole e? <sup>14</sup> Ama ini u tseku me osoli shi onete iriele, ikhivose o khi ne. "Khi na ulishi ogbokhoghwo." <sup>15</sup> Ama a rote eke elemhi udu oyeede rue iJesu abi Onomhue oye e. A ke mu egbe shi eke eghẹghẹkpa, ini ogbokhoghwo o ya mhila e emini irudushi oyeede o migha nga, ni a gue oli ye we. Ama a ri ipfomhẹ-udu ali ekpe ke so we o.† <sup>16</sup> Zobe

‡ 2:22 Li ze Aza 53.9 § 2:23 Li ze Aza 53.7 \* 2:24 Li ze Aza 53.5 † 2:25 Li ze Aza 53.6 \* 3:1 Li ze Efi 5.22; iKolo 3.18 † 3:3 Li ze 1 iTimo 2.9 ‡ 3:6 Li ze Igbae 18.12 § 3:7 Li ze Efi 5.25; iKolo 3.19 \* 3:12 Li ze Iwolo 34.12-16 † 3:15 Li ze iMat 5.10; Aza 8.12-13



ni udu oye o pfuase ishegho ni eni e ngme onobe shi angeli onete oye abi oni o deba iKirisiti, e me omama ingmemhi ipfueche ogbo-a eyewe. <sup>17</sup> Ini o ghole Eshinegba ni u ro me osoli shi itobo khi u ri ele onete, o ti dose khi u me osoli shi okholo ni u ri ele. <sup>18</sup> Irari khi iKirisiti o ghu-a shi olamhe oyi ogbokpa utoghuo kpe, ikhi loli ni o pfuase, o me osoli na ena umhapfuase, ni o ro rue awa bhale ghi Eshinegba. A gbe oli-a alo gbugbugbu, ama o la agbo elemhi ayemhe, a ri Ayemhe guise oli le bhale agbo. <sup>19</sup> Elemhi ayemhe ni o la, o ro vu ya tse abo usomhi onete oyi Eshinegba ye iyemhe ni e la owa ighumha. <sup>20</sup> Iyemhe ena e khi eni ea suo eso, abi Eshinegba o ro ri abo mu udu, ni iNoa o ro khali oko-okoniemhi se. Egb o etu-olale kpele a pfuese elemhi oni ameh. <sup>21</sup> Oni ameh o migha shi ibatizi, ona o mie e pfuese memena. Oa khi ilese khu e ichimhi idiegbe-a, ama, imholi udu ni o pfuase deba Eshinegba ni o tsumhi e rote irrote eghuli guale oyi iJesu iKirisiti. <sup>22</sup> IJesu iKirisiti o she je iloghie, o shito epfe obo obita oyi Eshinegba, o mhese e na igeni ali afu ali ekpabo ni e la idane.

## 4

### *Angeli ni o mu pfi*

<sup>1</sup> Abi o ro khia khi iKirisiti o she me osoli idiegbe, a li mu egbe ni a li ya mholi angeli oghogho, irari khi oni o da ligo me osoli idiegbe ne, oa ke gbo mholi emini o ri olamhe e ri ele. <sup>2</sup> Rote memena je odalo elemhi agbo oye, khi gbo ze ni ogueme idiegbe oye o mhese ne, ochogho, ze ni u ke ngeli abi Eshinegba o li nono oli shi. <sup>3</sup> A she kpe pfuse ukpokpomhi egheghe-a je ukhokho ro o ri ele emini eni ea miesuo e ri ele. A la agbo itsebo ilili, idokonyo, idonyo yesegbe-a, ali idobie, ali ikia-ye-ukue ke da onyo, ali ilita igaga. <sup>4</sup> Ama memena, abo e sha we khi aa ke nu we a ri ele ikhiakhi-amhi emini ee ri ele, e ri itobo igho o tsue e. <sup>5</sup> Ama khi e mema ya gueye Eshinegba abi e li gbe, oni o ya gue egbo ez o, shi eni e la o ali eni e ghua. <sup>6</sup> Onana o ze ni a ro tse abo usomhi onete ye egbo ni e ghua, ni a ro gue

we ez o abi a li ya gue egbo na agbo ez o, ama eri e la elemhi ayemhe abi Eshinegba o la o.

### *Gue ri ukpelo ke khu isomhopfa eyi Eshinegba*

<sup>7</sup> Egheghe ni agbo o ro ya pfo o she ti ramhi ana. Irarigho, a bino angeli bie ke ngeli ni a do be toto obo iromhi isoso. <sup>8</sup> Oni o mema mu egbe ne nya khi, a nono ingme egbe e egbegbo, itobo khi eri inono oo khukhu olamhe ebubu.\* <sup>9</sup> A ke mu egbe e epfese, ni awolo oa la. <sup>10</sup> Ogbogbo o ri isomhopfa ni o mhue ke kpaghie onuzava oyoli obo, o ri igesikia ke ri eloe khu okhale oyi Eshinegba odekhode. <sup>11</sup> Ini ogbokhoghuo o mholi ungmehi ya ngme, o ke ngme ungmehi oyi Eshinegba. Onini o ya kpaghie ogbo obo, o ri itoto ni Eshinegba o ro na li ri ele oli. Ni a ro bhale ya e khi a rote obo oyi iJesu iKirisiti ri ikueghie na Eshinegba odekhode. Loli o mholi ufumhi ali ekpabo rote agbo agbo ya je agbo agbo. Atse.

### *Ime-osoli irari khi u miesuo*

<sup>12</sup> Emole mhe abo e khi sha e shi omufe ni o toto ni a me, abine khi emini aa kpe me ghue a me. <sup>13</sup> A ri ochogho ke ghele khi a li nu iKirisiti me osoli ni o me. Egheghe agho ni a mholi ogheloniemhi, ini a ri ufumhi oyoli khase. <sup>14</sup> Ini a ri itobo eva oyi iKirisiti ee tsue e, ikhivose o khi ne, irari khi Ayemhe oyi ufumhi ali oyi Eshinegba o nu e la. <sup>15</sup> Ini u me osoli, khi ze ni a bhale ya e khi itobo khi u gbe ugbeli ali itobo khi u do ighiato, wekhi angeli ikpamhika ali itashingme u ro me osoli. <sup>16</sup> Ama ini u wa me osoli abi oni o miesuo, khi ze ni omama o mu e, ama ke kueghie Eshinegba irari khi u wa yemhe eva oyoli. <sup>17</sup> Irari khi egheghe o she ramhi ni iguezo o ro ya rote Owa oyi Eshinegba ya gbaekele. Ini o te awa egbe gbaekele, se o ke beshi ya li eni ea mie usomhi onete oyi Eshinegba suo egbe? <sup>18</sup> Abi Ebe-no-pfuase o ngme o li khi, "Ini o ya munu ni a ro tsumhi ogbo ni o gue e ngeli, se o ke bie ya li egbo okholo ni ea mholi Eshinegba egbe?"†

‡ 3:20 Li ze Igbae 6.1-7.24 \* 4:8 Li ze Ekpi 10.12 † 4:18 Li ze Ekpi 11.31

<sup>19</sup> Irarigho, eni eḡ me osoli, abi o li ghole Eshinegba shi, e ri egbe we mholi Eshinegba ni o ma we ni o ze ri egbe e nga obo. E kie ke gbe ikanya enete.

## 5

### *Ude ni a ye Egbhali ali ozele*

<sup>1</sup> Mhi lolo ye e ude, eḡ ni a khi egbhali abi mhemhe mhi li khi ogbhali, ni mhi ri eloe me osoli ni iJesu o me, ni mhi gbo li ya mholi okemhi shi ufumhi oyoli ini o nyene egbe bhale. <sup>2</sup> A ri eloe ke khu isumha eyi Eshinegba ni a ro nga e obo. O ga pfo e udu ke ri eloe khu we. Oa khi irari eleli ni u ya me o tse, ama abi obo ni o mholi oghumhe ugamhi oyi Eshinegba.\* <sup>3</sup> Khi ri itoto mheshe na egbo ni Eshinegba o ro nge obo, ochoghoh angeli o ye o khi irokhokho ni egbo ke deba. <sup>4</sup> Ini iJesu iKirisiti ni o khi Orelloe-khu isumha onofune o bhale, o ya ri arula oghie ni oa tigbe ya taa ne.

<sup>5</sup> Eḡ ezele, a li ligho nyese ukhomhi ke na egbhali. Ogbokpa o ke ti egbe oli tiemhi eke, aa ga egbe e. Irari khi Ebe-no-pfuase o ngme gho khi.

“Eshinegba o ma biselemhi  
ogbo ni o ti egboli a nga,  
ama o khi e vose na eni  
e ti egbewe e tiemhile.”†

<sup>6</sup> Irarigho, a ri egbe e tiemhile na ekpabo oyi Eshinegba ni e fune, ni o ti e nga idane ini o ramhi oni eghenge.‡ <sup>7</sup> A ze otoemhe eye e obo na Eshinegba, itobo khi o ya rue e o le.

<sup>8</sup> A bino angeli bie ke ngeli, aa tokpe, itobo khi obe e ni o khi okphaghi, o kia gase abi odumhi ni oo khoshe, eri o nono oni o ya mu nyanole. <sup>9</sup> Khi ze oli lo e le! Gbe lighi irudunga oye, itobo khi u lese khi eni e miesuo nabi yeye ni e la elemhi agbo ashakhasha e lili e me osoli enabi enana. <sup>10</sup> Ini u me osoli ukuku eghenge se, Eshinegba na okhale nya, ni o rote iKirisiti lu e shi ufumhi oyoli na agboagbo, o ya rieḡ e ti dose abi o kpe li e egbe. O re toto, o mu e mholi re gbelighi. <sup>11</sup> Ekpabo o khi oyoli agboagbo. Atse.

### *Otse ni o kpukhokho*

\* 5:2 Li ze iJon 21.15-17 † 5:5 Li ze Ekpi 3.34 ‡ 5:6 Li ze iMat 23.12; iLuk 14.11; 18.14 § 5:12 Li ze Ika 15.22,40

\* 5:13 Li ze Ika 12.12,25; 13.13; 15.37-39; iKolo 4.10; iFile 24

<sup>12</sup> ISalasi ni mhi ro shi inyoghuo ni o mholi igesikia o nu mhe keke ebe ona. Eri mhi keke ebe ona ni oa nu e ghi e, ro ri udu shi e o ali ni a ro lese khi emiemini a rie me khi egbegbi okhale oyi Eshinegba na. A mu oli mhue gagaga.§

<sup>13</sup> Egbo eni e miesuo ni a ze abi eḡ na eke iBabilo, eḡ tse e, li shi iMaki ni o limhe egbe abi omimhe.\* <sup>14</sup> A ke tse egbe e a ri inono ghele mu egbe. Opfomhe o ka nu eḡ nya ni a la elemhi iKirisiti la.

## Ebe onuzi-eva ni iPita O keke

<sup>1</sup> Mhemhe iSamọ iPita ni mhi khi oghumha ali aghiusomhi na keke oyi iJesu iKirisiti, mhi keke ebe ona ghi eni e mhọli irudunga nabi oyi anye ni o mu eloe, ni a rote angeli onete oyi Eshinegba ali iJesu iKirisiti Omiepfuese ro na we.

<sup>2</sup> Okhale ali opfomhe o ka khi oye rote ilese ni a lese Eshinegba ali iJesu Onomhue oyawa.

### *Ulumhi ali uzemhi oyi Eshinegba*

<sup>3</sup> Itoto oyi Eshinegba o she ri emhikpa ni o ri awa ya ke la agbo irudunga na awa, irari khi awa lese oni o ri ufumhi ali onete oyoli ti awa mama egbe. <sup>4</sup> Eni ekpabo eniemhi ena o ro rue isomhopfa ni e mu eloe ni o shobo na awa. Ini a bhale ya e khi irari eni isomhopfa ena awa me asha na pfue epfua ni o la oghumhe emhi agbo, ni awa mhọli okemhi shi agbo oyi Eshinegba.

<sup>5</sup> Irarigho, rosheka ri ingeli enete ma irudunga oye, gbo ri ilese ma ingeli enete. <sup>6</sup> Ri igue-regbekia she egbe ma ilese, ri iregbemie ma igue-regbekia shi egbe, ri angeli irudunga ma iregbemie, <sup>7</sup> ri isomhelemhi-inyoghuo ma angeli irudunga, ri inono ma isomhelemhi inyoghuo. <sup>8</sup> Irari khi ini u mhọli eni ingeli enana egbegbo, e ya re ke zaza, wa gbe akanya elemhi ilese ni u lese Onomhue iJesu iKirisiti. <sup>9</sup> Ama oni o da mhọli eni ingeli ena ne, o ya me eke nuata, eri o ze alo, o she yele-a khi Eshinegba o she kpe khuse lu e olamhe enedio-a pfuase.

<sup>10</sup> Irarigho, inyoghuo-mhe, rosheka ni uzemhi ali ulumhi oye o migha egbegbo. Ini u wa ligho, waa ya tigbe do owe eke-a wekhi eri u ya de. <sup>11</sup> Eghenge agho Eshinegba o ya khueghie ode Omhese oyi Onomhue-a ne lo. Ikhi Onomhue na agboagbo Omiepfuese iJesu iKirisiti oyawa.

### *A ri esọ shi emini Ebe-no-pfuase o ngme*

\* **1:18** Li ze iMat 17.1-5; iMak 9.2-7; iLuk 9.28-35

<sup>12</sup> Mhi ya ke yele e le eni ingme ena nya eghenge kpa. Ini a ririe kpe lese we, ni a migha gba elemhi igesikia ni a mhọli ena. <sup>13</sup> Mhi lese khi o ti ni mhi yele e eni ingme ena nya le, ini mhi da kie la agbo. <sup>14</sup> IJesu iKirisiti Onomhue oyawa o she ro li khase mhe khi ogbele eyemhe ea ke bu, khi mhi kele ya ghua. <sup>15</sup> Mhi ya rosheka ri ingme ena nya shi e odalo ni a ke sato o, ini mhi so ukhokho gbe.

### *Eni e ri ukpeloe me ufumhi oyi iKirisiti*

<sup>16</sup> Oa khi okhe egholi anye regbenga gue ingme inyenegbe bhale oniemhi oyi iJesu Onomhue ye e. Alo eyanye anye ro me ufumhi oyoli. <sup>17</sup> Anye la agho ni Eshinegba ita o ro ri ufumhi ali ekpe na li, ni uruli oyi Eshinegba o ro rote otughunu ni o ge nyanyanya ngme, ni oo, "Omimhe ni mhi nono ingme oyoli na, o ma ghole mhe." <sup>18</sup> Eri anye suo khi oni ungmehi o rote idane ngme tiemhile, abi anye ro nu oli la ukhomhi ute no pfuase.\*

<sup>19</sup> Igho anye li mhọli iregbenga shi usomhi ni emekeguele e guele, khi egbegbo lo. O ma a ti e egbe ini a ri esọ shi oni ungmehi, itobo khi eri o li abi akpa ni o la alo ebili e ge nyagha, ramhi ni ogbe o ro maghie alo-a, ni imeke oyi ukpetata na obili-atso o ro ge shi udu o ye. <sup>20</sup> Ozukhomhi oni ungmehi khi, a lese khi ungmehi ameguele okhoghuo o ro rote ilese oyi omekeguele okhoghuo bhale. <sup>21</sup> Irari khi ungmehi ameguele okhoghuo o ro imelemhi oyi ogbo bhale ghue, ama Ayemhe-no-pfuase o la egbo egbe gbe akanya rewe gue usomhi oyi Eshinegba le.

## 2

### *Ena Osese egholi ali epfua oyewe*

<sup>1</sup> Abi emekeguele eyi egholi e ke li la iteva eyi egbo iZireni, igho esese egholi e ya li la e iteva. E ya tsua osese egholi ni oo yese egbo-a lasela ke sese egbo, e ga kie Onomhue ni o de we, e ya ri epfua ni o kele ghi egbewe. <sup>2</sup> Igho ebubu e li ya deba ode omama eyi itsebo eyewe, e ri omama shishi oni ode igesikia oyi iKirisiti-a. <sup>3</sup> E ya ri emhi

ituegbe rue okhe egbholi lasele gueye e, ni e ro me asha di e mie ikpagho. Eshinegba o she so we ezọ se agboagbo, epfua oyewe o migha khe we ode.

4 Irari khi ini Eshinegba o a kese igeni le abi e ro lamhe deba Eshinegba, ama o ku we lo ilimhi iriere, o ri iweghe ge we abo pfino kulo alo ebili migha khe ogbele iso-ezo. 5 Ini Eshinegba o pfuese agbo onodio, ama o ri ochikpho oniemhi pfuse oni agbo olamhe-a, se ni iNoa ni oo tse abo igue ngeli ali apfoli oshilua.\* 6 Ini Eshinegba o pfa ezọ mu iSodomu ali iGomora, khi o ri erali tose we ni e de emue-a, ni o rewe rieler irokhokho abi o ya li egbo ni ea mholi Eshinegba egbe,† 7 ni o ro pfuese iLoti, omose ni o gue ngeli, ni egbo ena umhaso-eso e ri ingeli ebe nase ayemhe.‡ 8 Eri oni omose ona ipfuase onana o vie oya elemhi ayemhe oyoli egheghe kpa shi ingeli okholo ni oo me ali ni oo gbolo suo. 9 Ini o khi igho, Onomhue o lese abi o lie tsumhi egbo eyoli elemhi imhesebino, ali o gbo li lese abi o li ya pfi egbo okholo lo anasemhe ramhi ogbele iso ezọ. 10 Tete egbo ni e deba oghuemhe idiegbe oyewe ni e ri ukpeloe gbe omheso oyi Eshinegba.

E mholi igbedu obe ali ititiegbe. Ulishi o ya mu we ni e ro ri unu ghi igeni ro yese we-a. 11 Ama abotseku khia khi eni igeni ena e mholi ekpabo dose eni esese egbholi ena, ea ya yese we-a khaso Onomhue. 12 Eri eni egbo ena ee pfi unu-a shi emini ea lese udi oli. Eri e li abi elamhako ni ea mholi egbhali ni a bia, ni a mu e gbolo le tse. Igho e li ya pfua abi elamhako. 13 Opfuse a ro ya fali we ota shi ode opfuse ni weweghuo e be na egbewe. Idobie ele oquota gboo, ee bino khi o khi agbo ilili, ni o ya khuese idiegbe oyewe. Egbo ebe e khi itobo khi ini e nu e le eminale inono kugbe egho, eri e kiele e ngeli angeli efiala. 14 Alo efiala eyi okia, e ze shi ukhomhi, ikpotso ni e ya yemhe shi we o, e kia bino alo. Okiamhi olamhe ni oo gbe we o a tigbe e mholi ukpeso. Egbo ni udu oyewe o a sheshe ee di kulo igha olamhe. E she wena emhi ituegbe shi udu. Elemhi itse eyi Eshinegba e la kia. 15 E she da egbegbo ode lase, e waso ode oyewe-a. E

she deba ode oyi iBelamu omi iBeo vu ni o mholi ukpokọ shi ukpagho ni o ya mie shi onobe ilili. 16 Ni akphere o dese shi angeli olamhe. Akphere ni o khia khi o a kpe mholi ungmehi ogbo shi unu, ni o ri uruli ogbo nu iBelamu ngme shi angeli ujili.§

17 Eri egbo ena e li abi oke ni o khakha-a, ali uza ni o bi abi amo ni akpekpeli o pfiolo irarogbe kua. Eshinegba o she rieler ilimhi iriere shi eke e khe we ni e la me osoli. 18 Eri ee ngme ingmemhi itono obo udu, ali ingmemhi ni e violo, ro re egbo sato oghuemhe idiegbe oyewe, ni e ba di we nyene egbe je olamhe. Ikhi egbo ni e lese rote ifuabo eyi egbo ni e la agbo egbholi pfue. 19 E shobo epfua na we, ama wewe ni e shi oni obo onana, e khi ighumha angeli epfua. Irari khi oghumha ogbo o khi shi emini o da mhese na ayemhe oyoli. 20 Irari khi, ini egbo e she da rote oyese ni o la agbo pfue ne itobo khi e lese iJesu iKirisiti Onomhue, ni e ro gbo ri egbewe na emhi agbo gono ne, ikpukhokho oyewe o ke kholo dose igbaekele oyewe. 21 O kha tine ini ea bie kpe lese ode ipfuase oyi Eshinegba lo, khi e lese oli se, e tigbe so ukhokho gbe ode ipfuase oyi Eshinegba ni a ro na we. 22 Emini o li we o rokhase khi ekpita ona khi igesikia lo, ni oo,

“Awá o mu egbe nyene  
gbo ya le ekpa  
ni o kpa shi eke.

Agulu ni a kpe khuese-a se,  
o gbo mu egbe nyene  
je igbolọ ya pfue.”\*

### 3

#### *Onomhue o nyene egbe e bhale*

1 Emolemhe, ebe onuzi-eva ni mhi keke e ghi e na, eri mhi ri ebe eva ena ya guise e le ali ni a ro mholi isamhi eni e te ode. 2 A sato ingmemhi ni emekeguele ni e pfuase e ngme ni o she tese, ali omheso ni Onomhue Omiepfuese oyawa o mhese rote obo ighiu-somhi na kee eyawa.

3 Onodode, a lese khi ogbele ni e kpukhokho, egbo ni e ri ungmehi oyi Eshinegba a li egia e ya lasela. Ee li egia ee

\* 2:5 Li ze Igbae 6.1-7.24 † 2:6 Li ze Igbae 19.24 ‡ 2:7 Li ze Igbae 19.1-16 § 2:16 Li ze iNoba 22.4-35 \* 2:22 Li ze Ekpi 26.11 \* 3:3 Li ze iju 18

riele oghueme idiegbe oyewe.\* <sup>4</sup> E ya ke lie, "Igha ibhale ni o shobo khi loli ya bhale mena? Abi ititawa e te ghulua, emhikpa e kiele e je odalo abi e li rote igbaekele agbo la o." <sup>5</sup> Eri e famhi roli shi ie-eso-a, khi rote ungmehi oyi Eshinegba a te ma idane, ni a ro gbo rote amere ri amere ma eke agbo.† <sup>6</sup> Ama, eni amere ena a gbo ro ri ochikpho pfuse egbo na agbo onodio-a.‡ <sup>7</sup> Ama agbo ali idane ni e kie laogbe-namo, Eghiele oyi Eshinegba a ro rewe migha rewe e khe opfuse oyi erali. Eri a ze we obo o khe ogbele iguezo ni a ro ya pfuse egbo okhola-a.

<sup>8</sup> Emoleme, a khi yele emhi oghuo-a khi, eri ogbeleghuo o li abi ogbele agbele, ogbele agbele o li abi ogbeleghuo ukpeloe oyi Eshinegba.S\* <sup>9</sup> Oa khi eri Eshinegba o ti egbe e je ukhoko shi emini o ro shobo, abi egbo eghuo e lie sa khi ini emhi oo ti eke eri o wu eke-a egho. Eri o mema mholi irabomudu na e, itobo khi oa nono ni ogbokhoghuo o pfua, ama ni ogbokpa o te agbo olamere mu nyere.

<sup>10</sup> Ama eri ogbele oyi Onomhue o ya bhale abi ibhale oyi oghiatu. Oni ogbele, eri idane o ya ri okeke oniemhi kele-a udemhija. Erali oniemhi o daghie emini e la idane nya kua. Eke ali emhikpa ni e laog e kala-a.†

<sup>11</sup> Aborokhia khi a ya lina pfuse emhi nya ena, uwali egbo enabise a kha ke fe khi? A kha ke la agbo ipfuase ali agbo Eshinegba, <sup>12</sup> abi a li ri eloe shi eke e khe ogbele oyi Eshinegba, ni awa ke riele emini o ya roli bhale pia, ali ogbele ni a ya ri erali pfuse idane-a erali oniemhi o daghie emini e la idane-a nyaa. <sup>13</sup> Ama emini Eshinegba o ro shobo, awa migha a khe, ikhi iloghie ali eke agbo onogbo, ni o khi apfe igue-ngeli.‡

<sup>14</sup> Irarigho, ee emole me, abi a li ri eloe shi eke e khe oni ogbele ena, a ze ni a bhale ya e e shi ingeli ni ea mholi ichimhi ali umhaguekia, ali a la opfome. <sup>15</sup> Ri oli shi udu khi irabomudu ni Onomhue o mholi na awa, khi, ni o ba ri eghenge na awa mholi imiepfuese lo, ezeze abi inyoghuo awa iPolu o kpe li keke oli shi ebe ghi e abi Eshinegba o

li ri oni ilosingme na li. <sup>16</sup> Ina o kie lie keke oli shi ebe, ini o da a ngme eni ingmemhi ena ne. Ebe ni o keke e tsua ingme eghuo ni e lolo e munu irolo-ogbo-eso, ni egbo ni ea mholi ilese ali igesikia e kholo e manu, abi e lie khi ma ingmemhi elese ni e la Ebe-nopfuase ni o ya ri epfua ghi we.

<sup>17</sup> Irarigho, emoleme, abi a ke ro lese onana egho, a mu egbe e ini a khi ya deba ode egbholi oyi egbo ena umhasuo-eso, ini a khi rote iguemigha oye e de. <sup>18</sup> Ama mena awa ke fu shi okhale ali ilese ni awa lese Onomhue Omiepfuese oyawa ikhi iJesu iKirisiti. Loli a ri Ufumhi a na agboagbo. Atse!

† 3:5 Li ze Igbae 1.6-9 ‡ 3:6 Li ze Igbae 7.11 § 3:8 Emini a ri onana ngme khi Eshinegba oa deba eghenge gbe akanya. \* 3:8 Li ze Iwolo 90.4 † 3:10 Li ze iMat 24.43; iLuk 12.39; 1 iTesa 5.2; Iro 16.15 ‡ 3:13 Li ze Aza 65.17; 66.22; Iro 21.1

## Ebe onodode ni Ijoni O keke

### Ungmemhi ni o mhọli agbọ

<sup>1</sup> Anye keke ungmehi oyi oni o ri agbọ o na ogbọ ghi e, oni o rọte igbaekele la o. Anye she suọ ọli, anye ri alo eyi anye me ọli, anye bino ọli, anye gbo ri abọ eyi anye ti ọli.\* <sup>2</sup> Abi oni o ri agbọ o na ogbọ ona o rọ felisele, anye me ọli, anye gbo li pfi otsẹle shi oni agbọ na agbọagbọ ona. Lọli o nu Ita la, ni a rọkhasẹ anye.† <sup>3</sup> Emini anye me ni anye suọ, anye gbo liẹ gweye e, ishegho ni awa kugbe nu Ita ali Omi ọli iJesu iKirisiti la. <sup>4</sup> Eri anye keke ona ni oghẹle oyawa o gba pfo.

### Okiali elemhi ákpá

<sup>5</sup> Onana khi usomhi ni anye rọte obọ oyi Omi ọli suọ, ni anye gue e ye e khi, Eshinegba khi ákpá, obili okhoghwo o a fe la li egbe kpa. <sup>6</sup> Awa kha guele khi awa nu ọli la kugbe ni awa rọ kie la elemhi alo ebili e kia, egbhọli awa lo, awa aa la agbọ igesikia. <sup>7</sup> Ama ini awa la elemhi ákpá a kia, abi lọli ọli la elemhi ákpá, ona o rọkhasẹ khi awa nu ọli la kugbe, ishegho ọlia eyi iJesu Omi ọli, e khuẹse awa olamhe-a pfuase. <sup>8</sup> Ini awa guele khi awa aa mhọli olamhe, egbawa awa a di, awa aa mhọli igesikia. <sup>9</sup> Ama ini awa zono olamhe eyawa ye Eshinegba ni o ri igesikia riele emhikpa; oni o riele emini o te ode o khi, o ya ri olamhe eyawa topfa awa, o khuẹse awa umha-pfuase egbe-anya. <sup>10</sup> Ini awa e khi awa aa lamhe, eri awa ri Eshinegba mele olo-egbhọli-a. Ungmemhi oyọli o a la agbọ oyawa.

## 2

### IKirisiti, okpaghiobọ oyawa

<sup>1</sup> Eniye eyemhe, ee mhi keke ebe ona ghi, ini a khi lamhe. Ama, ini a bhale ya e khi ogbokhoghwo o lamhe, awa mhọli oni o nu Ita a ngme khe awa shi eke. Lọli khi iJesu iKirisiti oni o pfuase. <sup>2</sup> Lọli o khi iluasobo ni

a rọ shishi olamhe eyawa-a, o a khi eyawa tse ama olamhe eyi egbọ kpa.

<sup>3</sup> Ini awa ri omhesẹ eyọli e gbe akanya, lọli awa rọ ya lese gbo khi awa lese ọli. <sup>4</sup> Eni liẹ khi wewe e lese ọli ni e a ri omhesẹ eyọli e gbe akanya, elo-egbhue e khi, e a mhọli igesikia. <sup>5</sup> Ama onini o da ri ungmehi oyọli da gbe akanya ne, inono oyi Eshinegba o gba shi ọli egbe. Ina awa li ya lese khi awa ali Eshinegba khi oghuo awa khi. <sup>6</sup> Eni e da liẹ khi wewe e kugbe Eshinegba o ne, e mema ya ke ngeli abi iJesu iKirisiti o liẹ ngeli.

### Ushi onogbo

<sup>7</sup> Emole mhe, o a khi omhesẹ olese mhi keke e ghi e, ama onodiọ lo, ikhi oni a rọte igbaekele rọ na e. Oni omhesẹ onodiọ ona o khi oni usomhi ni a she kpẹ suọ.\* <sup>8</sup> Aboriekhi igho, omhesẹ onogbo mhi keke e ghi e, irari khi a me igesikia oyi oni omhesẹ ona iJesu egbe, a gbo me ọli agbọ oyeẹ. Itobọ khi obili o she e kalaa, oni ákpá oyi igesikia o she e ge. <sup>9</sup> Onini o da liẹ khi lọli la elemhi ákpá ni o o biselemhi inyoghwo ọli ne, elemhi alo obili o kie la. <sup>10</sup> Onini o da nono ingme oyi inyoghwo ọli ne, elemhi ákpá o la, emhikhoghwo o a la li egbe ni o rọli ya khi owe. <sup>11</sup> Ama onini o da biselemhi inyoghwo ọli ne, alo obili o la, alo obili o la kia gase. O a lese obini o o je, irari khi obili o she zuse ọli alo.

<sup>12</sup> Mhi keke ebe ona ghi e eniye, itobọ khi a she ri olamhe topfa e itobọ eva oyi iKirisiti.

<sup>13</sup> Mhi keke ebe ona ghi e, ee ita, itobọ khi a she lese ọli, oni o rọte igbaekele la o.

Mhi keke ebe ona ghi e ozele, itobọ khi a she mu Oni o khi Ogbọ-obe o le.

Mhi keke ebe ghi e eniye, itobọ khi a she lese oni Ita.

<sup>14</sup> Mhi keke ebe ghi e, ee ita, itobọ khi a she lese ọli, oni o rọte igbaekele la o.

Mhi keke ebe ona ghi e ezele, itobọ khi a mhọli ekpabọ, ali khi ungmehi oyi Eshinegba o la

\* 1:1 Li ze iJon 1.1 † 1:2 Li ze iJon 1.14 \* 2:7 Li ze iJon 13.34

elemhi oye ẹ,  
ali khi a she mu  
Oni ọ khi Ọgbọ-ọbe ọ le.

### *Agbọ ona o khi ghọle ẹ dọse*

<sup>15</sup> Agbọ ona o khi ghọle ẹ dọse, wẹkhi emhikhoghwo ni e la ọ. Ini ọgbọkhoghwo ọ mhọli ọghuẹmhe na agbọ, inono oyi Ita ọa la agbọ oyọli. <sup>16</sup> Irari emhikpa ni e la elemhi agbọ, ni e khi, ọghuẹmhe olamhe idiegbe, emini ukpẹloe o viẹ shi, ali itipfuabọ-nga shi emini ọ mhọli ali ni ọ dobe ẹ riẹle. Okhoghwo ena nya ẹa rọte obọ oyi Ita bhale, ama agbọ ona e te bhale. <sup>17</sup> Oni agbọ ona ali emini e la ọ ni ẹẹ ghọle ẹgbọ e she ẹ dọse, ama eni ẹ riẹle ọghuẹmhe oyi Ẹshinẹgba e ya la ọ agbọagbọ.

### *Eni ẹẹ khọli iKirisiti*

<sup>18</sup> Eniye, ukpẹse agbọ o she ti bhale! A she gueye ẹ khi ọni ọ khọli Ọmiepfuese ọ ya bhale, memena eni ẹẹ khọli Ọmiepfuese ebubu e she bhale agbọ. Onana awa rọ ya leşe khi ukpẹse agbọ o she ti bhale. <sup>19</sup> Eni ẹgbọ ena ẹa mema kie kpẹ khi eyawa, lọli o zẹ khi e rọte awa iteva vu. Ini e kie kpẹ khi eyawa lọ, e kha migha. Ama eri uvumhi oyewẹ o rọkhasẹ khi ẹa ku ma awa ọ.

<sup>20</sup> Ama Ọmiepfuese, Ọni ọ pfuase ọ she zẹ ẹ, irarighọ a she leşe igesikia. <sup>21</sup> Ọa khi itobọ khi aa leşe igesikia mhi rọ keke ebe ona ghi ẹ, ama itobọ khi a leşe igesikia, a gbo leşe khi ẹgbhọli ọa rọte igesikia a lasale.

<sup>22</sup> Mena, ọghuo ọ khi ọlo-ẹgbhue? Ọni ọọ khi iJesu ọa khi ọni Ọmiepfuese, lọli ọ khi Ọbe vule shi Ọmiepfuese ọ, lọli ọ kie Ita ali Ọmọ. <sup>23</sup> Aa me ọgbọkhoghwo ni ọ kie Ọmọ ni ọ mhọli Ita. Ọni ọ da mie-obọ shi Ọmọ ọ, ọ li mhọli Ita.

<sup>24</sup> Zobẹ ni emini u rọte ekẹ suọ o kie le egbe. Ini o lighọ kie le egbe, u ya li kie nu ọni Ọmọ ali Ita la kugbe. <sup>25</sup> Emini ọ shobọ na wa na, ikhi agbọ na agbọagbọ.

<sup>26</sup> Ingme eyi ẹgbọ eni ẹ nono ni wewẹ e yese ẹ da ode mhi keke ẹ ghi ẹ. <sup>27</sup> Ama ẹẹ oye ẹ, ekpabọ Ayẹmhe nọ pfuase ni a mie, o kie la ẹ egbe, irarighọ, aa ke khi eni a sese. Ama eri Ayẹmhe oyọli ọọ sese ẹ emhikpa, ikhi emini e khi igesikia ni ẹa khi ẹgbhọli. A

ri osese oyi Ayẹmhe ke gbe akanya, a kie nu ọli la kugbe.

### *Imi Ẹshinẹgba*

<sup>28</sup> Mena, eniye, a kie kugbe ọli ọ. Isheghọ ini ọ feli lasale, awa mhọli igbedu ni omama ọa mu awa odalo oyọli, ini ọ nyene egbe bhale.

<sup>29</sup> Ini u leşe khi iKirisiti khi ọni ọ migha shi ipfuase ọ khi, leşe khi ọni ọ riẹle emini e te ode Omi Ẹshinẹgba ọ khi.

## 3

<sup>1</sup> A bino abi inono ni Ita awa ọ nono awa o li fu ramhi, ni a rọ bhale ya ẹ khi àá lu awa imi Ẹshinẹgba! Ni o khia khi ighọ awa khi! Emini o zẹ khi ẹgbọ na agbọ ẹa leşe awa khi, ẹa leşe Ẹshinẹgba.\* <sup>2</sup> Emọle mhe, imi Ẹshinẹgba awa khi, ama, awa aa leşe ne, abi awa ya li, ama awa leşe khi ini iKirisiti ọ lasale, awa ya li abi lọli, irari khi awa ya me ọli abi ọ li tee. <sup>3</sup> Ọgbọkpa ni ọ da mhọli irudushi ona ne, ọọ mhọli oni ọghuẹmhe ni ọ rọ khi ọni ọ pfuase abi iKirisiti ọ li pfuase.

<sup>4</sup> Ọnini ọ da lamhe ne, eri ọ gbe ushi oyi Ẹshinẹgba-a, irari khi olamhe, igbushi oyi Ẹshinẹgba-a o khi. <sup>5</sup> Ama u leşe khi eri iKirisiti ọ bhale ni ọ ya rue olamhe eyawa vu, ali khi olamhe ọa la li egbe.† <sup>6</sup> Irarighọ, ọgbọkpa ni ọ nu ọli la kugbe, ọa ya lamhe ke le. Ọnini ọ kie da la olamhe ne, ọa fe me ọli ghue wẹkhi eri ọ leşe ọli.

<sup>7</sup> Eniye, a khi zẹ ni ọgbọkhoghwo ọ di ẹ ya de ode-a. Ọni ọ da riẹle emini o te ode ne, ọ pfuase, ezeze abi iKirisiti ọ li pfuase. <sup>8</sup> Ọnini ọ da riẹle emhi olamhe ne, oyi Ọkphaghie ọ khi. Irari khi te-ekẹ vu, ọkphaghie ọ te ẹ lamhe. Emini o zẹ ni Omi Ẹshinẹgba ọ rọ feli bhale khi, ni ọ rọ me asha pfueche ikanya eyi ọkphaghie-a. <sup>9</sup> Ọgbọkpa ni ọ da khi Omi Ẹshinẹgba ọ ya lamhe, irari khi ukpamhi oyi Ẹshinẹgba o la li egbe, ẹa ya lamhe irari khi Ẹshinẹgba ọ khi Ita we. <sup>10</sup> Onana o ri ikhioda shi iteva imi Ẹshinẹgba ali imi Ọkphaghie. Enieni ẹa da riẹle emini o te ode ne ali ni ẹa mhọli inono na ẹgbọese ne, ẹa khi imi Ẹshinẹgba.

### *A nono ingme oyi egbe ẹ*

\* **3:1** Li zẹ ijón 1.12 † **3:5** Li zẹ ijón 1.29 ‡ **3:11** Li zẹ ijón 13.34

11 Onana o khi usomhi ni a rōte eke suo. Ikhi, awa nono ingme oyi egbe awa.† 12 Khi li abi iKeni ni o khi oyi Ona Okhōlo, ni o gbe Ebēli inyoghūo ọli-a. Elo o zē ni iKeni o rō gbe ọli-a? Irari khi emini oni iKeni ọọ riēle, ẹa gbe akanya, ama emini inyoghūo ọli ọọ riēle e khi eni e pfuase.§ 13 Irarigho, o khi sha ẹ abo, inyoghūo-mhe eni emose ali eni ikpotso, ini egbo na agbo ẹa ti elemhi ẹ. 14 Awa lese khi awa she te eghuli lasela je agbo, itobo khi awa nono ingme oyi inyoghūo awa. Onini ọa da mhōli inono ne, elemhi eghuli o kie la.\* 15 Onini o da biselemhi inyoghūo ọli ne, ogbo-ugbeli o khi. U lese khi ogbo-ugbeli ọa mhōli agbo oyi Eshinegba shi agbo oyoli.

16 Ina awa liē lese emini inono o khi. Eri iJesu iKirisiti o ri agbo oyoli bhale, ni e pfuse-a, shi itobo oyawa. Awa kha li rue agbo oyawa li shi eke na inyoghūo awa. 17 Ini ogbo o mhōli epfue, ni o rō mē khi inyoghūo ọli o mhōli emini o to ọli, ni ọa rō mhōli ilēlemhi na li, se ọ li dobe ya liē khi lōli mhōli inono oyi Eshinegba? 18 Eniye, a khi zē ni awa ri ungmehi ali elemhi ke riēle inono, ama awa ri iriēle ali igesikia ke ri inono khase. 19 Ini awa nono ingme oyi egboese, awa lese khi igesikia awa la kia, awa mhōli udu opfomhe odalo oyi Eshinegba. 20 Abi eni e miesuo, ini udu oyawa o pfa ezō mu awa, awa lese khi Eshinegba o fu dose udu oyawa, ali khi o lese emhikpa. 21 Irarigho, emole mhe, ini udu oyawa ọa da pfa ezō mu awa ne, lōli awa rōo mhōli igbedu odalo oyi Eshinegba. 22 Emiemini awa da mhila kpa, awa te obo oyoli ya mie ọli, itobo khi awa ri ishi eyoli ẹ gbe akanya ali khi awa a riēle emini e ghole ọli. 23 Emini o mhesē na awa khi, awa mie Omi ọli iJesu iKirisiti suo, ali awa nono ingme oyi egbe, ezēzē abi iKirisiti o li mhesē na awa.† 24 Eni e ri omhesē oyi Eshinegba a gbe akanya, eri wewe ali Eshinegba e ga kugbe, Eshinegba o li kugbe we o. Itobo Ayemhe ni Eshinegba o rō na awa, awa rō lese khi awa kugbe Eshinegba o.

## 4

### *Ke mu Iyemhe fe bino*

1 Emole mhe, a khi mie shi iyemhe nya o, ama mu we fe bino ni a me ini obo oyi Eshinegba e te bhale. Irari khi emekeguele eyi egbhōli ebubu e she fie lasela shi agbo ona. 2 Ina a li ya lese ini Ayemhe oyi Eshinegba lo: Ayemhe nya ni o da lama khi iJesu iKirisiti o she bhale abi ogbo ne, oyi Eshinegba lo. 3 Ama ayemhe nya ni ọa da mie-obo shi iJesu o ne, ọa rōte obo oyi Eshinegba bhale. Onana o khi ayemhe oyi oni o khōli Omiepfuese, ni a suo khi ọo bhale, o she ga la elemhi agbo memena. 4 Ama enayi Eshinegba a khi, imi mhe, a she gbo mu emekeguele eyi egbhōli o le, irari khi Ayemhe ni o la ẹ egbe o fu dose oyi oni o la elemhi agbo. 5 Elemhi agbo eni emekeguele eyi egbhōli egho e rōte lasela, ingmemhi agbo ẹ ẹ ngme, irarigho egbo agbo e rō mie shi emini ẹ ẹ ngme. 6 Ama enayi Eshinegba awa khi. Onini o da lese Eshinegba, lōli o ri eso o shi emini anye ẹ ngme. Oni ọa da khi oyi Eshinegba ne, ọa ya ri eso shi emini anye ẹ ngme. Ina awa liē lese ikhioda ni o la Ayemhe igesikia ali ayemhe egbhōli.

### *Eshinegba inono o khi*

7 Emole mhe, a zē ni awa nono ingme egbe, irari khi obo oyi Eshinegba inono o te bhale. Oni o da mhōli inono, Eshinegba o khi itali ali khi o lese Eshinegba. 8 Ogbo ni ọa da mhōli inono ne, ọa lese Eshinegba, irari khi Eshinegba khi inono. 9 Eri Eshinegba o ri Omi ọli otuoghūo kpe ni o ghie bhale agbo rō ri inono ni o mhōli na awa khase, ini awa a rōte obo oyoli mhōli agbo. 10 Onana o khi egbegbi inono, ọa khia khi eri awa nono ingme oyi Eshinegba, ama eri o nono ingme oyawa, lōli o zē ni o rō ghie Omi ọli bhale ni o rō luase obo rō shishi olamhe eyawa. 11 Emole mhe, ini o khia khi ina Eshinegba o li nono awa, awa li nono ingme egbe awa. 12 Ogbo khoghūo ọa mē Eshinegba ghue, ama ini awa nono ingme egbe awa, Eshinegba o la agbo oyawa, ali khi, inono oyoli ọo gbe akanya ni o nono ni lōli gbe agbo oyawa.\* 13 Awa ga lese khi Eshinegba o la agbo oyawa, irari khi o she ri Ayemhe oyoli na

§ 3:12 Li zē Igbae 4.8 \* 3:14 Li zē iJōn 5.24 † 3:23 Li zē iJōn 13.34; 15.12,17 \* 4:12 Li zē iJōn 1.18



awa. <sup>14</sup> Ali khi awa me, awa gbo pfi ɔtsele khi Ita ɔ ghie Omi ɔli ni ɔ ro khi Omiepfuese oyi agbo. <sup>15</sup> Ini ɔgbokhoghuo ɔ mie shi ɔ khi Omi Eshinegba iJesu ɔ khi, Eshinegba ɔ la agbo oyoli, loli ɔ li la elemhi Eshinegba <sup>16</sup> Ishegho, awa lese, awa gbo mie shi inono ni Eshinegba ɔ mholi na awa.

Inono Eshinegba ɔ khi, eni e la agbo inono e nu Eshinegba la kugbe, Eshinegba ɔ li nu we la kugbe. <sup>17</sup> Ina inono oyoli o lie gbe akanya ni ɔ nono ni loli gbe agbo oyawa, ni awa ro mholi igbedu ogbele iguezo, irari khi eri awa li abi loli ekagbo ona. <sup>18</sup> Ulishi ɔa la inono. Ama eri inono ni o gba pfo, ɔo khu ulishi fie, irari khi eri egbo ee na ulishi Eshinegba itobo khi ɔ ya na we osoli. Oni ɔo na ulishi ɔa gba pfo elemhi inono.

<sup>19</sup> Eri awa mholi inono, itobo khi loli ɔ kpe nono ingme oyawa. <sup>20</sup> Ini ɔgbokhoghuo ɔo lie, "Mhi nono ingme oyi Eshinegba," ama ɔ kiele e biselemhi inyoghuo ɔli, ɔloegbhue ɔ khi. Irari khi ɔgbo ni ɔa da nono ingme oyi inyoghuo ɔli ni ɔo me eloe, ɔa dobe ya nono ingme oyi Eshinegba ni ɔa me eloe ghue. <sup>21</sup> Omheshe ni iKirisiti ɔ ro na awa na: Eni e nono ingme oyi Eshinegba nya, e mema li nono ingme oyi inyoghuo we.

## 5

### *Imuole ni awa mu agbo ɔ le*

<sup>1</sup> Onini ɔ da mie shi ɔ ne khi iJesu ɔ khi oni iKirisiti Omiepfuese, Omi Eshinegba ɔ khi, Onini ɔ da nono ingme oyi Ita ne, ɔ li nono ingme oyi omi ɔli. <sup>2</sup> Abi awa lie lese khi awa nono ingme oyi imi Eshinegba khi, ini awa nono ingme oyi Eshinegba, ni awa gbo ro ri omheshe oyoli gbe akanya. <sup>3</sup> Ini awa nono ingme oyi Eshinegba egbegbo, awa mema ya ri omheshe oyoli gbe akanya. Ama omheshe eyoli ea ya mu unu irogbekanya.\* <sup>4</sup> Itobo khi ɔgbokpa ni Eshinegba ɔ bia, loli ɔ dobe ya mu agbo ɔ le, irudunga oyawa o khi oni imuole. <sup>5</sup> Oghuo ɔ dobe mu agbo ɔo le? Se ni ɔgbo ni ɔ miesuo khi, iJesu khi Omi Eshinegba.

<sup>6</sup> Ona khi iJesu iKirisiti ni ɔ bhale, rote iri-ame-batazi, ali rote ɔlia ikushieke abi ɔ ro ghua. ɔa khi rote ame tse, ama li shi ɔlia ni ɔ ku shi eke abi ɔ ro ghua. Ayemhe ɔ pfi

ɔtsele shi ɔ, irari khi oni Ayemhe oyi igesikia lo. <sup>7</sup> Irari khi ɔtsele ese e la ɔ. <sup>8</sup> Ayemhe, ame, ali ɔlia. Eni ɔtsele ese ena unu oghuo ee ngme. <sup>9</sup> ɔtsele oyi agbo awa mie e suo, ama ɔtsele oyi Eshinegba ɔ toto ne. ɔ she pfi ɔtsele shi ingme oyi Omi ɔli <sup>10</sup> Irarigho, ɔgbokpa ni ɔ mie Omi Eshinegba suo nya, ɔ mholi ɔtsele onana shi udu oyoli. Ama oni ɔa mie Eshinegba suo, eri ɔ roli shi ɔlo-egbholi, itobo khi ɔa mie shi emini Eshinegba ɔ ngme shi ingme oyi Omi ɔli. <sup>11</sup> Oni ɔtsele o khi Eshinegba ɔ she ri agbo na agboagbo na awa. Oni agbo ona o la obo oyi Omi ɔli.† <sup>12</sup> Irarigho, oni ɔ da kugbe Omi Eshinegba ɔ ne, loli ɔ mholi oni agbo oyi Eshinegba ona. Oni ɔa da kugbe Omi Eshinegba ɔ ne, ɔa mholi agbo oyi Eshinegba.

<sup>13</sup> Mhi she keke emhikpa shi elemhi ebe ona ghi e, ni a mie iJesu Omi Eshinegba suo, ni a ro mholi ɔli shi udu khi a mholi agbo oyi Eshinegba. <sup>14</sup> Igbe-udu ni awa a mholi ini awa la odalo oyi Eshinegba a so iromhi khi, awa lese khi eghenge kpa ni awa ro mhila li emhikhoghuo abi o ghole ɔli shi, eri ɔo suo awa ɔ. <sup>15</sup> Irarigho, abi awa ro da lese khi ɔo suo awa ini awa da mhila emhi ne, awa lese khi awa she mholi emini awa mhila li.

<sup>16</sup> Ini ɔgbokhoghuo ɔ me khi inyoghuo ɔli ɔo lamhe olamhe ni ɔa ri eghuli gbe ɔgbo, ɔ lema na li, khi Eshinegba ya ri agbo nali. Eni olamhe oyewe e khi olamhe ni ea ri eghuli gbe ɔgbo mhia ngme. Olamhe o la ɔ ni o ri eghuli e gbe ɔgbo. ɔa khi olamhe eghogho mhi e a lema shi. <sup>17</sup> Umha-gueli kpa, olamhe o khi. Ama olamhe o la ɔ ni ɔa ya ri eghuli gbe ɔgbo. <sup>18</sup> Awa lese khi oni Eshinegba ɔ bia, ɔa ya lamhe olamhe, irari khi eri Omi Eshinegba ɔ khukhu ɔli, ini Okphaghi e ɔ khi dobe li ɔli onobe. <sup>19</sup> Awa lese khi imi Eshinegba awa khi, ali khi Okphaghi e ɔ mheshe e na egbo nya ni ea lese Eshinegba. <sup>20</sup> Awa gbo lese khi Omi Eshinegba ɔ she bhale elemhi agbo, ali khi ɔ she ri ilese ni awa ro lese oni egbegbi Eshinegba. Ali khi awa kugbe oni Eshinegba ni ɔ khi igesikia ɔ, igho awa gbo li kugbe iJesu iKirisiti ni ɔ khi Omi ɔli ɔ. Lolighuo kpe ɔ khi egbegbi Eshinegba, ali oni agbo na agboagbo. <sup>21</sup> Eniye eyemhe, a mu egbe e. A

\* 5:3 Li ze iḵḵn 14.15 † 5:11 Li ze iḵḵn 3.36

khi mholi emini e ku ę ali ilitsa gbe.

## Ebe onuzi-eva ni IJoni O kẹkẹ

<sup>1</sup> Mhẹmhẹ ọgbhali na igbaa oyi eni e mie iJesu iKirisiti suọ mhia kẹkẹ ebe ona ghi ẹ.

Yẹyẹ ọkpotoso ni Ẹshinẹgba ọ zẹ ali imi ẹ, ni mhi nono ingme oyewẹ mhi kẹkẹ ọli ghi. Ọa khi mhẹmhẹghuo tşẹ mhi nono ingme oyẹẹ, li shi eni e lẹşẹ igesikia. <sup>2</sup> Eri anye nono ingme oyẹẹ, itobọ igesikia ni o la anye egbe, ni o kie ya la anye egbe agboagbo. <sup>3</sup> Mhi lema Ẹshinẹgba Ita ali iJesu iKirisiti Omiọli e ri okhale ali ilelemhi ali opfomhẹ na awa elemhi igesikia ali inono.

<sup>4</sup> Egbe ma mu mhẹ gba abi mhi rọ suọ ingme oyi imi ẹ eghuo, ni e la angeli ode oyi Ẹshinẹgba, ni ẹẹ riẹlẹ emini ẹ ghọle Ita.

<sup>5</sup> Irarighọ, nọkpotoso, onana ọa khi omhẹşẹ onogbo ni mhia yele ẹ le, ama oni awa rọte eke lẹşẹ lọ. Eri mhiẹ awa nono ingme egbe awa.\* <sup>6</sup> Inono ni mhia ngme khi awa mema ya ke ri omhẹşẹ oyi Ẹshinẹgba gbe akanya. Oni omhẹşẹ abi ẹẹ nya a she li suọ li rọte eke vu khi, ẹẹ nya a mema la angeli inono.

<sup>7</sup> Ebubu ẹgbọ ni ẹ di ẹgbọ e she lasele shi asha kpa elemhi agbo, ni ẹẹ liẹ khi iJesu iKirisiti ọa li abi ọgbọ li bhale agbo. Ẹgbọ enana nya, ẹgbọ elo-ẹgbhue e khi, e gbo khi eni ẹẹ khọli Omiepfuese. <sup>8</sup> Irarighọ, a mu egbe ẹ ini emini awa gbe akanya a shi o khi de awa obọ-a, ama ni awa khi eni a somhopfa gba pfo.

<sup>9</sup> Mhi gueyẹ ẹ khi ọnini ọa da mu emini iKirisiti ọ şesẹ mhue, ni ọ da ọ, ọa mhọli Ẹshinẹgba. Ama ọnini ọ da mu emini iKirisiti ọ şesẹ mhue ne, ọ mhọli Ẹshinẹgba Ita ali Omiọli. <sup>10</sup> Irarighọ, ini ọgbọkhoghuo ọ bhale debẹ ni ọ rọ tsua osesẹ olese ni ọa khi onana bhale, khi zẹ ọli lo owa oyẹ le, khi ga fẹ mhọli ikpaghiobọ shi ọli oni osesẹ. <sup>11</sup> Ọnini ọ da mhọli ikpaghiobọ shi ọni ọgbọ ọghoghọ osesẹ ne, eri ọ kugbe ọli ọ, ni e ga riẹlẹ oni okhọlọ.

### *Ungmemhi ni o kpukhokho*

<sup>12</sup> Mhi ga mhọli emhi ebubu ni mhi kha kẹkẹ ghi ẹ, ama mhi aa nono ni mhi kẹkẹ

\* 1:5 Li zẹ ijoni 13.34; 15.12,17

wẹ shi ebe. Eri mhi ya ri ochoghọ bhale ya bino ẹ, isheghọ ni awa mẹ egbe imi-alo nu egbe ngme. Ni oghẹlẹ oyawa o vọ. <sup>13</sup> Imi inyoghue ni ọkpotoso ni Ẹshinẹgba ọ zẹ, ẹẹ tşẹ.

## Ebe onuzi-ese ni Ijoni O keke

<sup>1</sup> Mhemhe ni mhi khi ogbhali.\*

Mhia keke ebe ona ghi omole mhe iGayusi ni mhi nono ingme oyoli egbegbo.

<sup>2</sup> Omole mhe, mhi so iromhi ne, Eshinegba o ka re ze, ali emhikpa e ke je odalo ne onete abi ayemhe oye o lie je odalo shi o.

<sup>3</sup> Egbe ma mu mhe gba abi eni anye ga miesuo eghuo e ro bhale ya bino anye, ni e ro guele khi u ma mu igesikia mhu e ali khi u kiele e ngeli angeli igesikia. <sup>4</sup> Emhese ea la o ni o remhe e ghele, abine khi ini mhi suo khi imi mhe e la angeli igesikia.

<sup>5</sup> Omole mhe, u ga ri igesikia ri ele emhi ebubu ro kpaghie inyoghuo awa ni awa ga miesuo obo, abi e ririele khi epfese. <sup>6</sup> Eni egbo e she gue ingme inono oye ye igbaa oyi eni e mie iJesu iKirisiti suo ni o la akana. Kpekpe kpaghie we obo ni e dobe ri oni okiali ke je odalo abi o li ghole Eshinegba. <sup>7</sup> Itobo oni Eva ona, e ro vu oni okiali ona, ni o khia khi ea lama mie eni ea mie Eshinegba suo ikpaghiobo. <sup>8</sup> Irarigho, awa egbo eyi iKirisiti, awa khi eni e mema ya kpaghie eni egbo eghogho obo, ni awa kugbe we o gbe oni akanya, shi igesikia.

<sup>9</sup> Mhi kpe keke ebe ghi igbaa oyi eni e mie iJesu iKirisiti suo ni o la eoli oye, ama iDiofisi ni o kie kpe ligho nono ni loli ralo na eni igbaa oyi eni e mie iJesu iKirisiti suo, oa lama ri emini mhi gueye oli gbe akanya. <sup>10</sup> Irarigho, mhi kha bhale, mhi ya guele emini o ri ele le gboo. Abi o lie gue anye ezo, ni o lie kieno egholi ma anye. Ogho oa ga bu oli, ama oa gbo lama mie apfowa ni awa ga miesuo. Eri o ga khu egbo ni e nono ni wewe e mie we shi owa ya fie igbaa oyi eni e mie iJesu iKirisiti suo.

<sup>11</sup> Omole mhe khi ke khonya angeli obe, ama khonya eminete. Oni o da ri ele eminete ne, Omi Eshinegba o khi. Onini o da ri ele onobe, oa lese Eshinegba.

<sup>12</sup> Ogbokpa oo ngme onete oyi iDemetiriusi. Egbegbi angeli igesikia oyoli o gbo pfi otsele

na li. Anye gbo ri otsele oyanye ma o. A lese khi otsele oyanye khi igesikia o khi.

### *Otse ni o kpukhokho*

<sup>13</sup> Emhi ebubu e la o ni mhi kha keke ghi e, ama mhi aa nono ni mhi keke we shi ebe. <sup>14</sup> Mhi sa khi mhi ya kele bhale ya me, ni awa me egbe imialo nu egbe ngme. <sup>15</sup> Opfomhe o ka nu e la. Emole e ni e la oola, ee tse e. Kpekpe tse emole anye nya ni e la oobo, otuoghughuo.

\* 1:1 Li ze Ika 19.29; iRom 16.23; 1 iKori 1.14

## Ebe ni IJudu Ọ keke

<sup>1</sup> Mhẹmhe ijudu ni mhia ga ijesu iKirisiti, ni mhi gbo khi inyoghuo ijemhisi mhi keke ebe ona.\*

Eni Eshinegba Ita o ze, ni o nono ingme oyewe, ni a ri akhukhu oyi ijesu iKirisiti khukhu, mhi keke oli ghi.

<sup>2</sup> Ilelemhi ali opfomhe ali inono ni e gbeku o, e ka khi oyewe.

### *Epfua oyi egbo esese egbholi*

<sup>3</sup> Emole mhe ni awa ga a ga Eshinegba, o mema ghole mhe ni mhi keke ingme imiepfuese ni awa mholi shi ebe ghi e, ni mhi ro me khi o mu egbe ne ni mhi ri ebe ya ri udu shi e o, ni a dobe gbelighi shi oni irudunga ni Eshinegba o ro nga egbo eyoli obo agboagbo kpa. <sup>4</sup> Oni irudunga o she la okhena, irari khi egbo ni ea ya na ulishi Eshinegba e she kuma awa o ni awa aa lese. Eni e mu ilelemhi oyi Eshinegba nyene, khi eri o ri eghenge na we e ro ke li itsebo. E kie ijesu iKirisiti ni o khi Oga ali Onomhue oyawa. O she tese ni Ebe-no-pfuase o ro kpe te eke ngme oli khi eni e ya pfua ele iguezo e khi.

<sup>5</sup> Irari khi ini a ririe kpe kie lese ena nya, mhi kie gbolo e yele e le khi Onomhue o rue egbo eyoli rote eke ijipiti lasese, ama, elelese, o pfuse eni ea lama miesuo ni e la we iteva-a.† <sup>6</sup> A sato khi igeni ni ea mu omhese ni a ro na we mhue, ni e lase ashini a re we shi-a. Eri o rewe shi obili, o ri iweghe na agboagbo ge we, o rewe e ke iguezo ona ogbele ni o fune ni a la ya pfuse we a. <sup>7</sup> A sato khi igho egbo iSodomu ali iGomora ali eni e la eoli ni e mama we e li i ngeli, ni e ro ku abo lo itsebo ali ighue ebe imumu. Eri a na we osoli na agboagbo, ro re we riele irokhokho, ro tse agua ye egbo kpa.‡

<sup>8</sup> Igho eni egbo ena, e li la elena ni o rewe lamhe ri ichimhi mu egbe we, e ri ukpeloe

gbe omhese oyi Eshinegba, e tigbe gbo me igeni na idane bie. <sup>9</sup> Egbegbi ageni ni o fune nya ni a lu iMakieni oa fe gbudu ri ungmehi imebie pfueche Okphaghe-a, abi e ro khe olimhi oyi iMosisi, ama eri o lese lie, "Onomhue o kie e."§ <sup>10</sup> Ama eri eni egbo ena e kie pfi itsue e manya egbo shi emini ea ririe lese udi oli. Eri e li abi elamhako ni ea ya sa. Angeli obe oyewe o ze ni e ro pfua. <sup>11</sup> Epfua e ya pfua! Ode oyi iKeni e rote, eri itobo ukpago ri egbewe ni ode ni oa gbe akanya de abi oni iBelamu o riele. E nga engo, abi iKora o li nga engo, ni o ro li pfua.\* <sup>12</sup> Egbo ukhimhi elemhi e khi ini e nu e la ukue ni a la le eminale inono. E ri umha a na omama ali ulishi, e ro nu e a le eminale. Egbewe tse, e so eminale e shi idi. Eri e li abi uza ni akpekpeli o tsua kia. Eri e li abi era okase ni ea ya mo idumhi, ni a vu a pfia, e khakha. <sup>13</sup> Eri angeli oyewe o ri egbe a khasa abi ofulu oke oniemi ni akpekpeli oo tsughuse. Eri e li abi ikpetata ni e kele-a, ni Eshinegba o ri obili ni o limhi shi eke e ke agboagbo.

<sup>14</sup> Agbhotu ishilua, Enoki o khi ini a rote Adamu leli oli, ayemhe o ro ngme ingme angme-shi-ekere oyi egbo ena, ni o la lie, "Ghe khi Onomhue oo bhale, loli ali igeni agbele agbele eni e pfuase eyoli, <sup>15</sup> ni o ro bhale ya gue ogbokpa ezoo, ni o ro pfa ezoo mu egbo ebe nya shi ingeli ebe ni e ri ode obe ngeli, ali ingmemhi ebe ni e toto ni egbo ebe e ngme deba li." <sup>16</sup> Egbo awolo ali eni ee me umha-gueli oyi ogbo e khi, oghuemhe obe oyi egbewe e deba, e ri unu e nyanofele shi osomhi ro ti egbewe nga. E ri ikhomhi akore titi egbo, ini o ba me asha ti we egbe.

### *Itse-agua ali Ude*

<sup>17</sup> Ama emole mhe, a sato emini ighi-somhi na kee eyi iKirisiti Onomhue e ngme shi eke. <sup>18</sup> Ee gweye e khi, "Ogbele ikpukhokho, egbo ni e ri egbo e li egia, ni e ya ke deba oghuemhe ebe eyewe e ya la o."† <sup>19</sup> Eni egbo ena ee pfi okemhi shi e iteva. Isamhi agbo, ni udu oyewe o gweye we, ee deba. Ea mholi Ayemhe oyi Eshinegba.

\* 1:1 Li ze iMat 13.55; iMak 6.3 † 1:5 Li ze Okiali 12.51; iNoba 14.29-30 ‡ 1:7 Li ze Igbae 19.1-24 § 1:9 Li ze iDan 10.13,21; 12.1; iRo 12.7; iDeut 34.6; iZaka 3.2 \* 1:11 Li ze Igbae 4.3-8; iNoba 22.1-35; 16.1-35 † 1:18 Li ze 2 iPit 3.3

<sup>20</sup> Ama ẹẹ emọle mhe, a ke sese egbe ẹ ode irudunga ni o pfuase. A ke lema elemhi Ayemhe-no-pfuase <sup>21</sup> A la elemhi inono oyi Eshinegba abi a li migha a khe ilelemhi oyi iJesu iKirisiti Onomhue oyawa ni o re ẹ bhale agbo na agboagbo.

<sup>22</sup> Le elemhi eni e mhue akhokhomhe shi irudunga oyewe. <sup>23</sup> Tsumhi egbo ni ẹẹ nono ni wewe e mie iwali osese egbholi suo abine khi u wa ti ogbo erali lasele, lelemhi egboese ni e nono ikpaghiobo. Ama mu egbe ẹ ini e khi yese li de pfilo olamhe eyewe.‡

### *Iromhi ikueghie*

<sup>24-25</sup> Awa ri ikueghie na Eshinegba Otsumhi oyawa itobo iJesu iKirisiti Onomhue oyi awa! Lori o dobe ya mu ẹ mholi ini u khi de, ni o re pfuase, re ẹ ghele odalo oyoli ni o mholi ufumhi. Eshinegba, lolighuo o fute ni a ri ufumhi, ekpe, ekpabo ali omhese ẹ na, neni a me igbaekele agbo, ghe memena, ali agboagbo. Atse.

---

‡ **1:23** Abi a li keke ona shi elemhi iGiriki khi. 'Khi mholi emini u ri itsua ni idiegbe olamhe e ri ichimhi a mu li.'

## Irokhase Ni iJoni o keke

### Ikhueghie ungmemhi-a

<sup>1</sup> Ebe ona a keke imekeguele oyi iJesu iKirisiti shi ni Eshinegba o ro nali ni e khi emini a ya me ni ode o ke nu, ni o rote obo oyi ageni rokhase iJoni oni oo ga oyoli. <sup>2</sup> IJoni o pfi otsele shi emhi nya ni o me ni o khi ungmemhi oyi Eshinegba ali otsele oyi iJesu iKirisiti. <sup>3</sup> Ikhivose o khi na ogbo ni o ya ze ingmemhi eyi imeguele ena, ikhivose o li ya khi na ogbo ni o suo we, ali oni o ri emini a keke shi o gbe akanya, irari khi oni egheghe ni a ro ya me eni emhi enana nya o she ti bhale. <sup>4</sup> IJoni o ri otsele ghi igbaa nya eyi eni e mie iJesu iKirisiti suo ishilua ni e la eke Esha.

Okhale ali opfome o ka khi oye rote obo oyoli, Oni o khi loli, ni o kie kpe khi loli, ni o kie gbo ya bhale. Iyemhe ishilua ni e migha odalo ukpekhomhi oyoli e li e tse e.\* <sup>5</sup> Li shi iJesu iKirisiti ni o khi otsele ona igesikia, oni o te odode mu eghuli o le, ni o mheshe na ighie na agbo, o li ri otsele ghi e.†

Loli ni o nono ingme oyawa, ni o ri o lia eyoli rue awa olamhe eyawa le, <sup>6</sup> o she ri awa khi ighie ali ekpodalo-ugamhi eyi Eshinegba ni e ke ga Eshinegba oyoli ali itali. Ufumhi ali ekpabo e khi eyoli agboagbo ya je agboagbo! Atse.‡

<sup>7</sup> A ghe i, o ya la  
elemhi otughunu  
ke bhale,  
ukpeloe nya e ya me oli,  
ghe egbo ni e sono li iwere.  
Egbo nya na eke agbo  
e ya vie oya irari oyoli.

Igho o ya li! Atse.§

<sup>8</sup> “Mhemhe mhi khi Aafa ali Omega.” Eshinegba Onomhue Nofune nya o ngme gho, Oni o khi loli, ni o kie kpe khi loli, ali ni o ya bhale.\*

### Oni o li abi Omi ogbo

<sup>9</sup> Mhemhe iJoni ni mhi khi inyoghuo e ni awa ga me osoli, ni awa ga mholi obo shi omheshe ali ni awa kuegbe-a regbemie itobo iJesu. Abi mhi ro la eke ni i la iteva oke oniemhi ni a lu iPatimosi irari ungmemhi oyi Eshinegba ali otsele oyi iJesu. <sup>10</sup> Ayemhe o tiemhile shi mhe o ogbele oyi Onomhue, mhi suo uruli na leghe nabi akala ukhokho oyemhe. <sup>11</sup> Oni uruli oo, “Keke emini u me shi ebe, ni u rue oli ghi igbaa nya eyi eni e mie iJesu iKirisiti suo ishilua eni e la eoli Efesosi, ali iSimirina ali iPagamu ali iTiatira ali iSadisi ali iFiladefia ali iLaodisha.” <sup>12</sup> Mhi mu egbe nyene ni mhi me uruli ni o nu mhe e ngme. Abi mhi ro nyene egbe, mhi me ikhuli igolu ishilua ni a ri ikpa ru e nga. <sup>13</sup> Ifui eni ikhuli ni a ri akpa ru e nga, mhi me ogbo, “Ni o li abi Omi Ogbo.”† O so itsua na dogo ni e ramhi oli imekene awe, ni o ri ugbhobho igolu mu aye. <sup>14</sup> Ukhomhi ali itsu eyoli ee pfuase abi afuolu, ee pfuase pepere abi otughunu opfopfo, ikpamhi alo eyoli e li abi elemhi erali. <sup>15</sup> Awe eyoli e ge nyagha abi akhuli ide. Uruli oyoli oo de limhilimhi abi ikhoshe oyi utumhi oke nofuni ni o rote ikhomhi eche tu e tiemhile.§ <sup>16</sup> Obita oyoli o mu ikpetata ishilua mhue, itakobi ozalo eva o rote unu oyoli lasele. Alo eyoli e ga nyanyanya abi ovo o khueghie unu-a. <sup>17</sup> Abi mhi ro me oli, mhi de yeshi oli awe abi oni o she ghu-a. Ama o ri obita oyoli nga mhe egbe, oo mhe, “Khi na ulishi, mhemhe mhi khi Onodode ni mhi khi oni o kpe ukhokho.\* <sup>18</sup> Mhemhe mhi khi Oni o la agbo, Mhi kpe ghua, ghe khe khi mhi la agbo agboagbo. Mhi mu okpe eghuli ali ilimhi mhue obo.

<sup>19</sup> “Irarigho, keke emini u me, emini aa me mena, ali emini a ya me ini oo deni. <sup>20</sup> Osheli oyi ikpetata ishilua ni u me mhe obita ali ikhuli igolu ishilua ni a ri ikpa ru e nga na. Eni ikpetata ishilua wewe e khi eni igeni ena igbaa oyi eni e mie iJesu iKirisiti suo ishilua, eni ikhuli ikpa ishilua e khi

\* **1:4** Li ze Okiali 3.14; Iro 4.5 † **1:5** Li ze Aza 55.4; Iwolo 89.27 ‡ **1:6** Li ze Okiali 19.6; Iro 5.10 § **1:7** Li ze iDan 7.13; iMat 24.30; iMak 13.26; iLuk 21.27; 1 iTesa 4.17; iZaka 12.10; iJon 19.34,37 \* **1:8** Li ze iRom 1.17; Iro 22.13; Okiali 3.14 † **1:13** Li ze iDan 7.13 ‡ **1:15** Li ze Ezik 1.24; 43.2 § **1:15** Li ze iDan 7.9; 10.6 \* **1:17** Li ze Aza 44.6; 48.12; Iro 2.8; 22.13

igbaa nya eyi eni e mie iJesu iKirisiti suo ishilua.

## 2

*Ebe ni a keke ghi igba eni e miesuo ena eoli Efesosi*

<sup>1</sup> “Keke enana ghi aḡeni na igbaa oyi eni e mie iJesu iKirisiti suo ni o la eoli Efesosi: Enana e khi ingmemhi eyi oni o mu ikpetata ishilua mhue obita, ni o o kia ifuabo eyi ikhuli igolu ni a ri ikpa ru e nga. <sup>2</sup> Mhi lese onete ni aa rieḡe ali itotobo gbe akanya oyeḡe ali iregbemie oye e. Mhi lese khi aa ya so eḡbo okholo shi iteva oye e, ali khi a she mu eḡbo ni e lu eḡbewe ighiusomhi na keke fe bino, a me khi eḡbholi ee lo. <sup>3</sup> A she mhue iregbemie, a ri egbe mie omunu irari eva oyemhe, aa ti egbe je ukhokho. <sup>4</sup> Ama mhi mholi ona ya gue shi e egbe, khi a she kie inono ni a te eke mhue. <sup>5</sup> A sato ashini a ti nga ramhi elemhi ayemhe ni a te de. A mu pfi, ni a rieḡe emini a kpere te eke e rieḡe gbo ke rieḡe. Ini aa mu pfi, mhi ya bhale deba e ya wolo ikhuli ni a ri ikpa ru e nga eye e ashini e la le. <sup>6</sup> Ama a mhue onete ona ni a rieḡe. Eri angeli eyi eḡbo iNikolaita e kpare e, ni o khia khi e lili e kpare mhe. <sup>7</sup> Oni o ze eso, o ro suo abi Ayemhe o gue e ye igbaa oyi eni e mie iJesu iKirisiti suo nya.\* Oni o da mu o le ne, mhi ya lama na li ni o le ukpamhi ora oyi agbo ni o la Apfe oyi Eshinegba ni o la iloghie.

*Ebe ni a keke ghi igba eni e miesuo ena eoli iSimirina*

<sup>8</sup> “Keke enana ghi aḡeni na igbaa oyi eni e mie iJesu iKirisiti suo na eoli iSimirina.†

“Enana e khi ingmemhi eyi oni o ralo ni o gbo kpe ukhokho, ni o ghu-a ni o gbo bhale agbo. <sup>9</sup> Mhi lese osoli ali umhame oyeḡe, ama a mholi epfue. Mhi lese ungmehi opfueche ni eḡbo ni e lu eḡbewe iJu ni ea khi, e ro o pfueche e-a, no khia khi eḡbo owa ugamhi oyi okphaghi e khi. <sup>10</sup> A khi na ulishi osoli ni o o bhale na e. A ghe i, okphaghi o ya pfi eghuo lo oḡba ighumha ni a mu e fe bino, a ya nase e oḡbele igbe. A mu irudunga oyeḡe mhue ramhi eghuli,

egheḡe agho, mhi ya ri arula oghie agbo na e. <sup>11</sup> Oni o ze eso, o ro suo abi Ayemhe o gue e ye igbaa oyi eni e mie iJesu iKirisiti suo nya. Oni o da mu o le ne, eghuli ni uzeva o ya ramhi oli egbe.‡

*Ebe ni a keke ghi igba eni e miesuo ena eoli iPagamu*

<sup>12</sup> “Keke ona ghi aḡeni na igbaa oyi eni e mie iJesu iKirisiti suo na iPagamu.

“Enana e khi ingmemhi eyi oni o mholi itakobi ozalo-eva ni o lolo e mu. <sup>13</sup> Mhi lese ashini a la, ikhi ashini okphaghi o ri ukpekhomhi oyoli shi. Ama a kie mu eva oyemhe mhue. Aa kie irudunga ni a mholi na mhe. Gbo li shi eḡheḡe oyi Atipasi, ni o khi otsela oyemhe ni o migha shi igesikia, ni a gbe-a shi ifu apfe oyeḡe ashini okphaghi o ngeli. <sup>14</sup> Ama mhi mhue ikuku ingme shi e egbe. A mholi eḡbo eghuo iteva oyeḡe ni e mu osese oyi iBelamu mhue. Loli o sese oghie iBalaki o di eḡbo iZireni lo olamhe. Eri o gueye we e le eminale ni a ro luase obo na ikhumhi ali e ke ku itsebo. § <sup>15</sup> Igho a gbo mhue eḡbo ni e mu osese oyi iNikolaita mhue. <sup>16</sup> Irarigho, a mupfi. Ini o a khi igho, mhi ya keke bhale ya ri itakobi ni o la mhe unu nu we kholi. <sup>17</sup> Oni o ze eso o ro suo abi Ayemhe o gueye igbaa oyi eni e mie iJesu iKirisiti suo nya. Oni o da mu o le, mhi ya ri ibuledi eghuo ni a ro sheli na li le. Mhi gbo li ya ri eche opfopfo na li ni a keke eva onogbo shi, ni oḡbo okhoghuo o a lese, se ni oḡbo ni o mie oni echeli.\*

*Ebe ni a keke ghi igba eni e miesuo ena eoli iTiatira*

<sup>18</sup> “Keke ona ghi aḡeni na igbaa oyi eni e mie iJesu iKirisiti suo na eoli iTiatira: Enana e khi ingmemhi eyi Omi Eshinegba ni o mhue ikpamhi alo ni e ge abi elemhi erali, ni awe eyoli e li abi ide. <sup>19</sup> Mhi lese ikanya eye e, abi a li mholi inono ali irudunga ali abi a li ga egbe e ali iregbemie ni a mholi. A gbolo e rieḡe memena dose abi a te eke li. <sup>20</sup> Ama mhi mhue ingme onana ni mhi ya gue shi e egbe. A mie oni okpotso iJezebe ogho lama, oni o lu eḡboli omekeḡuele. Rote osese oyoli o te di eni ee ga eyemhe ya lo

\* **2:7** Li ze Igbae 2.9; Iro 22.2; Ezik 28.13; 31.8 † **2:8** Li ze Aza 44.6; 48.12; Iro 1.17; 22.13 ‡ **2:11** Li ze Iro 20.14; 21.8 § **2:14** Li ze iNoba 22.5,7; 31.16; iDeut 23.4; iNoba 25.1-3 \* **2:17** Li ze Okiali 16.14-15; 16.33-34; iJon 6.48-50; Aza 62.2; 65.15



itşebõ, ni e gbolo a le eminale ni a rõ luasõ ikhumhi.† 21 Mhi she ri eghẽghẽ na li ni õ rõ mupfi lasẽ itşebõ eyõli le, ama õa ghõle õli. 22 A ghe i, mhi ya ri ughuamhi pfi õli gbe she ukpho osoli, mhi ya pfi eghõ ni e nu õli kia okia lo osoli, sşẽ ni e mupfi lasẽ odẽ okhõlo oyõli le. 23 Mhi ya ri eghuli gbe imiõli, eghẽghẽ aghõ eni igbaa nya eyi eni e mie iJesu iKirisiti suõ e ya lşẽ khi mhemhẽ khi õni õõ bino udu ali isamhi eyi õghõ. Mhi ya falı ẽ ota abi õghõghõ õ li gbe.‡

24 “Ama ẽẽ ni e kpõle shi ẽoli iTiatira ni ẽa lama mu osşẽ eyi iJezebẽ mhue, ni aa lama wena owena eyi okphaghie ni ẽẽ lu osheli ni e limhi, mhi aa ya khi omhşẽ olese nga ẽ ike. 25 A lşẽ mu emini a mhõli mhue obõ eghõghõ ya ramhi ni mhi rõ ya bhale. 26 Oni õ mu õ le, ni õ ri õghuemhẽ oyemhẽ gbe ya ramhi ukpşẽ, mhi ya ri ishishi nali ke mhşẽ shi. 27 ‘O ya ri akhuli mhue obõ ke mhşẽ na wẽ, õ ya guõghõ wẽ a abi a liẽ ma ekhe.’§ 28 O ya mhõli afu onabi mhi rõte obõ oyi Itamhẽ mie. Mhi gbo ri ukpõtata anukpesumegie na ẽluzogbe na li.

29 “Oni õ zẽ esõ, õ rõ suõ abi Ayemhẽ õ gueyẽ eni igbaa nya oyi eni e mie iJesu iKirisiti suõ.

### 3

*Ebe ni a kẹkẹ ghi igba eni e miesuõ ena ẽoli iSadisi*

1 “Kẹkẹ ona ghi agheni na igbaa oyi eni e mie iJesu iKirisiti suõ na ẽoli iSadisi.

“Enana e khi ingmemhi eyi õni õ mu iyemhẽ ishılua eyi Eshinęba ali ikpõtata ishılua mhue. Mhi lşẽ ikanya eyẽ. A mhõli eva onete abi ẽzẽzẽ khi a la agbõ, ama eri a ghua. 2 A gualẽ ni a zese emini o kpõ ẽ le-a ni ẽ nono ni e ghua. Irari khi mhi mş ikanya eyẽ khi ẽa gba pfo odalo oyi Eshinęba oyemhẽ. 3 A ri itobõ ighõ sato emini a she mie ni a suõ, a ri õli gbe akanya, a mupfi. Ama ini aa da gualẽ, mhi ya bhale abi oghiatõ, aa ya lşẽ eghẽghẽ ni mhi rõ ya bhale na ẽ.\* 4 Abi o kie li ena, à kie mhue

egbõ eghuo ẽoli iSadisi ni ẽa ri ichimhi mu itsua eyewẽ. E ya sõ itsua epfopfo nu mhẽ kia, irari khi e tẽ õ. 5 Oni o mu õ le, ighõ õ li ya sõ itsua epfopfo. Mhi aa ya shishi eva oyõli ebe ni a kẹkẹ eva oyi eni e ya mhõli agbõ na agbõagbõ shi-a. Ama mhi ya ngme ingme oyõli le khasẽ itamhẽ ali igeni eyõli.† 6 Oni õ zẽ esõ, õ rõ suõ emini Ayemhẽ õ gueyẽ eni igbaa oyi eni e mie iJesu iKirisiti suõ nya.

*Ebe ni a kẹkẹ ghi igba eni e miesuõ ena ẽoli iFiladefia*

7 “Kẹkẹ ona ghi agheni na igbaa oyi eni e mie iJesu iKirisiti suõ na ẽoli iFiladefia. Ena e khi ingmemhi eyi õni õ pfluasẽ, ni õ khi igesikia, ni õ mhõli okpẽ oyi iDefidi. Oni õ kha khueghie-a, õghõ õa laõ ni õ dobẽ ya khukhu, õni õ kha khukhu, õghõ õa dobẽ khueghie-a.‡ 8 Mhi lşẽ ikanya eyẽ ẽ. A ghe i, mhi she khueghie odẽ-a shi ekẽ na ẽ, ni õghõ õa dobẽ ya khukhu. Mhi lşẽ khi ukuku itoto a mhõli, abotseku khi ighõ, a kie ri ungmehi oyemhẽ ẽ gbe akanya, aa tigbe kie eva oyemhẽ. 9 A ghe i, mhi ya ri eni e la owa ugamhi oyi okphaghie ni ẽ lu egbewẽ iJu ni o khia khi eghõli ẽ lo, bhale ya nyşẽ ukhomhi shi ẽ ufuegẽ ni e lşẽ khi mhi nono ingme oyẽ.§ 10 Irari khi a ri omhşẽ oyemhẽ gbe akanya ni o gueyẽ e a ri irabõmudu ri egbe mie, mhi ya rue ẽ imufẽ le, ni õõ bhale ekẽ agbõ nya. Imufẽ ni o ya mu eghõ na agbõ nya fẽ bino. 11 Mhi ya kẹkẹ bhale. Mu emini u mhõli mhue toto, ini õghõkhõghuo õ khi mie ẽ arula oghie oyẽ. 12 Oni õ da mu õ le ne, mhi ya rõli khi õchẽ elemhi Owa ugamhi oyi Eshinęba oyemhẽ. Oa ya tigbe rõte aghõ vu. Mhi ya kẹkẹ eva oyi Eshinęba oyemhẽ shi õli egbe, li shi eva oyi ẽoli oyi Eshinęba oyemhẽ ni o khi iJerusalemu onõghõ, ni o rõte Eghiele oyi Eshinęba oyemhẽ ẽ tiemhile ali eva onõghõ oyemhẽ.\* 13 Oni õ zẽ esõ, õ suõ emini Ayemhẽ o gue ẽ yẽ eni igbaa oyi eni e mie iJesu iKirisiti suõ nya.

*Ebe ni a kẹkẹ ghi igba eni e miesuõ ena ẽoli iLaodisha*

† 2:20 Li zẽ 1 Ighie 16.31; 2 Ighie 9.22,30 ‡ 2:23 Li zẽ Iwolo 7.9; iJere 17.10; Iwolo 62.12 § 2:27 Li zẽ Iwolo 2.8-9

\* 3:3 Li zẽ iMat 24.43-44; iLuk 12.39-40; Iro 16.15 † 3:5 Li zẽ Okiali 32.32-33; Iwolo 69.28; Iro 20.12; iMat 10.32; iLuk 12.8 ‡ 3:7 Li zẽ Aza 22.22; iJobu 12.14 § 3:9 Li zẽ Aza 49.23; 60.14; 43.4 \* 3:12 Li zẽ Iro 21.2; Aza 62.2; 65.15

14 “Keke ona li ghi ageni na igbaa oyi eni e mie iJesu iKirisiti suo na eoli iLaodisha. Enana e khi ingmemhi eyi Atse, ni o khi otselę oni o ze ri egbe e nga, ni o khi igesikia, oni o mhese e na emini Eshinegba o ma nya.† 15 Mhi lese ikanya eye e khi, aa mhue utomhi wekhi eri a pfo. O kha ti ini a khi oghuo o lo. 16 Irarigho, itobo khi a rimhe, ni aa ro to wekhi eri a pfo, mhi ya rote unu oyemhe to e pfia. 17 Irari khi a lie, ‘Mhi pfue, mhi she ti epfue ma, mhi aa ke mhue emini o to mhe.’ Ama aa lese khi egbo eyemhe a khi, eni a vie osoli e na, ena umhame, ni e khi ezalo ali ebanoa. 18 Irarigho, mhia ye e ude ni a nu mhe de elomho ni a ri erali nye-a ini a mele eni e pfue-a, ni a mholi itsua epfopfo ni aa so, ni a ro khukhu irumheba omama eye e. Ni mhi ri ogugu na e vi shi alo ni a ke me eke. 19 Egb o ni mhi nono ingme oyewe, mhi ya dese, mhi gbo sheshe we shi ode, irarigho a mhue omuegbe ni a mu nyene.‡ 20 A ghe i! Mhi migha ode mhia kpheli ob o, ini ogbokhoghuo o suo uruli oyemhe ni o ro khueghie-a na mhe, mhi ya lo le, mhi nu oli le, o nu mhe le. 21 Oni o mu o le, mhi ya lama na li ni o nu mhe shito ukpekhomhi oghie oyemhe, ezeze abi mheme mhi li mu o le ni mhi nu Itamhe shito ukpekhomhi oghie oyoli. 22 Oni o ze eso, o ro suo emini Ayemhe o gueye eni igbaa nya eyi eni e mie iJesu iKirisiti suo.”

## 4

### *Ugamhi na iloghie*

1 Abi mhi ro me ena dose se, mhi ke gbo me imeke olese. Mhi me khi ode o khueghie-a shi iloghie, mhi suo khi uruli ni o kpe nu me mhe ngme abi akala. Oo mhe, “Bhale odane ana, khi mhi ya re khas e emini a ya me ini ena e dose se.” 2 Utoghuo kpe mhi la elemhi Ayemhe, mhi me odalo oyemhe khi ukpekhomhi o migha iloghie, khi ogbo o shito nga o. 3 Oni o shito o, o li abi eche ni oo ge ni a lu ijasipa ali ikaneliani. Ogaji ni o li abi eche ughegbe ni a lu emeradi o vi gas e oni ukpekhomhi.\* 4 Ikpekhomhi uye ali ene elese e la gas e oni

ukpekhomhi. Egbhali uye ogbo ali aane e shito eni ikpekhomhi. E so itsua epfopfo, e rughu irula oghie igolu shi ukhomhi. 5 Rote oni ukpekhomhi oghie, inyamhisalo ame ali ingmolo oyi akphala e te o o lasele. Rote oni ukpekhomhi oghie ikpa ishilua e lala ni e khi Ayemhe ishilua eyi Eshinegba.† 6 Ali khi oni ukpekhomhi khi emini o li abi oke ighegbe oniemhi o la odalo oli ni o pfuase ni a te e me eke gboo.

Elamhako aane ni e mhue ayemhe ni e ze alo gas e egbe odalo ali ukhokho, e le gas e oni ukpekhomhi oghie roli shi iteva. 7 Emini o mhue ayemhe onodode o li abi idu, onuzava o li abi ena, onuzase o ze alo abi ogbo, onuzi-aane o li abi akpa odegbe ni oo fiala.‡ 8 Eni elamhako aane ena e mholi ipfua esesa esesa, e mholi ikpamhi alo gas e idiegbe, li ghe elemhi ipfua eyewe, Ele oguota ali ele iyose ea tigbe e yemhe-a, eri e lese lie,

“Ipfuase, ipfuase, ipfuase  
khi Eshinegba Onomhue  
Nofune nya,  
Oni o khi loli,  
ni o kie kpe khi loli,  
ali ni o ya bhale.”§

9 Ini eni elamhako aane egho e da ri ufumhi ali ekpe ali ikphemhi na oni o shito oni ukpekhomhi oghie ne, ni o la o a le ele na agboagbo, 10 eni egbhali uye ogbo ali aane egho, e de ya yeshi na oni o shito oni ukpekhomhi, e ri kphemhi na oni la o a le ele na agboagbo. E gueghie irula eghiele eyewe shi eke odalo oni ukpekhomhi oghie, ee lie.

11 “U teo Onomhue ali  
Eshinegba oyanye,  
Ni o mie ufumhi  
ali ekpe ali ekpabo,  
Irari khi ye u ma emhikpa.  
Oghuemhe oye u ro ma we,  
loli e gbo ro la o abi a li ma we.”

## 5

### *Ebe ali Omi Osumha*

1 Mhi ke gbo me oni o shito oni ukpekhomhi oghie khi o mu ebe ni a keke emhi shi odalo oli ali ukhokho oli mhue

† 3:14 Li ze Ekpi 8.22 ‡ 3:19 Li ze Ekpi 3.12; Iburu 12.6

Iro 8.5; 11.19; 16.18; Ezik 1.13; Iro 1.4; iZaka 4.2 ‡ 4:7 Li ze Ezik 1.22,5-10; 10.14

§ 4:8 Li ze Ezik 1.18; 10.12; Aza 6.2-3 \* 5:1 Li ze Ezik 2.9-10; Aza 29.11

\* 4:3 Li ze Ezik 1.26-28; 10.1 † 4:5 Li ze Okiali 19.16;

§ 4:8 Li ze Ezik 1.18; 10.12; Aza

obita. A ri erueli rote asha ishilua to oli ma.\*  
 2 Mhi me ageni ni o fune ni o tsesengme leghe odo lie, "Oghuo o ya dobe maghie eni erueli oni ebe-a?" 3 Ama ogbokhoghuo o la iloghie, wexhi eke agbo, wexhi ikpoke na agbo, ni o dobe khueghie oni ebe-a, ukeneta khi eri o dobe ya bino elemhi oni ebe. 4 Mhi vie egbegbo irari khi aa me ogbo ni o teo ni o ya khueghie oni ebe-a wexhi ni o bino elemhi oli. 5 Otuoghuo eni egbhali egho odo mhe, "Khi ke vie! Ghe khe, Odumhi na unuekpe oyi ijuda, Omiami iDefidi o she mu o le. O dobe ya khueghie oni ebe-a ali erueli ishilua eyoli."†

6 Igho mhi me khi Omi Osumha khi o migha odalo oyi oni ukpekhomhi oghie ni elamhako aane egho, ali eni egbhali e gase. O li abine khi a she kpe gbe oli-a. O ze ekphali ishilua ali ikpamhi alo ishilua ni e khi Ayemhe ishilua eyi Eshinegba ni o she ghie je eke agbo nya.‡ 7 Oni omi osumha o le ya rue oni ebe obita oyi oni o shito oni ukpekhomhi oghie. 8 Abi o ro rue oni ebe se, eni elamhako aane egho ali egbhali uye ogbo ali aane, e de yeshi odalo oyi oni Omi osumha. Wewe nya ogbogbo o mu efa mholi obo ali itasa igolu ni ituale afu eera ni a tose e vo, ni e khi iromhi ni eni Eshinegba o she pfa na e so. § 9 E to uwolo onogbo, e lie,

"U te oni o rue oni ebe,  
 u gbo te oni o ya maghie  
 erueli ni a ro ma o-a,  
 Irari khi a gbe-a,  
 U ri o lia eye de egbo  
 na Eshinegba,  
 egbo ni e rote agbo nya bhale  
 rote unuekpe nya ali  
 emue ododa ali egbo ododa nya.\*

10 U rewe mele ighie  
 ali ekpodalo-ugamhi ni e ga  
 Eshinegba oyawa-a.  
 E ya la agbo ke mhesa."†

11 Mhi bino mhi suo iruli eyi igeni ebubu ni e ramhi igbele ali idududu. E le gase oni ukpekhomhi oghie ali elamhako egho ali eni egbhali.‡ 12 E ri ukpokpomhi uruli i to uwolo, e lie,

"Oni o teo Omi osumha  
 ni a gbe-a o khi,  
 ni o mie ekpabo ali epfue  
 ali ilosingme ali itoto,  
 ali ekpe ali ufumhi  
 ali ikueghie!"

13 Mhi tigbe suo khi emhikpa ni a ma na iloghie ali eke agbo ali ikpoke na agbo ali ena oke oniemhi ali emini e lao elemhi oli nya khi e to uwolo, e lie,  
 "Oni o shito oni ukpekhomhi  
 ali Omi osumha,  
 Ikuighie ali ekpe  
 ali ufumhi ali ekpabo,  
 e khi eye, rote  
 agboagbo ya je agboagbo!"

14 Eni elamhako aane egho e li, "Atse," eni egbhali egho, e de yeshi, e ga li.

## 6

### Eni erueli

1 Mhi tokpe bino abi oni Omi Osumha o ro maghie erueli onodode elemhi eni erueli ishilua-a. Mhi suo khi oghuo eni elamhako egho o ngme abi uruli akphala, odo li, "Bhale!" 2 Mhi bino, ghe achi opfopfo odalo oyemhe khe! Omose ni o nga li o mu usheli mhue, a ri arula oghie na li, o nga oni achi ya fie abi okholi-okhue ni o kholi mu o le ni o gbo vu ya kholi mu o le.\*

3 Abi oni Omi Osumha o ro maghie erueli onuzi-eva-a, mhi suo khi elamhako onuzava o ngme, odo li, "Bhale!" 4 Mhi me khi achi olese ni odo yile nyogho o fie lasele. A ri afu na oni o nga li ni o ro rue opfomhe eke agbo-a, ni o ro ri egbo ke gbolo egbe we-a. A ri ogbhoro oniemhi na li.†

5 Abi oni Omi Osumha o ro maghie erueli onuzi-ese-a, mhi suo khi elamhako onuzi-aase o ngme, odo li, "Bhale!" Mhi bino, ghe achi obishi odalo oyemhe khe! Oni o nga li o mu emini a ro o mhesa ukhomhi oyi emhi.‡ 6 Mhi suo khi emini o li abi uruli o la elemhi ifuabo oyi eni elamhako aane egho ngme, odo lie, "Ifata ogbeleghuo a ri ago oghuo oyi ado e de, idiakpala ese oyi oakpa, o li migha

† 5:5 Li ze Igbae 49.9; Aza 11.1,10 ‡ 5:6 Li ze Aza 53.7; iZaka 4.10 § 5:8 Li ze Iwolo 141.2 \* 5:9 Li ze Iwolo 33.3; 98.1; Aza 42.10 † 5:10 Li ze Okiali 19.6; Iro 1.6 ‡ 5:11 Li ze iDan 7.10 \* 6:2 Li ze iZaka 1.8; 6.3,6 † 6:4 Li ze iZaka 1.8; 6.2 ‡ 6:5 Li ze iZaka 6.2,6

shi ifata ogbeleghuo. Khi yese oili olivu-a ali onyo!”

<sup>7</sup> Abi oni Omi Osumha o ro maghie erueli onuzi-ene-a, mhi suo khi uruli oyi elamhako onuzi-aane o o li, “Bhale!” <sup>8</sup> Igho mhi me achi ni o li abi oni o ya ghu-a. Oni o nga li a lui Eghuli, ali eghiele ilimhi oo deba li udidi, a ri afu na we ni e ro ri ogbhoro ali okiamhi ali ighuamhi ali elamhako okhena gbolo egbo iku akemhishi asha ene egbo na eke agbo-a. §

<sup>9</sup> Abi oni Omi Osumha o ro maghie erueli onuzi-ishe-a, mhi me iyemhe eyi egbo na gbolo-a irari ungmehi oyi Eshinegba ali otsele ni e mu mhue ufui oni atete. <sup>10</sup> Ee vie leghe, e lie, “Onomhue ni o khi ona ipfuase ali igesikia, egheghe onoghuo u ro ya gue egbo na agbo ez, ni u ro ya ye okhue oia eyi anye obo oyewe na anye?” <sup>11</sup> Eghoghe agho, a ri itsua epfopfo na we. A gueye we e migha ne ukuku o, ramhi egheghe ni eni ee ga nabi we we etuangme ni a nono ni a li gbolo-a e ro ya gba. Ezeze abi a li gbolo we we-a.

<sup>12</sup> Mhi bino abi o li khueghie erueli onuzi-esesa-a. Ukpokpomhi eke o kulu. Ovo o bishi-a abi ode abuma ni a ri iriria elamhi do. Uki nya o yile-a abi oia.\* <sup>13</sup> Ikpetata na idane e deno kule eke abi ikpamhi okhuaeni ni ea yile ne e lie de kule ini akpekpeli ni o ze o jighise we. <sup>14</sup> Irarogbe o khili ode-a abi a lie khili ighele eke-a. Ite nya ali eke ni e la iteva oke, a rue we ashini e la le. †

<sup>15</sup> Eghoghe agho, ighie na eke agbo ali ekhemhue ali idenomokhali ali eni e mhali epfue ali eni e mhali ekpabo ali ogbokpa ali ighumha ali eni ea khi ighumha, e na ya sheli ifui irui ali eche na ite. § <sup>16</sup> Ee vie lu ite ali eche eniemhi, e lie we, “A de mu anye ni a ri anye sheli eloe oyi oni o shito oni ukpekhomhi oghie ali ofu oyi oni Omi Osumha!” <sup>17</sup> Irari khi ogbele ofu oniemhi oyi Eshinegba o she ramhi ni o ro ya tiemhile shi we o, oghuo o dobe ya migha?” †

## 7

*Egbo agbele egbhueshilua ali ene (144,000) ni a shi olele*

<sup>1</sup> Ona o dose se, mhi ke gbo me khi igeni aane e migha iguabo enenene na eke agbo. E mu akpekpeli enenene na iguabo eke agbo gba ini akpekpeli o khi ke li eke agbo, we ukhomhi oke oniemhi we eera.\*

<sup>2</sup> Igho mhi ke me ageni olese khi o rote obini ovo o te e ngale lasale, o tsua akhuli ni a ro o shi emhi olele oyi Eshinegba ni o la agbo. O ri uruli na leghe lu eni igeni aane egho ni a ri ekpabo na ni e ro yese eke ali oke oniemhi-a. <sup>3</sup> O o we, “A khi yese eke-a we oke oniemhi we eera, se khi awa shi olele shi eni ee ga eyi Eshinegba alukpo se.” † <sup>4</sup> Igho mhi suo khi eni a rote elemhi edeli eyi izireni nya shi olele, e ya khi egbo agbele egbhueshilua ali ene (144,000).

<sup>5</sup> A rote unuekpe oyi iJuda, shi olele shi egbo agbele igbeva egbe (12,000).

A rote unuekpe oyi iRubeni, shi olele shi egbo agbele igbeva egbe (12,000).

A rote unuekpe oyi iGadi, shi olele shi egbo agbele igbeva egbe (12,000).

<sup>6</sup> A rote unuekpe oyi iAsha, shi olele shi egbo agbele igbeva egbe (12,000).

A rote unuekpe oyi iNafutali, shi olele shi egbo agbele igbeva egbe (12,000).

A rote unuekpe oyi iManase, shi olele shi egbo agbele igbeva egbe (12,000).

<sup>7</sup> A rote unuekpe oyi iSamo, shi olele shi egbo agbele igbeva egbe (12,000).

A rote unuekpe oyi iLiva, shi olele shi egbo agbele igbeva egbe (12,000).

A rote unuekpe oyi iSaka, shi olele shi egbo agbele igbeva egbe (12,000).

<sup>8</sup> A rote unuekpe oyi iZebulo, shi olele shi egbo

§ 6:8 Li ze Ezik 14.21 \* 6:12 Li ze Iro 11.13; 16.18; Aza 13.10; iJoe 2.10,31; 3.15; iMat 24.29; iMak 13.24-25; iLuk 21.25 † 6:14 Li ze Iro 16.20 ‡ 6:14 Li ze Aza 34.4 § 6:15 Li ze Aza 2.19,21 \* 6:16 Li ze Osia 10.8; iLuk 23.30 † 6:17 Li ze iJoe 2.11; iMala 3.2 \* 7:1 Li ze iJere 49.36; iDan 7.2; iZaka 6.5 † 7:3 Li ze Ezik 9.4,6

agbele igbeva egbe (12,000).  
A rote unuekpe oyi iJosefu,  
shi olole shi egbo  
agbele igbeva egbe (12,000).  
A rote unuekpe oyi iBejami,  
shi olole shi egbo  
agbele igbeva egbe (12,000.)

<sup>9</sup> Ona o dose se, mhi bino, ghe ebubu egbo  
ni ogbokhoghuo o do be ya leli khe! Ishishi  
khi ishishi ali unuekpe nya ali egbo ali emue  
ododa e te bhale. Igho e migha odalo oyi oni  
ukpekhomhi oghie, e migha odalo oyi oni  
Omi Osumha, e sono itsua epfopfo, e muno  
eyamhi mholi abo. <sup>10</sup> E tseseghe, e lie.

“Eshinegba oni o shito  
oni ukpekhomhi oghie,  
O mholi ekpabo

ni o ro mie egbo eyoli pfuese,  
igho li khi oni Omi Osumha.”

<sup>11</sup> Igeni nya e migha gase oni ukpekhomhi  
oghie, ali eni egbhali ali elamhako aane  
e de ta alo mu eke odalo oni ukpekhomhi  
oghie e ga Eshinegba. <sup>12</sup> E lie,  
“Atse!

Ikuoghi ali ufumhi,  
ali egbe ali  
ikphemhi ali ekpe,  
ali ekpabo ali itoto,  
e khi eyi Eshinegba oyawa,  
ele na agbo agbo.  
Atse!”

<sup>13</sup> Igho ogbhali oghuo elemhi we o nu mhe  
ngme o mhe, “Eghuo egho e khi ni e sono  
itsua epfopfo? U lese obini e te bhale?”

<sup>14</sup> Mhie oli, “Oga, yeye u ya lese.”<sup>‡</sup>

Oo mhe, “Ena e khi eni e pfue oni  
ukpokpomhi ajilimhe, e she pfue itsua  
eyewe-a, e ri oia eyi oni Omi Osumha rewe  
pfuase. <sup>15</sup> Irarigho,  
“E ro migha odalo  
ukpekhomhi oghie  
oyi Eshinegba.

Ni e la  
elemhi Owa oyi Eshinegba oyoli  
ke ga li ele oguota ali eliyose.

Oni o shito oni  
ukpekhomhi oghie oyoli,  
o ya ri okholo oyoli

khukhu we.  
<sup>16</sup> Okiamhi o ke  
gbo ya gbe we ghue,  
wekhi okiam o ke ya gbe we ghue.

A ya khukhu we ov o erere,  
o ke tose we ghue. §

<sup>17</sup> Irari khi oni Omi Osumha  
ni o migha odalo oni  
ukpekhomhi oghie,  
o ya ri oloe ke khu we.  
O rewe je oke ame  
ni o ri agbo a na ogbo.

Eshinegba o ya shishi we amevie alo-a.”\*

## 8

### *Erueli onuzi-ishilua*

<sup>1</sup> Abi oni Omi Osumha o ro maghie erue  
onuzi-ishilua-a, iloghie o kekake elemhi  
iminiti uye ali igbe.

<sup>2</sup> Igho mhi me igeni oshilua ni ee migha  
odalo oyi Eshinegba, khi a ri ikala ishilua na  
we.

<sup>3</sup> Ageni olese o bhale ya migha atete. O  
tsua ilolo oyi elomho. A ri afu ituale ne e bu  
na li ni o ya tose, gbo li shi iromhi ni eni  
Eshinegba o she pfa na e so. O la oni atete  
elomho ni o la oni eghiele tose we.\* <sup>4</sup> Ewoli  
eyi oni ituale afu era ni aa tose ali iromhi  
eyi eni Eshinegba o she pfa na, e rote obo oyi  
oni ageni nga idane deba Eshinegba. <sup>5</sup> Igho  
oni ageni o rue oni ilolo, o we erali ni e la  
ukhomhi oni atete vo o. O pfi oli tiemhi  
eke agbo, igho ikphala e de, ali ingmolo, ali  
inyamhise alo ame, ali eke ikulue.†

### *Eni ikala*

<sup>6</sup> Mena, igeni oshilua ni e mholi ikala  
ishilua e mu egbe ni e ro pfi we.

<sup>7</sup> Ageni onodode o pfi akala oyoli, eche  
ame ali erali e kuma oia wushe kugbe,  
e de ku shi ekekhe. Ukiekie opfoghuo  
akemhishi ese oyi eke agbo, o to-a.  
Asheghuo akhemhi shi ese oyi era nya e  
toa, ebuli nya e toa.‡

<sup>8</sup> Ageni onuzi ava o pfi akala oyoli, em-  
ini o li abi ute o lala, a pfi oli lo oke  
oniemhi. Ukiekie oghuo ini a kemhi oni  
oke oniemhi shi asha ese o mele oia-a

‡ 7:14 Li ze iDan 12.1; iMat 24.21; iMak 13.19 § 7:16 Li ze Aza 49.10 \* 7:17 Li ze Iwolo 23.1; Ezik 34.23; Iwolo 23.2; Aza 49.10; 25.8 \* 8:3 Li ze Em o 9.1; Okiali 30.1,3 † 8:5 Li ze iLev 16.12; Ezik 10.2; Okiali 19.16; Iro 11.19; 16.18 ‡ 8:7 Li ze Okiali 9.23-25; Ezik 38.22

<sup>9</sup> asheghuo akemhi shi ese elamhako ni e lao e ghulooa, asheghuo akemhishi ese oko-oke eniemhi ni e la oni oke e tseke-a.

<sup>10</sup> Agheni onuzase o pfi akala oyoli, ukpokpomhi ukpetata ni o lala abi ugbili, o rote idane pfa, o de ya shi asheghuo akemhi oke nya shi asha-ese ali inu we ni oke e te e chocho. § <sup>11</sup> Eva oyi oni ukpetata a lu Oyala. Asheghuo akemhi-shi ese ameyi oke nya ni o de pfilo egho e yala, ebubu egbo e ghulooa irari khi eni ameyi oke e yala.\*

<sup>12</sup> Agheni onuzi-aane o pfi akala oyoli, a gbe emhi shi asheghuo akhi ovo-a shi asha ese, ali akhi uki-a shi asha ese, ali akhi ikpetata-a shi asha ese. Eni asha esese ena e bishi-a. A khi ogbe-a shi asha ese, o bi obili-a, igho a li li khi eliyose-a shi asha ese, akpa oga ge. †

<sup>13</sup> Abi mhi li bino egho, mhi suo khi akpa odegbe ni o la irarogbe fiala, o vie, o lie, "Epfua, Epfua! Epfua o khi na eni e la eke agbo itobo ikala ni igeni aase enekpole e ya pfi."

## 9

<sup>1</sup> Agheni onuzi-oshe o pfi akala oyoli. Mhi me ukpetata ni o rote idane de tiemhile ekekhe. A ri okpe oyi ode oyi ilimhi na ningolo na li. <sup>2</sup> Abi o ro khueghie ode oyi oni ilimhi na ningolo-a, ewoli e rote o lasele abi ewoli ni e rote avuerelasele. Ovo ali irarogbe e bishi-a irari eni ewoli ni e rote oni ilimhi na ningolo lasele.\* <sup>3</sup> Initso e rote eni ewoli ve e kule eke agbo, a ri afu na we ni e ro mhue ekpabo nabi eyi izage. † <sup>4</sup> A gueye we e khi ri unu ti ebuli ali emhi ekomhi okhoghuo wekhi oora na eke agbo, ama e ke nase egbo ni ea mholi olete oyi Eshinegba shi alukpo oyewe. ‡ <sup>5</sup> Aa lie we e gbolo eni egbo ena-a, ama ni e ro nase we iki ishe. Utomhi ni e to we, eri e li abi utomhi oyi okpi ini o ta ogbo. <sup>6</sup> Eghenge ni a ngme ena, egbo e ya ke nono eghuli ama ea ya me, o ya ghole we ni e ghu-a ama eghuli o ya me we na. §

<sup>7</sup> Eni initso e li abi ichi ni a mu egbe shi okholi. E rughu emini o li abi arula

oghie igolu shi ukhomhi, alo eyewe e li abi alo egbo.\* <sup>8</sup> Itsu eyewe e li abi itsu eyi ikpotso, ako eyewe e li abi ako idumhi. † <sup>9</sup> E ze ipfiapfia shi egbe abi awulu akhuli ni okholi-okhue o ro a mu aye. Okeke ni ipfua eyewe e kpe, e li abi okeke oyi ichi ikhuli ni e lo bu ni e na le okhue. ‡ <sup>10</sup> E ze ighia ali eka, ee ta abi ikpi, e mholi ekpabo shi eni ighia ni e ro na egbo osoli iki ishe. <sup>11</sup> E mholi oghie oyewe ni o khi agheni oyi ilimhi na ningolo. Abi a lu eva oyoli o khi Abadoni a lu oli elemhi Iburu. Ama Apolioni a lu oli elemhi iGiriki. (Oni o Yese-a a ri ona ngme.)

<sup>12</sup> Epfua onodode o she dose, ama epfua eva elese ea bhale ne.

### Akala onuzi-esesa

<sup>13</sup> Agheni onuzi-osasa o pfi akala oyoli, mhi suo khi uruli o rote igo ene oyi atete igolu ni o kpo eke le ni o la odalo oyi Eshinegba ngme lasele. § <sup>14</sup> O gueye oni agheni onuzi-osasa ogho o o li, "Taghie igeni aane ni a ge shi epfe oke oniemhi na lu iYufiretisi-a." <sup>15</sup> Igho a li rue eni igeni aane egho obo-a, ni a she ge shi agho, ro khe oni eghenge ona, ali ogbele ali uki ona, ali ukpe ona, ni e ya gbolo egbo igbekhi ese na eke agbo ona-a. <sup>16</sup> Ekholi-okhue etuangme ni a ro shi eke e khe okholi e bu ramhi udududu asha egbhuebe, 200,000,000. Mhi suo etuangme ni a lu we.

<sup>17</sup> Abi eni ichi ali eni e nga we e li na, abi mhi me we elemhi imealo oyemhe. Iwulu ikhuli ni ekholi-okhue e ro o mu aye eyewe, ee yile nyoghoe abi erali, e li abi egholi ibulu na koli, o mholi oyile abi ofu. Ikhomhi eyi eni ichi e li abi ikhomhi idumhi, erali, ewoli ali ofulu e rote we unu lasele. <sup>18</sup> Igbekhi asha ese egbo nya, eni erali ali ewoli ali ofulu ni e rote we unu lasele e gbolo-a. <sup>19</sup> Ekpabo eyi eni ichi e la we unu ali ighia. Irari khi eri ighia eyewe e li abi enye, e ze ikhomhi ni e ro kuale egbo utse.

<sup>20</sup> Egbo ni e kpole shi agbo ni oni opfuse oga gbolo-a, ea kie mu pfi lase ikanya abo eyewe le. Ea lase ekphaghie igaga le, li shi ugamhi eyi ikhumhi ni a ri igolu ali elomho

§ 8:10 Li ze Aza 14.12 \* 8:11 Li ze iJere 9.15 † 8:12 Li ze Aza 13.10; Ezik 32.7; iJoe 2.10,31; 3.15 \* 9:2 Li ze Igbae 19.28 † 9:3 Li ze Okiali 10.12-15 ‡ 9:4 Li ze Ezik 9.4 § 9:6 Li ze iJobu 3.21; iJere 8.3 \* 9:7 Li ze iJoe 2.4 † 9:8 Li ze iJoe 1.6 ‡ 9:9 Li ze iJoe 2.5 § 9:13 Li ze Okiali 30.1-3

ali ide ali eera khali. Ikhumhi ni ea ya me eke wekhi eri ee suọ esọ, wekhi eri e dobe e kia.\* <sup>21</sup> Wekhi eri e lama mu pfi lase ugbeli le, ali imhese imumu ali itsebo ilili ali ighiatọ idodo.

## 10

### *Oni ageni ali ebe nikeke*

<sup>1</sup> Igho mhi me ageni nofune olese, khi o rote idane e tiemhile, o ri otughunu khukhu egbe, ogaji o vi gase oli ukhomhi, alo eyoli e li abi ovo, awe eyoli e li abi oche erali. <sup>2</sup> O mholi ukuku ebe mholi obo ni o khueghie-a shi eke. O gbose owe obita oyoli shi elemhi oke oniemi, o ri owe ogobo nga eke. <sup>3</sup> O ri ukpokpomhi uruli pfi lasele leghe abi odumhi oo khoshe. Abi o ro pfi, uruli ikphala ishilua e ngme. <sup>4</sup> Abi eni ikphala ishilua e ro ngme se, mhi nono ni mhi keke shi ebe, ama mhi suọ khi uruli o rote idane lie, "Ri emini eni ikphala ishilua egho e ngme sheli, khi keke we shi eke."

<sup>5</sup> Igho oni ageni ni mhi me ni o migha oke oniemi ali ekekhe egho, o yase obita oyoli nga ukhui. <sup>6</sup> O ri eva oyi Eshinegba ni o lao le ele na agboagbo romhi ishe. Oni o ma ukhui ali emhikpa ni e lao, ali eke ali emhikpa ni e lao. Oo, "Emhi enana ea ke ya tese ni e ro bhale ya tse. <sup>7</sup> Ama khi ogbele ni ageni onuzi-oshilua o da ya pfi akala oyoli, Eshinegba o ya khueghie osheli oyoli-a ni o gba abi o li gue oli ye eni ee ga ni e khi emekeguele eyoli.\*"

<sup>8</sup> Igho uruli ni mhi rote iloghie suọ egho o gbo nu mhe ngme, oo mhe, "Le ya mie ageni ni o migha oke oniemi ali ekekhe ighelẹ ebe ni o khueghie-a, ni o la li obo."

<sup>9</sup> Igho mhi le deba oni ageni mhi o ri oni ebe nikeke ogho na mhe. Oo mhe, "Mo oli le. O ya yese e elemhi-a, ama o ya violo e unu abi iwọ." <sup>10</sup> Mhi mie oni ageni oni ebe nikeke obo, mhi roli le. O violo mhe unu abi iwọ, ama abi mhi ro roli le se, oo yala mhe elemhi.† <sup>11</sup> Igho a gueye mhe, "U mema ya mekeguele shi ebubu unuekpe, ali egho ali emue ododa ali ighie egbe."

\* **9:20** Li ze Iwolo 115.4-7; 135.15-17; iDan 5.23 \* **10:7** Li ze Okiali 20.11; iDeut 32.40; iDan 12.7; Emo 3.7 † **10:10** Li ze Ezik 2.8-3.3 \* **11:1** Li ze Ezik 40.3; iZaka 2.1-2 † **11:2** Li ze iLuk 21.24 ‡ **11:4** Li ze iZaka 4.3,11-14 § **11:6** Li ze 1 Ighie 17.1; Okiali 7.17-19; 1 iSam 4.8 \* **11:7** Li ze iDan 7.7,21; Iro 13.5-7; 17.8 † **11:8** Li ze Aza 1.9-10 ‡ **11:11** Li ze Ezik 37.10 § **11:12** Li ze 2 Ighie 2.11

## 11

### *Eni otsela aava*

<sup>1</sup> Igho a ri ufulo ni o li abi ukpokpo ni a ro o mhese emhi na mhe, a gueye mhe, "Le ya mhese Owa Ugamhi oyi Eshinegba ali atete ali eni e ga ugamhi akagho.\* <sup>2</sup> Khi mhese atukpapfe oniemi oyoli, khi mhese oli irari khi a she roli na iJeta. Wewe e ya lighi oni eoli no pfuase eke-a elemhi iki egbhueva ali eva (42).† <sup>3</sup> Mhi ya ri afu na otsela aava eyemhe. E ya meke guele elemhi ogbele agbele ali egbhuegbese (1,260.) E so ide ibuma." <sup>4</sup> Otsela aava ena e khi eera olivu eva ali emhi eva ni a ri akpa ru e nga ni e migha odalo oyi Onomhue ni o mhue eke agbo.‡ <sup>5</sup> Ini ogbokhoghuo oo dua ni loli kwale we utse, erali e rote we unu fie ya tose eni ebe we-a. Ina ebe we ni e nono ni e kwale we utse e mema li ya ghua. <sup>6</sup> E mholi afu ni e ro pfi okpe ukhui ini ame o khi rue eghelẹ ni e ro da me guele ne. E gbo mholi afu ni e ro mu ame oke mele oia-a. E gbo ku ighuamhi khi ighuamhi she eke abi o li ghole we shi.§

<sup>7</sup> Ini e da pfi o otsela se ne, inyagbemhi ni o ya rote ilimhi na ningolo lasele o ya tsua mu we, o mu we o le, o gbolo we-a.\* <sup>8</sup> Ilimhi eyewe e ya de yeshi ifui eoli ni o fune ashini a la gbe Onomhue oyewe-a shi apfida. Irokhokho iSodomu ali ijipiti eoli ona o khi.† <sup>9</sup> Ogbele ese ali ukhukui, egho na agbo nya ali edeli ali emue ali ushishi e ya ke nise uruli bino ilimhi eyewe, ea lama rewe to. <sup>10</sup> Egho na eke agbo e ya ke ghelẹ shi eghuli ni e ghu, ee bola, e de isomhopfa a ghi egbewe, irari khi emekeguele aava egho, e she nase egho ni e la eke agbo khue.

<sup>11</sup> Ama abi ele ese ali ukhukhui e ro dose, Ayemhe oyi Eshinegba ni mholi agbo o lo we egbe, e vule migha. Ulishi oniemi o lo egho ni e me we egbe.‡ <sup>12</sup> Igho e suọ uruli na leghe o rote idane ngme. Oo we, "Ngale odane oola." Igho e li nga idane elemhi otughunu. Ebe we e lese fe kpee.§

13 Oni eghẹghẹ a mẹ ukpokpomhi inighise eke ni o ku eke asheghuo akemhishi igbe oyi oni eoli lue. Egbọ agbele oshilua, 7,000, e ghulua, ulishi o mu egbọ ni e kpole, e kuẹghie Eshinegba ni o la iloghie.

14 Opfuse onuzi-eva o she dose, opfuse onuzi-ese o kele ya bhale.

### *Akala onuzi-ishilua*

15 Igho aḡeni onuzi-oshilua o pfi akala oyoli, igho ikpokpo iruli e la idane ngme. Ee lie,

“Eghiele agbo o she mele

eghiele oyi Onomhue oyawa-a,

ali onayi iKirisiti oyoli-a.

O ya mhesẹ ke le agboagbo.”\*

16 Egbhali uye ali aane ni e shito ukpekhomhi oyewe odalo Eshinegba, e de ya ta alo mu eke ga Eshinegba. 17 Ee lie,

“Anye ri ikphemhi ne,

Eshinegba Onomhue Nofune nya,

Oni o khi loli, oni o kpe khi loli,

irari khi u she rue

ekpabo eniemhi eye,

u she e mhesẹ.

18 Abi elemhi e ro bi ishishi,

yeye u li mholi ofu.†

Eghẹghẹ o she ramhi

ni u ro ya gue eni eghua ezọ,

ni u ro ya ri eleli na eni ee ga eye

ni e khi emekeguele,

ali eni Eshinegba o she pfa na

ni e ri ekpe na eva oye,

ghe egbọ ni ea mu eloe

ali ekhemhue,

abi u li pfuse eni e pfuse eke agbo-a.”

19 Igho a li khueghie Owa ugamhi oyi Eshinegba na iloghie-a, a mẹ Akpati Ishobo agho. Igho inyamhisalo ali ukpimhi ali ingmolo ali ikphala, eke e de kulue, eche rote idane deno kule.‡

## 12

### *Oni Okpotso ali Oligio oniemhi*

1 Ukpokpomhi irokhase onyaloa o feli shi idane: Okpotso o ya lao ni itsua ni o so e khi ovo, uki o kpoke awe eyoli, arula oghie oyi ikpetata igbeva o rughu oli ukhomhi. 2 Oo

mẹ. O tsesẹ leghe elemhi otomhe abi o ro ya bia. 3 Igho emhi olese o gbo feli shi idane, ukpokpomhi Oligio oniemhi oyile ni o ze ikhomhi ishilua ali ekphali igbe, ali o rughu irula oghie ishilua shi ukhomhi.\* 4 O ri ughia oyoli fuomhi asheghuo akemhishi ese ikpetata ni e la ukhuli pfino kule eke agbo. Oni Oligio oniemhi o migha oni okpotso ni oku o to egho odalo, ni o ba mẹ asha gbe oli oni omọ ogho le, ini a lese bia li lasele.† 5 Oni okpotso o bia omose ni o ya ri otsuodu akhuli mhesẹ na egbọ ni e la eke agbo nya. Ama a ba oni omọ eke rue ya nga idane ghi Eshinegba ali ukpekhomhi eghiele oyoli.‡ 6 Oni okpotso, o na je odagbe ifufu asha ni Eshinegba o riele shi eke khe oli ni a la ya dua li egbe ogbele agbele ali egbhuegbese (1,260.)

7 Igho okhọli o lasele shi obini iloghie, iMakieni ali igeni eyoli, e nu oni inyagbemhi i kholi. Oni Oligio oniemhi ali igeni eyoli e mie we abo oni okhọli.§ 8 Ama o a mhue ekpabo te iMakeni ali igeni eyoli oni okhọli. Ashini a kpe ro na we obini iloghie o de we obọ-a. 9 A pfi oni ukpokpomhi oni Oligio oniemhi ogho tiemhile eke agbo, oni enye onede ogho ni a lu Etse ali Okphaghie, oni o di agbo nya ya da ode, a pfi oli tiemhile eke agbo, a li pfi igeni eyoli li tiemhile.\* 10 Igho mhi suo ukpokpomhi uruli obini iloghie khi o o li,

“Mena, imiepfuese

ali ekpabo ali

Eghiele oyi Eshinegba oyawa

e she bhale!

iKirisiti oyoli ni o ze

o she ri afu oyoli khase.

Irari khi Okphaghie,

ni o gue ezọ o shi

inyoghuo awa egbe,

odalo oyi Eshinegba

ghe ele oguota ghe ele-iyose,

a she pfi oli tiemhile.†

11 E gbe oli mu oli le,

itobo o lia eyi oni Omi Osumha

ali ingmemhi otsese oyewe.

Ea ligho nono ingme agbo oyewe,

\* 11:15 Li ze Okiali 15.18; iDan 2.44; 7.14,27 † 11:18 Li ze Iwolo 2.5; 110.5; 115.13 ‡ 11:19 Li ze Iro 8.5; 16.18,21

\* 12:3 Li ze iDan 7.7 † 12:4 Li ze iDan 8.10 ‡ 12:5 Li ze Aza 66.7; Iwolo 2.9 § 12:7 Li ze iDan 10.13,21; 12.1;

ifu 9 \* 12:9 Li ze Igbae 3.1; iLuk 10.18 † 12:10 Li ze iJobu 1.9-11; iZaka 3.1



ni o rewe ya ke  
ti je ukhokho na eghuli.

<sup>12</sup> Irarigho, a ke ghele,  
e e iloghie ali egbo  
ni e la elemhi oli.

Ama epfua o khi na  
e eke ali oko oniemi,  
irari khi Okphaghe  
o she ri ofu tiemie deba e!  
Ofu o she vo li elemhi,  
irari khi o lese khi  
ukuku eghenge o ke mholi.”

<sup>13</sup> Abi oni Oligio oniemi o ro me khi a she  
pfi lue tiemhile eke, o khu oni okpotso ni o  
bia oni omoo omose. <sup>14</sup> Ama a ri ipfua eva  
eyi akpa odegbe oniemi na li, ni o ro fiala  
je odagbe ifufu. Ikhi obini a ri ele shi eke  
khe oli ni a la ya ri eloe khu oli, eghenge ali  
igheghe ali ukhukhui eghenge ni o khi ikpe  
ese ali ukhukhui, ini oni inyagbemhi o khi  
ri emhi li o. <sup>15</sup> Oni Oligio oniemi o rote unu  
ku amele lasele abi oko ni oo tu, ro khu oni  
okpotso ni o ba ri ochikpho fuomhi oli ya  
gbe. <sup>16</sup> Ama eke o kpaghe oni okpotso obo  
irari khi eke o nya unu-a ri oni oko da ni oni  
Oligio oniemi o rote unu kpa ku le. <sup>17</sup> Igho  
oni inyagbemhi o pfaa deba oni okpotso,  
o ya mu okholi vule shi imi oli enekpole  
o, ikhi eni e ri Omhese eyi Eshinegba gbe  
akanya, ni e ri igesikia mu otsele oyi ijesu.  
<sup>18</sup> Igho oni Oligio oniemi o migha egele oko  
oniemi.

## 13

*Oni Inyagbemhi ni o rote oko oniemi  
lasele*

<sup>1</sup> Mhi me inyagbemhi khi o rote elemhi  
oko oniemi ngale. O ze ekphe igbe ali  
ikhomhi ishilua, o rughu irula oghie igbe  
shi eni ekphali. Ukhomhi ogbogbo a keke  
eva ni o khi ungmehi ipfiunu-a shi.\* <sup>2</sup> Oni  
inyagbemhi ni mhi me, o li abi ekpe, awe  
eyoli e li abi eyi akpogene, unu oyoli o li abi  
unu odumhi. Oni oligio oniemi o ri afu na  
oni inyagbemhi ni o ro mholi ekpabo ro ke  
mhese abi oghie.† <sup>3</sup> A kuale oni inyagbemhi  
ukpokpomhi utse ni o ge ugboko oniemi.  
Ama oni ugboko ogho o bie. O ri abo sha

agbo nya, e ve deba li. <sup>4</sup> Egbo ee ga oni  
Oligio oniemi irari khi o she ri afu na oni  
elamhako, egbo e li ga oni elamhako, e lie,  
“Oghuo o li abi oni inyagbemhi!” “Oghuo o  
dobe ya nu oni inyagbemhi kholi?”

<sup>5</sup> A ri unu na oni elamhako ni o ro ngme in-  
gmehi emebe ali ipfiunu-a. A ri eghenge  
na li ni o ro ri afu oyoli gbe akanya iki  
egbhuva ali eva. <sup>6</sup> O khueghie unu-a, o  
ngme ipfiunu-a deba Eshinegba, ro pfueche  
eva oyi Eshinegba ali ashini oo la ali egbo ni  
e nu oli la iloghie-a.‡ <sup>7</sup> A ri afu na li ni o  
nu eni Eshinegba o she pfa na kholi, ali ni  
o mu we o le. A ri afu na li ni o mhese shi  
edeli nya, egbo ali emue ododa ali ishishi. §  
<sup>8</sup> Egbo ni e la eke agbo nya e ya ke ga oni  
inyagbemhi. Eni ea ga oni inyagbemhi ona,  
e khi eni a keke eva oyewe shi ebe ni a keke  
eva oyi eni e ya mholi agbo na agbo agbo shi,  
neni a ma agbo. Oni ebe agbo ona o khi ebe  
agbo oyi Omi Osumha ni a ro luase obo.\*

<sup>9</sup> Oni o mholi eso, o ro suo!

<sup>10</sup> Eni okholi o ya mu,  
o mema ya mu we.

Eni a ya gbolo-a,  
a mema ri itakobi  
ya gbolo we-a.

Eri a ri ona lie eni Eshinegba o pfa na e  
ri irabomudu ri egbe mie, e ri igesikia ke  
khase.†

*Oni Inyagbemhi ni o rote agbo lasele*

<sup>11</sup> Igho mhi gbo me inyagbemhi olese ni o  
rote eke e lasele. O ze ekphali eva abi omi  
osumha, oo ngme abi oligio oniemi. <sup>12</sup> O ri  
afu oyi inyagbemhi oni odode e gbe akanya  
na li. O ri itoto ri egbo na eke agbo o ga  
inyagbemhi onodode, ikhi oni ukpokpomhi  
ugboko oyoli o she bie. <sup>13</sup> O ri ele irokhase  
onyaloo enefune, o ga ri erali rote idane e  
tiemhile, ni egbo ee me. <sup>14</sup> Itobo irokhase  
ni a ri afu oyi inyagbemhi onodode lina a  
ri ele, o di egbo ni e la eke agbo. O gueye  
we e khali ikhumhi, ro khi ufumhi na oni  
inyagbemhi ni oni itakobi o kualit utse, ni  
o kie la agbo. <sup>15</sup> A ri afu na li ni o ri  
ayemhe na oni ikhumhi irokhokho oyi oni  
inyagbemhi onodode, ni o dobe ke ngme,

‡ 12:14 Li ze iDan 7.25; 12.7 \* 13:1 Li ze iDan 7.3; Iro 17.3,7-12 † 13:2 Li ze iDan 7.4-6 ‡ 13:6 Li ze iDan 7.8,25; 11.36 § 13:7 Li ze iDan 7.21 \* 13:8 Li ze Iwolo 69.28 † 13:10 Li ze iJere 15.2; 43.11

ali ni a ke gbolo egbọ ni ẹa lama ga li-a. <sup>16</sup> O gbo ri itoto mu ogbokpa shi oṣe shi obita okekhi alukpo, ghe egbọ eniemi ali enikeke, ghe eni ẹ mholi ẹpfue ali eni ẹa mholi, ghe eni ẹa khi ighumha ali eni e khi ighumha. <sup>17</sup> Ogbokhoghuo ọa doṣe ke e de emhikhoghuo wẹkhi eri o ro o de, se ni oni o mholi oṣe ogho, ni o khi eva oyi oni inyagbemhi ali inoba oyi eva oyoli.

<sup>18</sup> Eri onana gueye awa, awa mholi ilasingme. Oni o lolo lese ingme o sa abi a ri oni inoba ona ngme. Oni inoba khi (666), egbhue uye ali igbe ali egbhue ikpamhi esesa. Inoba ni o migha shi ogbọ na.

## 14

*Oni Omi Osumha ali eni egbọ agbele egbhue shilua ali ene (144,000)*

<sup>1</sup> Igho mhi bino. Ghe Omi Osumha odalo oyemhe khi o migha Ute iZayo. Egbọ 144,000 (agbele egbhue shilua ali ene) ni a keke eva oyoli ali eva oyi itali shi we alukpo e nu oli migha.\* <sup>2</sup> Mhi ya roṣe idane suo uruli abi ikhoshe oyi utumhi oyi oko nofuni ni o roṣe ikhomhi eche tu e tiemhile. Oo ngmolo abi akphala. Oni uruli ni mhi suo, o li abi ini eni e kpheli efa, ee kpheli efa. <sup>3</sup> E to uwolo onogbo odalo ukpekhomhi oghie ali ukpeloe oyi eni elamhako aane ni Eshinegba o ma ali ukpeloe oyi eni egbhali. Ogbokhoghuo ọa doṣe wena oni uwolo ogho, se ni egbọ agbele egbhue shilua ali ene egho (144,000), ni a she roṣe eke agbo pfasheke. <sup>4</sup> Enana e khi egbọ ni ẹa ri ikpotso ri ichimhi mu egbewe, irari khi eri e ri egbewe shi ipfuase. E deba oni Omi Osumha a je obiobini o je kpa. Eni a roṣe ifuabo egbọ pfasheke e khi ni a roṣe odode ro na Eshinegba ali oni Omi Osumha pfo. <sup>5</sup> Ogbọ ọa me egbhali okhoghuo unu oyewe, irari khi ẹa mholi umhagueli okhoghuo.†

*Eni Igeni Aase*

<sup>6</sup> Igho mhi me agenilese khi o la iteva irarogbe e fiala, o mhuẹ usomhi onete na agboagbo ni o ro ya tsabo gueye egbọ na agbo, ikhi eni e la ishishi nya, ali edeli nya, ali emue-khi-emue ali egbọ kpa. <sup>7</sup> O ri

ukpokpomhi uruli lie, “Na ulishi Eshinegba, ri ufumhi nali, irari khi eghẹghe iguezo oyoli o she ramhi, a ke ga oni o ma idane ali eke ni o ma oke oniemi ali ashini amo o te e chocho.”

<sup>8</sup> Agenilese onuzava o deba li, oo, “IBabilo okekhui o de, oni o ri onyo ni ọa pfuase oyoli ona okia na ishishi nya da.”‡

<sup>9</sup> Ageni onuzi-aase o deba we, o ri ukpokpomhi uruli lie, “Ini ogbokhoghuo o ga oni inyagbemhi ali ikhumhi oyoli, ni o ro mie oṣe oyoli shi alukpo, okekhi obo, <sup>10</sup> oni ogbọ ogho, o ya roṣe onyo elemhi ibibi oyi Eshinegba li da, ikhi onyo ni aa pfose-a ni a she ku vo uko elemhi ibibi oyoli. A ya ri ofulu ni oo lala biobiobio tose oli-a ukpeloe oyi igeni eni e pfuase ali ukpeloe oyi oni Omi Osumha. § <sup>11</sup> Ewoli oyi anasemhe eyewe ee nga idane agboagbo. Eni e ga oni inyagbemhi ali inyagbemhi ni a khali, ali onini o da mie oṣe oyi eva eyoli ne, ẹa mhuẹ iyemhe shi eleogota, shi eliyose.”\* <sup>12</sup> Eri onana o gueye eni Eshinegba o pfa na e ri irabomudu ri egbe mie, ikhi eni e ri omheshe eyi Eshinegba a gbe akanya, ni e ri igesikia a deba iJesu.

<sup>13</sup> Igho mhi suo khi uruli o roṣe idane lie, “Keke onana: Ikhivose o khi na eni e ghu-a shi elemhi Onomhuẹ roṣe memena vu.”

“Ikhivose o khi na we egbegbo!” “Igho Ayemhe o ngme, khi e ya yemhe inyama-egbe agbo-a, irari khi eminete ni e rieṣe, e ya deba we!”

*Ikhieshe oyi eke agbo*

<sup>14</sup> Igho mhi bino, mhi me otughunu opfopfo odalo oyemhe. Oni o shito o, “O li abi Omi Ogbọ.” O rughu arula igolu oyi oghie shi ukhomhi, o ri agaga ni oo mu mholi obo.† <sup>15</sup> Agenilese o roṣe Owa oyi Eshinegba lasela ri ukpokpomhi uruli lu oni o shito nga ukhomhi otughunu egho leghe, oo li, “Rue agaga oye ni u ke khieshe, irari khi eghẹghe ikhieshe o she ramhi, irari khi agbo o she bie ni a khieshe.”‡ <sup>16</sup> Igho oni o shito otughunu egho, o ri agaga oyoli khieshe agbo.

\* 14:1 Li ze Ezik 9.4; Iro 7.3 † 14:5 Li ze iZef 3.13 ‡ 14:8 Li ze Aza 21.9; iJere 51.8; Iro 18.2 § 14:10 Li ze Aza 51.17; Igbae 19.24; Ezik 38.22 \* 14:11 Li ze Aza 34.10 † 14:14 Li ze iDan 7.13 ‡ 14:15 Li ze iJoṣe 3.13

<sup>17</sup> Ageni olese o rote Owa oyi Eshinegba na iloghie fie lasele, loli o li mholi agaga ni o o mu. <sup>18</sup> Igho ageni olese o rote atete fie lasele, ikhi ageni ni o mholi omhese shi erali. O ri uruli oniemhi lu oni o mholi agaga ni o o mu egho leghe, o o li, "Rue agaga oni o o mu oye, ni u ro khiese ipfonu eke agbo-a, irari khi ipfonu e she yile!" <sup>19</sup> Igho oni ageni o pfi agaga oyoli gase eke agbo, o khiese ipfonu nya, o ku we lo ashini a te e mino onyo. Amino onyo ona, elemhi ibibi oyi Eshinegba o migha shi. <sup>20</sup> Igho a la ashini a la amino onyo ni o la olase oni eoli ri awe gue we. Olia e rote oni amino onyo tu lasele. Utumhi oyi oni o lia o ga nuata ramhi imali egbhuegbe, e limhi abi ete-awe ishe. §

## 15

### *Igeni oshilua ni e tsua anasemhe ishilua*

<sup>1</sup> Igho, mhi me irokhase oniemhi ni o mu eloe olese ukhomhi idane, ikhi igeni oshilua ni e mholi anasemhe ishilua ni e khi eni e kpukhokho, irari khi wewe Eshinegba o ro ya gbe ofu oyoli ukhomhi. <sup>2</sup> Mhi me emini o li abi oke ighegbe oniemhi ni erali e solo shi, o migha epfe oke oniemhi. Egbu ni e mu oni inyagbemhi ali oni ikhumhi oyoli ali inoba oyi eva oyoli o le, e mu efa ni Eshinegba o ro na we mhue abo. <sup>3</sup> E to uwolo oyi iMosisi oni o o ga oyi Eshinegba ali uwolo oyi oni Omi Osumha, e lie,

"Ufumhi ali oshabo  
e khi ikanya eye,  
Eshinegba Onomhue Nofune nya.  
Ipfuase ali igesikia  
ode eye e khi,  
oghie ni o mholi ishishi nya!\*

<sup>4</sup> Oghuo o ya na  
ulishi oye Onomhue,  
ni o ya ri ufumhi  
bhale ghi eva oye?  
Irari khi yeyeghuo kpele  
u khi oni o pfuase.  
Ishishi nya e ya bhale  
ya kuoghi e, irari khi  
ikanya ipfuase eye  
e she ri egbe khase."†

§ 14:20 Li ze Aza 63.3; iLame 1.15; Iro 19.15 \* 15:3 Li ze Okiali 15.1 † 15:4 Li ze ijere 10.7; Iwolo 86.9 ‡ 15:5 Li ze Okiali 38.21 § 15:8 Li ze Okiali 40.34; 1 Ighie 8.10-11; 2 Okhe 5.13-14; Aza 6.4 \* 16:2 Li ze Okiali 9.10 † 16:4 Li ze Okiali 7.17-21; Iwolo 78.44

<sup>5</sup> Onana o dose se, mhi bino, mhi me Owa oyi Eshinegba na iloghie, ni o khi Igholo oyi otsele khi o khueghie-a.‡ <sup>6</sup> Rote oni owa ugamhi, eni igeni oshilua ni e mholi anasemhe ishilua e te lasele. E sono itsua ni e pfuase ni ee ge nyanyanya, e ri ogbene igolu mu aye. <sup>7</sup> Igho otuoghuo eni elamhako aane ni e mholi ayemhe egho, e ri italabi igolu ishilua ni ofu oyi Eshinegba e la, na eni igeni oshilua. Ikhi Eshinegba, ni o lao le agbo agbo. <sup>8</sup> Oni owa ugamhi o vo ewoli oyi ufumhi ali ekpabo oyi Eshinegba. Ogbu okhoghuo o la o ni o dobe lo oni owa ugamhi ya ramhi ni eni anasemhe ishilua e ro gba pfo. §

## 16

### *Italabi ishilua ofu eyi Eshinegba*

<sup>1</sup> Igho mhi suo khi uruli na leghe o rote oni Owa ugamhi oyi Eshinegba gueye eni igeni oshilua, "A ka ku eni italabi ishilua eyi ofu oyi Eshinegba shi eke agbo." <sup>2</sup> Ageni onodode o vu ya ku atalabi oyoli shi eke agbo. Iwali igboko ebe ni e lolo e to, e ge egbu ni e mholi olele oyi oni inyagbemhi, ni e ga oni inyagbemhi ni a khali.\*

<sup>3</sup> Ageni onuzava o ya ku atalabi oyoli lo oke oniemhi, oni oke oniemhi o mele o lia eyi egbu ni e ghua-a. Emhikpa ni e mholi ayemhe ni e la elemhi oni oke oniemhi e ghulua.

<sup>4</sup> Ageni onuzi-aase, o ku atalabi oyoli lo oke ali ichochu ame, e mele o lia-a.† <sup>5</sup> Mhi suo khi ageni ni a ri ame nga obu khi o o li,  
"Ogueso-ezo ni o pfuase  
u khi, irari khi  
u gue so ingme ena,  
Yeye u khi Eshinegba No pfuase,  
Yeye u la o memena,  
ni u kpe la o, ni u gbo ya la o,  
itobu khi igesikia u ro o so ezo eye.

<sup>6</sup> Irari khi egbu e she gbolo  
eni a pfa na-a  
ali emekeguele,  
u she ri o lia na we da,  
abi o ti shi!"

<sup>7</sup> Mhi suo khi atete o tse se, o o,

“Gueguegue,  
Eshinegba Onomhufe Nofune nya,  
iguzo eye, eyi igesikia  
ali eni e te ode e khi!”

<sup>8</sup> Ageni onuzi-aane o ku atalabi oyoli ku ovọ, a ri ekpabo na ovọ o ri erali ke tose egbo-a. <sup>9</sup> Egbo e daghie-a irari utomhi oyi erali, e ze emuebe na eva oyi Eshinegba ni o mhọli ekpabo ro mhesẹ na anasemhe enana, ama ẹa lama mupfi ni e ri ufumhi na eva oyoli.

<sup>10</sup> Ageni onuzi-oshe o ku atalabi oyoli kushi ukpekhomhi oghie oyi oni inyagbemhi, eghiele oyoli o la obili. Egbo e ngomhi elemhi unu, shi oya.† <sup>11</sup> E ku itse na Eshinegba na iloghie irari utomhi ali igboko eyewe, ama ẹa lama mupfi lase ode okholo oyewe le.

<sup>12</sup> Ageni onuzi-osasa o ku atalabi oyoli lo okẹ iYufiretisi ni o fu, o khakha amẹ-a ni ighie na obini ovọ o te ẹ ngale e me asha rote dose.§ <sup>13</sup> Igho mhi me khi ikhiakhi-amhi iyemhe aase ni e li abi ikele e rote unu oyi oni oligio oniemi ali unu oyi inyagbemhi ali unu oyi omekeguele oyi egbholi, lasele. <sup>14</sup> Wewe e khi iyemhe okphaghie ni ee gbe ikanya oshabo, ni e fiẹ deba ighie ni e la eke agbo nya, ni e ya ti we gbili shi okholo ogbele oyi Eshinegba Nofune nya.

<sup>15</sup> “A ghe i, mhi ya bhale abi oghiatọ! Ikhivose o khi na ogbo ni o ya guale, ni o ya ri ẹloe khu ide eyoli ini o khi bano-a ni a me ọli irumheba!”\*

<sup>16</sup> Igho eni iyemhe okphaghie e ti we gbili ashini a ri elemhi Iburu ẹ lui Amagedo.†

<sup>17</sup> Ageni onuzi-oshilua o ku atalabi oyoli nga idane, igho uruli na leghe o rote Owa ugamhi oyi Eshinegba rote ukpekhomhi eghiele ngme lasele, oo li, “A she riẹle ọli!” <sup>18</sup> Igho, inyamhisalo amẹ, ali ukpimi ali ingmolo oyi ikphala ali inighise eke ee bhale. Inighise nabi ogbo-a kpe me ghue abi a te ma ogbo shi eke agbo. Oni inighise o ga khi oniemi!‡ <sup>19</sup> Oni ẹoli oniemi o kemhi asha ese, ẹoli oyi eni ishishi nya e de kua. Eshinegba o sato ẹoli iBabilo no fu egbe.

O mhesẹ uko ni onyo ofu oyoli o vo nali.§ <sup>20</sup> Eke ni e la iteva elemhi okẹ nya e kelea, aa ke me ite ekhoghuo.\* <sup>21</sup> Eche amẹ na idane eniemhi e rote idane de mu egbo. Ee ngmano ku Eshinegba irari eni opfuse oyi eni eche amẹ, irari khi oni opfuse o kholo gba.†

## 17

### Adegbe nofunẹ

<sup>1</sup> Igho ageni oghuo ni o mhọli italabi ishilua o bhale, oo mhe, “Bhale khi mhi ya ri abi a li ya nase oni adegbe onofune khasẹ, ikhi ẹoli oniemi ni o la epfe okẹ ni e bu.\*

<sup>2</sup> Lolẹ ighie na eke agbo e nu kia okia, onyo okia eyoli e gbe egbo ni e la eke agbo.”†

<sup>3</sup> Igho oni ageni o rue mhe je odagbe ifufu elemhi Ayemhe. Igho mhi me okpotso ni o shito nga inyagbemhi oyile, ni o le iwali eva ipfiunu-a, o ze ikhomhi ishilua ali ekphali igbe.‡ <sup>4</sup> Oni okpotso o sono itsua eyile, a ga mema ri igolu ali ifefe ali ema ro khuese ọli-a. O mu uko igolu mhọli obọ ni o vo emhi ighuighue ali ikanya ichimhi eyi itsebo eyoli.§ <sup>5</sup> Emhi osheli na keke shi ọli alukpo khi.

Osheli.

iBabilo Oniemhi.

Inyo idegbe nya.

Ali inyo itsebo nya. <sup>6</sup> Mhi me khi oni okpotso, o da ọlia eyi egbo ni a pfa na, ọlia eyi eni a gbe-a irari khi e mie iJesusu suo. Abi mhi ro me ọli, mhi yila.

<sup>7</sup> Igho oni ageni oo mhe, “Elo o ze ni u ro yila? Mhi ya gueye osheli oyi oni okpotso ali oyi oni inyagbemhi ni oo nga, ni o ze ikhomhi ishilua ali ekphali igbe. <sup>8</sup> Oni inyagbemhi ni u me ni o kpe khi, mena ni ọa ke khi lolẹ, o ya rote ilimhi na ningolo ngale ya je epfua oyoli. Abọ e ya sha egbo ni e la agbo ni aa keke eva oyewe shi ebe ni a keke eva oyi eni e ya mhọli agbo na agboagbo shi, rote igbaekele agbo, ini e me oni inyagbemhi irari khi, o kpe khi, mena ọa ke khi, ni ọa ya bhale.\*

‡ 16:10 Li ze Okiali 10.21 § 16:12 Li ze Aza 11.15 \* 16:15 Li ze iMat 24.43-44; iLuk 12.39-40; Iro 3.3 † 16:16 Li ze 2 Ighie 23.29; iZaka 12.11 ‡ 16:18 Li ze Iro 8.5; 11.13,19 § 16:19 Li ze Aza 51.17 \* 16:20 Li ze Iro 6.14 † 16:21 Li ze Okiali 9.23; Iro 11.19 \* 17:1 Li ze iJere 51.13 † 17:2 Li ze Aza 23.17; iJere 51.7 ‡ 17:3 Li ze Iro 13.1 § 17:4 Li ze iJere 51.7 \* 17:8 Li ze iDan 7.7; Iro 11.7; iwolo 69.28

<sup>9</sup>“Onana o khi emini ogho te e sa usamhi ileasingme. Eni ikhomhi ishilua egho, e khi ikhomhi ite ishilua ni oni okpotso odo shito. <sup>10</sup>Ighie oshilua e li gbo khi. Etuoshe o, e she ghua, oghuo odo kiele e mheshe, oni o kpole o a bhale ne. Ini o da bhale, o mema ya lao ukuku eghoghe. <sup>11</sup>Oni inyagbemhi ni o kpe lao ni o a ke lao egho, o khi oghie onuzi-olale, abeghuo lo li ali oshilua enekpole e li, o ya li je epfua oyoli.

<sup>12</sup>“Eni ekphali igbe ni u me egho, e khi ighie ogbe ni aa ri eghiele na ne, ama a ya ri afu na we elemhi iwakati oghuo tse ni e ro mheshe abi ighie, li shi oni inyagbemhi.†

<sup>13</sup>Enana emhi oghuo e khi, e ya ri ekpabo ali afu oyewe na oni inyagbemhi. <sup>14</sup>E ya nu oni Omi Osumha kholi. Oni Omi Osumha o ya gbe we oni okholi, irari khi Onomhue oyi enemhue o khi, ali Oghie ni o mholi ighie o khi. Irari khi e nu oli la, we we o lu ni o ze, ali ni e khi eni e ri igesikia deba li.”

<sup>15</sup>Igho oni ageni odo me, “Eni oko eniemhi ni u me, ni oni adegbe o shito, egho ali ebubu egho ali ishishi ali emue ododa e la agho. <sup>16</sup>Oni inyagbemhi ali ekphali igbe ni u me egho e ya biselemhi oni adegbe. E pfuse oli-a, e bano oli-a, e nyano li elamhi egbe ro le, e ri erali tose oli-a. <sup>17</sup>Irari khi Eshinegba o roli shi we udu e ri ele emini o gba, lo li e ro lama kugbe ri ekpabo eyewe na oni inyagbemhi ni o mheshe, ya ramhi ni ungmehi oyi Eshinegba o ro bhale ya tse. <sup>18</sup>Oni okpotso ni u me lo li o khi oni eoli oniemhi ni odo mheshe na ighie na agbo.”

## 18

### *Udemhi oyi iBabilo*

<sup>1</sup>Onana o dose se, mhi me ageni olese khi o rote iloghie e tiemhile. O mholi afu nofuno, ugemhi oyoli o ri eke agbo o ge nyanyanya. <sup>2</sup>O ri uruli oniemhi tseshe leghe, o li.

“Eoli iBabilo Oniemhi,  
o she de.  
O she mele ugbebo  
oyi iyemhe eyi  
okphaghi-a,

ali ashini iyemhe  
okphaghi e la lese,  
ashini ipfeli ali elamhako  
ni aa pfuase ni aa ghue,  
e la.\*

<sup>3</sup>Irari khi ishishi nya,  
e she kpo kpo onyo,  
ni o ri ujili e kpha,  
ikhi onyo okia oyoli.

Ighie na eke agbo  
e she kia okia deba li.  
Eduoki na eke agbo,  
e she rote  
iliagbo-tsuakua oyoli  
mhue pfue.”†

<sup>4</sup>Igho mhi suo uruli olese ni o rote idane lie,

“Egho eyemhe, a na li egbe kua,  
ini a khi mhue okemhi  
shi olamhe eyoli,  
ini a khi mhue okemhi  
shi osoli anasemhe oyoli.‡

<sup>5</sup>Irari khi olamhe eyoli  
e she tigbili yagha ramhi idane,  
Eshinegba o she sato  
umha-gueli eyoli.§

<sup>6</sup>A li oli, abi o li e,  
a fali oli ota asha eva  
shi ikanya ni o gbe.  
Onyo ni o toto ni o ro na e da,  
a so oghogho nali da asha eva.\*

<sup>7</sup>A ri osoli ali oyala nali  
ni o gue to ufumhi ali pfue  
ni o rona egboli.

Irari khi eri Oni Okpotso  
o la ekelemhi tono obo udu lie,  
‘Mhemhe mhi khi oni olele!  
Mhi aa tigbe ya khi  
osamhi-olimhi,  
mhi aa tigbe ya  
me oya egbe ghue.’

<sup>8</sup>Irarigho, ogbeleghuo  
anasemhe oyoli  
o ro ya sha rughu oli,  
shi eghuli ali evie  
ali okiamhi.

A ya ri erali tose oli-a.  
Irari khi Eshinegba Onomhue

† 17:12 Li ze iDan 7.24 \* 18:2 Li ze Aza 13.21; 21.9; iJere 50.39; 51.8; Iro 14.8 † 18:3 Li ze Aza 23.17; iJere 51.7

‡ 18:4 Li ze Aza 48.20; iJere 50.8; 51.6,45 § 18:5 Li ze Igbae 18.20-21; iJere 51.9 \* 18:6 Li ze Iwolo 137.8; iJere 50.29 † 18:8 Li ze Aza 47.7-9

ni o ya gue o li ezo,  
onofune nya o khi.”†

9 “Ini ighie na agbo ni e kia okia deba li, ni e nu o li li agbo tsua kua, e ya vie, e vie evie oya na li, ini e me ewoli erali ni ee tose o li-a. 10 E ya tapfia migha ke vie irari ulishi osoli ni a na li, ee lie,  
“Eekhue o Eekhue o  
yeye eoli nofunē,  
iBabilo eoli no mhue ekpabo!  
Elemhi iwakati oghuo tse  
epfua oye o she bhale!”‡

11 “Eduoki na agbo e ya vie o li e vie oya irari khi ogbokhoghuo o ke nu we ya de itsua. § 12 Itsua igolu ali elomho, imieche ni e somhotse ni e ghale, ifefe ali ema, ide epfopo na kpishi, ali eni e yile, ghe ena wono, ali ilolo eni eyile ali itsua ododa ni a ri oora ni e pfi khali, ali itsua ododa ni a ri ekphali eni khali, ali era ni e ghale, ide ali ikhuli ali eche imabo. 13 Ali alagho na lu ikinamoni ali oshamhi ali ituale afu era ali ituale ni a ku e shi olimhi egbe, ali atike ni oo pfi ni o ghale ali onyo ali oili ali ifulawa ali ikpamhi emhi ni a lu ado, ena ali isumha ali ichi ali amoku ni ichi ee tsua, li shi ebo ni e khi ighumha.\*

14 “Eni eduoki e ya lie o li, ‘Imomhi ni u ri ukpeloe shi eke e khe, o she me na. Epfue ali osuemhe eye nya e she kele-a, ni a ke dobe gbolo me ya mie.’ 15 Eduoki ni e ri emhi enana de ni e me elele epfue rote obo oyi oni okpotso, e ya migha tapfia, ulishi osoli ni o me oo mu we. E ya vie e vie oya,† 16 e vie nyogho, ee lie,

“Eekhue-o! Eekhue-o,  
eoli Onofune,  
ni a ri iwulu ichē eneyile,  
ni a ri igolu ali eche  
ni e ghale ali ifefe  
khue akhue!

17 Aboriekhi igho,  
elemhi iwakati oghuo tse,  
eni epfue eniemhi egho  
e li opfu-a.”‡

“Eni e khi ega oko-okē oniemhi nya ali eni e lo oko-okē oniemhi ya asha ali eni e gua li

ali eni e rote okē oniemhi e mie ifata, e ya tapfia migha. 18 Ini e me ewoli eyi utomhi oyoli, e ya lie, ‘Eoli okhoghuo o la o ni o li abi oni eoli oniemhi?’ § 19 E yalo ifufu ku ukhomhi, e ri evie ali oya vie leghe, ee lie,\*  
“Eekhue-o! Eekhue-o,  
yeye eoli oniemhi,  
ni eni e mholi  
oko-okē oniemhi nya,  
e te mholi epfue eyewe  
rote osuemhe oyi oni eoli!  
Elemhi iwakati oghuo tse  
a ro pfuse o li-a.†

20 A ri itobo li  
ke ghele, iloghie,  
A ke ghele,  
ee eni a pfa na  
ali ighiusomhi na kee ali emekeguele!  
Irari khi Eshinegba  
o she gue o li ezo  
shi abi o li nase e.”‡

21 Igho agheni nofunē o rue udumhi eche ni o li abi eche iko pfilo oni okē oniemhi, oo li,  
“Ekpabo na guo  
a ro ya guogho  
eoli iBabilo oniemhi-a,  
aa ke gbo ya

me e eloe ghue. §  
22 Ogbō o ke gbo ya suo  
uruli efa  
wekhi oyi emini aa kpheli  
wekhi oyi ofele,  
wekhi oyi akala  
elemhi yeye oni eoli ona ghue.

Ogbō o ke ya me  
ogbakanya okhoghuo  
elemhi e ghue.  
Ogbō o ke ya suo  
okeke emini a mhele iko,  
elemhi e ghue.\*

23 Erali akpa o ke gbo ya ge  
elemhi e ghue,  
wekhi eri a ya gbo suo  
uruli eni e zu ode  
elemhi e ghue.

Eduoki eye e khi

‡ 18:10 Li ze Ezik 26.16-17 § 18:11 Li ze Ezik 27.31,36 \* 18:13 Li ze Ezik 27.12,13,22 † 18:15 Li ze Ezik 27.31,36 ‡ 18:17 Li ze Aza 23.14; Ezik 27.26-30 § 18:18 Li ze Ezik 27.32 \* 18:19 Li ze Ezik 27.30-34 † 18:19 Li ze Ezik 27.30-34 ‡ 18:20 Li ze iDent 32.43; iJere 51.48 § 18:21 Li ze iJere 51.63-64; Ezik 26.21 \* 18:22 Li ze Ezik 26.13; Aza 24.8

egbo eni e fune na eke agbo,  
u ri ogbho oye  
di ishishi nya wase-a.†  
24 Elemhi oni eoli a me  
olia eyi emekeguele  
ali eyi eni a pfa na,  
ali eni a gboloa shi eke agbo nya.”‡

## 19

### *Okuekhoogo!*

1 Onana o dose se, mhi suo uruli ni o li abi  
okeke oniemi oyi ebubu egbo obini iloghie  
khi oo tse, oo lie,  
“Okuekhoogo,

Imiepfuese ali ufumhi  
ali ekpabo khi  
eyi Eshinegba oyawa.

2 Irari khi iguezo oyoli  
eyi igesikia ali  
eni e sheshe e khi.

O she pfa ezo mu  
adegbe onofune,  
oni o she ri okia eyoli  
yese eke agbo-a.  
Eshinegba o she ye okholi  
to olia eyi eni ee ga eyoli.”\*

3 Igho e gbo tse, e lie,  
“Okuekhoogo!

Ewoli eyoli e she e nga  
idane agboagbo.”†

4 Igho egbhali uye ali aane ali elamhako  
aane, e de yeshi, e ga Eshinegba ni o shito oni  
ukpekhomhi oghie, e lie,  
“Atse! Okuekhoogo!”

5 Uruli o rote oni ukpekhomhi oghie ngme  
oo lie,

“A kuoghi  
Eshinegba oyawa,  
ee ni ee ga eyoli nya,  
ee ni a na ulishi oyoli,  
ghe egbo ni e fu  
ali eni e she!”‡

6 Igho mhi suo uruli ni o li abi uruli  
oniemi oyi ebubu egbo ni o li abi ingmolo  
oyi oke ni oo tu, ni o gbo li abi ingmolo oyi  
akphala. Ee lie,  
“Okuekhoogo!

Irari khi Eshinegba  
Onomhue oyawa Nofune nya,  
loli o le oghie!§

7 Awa ke ghele,  
egbe ke mu awa,  
awa ri ufumhi nali!

Irari khi izu-ode oyi  
oni Omi Osumha  
o she ramhi,  
omueshi o she mu egbe shi eke.

8 Ode opfopfo  
ni o dala ni o pfa, e  
a ro nali so.”

(Oni Ode opfopfo, igue ngeli oyi eni a pfa  
na o migha shi.)

9 Oni ageni oo mhe, “Keke khi. ‘Ikhivose  
o khi na egbo ni a lu shi oni ukue aruele  
oyi izu-ode oyi oni Omi Osumha.’ ” O  
gbolo e mhe, “Ingmemhi enana, egbegbi  
ingmemhi eyi Eshinegba e khi.”\*

10 Igho mhi de ya wugha li awe ni mhi  
ga li. Ama oo mhe, “Khi li gho! Oni oo  
ga nabi yeye ali onabi inyoghuo e enekpole  
mhi khi ni e mu otsele oyi ijesu mhue. Ga  
Eshinegba! Irari khi otsele oyi ijesu o khi  
ayemhe imekeguele.”

### *Oni o nga achi opfopfo*

11 Igho mhi me khi iloghie o khueghie-  
a mhi me achi opfopfo. Oni o nga li a lu  
oze-regbenga ali oni o khi igesikia. Ode ni oa  
mhue azeba o te e so ezo, ni o te e kholi.†

12 Ikpamhi alo eyoli e li abi elemhi ere. O  
rughu irula oghie ni e bu. O mholi eva ni  
a keke shi oli egbe ni ogbo olese oa lese, se  
ni loli ghuo kpele.‡ 13 O so awulu ni a so  
olia. Eva ni a lu oli khi, “Ungmemhi oyi  
Eshinegba.” 14 Ekholi-okhue ni e la iloghie e  
deba li kia, e sono itsua epfopfo ni e dala  
ni e pfa, e nga ichi epfopfo. 15 Itakobi  
ni oo mu o rote unu oyoli lasese, ni o ro ya  
kholi eni ishishi. Otsuodu akhuli o ro ya ke  
mhese na eni ishishi. O ya rote ashini a te e  
mino-onyo mino onyo lasese, Ikhi onyo no  
khi ofu oniemi oyi Eshinegba Nofune nya.§  
16 A keke eva, “Oghie Ni o Mholi Ighie, Ali  
Onomhue Ni o Mholi Ekhemhue,” shi awulu

† 18:23 Li ze iJere 7.34; 25.10 ‡ 18:24 Li ze iJere 51.49 \* 19:2 Li ze iDeut 32.43; 2 Ighie 9.7 † 19:3 Li ze Aza 34.10 ‡ 19:5 Li ze Iwolo 115.13 § 19:6 Li ze Ezik 1.24; Iwolo 93.1; 97.1; 99.1 \* 19:9 Li ze iMat 22.2-3 † 19:11 Li ze Ezik 1.1; Iwolo 96.13; Aza 11.4 ‡ 19:12 Li ze iDan 10.6 § 19:15 Li ze Iwolo 2.9; Aza 63.3; ijoe 3.13; Iro 14.20

na dogo oyoli ali ukhiowe oyoli. <sup>17</sup> Igho mhi me aḡeni khi o migha ovo, ni o vie laselle leghe lui ipfeli ni e la irarogbe e fiala, "A bhale a ka legba shi aruele ogbomhi oniemi oyi Eshinegba. <sup>18</sup> Eghēghe agho ni a le elamhi idiegbe oyi ighie ali ega ekhōli-okhue ni e ri ekhōli-okhue e ye okhue, ali elamhi idiegbe eyi egbo nefune, shi elamhi ichi ali eni e nga we, ali elamhi idiegbe egbo nya, shi ighumha ali eni ega khi ighumha ghe egbo enikeke ali egbo oniemi."\*

<sup>19</sup> Igho mhi me oni inyagbemhi ali ighie na eke agbo ali ekhōli-okhue eyoli khi e lona kugbe, ni e ro nu oni o nga oni achi ali ekhōli-okhue eyoli khōli. <sup>20</sup> Ama a mu oni inyagbemhi ma omekeguele oyi egbhōli oyoli, oni o ri eva oyoli gbe irokhase onyaloa. Eni irokhase ena o ro di egbo ni e mie eni oḡe eyi oni inyagbemhi shi egbe, ni e ga irokhokho oyoli ni a khali. Oni inyagbemhi ali oni omekeguele oyi egbhōli, a mu we pfilo uyele erali ni ofulu o la to kua yala.† <sup>21</sup> Eni e kpoḡe, a ri itakobi oni o roḡe unu oyi oni o nga oni achi gbolo we-a. Eni ipfeli nya e ri elamhi idiegbe eyewe le.

## 20

### *Ikpe Agbele*

<sup>1</sup> Igho mhi me khi aḡeni o roḡe idane e tiemhile o mu okpe ilimhi na ningolo mhōli obō, o tsua ukpokpomhi uweghe. <sup>2</sup> O gamhi oni oligio oniemi rue, ikhi enye onede ogho ni o khi etse ali Okphaghie, o ge oḡi ikpe agbele oghuo.\* <sup>3</sup> O pfi oḡi lo oni ilimhi na ningolo, o pfi okpe o. O pfi oni ilimhi na ningolo unu ma, ini o khi ke gbo me asha di ishishi egbo, ya ramhi ni eni ikpe agbele e ro ya gba. Ini ona o dose se, a mema ya rue oḡi obō-a ukuku eghēghe.

<sup>4</sup> Igho mhi me ikpekhomhi ighie. Eni e shito o, e khi eni a ri afu na ni e ri egbo gue ezō. Igho mhi gbo li me iyemhe eyi egbo ni a kholo ikhomhi o, irari otsele ni e pfi na iJesu ali ungmehi oyi Eshinegba. Eni egbo ena ega ga oni inyagbemhi wekhi irokhokho eyoli, wekhi eri e mie oḡe oyoli shi atete ukhomhi, wekhi obō. E ya te eghuli guale, e ya nu iKirisiti mhesē ikpe

agbele.† <sup>5</sup> Egbo ni e kpoḡe ni e ghuloa ega ke roḡe eghuli guale, ramhi ni ikpe agbele egho e ro gba. Onana o khi iroḡe eghuli guale onodode. <sup>6</sup> Ikhivose ali ipfuase e khi eyi eni e mhōli obō shi iguale onodode onana. Eghuli onuzi-eva oga mhōli ekpabo shi egbo eghogho egbe, ama e ya khi ekpodalo-ugamhi eyi Eshinegba ali eyi iKirisiti. E ya nu oḡi mhesē ikpe agbele.

<sup>7</sup> Ini eni ikpe agbele e gba se, a ya taghie Okphaghie owa ighumha oyoli-a. <sup>8</sup> O ya fie laselle ya di egbo ni e la ishishi nya na eke agbo, ikhi egbo ni a lu iGogi ali iMagogi, ni o ro ti we gbili shi okhōli. Eri e bu abi ekhashe ni e la egele oke oniemi.‡ <sup>9</sup> Igho e to ogholi ya gbe eke agbo khia, e pfi gase apfe eyi egbo eyi Eshinegba, eoli ni o nono egbegbo. Ama erali e roḡe idane tiemhile ya tose we-a. <sup>10</sup> Oni etse ni o di we, a mu oḡi pfilo erali ilimhi iriere ni ofulu o la to kua yala. Ikhi ashini a pfi oni inyagbemhi ali omekeguele oyi egbhōli lo. A ya la agho na we osoli agboagbo, no gbe no bi.

### *A ri eni e ghu-a gue ezō*

<sup>11</sup> Igho mhi me ukpokpomhi ukpekhomhi oghie opfopfo ali oni o shito o. Abi o shito egho, eke ali ukhui e kele-a, ega ke me ashikhoghuo la. <sup>12</sup> Igho mhi me egbo ni e ghuloa, ghe oniemi, ali enikeke, e migha odalo oni ukpekhomhi oghie. Igho a khueghie ebe ni e bu-a. A gbo khueghie ebe olese-a ni o khi ebe ni a keke eva oyi eni e ya mhōli agbo na agboagbo shi. A gue eni e ghu-a ezō abi ikanya ni e gbe e li, abi a li keke we shi eni ebe.§ <sup>13</sup> Oke o kpa egbo ni e ghuloa shi o ku laselle. Eghuli, ali ilimhi, e khueghie unu-a kpa egbo ni e la elemhi we ku laselle. A gue oghogbo nya ezō abi o li gbe. <sup>14</sup> Igho a pfi Eghuli, ali ilimhi lo uyele erali. Erali ilimhi iriere onana o khi eghuli onuzi-eva. <sup>15</sup> Onini eva oyoli oga da la oni ebe ni a keke eva oyi eni e ya mhōli agbo na agboagbo shi ne, eri a ya pfi oḡi pfilo oni erali ilimhi iriere.

## 21

### *IJerusalemu Onogbo*

\* **19:18** Li ze Ezik 39.17-20 † **19:20** Li ze Iro 13.1-18  
Li ze Ezik 7.2; 38.2,9,15 § **20:12** Li ze iDan 7.9-10

\* **20:2** Li ze Igbae 3.1 † **20:4** Li ze iDan 7.9,22 ‡ **20:8**



1 Igho mhi li me iloghie onogbo ali eke agbo onogbo. Iloghie onodode ali eke agbo onodode e she kala-a, igho li khi oke oniemi.\* 2 Mhi me oni eoli ni o pfuase ikhi oni iJerusalemu onogbo khi o rote idane e tiemhile rote obo oyi Eshinegba, abi omueshi ni a khusese somhotse e ghi odo li.† 3 Igho mhi suo ukpokpomhi uruli khi o rote oni eghiele e lie, “A ghe khe! Eshinegba o ri apfe oyoli tiemhile deba egbo, eri o ke ya nu egbo ngeli kugbe, eni egbo e ya khi egbo eyoli, Eshinegba o ya nu we la kugbe.‡ 4 O ya shishi we amevie alo-a, eghuli o ke ya lao, wekhi eri a ke ke vie wekhi asha o ke ya ke to ogbo, irari khi emini edio e she dose.”§

5 Oni o shito oni ukpekhomhi oghie oo li, “Ghe khe, Mhi ri emhikpa a mele enegbo-a!” Igho oo, “Keke emhi enana shi eke irari khi ingmemhi ni a ri egbe e da ni e khi igesikia e khi.”

6 Oo mhe, “A she li oli. Mhemhe mhi Aafa ali Omega, mhemhe mhi khi igbaekele ni mhi khi ozukhomhi. Oni okiamе oo gbe, mhi ya rote oke ni oo chocho ame, ni o ri agbo a na ogbo na li da afue.\* 7 Oni o da mu o le ne, o ya mholi ikhivose ona, ni, Mhemhe mhi ya khi Eshinegba oyoli, lolli o khi omimhe.† 8 Ama egbo ni e khi enulishi ali eni ea ya lama miesuo, ena angeli ichimhi ali egbugbeli, ali ena itsebo eni e mu imhese ogbho ali eni ega ikhumhi, ali e lo egbholi nya, okiemhi oyewe o ya khi erali ilimhi irierie ni ofulu la to kua yala. Onana khi eghuli onuzi-eva.”

9 Ageni oghuo eni oshilua ni o mholi italabi ishilua ni e vo anasemhe ishilua ni e kpe ukhokho, o bhale ya lie mhe, “Bhale, mhi ya ri oni omueshi onogbo khasе, ni o khi ughue oni Omi Osumha.” 10 Elemhi oni ayemhe, oni ageni o tsua mhe nga ukhomhi ute oniemi ni o yagha, o remhe khasе oni Eoli-No-pfuase ikhi iJerusalemu, khi o rote idane te obo oyi Eshinegba a tiemhile.‡ 11 O ri ufumhi oyi Eshinegba ge nyanyanya. Ugemhi oyoli o li abi echeli ni o somhi otse ni a lu ijasipa ni o li abi ughegbe. 12 O mholi

ukpokpomhi ugbe ni o yagha ni o mholi ode inuekpe igbeva. Eni ode inuekpe, igeni ogbava e la o. Eni ode inuekpe igbeva ena a keke eva eyi edeli igbeva eyi iZireni shi o. 13 Ode inuekpe esese e la obo-ugbe enenene oyi oni ugbe. Ese e la ukiekie obini ovo o te e ngale oyoli, ese e la ukiekie obita, ese e la ukiekie ogobo, ese e li la ukiekie obini ovo o te e lo eko.§ 14 Oni ugbe ni o gasе oni eoli o mholi eche irogbekе igbeva. Eni eche irogbekе ena, a keke eva eyi ighiusomhi na kee ogbava eyi oni Omi Osumha shi o.

15 Oni o nu mhe e ngme, o mholi ukpokpo ni a roo mhesе emhi ni o khi igolu ni o ro ya mhesе oni eoli ali eni ode inuekpe ali igbe eyoli.\* 16 Oni eoli o ze abo igbe ene, ni iyagha ali inuata ali uemhi eyoli e li abizize. O mhesе oni eoli, o ya khi ikuku emhi ea la imali agbele ali egbhueshe ashi ishe (1,500), unuemhi ali uemhi eyi eni abo igbe ali iyagha eyoli e khi abizize. 17 Oni ageni o li mhesе ugbe oyoli, e ya khi ete-awe egbhuegbe. Abi awa lie mhesе eke. 18 Ugbe oyoli, eche ijasipa a ro ma li, oni eoli o khi egbegbi igolu ni a te e me eke abi ughegbe. 19 Irogbekе oyi igbe ni a ma gasе oni eoli e ya khi eche ni e ghale ododa. Onodode o khi ijasipa, onuzi-eva o khi isafaya, onuzi-ese o khi ikalisedoni, onuzi-ene o khi emeradi, 20 onuzi-ishe o khi isadonizi, onuzi-esesa o khi ikaneliani, onuzi-ishilua o khi ikirisolati, onuzi-elele o khi iberili, onuzi-itili o khi itopazi, onuzi-igbe o khi ikirisopirazi, onuzi-igbaghuo o khi ijasiti, onuzi-igbeva o khi ametisiti. 21 Eni ode inuekpe igbeva e ya khi ifefe. Ode unuekpe ogbogbo a ri ufefe oyoli riefe oli. Ode agbala ni o la oni eoli, egbegbi igolu ni a te e me eke abi ughegbe a ro ku oli.†

22 Mhi aa me Owa ugamhi okhoghuo oni eoli, irari khi Eshinegba Onomhue Nofune nya ali Oni Omi Osumha wewe e khi Owa Ugamhi ni e la agho. 23 Oni eoli o ke mholi emini o ri ugemhi oyi ovo wekhi oyi uki ya li. Irari khi ugemhi oyi Eshinegba lolli o khi akpa ni o la agho, oni Omi Osumha o khi

\* 21:1 Li ze Aza 65.17; 66.22; 2 iPit 3.13 † 21:2 Li ze Aza 52.1; 61.10; Iro 3.12 ‡ 21:3 Li ze Ezik 37.27; iLev 26.11,12 § 21:4 Li ze Aza 25.8; 35.10; 65.19 \* 21:6 Li ze Aza 55.1 † 21:7 Li ze 2 iSam 7.14; Iwolo 89.26-27 ‡ 21:10 Li ze Ezik 40.2 § 21:13 Li ze Ezik 48.30-35 \* 21:15 Li ze Ezik 40.3 † 21:21 Li ze Aza 54.11-12 ‡ 21:23 Li ze Aza 60.19-20 § 21:24 Li ze Aza 60.3

ákpá ni o la agho.‡ 24 Egbò na agbò nya e ya ri oni ákpá ke kia, ighie ni e la agbò e ya tsua epfue eyewe bhale agho. § 25 Ogbò ọa ya tigbe khukhu ode inuekpè ni e lo oni ẹoli le ghue, itobò khi ogbò ọa ya mē ẹliyosẹ agho. 26 A ya tsua epfue ali ufumhi eyi ishishi lo oni ẹoli le.\* 27 Ama, emini e ri ichimhi e mu ọa ya tigbe lo agho le, wẹkhi ogbò ni ọọ gbe ikanya omama ali ni ọ riẹlẹ emhi egbhue, sẹ khi egbò ni eva oyewe o la ebe ni a keke eva oyi eni e ya mholi agbò na agboagbò shi oyi oni Omi Osumha.†

## 22

### *Oke Amẹ Agbò*

1 Igho ọ ri okẹ amẹ ni o ri agbò ọ na ogbò khasẹ mhe, okẹ ni o pfuasẹ abi ughegbe, ni o rọte ukpẹkhomhi Eghiele oyi Eshinẹgba ali oyi Omi Osumha tu u lasese.\* 2 Oni okẹ o rọte iteva oyi oni ode agbala ni o la oni ẹoli. Ukiekie eve-eva oyi oni okẹ, ọọra ni o ri agbò ọ na ogbò e migha, ni o mọ idumhi igbeva ododa, ni ọọ mọ idumhi uki kpa. Ebe oyi oni ọọra a rọ ri ishishi ẹẹ ze.† 3 Emhikhoghuo ni Eshinẹgba ọ pfi unu na ọa ke ya la agho. Ama ukpẹkhomhi oghie oyi Eshinẹgba ali oyi Omi Osumha oyọli e ya la agho, eni ẹẹ ga eyọli e ya ke ga.‡ 4 E ya mē alo eyọli, ali eva oyọli o la wẹ alukpo. 5 Ẹliyosẹ ọa ke ya laọ. Ẹa mholi emini e ri ugemhi oyi ákpá ali ugemhi oyi ovọ ya li, irari khi Eshinẹgba Onomhue lolighuo ọ ya khi ákpá oyewe, e ya ke mhesẹ abi ighie agboagbò. § 6 Oni ageni ọọ mhe, “Eni ingmemhi enana, eni a ri egbe e da e khi, e gbo khi igesikia. Eshinẹgba Onomhue ni ọ ri ayemhe oyọli na emekeguele, lolli ọ ghie ageni oyọli ọ ka rokhase eni ẹẹ ga eyọli, emini a ya mē ni ọa ke ya tẹse.”

### *Ijesu ọ ya bhale*

7 “A ghe ii, mhi kele ya bhale! Ikhivose ọ khi na ogbò ni o ri ingmemhi imeguele ni e la ebe onana gbe akanya.”

8 Mhemhe iJoni mhi suo, ni mhi gbo mē emhi enana. Abi mhi rọ suo, ni mhi rọ gbo

mē na, mhi de ya wugha oni ageni ni ọ ri eni emhi enana khasẹ mhe awe ni mhi ga li. 9 Ama ọ gueye mhe, “Khi li igho, oni ọọ ga nabi yeye ali onabi inyoghuo e emekeguele, ali eni e ri ingme ni a keke shi ebe onana gbe akanya mhi li khi. Ga Eshinẹgba!”

10 Ọọ mhe, “Khi khukhu ingmemhi imeguele ni e la ebe ona, irari khi oni eghẹghẹ ọ she ti ramhi. 11 Oni ọọ riẹlẹ onobe, ọ ke riẹlẹ tsee, oni ọọ gbe ikanya ichimhi, ọ ke gbe tsee, oni ọ guẹ a ngeli, ọ guẹ ke ngeli tsee, oni ọ pfuasẹ, ọ pfuasẹ ke le tsee.”\* 12 “A ghe ii, mhi kele ya bhale, mhi tsua ifata eyemhe, mhi ya fali ogbogbo ota abi ọ li gbe.† 13 Mhemhe mhi khi Aafa ali Omega, Mhemhe mhi khi oni Odode ali Okpukhokho, ni mhi khi Igbaekele ali Ukpese.‡

14 “Ikhivose ọ khi na egbò ni e pfue iwulu eyewe-a pfuasẹ, ni e mhue obọ shi ọọra ni o ri agbò a na ogbò, ali ini e ba mē asha rọte ode unuekpè ni o lo oni ẹoli, le lole. § 15 Ewa e la oolase oni ẹoli, ali eni e mu imhesẹ ogbho ali eni e li itsebo ali egbò ugbeli ali eni e ga ikhumhi ali eni e da nono ingme egbholi, ni e di egbò.

16 “Mhemhe iJesu mhi she ghie ageni oyemhe ọ ri otselẹ ona ghi e eni igbaa nya eyi eni e mie iJesu iKirisiti suo. Mhemhe mhi khi Umhili ali Omiami iDefidi, Mhemhe mhi khi Ukpətata ni ọ ge eluzogbe.”\*

17 Oni Ayemhe ali omueshi onogbo ọọ li, “Bhale!” Oni ọ suo ona ọ li lie, “Bhale!” Oni okiamẹ ọọ gbe ọ bhale, ali onini o ghole o bhale ka da amẹ ni o ri agbò a na ogbò, afue afue.†

18 Mhi tse agua ye ogbò ni ọ suo imeguele ni e la ebe ona. Ini ogbokhoghuo ọ khi ma ọ, Eshinẹgba ọ ya khi anasemhe ni a keke shi ebe ona ma li agbò. 19 Ini ogbokhoghuo ọ rọte ingmemhi imeguele ni a keke shi ebe onana rue pfi-a, Eshinẹgba ọ ya mie ọli okemhi ni ọ mholi shi ọọra ni o ri agbò a na ogbò, ali ashini a khi na li shi ẹoli ni o

\* 21:26 Li zẹ Aza 60.11 † 21:27 Li zẹ Aza 52.1; Ezik 44.9 \* 22:1 Li zẹ Ezik 47.1; iZaka 14.8 † 22:2 Li zẹ Igbae 2.9; Ezik 47.12 ‡ 22:3 Li zẹ iZaka 14.11 § 22:5 Li zẹ Aza 60.19; iDan 7.18 \* 22:11 Li zẹ iDan 12.10 † 22:12 Li zẹ Aza 40.10; 62.11; Iwolo 28.4; iJere 17.10 ‡ 22:13 Li zẹ Iro 1.8,17; 2.8; Aza 44.6; 48.12 § 22:14 Li zẹ Igbae 2.9; 3.22 \* 22:16 Li zẹ Aza 11.1,10 † 22:17 Li zẹ Aza 55.1 ‡ 22:19 Li zẹ iDeut 4.2; 12.32

pfuase, ni a ngme ingme oyoli shi oni ebe onana.‡

<sup>20</sup> Oni o pfi ọtsẹle shi ebe onana, ọọ, “Igesikia lo, mhi kele ya bhale.”

Atse. IJesu Onomhuẹ bhale.

<sup>21</sup> Okhale oyi iJesu Onomhuẹ o ka nu eni miesuọ nya la, Atse.